







John Carter Brown  
Library  
Brown University









# HISTOIRE DE NOS TRE TEMPS.



CLOVIS



PHILIPPE CAPET




CHARLEMAGNE



S. LOUIS

A PARIS.  
Chez Jean Petit-Pas, rue  
Saint-Jacques a l'Escu  
de VENISE.  
M D CXXVI  
Avec Privilège du Roy.





HISTOIRE DE LA  
**REBELLION**  
EXCITE'E EN FRANCE  
PAR LES REBELLES DE LA

Religion pretenduë Reformée.


**DEPUIS LE RESTABLISSEMENT DE**  
*la Foy Catholique en Bearn, en l' Année 1620.*  
*iusques à present.*

**OV L'ON VOID LEVRS ENTREPRISES**  
diuerſes, les reſolutions de l'Assemblée Rocheloise, Cercles du  
Languedoc, Synodes d'Alez, Colloque de Montauban, leurs ne-  
gociations & pratiques estrangeres contre l'autorité du Roy.

**LA ROYALLE CONDVITE DES ARMES DE**  
ſa Maieſté en la Reduſtion de 75. places d'Oſtages & de ſeureté;  
Sieges notables de S. Iean d'Angely, Nerac, Clerac, Montauban,  
Monheur & autres.

**LES EXPLOICTS DE GVÉRRE DES DVCS**  
de Mayenne, de Montmorency, d'Angouleme & d'Espernon,  
en Guyenne, Languedoc, Xaintonge & pays d'Aulnix.

**ET GENERALEMENT TOVT CE QVI S'EST PASSE**  
*de memorable en France, en l' Empire, Hongrie, & Pologne,*  
*en Espagne, Angleterre, Grisons, & pays bas,*  
*ez, années 1620. 21. & 22.*




**A PARIS.**

Chez I E A N P E T I T - P A S, rue ſainct Iacques à l'Eſcu  
de Veniſe près les Mathurins.

**M. DC. XXII.**

**AVEC PRIVILEGE DV ROY.**







A TRES-HAVT  
ET PVISSANT SEI-  
GNEVR MESSIRE HENRY  
de Schomberg , Comte de  
Nantheüil & de Duretal, Con-  
seiller du Roy , en ses Conseils  
d'Estat & Priué, Cheualier de  
ses Ordres , Capitaine de cent  
hommes d'armes de ses Or-  
donnances, & Surintendant de  
ses Finances.

ONSEIGNEVR,  
*Voicy le debris d'vne re-*

*bellion puissante reduicte  
au petit pied par les armes du Roy, que  
i'ay descrit, & enuoye au public sous  
les adueuz de vostre illustre gran-  
deur; non pas que i'espere en cecy vous*

faire voir choses nouvelles à vostre  
cognoissance, mais seulement l'entiere  
affection d'une ame entierement  
portee au service de Dieu & du Roy.  
Je ne passe icy que sur la superficie des  
affaires, vous les sçavez, vous les co-  
gnoissez en leur centre, vous les avez  
veuës, vous les avez maniees, vostre  
courage s'y est faiët paroistre, avec tel  
contentement de sa Maiesté, que le los  
qu'elle vous en donne, & que le public  
vous defere, sont autät de Lauriers &  
de Palmes d'honneur qui eternisent l'e-  
ternité de vos gloires, & releuent vos  
merites par dessus les vertus de vos  
ancestres, à la gloire de vostre Illu-  
stre maison & au bien de cette Mo-  
narchie. Ce present est si peu de chose  
au respect de ce qui se doit sousmet-  
tre à vos gloires, que tout le subiect  
qui me porte de vous en faire hom-  
mage, n'est qu'au dessein de vous

tesmoigner que ie participe au contentement que la France reçoit de vous voir employé avec tant de soing & de travail pour le service du Roy & repos de son Estat en l'exercice des charges que vous possédez avec tant de merite & de dignité, & par mesme voye vous faire cognoistre que ie suis le moindre, mais le plus ambitieux d'estre de vostre grandeur.

MONSEIGNEUR

Tres-humble & tres-obeyssant  
seruiteur, C. M. H.






## AV LECTEV R.



My Lecteur, tu seras aduertique la passion ne m'a point porté au dessein de cette Histoire: mais le seul respect de la Maiesté Royale offencée en son autorité par les actions & malicieux procedes des rebelles de la Religion pretendue reformée, qui ont paru au scandale vniuersel de tout le corps des Catholiques & de plusieurs gens de bien de ladite Religion, qui se sont maintenus en leur deuoir. Je remonte iusques à l'origine & pretexte du mal pour les faire voir en leur tort, & le peu ou point de subiet qu'ils ont eue de nous auoir ietté dans vn trouble si furieux, où tant de genereuse noblesse a tesmoigné de son affection au seruice du Roy aux despens de leur sang. Tu y verras vn ordre d'Histoire, deduit selon les temps que les affaires se sont peu agiter aux Prouinces & ce avec la verité plus



grāde que i'ay peu recueillir: Je ne doute pas que tu n'y trouue quelque mesprise: si tu la iuge d'importance & si la recognois, oblige nous de nous en donner aduis: vne si grande quantité de memoires recueillis de personnes si diuerses, & de lieux si distans de nostre seiour, ne peuuent estre sans faute: nous serons icy comme d'autres Apelles le pinceau & la plume à la main prests à reparer les deffauts que tui trouuerras, Adieu.





SOMMAIRE DES CHOSES  
MEMORABLES CONTE-  
nuës en ceste Histoire de la  
Rebellion excitée  
en France.

M. DC. XX.

*Attentats des Rebelles de la Religion pre-  
tendue Reformee, proiettez au Synode Natio-  
nal d'Alez,* pag. 4.

Diuision des assemblees huguenottes, les desordres  
d'icelles, de dangereuse consequence quand elles se  
tiennent sans permission du Roy. Leur artifice &  
mauuais desseins.

*Synode d'Alez.* 9.

Restablissement de la Religion Catholique en  
Bearn, pretexte de la rebellion des Protestans. Nom-  
bre des Ministres trouuez en ce Synode. L'ouuertu-  
re d'iceluy, actes & conclusions d'iceluy.

*Pratiques de l'Escun & de Vigneaux Bear-  
nois à Montauban, pour faire sousleuer ceux  
de la Religion contre l'ordre estably par le Roy  
en Bearn.* 33.

Lettre de conuocation pour l'assemblee de Mil-  
hand pour prendre resolution là dessus.

## T A B L E.

*Articles de l'assemblée de Milhaud, ten-  
ans à la rebellion.* 36.

Abbregé de l'assemblée generale de la Rochelle resolu à Montauban. Charges donnees à leurs Grands. Gardes establies aux villes du party: sommation faicte de leur part au Duc de l'Esdiguieres, & au sieur de Chastillon. Cortisatio des villes rebelles. Assemblies d'Anduse aux Seuennes: ordre des deputez par les Colloques. Promesses aux Bearnois. Assurance du sieur de Chastillon.

*Origine de la rebellion de Priuas en Vinarets.* 43.

Assemblée annuelle du Cercle du Languedoc: la conuocation d'icelle faicte à Priuas, où ils resoudent la rebellion contre le Vicomte de l'Estrange sieur de Priuas: son mariage avec la Dame de Chambauld. Va visiter Priuas. Est attaqué de ses subjects rebelles. Buson auteur de ceste rebellion. Le Duc de Montmorency en à aduis, retourne en Languedoc, & s'achemine à Priuas: faict retirer Buson, reduit la place à son deuoir, & y restablit la Messe: rebelles faussent leur foy: se rendent maistres de la place, assiegent le chasteau, force le sieur de S. Palaix qui estoit Lieutenant du sieur de l'Estrange: combat entre le chasteau & la ville: qui est finalement pris des rebelles & ses fortifications ruinees: armement du Duc de Montmorency pour chastier les habitans de Priuas.

*Siege de Villeneuve le Berg par le Duc de Montmorency.* 68.

Se rendent à luy, y establit la Messe. Le sieur de Reaux, Exempt des Gardes enuoyé du Roy pour faire desarmer ledit Duc & le sieur de Chastillon.

*Siege de VVals en Vinarets par le Duc de Montmorency.* 71.

Son assiette. Sagarnison. Mort du sieur de Moresse



en ce siege. Rebelles parlementent: obtiennent pardon en faueur du sieur de Reaux. Reduction dela place. La Messe y reſtablie, pluſieurs habitans conuertis à la foy par les leſuites. Secours du ſieur de Chaſtillon inutile pour V Vals.

V Valos reuolté par le cōſeil du ſieur d'Antiege Capitaine du ſieur de Chaſtillon, qui en chaſſe l'Exempt du Roy & la garniſon. 76.

Aſſiéé par le Duc de Montmorency. Leurs ſorties malheureuſes: le ſieur de la Rochecolombe tué en ce ſiege: batteries ſur la place, aſſaut diſpoſé. D'Antiege demande ſaufcōduit pour traiter avec le Duc de Montmorency: eſt conduit vers luy en ſeureté: approche du ſecours du ſieur de Chaſtillon: grace faiſte à d'Antiege, il rend V Valons: ſa ſortie: pillage accordé aux ſoldats. La Messe y reſtablie.

Pratiques de l'Eſcun & de Vigneaux en Bearn. 80.

Entreprife ſur Nauarrins. Traiſtres ſurpris. Conſpiration decelee. La ville ſoiuile pour deſcourir les conſpirateurs. Autres conſpirations en la meſme. Priſonniers interrogez. Execution deſ traîtres.

Perſecution des Catholiques en Bearn. 87.

Lettre de monſieur Maſuyer premier Preſident de Thoulouſe ſur les deſordres de Montauban, Caſtres & Comté de Foix, enuoyée au Roy. 87.

Perſecution des Eccleſiaſtiques à Montauban. 92.

Conſuls de Montauban s'en veulent lauer les mains enuers le premier Preſident de Thoulouſe. Lettres que ils luy eſcriuēt. Plaintes deſdits Eccleſiaſtiques audit ſieur premier Preſident. Lettre qu'ils luy enuoyent ſur leur perſecution.



# T A B L E.

## *Traictement des Catholiques à Nismes.*

96.

Le Pere Iacques George Iesuite en danger dans Nismes. Cercle du Languedoc assemblée en icelle. Sieur de Chastillon y esleu pour Chef des Eglises rebelles, & son pouuoir. Son zele à deffendre Priuas. Prudence du Duc de Montmorency contre luy.

### *Assemblée generale de la Rochelle.* 98.

Lettres de la conuocation enuoyees par les Eglises pretendues reformees de France. Mandement du Roy aux Rochelois pour leur deffendre de recevoir ladite assemblée. Leur respõce. Auis venus au Roy de l'artifice mauuais des rebelles.

### *Declaration du Roy contre la conuocation de l'assemblée de la Rochelle.* 101.

Demandes principales des gens de la Religion pretendues assemblez à Loudun. Subiet du voyage du Roy en Guyenne. Artifice pour conuoyer ladite assemblée generale: desaduouïee du Roy. Cõminations faictes aux Rochelois pour ne la recevoir. Signification de ladicte declaration du Roy faicte à la Rochelle par vn huissier du Parlement de Paris.

### *Lettre du sieur du Pleßis au Duc de Montbason sur l'assemblée de la Rochelle.* 105.

Est aduocat de ladite assemblée: en donne raison. Responce du Duc de Montbason audit sieur du Pleßis: refute ses raisons.

### *Voyage du Roy en Bearn, & la cause d'iceluy.* 108

Bearnois cause de leur mal. Affaire du Gouvernement de Leictoure sagement conduicte. Artifices des seditieux Sage preuoyance du Roy pour Leictoure. Sieur de Blainuille estably Gouverneur en icelle.

# M. DC, XXI.

## *Retour du Voyage du Roy en Picardie.*

112.

Armee Royale laiffée en Poitou & Xaintonge.

### *Députation de la Rochelle en Cour.* 113.

Deputez renuoyez au Conseil. Sommaton faicte au Duc de l'Esdiguieres par l'assemblée de la Rochelle. Sa responce aux Deputez Les reprend de trop de precipitatiō. Son arriuee en cour: son travail pour l'accocomodement des affaires: escrit à la Rochelle.

### *Demandes effrontees de l'assemblée de la*

*Rochelle.*

116.

Leuent les tailles & deniers Royaux, en Aulnix & Xaintonge. Lettres patentes du Roy portans defences de faire aucunes leuees ny Collections de deniers. Audace nompareille desdits rebelles

### *Estat de Conneftable offert au Duc de*

*l'Esdiguieres.*

118.

Son excufe loüable. Donne fa voix au Duc de Luy-nes: fa reception en l'Estat. Serment faict a la table de marbre au Palais.

### *Allarme dans Saumur fausse & vaine.*

119.

### *Assemblée des gens de la Religion à Lon-*

*dun.*

120.

Garnifons & fortifications augmentees dans saumur. Querelles contre les Escoliers de l'academie & les foldats de la Garnifon de Saumur. Catholiques y font mal affeurez en l'abfence du fieur du Pleffis. Son retour affeure les habitans.

## TABLE.

### *Mencees du Marquis de la Force en Bearn.*

122.

Faveur que le Roy luy accorde : empeschée par sa rebellion. Commission donnée au Duc d'Espèrnon pour entrer en Bearn. Commandement du Roy audit Marquis de poser bas les armes. Sa responce au sieur de la Saladie enuoyé vers luy de la part du Roy. Est desmis de ses charges.

### *Voyage du Duc d'Espèrnon en Bearn.*

124.

Marquis de la Force veut obeir le voyant. Responce genereuse du Duc audit Marquis. Exploits dudit Duc en Bearn: Fuitte dudit Marquis & des siens. Obeyssance renduë en Bearn par les armes dudit Duc. Faict raser le chasteau de Montanay.

### *Sedition de Tours contre ceux de la Religion.*

126.

Subiet & origine d'icelle. Cadaure d'un pretendu deterré. temple des huguenots brulé.

### *Esmotion à Poitiers contre lesdits de la Religion.*

128.

### *Commandement du Roy pour chastier les seditieux de Tours.*

128.

Commission & enuoy du sieur le Doux Maistre des Requestes audit Tours pour faire punir les seditieux. Leur emprisonnement. Seconde esmotion de Tours contre la Iustice. Declaratiõ du Roy en consequence de ceste sedition.

### *Debat du Cardinal de Guise avec le Duc de Nevers.*

130.

Subiect de leur differend. Viennent aux parolles & iniures, puis aux prises chez le sieur Guinet Rapporteur de leur procez. S'appellent au duel. Princes & Seigneurs de part & d'autre. Combat empesché par

*M. DC. XXI.*

la preuoyance du Roy. Rendez vous au lieu du combat. Le sieur de la Curee empesche le duel. Prise & detention du Cardinal de Guyse. Est mené à la Bastille. Remis en liberté.

*Ranages des rebelles de Montauban & Castres.* 134.

Carabins faicts à Thoulouse pour leur courir sus. Emprisonnement de la Combespicoureur de Montauban. Rebelles menacent de repressailles en cas que les Tholosains ne le deliurent. Conseillers Catholiques troublez par leurs Colloques heretiques dans Castres.

*Conseil de guerre assemblé dans Fontaine-leau.* 137.

Resolution du Conseil. Departement de l'armee du Roy. Enuoy des Princes en leurs Gouvernemens. Commandement du Roy aux Duc de Montmorency & Marechal de Themines. Duc de l'Eldiguere demeure en Cour. Charges donnees aux Ducs de Vendosme & de Longueuille.

*Declaration du Roy sur le subiet de son voyage.* 139.

Publie son intention. Munitions de guerre enuoyees en Poictou.

*Chalas deputé de la Rochelle, donne aduis à l'assemblée de la resolution du Roy.* 140.

Emotion des Rochelois appaisée par la prudence du Maire. Ordonnance dudit Maire pour la protection des Catholiques.

*Dessein des rebelles, si le Roy ne les eut empeschez.* 146.

Veulent former vne Republique à la Hollandoise. Rapports de leurs anciens desseins par la Popeliniere.



## T A B L E.

*Guerre entreprise par le Roy contre la rebellion & non contre la Religion.* 149.

Leur intention en l'an 1615. recogneuë de M. le Prince de Condé: articles à luy proposez dès lors, leurs actions contraires aux protestations de leur manifeste.

*Voyage du Roy.* 252.

Son arriuee à Orleans, à Blois, à Tours, où se fait l'exécution des seditieux qui auoient bruslé le Temple des Huguenots. Admis au Roy sur les pratiques des rebelles. Dessein loüable de sa Maïesté.

*Nombre des Eglises pretendues reformees.* 154.

Leur diuision en 18. Prouinces. Principales Eglises d'icelles. Nombre des places de seurété. Rolle d'icelles; nombre de leurs garnisôs; somme de deniers pour le payement d'icelles. Places de seurété plus considerables.

*Departement pour la guerre faict à l'assemblée de la Rochelle.* 164.

Departement des Prouinces du Royaume pour leurs Chefs. Moyens par lesquels ils se peuuent maintenir par eux mesmes & leurs confederez tant dedans que dehors le Royaume en faict de guerre. 180. Prouinces dont ils peuuent tirer des hommes. Ordre pour leurs Finances quel. Chefs de valeur parmi eux quels:

*Arriuee du Roy à Saumur.* 187.

Les Suisses se saisissent de la porte du chasteau. Le sieur du Plessis estonné. Reception de sa M. audit Saumur. Applaudissement du peuple. Ledit sieur du Plessis desmis de sa charge. Comte de Sault faict Gouverneur de Saumur.

*Rebellion de Saint Iean d'Angely.*



## M. DC. XXI.

Le Comte d'Oriac commandé du Roy de l'aller in-  
uestir.

*Manifeste ou Declaration de l'Assemblée  
de la Rochelle.* 192.

Leurs plaintes mal fondees.

*Reglement de la pretendue Admirauté de la  
Rochelle.* 233.

*Reglement pour la taxe des Marchandises  
à la Rochelle.* 241.

*Partement du Roy de sa Ville de Sau-  
mur.* 247.

Remonstrance du Comte de Sault aux habitans de  
Saumur.

*Reduction de Toüars.* 248.

*Places reduites en Poictou.* 249.

Reduction de Fontenay le Comte. Regrets des re-  
belles pour la perte de cette place. Reduction de S.  
Maixant. Arriuee du Roy à Niort.

*Desarmement de ceux de la Religion.* 250.  
A Rouën, à Dieppe, Haure de grace, Caën, Falaise,  
Alençon.

*Reduction de Pontorson au Roy.* 251.

Pouuoir du Comte de Montgomery en basse Nor-  
mandie. Desarmement des reformez pretendus à  
Vitré en Bretagne: en Picardie, à la Fere, Guise, S.  
Quentin & Laon.

*Intelligences & pratiques des Rebelles  
chez les Estrangers.* 254.

Points remarquables sur ces intelligences. l'Estrā-  
ger ne sort de son país sans bonne condition.

*Pratiques des Rebelles avec les Suisses mal  
employez.* 256.

## T A B L E.

Point de paye, point de Suisses. Valtoline occupee par l'Espagnol. Allemands recrues de leurs guerres mal propres pour secourir les rebelles de France. La Hollande trop bloquée, diuisée & troublée pour donner secours à autrui & à foy mesme. Le Prince d'Orange ne cherche que sa conseruation en l'amitié du Roy, & non à secourir les rebelles. Les Hollandois se lassent eux mesmes pour eux mesmes de tirer si souuent à la bourse.

*Deffains des Rebelles projectés sur le secours des Anglois, mais en vain.* 259.

Ils ont escrit au Roy d'Angleterre qui à recognu leur mauuaise intention. Responce du Roy d'Angleterre au Marechal de Cadenet en l'an 1620. Il aime la paix & hait la rebellion.

*Genene en jalousie des armes leuees en Sa- uoye.* 261.

*Places plus fortes des rebelles.* 261.

*Rochelle & sa description.* 261.

Autorité du Seneschal de la Rochelle fort petite. Corps de la ville. Leur Gouverneur. Liberté des Rochelois. Leurs munitions. Fortification de la ville, son port, ses tours, son assiette, son pouuoir, leur defiance.

*Places rebelles sur la riuere de Loyre.* 266.

*Siege de Gergeau par le Comte de S. Paul & Marechal de Vitry.* 267.

Liberalité du Roy à la reduction de la place. Reduction de Chasteau Regnauld. Rebelles resolu aux extremitez.

*Persecution des Peres de l'Oratoire à la Rochelle.* 269.

Le Maire les fait sortir pour euitier la furie du peuple Louable intention de ce Maire. Retraicte des-

M. D C. XXI.

dits Peres à Bergerac. Les Rochelois chassent les bouches inutiles de leur ville. Clemenceau Ministre de Poitiers pendu en effigie. Vers sur ce sujet.

*Declaration du Roy*, commandant à ceux de la Religion de protester aux greffes des Paroisses de leur obéissance publiée à Loudun avec difficulté, A Montpellier, à Milhaud, à Nîmes, à Montauban refusée.

*Lettre du premier President de Tholouse aux Consuls de Montauban.* 182.

*Lettre du Roy au Parlement de Tholouse pour la translation de la chambre de Castres à Villemur.* 285.

Le Duc de Rohan se retire en Guyenne pendant le siege de S. Iean d'Angely. Licence desbordee des troupes de Montauban.

*Lettre escrete au Roy par le premier President de Tholouse.* 287.

Declaration du Roy publiée en Languedoc. Reduction de quelques places prises par les huguenots en Lauraguais. Prisonniers arrestez par les rebelles.

*Declaration du Roy publiée à Sedan.* 290.

Lettre du Duc de Boiillon au Roy.

*Resolution du siege de S. Iean d'Angely.*

296.

Le Roy enuoye vers les Duc de Rohan & sieur de Soubize pour sçauoir leur resolution Leur response. Canon party de Saumur pour assieger saint Iea. Duc de Rohan fait entrer des garnisons & des munitions dans S. Iean, puis se retire. Le sieur d'Espaland enuoyé vers le sieur de Soubise a saint Iean par M. le Connestable. Son opinia streté. Ambassadeur d'Angleterre en France. Le sieur de Loudriere s'enferme dans saint Iean pour gaigner le sieur de Soubize. Le Duc de Rohan se iette dans Nerac.

## T A B L E.

*Siege de saint Iean d'Angely.* 299.

Approches. Courage de la Noblesse François. Première sortie des assiegez. Generosité du Marquis de Themines. Audace des ennemis. La place recongneue par le Comte d'Oriac. Seconde sortie des ennemis. Exhortation du Pere Arnoux aux Chefs & soldats de l'armée. Arriuee du Roy au Camp. Escarmouche furieuse avec les ennemis en forçant vn portail. Courage du Prince de Ioinuille & du Cardinal de Guise. Blesseure du Duc d'Elbœuf. Mort du Comte de Maureuert. Aspre combat avec les ennemis. Seigneurs engagez au peril, rappelez par commandement du Roy Place reconnue par le Roy en personne. Batterie du Duc de l'Esdiguieres & ses effects. Effects du sieur de la Vallee canonnier du Roy.

*Sommatton faite au sieur de Soubize par vn herault de Franco.* 306.

Sa response. Replique du herault. Parolle du sieur de Haute-fontaine.

*Lettres patentes du Roy pour la trans-  
lation du siege Presidial de la Rochelle en la  
ville de Marans.* 307.

*Rapport du Herault fait au Roy de la  
resolution du sieur de Soubize.* 310.

Attaques commandees par le Roy. Ordre des batteries & disposition d'icelles. Le Duc de Luxembourg avec la cavallerie legere enuoyé du costé de la Rochelle. Prisonniers Rochelois amenez au Roy, qui leur donne la vie. Sortie des ennemis avec la perte d'un de leurs Capitaines appellé la Chaisnee Mine du Duc de Choise. Preparatifs pour aller aux trenchées. Seigneurs de qualité seruans d'auanturiers au ieu de la mine: arrestez par le Baron de Termes. effect de la mine. Courage des seigneurs: soustenu des ennemis: aucuns tuez & blessez



## M. DC. XXI.

travail du regiment des gardes : mort du sieur de Haute-fontaine: support des assiegez. Logement fait au lieu de la mine. Allarmes frequentes des ennemis. Leurs sorties soustenues. Canon de laville pointé contre celui du Roy. Autre mine commandee du Roy. Blesseurs de Seigneurs. Habitant de saint Iean sorty pour interceder son pardon. Trôpette du sieur de Soubize enuoyé à M. le Connestable. Malice des ennemis.

*Arrivée du Duc d'Espèrnon devant S.*

*Iean.*

318.

Son quartier. Sa batterie. Assault general donné de son costé à la place. Gens du Roy logez sur le rempart. Autres enuoyez du sieur de Soubize. Responce du Roy: Devoir du sieur de Loudriere dans S. Iean. Batteries redoublées par le Duc d'Espèrnon. Grace du Roy promise aux ennemis: laissent des ostages à sa M. Acceptation de la grace du Roy signee par les Deputez du sieur de Soubize. Articles de la grace faite par le Roy aux assiegez. Sortie des ennemis hors de la place. Le sieur de Soubize aux pieds du Roy.

*Reduction de S. Iean d'Angely en l'obeis-*

*sance du Roy.*

323.

Lettres patentes de sa M. pour le rasement de ses murs & fortifications. Lettre du Roy au Parlement de Bordeaux touchant cette demolition. Chose déplorable de voir S. Iean d'Angely apres le siege. Ingratitude du Duc de Rohan & des habitans de S. Iean. Indignitez commises par les rebelles de S. Iean. Affluence de peuple pour voir la place demantee. Pieté du Roy envers Dieu & ses soldats le long de ce siege. Estat des Princes, Seigneurs, Capitaines, Gentils-hommes & officiers de guerre qui ont esté tant blesez que tuez devant ce siege. Mort du Cardinal de Guise.

*Exploits de guerre de M. le Prince de*

ë iij

## T A B L E.

- Condé en Berry.* 334  
 Son voyage en Bourbonnois.
- Rebellion de Sancerre.* 335.  
 Ne veut receuoir les garnisons du Roy. Fraude des habitans contre le Comte de Sancerre: prie M. le Prince d'approcher ses armes. Chasteau attaqué par ses gens. Reduction de Sancerre au Roy entre les mains de M. le Prince.
- Rebellion de Sully.* 339.  
 Garnison de Gergeau se iette dans le chasteau sous la conduite de Mont-Chrestien. Le Marquis de Rhosny appelle les Comte de S. Paul & Marechal de Vitry pour forcer les rebelles enfermez au chasteau de son pere. Lesdits sieurs appellent M. le Prince pour luy donner l'honneur de la reduction de cette place: il assiege le chasteau. deffaiët les ennemis à leur premiere sortie. Courage du Marquis de Rosny y paroist, batterie sur le Chasteau. Rebelles forcez de se rendre à M. le Prince.
- Conseil tenu par les rebelles à Montpellier pour mandier vn secours estranger.* 343.  
 Leur deputation aux Seigneurs du Bailliage de Gex. Assemblée de Gex sur ce subiect. Responce des Syndic & habitans de Gex aux Deputez des rebelles. Gex depuis quel temps reduit au Roy. Depuis quel temps les Ecclesiastiques reestablis dans Gex.
- Rebellion de Nerac.* 352.  
 Pratique du Duc de Rohã en icelle. Priuileges de Nerac. Tailles & impositions du Roy leuees à Nerac par les rebelles. Duc de Rohan accueilly comme vn Roy en icelle. Assemblée & Conseil des rebelles dãs Nerac pour ne recognoistre plus le Roy. Auis donné au Duc de Mayenne de ceste rebellio par le President Pichô. Chasteau de Nerac liuré au Duc de Rohan. Seau du Roy arraché des mains du plus ancien Conseiller de la chambre à Nerac. Le Duc de Mayenne s'y achemina sans troupes. &

## M. DC. XXI.

trouue les portes fermées & tire-on sur luy. Labardac & le Pont de Barbaſte reduicts au Roy. Moncrabeau faiſt pour le Roy par le mareſchal d'Aubeterre.

### *Siege de Nerac.*

358.

Attirail & canons mandez pour battre la place. Travail des trenchées. Duc de Mayenne marchandé par vn ſoldat. Neras blocqué par le ſieur de Vignolles.

### *Trahiſon de Caumont.*

360.

Surpris par les gens du Marquis de la Force Valeur d'un ſoldat qui s'oppoſa à l'entrée des ennemis. Sauué par le marquis de la Force Caumont eſcaladé par les ennemis. Deſſence du chateau. Mort du Capitaine Nauarreins tué d'un coup de mouſquet aux attaques du chateau. Le Gouverneur dudit chateau enuoyé vers le Duc de Mayenne deuant Nerac, pour eſtre ſecouru. Troupes leues pour ſecourir Caumont. Secours des ennemis. Raitaillement enuoyé par le Marquis de la Force.

### *Repriſe de Caumont par le Duc de Mayenne.*

364.

Son arriuee deuant la place. Regimens des ſieurs de Barrault & d'Ornano ſeioignent à luy. Affiette & force de Caumont & de ſon chateau. Sa deſcriptiō. Barricades faiſtes à Caumont par les rebelles. Drefſent des forts dans vne montaigne proche de la ville. Canon conduit deuant par commandement dudit Duc de Mayenne Difficulté pour attaquer la place. Campement de l'armée dudit Duc deuant Caumont. Attaques fort rudes données à la place. Engins drefſez pour battre les ennemis. Cōbat furieux avec les aſſiegez. Soldats de grand courage ſignalez en ce ſiege. Attaques aux trenchées ennemies. Barricades des ennemis forcees. Fuite des leurs. Leur deſordre & confulion. Retraicte du Marquis de la Force hors de Caumont. Repris & gagné par le Duc de Mayenne. Couche dans les barricades gaignees. Faiſt entrer ſon armée dans la



## TABLE.

ville. Ennemis se retirent Sont esclusez sous les ruines d'une Eglise. Miracle arriué à la confusion des Heretiques. Graces renduës à Dieu par les Catholiques pour la reprise de Caumont.	
<i>Heretiques conuertis en la Ville du Mas apres la reprise de Caumont.</i>	378.
<i>Reduction du chasteau de Taillebourg par Duc de la Trimouille.</i>	379.
<i>Seiour du Roy dans Coignac.</i>	380.
<i>Rebellion de Pons.</i>	380.
Secours Rochelois y enuoyé, deffaiët par la cavallerie du Roy. Armes trouuees en ee conuoy, confiscuees, Reduction de pons. Leur protestation au Roy.	
<i>Reduction du sieur de Boisse Pardaillan au service du Roy.</i>	383.
Rend Monheur & sainte Foy.	
<i>Rebellion de Bergerac.</i>	383.
Le Marquis de la Force y auoit jetté garnison Fortifications de la place. Pons delmantelé par commandement du Roy.	
<i>Ordre pour le bloquement de la Rochelle du costé de la terre.</i>	384.
Duc d'Espernon laissé en Aulnix.	
<i>Deputation de la Rochelle au Roy.</i>	386.
<i>Reduction de Nerac &amp; Bergerac.</i>	387.
Le Duc de Mayenne apres la reprise de Caumont, retourne au siege de Nerac. Argent ordonné pour payer son armee. Composition pour la reduction de Nerac. Lieutenant General de Bergerac proteste del'obeyssance de la ville au Roy dans Coignac.	
<i>Protestation des Chefs de l'armee au Roy dans saint Emilian.</i>	389.



M. DC. XXI.

*Harangue du sieur de Maleret faite au Roy  
sur la reduction de Castillon, Montflanquin,  
Cadillac, Lairac, Castel-jaloux, Mucidan,  
Puimirol, & autres places reduites à sa Ma-  
iesté.* 395.

*Declaration de S. Foy faite au Roy.* 398.

*Liste des Gentils-hommes de la religion  
reduicte au service de sa Maiesté.* 398.

*Leur protestation.*

*Siege de Marguerite en Languedoc par le  
Duc de Montmorancy.* 401.

*Son armee. Ses enfans perdus : mot de guerre du  
siege. Secours des rebelles empesché. Ennemis tuez.  
Conflit dans les maisons. Combat prez d'une E-  
glise. Secours de Nismes prevenu. Nombre des  
morts. Prise de Marguerite.*

*Rasement des murs & fortifications de Ber-  
gerac.* 408.

*Le sieur de Rambure laissé dedans pour Gouver-  
neur.*

*Reduction de Tonneins.* 409

*Rebellion de Clerac.* 410.

*Siege Royal de Clerac : aduenues de la place diffi-  
ciles. Perte notable des gens du Roy aux approches  
Gentils-hommes de qualité tuez & blesez en icel-  
le. Barricades forcees. Mort du Baron de Thermes  
regretté en la Cour. Mort du sieur du Vair Garde  
des seaux. Dehors de Clerac gaigné. Situation  
de Clerac. Pallisades rompues pour destourner  
l'eau des moulins de la place. Sortie des assiegez. Pe-  
ribrune chef de la rebellion, demande à parler avec  
le Duc de l'Eldiguieres. Sa proposition. Respõce du  
Roy à la demande des ennemis, Batterie royale cõ-*

## T A B L E.

encee en 3. endroits. Resolution pour faire trois mines. Soldats de Clerac hardis derriere leurs rempars. Deputation des ennemis vers le Roy.

*Harangue faicte au Roy par le Ministre de Clerac.*

421.

Responce du Roy.

*Articles de la capitulation de Clerac.*

Discours d'aucuns sur ceste capitulation.

*Reduction de Clerac.*

424.

Le Connestable en prend possession: neffence d'y piller aucune chose. Protestation des Consuls de Clerac faictes au Roy. Sortie des soldats estrangers. leur naufrage passans la riuere du Lot. Chastiment des auteurs de la rebellion de Clerac. Le Comte de la Roche-Guyon & le Marechal de saint Geran laissez à Clerac pour faire demanteler la place.

*Voyage du Roy en la haute Guyenne.*

431.

Epitaphe des villes rebelles debellees par les armes du Roy.

*Lettre du Pape enuoyee au Roy pour se conioynr de ses victoires.*

433.

Tristesse en Cour pour la perte du Baron de Thermes. Sa demande faicte au Roy en mourant.

*Armee du Duc d'Espernon deuant la Rochelle.*

437.

Ses exploits. Premiere escarmouche avec les Rochelois. Seconde sortie des Rochelois avec le sieur de Fauac: leur deffaicte. 3. sortie sous la charge du sieur de la Noüe deffaicte. Combat au milieu de la Molinieres proche la Rochelle. Maisons fortes d'aupres de la Rochelle abandonnees des ennemis. Moulins des ennemis bruslez par les gens du Duc d'Espernon. Canal d'eau couppé aux Rochelois. Bourg de la Fon inuesty par ledit Duc. Arriuee du Comte de la Rochefoucaut pres le Duc d'Espernon. Prise du sieur de la Noüe. Est conduit vers le Duc,

*M. DC. XXI.*

qui le renuoye sur sa Foy. Police de l'armee dudit Duc. Incômodité des Rochelois du costé de la terre. Assemblée de la Rochelle premedire de diuertir les armes du Roy.

*Desseins de l'assemblée de la Rochelle sur la Normandie.* 449.

Mont-Chrestien choisi pour y faire des leuees.

*Forme des Commissiōs de la Rochelle.* 450.

Enuoy de Mont-Chrestien en Normandie. Commission de ladite assemblée au sieur de Montbrun en Dauphiné.

*Entree du Duc de Mayenne en Armaignac & haute Guyenne avec le Marechal de The- mines.* 453.

Se saisit des places rebelles ez aduenues de Montauban.

*Reduction du Mas de Verdun, l'Isle en Tourdan & Mauuoisin par lesdits sieurs Duc & Marechal.* 454.

Affietre de ces trois places importantes. Assistace de Tholouse pour les assieger. Ce qui se passa aux sieges d'icelles. Leur demolition.

*Rebellion d'Albiac en Albigeois.* 456.

Duc de Mayenne refout de l'assieger. Les Consuls luy viennent au deuant. Leur trahison. Gens du Duc de Mayenne massacrez dans la ville. Arriuee dudit Duc deuant la place. Force les ennemis. Entre dans la place. Faict mettre le feu dedans, & fait pendre les rebelles & les traistres.

*Secours d'armes enuoyees par mer de Hollande aux rebelles pris à Cet.* 460.

Armes confisquees par le Duc de Montmorency. Nombre des armes & munitions qui estoient dans le nauire enuoyé de Hollande. Enuoyees à Pezenas.



## T A B L E.

adresse dudit vaisseau. Valeur de ceste prise.

*Secours du Duc de Rohan conduit par le Marquis de Malaufé, deffait par le Marquis d'Ambre en Albigeois.* 463.

Pratiques du Duc de Rohan & du Marquis de la Force rompues par les armes du Roy.

*Places reduites à l'obeissance du Roy depuis son premier voyage.* 467.

Les vnes volontairement, les autres par force, & les autres par crainte & apprehension. Places reduictes en l'an 1620.

*Ordre donné à Montauban sur les menaces du siege.* 471.

Leur projet sur la personne du sieur de Chastillon, qui est battu en Languedoc par le Duc de Montmorency. Est blasmé à Montpellier. Confiance des rebelles de Montauban sur le Duc de Rohan. Le Duc de Bouillon ne se veut mesler des affaires des rebelles. Il refuse la qualité de Chef general des Eglises. Elle est acceptee par le Duc de Rohan. Resolution du vieil Marquis de la Force. Noblesse en petit nombre au party des rebelles. Noblesse enfermee dans Montauban en mauuais mesnage avec les habitans. Comte d'Orual Gouverneur de Montauban. Habitans de Montauban, esclaves parmy la garnison. Bourgeois ennemis de la guerre. Gens de la Religion despourueus de soldats experimentez. Le Duc de Sully sort de Montauban. Va trouuer le Roy à Agen. Réd compte de ce qu'il à fait à Montauban. Comte d'Orual mesprise les remontrances de son pere.

*Lettre du Duc de Sully aux rebelles de Montauban.* 482.

Son travail inutile parmy eux.

*Lettre du Duc de Sully au Duc de Rohan.* 485.



## M. DC. XXI.

Maigre rëſponce du Duc de Rohan à ſon beau-pere.  
*Catholiques de Saumur deputent en Cour.*

488.

Leur lettre eſcrite au Roy contre ceux de la Religion dudit Saumur. Leurs articles prezentez à ſa Maieſté: leur lettre enuoyee à monſieur de Seaux Secrétaire d'Eſtat. Deſſein de ceux de la Religion à Saumur.

*Montauban, ſa force & ſon aſſiette.* 494.  
Son erection en Eueſché. ſes habitans de tout temps factieux. ſes ſieges paſſez. Demantelee ſous Charles IX quand occupee par ceux de la Religion. Amatrice de rebellion. Son insolence en 1615. Remonſtrance de monſieur de Vic aux habitans d'icelle. Elle ragaue ſes voiſins en temps de trouble. Tholouſe à intereſt à ſa reduction. Louable affection des Tholouſains enuers le Roy. ſon aſſiſtance. Nombre de cavalerie entretenue par eux, pour liberer le pays d'oppreſſion. Leurs promeſſes au Roy.

*Forces iettees dans Montauban.* 500.  
Force de ſes murs. Nombre de ſes canons.

*Commandement du Roy aux Duc de Mayenne & Mareſchal de Themines pour bloquer Montauban.* 501.

Premieres approches. Barricades par ledit Duc avec peu de perte.

*Siege de Montauban.* 502.

Arriuee du Roy au Camp. Ordre des quartiers. Ordre pour empêcher le ſecours du Duc de Rohan. Le Duc d'Angoulême enuoyé pour ſe ſaiſir des paſſages dudit Duc de Rohan. Diuers aduis ſur le chemin que deuoit tenir le Duc de Rohan pour venir ſecourir Montauban. Opinion du Duc d'Angoulême. Chateau de Lombers aſſiégué par ledit Duc d'Angoulême. Le Duc de Rohan le veut empêcher. Autres places entre Caſtres & Realmond, ſaiſies par ledit Duc d'Angoulême. Trou-

## TABLE.

pes du Duc de Rohâ parroissent pres Lautrec. Résolution pour les attaquer. Fauch assiégué par les ennemis. Ordre pour les attaquer. Troupes du Roy marchent contr'eux. Incertitude de leur Estat, se mettent en deffence, se retranchent. Combat. Deffaicte des ennemis. Second combat. Victoire remportee par le Duc d'Angoulesme. 3. Combat a vne maison forte gaignee des nostres. Canon mandé d'Alby pour forcer les ennemis. Demandent à traicter: y sont receuz. Articles de la capitulation. Perte des ennemis en ces combats. s. Rome tué des leurs Perte du costé du Roy, aux mesmes charges. Resolution courageuse des chefs de l'armée du Roy. Assistance des Tholousains pour le siege de Montauban. Ville Bourbon quand bastie.

### *Attaque de la Ville Bourbon par le Duc de Mayenne.*

524.

Camp du Roy formé. renfort de 4. Regimens en l'armée du Roy. Louange du sieur de Pompadour. Sortie des ennemis sur le quartier du Connestable où le sieur de Sarroques fut tué. La Vallee Canonier tué. Blesseure du Comte de Fiesque. Trois autres sorties des ennemis. Bestail de Montauban surpris & les ennemis deffaicts. Retrâchement gaigné par le Duc de Mayenne. Batterie du Roy dressée. Mort du Baron de Persin. Sergent sauuage decouvert à Montauban, & pendu aux murailles de la ville. Ieu des batteries du Roy. Feu aux poudres du Roy. Perte & blesseure de plusieurs. Marquis de Villars bruslé. Vicomte de Bourbonne bruslé.

### *Attaques du Duc de Mayenne à la Ville Bourbon.*

532

Perte des siens. Seconde attaque. Escalade d'une demie lune. Est repoussé avec perte. Courage de la Noblesse. rage des ennemis. Combat fort cruel dans le fossé. Perte pour le Roy. Mort du Marquis

de Themines. Blesseures du Marechal de Themines, & du sieur de la Frete. Mort des sieurs de Carbon & Fargon. Regrets du Duc de Mayenne. Corps des Gentils-hommes tuez enleuez par les ennemis. Leur action ignominieuse: emmenent le sieur de la Frete blessé. 3. attaque du Duc de Mayenne. Se loge sur le bord du fossé. Mafieres Capitaine des ennemis tué. Assassinat du sieur de la Frete par les rebelles. Temerité des assiegez. Leur estonnement sur la deffaiçte des troupes du Duc de Rohan par le Duc d'Angoulesme.

*Autres exploits du Duc d'Espèrnon devant la Rochelle.*

537.

Prise du chasteau de Fouras par luy en Aulnix. Son dessein sur le fort de Correilles. Gros des Rochelois pour l'empescher d'y aller. Conseil pour les attaquer. Combat avec les ennemis, qui perdent six cens hommes. Prisonniers de qualité pris en cette deffaiçte. Advis au Duc d'Espèrnon pour se retirer. Est en danger.

*Exploits de mer contre les Rochelois*

542.

Admiral de la Rochelle quel. Leur dessein sur les nauires de Guyenne. Devoir du Capitaine Chalard commandant pour le Roy aux costes de Guyenne. Entreprise de l'armee nauale de la rochelle decouuverte par ledit sieur de Chalard. Canon des ennemis tiré sans effect. Resolution des vaisseaux du Roy. Malheur arriué aux nauires Aulonnoises. Canon du Roy & ses effects sur les nauires ennemis. Dextérité dudit sieur Chalard. Est blessé legerement.

*Poursuite du siege de Montauban.*

548

Sortie des ennemis sans effect. arriuee des Ducs de Guise & de Vendosme au camp du Roy. attaque du Prince de Ioinuille: gaigne vne demie lune qu'il ne peut garder. Attaque du Regiment des gardes. Maladies grandes en l'armee du Roy. Maladie de M.  
frere du Roy.



## TABLE.

*Mort du Duc de Mayenne.* 550.

Dueil extreme en l'armee. Son corps porté à Aigüillon. regrets de la France sur la mort. retour du Duc de Guise en Prouence. Resiouissance des ennemis sur cette mort.

*Secours du Duc de Rohan pour Montauban.* 554.

Trouue de la difficulté de le ietter dedans. Beau- fort entreprend la conduicte dudit secours. Natalis Bourgeois de Montauban faict halster ce secours. ce secours est escarmouché par les cheuaux legers du roy. Est rencontré du regiment de Normandie qu'il deffaict. Valeur du sieur de Bassompierre. 3. corps des ennemis deffaict par la compagnie de M. frere du roy. Rebelles de Montauban son- nent leurs cloches & font feux pour ioye du secours. Fuyards deffaicts par le Com'e d'Ayan Nombre des morts. drappeaux gaignez enuoyez à la Royne. Sortie des ennemis sur le quartier du Duc de l'Es- diguières. Lettre du Roy enuoyee à Paris sur cette deffaicte & à M. d'Halincour sur ce suiet.

*Actions du sieur de Mont-brun en Dau- phiné.* 564.

Regimens nouueaux arriuez au Roy: Opiniastre- té des assiegez. Traistres au camp du Roy.

*Siege de Sommieres.* 566

Retranchement des rebelles de Sommieres. Leur chef. Leur resolution. Assiette du chasteau & de la ville. Resolution du Duc de Montmorency pour ce siege. Enuoyel' inuestir. Surprend les munitions de Nismes, pour y enuoyer. Armee du Duc deuant Sommieres. Salué la place à coups de canon. Sor- ties des assiegez à leur perte. Drappeaux gaignez par le Duc. Demandent composition. qui est refu- see. Batteries redoublées. Forcez de se rendre. Sor- tis de la garnison. Reduction de la ville & cha- steau.

*Autres*



*M. DC. XXI.*

*Autres exploits du Duc d'Espernon de-  
vant la Rochelle.* 572.

Vendanges espargnées aux Rochelois. Leur las-  
cheté.

*Arrivée du Pere Dominique à Iesus Ma-  
ria à Paris.* 573.

Sa profession, sa vie, sa reputation. Ses voyages &  
sa pieté.

*Sedition à Paris & à Charanton contre  
ceux de la Religion.* 578.

Discours insolens tenus par la ville. Preuoyance du  
Duc de Montbason. sagesse de Monsieur le Chan-  
celier. Religionnaires attaquez retournans du Pres-  
che. Tumulte à la porte de saint Anthoine. Mon-  
sieur de Mesmes Preuost des Marchands y apporte  
l'ordre requis. Bruslement du Temple de Charen-  
ton. Arrest du Parlement contre ce desordre.

*Exploits du Duc de Ventadour contre les  
rebelles.* 582.

Courage de sa Noblesse.

*Pratiques du Comte de la Suse en Dau-  
phine.* 591.

Veut joindre le sieur de Montbrun. Dessen pour  
surprendre Grenoble. Comte de la Suse pris par  
des payfans. Est conduit à Grenoble. Son entrepri-  
se: ses associez. Dessen du sieur de Montbrun. Ad-  
uocat meslé en l'affaire. Est descouvert par subtili-  
té. Gardes redoublées à Grenoble.

*Pratiques de Mont-Chrestien en Nor-  
mandie.* 603.

Sont descouvertes: ses associez. Est tué par le sieur  
Turgot. Procez fait au Cadaure. Arrest de Rouen  
contre ledit Cadaure, execution d'iceluy.

*Saufconduit demandé au Roy par ceux de*

## T A B L E.

*Montauban pour enuoyer vers le Duc de Rohan.* 611.

Duc de Chofne enuoyé à Montauban. Con'ul de Montauban vatrouuer le Duc de Rohan. Responce dudit Duc. Rebelles ne resoudent rien auans cetteresponce. Leurs propositions insolentes. Bonne opinion de la resolution du Duc de Rohan. Conference de Villemur entre le Conneftable & luy. Bruit en Cour sur la resolution dudit Duc. Issue de ladite Conference contraire à l'esperance.

*Efpion de Montauban surpris.* 615.

LeRoy veut qu'il soit pëdu. Se fait Catholique. Fait vœu à Nostre Dame de Môt-Sara en cas qu'il aye sa grace. Esteôduit au suplice. Miracle à son executiô. Il ne peut estre estranglé. Le Roy luy donne la vie.

*Maladies au Camp du Roy.* 618.

Mort del' Archeuesque de Sens. Maladie du Duc de Montmorency. Eclypse d'une partye de ses troupes amenees au camp, en vne nuit. Contagion dans Montauban. Ennuy pour la longueur du siege.

*Embrazement des deux Pents a Paris.*

620.

Origine de l'ineendie. Perte & desolation des Marchands. Paris en grand trouble. Sage deuoir de Monsieur de Melmes Preuost des Marchands. Paris en armes, faux bruits. Arrest de la Cour au soulagement des Marchands ruynez.

*Feu de la Conciergerie de Lyon.* 625.

Querelle du Baron de Danneual & d'un Comte Chahoin de Lyon. Ledit Comte tué par ledit Baron. Emprisonnement du Baron. Discours du peuple sur l'origine de ce feu de Lyon.

*Batteries nouvelles cõtre Montauban.* 627.

Resolution genereuse du Roy. Montauban abandonné de secours. Prince de Ioinuille redouté des

*M. D. XXI.*

ennemis. Soing incroyable du Roy. Furieuse sortie  
des ennemis. Mort du sieur de Fourilles Capitai-  
ne aux Gardes du Roy.

*Resolution de la leuee du siege de Montau-  
ban.* 63.

*Reduction de Prinas à l'obeyssance du Roy  
& du Vicomte de l'Estrange.*

Punition des Ministres seditieux en icelle.

*Suiet de la leuee du siege de Montauban.* 635.

*Retraite du Pere Arnoux d'aupres du Roy.*

Pere Siguerand enuoyé en sa place.

*Entree du Roy à Tholouze.* 636.

*Descente des troupes des Seuenes au Com-  
té de Foix.* 637.

Leurs cruantez. Assiegent les places Catholiques.

Leur deffaire. Duc de Rohan en Albigeois.

*Harangue de Monsieur le Connestable aux  
Tholouzaïns sur la leuee du siege de Montau-  
ban.* 639.

*Reuenue de l'armee du Roy deuant Mon-  
tauban par Monsieur le Connestable.* 640.

Salettre escrite au Duc de Montbazon sur ce suiet.

*Deffaire des rebelles voulans assieger Be-  
siers.* 645.

*Assemblée de Nismes.* 648.

Reduction du sieur de Chastillon en l'obeyssance du  
Roy. Actes de ladite assemblée contre luy. Plaintes  
contre luy. Ils le defaithorifient & le degradent.  
Cassent ses Compagnies.

*Mareschal de S. Geran laissé es enuïrons  
de Montauban.* 657.



# T A B L E.

*Assassinat du sieur de Boisse Pardaillâ par les siens propres.* 619.

Sa fidelité au Roy.

*Rebellion de Monheur.* 662.

Ist inueltty par le Marechal de Roquelaure. Retour du Roy vers Bordeaux.

*Siege de Monheur.* 663.

Secours de sainte Foy inutil aux assiegez. Mort du Baron de Clermont. Maladie du sieur de Bassompierre. Feux d'artifice iettez par les assiegez sur les assiegeans. Ieu des mines du Roy. Mort du sieur de Lozderes en ce siege. Marquis de Mirambeau demande misericorde au Roy. Offrent de se rendre: demandent quelques articles refusez du Roy. Ordre pour les faire sortir. Marquis de Mirambeau en danger sans le mareschal de Roquelaure. Nombre des soldats de Monheur. Forme des rebelles sortis de laplace. Fausse allarme au camp du Roy.

*Deffaite de dix Nauires Rocheloises par le grand Nauire du Duc de Neuers.* 670.

*Deffaite des Rochelois par le Marquis de la Valette.* 671.

*Royan surpris & liuré au sieur de Soubise.* 672.

LaChaisnaye Gouverneur de Royan enuoyé prisonnier à Bordeaux. Mornac & Talaraud attaquez inutilement par les Rochelois.

*Mort de Monsieur le Connestable.* 673.

Ses dernieres paroles. Ses funerailles. Monsieur de Vic fait Garde des Seaux.

*Deffaite des troupes de sainte Foy par Monsieur du Hallier Capitaine des Gardes* 677.



## M. DC. XXI.

Execution de Jean Fontanier accusé de Iudaïsme à Paris. Arrest de la Cour contre luy. Se fait Catholique. Son execution.

*Pratiques des Rochelois en Angleterre.*

694.

Sagesse du Roy d'Angleterre. Peuple Anglois & son humeur. Le Roy d'Angleterre veut conserver l'affection de ses voisins. Declaration dudit seigneur Roy contre les rebelles du Royaume de France.

*Vaisseaux du Duc de Nevers equippez pour le blocquement de la Rochelle.* 701.

*Affront fait par les Oloinois aux Rochellois en l'Isle de Ré.* 701.

Tempeste enuoye deux des vaisseaux du Duc de Nevers aux costes d'Angleterre. Pertes de deux autres vaisseaux aupres de Broüage. Retour du sieur de la Coudraye d'Angleterre avec les deux vaisseaux du Duc de Nevers.

---

## M. DC. XXII.

*Affection du Roy envers la Royne sa Mere.*

703.

Veut qu'elle soit chef de son Cōseil en son absence Comte de la Rochefoucault Gouverneur de Poitou. Actions du Duc d'Espernon approuvees du Roy. Nouvelles garnisons enuoyees a saumur.

*Preparatifs de Paris pour la reception du Roy.* 706.

Ordre de l'Infanterie Parisienne. Entree de sa M. dans Paris. Allegresses publiques.

## T A B L E.

*Actions du sieur de Montbrun en Dauphiné.* 709.

Exploicts des rebelles en Dauphiné. Duc de l'Escliguières renuoyé en Dauphiné. Contraint le sieur de Montbrun à se retirer. Assemblies des pretendus reformez du Dauphiné à Dye. Leur protestation. Ordonnance de paix en Dauphiné publiée par ledit Duc de l'Escliguières.

*Gouvernement d'Amiens rendu au fils du feu Connestable de Luynes.* 715.

Gouverneurs des places où il commandoit chägez.

*Rebellion de Borniquen en Quercy.* 710.

Remedee par le Duc d'Angoulesme & mareschal de Themines, qui contraignent les rebelles d'en sortir.

*Deffaire de la garnison sortie de Montauban par le Marquis d'Ambre.* 717.

Nombre des morts & prisonniers.

*Retraite du sieur de la Force de Montauban à Sainte Foy.* 719.

Victoire obtenue contre luy par le Duc d'Elboeuf. Rauage fait en Guyenne par ledit Marquis. Maison de la Force assiegee par ledit Duc d'Elboeuf: est deffait & la voulant secourir, par ledit Duc.

*Ruines des Eglises à Montpellier.* 727.

Degast du iardin du Roy à Montpellier par les rebelles. Le Duc de Rohan y a fait son entree. Montpellier inuesty par les troupes du Duc de Montmorancy. Calomnies des rebelles de Montpellier contre le sieur de Chastillon. Couvents des Capucins & Cordeliers de Montpellier bruslez par les rebelles.

*Prise du sieur de Humieres à Royan* 729.

Reuolte de Vezins en Anjou. Contrainte d'obeir. Deffaitte du Regiment de Champagne par le sieur de Soubize. Vailleaux de saint Malo mandez, Na-

M. DC. XXII.

uires arrestez par les ports de Bretagne. Rauages  
des Rochelois

*Le sieur de Monsigot demis de son Estat de  
Secretaire des camps & armées.* 731.

Poursuite contre lay. Son emprisonnement.

*Voyage du sieur de Parabelle à la Rochelle.*

733.

Conuersion de son gendre à la foy.

*Grands appelez en Cour.* 735.

Arrivee des Ducs de Guise & d'Angoulesme Arme-  
ment du Duc de l'Escliguières en Dauphiné. De-  
liurance du Comte de la Suze La paix persuadée  
par ledit Duc de l'Escliguières. Louable resolution  
du Roy. Voleries des gens du Marquis de la Force  
surprennent Monflanquin en Agenois. Maison de  
la Force battue & forcee par le Duc d'Elbœuf.

*Famine extreme à Montauban.* 740.

Conuoy de bled pris sur eux par le Baron de Mo-  
denard Leur bestail emmené. Miniître Ioly fait  
prisonnier à Cahors.

*Secours des rebelles d'Vsez deffait par le  
sieur de Vernet.* 746.

*Assassinat du sieur de la Marconniere au  
bas Poictou.* 750.

*Reprise de Clerac par les rebelles.* 752.


Cruautez & sacrileges estranges desdits rebelles en  
Languedoc.

*Poursuites du sieur de Soubize au bas Poi-  
ctou par le Duc d'Esperron.* 753.

Royan inuesty par les troupes du Roy.

*Fin de la table de la Rebellion  
de France.*









SOMMAIRE DES CHOSES  
PLVS MEMORABLES  
contenuës en ce traicté des  
Troubles & affaires  
Estrangeres.

M. DC. XXI.

*Declaration du ban Imperial contre l'E-  
lecteur Frideric Comte Palatin du Rhin.* 2.

Rebellion de Boheme. Droit de l'Empereur Fer-  
dinand à la Couronne de Boheme recogneu par  
Frideric Prince Palatin. Naturel de Ferdinand à la  
paix. Perfidie dudit Frideric. Cherche les moyens  
de faire la guerre à l'Empereur. Faißt reuolter ses  
suiets de Boheme contre luy. Faißt ligue contre  
l'Empereur. Ordonnâces Imperiales expressees con-  
tre le Palatin: Peines du ban Imperial.

*Declaration du ban Imperial contre Iean  
George l'aîné, Marquis de Brandebourg, le  
Prince d'Anhalt, & George Frideric Comte  
de Hohenlo.* 29.

Ordonnances de l'Empire contre les perturbateurs  
du repos public. Intention de l'Empereur.

*Declaration de l'Empereur contre Beth-  
leen Gabor.* 43.

L'Empereur Ferdinand eleu Roy de Hongrie par

## TABLE.

voye ordinaire. Ses actions depuis son aduenement à la Couronne d'Hongrie. Tyrannie de Bethleen Gabor. Paix en Hongrie faicte maintefois avec luy. Perfidie dudit Bethleen Gabor. ses mauuais pratiques pour faire reuolter les Hongrois. Faux bruits de l'Empereur semiez par Bethleen Gabor en Constantinople. Places de Transiluanie liurees au Turc par Bethleen Gabor. Election de Bethleen Gabor pour Roy de Hongrie declaree nulle par l'Empereur.

*Auis donné à l'Ambassadeur d'Espagne residant à Londres de la part du Roy d'Angleterre sur la resolution au secours de son gendre.* 63.

Protestation dudit Roy d'Angleterre.

*Histoire de la mort du Pape Paul. V. 68.*

Ordonnance publiee à Rome sur le siege vacquant. Ordre pour les seuretez de Rome. Obsèques du Pape. Cardinaux du Conclau. Election du Cardinal Ludouisi pour Pape, appellé Gregoire XV. Sa sainteté est adree des Cardinaux. Mort du Cardinal Aldobrandin.

*Mort de Philippe 3. Roy d'Espagne. 77.*

Trouble en Espagne sur son decez. Sa maladie. Enanouissement de sa M. Responce qu'il fit à ses medecins. Faict venir son confesseur. Son testament. Reçoit ses Sacremens. Recommandations à son fils. Affection de la Roynie d'Espagne enuers le Roy d'Espagne son beau-pere. Sa mort. Changemens estranges Son liét de parade. Est porté à l'Escorial. Presens du nouueau Roy d'Espagne Philippe 4. Emprisonnement du Duc d'Osone. Couronnement du nouueau Roy. La Roynie d'Espagne fort aymee. Décret contre le Duc de Lerme. Disposition des charges de Roderic Calderon.

*Ville de Noremberg rend obeissance à l'Empereur.* 93.

*M. DC. XXI.*

Rauages du Comte de Mansfeld en Boheme. Assemblée à Aufbourg & à Heilpron.

*Commission au Duc de Baviere pour prendre le haut Palatinat.* 95.

Comte de Mansfeld sollicité de le deffendre. On luy donne de l'argét à Strasbourg Marquis d'Anspach & le Duc de Vvirtemberg reduicts à l'Empereur.

*Traicté avec Bethleen Gabor à Haimbourg.* 95.

Articles proposez pour la paix audit traicté, reiettez par l'Empereur.

*Moranie reduicte à l'obeyssance de l'Empereur* 100.

*Lettre des Princes & estats de Silesie à l'Electeur Palatin.* 101.

*Hongrois deffaicts par le Comte de Buquoy.* 103.

Autres exploicts faicts par luy en Hongrie.

*Poursuite des conquestes du Marquis de Spinola au bas Palatinat.* 103.

Strasbourg se met en l'obeyssance de l'Empereur.

*Trefue resoluë au bas Palatinat.* 104.

Articles d'icelle.

*Guerre d'Hongrie avec Bethleen Gabor & les rebelles à l'Empereur.* 107.

Presbourg remis en l'obeyssance de sa Maïesté Imperiale. Altembourg, Ternaue, & Edembourg, reconquises par le Comte de Buquoy.

*Rupture de la trefue des pays bas.* 107.

Harangue de Peckius Chancelier de Brabant faite aux Estats de Hollande. Responce desdits Estats.



# T A B L E.

*Execution de 43. prisonniers rebelles à l'Empereur faite à Prague.* 113.

*Siege de Neuvensoll en Hongrie par le Comte de Buquoy.* 119.

Trenchees dudit sieur Comte. Deffait le secours des Hongrois. Forme de mener la guerre en Hongrie. Armee du Comte de Buquoy travaillee des Hongrois.

*Mort du Comte de Buquoy deuant Neuvensoll.* 124.

*Deffaite des troupes du Marquis de Jagerndoff en Morauie.* 125.

*Guerre au haut Palatinat entre le Duc de Baviere & Comte de Mansfeld.* 125.

Deffaite des troupes dudit Comte par le Baron d'Anholt.

*Mort de l'Archiduc Albert.* 126.

*Trefue rompue au bas Palatinat.* 126.

*Deffaite de 32. vaisseaux Holandois aux costes d'Espagne.* 127.

*Armees Catholiques liguees contre le Comte de Mansfeld au haut Palatinat.* 144.

Son arriuee au bas Palatinat. Suiuy en queue par l'armee de Baviere.

*Ranages en Hongrie apres la mort du Comte de Buquoy.* 133.

Cruautez des Hongrois en Autriche & Morauie. Presbourg assiege par Bethleen Gabor. Secours des Neapolitains arriue dans Presbourg. Furieuse sortie des assiegez. Perte des ennemis. Siege leue. Blessure de Bethleen Gabor.



*Hambourg Capitale du haut Palatinat rendue au Duc de Baviere.* 137.

Traicté avec Mansfeld. Articles dudit traicté.

*Armée du Palatin au bas Palatinat.* 140.

Cruauté des Anglois au bas Palatinat. Dom Gouzales de Cordua General des Espagnols au bas Palatinat. Prise du fort de Stein par les Espagnols. Secours des palatinois deffait. Siege de Franchendal par les Espagnols. Batterie de la place. Assauts furieux. Arrivée du Comte de Mansfeld au bas Palatinat. Armées Catholiques le suivent. Elcarmouche du Baron de Tilly avec le Comte de Mansfeld au bas Palatinat. Ledit Mansfeld va en Alsace, les cruantez en l'Euesché de Spire, les actions horribles. Sauerne assiegée par ledit Mansfeld. Leuee dudit siege. Secours à Sauerne.

*Armée du Marquis de Spinola vers VVesel sur le Rhin.* 150.

Genep pris par le Comte Henry de Berg.

*Siege de Iuliers par le Comte Henry de Berg.* 151.

Betail des assiegez surpris. Hollandois diuisez. Sortie des assiegez à leur perte. Ravage d'eau à Hattem. Ligue offensive & deffensive de l'Electeur de Cologne avec ceux du Duché de Iuliers. L'Euesque d'Halberstât au bas Palatinat. Ses cruantez.

*Armée du grand Turc contre la Pologne.* 155.

Grands preparatifs en Turquie pour cest effect. Approches de celle de Pologne. Combat des Turcs avec les Polonois. Coursés des Tartares en Pologne. Deffaite & perte du Turc. Malice du Roy de Suede. Moscouite en armes. Canon du Turc surpris.

*Traicté de paix entre les Polonois & les*

# T A B L E.

*Turcs.*

162.

Les articles de la paix.

*Histoire de Roderic Calderon.*

164.

Sa fortune en Espagne, ses Estats, sa renommee, ses richesses, ses papiers, ses crimes. Cas à luy imposez. Les Religieux le visitent en prison Sa disposition à la mort. L'ordre de Cheualier luy est osté. Lecture de son iugement. Sa mort. Son corps mis en garde. Appareil de ses funerailles. Sa sepulture ses qualitez & grandeurs.

*Assemblée de Niclesbourg entre l'Empereur & Bethleen Gabor.*

180.

Reduction de Tabor en Boheme à l'Empereur.

## M. DC. XXII.

*Paix en Hongrie.*

181.

Articles de la paix avec Bethleen Gabor. Pardon accordé au Marquis de Brandebourg & au Prince d'Anhalt Publication de la paix differee.

*Mariage de l'Empereur avec la Princesse de Mantoue.*

183.

*Diette de l'Empire assignee à Ratisbonne.*

184.

*Rauages de l'Euesque d'Halberstat és Eueschez de Mayence & Cologne.*

184.

Arriuee del'Archiduc Leopoldé en Alsace contre Mansfeld.

*Affaires de la Valtoline & des Grisons accordées.*

186.

M. DC. XXII.


*Reduction de Iulliers à l'Infante.* 187.

Articles de la capitulation.

*Alliance traitée entre l'Espagne & l'An-  
gleterre.* 189.

Traitee à Rome. Resolution du Roy de la gran-  
de Bretagne contre ses Estats.

*Fin de la table des affaires  
Estrangeres.*







HISTOIRE  
GENERALE  
DE LA REBELLION  
DE FRANCE.

*Es années 1620. 1621. & 1622.*

Depuis le reſtaſſement de la Religion Catholique en Bearn.



Viſe voudra informer au vray de l'Eſtat des affaires des Rebelles de la Religion pretenduë reformee de Fâce, trouuerra qu'il y a ià long temps que faiſant ſé-

blant d'apprehender qu'on en vouluſt à la liberté des Conſciences, ils ont teſmoigné par effect qu'ils en vouloient à l'autorité du Roy. C'eſt pourquoy cherchans ſubieſt ou de rompre avec luy, ou de ſe baſtir vne republicue dans les entailles de ſon Eſtat, ils ont, par vn monde

1620.

*La fidelité des Rebelles de la pretenduë envers leur Prince n'a non plus d'assurance que leur ſoy.*

1620.

*Qu'ils se sou-  
mirent que le  
seigneur Admi-  
ral de Chastillō  
estoit si lassé de  
leurs caprices,  
qu'il ne leur ce-  
la point qu'il n'y  
auoit homme si  
miserable que  
de prendre la  
conduite de  
leurs affaires.*

*Quoy qu'ils  
se vantent quel-  
les y s'ir main-  
tenue à la poin-  
te de l'espee voy  
la Prosopopee  
de Loudun  
Iamais il n'est  
fait assemblee  
où le discord ne  
soit meslé, & la  
mauuaise in-  
telligence ren-  
uoyé la plus part  
des Deputez  
sans conclure.*

d'attentats, & par vne monstrueuse desol-  
beïssance, harcelé sa patience, esperans, cō-  
me on iuge que si la Maïesté eust plus lon-  
guemēt dissimulé le rabais, auquel on vou-  
loit mettre son autorité, ils eussent bien  
sçeu par apres, en quelque bonne occasion,  
l'abatre parmy eux, & se cantonner à la  
Hollandoise au milieu de son Royaume:  
C'est toutesfois prendre ses mesures d'un  
trop mauuais biais, & dōner trop à cognoi-  
stre, que ceux qui tiennent le timon dans  
cette rebellion, n'entendent guere bien le  
pilotage, voulans embarquer en l'Ocean  
d'une tres perilleuse nauigation tout le par-  
ty protestant (qui toutesfois n'y a voulu  
entendre) & mettre en un euident peril de  
naufrage, cete liberté de consciences, qui a  
esté tolleree en France par la bonté de nos  
Roys, & qui s'y maintient à la faueur des E-  
dicts: \* Car d'un costé ils sçauent bien com-  
bien leurs forces sont debiles, quand mes-  
me elles seroient les plus vnies du monde,  
que deuiendrōt elles maintenant estans dis-  
sipées en autant presque d'intentions, &  
pretétions qu'il y a de testes dans les assem-  
blees de la Rochelle & de Montauban? Ce  
n'est plus le tēps, auquel toutes les meilleu-  
res villes de Frâce estoïer infectees du poissō  
de l'heresie & le party de ceux de la dite reli-  
gion puissant en autorité, en Princes, en  
Chefs, en credit, en hommes, en armes &  
en argent: maintenant le nombre est telle-

ment appetissé, que dans telle Prouince pouuoient ils iadis conter dix, quinze & vingt milles ames, dans laquelle à present, nes'en trouuera possible pas vn cent, & y en a bon nombre dans lesquelles il n'en paroist aucun. Pour le plat païs, comme il est vray qu'ils n'y ont iamais guere semé, aussi n'en peuuent ils attédre guere grâde cueillette. Car pour la Noblesse, depuis 15. ans il y en a plus de dix mille qui ont quitté leur creance: & les autres sont tellement esbrâlez, soit par les exemples de leurs voisins, soit par les Conferences des Docteurs de l'Eglise Romaine, soit par les miracles que Dieu opere en leur conuersion, cōme iournellement il faict par l'entremise du R. P. Athanase Capucin ( qui trauaille sans cesse à la cōqueste des ames desuoyees ) que soit du costé des villes, soit du costé de la campagne le party est bien foible. Et le pis est de tout, que ceux qui sont encore ferme parmy eux, n'eslargissent que fort escharsement les courroyes de leurs bourses pour vne cause de desobeïssance: car les plus sages d'entr'eux n'iront pas exposer leurs vies ny leurs moyens pour soustenir vne rebellion seul subiet du trouble que nous auons en Frâce: leur ferueur n'est point si grande, ques'il falloit que ce fussent eux qui payassent entierement les gages aux ministres, ils aymeroiēt mieux les renuoyer en Angleterre, que leur fournir l'apointement nécessaire.

A ij

*Bretaigne Prouence, Bourgogne & Champagne Prouinces fort steriles en Eglises pretendues.*

*Plus de 700. heretiques de toute sorte d'Estats conuertis à la foy par le seul Pere Athanase Capucin, depuis deux ans & demy.*



1620.

*Extremes recours des Heretiques quand ils ne peuvent plus garder la campagne.*

*Gens paisibles pour estre de la Religion, qui scauent bien eviter la glu des factieux.*

Neantmoins outre tant desortes de foiblesse, ayans tous les desirs du monde de tenir la Campagne, de s'opposer aux iustes armes du Roy, nous les verrons en cette Histoire conuoquer Synodes & assemblees prohibees & inuitees en l'estat, minuter des desseins de feu & de sang, enroller gens de guerre, solliciter des Chefs, recourir à la protection des Princes & Estats estrangers, & se trouuans cherchez & chassez par tout, ne pouuans faire mieux, se refermer comme moutons espouuentez, dans trois ou quatre de leurs plus fortes villes, marchander leurs vies infortunees derriere les rempars & murailles d'icelles, abandonnant les autres places, ou comme moins tenables, ou comme trop en nombre pour pouuoir estre gardees par si peu de mutins, laissant en icelles tous autres Reformez, qui plus sages qu'eux, & peut estre plus affectioñez à leur Religion, se contenteront obeïssans au Roy, de plorer la prochaine infortune de leurs freres rebelles: voicy leurs attentats, qui commencerent premierement aux Colloques, aux Synodes nationaux, aux assemblees generales, plus aux actions & mouuemens de leurs cercles.

Quant à ce qui touche leurs Synodes & assemblees dernieres, où tant de miserables entreprises & deliberations ont esté concluds contre l'autorité du Roy, & repos de son Estat; pour les recognoistre auoir



esté supercherie plusloft que Synodes ou assemblees legitimes. 1620

Il est à remarquer que les assemblees de ceux de la Religion pretendue sont de trois sortes, Ecclesiastiques, Politiques ou mixtes. *Division des assemblees des Religioneux*  
 Sous les Ecclesiastiques & Mixtes, sont les Consistoires, Colloques, & Synodes, Prouvinciaux & Nationaux. *Assemblees Mixtes, Ecclesiastiques & Politiques sont les plus generales.*

Les Politiques commencent aussi par les Consistoires, delà aux assemblees des Provinces sans passer par les Colloques, puis à l'assemblee generale où ils se terminent.

Aux premieres, ne se traitent que des affaires Ecclesiastiques, & les Ministres y sont tousiours Presidens, soit que les anciens qui sont deputez avec eux, soient du corps de la Noblesse ou du Tiers Estat. *Assemblees Ecclesiastiques de quoy traitent*

Les Politiques se font pour les affaires d'Estat, la Noblesse, les Ministres & le Tiers Estat s'y trouuent & les Gentils-hommes y president avec vn Ministre adioinct. *Politiques de quoy traitent*

Les Mixtes sont de Supercherie contre le seruice du Roy, pour ce que sous la forme & couleur des Ecclesiastiques l'on y messe l'interest de l'Estat, & lors les Anciens, qui se trouuent avec les Ministres, se deputent & choisissent ordinairement du corps de la Noblesse. Mais affin que le nom & la figure d'assemblee Ecclesiastique leur demeure encore qu'elles soient plusloft Politiques, elles s'appellent Synodes & les Ministres y president. *Mixtes ou de Supercherie quelles.*

1620.

Or pour reprendre nostre subdiuision, le Consistoire n'est autre chose que l'assemblée du Ministre & des anciens en chaque Eglise.

*Colloque quel-  
le forme d'as-  
semblée.*

Le Colloque, qui comprend sous soy plusieurs Eglises reçoit les Ministres & anciens deputez de chacune d'icelles.

*Synode Prouin-  
cial qu'est-ce.*

Au Synode Prouincial, sous lequel sont plusieurs Colloques, s'assemblent les mesmes Ministres & anciens deputez de chaque Eglise, qui auoient esté aux Colloques, & de cette façon lesdits Colloques ne seruent que de pour parler, comme le mot le porte, car on n'y depute point.

*Synode Natio-  
nal quel.*

Au Synode National, sous lequel toutes les Prouinces sont comprises, se rendent les deputez qui ont esté nommez en chacun des Synodes Prouinciaux.

*Mouuement  
des assembles  
Politiques.*

Quant aux assembles politiques, comme nous auons desia dit, elles vont d'un pas seulement plus viste, sçauoir du Consistoire droit à l'Assemblée de la Prouince, qui correspôd au Synode Prouincial, & de l'Assemblée generale, qui respond au National.

*Consistoires  
quels.*

Les Consistoires se tiennent toutes les sepmaines vne fois, & les Colloques tous les ans d'ordinaire, & plus souuent selon les lieux & qu'il est besoin, sans que le Roy s'en soucie ny s'en enquierre. Mais pour ce qu'en iceux l'on mesle les affaires Politiques avec les Ecclesiastiques, il est à propos d'a-

uoir telles assemblées pour suspectes en toutes saisons; outre que le cercle, quid'une volabilité n'empareille passe & roule par tous les Conseils des Eglises, pour secrets qu'ils soient, paroist tousiours du costé de la guerre d'un contrepoids naturel inutile à tout bien & enclin à mal faire.

L'assemblée generale ne se doit faire que par permission expresse de sa Majesté, moyennant laquelle, & si son bon plaisir est, elle se renouelle de trois en trois ans: C'est là qu'on nomme les deputez generaux pour venir en Cour, exposer les plaintes & demandes des Eglises à sa Majesté, de laquelle les deputez sont tousiours retournez satisfaits, avec nouvelle permission de se rassembler au bout de trois ans, voila l'ordre qu'on y tient.

Mais voicy le desordre, & tel que l'on le remarquera en cest affaire. C'est que bien souuent, comme l'on a veu, auant que le temps soit expiré, on precipite & aduance les assemblées, non pas seulement sans la permission, mais contre les deffences tres-expresses de sa Majesté.

Pour se couvrir de blâme de troubler l'Estat, par une desobeissance si notable, on a souuent requis que le Roy permist une fois pour toutes, de se pouoir assembler selon qu'il seroit besoing, sans autre permission plus particuliere. Mais pour ce que la requeste a esté trouuee inciuile, on s'est ad-

1620

*Assemblée Generale  
quello.*

*Desordre des  
assemblées con-  
uoques sans  
permission du  
Roy.*



1620

*Artifice mal-  
cieux des Reli-  
gieux pour s'enre-  
voir.*

uisé par plusieurs fois, comme encore il se pratique de prendre vne correspondance generale dans tous les Synodes Prouvinciaux par le moyen du cercle, qui se fait par les deputez generaux, aggrée de toutes les Prouinces, lesquels courans & roulans par tous les Synodes Prouvinciaux, y recueillent l'un apres l'autre les resolutions de toutes les Eglises, & les rapportent au lieu d'où ils estoient partis, & où ils sont attendus du gros des plus notables & zelez du party, & qui ont toutes charges, & celieu là est comme le Centre où le Pole, sur lequel se fait ce mouvement circulaire.

*Assemblées qui  
sont autant  
d'attentats à  
l'autorité  
souveraine.*

Or ce dessein qu'on a de faire ainsi des assemblées Generalles & des Synodes nationaux à toutes occasions, sans la permission du Roy, choque de droit fil l'autorité Royale, & ne peut estre baptisé d'autre nom que d'attentat à la souveraineté & crime de leze Maesté, car par ce moyen trouuant tousiours des pretextes de continuer lesdits assemblées, c'est tenir vn Conseil sur pied separé du corps de l'Estat, à la Hollandoise: & tels sont les Synodes d'Alez, les assemblées de Priuas, de la Rochelle, de Montauban & Milhaud, conuozquez sans permission du Roy, & contre son autorité en l'année 1620. où la Rebellion a esté conceüe du depuis, au preiudice du seruice du Roy & repos de son Estat.

Quant au Synode National conuozqué en

la ville d'Alez & commença sur le voyage 1620.  
& acheminement du Roy en Bearn: & pour Synode d'Alez  
cognoistre que sous pretexte & couleur d'y convoqué au  
traicter simplement des affaires Ecclesiastiques, mois d'Octobre  
des lors s'y minuta le trouble & mesla l'an 1620.  
on l'interest de l'Estat, qui fut, par consequent  
plustost vne supercherie que la forme d'un legitime Synode où les Ministres  
presidoient, ie mettray icy tout ce qui s'y  
passa de iour à autre, & les resolutions que  
l'on y prit sur le changement arriué en  
Bearn.

Car de là depend toute l'origine du desordre qui s'est du depuis introduit dans les  
assemblees, Colloques & Conferences desdicts de la Religion pretendue, & verra on  
en l'Estat de ce Synode quel estoit le sentiment des Ministres cõtre la tranquillité publique  
de l'Estat, & qu'au lieu d'y traiter du fait de la discipline Ecclesiastique desdictes  
pretendues Eglises reformées, & de la correction de la vie, mœurs & actions des  
Ministres, deposition des vns & establisement des autres, & autres affaires ministerielles,  
qui ont accoustumé d'estre traictées esdicts Synodes, on a parlé fort sobrement de cela,  
& s'est on ietté sur les affaires du temps, & se sont les Ministres meslez de beaucoup  
plus de choses que ne portent leurs charges mais ils agissoient par l'organe & ressort des  
Rebelles.

*Origine de la  
Rebellion pro-  
cade del'esta-  
blissement de la  
Religion Ca-  
tholique en  
Bearn. C'en est  
le pretexte.*

*Catalogue des  
Ministres qui  
s'y trouuerent.*

Toutes les Eglises pretenduës Reformées de France & souueraineté de Bearn, sont diuifées en seize Prouinces, de toutes lesquelles y eut Ministres choisis & deputez pour assister audit Synode National d'Alcz, scauoir.

<i>Del'Isle de France.</i>	<i>Xaintonge.</i>	<i>Prouence.</i>
{ Du Moulin. }	{ Constans. }	{ Haron. }
{ Iamiot. }	{ Chenet. }	{ Dajon. }
{ Papillon. }	{ Fromentain. }	<i>Vinaretz.</i>
<i>De Berry.</i>	{ Iacquet. }	{ Richart. }
{ Viguier. }	<i>Basse Guyenne.</i>	{ Agart. }
{ Zamet. }	{ Priuat. }	{ Du Bessé. }
{ Soustele. }	{ Du-Luc. }	{ Rouré. }
<i>Normandie.</i>	{ Ioly. }	<i>Haut Languedoc.</i>
{ La Riuiere. }	{ Dartigues. }	{ Voisin. }
{ Maffé. }	<i>Bourgongne.</i>	{ Garrifoles. }
{ Mambéré. }	{ Heliot. }	{ De Marnal. }
<i>Basse Bretagne.</i>	{ Perrot. }	{ Du Puy. }
{ Menuet. }	{ Deuoyers. }	<i>Seuenes.</i>
<i>Poitou.</i>	<i>Anjou.</i>	{ Guillaumin. }
{ Chauffepied. }	{ Bouchereau. }	{ Venturin. }
{ Carré. }	{ Cotier. }	{ S. Bonnet. }
{ La Bugoniere. }	{ Raboteau. }	{ Baudoin. }
{ Monmartin. }	{ La Plantero- niere. }	<i>Bas Languedoc.</i>
<i>Bearn.</i>	<i>Daulphiné.</i>	{ Brumier. }
{ La Badie. }	{ Guyon. }	{ Le Faucheur. }
{ Des Marctz. }	{ La Crosc. }	{ Clauione. }
	{ Du Port. }	{ De Bouc- ques. }
	{ Bernard. }	



es fusdicts deputez se rendirent en Alez la fin de Septembre 1620. & commencerent de s'assembler le Ieudy premier Octobre ensuiuant, & ce dans la sale de la maison de ville, où apres la priere faicte on proceda à la nomination d'un Moderateur, d'un Adioinct & de deux Scribes. Brumier, Ministre du bas Languedoc, auoit trauaillé l'espace de trois iours auparauant, pour estre le Chef de l'assemblée, mais la brigade du Moulin, Ministre de Paris, fut plus forte, si que par la pluralité des voix ont esté nommez, du Moulin Moderateur, Brumier adioinct, Viguier Ministre de Berry, & Pillon, de l'Isle de France, Scribes ou secretares dudit Synode.

Ce faict on proceda à recognoistre l'assemblée & examiner les lettres d'enuoy des deputez des Prouinces, quelques vns estans absens, mais en petit nombre.

Le Vendredy 2. iusques à midy l'assemblée fut occupée à la lecture des articles de Foy desdites Eglises, & ne s'est trouué nul dissentiment contraire d'aucune Prouince sur lesdits articles, dont du Moulin a dit qu'on n'auoit grand subiect de louer Dieu, de ce qu'il y a en France de la dite Religion, il n'en y trouuoit aucune diuersité en la doctrine.

Bien est vray que sur l'article de la predication, quelques Prouinces ayans demandé que lecture fust faicte des actes faicts à

1620.

*Forme de l'ouverture dudit Synode.*

*Du Moulin  
créé modérateur en ce Synode.*

*Huict cens Eglises  
pretendues  
Reformées en  
France.*

1620.

*Assemblée de  
Dordreh en  
Flādrès 1620.  
contre la do-  
ctrine d'Ar-  
minius.  
Tilenus Anta-  
goniste de du  
Moulin.*

Dordreh en Flandres contre la doctrine d'Arminius, du Moulin requist que cela fust renuoyé à vne autrefois, comme y ayant vn particulier interest à cause de Tilenus, qui enseigne, disoit il, la doctrine d'Arminius à Paris, & craignoient que comme en Flandres on a semé la diuision, entre les Eglises pretenduës, pour les ruiner par le moyen de ceste doctrine, on en voulust faire autant en France, où plusieurs Ministres se declareroient Arminiens, s'ils estoient protegez & assistez de quelques Grands de la dite Religion, ce qui seroit vn puissant moyen de ruine.

Les articles de la Discipline Ecclesiastique reformée, ont esté leuz, on y a adiousté & diminué quelque chose, mais peu considerable.

*Reformation  
de la discipline  
Ecclesiastique.*

Sur le chapitre des anciens on insista à ne receuoir pour anciens ceux qui ont leurs femmes Catholiques, mais la resistance vigoureuse qu'on y apporta, empescha que la proposition fust suiue.

*Touchant la  
Cene.  
Anciens deffen-  
dus d'admini-  
strer aux Ce-  
nes.*

Sur le Chap. de la Cene, il fut representé que les Eglises auoient tolleré pour vn temps que les anciens distribuassent la coupe, mais qu'il falloit corriger vn tel abus disans qu'autres que ceux qui estoient purement Ecclesiastiques ne pouuoient administrer les saints Sacremens. La compagnie ordonna que d'oresnauant les Pasteurs administreront le pain & la coupe, & qu'

les anciens ne s'en mesleroyent plus: dequoy les Prouinces se trouuerét fort scandalisees, & les principales Eglises se ioignirent pour en faire des remonstrances: mais tout cela en vain, car cela est enioint aux Pasteurs sur peine de depositions: voyla le principal de ce qui se passa en ce Synode, tant en la lecture des articles de la foy, que de la discipline. Mais voicy la Supercherie.

Le Ieudy au soir les Deputez de Bearn firent tous leurs efforts, pour faire que le Synode prist cognoissance de leurs affaires. Car dès le commencement, ayans demandé qu'on enuoyast des Deputez vers le Roy, afin que se souenant des promesses imaginaires faites à l'assemblée de Loudun, se figurans que les sieurs de l'Esdiguières & de Chastillon estoient cautions de sa parole, sa M.<sup>e</sup> n'executast rien contre la souueraineté de Bearn: mais telle deputation fut remise à vne autre fois, & cette intermise donna moyen à vn particulier & l'un des premiers hommes de ladite assemblée d'Alez & qui manioit le plus d'affaires, de communiquer avec ses amis pour interrompre les desseins desdits Deputez, desquels il scauoit toutes les intentions: ainsi il trauailla pour differer telle demande & gagner temps sur l'aduis qu'il eut que le Roy s'acheminait en Bearn, pour ne mesler l'Estat des affaires des Eglises de France avec celles de Bearn, suiuant la resolution qui en fut

*Commencement  
de la Supercherie  
de ce Synode*

*Jamais sa M.  
n'e leur fit les  
promesses de  
permettre qu'ils  
se rassemblé-  
roient six mois  
apres leur se-  
paration de  
Loudun.*



1620.

*Deputez de  
Bearn disent  
souhaitant que  
les Eglises de  
France les tra-  
hisent.*

prise à la conclusion de la susdite assemblée de Loudun. Et neantmoins depuis le Lundy iusques au leudy lescdits deputez de Bearn firent la mesme proposition par quatre diuerles fois demandans ladite deputation, comme tres-necessaire, croioient par la ville d'Alez que les Eglises de France les auoient trahies & vèdues, maudioiēt l'heure & le iour qu'ils s'estoient ioincts à elles, & cela faisoit tant d'esclat, que ia les habitants d'Alez murmuroient contre l'assemblée: on à resisté viuement à leurs demandes, notamment par ces raisons.

Premierement, qu'on estoit asseuré que les Eglises de Bearn auoient receu l'accommodement, & s'estoient contentees de ce que le Roy auoit offert, & pour tant mieuz asseurer la chose, on fit rendre vne lettre à Voisin Ministre de realmont du bas Languedoc, comme si elle venoit de la part de Chamier Ministre de Montauban, portant la nouuelle del'accommodement, & cette lettre a bien seruy.

Secondement, qu'une assemblée Ecclesiastique ne pouuoit cognoistre des affaires de telle nature.

*Ministres incapables des affaires d'Estat.*

Tiercement, que la deputation seroit inutile, & que le Roy ne voudroit receuoir ny ouyr des personnes illegitimes sur vn affaire tant important.

*Mais plus tost la conclusion.*

Quatre, qu'on estoit asseuré que les Eglises de la souueraineté de Bearn se vouloiēt

separer de celles de France, incontinent  
que leurs affaires seroient terminees.

Finallement que les Eglises n'estoient pas  
en Estat d'inciter le Roy, sous les armes du  
quel tout faisoit ioug & qu'il sembloit que  
la paix s'affermissoit puissamment dans l'E-  
stat.

Par telles & semblables raisons on eluda  
les demandes des Deputez de Bearn.

Le Vendredy neufiesme la Planche mini-  
stre de Prouêce apporta lettres en Alez qui  
venoient de Priuas, par lesquelles on faisoit  
sçauoir les actes commis par les soldats du  
Vicomte de l'Estrange contr'eux & qu'ayâs  
rencontré vn vieillard, ils luy auoient don-  
né vn grand coup d'espee sur la teste & a-  
uoient poursuiuy vn autre, lequel pour sau-  
uer sa vie, se seroit ietté dans vn precipice.  
Ceux de Priuas prioient vn particulier qui  
estoit là d'en aduertir les deputez du Viua-  
retz, pour en faire plainte dâs l'assemblée,  
mais cela se passa sans bruit.

Le iour mesme arriua Vaucillon Ministre  
d'Aiguemorte lequel apporta vne lettre à  
l'assemblée de la part du sieur de Chastillô,  
laquelle ne contenoit que des compliments  
& tesmoignage de son obeïssance aux Egli-  
ses. La compaignie l'en a remercié par escrit  
mais il se sceut que ledit Vaucillon estoit en-  
uoyé aux Deputez de Bearn, dans le logis  
desquels s'estant enfermé, ils s'entretindrēt  
environ 2. heures: quelqu'un ayant espié

de l'assemblée  
de Loudun por-  
te que les Eglises  
de France ne se-  
roient plus d'in-  
stance à l'adue-  
nir psur les af-  
faires de Bearn.

ils ne l'ont fait  
qu'en leur corps  
deffendant.  
Nous verrons cy  
apres cette pro-  
cedure.

Compliments  
du sieur de Cha-  
stillon à l'as-  
sée d'Alez.

1620.

*Ils ne sçauoient  
pas encore que  
le Roy fust par-  
ty pour aller en  
Bearn.*

cette action s'enquist desdits Deputez & sçeut que ledit Vaucillon les auoit asseurez que dans peu de temps on oiroit du bruit dans cette Prouince, à quoy ils auoient respondu que le bien qu'on feroit en ce pais, ne gueriroit pas le mal qu'on leur auoit fait par delà.

*Affaires des  
Grisons mettēt  
le Duc de Sa-  
uoye en pour-  
parler avec le  
Mareschal de  
l'Esdiguieres.*

*Ce fut fait le  
26. Iuliet l'an  
1620.*

Le Samedy 10. Dierieu Ministre en Dauphiné arriua & a dit que le Mareschal de l'Esdiguieres estoit encores en Piedmont pour conferer avec le Duc de Sauoye touchant l'affaire des Grisons : que le Duc de Feria Gouverneur de Milan y auoit fait faire de grands massacres, que les Espagnols ayans esté chassez des places qu'ils y auoient prises, les auoient de rechef saisies & en auoient chassé les habitâs; que le Duc de Ferias'estoit emparé de la Valtoline & y faisoit bastir quatre fortresses pour faire passer en seureté les troupes Espagnolles en Allemagne; que les Venitiens, le Duc de Sauoye & autres voisins s'interessioient en cet affaire, & parloit on de faire des leues dans le Dauphiné, & plusieurs conce-uoient de sinistres opinions contre le party de ceux de la Religion. Ledit la Planche assura que le sieur de Canaple fils du sieur de Crequy & petit fils du Mareschal de l'Esdiguieres, s'estoit fait Catholique; qu'après la mort dudit Mareschal toute cete famille estoit en danger, & que le Dauphiné estoit mal asseuré; qu'estât passé à Grenoble, les

*Cela se fust pos-  
sible executé,  
mais M. de Bas-  
sompierre ap-  
porta autre re-  
solution d'Es-  
pagne.*



ble; les plus opulents tant du Parlement, que de l'Eglise, luy auoient dit que dans quelques annes le Roy ne fourniroit plus à l'entretien des villes d'ostages. Et dit en particulier à la Fon, que le sieur de Morges Gouverneur de Grenoble, n'estoit point de la Religion, que les Gouverneurs de mont-limar & de Lieuron, estoient Pensionnaires, & que ce premier tiroit tous les ans quinze cens escus de pension. Et quoy qu'on eust persisté en l'Assemblée à telles nouvelles, si estce neantmoins que les Deputez de Bearn en firent leur profit.

1620.  
*Le Roy n'y est point subiet.*

*C'est un faux supposé, car pour estre bon seruiteur du Roy, n'est nécessaire de tirer pension de sa Maesté*

Le Lundy douzième à la seance du soir, les Deputez de Bearn se representèrent & formerent de grandes plainctes, que les Eglises les abandonnoient, apres tant de promesses faictes dans les assemblees Prouinciales: requirent la compagnie de deputer au roy. L'affaire fut concertee durant trois heures, il y eut diuersité de sentimens par la pluralité de voix; & resolut on la deputation, plus pour donner contentement à tous lesdits Deputez, que pour aucune fin qu'on esperast, & furēt nommez les sieurs de la Riviere Ministre à Roüen, Maranaſt Gouverneur de mauuoisin, & de Boucques Aduocat à montpellier, lesquels auoient charge de saluer le Roy & le feliciter de ses victoires, luy demander qu'on se peust assembler

*Deputation vers le Roy résolu pour le contentement des Deputez de Bearn.*

1620.

*Tous ces differents estoient inuidez, nous le verronscy apres.*

*Deputez vers les sieurs Marechal de l'Escliguières & de Chastillon.*

*Letres dressees pour enuoyer au Roy.*

*Deputez prests à partir.*

à la Rochelle suyuant les erremés de l'assemblée de Loudun, comme aussi de terminer les differents de Lectoure & de Priuas, prier sa Maiesté pour les Eglises de Bearn, & faire sur ce les requisiions necessaires pour leur conseruation. Et d'autant qu'il a esté dit que le Roy auoit faict cautions de ses promesses les sieurs de l'Escliguières & de Chastillon; ils deputerent aussi le sieur de Saint Bonnet Gentil-homme de Seucenen, avec instruction sur ces faicts, afin qu'il s'y interessast: les trois susdits eurent charge de voir en passant le sieur de Chastillon à Aiguemortes, afin qu'il en fist le mesme. L'assemblée n'espera pas pourtant receuoir aucun contentement du Roy, & croyoit elle assez qu'il refuseroit l'assemblée generale: elle croyoit aussi que l'accommodement fust faict pour le Bearn, que Lectoure auoit esté promis au sieur de Claussonne, qui estoit soubçonné, & que Priuas estoit perdu, ioignans à cela la corruption de leurs grands on publioit la foiblesse du party, & iamais lescdites Eglises pretenduës n'eurent le courage plus abbatu, qu'alors. Charge fut donnee de faire les instructions & lettres tant au Roy, qu'aux Ministres de l'Estat.

Le lendemain Mardy treziesme du matin les susdits Deputez se presenterent bottez avec leurs habits de voyage prests à monter

à cheual: mais ils trouuerent du changement: car la Fon ayant assemblé ses amis & ayant concerté l'affaire, fut delibéré entr'eux qu'il falloit tous iouer, pour empêcher telle deputation: la difficulté estoit d'en porter la proposition, si que ayant remedié à cela, la chose proposée dans l'Assemblée, il y eut grand trouble en icelle & les voix furent partagees.

Cela estant sçeu, la Fon alla querir Guilaumin Ministre en Seuenes, qui estoit malade, & l'ayant enuoyé dans l'Assemblée, l'affaire estant remis sus: delibération fut prise qu'ils n'iroient point, ce fut fait enuiron sur les quatre heures du soir dudit iour. Ceux de Bearn estoient au desespoir là dessus, & peu s'en fallut qu'ils ne quittassent tout à fait l'Assemblée: & n'y eut aucun affaire qui donnast alors plus de peine audit la Fon que cettuy cy.

Le Mercredy vingt-quatriesme l'Hanne Ministre de Sommieres auoit esté cité à comparoir & rendre raison pourquoy ledit de l'Hanne s'en estoit retourné de Geneue lors de l'Assemblée d'Ordrech en Flandres, ayant esté député avec du Moulin & Riuet par le Synode national de Vitré. Du Moulin & l'Hanne ayans esté ouys, la compagnie aggrega leur procédure.

Incontinent apres on ouyt ledit l'Hâne sur les plainctes que quelques Prouinces auoient porté contre luy, pour s'estre las-

*Deputation  
empeschée par  
l'artifice de la  
Fon.*

*Touchant l'H.  
ne Ministre de  
Sommieres.*

*Plaines for-  
mees contre luy.*



1620

chement conduit à l'Assemblée generale derniere; mais d'autant que cet affaire pouuoit apporter de grâds troubles dans la compagnie, elle resolut n'en point cognoistre, ains s'en rapporta au iugemēt que l'Assemblée Prouinciale en auoit fait.

*Desespoir des  
Deputez, de  
Bearn.*

Ce iour mesme les Deputez de Bearn a-yans perdu toute esperance de la deputation, enuoyerent vn Messager en Bearn pour leur faire entendre tout ce qui s'estoit passé touchant leur affaire, & comme il n'y auoit plus d'esperance de secours pour eux de la part des Eglises de France.

Le Ieudy 15. se passa vn affaire peu importāt

*Fare Ministre  
moins fastieux  
que les autres*

Le Vendredy 16. la Fare, Ministre en Aubonnas se presenta, il estoit en intention de troubler leur Eglise, d'auoir communiqué avec le Colonel d'Ornano, d'auoir pris argent de luy, on l'auoit mis hors du Viaretz; Ceux qui seruient le Roy l'assisterent, cognoissans qu'il pouuoit estre vtile, & firent tant, qu'ayant esté suspendu pour deux mois, on le remit dans son Eglise, quoy qu'avec beaucoup de contestation.

*Nouvelles du  
parlement du  
Roy pour aller  
en Bearn.*

Ce iour mesme le Laquais du sieur de Miraudol passa en grande diligence, allant en Viaretz, pour porter nouuelles que le Roy estoit party pour aller en Bearn, & qu'il auoit laissé à Montpellier le Courier de sa Maieſté qui alloit vers le Mareſchal de l'Esdiquieres. Ce Laquais se declara à vn nommé Derole, qui le dit à la Fon, lequel

estouffa cette nouuelle, & ce d'autant que les Deputez de Bearn vouloient renouuer la demande de la deputation.

Le Samedy 17. le Synode ayant sceu que les Deputez de Gange traictoient accom-  
modement avec le Ministre Codur qui est en fort mauuais predicament, nomma trois Commissaires pour en cognoistre.

Le iour mesme le President de Vignolles escriuit au sieur de Clauffonne, le sollicitant de ce que le Roy auoit fait choix de sa per-  
sonne pour le Gouvernement de Lectoure.

*Sieur de Clauffonne croit estre Gouverneur de Lectoure.*

Le sieur Courroy Ministre à S. Ambrois, vouloit estre ouy dans l'Assemblée, demandant Conseil sur ce que l'Euesque d'Vsez  
vouloit aller habiter audit S. Ambrois. Le Synode voyant que c'estoit vn faict politique, commit des Deputez pour y pouruoir, & fut conclud qu'il falloit empescher ledit Euesque par toutes voyes, & porter les habitans à se bien voir contre luy. Guyon Ministre en Dauphiné fut député, & y estant allé, executa sa Commission.

*Plaintes contre l'Euesque d'Vsez.*

Le 18. le sieur Voguedemer alla en Alez visiter l'Assemblée, plusieurs pasteurs le virer, & fut ouy que sur l'affaire de Priuas il animoit à en auoir raison & offroit de s'y employer & y engager ses freres.

*Sollicitation contre le repos de Priuas.*

Ce iour mesme on eut nouuelles certaines que le Marechal de l'Esduiguières estoit de retour de Piedmont, & qu'il auoit esté à Cisterons en Prouence avec le Duc de Guyse

*Retour du Marechal de l'Esduiguières de son voyage de Piedmont.*

1620.

& le sieur de Chastillon: on en auoit la nouuelle depuis le Vendredy 16. mais elle fut supprimee.

*Plainte contre les Catholiques de Villeneuve de Berg.*

Le Lundy 19. Orty Ministre de Villeneuve de Berg presenta lettres de la part de la ville demandant aduis & assistance contre les Catholiques, qui vouloient auoir part au Consulat de ladite ville: sur quoy le Synode ayant ordonné des Deputez, fut resolu qu'on employeroit la voye de la Iustice, & que l'Assemblée les assisteroit d'argent lors de la distribution.

*Imaginaires persecutions de Priuas remonstrees au Synode par Tauernol Ministre.*

Au soir se presenta Tauernol Ministre de la ville de Priuas qui remonstra au Synode les persecutions que ladite ville de Priuas auoit souffertes & souffroit tous les iours: qu'ils auoient depêdu 25. milles liures pour leurs affaires, & ne pouuoient longuement subsister sans l'assistance de la compagnie: fut delibéré qu'on leur donneroit cōptant deux cens escus, & qu'on feroit vne collecte pour eux, & furent exhortez de se bien deffendre, & que les Eglises ne les abandonneroient iamais.

*Plainte contre l'Euesque de Montpellier.*

Ce iour mesme furent ouys les Deputez de Gignac, lesquels représenterēt que l'Euesque de Mōtpellier rauageoit cette Eglise, & que nouuellement le Ministre Mariō, qui s'estoit fait Catholique, y estoit, taschāt d'en seduire plusieurs: la compagnie ordōna leur donner vn Pasteur pour 6. mois, faisant grande consideration de ladite Eglise.



Ce mesme iour encore, arriua Oliuier  
Ministre à Nismes lequel porta copie de la  
lettre que le Roy auoit enuoyee à Montpel-  
lier, escrite de Poignac du 9. Octobre, par  
laquelle il les aduertissoit qu'il s'en alloit en  
Bearn pour faire executer s<sup>on</sup> Edict, & qu'au  
printemps ensuyuant il iroit en Langue-  
doc: on sceut que le Parlement de Pau &  
le sieur de la Force obeissoient au Roy, & n'y  
auoit que le menu peuple qui resistast.

*Copie de la let-  
tre du Roy en-  
uoyee à Mont-  
pellier, leuë au  
Synode.*

Cette nouuelle frapa au cœur d'espon-  
uente toute l'Assemblée: les Deputez de  
Bearn croyoient, que si la deputation eust  
esté faite au commencement, ce mal ne leur  
seroit point arriué.

*Qui est frappé  
de grand eston-  
nement.*

Dans la ville on creut lors qu'il y auoit des  
traistres en l'Assemblée qui auoient empes-  
che le coup.

Le Ministre Brumier d'Auxerre ayant  
pris aduis, manda à Vsez pour conferer  
promptement la conference: mais la Fon-  
partit le lendemain matin, & ayât commu-  
nique le tout à ceux qui conduisoient, & qui  
estoient du corps de la conference, fut prise  
resolution de differer la tenuë iusques au  
retour de Prouence du sieur de Chastillon,  
& ainsi fut fait.

*Conferée d'V-  
sez, empescher  
par la Fon.*

Le Mardy vingt-iesme on commença le  
different du sieur Callepin Iuge du Roy à  
Vsez avec le Viguiier Houdin, & estoit pour  
certains procez verbaux, que ledit Iuge  
auoit remis au Parlement de Tholouse

*Affaire contre  
le Iuge Royal  
d'Vsez.*

1620.

Parolles nota-  
bles.Different entre  
l'Eglise de Gan-  
ge & son Mini-  
stre.Affaires de  
Bearn raeon-  
nées au Synode.

contre le Viguier touchant l'affaire des Marquis, le lieur d'Herbier estant audit Vsez ayant ordonné suspension des Sacre-  
mens contre ledit Iuge, dequoy il auoit  
appelé au National, les Magistrats & Mi-  
nistres de Montpellier se ioignirent à son  
appel, disans *que les Synodes ne peuuent co-  
gnoistre des actions que les Officiers du Roy font  
en l'exercice de leurs charges, & que si en seruant  
le Prince on encourroit les peines Ecclesiastiques,  
le Roy ne donneroit aucun office à ceux de la  
Religion.* La compagnie ne voulant, avec  
deffin, decider la question, ordonna que  
les parties seroient obligees à prendre des  
Arbitres pour terminer leur differet: ce qui  
fut fait, & le Mardy se passa en cet affaire.

Le Mercredy vingt-vniesme on traicta le  
different d'entre l'Eglise de Gange & Co-  
dour Ministre en icelle: cet affaire estoit  
tel, que sans l'assistance des seruiteurs du  
Roy ledit Cadour estoit perdu. Le diffe-  
rent fut vuidé: Codour a esté mishors de  
Gange, & à luy deffendu de se plus iamais  
meller des affaires politiques: charge don-  
née au Colloque ou Synode de la Prouin-  
ce de Seuenes de le pouruoir. Il dit à ses amis  
ne vouloir point de charge, ains qu'il se re-  
tireroit à Montpellier, où neâtmoins il pour-  
roit estre en danger pour estre fort descrié.

Au soir arriua Bermier Medecin ordinaire  
du Roy, lequel declara à du Moulin & à  
quelques autres l'Estat des affaires de Bearn

& les allarma fort : aussi arriva vn messager de Montpellier portant coppie de la lettre que le Roy leur auoit escrite, & lors on sceut certainement que le sieur de Bleinville estoit pourueu du Gouuernement de Lectoure, dont le sieur Claussonne fut fort affligé.

Le Ieudy 22. les Deputez de Bearn proposerent derechef qu'il pleust à l'assemblée de deputer vers le Roy apprehendans vn mauuais traictement & le desespoir de leurs Eglises & cōmunautés, si qu'ayant esmeule Synode à cōpassion on delibera d'y enuoyer les premiers nōmez : mais pendāt qu'on travailloit aux memoires, la Fon s'it tant & par raisons & par artifice que le soir Cotier ministre en Anjou, ayāt proposé si telle deputation seroit vtile, fut conclud qu'on n'y manderoit point. La plainte du sieur de Portes cuida porter au desespoir ceux de Bearn, qui nesçauoient que deuenir.

Fabas Deputé General, ayant escrit pour la Conference du bas Languedoc, les amis d'Vsez differerent ladite Conuocation.

Au soir mesme se vuida le different du Ministre Boules contre Astier, Lientenāt du Iuge ordinaire de Nismes, qui poursuiuoit d'estre Ancien des Eglises de Veiges & Bourgogne : ledit Astier apres auoir esté bien censuré des memoires dictz au Ministre, fut declaré pouuoir estre Ancien, lors qu'il y seroit appellé par les voyes ordinaires.

1620.

*Claussonne fist  
ché de l'esta-  
blissement du  
sieur de Blein-  
ville à Le.  
Route.*

*Proposition des  
Deputez de  
Bearn restée  
au Synode.*

*Empeschée de  
rechef par le  
Fon.*

*Conference du  
bas Languedoc  
différée.*



1620.

*Ministre accusé  
de paillardise.*

Le vendredy treiziesme l'affaire du sieur Bonnes Ministre de Puy-chasteau & de Soupion en Poictou, fut mis en estat preuenu du crime de paillardise, & iugea-on qu'il exerceroit son ministere hors de la province. Il y auoit en cette accusation des actes qui meritoient la mort, & tout le monde fut scandalisé d'un tant favorable traitement, & quant à luy il dit à la Fon en partant, qu'il ne prescheroit iamais.

*Debat insolent  
entre deux  
Ministres du  
Synode.*

Au soir suruint un grand debat entre le sieur de saint Bonnet & de Dedics de Sauue, sur quelque libelle que ledit Dedics auoit publié contre Bony Ministre audit Sauue. Bonnet luy donna quelques coups de pieds, & le sieur Marauel un soufflet. Ceux de l'assemblée accoururent & y eut grand scandale, car cela se fit à la porte du Synode: Les Officiers & Consuls de la ville d'Allez y furent employez pour traicter cest accommodement: le battu fut contraint de demander pardon à Dieu dans l'assemblée, pourquoy faire il se mit à genoux volontairement & enquis pourquoy cela, respondit, qu'il n'auoit pas accoustumé de demander pardon à Dieu d'autre façon, cela fit-il pour se moquer de l'assemblée, & faire voir comme il en auoit un grand ressentiment en l'ame.

Le Samedy vingt-quatriesme se passa à vuidier les accusations par trois Pasteurs contre deux freres nommez Maurices qui

seruoient en Prouence & qui auoient faict choses contre leur gré, mais ils furent traittez fauorablement: l'un de leurs accusateurs nommé Ressent cuida estre mis en peine pour auoir confessé que lors de l'assemblée de Saumur le Marechal de Bouillon luy auoit donné cent escus.

Au soir arriva vn amy d'Vsez lequel aduertit vn autre de ce qui auoit esté fait en Prouence sur l'entreueüe des sieurs Marechal del'Esdiguieres & de Chastilló. Touchant l'affaire de Priuas il fut proposé de chasser la garnison du Chasteau, & y mettre des Suisses, & que cependant on pouruiuroit la cause deuant le Roy, duquel on se proposoit en ce fait fauorable iustice: pour ce faire que le Marechal de l'Esdiguieres y manderoit vn Courier, & qu'attendant la responce, le sieur de Chastillon manderoit vn sien Gentil-homme à ceux de Priuas pour les obliger à se contenir, & les asseurer que bien tost ils seroient en liberté. Auoit aussi esté dit qu'on manderoit vn Consul de chacune des trois villes de Montpellier, Nismes & Vsez, dit aussi que les sieurs Duc de Guise, Marechal de l'Esdiguieres & de Chastillon auoient conuenu principalement del'affaire des Grisons, & que ç'a esté le premier motif de leur Conference, & fut conclud entr'eux, suyuant les aduis que le Marechal apporta de la part du Duc de Sauoye, de dresser vne armée de quatorze

1620.

Cette Assemblée tint en l'an 1611.

Resolution de chasser la garnison Catholique du Chasteau de Priuas.

Conclusion de la Conference de Prouence pour le secours des Grisons.

1620.

milles hommes pour cependant laquelle ledit Duc seroit Chef & feroit 400. hommes. Le Marechal qui en seroit Lieutenant General, feroit deux milles homes qu'il payeroit: & le sieur de Chastillon seroit Marechal de Camp: que les Venitiens fournissent 4000. hommes d'entretienement: les Bearnois & Cantons 14. milles hommes: Ainsi grandes choses se preparent pour le printemps, croyans que les affaires d'Allemagne, qui troublent toute la Chrestienté, troubleront toute la France.

Depuis le Lundy 26. iusques au Vendredy trentiesme ledit Synode s'employa en la deposition de trois Ministres qui estoient mocquez des Iuges dudit Synode, publians par tout que c'est la Synagogue du Diable, & que l'esprit d'estourdissement les auoit saisis.

*Ainsi appellent ils la Iustice que le Roy a fait rendre à ses Edits en Bearn.*

Le mesme iour nouuelles certaines estans venuës de toutes parts de l'ordre que le Roy auoit establi en Bearn, du desarmement des Nauarrins, des garnisons que sa M. y auoit mises, des Téples rendus aux Catholiques.

*Nouvelles deputations vers le Marechal de l'Eldiguieres & le sieur de Chastillon.*

Sur les aduis donnez de diuers endroits contre cette assemblee d'auoir abandonné les dites eglises à la requeste & poursuite des Deputez de Bearn, on manda S. Bonet vers le Marechal de l'Eldiguieres pour auoir ses sentimens, tant pour ce qui regarde les promesses du Roy à l'assemblée generale derniere que pour les affaires de Bearn & de l'assemb-



Assemblée Generale conuouee à la Rochelle: S.  
Donnet partit le Samedi 31. encores que le  
temps fust fort fascheux à cause des grandes  
pluyes.

Le Lundy 2. Nouembre l'assemblée de-  
puta le sieur de Boucques vers le sieur de  
Chastillon, affin de luy communiquer ce  
qu'on auoit mandé au Marechal, & auoir  
les sentimens sur les mesmes affaires & au-  
tres occurrences.

Au soir les Deputez de Bearn requi-  
rent le Synode d'enioindre à ceux qui pres-  
choient en Alez, de faire vn article pour  
tous les Pasteurs du Royaume, affin qu'ils  
priaissent Dieu pour leurs Eglises ruinées.  
Les seditieux voulurent faire grand esclat  
de cela: mais on trouua bon de destourner  
vne telle procedure, qui pouuoit à l'aduenir  
troubler les Eglises: cependant on doit faire  
proffit d'vne telle lascheté, puis que mesme  
ils refuserent les prieres à leurs freres.

*Deputez de  
Bearn de man-  
dent qu'on prie  
pour leurs  
Eglises.*

*Sont refusez.*

Le Mardy 3. sur les lettres de la Rochelle,  
on auoit desir d'en interrompre la teneur  
en la differant: la proposition en fut faicte,  
mais plusieurs se souleuerent contredisans  
que ce n'estoit pas au Synode de cognoistre  
de ces choses.

Au soir on vuida l'affaire d'Oliuier Mini-  
stre en Alez, qui estoit demandé par ceux de  
Montauban. Le Synode ordonna qu'il  
exerceroit son Ministere audit Alez.

Le Mercredy 4. Dortemon Gentil-hôms

1620.  
Mandement  
du sieur de  
Chastillon pour  
le fait de Pri-  
uas.

du sieur de Chastillon vint de Priuas, où le-  
dit sieur l'auoit mandé pour faire contenir  
vn chacun au deuoir, attendant qu'il mist  
la main à l'armement pour procurer leur  
liberté: Il rapporte que le peuple dudit Pri-  
uas supportoit son mal en patience & la  
violence des soldats du Chasteau: qu'eux  
mesmes ayans fait quelques plaintes au Duc  
de Vâtadour cõtre ceux de la ville, il y auoit  
mandé son Preuost, lequel s'en retourna a-  
uec mescontentement pour n'auoir trouué  
veritables les plaintes des soldats du Cha-  
steau.

Ledit Dortemon rendit vne lettre au Sy-  
node de la part dudit sieur de Chastillon,  
par laquelle il donnoit toute assurance de  
s'employer avec Vigneur pour l'affaire du-  
dit Priuas. La lettre leuë ledit sieur Dorte-  
mon fut remercié, & ayant receu la respon-  
se se retira & partit le Ieudy cinquiesme &  
en partant dit à la Fon que ledit sieur de  
Chastillon alloit trouuer le Duc de Mont-  
morency pour luy dire le dernier mot, &  
qu'il estoit pleinement resolu d'auoir rai-  
son de cest affaire: La Fon luy respondit,  
cela est bon à dire, mais il n'en fera rien.

Le Ieudy cinquiesme se passa vn affaire  
peu important: le soir arriuerent les Depu-  
tez d'Orange qui demandoient Chambrun  
Ministre à Nismes.

*Ceux-cy declarerent que dans Orange plu-  
sieurs personnes notables vouloient quitter l'Eglise*

Romaine, que dans icelle ville il y denoit y auoir  
bien tost du changement, & dirent à leurs amis  
en Alez, qu'il y auoit moyen de faire de grands  
aduancemens sur Auignon & sur la Comté, &  
que d'ordinaire il y auoit en Orange 400. tra-  
uaillans à la fortresse, creusans vn fossé dans vn  
Rocher du costé de la Vignasse de dix canes de  
profondeur, pour la conseruer.

1620.

Le Vendredy 6. les Deputez de Nismes  
se presenterent pour des affaires particu-  
lieres, tant pour les Eglises que pour l'aca-  
demie: ils dirent à la Fon, que sur l'arriuée  
dudit sieur de Boucques à Montpellier, ou-  
tre les nouuelles receuës, on auoit sçeu que  
le sieur de Chastillon auoit escrit au Synode  
& à Vsez pour assembler les trois villes à  
Montpellier: le bruit & esclat de cela fut  
grand, & croyoit-on certainement que le  
mescontentement dudit sieur de Chastillon  
les pourroit porter à la faction. Les autres  
croyoient que c'estoit qu'on apprehendoit  
la menace que le Roy auoit faicte d'aller en  
Languedoc, & qu'on se vouloit mettre en  
estat pour n'estre surpris comme ceux de  
Bearn: les autres iugerent que c'estoit vn  
artifice dudit sieur de Chastillon pour se  
rendre considerable tant enuers le Roy,  
qu'enuers les Eglises.

Le sieur Mermet Ministre du Duc de  
Rohan s'entretint avec la Fon en Alez, &  
luy dit que la paix estoit la ruine des Eglises,  
qu'en quelque façon que ce fust il falloit sus-



1620.

citer la guerre, que quoy qu'il en fust les Catholiques redoutoient les Eglises, & si le Gouverneur de Nauarrain se fust mis en estat de se bien deffendre lors que le Roy fut à Bordeaux, iamais sa Maiesté n'y fust allée.

Ainsi se termina le Synode d'Alez sur les affaires del'Estat, au lieu d'y traicter du fait de la Discipline Ecclesiastique, & fut la premiere assemblée où se minuta le trouble, & où se proposerent les aduis de la guerre: mais comme ce Synode se diuisa aux assemblées posterieures, aussiverrons nous en suite, les belles resolutions qu'on y prend contre l'autorité du Roy & le repos de son Estat.

*Synode d'Alez, séparé es Colloques & assemblees.*

Les Rebelles, qui iusques icy n'auoient peu pretexter leur mauuaise intention de troubler nostre repos, & de rompre la paix mesnagent si bien leur dessein, & l'occasion trouuée, que la liberté que le Roy, par sa Iustice & pieté a renduë aux Ecclesiastiques & Catholiques de Bearn, leur a seruy de mesche & de feu pour plus aisement allumer les cœurs & les courages des Religioneux & des Grands du party, qui au bruit de cest establissement nouueau se sont, pour la pluspart, inconsiderement portez dans la violence des Conseils, & prester l'oreille à ceux qui dez lors commencerent à corner la Rebellion dans l'Aulux & dans le Languedoc.

Le plus

Le plus fort & plus puiffant moyen de faire fucer ce poifon à tous les nourriffons de la nouuelle fecte, fut de faire approuuer ce defsein par toutes les Eglifes Pretendues du Royaume, par la conuocation d'une afsemblée Generale à la Rochelle, où tous les Deputez du corps fe rendirent, mefme auant la sortie du Roy de son pays de Bearn, & de cette afsemblée ie traicteray cy-apres afsez particulierement.

Au mefme temps se trouue à Montauban le fieur de l'Efcun Confeiller au Parlement de Pau, le fieur de Vignaux avec autres Deputez du pays qui donnent aduis de tout le changement y arriué, & du befoin qu'auoit tout le corps des Eglifes de Bearn d'un prompt & bon fecours : Ce l'Efcun est l'un des plus factieux huguenots qui soit en la Prouince, c'est luy qui a tousiours porté le Parlement de Pau, à refister aux commandemens du Roy sur la verification de ses Edits, a fait maintefois soufleuer le pays contre les officiers de fa Maj. té & caufé mille sortes de persecutions aux pauvres Catholiques Bearnois : & ce qu'il a fait en Bearn, il veut pratiquer le mefme en Languedoc & Guyenne contre le feruice & l'autorité du Roy.

Il n'y a rien de si aisé à mettre en desbauche qu'un peuple qui n'est guere arresté sur le cube de son debuoir, & peu constant en la fidelité : auffi ne fut il pas difficile

1620.

Assemblée de la Rochelle cy apres.

L'Efcun & de Vignaux seditioneux de Bearn, vont à Montauban demander secours pour leurs Eglises. Faction del'Efcun.

*Concile de  
Rouergue à  
Montauban.*

à l'Escun d'emouuoir les Eglises du cercle du haut & bas Languedoc & Guienne à quelques nouuelles entreprises, puis que là ils estoient aux friffôs d'une sieure generale qui alloit trauaillant tout le corps de la Religion pretenduë. Au milieu de ces accez, ils sonnent le tocsain de la guerre, crient aux armes, aux remedes, au secours, sur le pre-texte ordinaire de la persecution cōmancée comme ils disent, sur les freres de Bearn, & à la sollicitation de l'Escun & autres seditieux le Concile de Rouergue se tient à Montauban, pour l'expedition plus prompte des affaires, & y ayans resolu de tenir l'assemblée Prouinciale en la ville de Milhaud, en forme de Colloque, ils enuoyent cette lettre de Conuocation aux Eglises de ladite Prouince pour se trouuer à ladite assemblée, & leur disent.

*Lettre de Con- sur nos freres de Bearn, & qui nous menace de  
uocation en- près nous a fait assembler icy en Conseil assistez  
uoyee aux Egli- d'aucuns de la Noblesse, des Pasteurs & du Tiers  
ses de la Pro- ordre, affin de resoudre d'assembler promptement  
uince pour de- les Eglises de la Prouince pour aduiser aux moyens  
puter à l'assem- que Dieu nous voudra mettre en main pour la  
blee de Mil- consolation de nosdicts freres desolez & pour nos-  
haud. tre propre conseruation. Nous anons cren que  
s'estoit nostre debuoir, ayans esté les premiers ad-  
uertis par ceux qui ont veu violer les Edicts, des-  
pouiller les nostres de leurs Temples, & en inuestir  
les Ecclesiastiques Romains, qui n'y ont pas plu-*



estoit en le pied dedans, qu'ils y ont deschiré les commandemens & les Bibles avec execrations & reniements du saint nom de Dieu. Pendant la Procession generale, les nostres forcez & battus pour se prosterner à l'Idolatrie, les garnisons changees, les Gouverneurs de contraire Religion mis dans Nanarrin, les nostres desarmez: toutesces choses veuës & cogneuës certainement nous obligent à cete assemblee, pour apres auoir inuocqué nostre Dieu tous ensemble obtenir de sa bonté & grace des remedes conuenables à de si grands maux, qui nous font pleurer pour ces pauvres Eglises, si Eglises nous les pouuons maintenant appeller, & pareillement apprehender pour nous.

Et d'autant que le iour de l'assemblee eschet au Colloque de Roüergue, nous l'auons mise à Milhaud à l'unxième iour de Nouembre prochain, de quoy nous vous donnons aduis, affin qu'il vous plaise y enuoyer vos Deputez des trois Estats, pour commencer precisement audit iour: ne nous abandonnons point nous mesmes à vn tel besoin, ne soyons point deserteurs de la cause de Dieu: nous nous assurons tant de vostre Zele au maintien de sa gloire, que nous voulons croire de vostre pieté, que vous y apporterez tout ce qui dependra de vous en cete occurrence. Nous le prions qu'il vous tienne en sa garde, & sommes Messieurs, vos plus humbles seruiteurs, les Deputez du Concile de ceste Prouince pour tous, Signé, Dallieres Charles de Burgades, Delguieres. A Montauban ce vingt-sixiesme Octobre 1620.

Or comme cette assemblée fut conuoquée

1620.

sans permission du Roy en ladite ville de Milhaud; aussi les choses qui s'y resolurent battent directement contre l'autorité Royale, & choquent de droit fil la paix de ce Royaume & l'intérêt de l'Estat: voicy les conclusions & les résolutions qu'on y prit à comancer du 12. Nouëbreiour de l'ouuerture, iusques à la closture d'icelle assemblée.

*Conclusions prises en ladite assemblée.*

Dans la ville de Milhaud en l'assemblée mixte des trois ordres, Messieurs de l'Escun & de Vignaux Deputez de Bearn, ont fait entendre à la compagnie par ledit sieur de l'Escun l'estat déplorable des Eglises de leur Prouince, le changement extraordinaire que le Roy y a fait tant en l'Estat Ecclesiastique que Politique, & les apprehensions qu'ils ont d'estre despoüillez des autres places de ceux qui font professiõ de la Religion, qui sont encore esdites places fortes.

*Articles de ladite assemblée.*

Surquoy la compagnie, apres auoir fait lire les articles de la deliberatiõ de la dernière assemblée de Loudun concernant les affaires de Bearn, a deliberé.

*Assistance pour Bearn.*

1. Que conformement aux résolutions de ladite assemblée de Loudun, cette Prouince assistera de toute sa puissance lesdites Eglises Reformées de Bearn, lors qu'elles serõt oppressées par les ennemis du roy, du repos de l'Estat & seureté des Eglise dudit Bearn, selon l'ordre qui en sera pris en chaque Colloque, & s'employera de cœur & d'affectiõ pour la consolation & soulagemēt de la Prouince

& dudit sieur de l'Escun conformément aux résolutions de ladite assemblée générale de Loudun.

1620.

2. Et sur ladite assistance dudit Bearn a esté résolu pour de grandes & importantes considérations, qu'on deputerà vers le Mareschal de l'Escliguières, de Chastillon, de Bouillô, de la Trimouille, de Sully & de Rohan, & Messieurs du Synode National qui setient en Alez, & aux Prouvinces, du bas Languedoc, bas Quercy, Seuenes, Viarez & Dauphiné, & en outre deuers Messieurs de Castres & de la Rochelle, sçauoir M<sup>rs</sup> Darnieu vers lesdits sieurs de l'Escliguières, Chastillon & bas Languedoc. Le sieur de la Boyssière vers Messieurs les Ducs de Bouillon & de Sully, & deuers Messieurs de Rohan & de la Trimouille de la basse Guyenne, & de la Rochelle, de saint Mormach, & deuers Messieurs de la Chambre de Castres, Messieurs de sainte Rome, de Clerc & Chauet, avec les instructions pour représenter le soutien de cette Prouince sur l'Estat present de nos affaires du pays & souveraineté de Bearn.

*Deputation  
vers les Grands  
du party.*

3. A esté aussi deliberé que pour recevoir les aduis de nos Grands avec plus de fruit & d'utilité, la presente assemblée subsistera par abbregé dans la ville de Montauban pour pourvoir aux necessitez de Bearn & de la Prouince selon les occurrences : Et cependant

*Abbregé de  
l'assemblée  
Générale résolu  
à Montauban.*



1620.

*Charges ordon-  
nees à leurs  
grands.*

pour le Colloque de Rouergue, Monsieur le Comte d'Orual & pour le Colloque du bas Quercy & de l'Albigeois, Monsieur le Marquis de Malauze, & pour le Lauragnais Monsieur de sainte Rome ont esté commis & Deputez prouisionnellement pour prendre le soing de l'armement & conduite de ladite assistance de Bearn, & disposer les choses necessaires à cest effect, selon quel'occurrence de la necessité du bien de l'Estat, seruice du Roy & conseruation des Eglises Réformées de ce Royaume le requierent, avec cette condition qu'ils ne pourront faire aucuns actes d'hostilité, ny mettre sur pied aucune leuée de gens de guerre, ny rien executer que par l'aduis & resolution de l'abregé de ladite assemblée, le tout prouisionnellement comme dit est, iusques à ce que ladite assemblée generale de la Rochelle, conuquee au vingt cinquiésme de ce mois, en ait autrement ordonné; à peine d'estre desaduouéz & abandonnez à la rigueur de Iustice, comme perturbateurs du repos public.

*Gardes es-  
tablies aux villes  
du party.*

4. Et sur l'apprehension de plusieurs mauvais desseins qu'ont aujour d'huy les malueillans de nostre Religion sur les villes qui en font mesme profession, toutes lesdites villes de la Prouince seront excitées de se mettre en Estat de garde, reparations & munitions necessaires pour vne iuste &

legitime deffence, & les Deputez chargez de les faire mettre à execution.

5. Aussi sur l'arrest de la subsistence de la presente assemblée a esté trouué bon que ledit abregé soit composé de nouveau Conseil & de deux autres Deputez de l'ordre de la Noblesse & du Tiers Estat, avec Messieurs de Crusse, de Chamie, de Guerin & de Boisset.

*Abregé de ladite assemblée de quoy composé.*

6. Et la susdite assemblée generale & nos Deputez en icelle sont expressement suppliez de ne donner aucun General en la Prouince sans le sceu, consentement & aduis desdites Prouinces qui s'assembleront par Eglises à cest effect, sans que l'assemblée d'Albigeois ayt pouuoir ny autorité d'en pouruoir sans le consentement General d'icelles.

*Nul General en la Prouince sans son consentement.*

7. D'auantage sur les resolutions contenues par l'acte du Conseil de Milhaud, portant de renuoyer l'establissement de l'ordre militaire à l'assemblée Generale & de ne consentir point, où on passeroit outre en l'acte du iour d'hyer, & sur l'adionction de Messieurs les Deputez de la ville de Castres aux restrictions, l'assemblée a resolu de remonstrer aux Deputez de Milhaud & Castres que lesdites restrictions sont de mauuais exemple, de dangereuse consequence, & contre l'union de la Prouince, partant seront exhortez des'en departir.

8. Et a esté resolu que le Colloques s'assemblera presentement pour proceder à la nomination d'un nouveau Gouverneur pour l'assistance de Bearn, sur les restrictions portees par l'acte de leur pouuoir cy-dessus inferé : la compagnie d'office, Causse President, Chamier adioint au President Guerin Secretaire.

*Noblesse qui  
se trouua à  
l'assemblée de  
Mibaud.*

La Noblesse la plus remarquable qui estoit en cette assemblée Prouinciale de Milhaudfont les sieurs de Causse, le Comte d'Orual, le Marquis de Malauze, de sainte Amand & de Beluion, de sainte Rome, d'Arbies, Brassac, Dolidor, Pallieroles, la Boissiere.

*Sommation  
faite par la  
dite assemblée  
au Marechal  
de l'Esdiguieres  
& au sieur de  
Chastillon.*

Du consentement de tous ladite assemblée a sommé le Marechal de l'Esdiguieres & le sieur de Chastillon de se ressentir du manquement de la promesse qui leur fut faite, qui est que rien nes'altereroit dans le Bearn de cinq mois, mais quelques vns des leurs plus affectionnez au repos de l'Estat que les autres, preuoyans bien les mal-heurs qui tombent infalliblement sur les rebelles, n'estoient point d'adujs que l'on parlast d'armer en quelque façon que ce fust, & employerent toute leur eloquence pour destourner tant de sinistres accidens qu'ils faisoient toucher au doigt à ceux qui estoient d'opinion contraire, les exhortans tousiours à se conseruer les bonnes graces du Roy, du-



quel seul dependoit le repos de ses subiects, mais la plus grande part ne fut pas de cette opinion.

Les sieurs de Beluion & de la Boissiere, les Deputez de Castres, & Ioly Ministre en basse Guyenne firent tout ce qu'ils peuvent pour empescher qu'on ne resolust l'Estat de la guerre.

*Deputez de  
ladite assemblee  
qui contredirer  
aux factieux.*

Ils vinrēt neantmois à la cortisafion, des villes de la Prouince, pour les munitions & fortifications, scauoir.

Montauban 38. mille liures.

Castres 28. mille liures.

Milhaud 6. mille liures.

*Cortisafion des  
villes.*

Le Lundy 16. Nouembre ensuyuant se commença aussi vne autre assemblee Prouinciale de Seuenes en la Ville d'Anduse.

Ladite assemblee de Milhaud, qui ne butoit qu'au trouble & à la guerre, auant que se separer deputa vers les Grands de la Religion & les Prouinces pour leur faire scauoir la resolution de l'Assemblée & pour les supplier de se ioindre à leurs resolutions.

*Assemblee des  
Seuenes à An-  
duse.*

L'ordre que les enuoyez deuoient tenir est de s'en aller à chaque Colloque y trouuer vn Conseiller, & luy exposer leur créance, avec la teneur de la resolution de l'assemblee: surquoy ils les doiuent prier d'assembler leur Colloque pour y prendre leur resolution.

*Ordre des De-  
putez, par cha-  
que Coloque.*

La charge du sieur de Monna qui fut enuoyé à la Rochelle, estoit pareille: & par

1620.

dessus les deuoit prier que si les Deputez n'y peuuent aller en assurance, de trouuer bon que l'Assemblée generale se tienne à Montauban ou à Milhaud. Il eut charge encore de visiter en passant Monsieur de Boisse Pardailay, & Monsieur de Sully.

*Vanterie insolente de ceux de Bearn.*

Ceux de Bearn se vantoient tenir encore deux ou trois chasteaux forts, auxquels le Roy n'auoit mis garnison. Comme celuy d'Orthez & autres, pour la conseruation desquels, disent qu'ils se veulent perdre & à l'occasion desquels l'Escun a dit que Monsieur Zamet, Gouverneur dudit Orthez, n'y trouuoit aucune seureté.

*Promesse de secours aux Bernois.*

En certe dicte assemblée fut dressé l'article en Bearn, le plus doucement qu'ils peurent, pource que ledit article pouuoit estre veu & sceu: mais en effect ils resolurent, à la moindre emotion qui arriueroit audit Bearn, de les assister, en donnans aduis aux Chefs de Guerre de chaque Colloquée, lesquels ont presté serment d'armer incontinent, en vertu du pouuoir que ladicte assemblée leur a donné.

*Touchant les monstres des soldats.*

Chaque Colloquée fut taxé de payer 3. monstres à chaque soldat, se promettans puis apres que le desordre les feroit subsister.

*Assurance donnée à l'Assemblée par le sieur de Castillon.*

Le sieur de Toulon des Hipolites député du sieur de Chastillon, fit force offres au nom de son Maistre, & donna beaucoup d'assurance de la bonne volonté qu'il a

pour les Eglises, & particulièrement pour la ville de Milhaud, à laquelle ses predecesseurs ont commandé.

Ladite Ville de Milhaud voulut former opposition sur la creation du Gouverneur du Colloque de Rouërgue, laquelle fut iugée par ladite assemblee dommageable & preiudiciable au bié & à l'vnion de leurs Eglises.

Pour commancer donc les actes de cette tragedie de Rebelles, estudiez és Synode d'Alez, assemblee du Cercle de Montauban & Milhaud, par le faict de Priuas, dont ils font tant de plainctes, il faut trouuer la source de ce mal, qui fut comme chacun, esclos & entamé de la sorte, à la honte des mesmes complaignans, mais qui par cecy vouloiét auoir subiect de leuer les premiers les armes contre l'authorité du Roy & introduire la Rebellion dans le corps du party. Voicy donc l'Histoire ainsi que le faict se passa.

Le traicté du mariage de Madame de Chambaud, Dame de la ville de Priuas de la religion pretenduë, avec le Vicomte de l'Estrange faisant profession de la Religion Catholique, mit tous les freres du Languedoc en pensee, lesquels ayas coustume tous les ans de faire vne assemblee, à laquelle ils donnent le nom de Cercle, composee des Deputez de toutes les Prouinces qui sont au delà la riuier de Loire; la conuo-

*Source de la  
Rebellion de  
Priuas.*

*Assemblée an-  
nuelle du Cer-  
cle quelle.*



*On ne leur de-  
mande que l'o-  
beissance & ils  
concluent la re-  
volte & la  
guerre.*

*Comme si le  
seigneur de l'Estran-  
ge pour estre  
Catholique &  
Seigneur de  
Priuas vouloit  
entraver les E-  
dicts, & re-  
chercher l'indis-*

querent l'an 1620. en la ville de Priuas, où  
sous pretexte de remedier aux troubles que  
les habitans y auoient esmeu à cause dudit  
mariage pour ne se soumettre à l'obeïssance  
dudit sieur de l'Estrange Catholique, con-  
clurent d'assister lesdits habitans en leur  
rebellion, en cas qu'ils ne peussent par au-  
tre voye, empescher la consommation du-  
dit mariage. Ce qu'ayant ainsi esté resolu,  
& ne pouuans trouuer acheminement fa-  
uorable à leur dessein, fomentent la mau-  
uaise volonté de ces mutins, par vne asséu-  
rance de secours d'hommes & d'argent que  
ladite assemblée promettoit: & pour les en-  
retenir en la volonté de ce faire, adioustér  
que dieu ouuriroit les thresors de ses graces  
pour faire reussir l'Arrest de ladite assemblée  
à leur deffence & protection, comme si  
Dieu prenoit en sa protection la cause des  
meschans, luy qui dissipe la pensée des  
impies, condamne leurs conseils, & reduit  
en poudre la vanité de leurs resolutions;  
qui scait mettre la confusion dans Babel,  
qui deffend le rauissement du bié d'autrui  
& garde la veufue d'oppression & de mal.  
Mais affin que personne n'ignore le droit  
diuin violé en cette cause, par vne rebellio  
in esclose à Priuas contre Dieu & le Roy, &  
le droit humain enfrainct enuers leur  
propre & legitime Dame; le veux icy tra-  
cer l'Estat de tout ce qui s'est passé en Lan-  
guedoc sur cet affaire, puis que ceux qui

authorisent & entretiennent les rebellions, en France, sont ceux, qui se plaignent dans leur manifeste, des seruices qui ont esté rendus au Roy & à l'Estat en cete occasiō par les Ducs de Mōtmorency & de Vantadour, où ils baptisent du nom de tyrannie & de cruauté l'actiō de ces 2. Seigneurs, qui ont restably la Messe, relogé Dieu en ses tēples & rendu la Religion Catholique (prisonniere en sō exercice en ces lieux pleins d'erreurs & d'horreurs) à sa premiere liberté, aussi estre la naissance du trouble, qui a fait place à la desobeissance, & allumé les premieres flammes de la Rebelliō en Lāguedoc.

*gnation du Roy  
apres une longue suite de  
seruices qu'il a  
rendus à l' Eglise  
  
C'est l'auant-  
discours du Ro-  
glement de la  
Rochelle, qui  
porte cete accu-  
sation contre  
les seruiteurs  
du Roy.*

Priuas donc, & son Chasteau, scis dans le Viuaretz, appartenāt au Vicōte del'Estrāge, à cause du mariage qu'il auoir cōsōmé avec madame de Chābaud, il se resolut tost apres del'aller visiter avec ses parens & quelques Gentils-hōmes de ses amis, au commencement de ladite annee mil six cens vingt. Ce qu'ayant fait, & s'en retournant les accompagnier, il se trouua attaqué d'une troupe de seditieux, qui estoient enuiron deux cens tous de Priuas & partant les subiects; ce qui l'estonna d'abord, voyant si grosse troupe prez de luy; mais ayant recogneu avec les siens, qu'ils estoient tous en confusion & sans conduicte, luy, qui s'est signalé en toutes les occasions où l'honneur peut obliger des personnes de sa qualité, se resolut non seulement de les attendre, mais

*Source de toute  
la procedure de  
l'affaire.*

*Où la peur de  
Lyon ne peut  
aller, ils y ad-  
ionnent une  
piece de celle du  
Renard, ont re-  
cours aux stra-  
tagemes des  
crâistres, où la  
force & le pou-  
voir leur man-  
quent.*

*Entreprise des  
meschâs retour-  
ne bien souuent  
sur eux.*

*Buson autheur  
principal de la  
Catastrophe  
miserable de  
cette rebellion.*

*Qui refusa la  
domination de  
son Seigneur,  
donne un pro-  
sist de son in-  
clination pen-  
chante du costé  
de la desobeis-  
sance.*

avec la generosité de son courage & la va-  
leur de ceux qui l'accompagnoient, qui es-  
toient enuiron. 25. tous braues gentilsz hom-  
mes de les attaquer & passer sur eux, ce qu'il  
fit si heureusement, qu'en moins de demie  
heure illes contraignit de tourner le dos,  
& laisser sur le lieu, pour gage de leur te-  
merité, vne trentaine de leurs compagnons  
ne remportans, avec leur courte honte,  
rien plus que le desplaisir de leur reuolte.

Ce qu'estant sceu par vn nommé Buson,  
(principal autheur de cette rebellion dans  
Priuas, & qui auoit poussé ces insen sez  
à faire ce complot, pour le desplaisir qu'il  
receuoit de ce mariage, auquel il disoit  
auoir interest, comme autrefois beaufils  
de ladite Dame de Chambaud, & preten-  
dant au gouuernement du chasteau) pré-  
d prétexte de seiecter dans la ville avec  
400. soldats, pour proteger (disoit il) les  
habitans des inuasions & courses de leur  
Seigneur. Et par ce moyen faict dessein d'é-  
pelcher l'entree du chasteau audit sieur Vi-  
comte de l'Estrange, & declare que les ha-  
bitans ne veulent point de Seigneur Ca-  
tholique, tesmoignans par là que comme  
ils chassent leurs Seigneurs particuliers, ils  
voudroient de mesme secouer le ioug de  
leur Prince naturel, & renuersant la natu-  
re faire banqueroute à tout deuoir. De-  
quoy estant bien aduertý ledit sieur Vicom-  
te, & craignant que le mal n'empirast par



la faction de ces seditieux, & ne vint à troubler le repos de tout le Languedoc, qui estoit desia en allarme à cause de l'action scâdaleuse, & de mauvais exemple aduenü en l'absence de son Gouverneur, Monsieur de Montmorency qui pour lors estoit en Cour aupres du roy. Il trouua bon de luy donner aduis de tout ce qui s'estoit passé, & implorer son ayde pour estre mis en possession du bien de sa femme, & d'en aduertir aussi Monsieur le President du Faure intendan de la iustice pour le Roy en Languedoc, la prudence & sage conduite duquel, n'est pas seulement reuerce en cette Prouince, mais recogneuë de toute la France; il estoit pour lors près de Madame de Montmorency, qui ne l'eut pas plustost sceu, qu'il se transporta, avec Monsieur de Bitaud Maistre des Requestes, à Priuas; où estant il tasche à remedier à ce commencement de reuolte, se sert de tous les moyens, que sa sagesse luy peut donner, employe sa doctrine & son eloquence pour remettre Buson à son deuoir & estoufer ce trouble en sa naissance, qui menaçoit vne reuolte generale: il demeure sur le lieu quelques mois pour obliger Buson par ses remonstrances à n'irriter point le Roy, se sert de son autorité pour luy commander de mettre les armes bas: mais sa folie auoit fait de mesme que l'ulcere, les remedes doux ny seruoient de rien, le mal de-

*Le sieur de l'E-  
strange luy de-  
mande iustice  
comme sien  
subiect.*

*Vn homme qui  
na pour obiet  
que l'execution  
de sa propre  
passion, ne  
trouue rien de  
si contraire que  
la raison.*

1620.  
Le President du  
Faure & Mon-  
sieur de Bitaud  
Maistre des Re-  
questes auan-  
cent peu de  
chose sur l'es-  
prit de Buson.

Nul exercice  
Catholique dās  
Prinas depuis  
60. ans.

Ils auoient deux  
monstres à  
combattre, un  
homme obstiné  
en la poursuite  
de ses volontez,  
& une assam-  
blee qui ne res-  
piroit que le  
sang & la guer-  
re.

mādoit la main du Chirurgiē; il n'e scauroit  
dire combien ces sages Catous y ont tra-  
uailé; combien d'incommoditez ils y ont  
souffert pendant le temps qu'ils s'employe-  
rent à exhorter cet esprit incorrigible, ou-  
tre l'insolence que l'effronterie de telles  
gēs a accoustumé de pratiquer enuers ceux  
sur qui elle a de l'auantage. Ces venerables  
Senateurs estoient obligez, s'ils vouloient  
seruir Dieu, d'aller faire dire la Messe à vne  
croix posée aux champs demie lieuē de Pri-  
uas parmy le froid, la glace, la pluye & au-  
tres incommoditez du temps, frequētes en  
ces quartiers, ne la pouuās faire dire dans  
le lieu qui est huguenot, & duquel les ha-  
bitans ayans chassé l'ancien seruice de Dieu  
depuis 61. an il n'y a pas dequoy s'eston-  
ner s'ils en veulent chasser leur Seigneur  
legitime, dans toutes ces incommoditez  
que la deuotiō & le seruice du Roy leur fai-  
loit trouuer douces, ils s'arrestèrent enco-  
res là affin que leur constance esbranlast  
non seulement l'infidelité de Buson, mais  
dissipast l'assemblée qui tenoit encores  
bon.

En ce temps le Duc de Montmorency, a-  
yant eu aduis de excez commis en celieu,  
& iugeant que sa presence estoit requise en  
cet affaire, resolut son voyage, reçoit les  
commandemens de sa Maiesté, & part pour  
aller voir la mine deses rebelles.

Il ne fut pas plustost arriué en Lāguedoc,  
que

1620.

*Retour du Duc  
de Montmorency  
en Langue-  
doc, où toutes  
les lances hu-  
guenotes se dis-  
sippent devant  
luy, comme la  
force du vent,  
Et l'orage à la  
venue du Soleil.*

*S'achemina  
vers Priuas.*

*Enuoye vers  
Buson, insen-  
sible à toute  
sorte de raisons.*

*Et qui s'assu-  
roit en la force  
du secours qu'il  
auoit mis dans  
Priuas.*

que comme le Soleil dissipe les nuës, de  
mesme sa presence commença à destruire  
tous les broüillards, qui sembloient mena-  
cer de quelque gros orage, la Prouince, qui  
le recognoit, apres son Roy, pour son Dieu  
tutelair, chasse toute la crainte que son  
absence luy cauſoit, veut armer & marcher  
sous luy pour chastier la temerité des re-  
belles de Priuas: luy cōme sage, espere que  
sa presence pourra ramener les fauteurs à la  
raison. Et quoy que le temps pressast l'exe-  
cution à cause des aduis qu'on luy dōnoit de  
la mauuaise volonté des autres villes de ce  
party; toutefois la prudence luy faisoit iu-  
ger que le retardement estoit plus seur que  
la precipitation: il y enuoye deux Gentils-  
hommes de l'une & l'autre religion, pour  
accorder l'affaire, & aduiser aux moyens de  
pacifier le tout avec ordre. Buson n'y veut  
entendre se fiant aux forces de deux milles  
hommes, qu'il auoit desia fait descendre  
des Seuenes & loger dans Priuas, son obli-  
nation l'aveugle, mais il deſillera bien tost  
ses yeux.

Cette Noblesse n'ayant peu par la raison  
adoucir cet esprit farouche, retourne vers le  
Duc de Montmorency, marrie de n'auoir  
peu rien aduancer, & l'assure que s'il veut  
comme il doit, chastier ce temeraire, ils se  
promettent que la peur ne luy donnera pas  
loisir d'attendre la punition que merite sa  
rebellion: à quoy s'estant resolu le Duc de



1620.

*Armement du  
Duc de Mont-  
morency.*

*Buson ne pou-  
uant resister,  
quitta Priuas.*

*Consuls & ha-  
bitans de Pri-  
uas, deuen-  
nent humbles  
pour auoir sau-  
te de forces &  
de moyens, de  
viures.*

*Priuas reduit à  
l'obeissance du  
Roy.*

Montmorency, quoy que les affaires du Roy ne permissent qu'il fust secouru de sa Maiesté, il leua, à ses despens, en moins de douze iours, sept mille hommes de pied & trois cens cheuaux, pour rompre toutes les menées de Buson & des siens: ce qu'il fit avec tant de diligence, que s'estant rendu à deux lieues proche de Priuas, il y apprist que l'Assemblée s'estoit separée, & que le bruit de son armée auoit tellement estonné Buson, qu'il auoit quitté la place avec ses soldats, complices de sa malice, & comme vn courage de Lyon l'en auoit faict saisir, vn cœur de lieue le luy faisoit quitter.

Les Consuls de Priuas, plus estonnez de cette fuite, que de la diligence inespérée du Duc de Montmorency, tesmoignans estre marris de cette rebellion, & la necessité les faisant recourir à l'humilité, le viennent trouuer où il estoit à deux lieues de la ville, demandent pardon à Dieu, au Roy & à luy mesme, protestent que iamais la rebellion n'entrera dans leur ame: mais cy apres nous monstrerons le contraire, & que leurs promesses sôt aussi vrayes que leur foy.

Le Duc de Montmorency, par cette repentence, voyant les portes de Priuas ouuertes, ayant mandé par aduance quelques compagnies pour s'asseurer de la ville, s'y achemina, glorieux de l'auoir remise à l'obéissance du Roy, sans coup ferir, l'assiette de laquelle, & les lieux inaccessibles, à cau-

se des montagnes que l'enuironnement, eust fait apprehender vne longueur de sie-ge: il y entre; heureuse & notable entree; pour y auoir remis l'autorité du Roy, esta- blissât dans le chasteau, le sieur de la Croix avec 50. soldats (la fidelité duquel, & l'affec- tion qu'il a eue au seruice de son maistre, l'a obligé de l'honorer de la charge de Ca- pitaine de la compagnie de ses gardes, & luy fier la garde de cette place) iusques à ce que sa Maiesté en eust ordonné.

Il y auoit long temps que l'heresie en- uoit chassé la vraye religion, deux ou trois maisons seules, comme celle de Loth dans Sodome, restoient encore dans la Ville, qui alloient à la Messe & aux exercices pieux & Catholiques à deux lieues de là; le Sainct sacrifice n'y auoit esté celebré de- puis 60. ans, quand le premier iour de May mil six cens vingt le Duc de Montmorency, reestablish là dedans la vraye religion, le ser- uice de Dieu, la foy ancienne & y fit cele- brer la Messe.

*Il reestablish l'exercice Catho- lique en icelle.*

*Heretiques satis- fies de l'esprit de rage & d'es- tourdissement pour cette prise.*

*Se resoluent à la vengeance & en font des pro- jets estranges aux Prouinces, aux deputations, aux assemblees, comme il se void cy deuant au Synode d'Ar- lez.*

Les huguenots receurent vn facheux ef- chec en cet affaire; de sorte que poussez d'un esprit broüillon, ordinaire à cette re- ligion, ils penserent à s'en venger, tant a de pouuoir sur la raison l'opinion seduïte, ou par la religion, ou par autre maladie: & sans attendre la volonté du Roy, pendant que le Duc de Montmorency estoit à Pzenas (ar- riué depuis peu de l'heureux voyage de sa

1620.

*Recherchent  
l'invention de  
repandre Pri-  
mes.*

*Les habitans  
faussent leur  
parole au Duc  
de Montmoré-  
cy.*

*Serenoient, re-  
gouant le se-  
cours de Buson,  
se rendent Mas-  
tres de la ville,  
Et assiegent le  
chasteau Et  
veulent con-  
traindre S. Pa-  
laix Lieutenant  
dudit Duc d'en  
sortir.*

Maistté en Bearn, en Nouembre 1620) où il se dispoit pour aller à nostre Dame de Grau, auquel lieu repose le corps de feu mô-  
fieur le Cônestable son Pere, & où l'amour  
qu'il porte à sa memoire, le porte toutes les  
bonnes festes, pour rendre les deuoirs aux  
manes de ce grand Heros. Marris de s'estre  
mis à leur deuoir, ils se mutinerét de rechef  
au commencement de l'an 1621. & sans cō-  
sideration du voisinage du Duc de Vanta-  
dour, Lieutenant de Roy en la mesme Pro-  
uince, sage & prudent Seigneur, qui n'en  
estoit qu'à deux lieües dans son chasteau de  
la Voute, à qui le Roy auoit donné ses com-  
mandemens, pour pouuoir plus aisément  
donner ordre à cet affaire, tant l'impuden-  
ce de telles gens est effrontee, Buson, qui  
peu auparauant auoit honteusement quit-  
té la place, meü de regret & porté par les  
habitans, qui traistreusement faulserent  
leur parole iuree à deux genoux, & promi-  
se avec tant d'humilité, entre dans la ville  
avec 800. hommes de guerre, attaque viue-  
ment le chasteau qui ne fut pas moins cou-  
rageusement deffendu, qu'il auoit esté har-  
diment assailly : ô qu'il est difficile de te-  
nir vn esprit turbulent en son deuoir ! Bu-  
son nous en fait foy, qui se voyant repous-  
sé tant par la generosité d'vn nômé S. Pa-  
laix, Lieutenant des Gardes du Duc de Môr-  
morécy (qui cōmandoit dās le chasteau de-  
puis qu'il auoit r'apellé pres de luy le sieur



de la Croix) que par sa mauuaise cause, a recours à la mine qu'il faiët faire à quelques maistres Holandois qu'il auoit faiët venir d'Orange, mais il faut voir la tragedie.

Le combat d'entre ledit chasteau & la ville, commença le vingt huiëtiefme iour de Ianuier mil six cens 21. à deux heures apres Midy.

De ce mouuement fut aduertý le Duc de Vantadour le mesme iour à deux heures de nuit, & dès le lendemain matin, qui estoit le Vendredy 29. dudit mois il enuoya deux Gentils-hommes, l'un Catholique, & l'autre de la religion pretendüe reformee, sçauoir est les sieurs de Chambaud Gouverneur du Poussain, & de Boissi Capitaine Chastelain de la Voute, lesquels rendirent ses lettres tant aux Consuls & habitãs, qu'audit sieur de S. Palaix, lesquelles estoient ecrites en si bon termes, que les plus passionnez auoient dequoy s'en contenter, puis qu'elles ne tendoient qu'à esteindre le feu, qui alloit embraser & ruiner cette pauure ville, & qu'il leur offroit vn secours cõtre Buson, & vne assistance paternelle, soit par son autorité, cõme Lieutenãt de Roy, attendãt que le Duc de Mõtmorency qui en estoit assez esloigné, y peust apporter la siene cõme estãt Gouverneur en Chef de la Province; soit par l'etremise de Messieurs de la chãbre del'edit de Castres & presidial de Ni-  
mes leurs Iuges naturels desquels ledit sieur

*Il estoit en son chasteau de la Voute.*

*Le Duc de Montmorency estoit en chemin de faire le voyage de nostre Dame de Grau, comme dit est.*

*C'estoit tout ce que le Duc de Vantadour pouuoit faire s'ils*

1620.

eussent voulu se  
laisser manier  
par quel que for-  
me de iustice.

*Vous verrez cy  
apres qu'ils  
n'aspiroient eux  
mesmes, avec  
les seditieux,  
qu'à ruiner S.  
Valaix & le  
faire sortir du  
château.*

Duc de Vantadour feroit venir des Com-  
missaires, pour y rendre la iustice & chastier  
les delinquans.

Mais au lieu de receuoir en bonne part  
ces remonstrances, ledit Châbaud & Boissi,  
trouuerent que les Consuls estoient com-  
mandez & gouuernez par des seditieux,  
que la iustice y estoit opprimee, & faillirēt  
d'estre tuez d'une mousquetade comme ils  
sortoient du chasteau pour venir à la ville,  
par les mutins & seditieux d'icelle, lesquels  
empescherent pour lors que les Consuls ne  
fissent point de responce à la lettre dudit  
sieur Duc de Vantadour: & deux iours a-  
pres ils s'en excuserent par vne lettre, qui  
fit bien paroistre le déplorable estat de cer-  
te ville, laquelle en l'année 1620. dix mois  
auparauant auoit cousté deux cens mil es-  
cus aux pais de Viarets, de Velay & de Ge-  
uoudan.

Surquoy est à noter que quinze iours au-  
parauant ce desordre le Duc de Vantadour  
auoit enuoyé commission au Vicomte de  
Cheylane pour raser la tour du Lac, qui luy  
estoit inutile & sans reuenu, sur l'aduis qu'il  
auoit receu que les seditieux s'en faisoient  
comme ils firent, tesmoignans le grand  
mespris qu'ils portent à la iustice, sur ce  
qu'ils firent en la personne du Preuost de  
Vernhes, que ledit sieur Duc de Vantadour  
enuoya pour informer de l'excez commis  
contre vnn maçon: ce pauvre homme fut ou-

tragé à coups de baston & de pieds par les factieux, qui auoit trauaillé au chasteau, au commencement dudit mois de Ianuier: Et aussi pour visiter ce nouueau bastiment de Citadelle & platte forme: dequoy estans aduertis les seditieux, furēt trouuer ce Prepost en sa chambre le pistolet à la main & le chien abbatu, luy disans ques'il passoit outre à faire nulle procedure, & inhibition de la nouuelle fortification, qu'il luy en cousteroit la vie, & que les Consuls n'en auroient pas meilleur marché, desquels le Duc de Vantadour scauroit la mort, aussi tost des vns que des autres, avec des blasphemés contre l'honneur & l'autorité du Roy, desquels la memoire doit estre supprimee. Au moyen dequoy l'on peut voir que le Duc de Vantadour fut contraint & obligé d'armer puissamment, affin de conseruer l'autorité de sa Maiesté & de la iustice, & d'empescher que le chasteau de Priuas ne fust prins & forcé, lequel estoit assiegé par ledit Busé & autres rebelles au roy, qui s'estoient à mesmes temps asseurez du chasteau d'Antreuaux, & de celuy de Liuiers appartenant à vn Gentil-homme Catholique: du Moulin de Verous & du Pont des Cauchieres, où ils poserent des guerites, qui estoient faictes de longuemain.

Mais ny le Duc de Vantadour, ny la forte resistance des soustenans ne peurent si bien faire qu'apres que les habitans se furent,

D iij

*Ils disoient hautement que les Consuls auoient tiré argent du Duc de Montmorency pour liurer la ville & qu'il estoit de la faction de S. Palais.*

*Resolution des rebelles.*



1620

rendus maistres de la ville, ils ne sapassent encore les fondemens du chasteau par vne mine, & forçassent Saint Palaix d'en sortir avec mille outrages au grand mespris de l'autorité & des commandemens du Roy & en voicy l'Histoire.

*On donne aduis  
à S. Palaix,  
qu'il y auoit  
entreprise sur  
le chasteau, &  
qu'on traiteroit  
mal ceux  
qui auoient  
communiqué  
avec luy.*

Le vingt septiesme Ianuier 1621. le sieur de S. Palaix preuoyant la mauuaise intention des rebelles & factieux, & le dessein qu'ils auoient projeté de l'assiéger au chasteau, se prepare à la defensiué, donne aduis aux sieurs S. Damoiselle, du Tremolet & Demonteils, qui luy estoient amis de se retiter avec leurs meubles plus précieux leur signifiant que dans peu de iours, il y arriueroit du trouble. Ce iour mesme S. Palaix receut dans le chasteau cinquante soldats de renfort, que luy mena dextrement le sieur de la Poyade, ce qui mit les factieux en ceruelle, & en resolution d'exécuter leur pretention contre luy.

*Il essaye que-  
rir les Consuls.*

Le 28. Ianuier S. Palaix ayant eu aduis de cette faction enuoya querir les Cōsuls de la ville & autres personnages de qualité, & les ayāt fait venir proche la porte du chasteau se presente à eux fort en colere des fortifications nouuelles qu'ils auoient commēcées; leur cōmandant fort expressement de se resoudre promptement à demolir entierement ce qui estoit ia sur pied, & qu'autrement, il le leur feroit faire par force & prendroit leur silence pour refus, &

leur presenta là dessus la coppie d'une lettre queluy auoit escrite le Duc de Montmorency, sur ce subiet.

Les Consulsuy font responce que sur vn commandement de si grande importance, il estoit necessaire d'assembler leur Conseil, luy demandans le reste de la journée pour y aduiser, ce qu'il leur permit volontiers: sur le soir ils s'assemblerent en Conseil, & au lieu de se resoudre à l'obeïssance & satisfaire au contenu de la lettre du Duc de Montmorency, ils minurent la forme de se rebeller encore vne autrefois, & de forcer S. Palaix à sortir du Chasteau, ils deliberēt des moyens de le pouuoir faire, & des forces qu'ils pouuoient tirer des enuiron de Priuas pour estre secourus en cette entrepise.

S. Palaix qui voit que le mal presse, & qu'au lieu d'obeir on tiēt assemblée de ville pour le perdre & luy faire abandonner le Chasteau, se resoud de donner aux factieux quelque peti de crainte, fait voler quelques feux d'artifices sur quelques maisons plus proches du Chasteau pour les amener à quelque sorte de debuoir: fait tirer quelques coups de canon, & vne menue gresle de mousquetades au trauers des ruēs, dont quelques vns furent legèrement blesez entr'autres vn nommé Louys Carlet Docteur & Aduocat, & vn autre appellé Paul Melares. Les habitants

*La malice n'est si grande entre eux que S. Palaix les ayant prié d'entrer au Chasteau pour aduiser de l'accommodement des affaires, ils n'y voulurent entrer & dirent, qu'il auoit enuie de les y retenir prisonniers contre son intention.*

*S. Palaix fait tirer sur la ville & dans les ruēs de Priuas pour contraindre les rebelles à leur debuoir.*

1620.

*Fait bruster  
les maisons  
plus proches  
du Chasteau  
pour n'estre  
empesché à sa  
deffence.*

*Est prié de fai-  
re cesser de ti-  
rer.  
Sa response.*

*Ils enuoyent  
vers le Duc de  
Vantadour, qui  
leur fait mesme  
response que  
S. Palaix,*

intimidez de cette rude descharge du Chasteau, penserent plus à leur conseruation qu'à aucune enuie qu'ils eussent de se mettre sur la deffensue: De plus saint Palaix commande à ses soldats de mettre le feu aux maisons plus proches du Chasteau, pour oster, ce faisant, tout moyen aux factieux d'entreprendre sur luy, & luy donner de la ialousie.

Là dessus les habitans luy enuoyent les sieurs du Tremolet & Demonteils, qui luy estoient intimes, le supplier humblement de vouloir faire cesser de tirer sur leur ville, & que tout ce qu'il leur demanderoit, luy seroit donné. La response qu'il leur fit, fut de se mettre en debuoir d'executer la volonté du Roy & du Duc de Montmorency, en faisant demolir la fortification commandée contre ledit Chasteau: la mesme deputation reiterée, mesme response fut renduë: & voyans ainsi le sieur de S. Palaix si ferme en sa resolution aduiserent d'enuoyer vers le Duc de Vantadour qui estoit à la Voute à trois lieues de Priuas, & furent Deputez les sieurs de la Colier avec lesdits du Tremolet & Demonteils pour luy faire plaintes du sieur de saint Palaix, & le prier de faire cesser de tirer: mais le Duc de Vantadour leur respondit qu'il scauoit bien que ceux de la ville estoient des mutins, & qu'il en vouloit faire pendre vne trentaine. Et ce fut à lors que lesdits habitans comman-



cerent à se retrancher & barricader, & au lieu de se résoudre à rompre & demolir les fortifications, que S. Palaix leur auoit en-joinct, ils pratiquent des forces de toutes parts pour se roidir contre le commandement du Roy & du Duc de Montmorency,

1620.

*pratiquent des gens de guerre pour assieger le Chasteau.*

& de faire esclorre leurs desseins au preiudice du serment protesté à ses pieds, & au lieu qu'ils parloient avec des respects si grands & des submissions si profondes, ils deuiennent enflés & bousés en courage & cruauté par l'arriuee de Buson Chef de toute la faction de Priuas, qui fut le Samedi 29. Ianuier. Les habitans qui estoient entierement abatus pour se voir forcez & contraincts d'obeïr, accoururent iusques aux femmes, à sa bien venuë, laquelle les resioiuit en telle façon, que les plus timides commencerent à prendre cœur, à recouurir de nouuelles forces, & deuenir insolens, & alors ceux qui s'estoient retirez de la ville y retournerent avec le retour de Buson, qui fit entrer en icelle plus de sept à huit cens hommes de guerre.

*Deuiennent insolens par l'arriuee de Buson, Chef de la faction.*

Ce mesme iour ils commencerent à se résoudre d'attaquer le Chasteau, & à cest effect les habitans se iettans sur la montagne de Tolon & au Lac, inuiteret ceux de Tournon de continuer leur tranchées, & les suivre en leur rebellion.

*Regimens de soldats entrez dans Priuas parla pratique de Buson.*

Le Mardy 2. Feurier le sieur de Gardon de Bayes y arriva avec quantité de soldats,

1620.

60

*Histoire generale*

les sieurs de la Crotte, de Mallaffas & des Boettiers, avec 40. ou 50. harquebusiers & bien autant qu'il leur vinrent de Montli-

*S. Palaix s'af-  
fure au secours  
du Duc de  
Vantadour.*

Cependant S. Palaix, voyant la Rebel-  
lion toute formée dans la ville, & les appa-  
reils que l'on y dispoſoit pour le forcer,  
penſe aux moyens de ſe deffendre, con-  
tinue à faire tirer dans les ruës, ſur l'aſſeuran-  
ce qu'il auoit que le Duc de Vantadour  
& le ſieur Vicomte de l'Eſtrange fai-  
ſoient amas de gens de guerre pour le ſe-  
courir.

*Ils diſoient que  
ceſte Tour leur  
appartenoit.*

Buson entreprend la conduite du deſ-  
ſein des rebelles, commence à faire trauail-  
ler à la mine de la grande Tour du Chateau:  
ceux de dedans en eurent quelque vent, &  
l'ayans apperceuë, firent tout ce qu'ils peu-  
rent pour l'euenter.

Le Samedi ſixieſme dudit mois, voyans  
que la mine de ladite Tour eſtoit de long  
travail, & que les ſouſtenans ſ'en ſeruoient  
à leur aduantage, Buson la quitte & en-  
treprend la ſappe de la petite Tour, qui  
regardoit le long de la grande ruë de Pri-  
uas, & qui leur faiſoit le plus de mal, & le  
meſme iour avec deux petards la fait ſau-  
ter, ſans qu'il y demeurast aucune  
choſe.

La perte de la Tour ne fit pas perdre cou-  
rage aux aſſiegez, car au contraire, le ca-  
non comença à faire beaucoup plus d'ex-

cution que deuant, à abbatre maisons, edifices, emporter testes, bras, jambes pieds & membres, de tous ceux qu'il attrappoit dans les ruës : cela ne les pouuoit pas estonner, car de cette Tour il n'auoit aucune ouuerture dans la basse cour du Chasteau : qui fut cause que les factieux recommencerent la sappe au plus bas de la muraille d'icelle basse cour tirant vers la bize, & minerent si auant que le lendemain elle fut renuersée, non sans danger de la personne dudit Buson, qui receut vn coup de mousquet dans la jambe, & quelque vns des espionniers tuez des assiegez.

*Buson blessé  
d'un coup de  
mousquet en  
la jambe.*

Le lendemain Dimanche septiesme dudit mois, sur le soir les ennemis ayans moyen de descourir dans ladite basse cour, entreprirent de la forcer en plein iour, & pour cest effect firent dresser plusieurs flancs aux maisons voisines qui regardoient sur icelle, & transportez de rage s'animans l'un l'autre logèrent dessus nombre de mousquetaires portans doubles mousquets, lesquels tirent dedans ladite basse cour, avecques telle violence qu'ils estonnerent grandement les assiegez, qui toutefois ne perdans point courage s'estoient logez en des guerites restans encore sur la muraille de ladite basse cour, d'où ils tuerent bonne quantité des ennemis, qui



1620.

*Fureur cruelle  
des factieux.**Guerites du  
Chasteau ab-  
batuës.**Perte du Ra-  
uelin du Cha-  
steau.*

voyans vne telle incommodité, entrepri-  
rent de les auoir par escalade. Ces rebelles  
endiablez s'y pouſſoient par l'espaule, qui  
auec des haches, qui auec des marteaux &  
autres engins pour mettre leſdites guerites  
par terre. Les ſouſtenans les voyans ainſi  
monter, auec des reſolutions ſi furieufes  
& cruelles, firent quelque reſiſtance: mais  
la rage redoublant, furent forcez de quit-  
ter la deſſence des guerites & ſe retirer dans  
le corps du Chasteau, qui toſt apres furent  
abbatuës & renuerſées l'une ſur l'autre, &  
alors ils ſe rendirent maiſtres de la baſſe  
cour par l'ouuerture de la muraille qui  
leur y donna entrée large, fauoriſez qu'ils  
eſtoient de la mouſqueterie de leurs flancs  
qui tiroit ſans ceſſe ſur les ſouſtenans, &  
ſe logerent à ſix pas des murs dudit Cha-  
ſteau.

Cette perte incommoda fort leſdits ſou-  
ſtenans, & fut bien toſt ſuiuie de celle du  
Ruelin que le Vicomte de l'Eſtrange auoit  
fait eſleuer de neuf au derriere du Cha-  
ſteau, & les ennemis l'ayans gaigné à la fa-  
ueur des harquebuſades de leurſdits flancs  
firent ouuerture à la muraille, & par icelle  
aborderent la Tour qui faiſoit le quarré du  
corps du Chasteau, & y dreſſerent le man-  
telet, & par ce qu'ils n'auoient pas de bons  
marteaux, prièrent ceux de Tournon de  
leur en enuoyer, ce qu'ils firent, & les ayans  
ils donnerent auec telle rage, que l'on ne

voyoit que feu & flamme sortoit des coups: les soustenans qui estoient dans la Tour iettoient de grands quartiers de pierres sur le mantelet, qui firent rompre & ployer les barres de fer, & endommagerent beaucoup des leurs, mais pour cela ils ne cessèrent pas de trauailler iusques au lendemain matin, parmy la gresse des coups de mousquetades & harquebusades, dont plus de trente furent tuez, nonobstant quoy les Rebelles ne laisserent pas de s'asseurer du Rauelin & de la sappe. Chose estrange, quand la Rebellion se glisse dans l'esprit d'un peuple libertin & meschant! on y voyoit les femmes de la ville suiure les soldats les vnes avec la dragée, les autres avec des confitures, & du meilleur vin qu'elles auoient, crians pelle mesle avec eux, *Courage, mes amis, c'est la cause de Dieu, il combat pour nous*, comme si Dieu conduisoit les desseins d'une populace rebelle.

Le Lundy 8. la mine se continuë à la grande Tour du Chasteau iusques à la perfection, où il y eut grand nombre des ennemis tuez, les soustenans ne faisans autre chose que tirer dessus, & ietter pierres, poutres de bois & force feux d'artifice, tout le long de ce iour.

Le Mardy neufiesme ils voulurent faire iouer la mine à la grande Tour, mais pource que le Courier du sieur de Chastillon, qui se trouua à Priuas, n'en fut d'aduiz, &

1620.

*Le combat fut si aspre entre les assaillis & les assaillans, que plusieurs soldats qui auoient esté nourris aux guerres des pays, confesserent n'auoir iamais veu chose plus furieuse.*

*Il estoit arrivé apportant lettres du sieur de Chastillon*

1620.

*pour faire de-  
fister les habi-  
tans de leur en-  
treprise, comme  
garand de la  
parole qui  
auoit esté don-  
née au Duc de  
Montmorency  
de ne rien en-  
treprendre d'as  
Priuas: mais  
ils n'en voulu-  
rent rien faire.*

*S. Palaix con-  
trains de parle-  
menter.*

*Secours arriué  
à S. Palaix,  
mais trop tard.*

*Forme de la  
sortie de S.  
Palaix.*

qu'aucun accord ne se pourroit faire puis-  
apres: & à la verité quelques vns des habi-  
tans tentans approcher le secours du Duc  
de Vantadour & du Vicomte de l'Estrange,  
mirent en auant de grandes considerations  
pour retenir les factieux, sur quoy fut tenu  
Conseil, où toutes apprehensions mises  
bas, fut resolu que le travail de la mine  
seroit continué iusques à son effect, laquel-  
le boulerfa cette Tour iusques aux fon-  
demens.

Le mesme iour apres la perte de ladite  
Tour, les ennemis continuent la sappe du  
derriere du Chasteau, avec telle fureur, que  
S. Palaix voyant que le corps du Chasteau  
n'estoit point si bon que la Tour, & que  
par cette sappe il s'en alloit bouleuerter,  
commença à parler. & traicter avec  
Buson, qui par composition luy permit de  
fortir avec telles armes & bagages qu'il  
voudroit emporter.

Sur l'heure que S. Palaix & sa Garnison  
sortoient du Chasteau, on vit paroistre à la  
veuë de Priuas, du costé de la montagne de  
Coyron les troupes du Vicomte de l'E-  
strange, qui luy venoient au secours, &  
croyans qu'ils fussent encore dedans le  
Chasteau, tirerent en signe de leur venue  
vne vingtaine de mousquetades: mais pour  
neant, car saint Palaix estoit desia sorty.

Ainsi S. Palaix, comme sage Capitaine  
voulant conseruer les siens, & retirer du  
naufage



naufnage le peu qui luy restoit est fortý du Chasteau avec l'honneur des armes assisté de vingtfix soldats qui luy restoient de ce siege, le surplus luy ayans esté tuez en moins de six iours, la mesche allumée & le tambour battant non en personnes vaincus, mais bien non secourus, apres auoir tiré sur la ville quarante coups de canon, quatre milles coups d'arquebusades, fauconneaux & mousquets, & tué plus de deux cens des ennemis en moins de 14. iours.

Après cette sortie les ennemis firent desmolir les bastimens & fortifications faictes au Chasteau dès l'année 1598.

Quelques iours apres apprehendás quelque siege nouveau firent entrer en leur ville 60. foldats de Montelimard, & 80. de Boétiers, pour augmenter leur garnison.

Pendant ce temps le Duc de Montmorency s'acheminant à nostre Dame de Grau, fut aduerty de la force qu'on faisoit à saint Palaix, & voyant l'autorité du Roy mesprisée en la trahison des habitans. & son honneur engagé en la temerité de Buson, resolut d'y aller, & passant à Montpellier,

Monsieur de Chastillon, les Consuls des trois villes, Montpellier, Nismes & Vfez, & les Deputez de l'assemblée, qui se tenoit pour lors à Lunel, le vindrent trouver le priant de ne porter cest affaire à l'extremité, qu'ils desaduouioient l'action

1620.

*Buson le conduisit luy mesme hors de la ville & s'en alla du costé de Boulongne.*

*Garnisons de Primas renforcées.*

*Le Duc de Montmorency est aduerty du traitement mauvais que l'on faict aux siens dans Primas.*

*Assemblée de Lunel. Prié pour Buson.*

1620.

*Le Duc se re-  
soud au cha-  
stement des Re-  
belles.*

*Promet d'ifferer  
la punition à  
l'instance du  
sieur de Cha-  
stillon.*

*Mais ayant  
sceu la prise du  
Chasteau, &  
son Lieutenant  
chassé,  
en donne aduis  
au Roy.*

de Buson, & trauailleroient à le remettre aux termes de l'obeïssance, qu'il deuoit se porter autant prudemment en cette action, qu'il l'auoit fait puïssamment l'année auparauant. Le Duc de Montmorency leur respondit qu'il ne pouuoit ny arrester, ny reculer, & que l'affronterie estoit venue à vn tel point, qu'il estoit obligé, pour faire valoir l'autorité du Roy & son honneur de punir si exemplairement Buson, & les habitans de Priuas, que l'vn & l'autre seruissent de memoire à la posterité pour s'estre rebellez contre leur Roy, & faulcé leur parole à leur Gouverneur: mais qu'à la priere de Monsieur de Chastillon, il s'y achemineroit avec vn esprit de paix, & seroit tres-aïse qu'eux mesmes fissent reuenir Buson à son debuoir, & faisant tousiours chemin il eut nouuelles au Pont saint Esprit de la perte du Chasteau, ce qui l'offença grandement, & à l'instant il despescha vers le Roy le sieur de la Baume, Gentil homme qui par ses seruices s'est rendu recommandable, non seulement à la Prouince, mais enuers le Roy, par lequel il donne aduis à sa Majesté de cest attentat autant preiudiciable à son autorité, qu'il sera subiet de gloire au Duc de Montmorency, selon le succez qui en arriuera, & luy demande ses commandemens pour la restablir.

Le sieur de la Baume retourne avec la

diligence que le seruice du Roy & l'honneur de son Maistre requeroient, rapporte les volonte de sa Majesté au Duc de Montmorency, par lesquelles elle le loué de sa fidelité & vigilance, luy recommande sur toutes choses, la tranquillité publique, mais qu'il desire aussi d'estre obey. Ce commandement receu, voyant qu'il ne pouuoit l'executer sans la force, il employe tous ses moyens, credit, amis, & n'espargne pas mesme les bagues de Madame sa femme: Il emprunte des places d'Auignon, Marseille & Lyon dequoy fournir à la grande despence de sa legitime entreprise: ce qu'ayant fait il ne demeure pas long temps à ramasser ses troupes, tout court au siege de Priuas; l'amour & l'inclination qu'a le Languedoc enuers ce Seigneur, luy fait leuer en moins de cinq iours huit milles hommes de pied & quatre cens cheuaux, fait son Marechal de Camp le sieur de Morese, Gentil-homme que la valeur, l'aage & l'experience rendoient maistre en ces affaires, & lequel suiuant les armes victorieuses du feu Roy, auoit souuent trempé son espée au sang des ennemis de cette Couronne. La Noblesse du Dauphiné, Geneuoudan, Viuarets & Velay accourt au seruice du Roy sous le commandement du Duc de Montmorency. Il fait donc marcher ses troupes, mais requis par le

1620.

*Qui loue sa fidelité.*

*Arme pour assieger la place.*

*La Noblesse accourt & vole à son commandement.*



1620.  
*Conference entre  
 treiny & le  
 Marechal de  
 l'Esdiguieres à  
 Valence.*

*Resolution de  
 n'assiéger Pri-  
 uas qu'apres  
 nouveau com-  
 mandement du  
 Roy.*

*Siege de Ville-  
 neuve de  
 Berg.*

Mareschal de l'Esdiguieres de vouloir con-  
 ferer de cest affaire, il s'achemine à Valan-  
 ce, où ils auoient pris iour pour la Confe-  
 rence (tant pour luy oster le pretexte qu'il  
 auroit peu prendre pour ne bouger du  
 Dauphiné contre le commandement que  
 le Roy luy auoit fait de venir près de sa per-  
 sonne au mois de Feurier 1621. que pour  
 gagner temps & faire aduancer les troup-  
 pes & canons) en laquelle n'ayant scu  
 trouuer d'assez forts moyens pour resta-  
 blir l'authorité du Roy, & par consequent  
 son honneur, ces deux Seigneurs se sepa-  
 rerent, apres auoir resolu qu'on ne remu-  
 roit rien pour Priuas, iusques à ce qu'on  
 eust nouuelles du Roy, la volonté duquel  
 estoit la seule regle des intentions du Duc  
 de Montmorency.

Toutesfois pour ne laisser pas son armée  
 inutile, il fut resolu en son Conseil de guer-  
 re d'attaquer Villeneuve de Berg, & quoy  
 que sa charge de Gouverneur le dispensast  
 de la parole donnée au Mareschal de l'Es-  
 diguieres; si voulut il la tenir, & à ces fins  
 s'esloignant de Priuas il porte ses armes  
 à Villeneuve de Berg, lieu fort commo-  
 de pour les Religionnaires, parce que  
 d'iceluy ils pouuoient grandement incom-  
 moder l'armée, si elle alloit deuant Priuas,  
 & accommoder la ville pour la quantité  
 de soldats que les Seuenes y peuuent  
 mander: il s'y achemina donc, ayant

mandé par aduance trois compagnies des Regimens des sieurs Annibal & du Baron de Perans (qui ont fait paroistre en ces occasions tout ce que peut vn courage assis en bon lieu, autant valeureux que ialous de conseruer l'honneur qu'ils ont d'estre alliez du Duc de Montmorency) pour se saisir des fauxbourgs: Les habitans avec les soldats que l'assemblée auoit ordonné pour la seureté de Priuas, de faire loger aux lieux les plus voisins, sortirent à leur rencôtre pour les empescher de loger: mais ils furent si furieusement repoussez, qu'ils prirent la fuite, & quitterent le logement aux plus forts.

*Sorties des rebelles, deffaites*

Le lendemain l'arriuée du Duc de Montmorency fit penser les habitans à leur conseruation, & à esperer pardon de celuy qu'ils eussent peu irriter d'auantage par leur opiniastreté: se rauisans donc ils enuoyerent leurs Consuls luy porter les clefs, demander pardon, & l'asseurer de leur obéissance, ne souhaitans rien tant que de suiure ses commandemens, comme executeur des volontez de sa Majesté, par ainsi il logea dans la ville avec la Noblesse & quelques compagnies, au meilleur ordre qu'il peut, tesmoignant à la Prouince, qu'il luy a esté donné pour commander, il sçait aussi conseruer le peuple duquel il n'est pas moins amy que ialous de son honneur: Et pour plus grande gloire & tesmoignage de

*Enuoyent leurs Consuls avec les clefs de la ville.*

1620.

*Establit la  
Messe à de dans  
interdicto en ce  
lieu depuis 62.  
ans.*

l'assistance diuine en toutes ses actions, il y fit dire la Messe au grand contentement de quelques Catholiques habitans qui ne l'auoient entenduë depuis 62. ans, glorieux de cette belle action, qu'il sçait estre autant agreable au Roy, que le restablissement de son authorité.

De Reaux

*Exempt des gar-  
des, enuoyé  
par le Roy pour  
faire desarmer.*

*Met Garnisons  
dans Vvallons  
Et chasse les  
soldats du sieur  
de Chastillon.*

*Le sieur de  
Chastillon ne  
desarme en tie-  
rent.*

Sur cette entrefaict le sieur de Reaux Lieutenant des Gardes du Corps du Roy, arriue, mandé par sa Majesté pour faire desarmer : lequel suiuant son commandement s'en alla vers Monsieur de Chastillon, & passant par Vvallons passage de la riuiere d'Ardeiche, où il y auoit quantité de soldats du sieur de Chastillon, il les fit desloger, & y mit vn exempt des Gardes à la priere des habitans, & de là passant outre, & l'ayant rencontré : il le disposa au desarmement, sinon en effect, pour le moins en apparence : car renuoyant les soldats qui luy auoient esté donnez par les trois villes, de Montpellier, Nismes & Vlez (effect des villes d'ostage qu'ils disent garder au Roy, qui tesmoignent par cette assistance, que puis que leurs volontés sont si mal basties pour le seruice de sa Majesté, leurs murailles sont mieux cimentées pour s'opposer à son sacré vouloir) il retient neantmoins les soldats des Seuennes qu'il tenoit encores en gros par tous les enuiron. Et ainü le sieur de Chastillon, ayant aucunement satisfait au commande-



ment du Roy, le Duc de Montmorency se  
dispose à desarmer, & faisant le departe-  
ment de son armée d'un costé & d'autre  
pour la faire viure avec plus d'ordre, il fut  
prié par le sieur de Montmajour frere du  
Colonel d'Ornano, qui conduisoit le Regi-  
mēt du sieur de Mazargues sō frere (lequel  
commandoit pour lors au Pont S. Esprit, ne  
pouuant quitter cette place si importante)  
de luy donner son departement à VValz,  
lieu qui appartient à son dit frere pour mes-  
nager plus soigneusement & avec plus d'af-  
fection ses subiects, que n'auroit fait vn  
autre: Le Duc de Montmorency le luy  
accorda & croyant y estre receu comme  
chez soy, il s'y achemina: mais il en  
fut repoussé avecques violence extraor-  
dinaire à des subiects enuers leur Seigneur  
& si bon Seigneur que leur conseruation  
l'auoit obligé de les aller voir, non comme  
ennemis, mais comme amis subiects de  
son frere: nonobstant ce l'honneur & le  
courage l'obligent à faire valoir son de-  
partement, & entrer dans ce lieu, qui luy  
estoit doublement acquis. VValz est vn lieu  
fort pour son assiette, qui est entre des  
montagnes, & a vn Chasteau assis aduan-  
tageusement, tenu par les huguenots, qui à  
leur mode, & selon les fondemens de leur  
Religion, recognoissent leur Seigneur hors  
de sa maison & par benefice d'inuentaie:  
il y auoit dedans 400. soldats des plus de-

Rebellion des  
habitans de  
VValz contre la  
seigneur de Mont-  
majour.

Assiette de  
VValz.

Sagarnison.

1620.  
Est assiegee  
pour la reuolte.

Embuscade  
des rebelles au  
passage de l'ar-  
mee cachee dans  
un moulin.

Le Duc de  
Montmorency  
en danger.

terminez & factieux des Seuenes, auxquels l'assiette du lieu donnoit vn grand aduantage : ils se resolurent à soustenir le siege & à deffendre leur ville, imprudens ne scachans pas eux mesmes qui lisent si sonuent leur Bible, que si Dieu ne garde la Cité, en vain la sentinelle veille, & pour mieux empescher les approches de l'armee qui à la nouuelle de cette desobeissance s'estoit tournée de ce costé là & s'aduançoit en toute diligence, cent soldats des plus mauuais garçons sortirent du lieu, & se ieterent dans vn moulin, & en quelques maisons qui estoient sur la riuere pour empescher plus facilement le passage, & donner plus de loisir à ceux de la ville de se fortifier. Ce qu'ayant appris le Duc de Montmorency, il commanda d'attaquer le moulin & maisons, où son courage le porta si auant que ses plumes luy furent emportées d'un coup de mousquet : Ledit Seigneur fut prié de se retirer, ce qu'il ne voulut faire, car que ne peut la vertu sur vn bon courage? il n'a point d'autre desir que d'adiouster aux lauriers de sa maison l'aduantage de n'auoir iamais fuy les occasions, iamais refusé les combats, & d'auoir braué tous les hazards qui voudroient empescher le cours de sa gloire : il se loignit au Marquis de Portes son On-

cle, & pressa si fort les esprits rebelles à se retirer dans leur ville, qu'ayans pris l'espouuente ils tournerent le dos, & furēt chassez iusques aux portes de leur giste. Vn mal-heureux, qui n'auoit pas eu bonnes iâ-  
bes fut pris & condamné par le conseil de guerre à estre pendu, lequel estant au gibet & luy ayant esté présenté vn Ministre il demanda vn Prestre de son mouuement, entre les mains duquel il abiura l'heresie, & se conuertit heureusement auât mourir, tant a de pouuoir sur nos ames le decret eternel de la predestination, Dieu ayât ainsi voulu continuer ses benedictiôs au Duc de Môtmorecy, & adiouster à l'heureux succez de ses armes la conuersion de cette ame.

Les ayant donc chassez iusques dans la ville, il les inuestit, & le mesme iour s'estât approché de la muraille avec le Marquis de Portes & le sieur Morefes Mareschal de camp pour recognoistre les lieux plus foibles & plus propres à estre battus, l'on luy fit vne saluë de mousquetades de l'vne des-  
quelles le sieur de Morefes, sur lequel le Duc de Montmorency s'appuyoit pour lors, fut blessé aux deux cuisses, & quoy qu'il y fist bien chaud, ledit Seigneur Duc ne le voulut point quitter, quelque priere qu'il luy en fist; ains l'ayant enuelpé de son manteau il ayda à l'emporter: Gentil-hôme, dont la memoire ne se doit perdre, il mourut glorieusement comme il auoit

1620

*Vndes leurs pris  
& pendu apres  
auoir abüré  
l'heresie de son  
propre mouue-  
ment.*

*Vn alginuëst  
de toutes parts.*

*Le sieur de  
Morefes blessé  
d'une mous-  
quetade aux  
cuisses proche  
du Duc.*

*Dont il mourut  
dix iours apres.*



vescu vertueusement dix iours apres sa bleſſeure, grandement regretté dudit Seigneur Duc & de toute l'armee, tant pour son merite, que pour le ſervice qu'elle eſperoit de luy.

*Le Duc commande que la place ſoit batue.*

*Parlement des rebelles.*

*Obtiennent pardon par l'entremiſe du ſieur de Reaux  
Exempt des Gardes du Roy.*

*Reduction de Vuals.*

*Garniſon pour le Roy eſtablie par le Duc avec vn Exempt des Gardes.*

Le Duc de Montmorency, irrité de cette perte, penſe à venger cette mort, & voulant teſmoigner le reſſentiment qu'il en auoit, faiſt tonner ſes canons avec tant d'effroy & eſtonnement des aſſiegez, qu'il les contrainct à parlementer, & pour ce faire ils s'adreſſerent au ſieur de Reaux, par l'entremiſe duquel, & à la ſuplication de tout la Nobleſſe, qui eſtoit aupres de luy, il accorda le pardon aux Conſuls, qui le luy vindrent demander à deux genoux: il ſe porta facilement à leur pardonner, d'autant que l'aſſiette du lieu, l'incommodité du paſſage, & le chateau, euſſent traſné dans leurs ruines la vie d'une quantité de Nobleſſe qu'on n'eut ſceu empêcher de ſe porter dans les hazards. Ces conſideratiōs donc & la priere dudit ſieur de Reaux obligerent le Duc de Montmorency à leur pardonner, il entre dans la ville, & met 300. hommes du Regiment dudit ſieur de Mazarques en garniſon dans le chateau avec vn exempt des Gardes. Ainſi cette petite Geneue, cette pucelle qualifiée de ceſnōs par les habitans du païs, fuſt priſe, heureuſe en cela, tant pour l'auoir eſté par vn ſi grād & genereux Seigneur, que pour auoir

repris la Messe, & l'exercice Catholique  
que les religionnaires en auoient chassé de.

*La Messe y fut  
restablée.*

puis 60. ans, en laquelle action plusieurs se  
conuertirent, tant par le bõ exemple dudit  
seigneur Duc, que par les predications des  
Peres Iesuites, personnages à qui la France  
doit vne partye de la conseruation de la re-

*Plusieurs con-  
uerts en icelle  
place par les  
Iesuites.*

ligion: ils suiuirent tousiours l'armee du  
Duc de Montmorency, & y ont fait des  
merueilles à consoler les blesez iusques dās  
les trāchees où leur pieté les portoit, & par  
leurs salutaires consolations faisoient aussi  
doucelement souffrir aux soldats toutes les  
incommoditez, sur la gloire d'auoir signalé  
leur nomen de si honorables occasions &  
aupres d'un Seigneur, qui attire à soy par  
sa valeur tout ceux qui ont tant soit peu de  
cognoissance de son courage. Ainsi donc  
cette ville, fascheuse espine pour les Catho-  
liques de ce païs là, qui vantoit sa liberté  
sur toutes les autres villes d'ostage, def-  
cheuë de sa vanité, fut submise à l'ordinaire  
des autres, pour prédre la loy que son vain-  
queur luy vouldra donner.

*Qui suiuoient  
partout l'ar-  
mee du Duc.*

Cette place, le rempart des Seuenes, estoit  
si importante à Messieurs les reformez que  
Monsieur de Chastillon cognoissant l'vtili-  
té d'icelle, y auoit mandé le sieur d'Autie-  
ge, son bras droit, avec 1200. hommes,  
& six de ses meilleurs Capitaines pour la  
fortifier, & secourir: mais ledit d'Autiege,  
ayant appris en chemin la redditiõ de Vvals,

*Le sieur de  
Chastillon en-  
uoya secourir  
Vvals apres sa  
prise sous la  
conduite du  
sieur d'Autiege*

1620.

*Qui de despit se  
jette dans Vvalons.*

pousse de despit se iette dans Vvalons, en chassé l'autorité du Roy, avec l'Exempt des Gardes que le sieur de Reaux y auoit mis, & publie que la prise de Vvals coustera cher au Duc de Montmorency: il se fortifie dans la ville, bien receu des habitants qui payeront à leur tour la legereté de leur rebellion, & le violement de leur foy.

Le Duc de Montmorency ne peut souffrir vn tel affront qui vise contre l'autorité du Roy, il y accourt & armé d'vne si iuste cause, se promet de le faire deloger. Il n'y fut pas plustost arriué qu'il inuestit la place & presse si fort les ennemis, qu'il les contrainct de faire quelques sorties, ausquelles ils eurent tousiours du pis: ce fut là où toute cette genereuse Noblesse fit paroistre ce qu'elle valoit, & entr'autres vn Gentil-homes, le nom duquel doit estre escrit à la posterité, pour n'estre iamais oublié, pour le moins ne le sera il pas du Languedoc, qui publiera l'action qu'il luy a veu rendre; ce fut le sieur de Rohecocolombé, lequel ayât veu porter sô fils par terre à sô costé, d'vne mousquetade en l'vne de ces sorties, l'ayât faict souuenir de Dieu & de la Vierge, & recommandé à vn soldat, ne laissa pas de poursuiure sa pointe & charger les fuyards iusques dans la ville, où les ayant enfermez il reuint fondre en larmes sur le corps de sô fils qu'il trouua expiré, cōsolé en sa perte, de voir la glorieuse mort de sa chere geniture.

*Est au si tost as-  
siege par le Duc  
de Montmoren-  
cy.*

*Les rebelles  
sont battus aux  
sorties.*

*Le fils du sieur  
de la Roche-  
colombe tue d'v-  
ne mousqueta-  
de aux sorties  
des ennemis.*

*Rueil de son  
Pere.*



En fin le Duc de Montmorency voyant l'obstination des ennemis fit tirer si furieusement son artillerie, qu'elle foudroya vne grande partie de la muraille, & fit breche capable d'estonner les rebelles. Ce qu'ayât veu le Marquis de Portes, encouragea si bien les soldats qu'il les obligea d'entrer par cette breche, & luy mesme s'y porta si auât, qu'ayant rôpu partye des ennemis, qui s'y estoient presentés pour s'opposer à sa valeur & deffendre leurs murailles, il contraignit le sieur d'Autiege, ce mesme iour qui estoit le 9. du siege de traiter d'acord & demander sauf-conduit pour parlementer avec luy. lequel luy ayât esté accordé, il sort avec 4. de ses Capitaines, le prie & coniure d'interceder pour luy & les siens enuers le Duc de Montmorency. Le Marquis de Portes l'assure de la bonté & bone volôté dudit Duc, & qu'il obtiendra de luy le pardon qu'il desire, & apres auoir resolu avec luy tout ce qu'il deuoit faire & dire & auoir aduertiy de la volôté de d'Autiege le Duc de Montmorency, qui fut tres aise d'espargner le sang de plusieurs Gentils-hommes qui eussêt peu perdre la vie en ce siege, à cause de la bigearre affiette du lieu, content d'y voir l'autorité du Roy restablie, il l'emmena en son quartier, où le Duc de Montmorency estoit accompagné du sieur de Reaux Lieutenant des Gardes du corps de sa Maiesté des sieurs les Presidēt du Faure & de Bitaut

*Laplace furieusement batteue jusques à breche faite.*

*Disposition à l'assaut par le Marquis de Portes.*

*D'Autiege demande sauf-conduit pour traiter.*

*Il est assuré du favorable accez vers le Duc de Montmorency.*

*Est mené à luy pour obtenir pardon.*

*La Noblesse  
du pais assiste  
le Duc partout.*

*Forces du sieur  
de Chastillon.*

*Responce du  
Duc de Mont-  
morency, à  
d'Autiege.*

Maistre des Requestes, des sieurs, le Vicomte de Polinac, qui s'estoit acheminé deuant Vallons avec 300. cheuaux, tant pour le seruice du Roy, que pour l'inclination particuliere qu'il a à la gloire dudit sieur Duc, des sieurs d'Anibal, de Perans, Montreals, de Plaifias, de Mazargues, du Vicomte d'Aps, de la Baume, de Monfolens & de toute la Noblesse du pais, où estant à la presence de tous, il demanda pardon pour luy & les siens au Duc de Montmorency, le suppliant luy faire obtenir du Roy sa grace. La compagnie s'estonnoit de voir ce Capitaine aux pieds dudit sieur Duc, & sortir d'une place, l'assiette de laquelle, & les approches du sieur de Chastillon, qui n'en estoit qu'à deux lieues avec 3000. hommes de pied, pouuoit donner de la peine aux assiegeans, & du courage aux assiegez: chacun benissoit le Ciel de ce qu'il verloit coup sur coup ses benedictions sur cet illustre Seigneur, & l'apelloit iuste de ce qu'il assiegeoit de ses graces & faueurs, celuy qui ne combattoit que pour la gloire de Dieu & de son Roy.

Il respond donc à d'Autiege, qu'il est extrêmement marry de sa reuolte, & que son courage, qu'il sçait estre tres-bon, auroit en plus de gloire d'employer sô espee pour le seruice du Roy, que pour fomentier la rebellion d'une ville seditieuse: que pour son regard, il luy pardonnoit tres-volontiers,

mais que pour la grace qu'il demandoit de sa Maïesté il deuoit auoir recours audit sieur de Reaux, que c'estoit à luy de luy faire esperer la misericorde du Roy. Ledit sieur de Reaux à mesme temps, assure le Duc de Montmorency que le Roy auroit tres agreable tout ce qu'il promettrait aux coupables à son nom: pour lors ledit Seigneur Ducluy promit de luy faire obtenir la grace, à condition que dans vne heure ils deslogeroient avec leurs armes seulement sans tambour, la mesche esteinte comme vaincus, qu'ils ne porteroient les armes de six mois dans la Prouince, & que s'il se trouuoit aucuns habitans dudit lieu parmy eux, que le Capitaine de la troupe, où ils se trouueroient, seroit arresté pour estre puny.

*Est assuré de sa  
grace enuers le  
Roy.*

*Rend la place  
& sort en  
vaincu.*

L'executiō aussi tost faicte qu'ordonnée, le Duc de Montmorency fait renger son armee en bataille; & sur le Midy d'Autiegefort avec ses troupes, qui passerent au milieu de l'armee, remerciaus Dieu de ce qu'ils auoient trouué autant de douceur, que de valeur dans cette ame genereuse, & se retira à Bargeas deux lieues de Vallons où le sieur de Chastillon estoit avec son armee: le pillage fut accordé aux soldats, qui en vserent à leur discretion.

*Au milieu de  
l'armee du Duc.*

*Pillage accordé  
aux soldats.*

Parmy ce desordre les Chefs de la rebellion qui auoient appelé d'Autiege, lesquels le Duc de Montmorency vouloit faire



1620.

*Chefs de la rebellion se sauvent de la ville. Leurs maisons rasées*

*La Messe re-stablie dans l'usages par le Duc de Montmor.*

*Pratiques militaires de l'Escun & de Vignaux factieux de Bearn.*

*Entreprise sur Nauarrins en Bearn.*

punir, se sauuerent : mais les maisons des plus coupables ont esté abbatuës par commandement dudit seigneur Duc, & eux ruinez pour iamais. Le lendemain ledit Seigneur y fit dire la Messe, que l'heresie en auoit chassé depuis 61. an, accompagnant sa fidelité de sa pieté, aussi glorieux pour l'une que pour l'autre, & content que toutes choses luy ayent reussi selon la volonté du Roy, qu'il sceût estre porté à la pieté & à la valeur: prest de là en auant de fonder sur Priuas pour auoit osté aux rebelles toute sorte de secours des Seuenes & du Dauphiné, s'il en reçoit les commandemens de sa Maiesté: & voila ce qui se passa en Viualetz pour le commencement de la Rebellion.

Mais cecy est peu de chose encore, si nous allons plus auant au declin de l'année 1620. (quoy que cette guerre du Viualetz ait entré en l'année 1621.) voir les pratiques miserables de l'Escun & de Vignaux parmy les Colloque & assemblée rebelles de Milhaud & de Montauban, à la ruine & destruction de l'ordre de l'establissement que le Roy auoit fait en Bearn, qui alloient commencer sur les Nauarrins, pour s'espandre avec de tres-funestes marques d'une grande cruauté sur les garnisons Catholiques du pays.

*Le Roy sortant de Bearn, commandant au sieur Zamete Maistre du camp du regiment de Picardie, de demeurer dans le pays pour faire un établissement*

Et l'assésment exact de la garnison de Nauarrins, ce qu'il fit avec beaucoup de soing & d'ordre qu'il sembloit que rien ne s'y pourroit esbranler, puis qu'il n'estoit question que de conseruer la place iusques à l'arriuee du sieur de Poyane, qui en auoit esté esleu Gouverneur par le Roy & qui n'y estoit encore arriué, lors de cette entre-prise.

Le Roy ne fut pas plustost hors du Bearn que les habitans de Nauarrins se laisserent corrompre & commencerent dès lors à penser les moyens de secotier le ioug, asseurez qu'ils estoient que l'Escun & Vignaux traualloient pour eux aux assemblees susdites: Et pource se peinerent au dehors & dedans: au dehors par vne infinité d'assemblees qu'ils faisoient avec les principaux auteurs de ce dessein nommez les Binzins, nepueux du sieur de Sales auparauant Gouverneur de la ville, gens factieux & pleins de mauuaise volonté, de la Religion pretenduë reformee veritablement, mais qui n'y estoient pas tant zelez, comme ils l'estoient à l'esperance de se rendre Maistres de ladiçtela place, & d'y demeurer Gouverneurs: au dedans, & en faisans vne grande demonstration de bienueillance aux trois Capitaines des garnisons, Lazenay, Miraumont & La-uergne, qui y commandoient, pour lors & telle que ces Capitaines là feussent plustost entrez en soupçon de leurs

*Feinte amitié  
des traistres  
eurent les Ca-  
pitaines de la  
garnison.*

1620.

propres soldats que de tels habitans, avec lesquels ils venoient comme freres, beuans & mangeans tous les iours ensemble.

*Auis aux Capitaines de la conspiration conceuë contre eux.*

Or pendant cette grande vnion, diuers auis arriuerent à ces Capitaines, que l'on vouloit entreprendre sur la place, ce qui fut cause qu'ils redoublerēt les gardes, & firent plusieurs recherches dans les maisons: mais avec desplaisir, sur la confiance qu'ils auoient des habitans, & les coniuers tousiours, de ne prendre point en mauuaise part leurs recherches, puis qu'on leur donnoit tant d'aduis.

*Nul effect fini-  
stre de cette en-  
treprise pendāt  
trois sepmaines*

Trois sepmaines s'ecoulēt dans ces alarmes, qui en fin cessèrent par la fin de ces aduis, de sorte que l'on commença à se relascher de l'exacte garde qu'on auoit faicte pendant ces deffiances, & se contenter de la garde ordinaire.

*Trois tresentrez  
dās Nauarrms  
le soir de l'ex-  
ecution de la  
conspiration.*

Il arriue en fin que le soir du Mardy huietiēme Decembre, l'on remarqua qu'il estoit entré cette iournee là beaucoup plus de gens en la ville que de coustume, & entr'autres vn nommé Maisson-neufue dont on auoit de grands soupçons. Cela fut cause que les Capitaines, ialoux de conseruer l'honneur que le Roy leur auoit fait, en leur mettant cette place entre les mains, prirent resolution de faire meilleure garde que de coustume.

Sur le soir on leur donne auis que



les habitans veulent entreprendre cette nuit, & qu'un des Buizins est mesme caché dans la ville: Sur ce discours l'on fait prendre les armes aux soldats, on leur donne mesche, poudre & balle plus que l'ordinaire, on les presse de boire un coup, pour aller en faction, l'on visite les maisons accusées, où l'on ne trouve personne. Alors on se saisit des principaux habitans, qui nient tout & sort asseurement, l'on commence une recherche par les maisons, & telle que voulans entrer en celle d'un nommé Merous où estoit ledit Buizin avec une quantité de gens de main choisis par luy, & amenez dans la ville pour l'exécution de l'entreprise; ils s'écourent tous par le derrière du logis à dessein de se cacher jusques au lendemain: d'abord on en trouve deux cachez dans le grenier au foin de cette maison, on les interroge, ils nient tout: on en pousse enfin quelques uns qui estoient dans les rues; on en prend un auquel on promet la vie, moyennant qu'il cōfesse; ce qu'il fait, mais avec tant de longueur par la peur qu'il avoit: il estoit onze heures & demie de nuit lors que le prisonnier declara que deux assemblees se devoient faire dans la ville, l'une des habitans, qui à minuit sonnait devoient esgorger les Capitaines, & donner dans le corps de garde de la place, pendant que l'Assemblée tout

*Autre avis de  
perileminent  
E d'un des  
traistres.*

*Deux surpris  
en un grenier  
au fin.*

*Un pris qui de-  
cele le trahison.*

*Narré de la  
conspiration  
de sonner.*

1620.

d'un temps, conduite par ce Binzin deuoit donner dans le corps de garde de la porte, tuer tout, rompre les serrures & abaisser le pôt pour donner entree à cinq cés hommes qui estoient sous vne grande hale au dehors de la ville, gens de diuers endroits, pratiquez és Colloques & assemblees susdictes, & du païs de Bearn, conuiez par les Binzins & lesdicts l'Escun, Vignaux & autres factieux, qui auoient eu vn rendez-vous en la campagne.

*Fausse allarme  
conseillee, mais  
empeschee par  
Conseil plus sa-  
ge.*

Comme donc les Capitaines sceurent à onze heures & denie que l'exécution s'en deuoit faire à minuiet, ils resolurent de feindre vne fausse allarme, pour essayer d'attraper ceux qui estoient au dehors: Mais venans à considerer puis-apres qu'ils n'auoient encore que deux ou trois hommes des entrepreneurs entre les mains, ils changerent d'aduis, craignant que tous ces gens cachez, qui estoient en grand nombre, & lequel ils croyoient encore plus grand, ne sortissent sur eux à cette feinte allarme, & que ceux de dehors venans à donner violemment à la porte, incommodassent les soldats, sans autre esperance au bout, que de tuer quelques gens de ceux de dehors: ils creurent donc qu'il valloit beaucoup mieux iouier au plus leur c'est à dire, de bien nettoyer la ville; de sorte qu'ils laisserent ce dessein & chercherent les conspirateurs qu'ils trouuerēt d'un

*La ville fouille  
pour trouuer les  
traistres cachez  
ès maisons.*

costé ou d'un autre armez de pistolets & de poignards cachez dans des iardins & des masurez, des greniers, des cloaques & autres lieux : mais ils ne peurent iamais si bien faire par leur exacte recherche qui dura tout le lendemain, qu'une grande quantité d'entr'eux ne se sauassent dans le fosse, les vns par des cordes, les autres par des draps coupez, les autres en se iettans à corps perdu du haut en bas des murailles, qui ont iusques à sept toises de hauteur aux moindres lieux; de sorte que lesdits Binzin mesme & Maison-neufue se sauuerent, quelques autres se tindrent cachez dans la ville: & y en eut deux qui furent toute vne nuit & un iour en un cloaque vouté, dans l'eau iusques aux cuisses & tellement contraincts qu'ils estoient tout courbez sous cette petite voute. Il y en eut un entr'autres aussi, qui demeura caché iusques au dixiesme iour dans un grenier au foin, sans qu'il eust autre aliment qu'un peu de pain qu'il auoit mis dans sa pochette le premier iour, & s'as oser sortir delà, que la nuit qu'il descendoit en cachette de ceux de la maison, pour aller boire du cidre qui estoit dans la court; de sorte qu'il fut trouué si extenué qu'il ne pouuoit plus respirer.

*Partie des traistres se sauua par dessus les murailles de la ville.*

*Autres cachez en un cloaque.*

*Es greniers de foin.*

*Autres deux precedentes conspirations de Navarrius.*

Voyla ce qui se passa en cette entreprinse, laquelle ne fut pas la premiere, ces mesmes conspirateurs y en ayant desia faict 2. auparavant.



1 L'une par vne piece delaissee du corps de la ville où l'on ne faict point de garde, sur laquelle deuoient monter iusques à trois cens hommes, & de là ietter vn petit pont sur la muraille, & y entrer trois à trois de front, lors qu'à heure precise les habitans & quelques gens cachez avec eux, donneroient dans les corps de garde.

2 L'autre fut, qu'en vn iour de marché en plain Midy, le marché se tenant hors la ville plusieurs se trouueroient desguisez en payfans, qui tueroient les chefs & soldats qui seroient dans le marché, les autres donneroient dans la porte, pendant que les habitans par vn signal, feroient leur execution au dedans.

*Interrogatoire  
faict aux pri-  
sonniers.*

*Execution des  
traistres.*

*Qui fait cre-  
uer de despit les  
freres hugue-  
nots.*

Pour reprendre donc le discours, les plus coupables furent interrogez par des iuges du lieu, & ayans esté attaincts & conuaincus, comme perturbateurs du repos public & perfides à leur Prince, il y en eut dix de pendus & estranglez en la place du marché, qui est hors la ville, où ils recogneurent de leur propre bouche & en presence de tout le peuple du pays, l'horreur de leur crime, dont ils demanderent pardon au Roy.

Le despit & la rage eurent alors les rebelles factieux de Bearn & d'ailleurs, & les porta ouuertement aux actes d'hostilité, & à la persecution cruelle des Catholiques des lieux, où le pouuoir & la force qu'ils y

ont, leur donne l'audace de tout oser & entreprendre: ils se declarent notoirement rebelles, rendent la campagne suspecte, pillent, rançonnent, arrestent prisonniers, & commencent leur tyrannie & reuolte dans Montauban, dans Castres & dans le Comté de Foix, ce qui ne se peut mieux cognoistre que par les aduis qu'en donna au Roy, Monsieur Mazuyer premier President au Parlement de Thoulouze, où il traicte du succez des affaires des rebelles, depuis l'entreprise de Navarins, & en vengeance du raisonnable chastiment qui y fut faict des traistres & perfides au Roy, comme de l'emprisonnement des Ecclesiastiques & autres Catholiques à Montauban, & du mauuais traictement des Conseillers Catholiques par leurs confreres les Conseillers de la religion pretenduë, de la Chambre de l'Edict à Castres, des souleuemens & actes d'hostilité commis en la Comté de Foix contre les Catholiques, & des nouuelles fortifications de Montauban, & de la resolution des rebelles à la prise des armes, voicy comme parle le dit sieur Masuyer escriuant à sa Maiesté, de Thoulouse en date du vingtdeux-iesme iour de Decembre, Sire. *Ce n'est qu'avec desplaisir qu'il faut que le repos de vostre Maiesté soit continuellement interrompu par mes lettres, sur les defauts continuels de vos subiects de la Religion pretenduë*

1620

*Se resoudent à perscuer les Catholiques l'execution où ils sont plus puissans.*

*Aduis de ceder l'ordre de Montauban, Castres & Comté de Foix, donné au Roy par Monsieur Masuyer & 1. President de Thoulouse.*

*Sa lettre enuoyée au Roy.*

1610.

Reformee: mais l'obligation que l'ay que vostre Maieſte ſoit deüment aduertie de l'Eſtat preſent de ce reſſort, de l'oppreſſion qu'y recoinnent vos ſubieſſs Catholiques, & du meſpris de voſtre autorité, m'oblige à ce faire.

*Au traité de  
l'Assemblée de  
la Rochelle cy  
apres,*

*Juſques aux  
femmes, qui y  
portoient terre,  
pierres, mar-  
chaux & viures  
aux ouuriers.*

Nonobſtant voſtre declaration contre l'Assemblée de la Rochelle ( c'eſt vn affaire que ie me ſuis reſerué de traiter amplement cy apres ) les deputations ont eſté faiſtes en icelle, & ſe tient par abbregé dans voſtre ville de Montauban: nonobſtant les Arreſts de voſtre Parlement que nous enuoyons aux Conſuls & Officiers du lieu, leurs fortifications continnent avec des furies extraordinaires; car les volontaires y vont de tout ſexe & de toutes qualitez, & les taxes ſont faiſtes ſur les particuliers pour les contraindre faire à leurs deſpens chacun certaine quantité de toiſes dans certain temps, & de telle profondeur: c'eſt ce qui ſe pratique en toutes leurs villes: Caſtres autant & plus que les autres.

*Emprisonne-  
ment des Ec-  
cleſiaſtiques &  
Catholiques à  
Montauban.*

Audit Montauban vn excez nouveau s'eſt commis le dix ſeptieſme de ce mois, ſur l'aduis qu'ils eurent qu'à Nauarrins on auoit pris & executé quelques traiſtres, qui auoient intelligence pour ſurprendre la place, & qu'on en tenoit d'autres priſonniers: à l'inſtant ils ont emprisonné tous les Eccleſiaſtiques des deux Chapitres, tant de l'Egliſe Cathédrale que Collegiale, & tous les Catholiques qui ſe trouuerent dans leur ville, ſoient trafiquans ou tirans pays: & enuoyerent ſoudain aduertir tous ceux de leur



ville qui estoient à Tholouse pour affaires particulières de se retirer & retourner promptement; Consuls de Montauban redemandent leurs maisons, & menerent les prisonniers en la maison mandent leurs Episcopale garde par deux compagnies de gens Citoyens qui estoient à Tholouse. de guerre & les ont detenus de la façon depuis les huit heures du matin dix-septiesme du mois infiques au lendemain dix-huitiesme sur les cinq heures du soir, qu'ils les remirent en liberté dans leurs maisons: avec deffences neantmoins de desparer à peine de la vie, leur donnant la ville pour arrest & prison, & ce par deliberation de leur maison de ville & dudit abbegé: de ce fait grandement blasmez par moy, sur ce qu'au preiudice de la seneireté publique & particuliere qu'ils leur avoient donnee, ils ont perfidement mes-use contr'eux, n'aprehendans point la consequence de tous ceux de leur Religion resbandus par tout le Royaume d'as les villes Catholiques, qui pourroient courir pareille fortune, si la foy des Edicts n'estoit sainctement & exactement observee par les Catholiques, quise conformement aux commandemens de vostre Maiesté. De fait à l'instant ie fis deffence d'user d'aucunes repressailles & fis assurer ceux de la Religion, qui estoient dans vostre ville de Tholouse.

Après ce les Ecclesiastiques de Montauban Parisiques de furent mis hors de peine pour ce coup, iusques à Montauban ce que la rage reprenne sur un nouveau subiet. improuvent Caril est vray qu'il y a vne partie des Magistrats, Consuls & des Bourgeois qui trouvent tres-mauvaise cette procedure: mais ils sont sous la quei.

1620.

Montauban redemandent leurs maisons, & menerent les prisonniers en la maison mandent leurs Episcopale garde par deux compagnies de gens Citoyens qui estoient à Tholouse.

Ecclesiastiques de Tholouse.

Procédure de dangerouse consequence pour leurs freres ensermez les villes Catholiques.

improuvent cette action des seditieux contre les Ecclesiastiques.

1620.

Sage retenüe  
du Parlement  
de Tholonze.

Supplient le Roy  
leur permettre  
retourner à  
Thoulouze.

Partages faits  
en ladite Châ-  
bre de Castres  
sur deux sujets.

loy des fastieux : vostre Parlement sur ce subiet y a interposé son autorité, ensemble sur les iteratiues inhibitions de tenir cette assemblee qui continuë tousiours audit Montauban. Mais Sire, au chemin qu'ils prennent de repressailles par oppression de vos subiets Catholiques : ce nous est vne grande retenue de ne faire suiure de punitions leurs contrauentions : Car tout haut ils se vantent de mal traicter les Catholiques, & d'user par furie de telle voye que celle que nous prendrions pour punir les crimes de ceux des leurs qui seroient pris par Iustice: mesme menacent Messieurs nos Confreres de Castres, ce qui fait que moins ils sont asseurez & moins hardis en leurs promotions pour la crainte qu'ils ont des furies populaires, & des considerations que nous auons que le General de la Prouince ne se mette en desordre: qui est le subiet pour lequel ils supplient vostre Ma-iesté, auoir agreable qu'ils reniennent faire leurs charges dans vostre Parlement de Tholonze, puis qu'avec seuretië ils ne peuuent faire dans Castres ce qui est de vostre seruice & y maintenir vostre autorité : veu mesme qu'ils recognoissent assez la mauuaise foy des Presidens & Conseillers de la Religion pretendüe Reformee leurs collegues, lesquels ne seignent point de menacer publiquement qu'il en sera ainsi usé : & qui plus est fomentent les Rebellions en ce qu'estans iuges en pareil nombre de consistoriaux officiers & non Royaux, ils se portent à empescher toutes les bonnes resolutions de Messieurs nos Confreres Catholiques ; & de fait ils ont fait partage sur la prohibition de

L'assemblée de Milhand: ils ont fait partage sur  
le Registre de la declaration de vostre Maiesté,  
sur le fait de la prohibition de l'assemblée de la  
Rochelle, en ce qu'elle contient la clause de Pri-  
uation du benefice des Edicts & du renuoy de la  
cognoissance aux Chambres de l'Edict, laquelle  
il plaist à vostre Maiesté attribuer à vos Cours  
de Parlement.

1620.

Cela se verra  
en la teneur  
d'icelle cy:  
apres.

Surquoy, Sire, il seroit à desirer qu'il pleust à  
vostre Maiesté pour le bien de son seruice, d'en-  
uoyer vne lettre de Iussion à ladite Chambre à  
peine de suspension de leurs charges d'en faire le  
Registre.

Le desordre de Montauban a esté suivy dans  
la Seneschauſſee de Foix & pareils troubles le 19.  
& 20. de ce mois, ils auoient fermé leurs portes de tous les passans  
ville à Saierdun, Cazeris & Pamiers: pris & sont rançonnez  
arrestés les Catholiques, se sont emparez de quel-  
ques metairies, où ils ont mis des soldats sur le grand  
chemin, outragé aucuns de voye ou de fait, volé  
quelques passans, manqué de surprendre la maison  
forte du sieur Euesque de Pamiers par escalade, &  
mis tout le pays en rumeur. C'est tout ce qu'il m'a  
esté possible de contenir la Noblesse Catholique  
dans le plat pays, & empescher qu'ils ne se mettent  
par represailles, à user de la force, esperans de  
faire reparer ce desordre par l'ordre de la Justice  
ce, ou du moins que la grande patience des Ca-  
tholiques les comblera de blasme.

Troubles exci-  
tez en Foix où  
sont rançonnez  
le plat pays  
pillé.  
La Noblesse  
Catholique du  
pays assemblée  
les communes  
au son du Toc-  
sain pour courir  
sur les pica-  
teurs hugue-  
nots.

On nous assure qu'ils sont pour prendre les  
armes au 25. de ce mois: nous n'auons qu'à crain-  
dre quelque surprise de villes. C'est à quoy j'ay



1620.

du depuis les-  
dits Ecclesiasti-  
ques ont esté  
chassez de  
Montauban.

donné charge par tout de veiller & faire garde pour prevenir ces inconueniens.

Cest arrest commandé aux Ecclesiastiques de Montauban par la ville, n'est que pour exercer quelque cruauté, si leur rage se met à prendre quelque resolution furieuse, comme il est indigne iniques à quel point la mutinerie s'est souleuee.

Nous esperons de vostre Maieité qu'elle prescra l'obeissance plus ample pour les remettre en leur debuoir, & faire que vos subiets soient deliurez des inconueniens qui peuuent suyure de leurs turbulentes resolutions. Cependant ie tiendray la main de tenir tout dans le repos, au mieux qu'il me sera possible.

Dessein sur la  
ville de Nauar-  
rins premedi-  
té & conseillé  
en l'Abbregé de  
Montauban.

La fureur pour le faict de Nauarrins est plus grande par ce que les Conseils en sont sortis de la deliberation de Milhaud: i'en ay eu les aduis certains: & ne doute point que celle del'Abbregé de Montauban ne se porte à semblables entreprises: Cependant c'est une grande fatigue à des subiets Catholiques d'estre tousiours sur la defension redoutans les efforts de personnes qui sont en perpetuels conseils & armez: il y a aussi force soldats qui tirent pays de nuict: les courts iours & la saison fauorise les surprises des places, ce sera par où ils commenceront auant que de se declarer s'ils veulent prendre les armes, Nous attendrons vos commandemens, & demeureray. Sire &c.

Surprises de  
villes à crain-  
dre.

Les Consuls & habitans de Montauban, ayans traité ainsi que dessus les Ecclesiastiques & Catholiques de la ville, affin de faire trouuer bonne vne telle procedure, & que

1620.

ce qu'ils en auoient fait n'estoit que pour les  
guarantir de la furie du peuple irrité de ce  
qu'il venoit d'apprendre de l'exécution des  
Rebelles à Nauarrins, le mesme iour qu'ils  
les eurent emprisonnez dans l'Euesché, ils  
escriuent audit sieur Masuyer premier Pre-  
sident de Tholouse & se plaignent les pre-  
miers, affin de preuenir la iuste accusation de  
leur attentat, & luy enuoyent cette lettre le  
17. du mois, Nous auons esté cy devant extre-  
mement marris que les menaces doi on a usé contre  
nous, nous ayent ietté dans les allarmes & dans les se-  
desfiances dont nous vous auons escrit diuerses fois:  
maintenant nous le sommes encores plus de voir cō-  
me les excez reels executez en Bearn nous portent  
dans les difficultez & angoisses tres facheuses.

Consuls de  
Montauban  
taschent de se  
iustifier pour  
l'emprisonne-  
ment des Eccle-  
siastiques.

Escriuent au  
premier Presi-  
dent de Tholou-

Nous auons appris ce matin par deux Gentils-  
hommes venans de ce pays là comme dans Nauar-  
rins on a pendu quelques uns de nostre Religion,  
& que le reste des habitāns estoient liez & garottez,  
& parmy ceux cy le Ministre dudit lieu, le frere  
duquel a esté du nombre des pendus. Cette nouuelle  
a d'une part fesché merueilleusement les gens de  
qualité, qui comme amateurs de la tranquillité pu-  
blique desirerent la cōtinuation du repos sous l'obéis-  
sance du Roy & observatiō de ses Edicts de pacifi-  
cation: Et d'autre costé a tellement esmeu tout le  
peuple que pour eniter des effects plus sinistres, que  
la nouuelle d'un si estrange accident pourroit  
causer, par l'aduis du Conseil de cette cōmunauté,  
nous auons prié Messieurs du Clergé de se loger  
tous ensemble dans la maison de Monsieur

Ministre de  
Naurrains a  
nombre des  
conspirateurs.

Fausse supposi-  
tion desdits  
Consuls.

*Ils scauoient  
mieux que  
Monsieur Ma-  
suyer ce qui s'e-  
stoit passé à  
Nauarrins.*

l'Euesque, où nous auons pourueu à leur conser-  
uation & à l'assurance de leurs personnes, com-  
me nous estimons qu'ils vous en donnent aduis. Ce-  
pendant Monsieur, nous auons creu de nostre  
debuoir de vous aduertir promptement de cette  
occurrence: affin que si cest aduis de Nauarrins  
est faux, comme nous le souhaitons, vous nous en  
donniez certitude au plustost; & s'il est vray, ce  
que Dieu ne vueille, il vous plaise de vostre part  
preuenir les consequences mauuaises qui en peuent  
aduenir, & lesquelles nous croyons ne pouuoir e-  
stre que tres-desagreables au Roy, & tres-preiudi-  
ciables à son Estat: nous attendrons donc s'il vous  
plaist, vos aduis & vos commandemens au plu-  
stost sur ce subiet, & demeurerons, Monsieur,  
vos tres humbles, les Consuls de Montauban,  
Brossard Consul, Du Mas Consul, Bardeau  
Consul, Berandalas Consul, & Fournier Con-  
sul.

*Plaintes des  
Ecclesiastiques  
de Montauban  
audit sieur  
Masuyer.*

Le lendemain dix-huictiesme Decembre,  
les Ecclesiastiques ayans tous esté renuoyez  
en leurs maisons, pour la crainte que les  
Consuls & habitans auoient, que cette en-  
treprise & execution ne portast les affai-  
res de la Religion aux extremitez, & ne  
rencontrast l'indignation du Roy, par ce  
proceddé insolent selon que les aduis leur  
estoyent venus tant des Conseils de dehors  
que dudit Abbregé, attendans l'occasio plus  
meure pour se declarer tout à fait: lesdits  
Ecclesiastiques ayans moyen de se plaindre  
de ce qu'on leur auoit fait & de compter



leur fuite, escriuent audit sieur Maluyer  
 premier President de Tholouse, & luy di-  
 lent, *Monsieur, nous estimons que vous auez* Leur lettre à  
*esté aduerty des desordres qui se sont passez en cette luy enuoyee.*  
*ville & du mauvais traitement que tous les Ec-*  
*clesiastiques y ont receu, ayans esté renfermez dās*  
*la maison de Monsieur de Montauban, où ils ont*  
*esté conduits par les Consuls à la venē de tout le*  
*public, chacun pris en sa maison, & depuis hyer*  
*onze heures, iusques à ce soir bien tard, gardez*  
*de 25. ou 30. soldats, commandez par deux Ca-*  
*pitaines sous pretexte de nous garantir de la furie*  
*du peuple grandement esmeu à l'occasion de quel-*  
*ques nouuelles de Bearn, dequoy nous n'auons*  
*peu vous donner aduis en liberté, estans si estroi-*  
*tement arrestez qu'il ne nous estoit loisible, de sor-*  
*tir de la maison, ny faire sortir de la ville aucuns*  
*de nos seruiteurs ou personne confident. Mais à*  
*present nous auons trouué moyen de faire sortir la*  
*présente à couuert, laquelle est pour vous represen-*  
*ter l'Estat pitoyable où nous sommes reduits. Car*  
*ce iour-d'huy à cinq heures apres Midy, les Con-*  
*suls par l'aduis & Conseil de la ville & delibera-*  
*tion del'abbregé sont venus nous denoncer un ar-*  
*rest par la ville declarans n'entendre empescher*  
*que nous ne continuons le seruice diuin, qui a esté*  
*interrompu pendant nostre arrest en ladicte mai-*  
*son, & quoy qu'on ait insisté à demander vne plei-*  
*ne liberté suyuant les Edicts, nous ne l'auons peu*  
*obtenir que tant seulement aux occasions presentes*  
*pour les affaires du Chapitre: ils permettoient la*  
*sortie à aucuns de nous avec cognoissance de cause*

Homme viuant  
 ne parloit à eux  
 qui ne fust  
 fouillé à l'en-  
 tree & à la  
 sortie.

Ils desirerent  
procurer leur  
liberté par des  
voies trop  
obliques.

C'estoit un Re-  
ligieux de l'or-  
dre de S. Domi-  
nique Tholou-  
sain.

la leur ayans prealablement demandee, ce qui nous a fait entrer en de grandes incertitudes & apprehensions, & nous a fait resoudre de ne faire le service diuin en l'Eglise de S. Lony, que nous n'ayons reconuert nostre premiere liberte, estimans que ce sera un moyen, pour les y faire resoudre, sur quoy neantmoins nous attendons vostre Conseil & commandement, vous suppliant tres-humblement, q's au cas que vostre Seigneurie trouueroit bon de continuer le service comme auparauant, qu'il vous plaise procurer nostre pleine liberte, & nous continuer le soing que nous auex tousiours tesmoigné à la conseruation & assurance de nos personnes & biens en ces extremes dangers, laquelle nous ne pouuons esperer que par l'arrest & detention de ceux de la Religion pretendue Reformee qui se rencontrent habitans & passans es villes Catholiques, insques à ce que nous soyons en nostre premier Estat; le bruit estant assez commun qu'on doit en bresprendre les armes pour commander la guerre: & nous continuerons de prier Dieu, pour vostre prosperite. Signé de la Virrie & B. Zenost à Montauban le 18. Decembre 1620. & à costé est escrit, Monsieur vous agreerez, s'il vous plaist, ces lignes qui sont pour vous donner aduis que le R. Pere Durand Predicateur, est arresté avec nous, & n'a peu ny ne peut continuer ses predications del' Aduent.

Ceux de la ville de Nismes ne traicterent pas mieux les Catholiques qui de tout temps demurerent desarmez avec eux: en cette mesme saison y preschoit les Aduents  
le Pere

Le Pere Iacques George Iesuite, lequel ils outragerent sans respect à sa qualité ny à celle des personnes qui l'y auoient enuoyé, les vns disans qu'il le falloit assassiner, les autres qu'on le deuoit bannir de la place, & les autres qu'il le falloit conseruer pour seruir de bouclier & de rempart sur la bresche au iour d'un assaut general; & ainsi de tous costez en Languedoc Albigois, Rouergue & Guyenne, où les pretendus auoient de l'autorité, celle du Roy y estoit mesprisee, les Catholiques persecutez, & la iustice opprimée.

Le Cercle de toute la Prouince fut promptement assemblée à Nismes, où d'une commune voix, fut fait choix de la personne du sieur de Chastillon, pour estre le Chef general de tout le bas Languedoc & des Eglises pretenduës des Seuenes, Viuairetz & Genoudan, avec pouuoir à luy baillé par ladite assemblée du Cercle de disposer absoluëment de toutes choses tant pour le fait de la guerre, que pour le fait des finances & leuées de deniers, ce qui luy fut mesme confirmé par l'arrest de l'assemblée de Montauban, & du depuis encore par la deliberation de l'assemblée generale de la Rochelle: Ce qu'ayant finalement accepté apres quelques difficultez, iamais il ne fut mieux veu & regardé qu'il fut à Montpellier, Aiguemortes, Nismes & autres

1620.

Le Pere Iacques George Iesuite en danger de sa personne dans Nismes.

Le sieur de Chastillon elect Chef General du Cercle de Languedoc.

Son pouuoir;



1620.

*Son zele à la  
deffence de  
Priuas.*

*Sagepreuoyan-  
ce du Duc de  
Montmorency  
contre les des-  
seins du sieur  
de Chastillon.*

*Proiets de l'as-  
semblée genera-  
le de la Ro-  
chelle.*

villes pretenduës, où chacun luy rioit & luy tendoit les mains, comme en celuy auquel ils confioient la charge & la conduite de leurs mauuaises intentions: aussi se monstra il du commencement zélé en la deffence des rebelles, particulièrement pour Priuas & pays de Viualetz & eust fait beaucoup de beaux progresz à l'auancement de son party, si le Duc de Montmorency n'eust point trauerseé ses desseins, & rendu ses trauaux inutiles, par la sagepreuoyance que cest illustre seigneur a vlé à melnager le repos de la Prouince & maintenir l'autorité du Roy en depit & malgré les efforts des rebelles, comme nous auons dit cy-deuant, & se verra encore plus amplement cy-apres.

Les affaires marchans ainsi d'un tel biais en Languedoc & Guyenne pour interrompre la gloire des victoires du Roy & resoudre des moyens d'apporter du desordre à l'ordre estably en Bearn: on proiection de tenir cette grande & seditieuse assemblée generale pour toutes les Eglises pretenduës de Frâce, en la ville de la Rochelle.

Au mesme téps que sa Majesté retourne de Bearn, en la mesme saison, mais plustost sur la resolution prise au Conseil d'entreprendre le voyage à l'extremité de ce Royaume pour la verification des Edicts de sa Majesté contestee par le Parlement de Pau & empeschée par les pratiques du Marquis

de la Force & des autres mutins & factieux du pays: lettres de conuocation furent enuoyées par lesdits pretendus par toutes les Eglises Reformées du Royaume, par tous les Colloques des Prouinces, dans les assemblées Prouinciales, qui se tenoiēt pour lors, à Milhaud, Montauban, Nismes, Montpellier & Synode d'Alez, pour enuoyer leurs Deputez à ladite assemblée Generale, conuquee à la Rochelle, sur l'vrgente necessité des affaires presentes, ausquels, disoient ils, besoin estoit de remedier promptement & sans autre delay: le iour de l'ouuerture estant pris au vingt-huictiesme Novembre 1620.

Sa Majesté qui a aduis d'vne resolution si precipitée qui but directement contre son autorité, & n'a autre but que le desordre & le trouble de la paix & repos de son Royaume, croyant auoir entierement satisfait aux plus importans articles de la derniere assemblée de Loudun, & n'y auoir aucun subiet de plainte pour l'ordre qu'il alloit iestabli en Bearn, la procedure ayant esté recognuë si iuste & raisonnable, & autant accommodante pour ceux de la Religion pretenduë Reformée qu'auantageuse pour les Catholiques & Ecclesiastiques de Bearn: que mesme à la conclusion de l'assemblée de Loudun, on s'estoit restrainct à ne plus desormais traicter de cest affaire, & que

1620.

*Lettres de sa  
conuocation  
auant l'entree  
du Roy en  
Bearn.*

1620.

*Mandement  
du Roy aux  
Rochelois pour  
ne recevoir  
l'assemblée en  
leur ville.*

*Ne veulent  
obeir & la  
ne veulent rece-  
voir.*

dans le Synode d'Allez les Ministres & Deputez n'y auoient voulu prendre aucun interest quoy que les factieux preualurent les sentimens des plus gens de bien de la Compagnie, & renuerlerent les autres dans la resolution de leurs plus violents Conseils. Sur cette consideration le Roy escrit aux Maire, Pairs & Escheuins de la Rochele, & veut estre informé par leur bouche de la raison qu'ils auoient de souffrir la conuocation de ladite assemblée en leur ville, laquelle estant vn veritable attentat à l'autorité souueraine, def fenduë & prohibée par les loix & ordonnances du Royaume, & dont tout le corps des Catholiques pouuoit estre scandalisé comme chose entreprise à dessein de rompre la paix & l'harmonie publique, à la conseruation de laquelle ils ont, comme tous vrayz subiets doiuent auoir, tres-grand & notable interest: leur deffendant à cest effect d'admettre ladite assemblée en ladite ville de la Rochele. Lesdits Rochelois au lieu de se porter à l'obeissance, & d'apprehender le mal qui suit d'ordinaire la desobeissance du subiet, paroissent resoluë & deliberez pour recevoir ladite assemblée, & accueillir dans leur ville les Deputez de toutes les Provinces où y a Eglises pretenduës contre tout euenement, se monstrans en cela opiniastres, desobeissans, rebelles & fau-



teurs de rebelles à leur Prince, declarans assez leur insolence & le mespris qu'ils font de l'autorité souveraine, par le refus insolent qu'ils font d'obeïr au commandement du Roy.

Sa Majesté viuement atteinte d'un ressentiment si grand, de si peu de respect que les Rochelois portoient à ses deffences, & de la consequence d'une telle assemblée, qui s'alloit tenir à la Rochelle sans raison & sans sa permission, ayant

*Aduis de toutes  
parvenues au  
Roy de l'artis-  
sice mauuais  
des rebelles.*

aduis de toutes parts de la mauuaise intention des factieux qui par pratiques & pretextes captieux pretendoient abuser & mettre en desbauche ceux de ladite Religion prétendue Reformée qui se sont tousiours portez à leur debuoir, & par ce moyen glisser la deffiance & la ialousie dans les cœurs, & nous ietter dans les troubles & les feux de nos premiers malheurs, qui ont cousté tant de sang à esteindre : ladite Maiesté retournant de Bearn, étant à Grenade frontiere du pays fit la suyuante declaration tant contre lesdits Rochelois, que toutes les autres villes & lesdices places qui admettroient en elles pareilles assemblées contre son expresse deffence & permission : le Roy parle de la sorte.

*Declaration du  
Roy contre la  
conuocation de  
l'assemblée à  
la Rochelle.*

Encores que depuis six mois en ça nous ayons esté continuellement occupez pour

1620.

*Demandes  
principales des  
gens de la Re-  
ligion, assem-  
blees à Lou-  
dun.*

*Subiet du roya-  
ge du Roy en  
Guyenne.*

reſtabliſſir noſtre authorité & pacifier les troubles qui s'eſtoient formez en noſtre Royaume y ayans employé & porté nos armes & noſtre propre perſonne : Nous n'auons pourtant delaiſſé pour plus fermement eſtabliſſir la paix & le repos dans noſtre Royaume, de trauailler ſoigneuſement à faire eſſectuer & accomplir les choſes que nous auons fait eſperer à nos ſubiets de la Religion pretenduë Reformée, lors qu'ils ſe ſeparerent de l'aſſemblée qu'ils tenoient par noſtre permiſſion en noſtre ville de Loudun, entre leſquelles la principale inſtance qu'ils nous faiſoient eſtant pour la remiſe de la ville & Chateau de Leiſtoure entre les mains d'un qui fiſt profeſſion de ladite Religion, & ſçachans les difficultez qui ſe rencontroient de retirer cette place des mains du ſieur de Fontrailles, nous nous ſommes portez en cette noſtre Province de Guyenne exprez pour ceſt eſſect, & y auons apporté vn tel ſoin qu'il l'a remiſe en nos mains, & en auons faiët pourueoir le ſieur de Blainuille Gentilhomme faiſant profeſſion de ladite Religion : Comme auſſi nous auons pourueu aux autres articles dont ils nous ont plus particulièrement & expreſſement requis. Et lors que nous eſtimions retirer d'eux le gré & l'obeyſſance qu'ils nous doiuent, nous auons eſté aduertis que ceux de ladite Religion pretenduë Refor-

mée ont conuoqué vne assemblée de Deputez de toutes les Prouinces de ce Royaume en nostre ville de la Rochelle, supposans contre toute verité, pour abuser ceux d'entre eux qui sont portez à leur debuoir, que lors qu'ils se separerent de celle de Loudun, nous leur auons permis de se pouuoir rassembler quelques mois après: Ce qui nous a donné subiet d'escire aux Maire, Pairs, Escheuins & Bourgeois de nostredit ville de la Rochelle, pour leur faire deffence de recevoir en ladite ville ladite assemblée; à quoy, au lieu d'obeir ils nous ont assez fait cognoistre par leur responce l'intention qu'ils auoient de la recevoir en ladite ville. Ce qui est tellement preiudiciable à nostre autorité, au repos public, & à ce qui est du bien de nostre seruice que nous ne le pouuons dissimuler. Et affin que chacun sçache nostre intention pour ce regard, nous de l'aduis des Princes, Ducs, Pairs, officiers de nostre Couronne & principaux de nostre Conseil, auons déclaré & déclarons par ces presentes, l'assemblée que nos subiets de ladite Religio pretendue Reformée, ont conuoquée en nostredit ville de la Rochelle, estre illicite & deffenduë par nos Edicts & declarations & contre nostre volonté. Et comme telle auons deffendu & deffendons par celsdites presentes, ausdits Maire, Escheuins, Pairs & Bourgeois de nostredit ville de la

1620.

*Artifice pour  
conuoquer la-  
dite assemblée.*

*Assemblée des-  
aduocée des  
Roy.*



1620.

*Communa-  
tions  
aux Rochelois  
pour ne la re-  
cevoir.*

*Contre les au-  
tres contrene-  
sans.*

Rochelle, de la recevoir, permettre ny admettre en ladite ville, sur peine d'en estre responsables en leurs propres & priez noms. Comme aussi nous deffendons à tous Gouverneurs, Lieutenans, Maires Consuls, Escheuins, principaux officiers & Magistrats de nos autres villes, de recevoir, souffrir ny admettre en icelles ladite assemblée, ny toutes autres qui seront conuquées contre la teneur de nos Edicts & ordonnances, & sans nostre expresse permission. Et à tous nos subiets de quelque qualité qu'ils soient d'y aller, ny s'y trouver pour quelque cause, occasion ou pretexte que ce soit, declarans ceux qui contreviendront à cette nostre volonté, réfractaires à nosdits Edicts, desobeïssans, perturbateurs du repos public & criminels de leze Majesté, & en cette qualité descheus du benefice de nosdits Edicts, & des graces qui leur ont esté concedées par iceux, mesme du renuoy qu'ils pourroient pretendre en nos Chambres de l'Edit. Voulons & nous plaist qu'il soit procedé contre ceux qui se trouveront assemblez & contre les Maires, Consuls, Escheuins & Bourgeois des villes où elles se tiendront & nos Gouverneurs & principaux officiers d'icelles, selon la rigueur de nos loix & ordonnances tant par nos iuges ordinaires que par nos Cours de Parlement &c. Donné à

Grenadé le 22. iour d'Octobre 1620. & de nostre Regne le 4. signé Louys & plus bas Philippeaux. Cette declaration fut verifiée à Paris le 14. Nouembre ensuiuant: la Cour l'enuoia publier en la Ville de la Rochelle par l'Huissier Chouplain, lequel rapporta par son procez verbal le peu d'estat qu'on auoit faict de luy, comme les Rochelois ne s'estoient gueres estonnez de cette signification, & ne s'estoient mis en deuoir d'y obeir.

1621.

*La déclaration  
publiée à la  
Rochelle par un  
Huissier du  
Parlement.*

Le vingtroisiesme Octobre audit an le sieur du Plessis Mornay escrit au Duc de Montbason, & luy rend raison de ladite assemblée conuoquée à la Rochelle, laquelle il veut faire trouuer legitime, & permise: quoy que desaduouée & nullement accordée à ceux de la Religion pretendue reformee, comme sa Maiesté vient d'asseurer par sa declaration: & dit audit Duc de Montbason, qu'il est assez memoratif du commandement exprez que luy sieur du Plessis receut du Roy, par sa bouche, d'asseurer l'Assemblée de ceux de ladite Religion qui se tenoit à Loudun, sous la permission & autorité de sa Maiesté, que tout ce qui leur auoit esté promis leur seroit tenu & effectué iusques à vn iota; à quoy, dit il, adiousta le Duc de Luynes que puis que sa parole y estoit interuenue, il la feroit valoir breuets, que peut-estre sonnoit elle encore quelque chose de plus: que des lors le sieur

*Escrit du sieur  
du Plessis, au  
Duc de Mont-  
bason.*

*Plaid pour  
son party.*

1620.

du Pleſſis deſpecha vers ladite aſſemblee, pour leur repreſenter de quel poids deuoit eſtre la parole du Roy, & la promeſſe qu'il leur auoit donnee, laquelle eſtant miſe en deliberation, fit pancher la balance, & emporta toutes les difficultez, ſur leſquelles autrement ſ'arreſtoit ladite aſſemblee, & fit reſoudre vn chacun à renoncer à toutes autres couleurs, pour ſe tenir à cette ſeule dont ſ'enſuiuit peu de iours apres la ſeparatiō de chaque député, penſant auoir aſſez profité en ſon voyage & en ce long ſejour, puis qu'il remportoit en ſa Prouince cette ſeureté inuiolable. Ces choſes promiſes, conſiſtoient en trois points principaux: la reſtitution de deux conſeillers en la Cour de Parlement de Paris: la reſtitution de Leiſtoure; & vn eſtat certain des places de ſeureté, pour eſtre iceux executez dans ſix mois pour toute prefixion, ſans que l'affaire de Bearn y peult apporter aucun accroche: pour lequel il eſtoit particulierement conuenu qu'vn mois apres leſdits ſix mois expirez, ſa Maieſté leur feroit cette grace de recevoir leurs deputez, & d'entendre par eux leurs remonſtrances: tout ce que deſſus, dit-il, auoit eſté traicté avec le marſchal de l'Eſdiguieres & le ſieur de Chaſtillon, & dont Monſieur le Prince, & le Duc de Luynes leur auroient donné leur parole avec ſerment, adiouſtans de plus que ſi dans leſdits ſix mois les choſes

*Donneraiſon  
de l'Assemblée  
de la Rochelle.*



iusdites n'estoient entierement effectuees, ladite assemblee se pourroit renouier, pour se pouruoir là dessus vers sa Maiesté, & qu'ils s'obligeroient d'en faire octroyer les breuets: ce que depuis, dit-il, il auroit pleu à sa Maiesté de ratifier par sa propre bouche, tesmoignant le contentement qu'elle auoit receu de leur obeïssance.

Or, dit le sieur du Plessis, lesdits six mois & plus sont expirez, sans qu'aucun de ces poincts, soit effectué: que neantmoins le Roy s'estoit acheminé en Bearn avec son armee, tout au rebours de l'ordre que dessus, sans que de la part de ceux de la Religion, soit de ce Royaume, soit mesme en Bearn il soit rien interuenu qui l'ait deu interrompre: parquoy il conclud, que ceux de la Rochelle, chargez par l'Assemblée de Loudun, en cas d'inexecution apres les six mois, de conuoquer vne autre assemblee, ont subiect de fonder la nouuelle conuocation d'icelle, sur la parole de sa Maiesté & sur celle du Duc de Luynes, qui leur deuoit valoir breuets.

Le Duc de Mont-bascon ayant bien digéré l'escrit dudit sieur du Plessis Mornay, chargé des plaintes communes des factieux de ladite Religion, & n'ignorant pas les affaires comme elles s'estoient passez; respond en trois mots ausdites plaintes & au sieur du Plessis, que les deux Conseillers de la Religion pretenduë ont esté receus au

1620

*Cecy est desad-  
nouë par la de-  
claration du  
Roy cy dessus.*

*Responce du  
Duc de Mont-  
bascon au sieur  
du Plessis.*

1620.

*Il refute ses  
pretextes pour  
ladite assem-  
blee.*

*Partant qui est  
irraisonnable-  
ment conuoquee.*

*Subiect de l'è-  
tree du Roy en  
Bearn.*

Parlemât de Paris nonobstant les difficultés qu'il y pouuoient rencontrer, que le sieur de Fontrailles s'est demis du Gouvernement de Leictoure entre les mains de sa Maiesté qui pour oster tout subiet de plainte à ceux de la Religion, en auoit pourueu le sieur de Blainville Gentil-homme de mesme Religion; que l'estat certain des place de seureté auoir esté expédié; que sadite Maiesté n'auoit point engagé sa parole pour la reprise de ladite assemblée, & qu'en tous cas les choses estans ainsi exécutées, & satisfaction renduë aux articles proposées par l'Assemblée de Loudun, il n'estoit necessaire de se reuoir vne autre fois ensemble par la conuocation d'une nouvelle assemblée, que sa Maiesté ne pouuoit interpreter que pour vn attentat à son autorité, vn crime de desobeissance & vne entreprise contraire au repos de son estat, puis qu'il ne se rencontroit nulle inobservation de son costé.

Qu'en ce qui touche le Bearn sadite Maiesté n'auoit entrepris le voyage de Guyenne à ce dessein, ains plustost pour pouruoir à l'establissement d'un nouveau Gouverneur de Leictoure; au lieu dudit sieur de Fontrailles, qui lors s'estoit fait Catholique, que se trouuant tout porté sur les lieux, & ne restant aucune chose à exécuter en France sur les articles proposez par ladite assemblée de Loudun, elle auoit

Assemblée le Parlement de Pau de verifier ses  
Edicts dans lesquels il y auoit tant de iustice  
que les plus iudicieux mesme de ladite Re-  
ligion, n'y pouuoient trouuer aucune cho-  
se à redire, puis que par iceux le Roy diuer-  
tissoit vn fonds de son domaine pour rem-  
placement de celuy pris sur les biens des  
Ecclesiastiques du pays, pour le payement  
des pensions & entretien des Ministres,  
Professeurs & Colleges dessudits de la Re-  
ligion en Bearn, sans innouer aucune cho-  
se au faict de ladite Religiō pretēduē refor-  
mee & liberté de consciences, par le resta-  
blissement des Ecclesiastiques en la iouis-  
sance de leurs biens & reuenus temporels,  
ia eūes aux Conseils & Parlement dudit  
païs auant le changement qui y arriua du  
temps de la Royne Ieanne: que pour auoir  
ledit Parlement faict difficulté de verifier  
ledit Edict si conforme à la volonté de feu  
Henry le Grand, & si equitable & vtile  
pour le repos dudit pais & soulagement de  
ceux qui y font profession de l'vne & l'autre  
Religion, & adheré plustost à la fa-  
ction des mutins, & ployé à leurs menaces  
d'auantage qu'aux commandemens du  
Roy, sa Maiesté estant à Bourdeaux,  
comme elle alloit remedier pour le faict de  
Leictoure, voyāt vne si mōstreuse desobeis-  
sance, que sadite Maiesté auoit ia esté plu-  
sieurs fois emue de chastier quelques années.

*Bearnois cause  
de leur mal.*



1620.

*Affaire du  
Gouuernement  
de Leictour sa-  
gement con-  
duite.*

*Artifice des se-  
igneurs.*

precedents si sa bonté naturelle ne luy en eust fait dissimuler le crime, pour les attirer à leur deuoir avec le temps, voyant que le temps & sa patience n'auangoient rien sur eux, & quel'on s'estoit refous de se souleuer en Bearn pour empescher absolument ladite verification, qu'on auoit menacé les officiers du Roy de ruine & d'outrage, au cas qu'ils passassent l'Edict: enfin sa Maiesté vaincuë par sa iustice, fut contraincte de s'acheminer en personne dans le pays non-obstant la rigueur de la saison, l'incommodité que receuroit son armee, & les difficultez des chemins, contre l'aduis & le conseil de ceux, qui pour gagner temps, le vouloient dissuader d'y aller, harceler sa patience, & abusans de sa clemence, resoudre sa Maiesté de retourner à Paris, & laisser le dit Edict en surseance, sous la remonstration d'une pretenduë deliberation, pour en eluder la finale verification. Mais le Roy ayant surmonté toutes autres propositions & raisons que celles, que la iustice requeroit pour appeller sa Maiesté à sa deffence dans le païs, elle y entra avec peu de force, mais toutefois suffisante pour y reestabli son autorité, y fit vn establissement, duquel on ne se peut pas plaindre avec raison: & pour l'affermissement & conseruation de l'ordre, qu'elle y establir, repos & securité de ses subiettant de l'une que de l'autre religion audit païs, voulut prendre les

clefs de sa conseruation & s'asseurer des places plus considerables d'iceluy, pour preuenir tout desordre à l'aduenir & couper pied à la rebellion qui s'y nourrissoit: & voyla ce grand mal que le Roy a faict en Bearn, d'y auoir restably son autorité, remedié aux pratiques d'une populace mutine, restably l'exercice de la religion Catholique es lieux d'où l'heresie l'auoit bannie, & donné pleine liberté aux vns & autres de iouir sous la seurété de ses Edicts, de la liberté des consciences; procedure tres iuste & digne d'un roy Louys le iuste, qui a faict creuer en orage de sedition & de troubles la pluspart des Eglises pretenduës du Royaume, qui baptisoient cecy du titre de persecution, le prenoient pour argument de plaintes, & pour pretexte nouveau d'une nouuelle assemblee qui s'ouure à la Rochelle nonobstant les deffences du Roy ledit iour 28. Nouembre, & prend pour subsistance le changement arriué en Bearn pour subiet de troubler la seurété des Eglises, & pour fins de non obeïr, le reestablishement des choses en l'estat qu'elles estoïent auant que sa Maiesté se portast en Guyenne.

1620.

*Il y auoit 61. ans*

Ils blasment l'intention de sadicte Maiesté sur le faict de Lectoure disans que veritablement le Roy y a mis vn Gouverneur de la Religion en la place du sieur de Fontailles deuenu Catholique, mais qu'une

1620

*Sage preuoyance  
du Roy pour  
Leictoure.*

garnison papiste y auoit esté laissée contre l'ordre du Gouvernement precedent, que le sieur de Blainville donné pour Gouverneur à la ville, n'auoit iamais eu approbation du Synode de la Prouince: mais à cela on respôd, que cet affaire estât posterieure, quant à l'exécution, à celle de Bearn, ç'a esté vne prudence au Roy de prescrire cette forme de Gouvernement à Leictoure: car sur les diuers aduis des sousleuemens de la haute Guyenne, haut & bas Languedoc, à la veille d'un trouble qui s'alloit minuant à la Rochelle voudroit on blasmer le Roy sur cecy, d'auoir mis d'as Leictoure vn Gouverneur de la religion pour essuyer la plainte que lon faisoit en Cour du sieur de Fontailles de nouveau conuert y & d'y auoir posé en mesme temps garnison Catholique pour y maintenir son auctorité, garantir la place de rebellion, & tenir le pais en repos sur tant de vagues roulantes & de conseils assemblez quine respiroient que guerre & sedition?

1621.

*Voyage du Roy  
en Picardie.*

Pendant cecy le Roy retourne à Paris, fait vn voyage en Picardie, pour donner ordre aux seuretez de la Prouince, laisse partie de son armee en Xaintonge & Poictou sous la conduicte du Duc d'Elpernon & du Comte de la Rochefoucault, appelle à son seruice les Gouverneurs de Montreuil, Boulongne, Ardres & Calais, y en substitue d'autres: enuoye le Marechal de Cadenet en Am-



en Ambassade en Angleterre, s'assure de l'affection du Roy de la grande Bretagne, & de celle des Archiducs de Flandres, par vne visite qui luy fut faite de leur part à Bologne; & à l'issuë de ce voyage, sa Maiesté n'est si tost arriuee dans Paris, qu'elle y trouue le sieur de Fabas député general de ladite assëblee de la Rochelle, chargé de plaintes & remonstrances tant pour l'adueu de ladite assëblee, que pour poursuiure l'exécution du reste des articles proposez par la precedente assëblee de Loudun, & accommodement des affaires du Bearn aux mesmes termes & conditions, qu'il auoit esté proposé au Conseil de sa Maiesté auant qu'elle prit la peine d'y faire le voyage.

Le Roy ayant renuoyé à son Conseil ledit sieur de Fabas pour estre ouy & escouté en ses raisons, le Conseil resoud de ne le point entendre en qualité de Député d'une assëblee, que sa Maiesté par sa declaration auoit plainement desauouée, car sa Maiesté offensee en la renuë de ladite assëblee conuocée contre ses deffences & au mespris de son autorité, respond que l'Assëblee se departe, & qualors elle escouterà les plaintes des Eglises, ce qu'elle ne peut faire, pour l'auoir desaduouée, & ne pouuât ainsi rien aduancer somment le Duc de l'Esdi-

*Deputez de  
l'Assëblee de  
la Rochelle en  
Cour.*

*Renuoyez au  
Conseil.*

*Somation  
faite au Duc  
de l'Esdi-  
guere  
par l'Assëblee  
de la Rochelle.*

1621.

luy fust donnee quand ils se resolurent à l'obeïssance.

*Qui estoit en  
conference avec  
le Duc de Mont-  
morency pour  
Priuas.*

*La responce  
aux Deputez.*

*Les reprimandes  
trop de precipi-  
tation.*

Ledit sieur de l'Esdiguieres, estoit pour lors à Valence en Dauphiné, en conference avec le Duc de Montmorency pour dissiper les troubles du Viuairet, & la sedition de Priuas, comme a esté dit cy deuant il escoute & voit la proposition de ladite assemblée, dit qu'il cognoist & sçait trop mieux qu'eux l'intention de sa Maïesté toute pacifique & portée à la paix, qu'elle ne demande que l'obeïssance à ses subiects: sçait comme la precipitation de ladite assemblée la peut auoir indignée & emeüe à faire sa declaration comme conuoquée contre son intention, sa permission, & sans son adieu particulier, que le terme auquel on auoit réduit les affaires des Eglises pretenduës reformées n'estoit point si desraisonnable, qu'on n'eust pratiqué quelque sorte d'accommodement meilleur, plustost avec la patience & l'obeïssance, que par vne verte & par trop legere resolution, iugée plus temeraire que iudicieuse & prudente, qu'il n'y auoit sorte de soing & de vigilance, qu'il n'employast pour le bien des Eglises & soulagement de la Religion pretenduë reformée: que quand ils se seroient resolu d'obeir & de desister l'Assemblée, promettoit n'espargner la faueur qu'il peut auoir en Cour, pour induire sa Maïesté au pardon, se faisant fort que par

L'apparence d'une obeïſſance recogneuë de leur coſté, il les rendroit abſous de la crainte & exempts des peines & comminations portees par la declaration; que ſi l'opiniſtreté arreſte ſi fort l'Assemblée, qu'elle pretende extorquer par ſa ſubſiſtance ce qu'elle n'a peu obtenir aupres du Roy par ſes Deputez, & ne vueille mettre ſes aduis en conſideration, alors les abandonnant à leurs propres Conſeils, proteſte deuant Dieu & les hommes ne conſentir en aucune maniere à l'incident perilleux auquel ils pourroient conduire & porter les affaires, & qu'en la qualité qu'il tient de ſeruiteur & officier du Roy & de ſa couronne, il n'a tenu à luy, qu'en maintenant l'autorité du Roy & le bien de ſon ſeruice les Eglises pretenduës reformees ne iouiſſent du repos & de l'aiſe qu'elles ſe pouoient acquerir par voye de ſubiection & d'obeïſſance.

*ſa loüable promotion.*

Là deſſus le Duc de l'Eſdiguières arriue à la cour au meſme temps que le ſieur de Fabas ſollicitoit encore les affaires de ladite aſſemblée & attendoit reſponce de ceux qu'il auoit depeſchez à la Rochelle; il faiët pour eux tout ce que l'honneur & la prudence d'un homme tout porté à la paix peut faire au contentement du Roy & accommodement des Eglises: & oblige de telle ſorte le General à recognoiſtre ſon affection, que par lettre eſcrite & ſi-

*ſ'achemine en Cour.*

*Il travaille pour l'accommodement des affaires.*



1621.

*Ecrit à la Rochelle.**Les exhorte à la séparation.**Sur ces promesses.**Effrontee de mande de l'assemblée.**Ils leuent les deniers Royaux*

gnée de sa main au mois de Mars 1621. & par parole donnée au sieur de Fabas par luy renuoyé vers ladite assemblée, avec vn sien Gentil-homme appelé, de la Roche de Graue, il les asséuroit, que pour satisfaire à leurs plaintes, il se promettoit moyennât leur separation prealablement effectuee, que le Roy entretiendrait ses Edicts, on obtiendroit de sa Maiesté la retraicte de trouppes leuees & delaissees en Guyenne, Saintonge, Poictou & autres lieux, où elles leur donnoient quelque deffiance quel'estat des places de Dauphiné seroit cherché pour leur estre deliuré dans six mois, aucas qu'il se trouuaist; qu'il seroit pourueu pour ceux de Bearn au réplacemēt des deniers accordez au lieu des reuenus des Ecclesiastiques.

Mais au lieu de deferer ceance aux choses que ledit sieur Due de l'Esdiguières leur faisoit esperer par leur separation, ils veulent que le Roy reuoque sa declaration, & qu'il leur donne toute pleine asséurâce des choses qu'ils demandent auant que de quitter l'Assemblée: de sorte que pour irriter d'auantage la Maiesté le respect de laquelle estoit en petite cōsideration parmy eux; il se trouue qu'à la Rochelle on auoit ia fait des ordonnances & distribué commissions pour leur les deniers Royaux, contraindre les receueurs des Tailles & Collecteurs d'icelles de vuidier leurs mains de ce qu'ils pouuoiet auoir de prest, forcer les habitans & ma-

mans du païs d'Auluix és enuiron de la Rochelled'aller trauailler aux fortifications de la place, y faire charrier & conduire, bois, foing, paille, viure & autres choses, mesme par emprisonnement de leurs personnes, saisies & ventes de leurs biens en cas de refus; & cōmencerent ainsi ce desordre avec telle insolence, que sa Maiesté fut contraincte d'expedier ses lettres patentes pour arrester le cours & le flux d'vne si grandelice: & dit que sa Maiesté ayant eu aduis que ceux de ladite Religion, de leur autorité faisoient en diuers lieux impositions, collectes & cottisations de deniers, exigez sur ses subiets, tant par violēce & contrainte que par persuasions & intimidations, pour iceux employer en mauuais effectz contre le bien de son seruice & tranquillité publique; sadite Maiesté faiet tres expresses inhibitions & deffences à toutes personnes de quelque qualité & condition qu'elles soient, de faire aucunes leuees, impositions collectes & cottisations de deniers sur ses subiects pour quelque cause ou pretexte que ce soit, sans commission expresse de sadite Maiesté scellée du grand sceau & par l'ordre de ses officiers ordinaire sur peine de crime de leze Maiesté & d'estre declarez perturbateurs du repos public.

*Lettres patentes de sa Maiesté contr'eux.*

*Cette deffence fut faicte le 14. Feurier, sur la leuee des deniers Royaux, qui se faisoient Auluix par ordonnance de l'assemblee.*

L'audace neâtmoins est si forte en bouche qu'il n'y a aucune sorte de frein, qui la puisse retenir; l'assurance qu'ils prennent der-

1621.

*Audace nom-  
purelle des re-  
belles.*

riere le rempart de la Rochelle, les faict  
agir & trancher du souverain comme si  
l'impunité estoit atachee aux rebellions, &  
la digue laschee à toute sorte de reuoltes &  
crimes de leze Maiesté: & le mal deuient si  
extreme, & les factieux si insolens, qu'il  
faut à quelque prix que ce soit recourir aux  
remedes, & appliquer le cautere & le fer,  
où les ingrediens lenitifs n'ont seruy qu'à  
l'entretien du mal.

*Charge de Co-  
nestable offerre  
au Duc de l'Es-  
diguieres.*

Le Duc de l'Esdiguieres ayant esté quel-  
que temps à la Cour, se voit inuité du Roy  
à l'acceptation de la charge de Connesta-  
ble de France, les traux & labeurs qu'il  
auoit supportés & les hazards qu'il auoit

*estoit a conditio  
n'il se fist Catho-  
lic, ce qu'il ne  
vultoit.  
Son excuse  
leuable.*

courus pour la deffence de cette Couronne  
contre les ennemis de l'estat, les longues  
annees qu'il auoit consummees en la conti-  
nuatiō de tāt de bōs seruices & aux preuues  
de sa fidelité, dans laquelle il vouloit mou-  
rir, estoit en cause que le Roy auoit entre  
tous ietté les yeux sur luy pour l'honorer de  
cette charge, & ressentir de plus pres les ef-  
fects de son courage & de sa longue expe-  
riēce aux affaires de guerre & de paix. Mais  
ce personnage recognoissant vne demon-  
stratiō d'vne si grāde bienueillance, & les  
soings nompareils qui accōpagnent vne si  
haute charge, qu'il ne pourroit exercer sās  
l'incommodite de sa personne aagé de 76.  
ans remercie tres humblement sa Maiesté  
l'asseurant, que comme il auoit seruy la Frā-

*depuis il a qua-  
rēt conestable  
est fait catho-  
lic. Si c'est  
m. 1622.*



celle l'og de sa ieunesse en estat de Capitaine, il acheueroit le reste de ses iours en la mesme charge sous ses commandemens, & finissant sa vie en la mesme voye en laquelle il auoit signalé ses seruices, pour la gloire de ses Roys, il seroit heureux de la pouuoir exhiler dans l'affection de son Prince en la deffence de son autorité contre les efforts de ses ennemis, & donna sa voix au Duc de Luynes: chacun faict le mesme & sa Maie-  
 sté qui l'auoit choisi pour obiet de sa parti-  
 culiere faueur, des sa plus tendre ieunesse,  
 & s'en vouloit seruir en ses plus grandes af-  
 faires, luy donne fauorablement l'espee de  
 Connestable. La ceremonie du serment &  
 de la reception dudit sieur Duc de Luynes  
 en cette charge de Connestable fut faicte  
 dans le Louure le 2. Avril en presence du  
 Roy, de Monsieur le Duc d'Aniou son frere,  
 Monsieur le Prince, Messieurs les Ducs de  
 Guise, de Cheureuse, de l'Esdiguieres &  
 autres.

Sur cette saiso printaniere toutes les nou-  
 uelles qui arriuent en Cour ne sont que de  
 diuerfes pratiques & factions de gens de la  
 Religion pretendue.

Dans Saumur fut suscitée vne alarme fô-  
 dee sur vne certaine coniecture que les Ca-  
 tholiques auoient de la mauuaise intention  
 tant de leur Gouverneur que des habitans  
 & concitoyens de la Religion pretendue;  
 l'affaire se passa de la sorte.

1621.

*Donne sa voix  
 au Duc de  
 Luynes.*

*Qui est receu en  
 ladite charge de  
 Connestable de  
 France.*

*De là à quel-  
 ques iours le  
 serment fut fait  
 au Palais à la  
 table de marbre  
 où asisterent  
 les Ducs de  
 l'Esdiguieres,  
 de Montafon,  
 le Duc de  
 Chau/ne son  
 frere, & au-  
 tres grands.*

*Les Catholiques  
 apprehendent  
 dans Saumur.*

1621.

*Mais vaines & sans apparence de mal.*

*L'assemblée des grands de la religion à Loudun*

*Garnisons & fortifications accrues dans Saumur.*

*Querelles entre les escoliers & soldats de la ville.*

Dans la ville de Loudun, il y eut vn pour-  
parler entre quelques vns des grands de la-  
dite Religion tant sur le fait de l'Allemblee  
de la Rochelle, que sur les menaces qui par-  
toient de la cour contre les rebelles à sa Ma-  
iesté: là se trouuerent le Duc de Rohan, le  
sieur de Soubise son frere, le Duc de la Tri-  
mouille, & autres Nobles du party, où fut  
aussy mandé le sieur du Plessis Mornay, pour  
y deliberer des moyens & remedes plus  
doux & aisez à destourner l'indignation du  
Roy de dessus le corps de ladite Religion:  
& encore que les choses en allassent ainssi, &  
que ce fust là le subiet du voyage dudit sieur  
du Plessis, de Saumur à Loudun, les Catho-  
liques toutefois ne le prenoient pas de la  
forte: car comme ils auoient veu tout le lōg  
del'hyuer & du carefme passé les nouuelles  
fortificatiōs de la ville, augmētees par les-  
dits de la religiō, les garnisons accreues tant  
à la ville, qu'au chasteau & sur le Pont, qui  
leur auoient donné mille allarmes: que l'au-  
thorité de la iustice y auoir esté mesprisee &  
deniee aux Catholiques offenséz, que les  
soldats leurs faisoient violences & oppres-  
sions extraordinaires contre les mesmes  
deffences dudit sieur du Plessis, que l'on fai-  
soit naistre des querelles entre les Escoliers  
de l'academie & les soldats de la garnison,  
pour sonder l'asseurance & le pouuoir qu'ils  
pouuoient auoir de se deffendre en cas de ne-  
cessité, toutes choses passées par vne grāde

patience & apprehension ne leur pouuoit  
faire esperer autre repos que celuy qu'il<sup>s</sup>  
prenoient parmy leurs hayneux en la pro-  
tection dudit sieur du Plessis y present ; qui  
fait que sur tant de menaces & de mauuaises  
affections ledit sieur du Plessis s'en allant à  
Loudun, les Catholiques, lesquels n'auoient  
aucune cognoissance du lieu & subiet de  
son voyage, se vont aussi tost imaginant  
que ledit sieur du Plessis sentant s'appro-  
cher de la veille de quelque sedition à Sau-  
mur contre les Catholiques, il se retiroit  
pour auoir moyen de s'en lauer les mains,  
ce qui fut cause que la crainte ayant saisi  
les esprits desdits habitans Catholiques, se  
resolurent à ployer bagage & sortir de  
la ville, chargerent le meilleur de leurs  
meubles en balsteaux, qui sur des charretes  
& autres voyes, qu'ils enuoyerent à Tours,  
Chinon, Angers, Marmoustier, saint Flo-  
rent & autres lieux, ce que les plus pau-  
ures faisoient à l'exemple des plus gros de  
la ville qui se retiroient des premiers : mais  
follement toutefois, car aussi tost que le  
sieur du Plessis fut aduertý de cette vaine  
emotion, en ayant eu promptement ad-  
uis, retourne en diligence à Saumur, re-  
met les Catholiques en repos, les assure  
par sa presence & mettant leurs esprits  
& leurs familles en paix faict retourner  
chacun en sa maison sans autre bruit.

Le Roy cependant part de Paris & va à

1621.

*Catholiques  
mal assurez en  
l'absence du  
sieur du Plessis*

*Son retour à  
Saumur les  
appaie & les  
met en repos.*



1621.

Fontainebleau pour y resoudre le voyage que sa Majesté a esté contraincte d'entreprendre pour empescher le progres des rebelles.

*Auis diuers  
arrivez au  
Roy.*

L'aduis qui de toutes parts luy venoit des diuerses assemblées de ses ennemis pour luy ietter la guerre en son Estat, le necessite de se faire voir en armes & puissance pour en reprimer l'insolence.

*Menees du  
Marquis de la  
Force en Bearn.*

De Bearn, on luy fait sçavoir que le Marquis de la Force aydè des Conseils de la Rochelle & des forces des Eglises du Languedoc & Guyenne inspiroit le courage aux rebelles du pays, pour destruire tout l'ordre que sa Majesté y auoit estably l'an passé, se fait fort asseuré de quelques places de petite importance où sa Majesté s'estoit oubliée de mettre garnisons, qui restoient encore entre leurs mains, & dans lesquelles on pouuoit fortifier les entreprises proiettees sur Orthes & dessus Nauarrins, qu'il assembloit tout ce qu'il pouuoit de force pour trauailler les Catholiques & garnisons du Roy, en danger de voir encore vne fois ce pays reduit en guerre & desolation.

*Faveur que le  
Roy luy accor-  
doit.*

Le Roy, qui par sa naturelle bonté, auoit ia oublié les plaintes passees qu'on luy auoit faictes du deportement mauuais dudit sieur Marquis auoit promis au Duc de l'Esdi-guières, de maintenir ledit Marquis & ses enfans en leurs charges, luy pardonnant le passé : s'estonne d'apprendre que derechef

il continue ses rebellions, attente sur son autorité en Bearn & se porte les armes à la main es villes & lieux où les Catholiques faisoient ce qui est de leur profession, & du seruice du Roy: choses que sa Majesté ne peut tolerer sans se ressentir de la mauuaise procedure de ce sien officier: & de fait enuoyant ample pouuoir & commission au Duc d'Espéron des'acheminer sur les lieux avec des troupes, elle veut encore tenter la resolution du Marquis. A ce subiet sadite Majesté luy enuoye le sieur de la Saladie luy faire commandement de poser les armes & de se retirer: mais au lieu d'obeir, il s'ima- gine que le Roy estant esloigné du pays, n'entreprendra pas vn second voyage, pour luy courir sus, ayant assez recogneu l'an pas- sé les incommoditez du pays fort grandes pour la conduite d'une armee: dit pour toute responce qu'il n'est resolu de quitter les armes que l'on n'ait satisfait aux erre- mens des promesses faites aux Deputez de l'assemblée de Loudun 1620. dont les De- putez de l'assemblée generale de la Rochel- le ont fait & reiteré leurs remonstrances au Conseil de sa Majesté.

Ledit sieur de la Saladie sort de Bearn avec cette responce du Marquis de la For- ce, & selon qu'il auoit esté chargé du Roy, donne aduis aux sieurs Duc d'Espéron, & de Vignolles, de leuer des troupes en Guyenne, d'entrer au pays & executer leur

1621.

Mais sa rebel-  
lion empesche  
les graces de sa  
Majesté.

Commission  
donnee au Duc  
d'Espéron  
pour entrer en  
Bearn.

Commande-  
ment fait de  
par le Roy au  
dit Marquis de  
poser les armes.

Sa responce au  
sieur de la Sa-  
ladie.

1621.

*Marquis de la  
Force remis  
de ses charges.*

commission contre ledit sieur Marquis de la Force & autres rebelles: & ayant fait rapport de toute sa negotiation à sa Majesté, fut resolu au Conseil de degrader & despoiller le Marquis de la Force & ses enfans de leurs charges: on oste au Pere le Gouvernement de Bearn, & en pouruoit on aussi tost le Marechal de Themines; on priue s<sup>r</sup> aîné de l'Estat de Capitaine des Gardes à l'instant donné au Marquis de Mosny; on fait commandement au sieur de Montpouïllan son cadet de sortir de la Cour, & quant au Pere pour les actions que dessus, déclaré criminel de leze Majesté.

*Voyage du Duc  
d'Espernon en  
Bearn avec  
troupes.*

Au mesme temps le Duc d'Espernon, assisté du sieur de Vignolles & autres s'achemine en Bearn avec 4000. hommes de pied & 800. chevaux, outre les garnisons Catholiques delaissées dans le pays.

*Le Marquis de  
la Force veut  
obeïr le voyant.*

Le Marquis de la Force, estonné des approches de cette armée qui venoit fondre sur ses bras, & voyant le peu d'apparence d'y resister, est contraint de faire vne honteuse retraicte & congédier ses troupes, & comme le Duc d'Espernon approchoit la frontiere prest à entrer, le marquis luy enuoye le Baron d'Arros pour luy faire entendre que puis qu'ils s'estoit retiré & auoit desarmé, il n'estoit necessaire d'entrer avec les armes en vn pays où il ne rencontreroit que des villes, des places & des cœurs ouverts à l'obeïssance: mais comme ce qu'il en



faisoit n'estoit que pour retarder & diuertir  
l'executiō de la commission dudit sieur Duc  
d'Espèrnon, fit responce au Baron d'Arros, *Responce gene-  
rale du Duc  
d'Espèrnon.*  
qu'il estoit venu au pays sans oreilles, mais avec  
une espèe pour y faire obeyr le Roy, aussi ne fal-  
loit il attendre cette extremité pour rendre  
ce debuoir, puis qu'il en auoit ia esté sommé  
de la part de sa Majesté par le sieur de la Sa-  
ladie.

Ainsi sans s'arrester aux parolles dudit *Explains dudit  
Duc en Bearn.*  
Marquis le Duc d'Espèrnon entre dans le  
pays avec son armée, se saisit de toutes les  
villes & places, où les rebelles estoient en  
plus grand nombre que les Catholiques &  
seruiteurs du Roy, les assure en son obeis-  
sance à force de garnisons, fait razer le Cha-  
teau de Montanay, où les factieux faisoient  
leur retraicte, fait punir & chastier quel-  
ques seditieux, s'assure de quelques Chefs  
de la rebellion, se rend maistre dans le pays;  
contrainct les coupables de fuir les armes  
du Roy, y rend sa Majesté tellement absoluë,  
que rien n'y peut alterer son seruice, & chas-  
se du pays le Marquis de la Force & les siens  
qui s'eschappent comme ils peuuent, &  
vont chercher fortune & assurance dans  
les Eglises pretenduës du haut Languedoc  
& Guyenne.

*Fuiste du Mar-  
quis & des  
siens.*

Ce seruice réduit en Bearn par le Duc d'Es-  
pèrnon, red sa Majesté fort satisfaitte & con-  
tente de ce principallemēt que l'affaire auoit  
esté executee avec peu de perte & effusion  
*Bearn rendu  
tout obeissant,  
met les rebelles  
en grand trou-  
ble.*

de sang, & ceux de la Rochelle en grand trouble : mais petit encore au respect des allarmes qu'ils auront de ce qui se passera cy-apres au preiudice de leur rebellion.

Pendant que le Roy seiourne dans Fontainebleau, & que ledit Duc d'Espernon execute ses commandemens en Bearn vne sedition nouvelle arriue dans la ville de Tours.

*Sedition arri-  
uee à Tours  
contre les here-  
tiques.*

Le 14. d'Auril yn nommé Martin le Noir Apostat nouuellement deuenue heretique, à raison dequoy, il auoit attiré sur soy la hayne du public, iusques là que le menu peuple (toufiours plus porté aux insolences, que ceux que la qualité & l'experience des affaires à rendu sages & discrets en toutes occasions) ayant fait vne effigie de paille, & l'appellant tantost Martin le Noir, ores Martin Luther, l'auoit publiquement bruslee, sans que la Iustice ait peu preuenir par son autorité vne telle insolence. En ce temps il vint à deceder, & ainsi qu'on le portoit en terre, le peuple vint à se mutiner de ce que vne milliaice de menuë canaille, faisoit vne huce apres ceux qui portoient la biere; dõt quelques vns de la Religio se trouuans scandalisez, donnerent quelques soufflets à quelques enfans. Les Peres & Meres en prennent aussi tost la cause, querellent la compagnie qui conduisoit ce corps, vne rumeur grande s'esleue par le peuple suivie d'vne furieuse emotion, qui enuolpe

*Suict de toute  
l'emotion.*

lesdits conuoyans en vn risque euident de danger & de mort, s'eschappent, fuyent, euadent de leurs mains, esquiuent & se sauuent, & tout ce que peurent faire les quatre qui portoient le corps, fut de l'enleuer promptement, & le porter en grande diligence au cimetiere de l'Eglise pretendue & le ietter enterre. La furie de cette troupe artisanne, non satisfaite d'auoir ainsi commandé sa rage au conuoy du corps, les porteiufques au Cimetiere où il estoit enterré, commettent choses indigne d'un Chrestien au dererrement du cadaure inhumé, & cherchant encore à faire pis pour comble de leur forcenerie demolissent la maison du fossoyeur desdits Religioneux, courent avec des brandons de feu dans leur Temple distant d'un bon quart de lieuë de la ville, y mettent le feu, l'embrasent & le reduisent en cendres; entrent dans la maison du Concierge, qui fut incontinent pillée, saccagée & ruinee, & trois iours entiers se passans dans vne si effroyable sedition, le desastre alloit finalement acheuer sur toutes les familles de ladite Religion pretendue audit Tours, si la diligence des Magistrats n'eut arresté le cours, & si la ferme & genereuse resolution des Bourgeois pacifiques, & officiers de ville & de Iustice n'eust reprimé vne si seditionneuse entreprise, par l'empri-sonnement de quelques vns, recherche & information des autres.

1621.

*Cadaure d'un  
de la Religion  
dereré.*

*Temple desdits  
Religioneux  
brulé.*



1621.

*Autre emotion  
arrivée à Poi-  
tiers.*

Cette action de perilleuse consequence en l'Estat, passe incontinent en exemple en la ville de Poitiers, où le peuple poussé de pareille fureur demolisent à mesme temps les murs du Cimetiere des pretendues Reformez, rompent & brisent les tombes & sepulchres des morts, & s'apprestoient desjà à commettre vne violence semblable contre leur Temple, si le Magistrat de la ville, par sa vigilance & prompte diligence n'eust prevenu ce mauuais dessein du peuple.

*Le Roy indigné  
de telles actions.*

Le Roy, qui dans Fontaine-bleau reçoit auis de ces belles affaires, qui haussioient iusques au Cielles cris, les plaintes & les clameurs des gens de la Religion, publians par tout que c'estoit à bon escient qu'on attaquoit leur seureté : & que ces choses estoient inices & commencemens d'une persecution manifeste, se resout d'en faire faire vn chastiment si exemplaire, que l'on n'aura aucun subiet de se plaindre de sa iustice, qu'il ait en aucune chose voulu permettre estre attenté à la liberté & repos desdits de la Religion, & à l'integrité des Edicts: fait

*Peut faire punir les seditioneux.*

*Enuoye le sieur le Doux Maistre des Requestes en faire instruire le procez.*

mettre cest affaire en deliberation au Conseil & depute le sieur le Doux Maistre des Requestes de son hostel pour aller à Tours, faire enqueste & exacte perquisition de la source & progres de ce trouble, faire apprehender les coupables, & les faire punir selon l'intention de sa Majesté.

Le sieur

Le sieur le Doux estant arriué à Tours  
se fait incontinent apporter les procez ver-  
baux, actes & informations dudit trouble  
qui en auoient esté dressez par la diligence  
des Iuges ordinaires du lieu, fait traual-  
ler à l'instruction du procez de six ou sept mu-  
tins insolens, qui furent apprehendez, com-  
me moteurs & principaux Agents de cette  
grande emotion, & estans condamnez à la  
mort, au iour de la prononciation de l'Ar-  
rest, vne nouuelle mais furieuse rage sur-  
prend vne multitude incroyable de menus  
artisans, manœuures & autre menuë ver-  
mine tant hommes que femmes qui se portent  
dans l'auditoire public, poursuiuent les of-  
ficiers de Iustice, mesme ledit sieur le Doux,  
rompent les prisons & veulent enleuer  
les prisonniers condamnez : ceux de la Re-  
ligion dispersez par familles dans Tours, se  
voyent plus en danger que deuant, & quel-  
ques logis d'iceux furent encore pilliez, &  
ne sceut-on faire aucune execution des cõ-  
damnez pour ce coup; mais pourtāt ils n'en  
demeurerent impunis & furent cõseruez es-  
troitement aux cachots des prisõs, lās pou-  
voir estre tirez hors, quelques efforts que les  
mutins firent, pour auoir esté promp-  
tement contrains de se retirer, par la  
dexterité des Maire, Escheuins, & Magi-  
strats, qui firent prendre les armes aux  
Bourgeois, & reestablirent l'assurance par  
toute.

1621.

*Factieux pri-  
sonniers.*

*Autre emotion  
de peuple à leur  
condamnation.*

*Contre la Ius-  
tice.*

*Appaisée par  
l'ordre des  
Magistrats.*

1627.

*Declaration du  
Roy en conse-  
quence de ces  
seditions.*

Le Roy sçachant combien cette action esclatoit aux villes huguenottes, où les pretendus estoient Maistres & où se fomentoit la rebellion, craignant que cette insolence ne fist naistre l'ëuie aux rebelles d'exercer pareille tragedie sur les Catholiques renfermez avec eux, voulant entretenir ses peuples en repos, & proteger tous les subiets tant de l'une que de l'autre Religion en bonne vnion & concorde sous la protection des Edicts, fit vne nouvelle declaration le 10. Auril ensuiuant, par laquelle sa Majesté prenqit ceux de ladite Religion pretendue qui se maintiendroient en son obeïssance & seruice, en sa protection & sauuegarde: & à l'instant rescriuit à ses Parlemens & à tous les Gouverneurs de ses villes & Prouinces pour leur faire entendre le deplaisir qu'il auoit receu de cette sedition de Tours, la Iustice qu'il en auoit recommandée, & le desir qu'il auoit de maintenir tous ses subiets en paix & bonne intelligence les vns enuers les autres, leur commandant chacun endroit soy de veiller & prendre garde à ce que sur l'exemple de Tours pareille chose n'arriue és lieux & pays qui sont confiez à leur garde & prudence.

*Querelle du  
Cardinal de  
Guise avec le  
Duc de Nevers.*

En ce temps l'action particuliere du Cardinal de Guise & du Duc de Nevers fut au-cunement terminée sans duel & sans meurtre de part ny d'autre, par le soin vigilant qu'y apporta sa Majesté.



1621.

*Suict de leur  
differend.*

Toute la querelle resultoit du procez meue entre ces deux Princes sur le differend de la possession du Prieuré de la Charité sur Loire: les sacs distribuez entre les mains de Monsieur Guinet Rapporteur du procez donnoient occasiõ aux deux Princes de l'aller visiter souuent en son hostel. Vniour entre les autres la rencontre des deux partyes s'y fait à la mesme heure, le Duc de Neuers s'y trouue le premier, avec son Escuyer & quelques deux ou trois de ses domestiques: le Cardinal de Guise, qui auoit eu aduis de cette action s'y transporte aussi tost avec plus de suite, où au rencontre viennent aux rudes parolles, aux menaces & à quelques pouslades, dont s'ensuiuit vne telle consequence, que peu s'en fallut que l'on ne vist ces deux Princes s'attacher aux espées.

*Vienent aux  
parolles, aux  
iniures & aux  
mains en l'hon-  
neur de leur  
procez.*

L'action s'appaisa pour ce coup, mais elle ne demeura pas toutesfois de la sorte: le plus offensé fait appeller sa partye pour luy faire raison: Du costé du Duc de Neuers se ioinct le Duc de Mayenne, le Duc de Longuenille, le Marquis de Nesle, & plus de trois à quatre cens Gentils-hommes: & pour espauler ou seconder le Cardinal de Guise, se presentent le Prince de Joinuille son frere, le Marquis de la Vallerie son Cousin, le Comte de Brienne, avec bonne quantité de Noblesse: tous preparez aux armes & au combat ne restant plus que le rende-vous du lieu, où chacun deuoit

*Et delà à l'ap-  
pel d'un duel.  
Princes & Sei-  
gneurs fauori-  
sans chacun son  
amy & parent.*

1621.

*Combat empes-  
ché par la pre-  
voyance du Roy.*

*Rendez-vous  
du combat.*

*La Maïesté en-  
uoye le sieur de  
la Curye pour  
l'empescher.*

estre assigné : Le Roy qui estoit à saint Germain en Laye est aduertý de ce trouble, qui alloit perdre la fleur de sa plus courageuse Noblesse, commande à monsieur le Prince de monter promptement à cheual, se faire suiure de Noblesse suffisante pour empescher le combat, comme aussi de son costé estoit chargé de faire le Comte de saint Paul assisté du Marechal de Praslin & de plus de deux cens cheuaux. Les courages de ces deux Princes enflammez de hayne & de vengeance, ne pouuoient se rendre à la raison ny subir au commandement du Roy ; chacun cherche sa partie dans les lieux plus commodes pour se battre à leur aise & sans empeschement, les rendez vous se donnerent à saint Maur des fosses, vne autre fois prez de Claye, en fin c'estoit vne grande desolation à craindre pour tant de Princes, Seigneurs & Gentilshommes, qui auoient choisi desia chacun leur homme, pour s'entrepercer le cœur en la resolution de ceste querelle : Cè que preuoyant sa Maïesté y voulut interposer la force de son autorité, commande au sieur de la Curye de monter à cheual, se faire suiure de ses compagnies de gens-d'armes & cheuaux legers, & par son commander s'aller saisir des Chefs aggresseurs de ce pretendu duel : il marche en Capitaine bien aduoué de son Prince, suiuy de plus de trois cens caualiers, va trou-

uer le Cardinal de Guise avec sa troupe au  
deffous du bois de Claye luy fait cōmande-  
ment de la part du Roy dese rendre à sa Ma-  
jesté sur le reffus luy tué sō cheual entre les  
jambes, pose ses gens en deffence, se saisit  
de sa personne & selon la charge qu'il a-  
uoit, pour preuenir les mal-heurs de ce  
duel & conseruer ce chef important, le con-  
duir au Chasteau de la Bastille. Les Ducs de  
Neuers, & de Mayenne qui estoient vers S.  
Maur où ils faisoient leur gros & amas de  
leurs amis, ont aduis de l'arrest dudit sieur  
Cardinal & à l'instant se separans les vns  
des autres, lesdits Ducs se retirerent en Châ-  
pagne pour escouler le temps de l'indigna-  
tion du Roy.

De la Bastille ledit sieur Cardinal est con-  
duit au bois de Vincienne, où ayāt demeu-  
ré quelques iours, est ramené à la Bastille,  
& en fin en faueur du Duc de Guise sō frere,  
la prudence duquel ie loieray en ce fait, sa  
Majesté luy donna liberté & le fit venir au-  
pres d'elle à Fontainebleau le Lundy 26.  
Auril, où elle luy commanda d'oublier ses  
querelles, de le suyure, & ne l'abandonner  
en ses voyages.

Durant cecy la Rebellion qui croist a-  
uec audace & insolence dans les Prouinces  
du Languedoc & Guyenne, & deuenue ex-  
treme dans les resolutions de l'assemblée de  
la Rochelle, presse le tēps, heurte la patiēce  
du Roy, qui se voit coniuré par les pleurs &

1621.

*Guise saisit de  
la personne du  
Cardinal de  
Guise apres  
luy auoir tué  
son cheual sous  
ses ambes.*

*Est conduit à la  
Bastille pour  
empescher le  
duel.*

*Remis en liber-  
té & trouuer  
le Roy à Fon-  
tainebleau.*



1621.

clameurs de tât pauvres peuples oppressez, & menacez & effroyez, d'y apporter quelque ordre; ou si l'ordre n'y peütrié, seresoüdre aux remedes des armes pour se faire obeïr.

On propose au Cōseil de sa Majesté qu'ez environs de Tholouse, Montauban & bas Languedoc les rebelles pillent, brulent, ruinent, saccagent, arrestent prisonniers & surprennent des places; que Montauban & Castres sont les roües mouuantes qui font rouller toutes choses au desordre: que la liberté d'agir & entreprendre hardiment toutes choses ayant esté permise aux troupes leuées par l'abbregé dudit Montauban, toute la haute Guyenne, le Roüergue, l'Albigeois & Agenois en receuoient detresgrandes & notables pertes, nul n'osant plus paroistre au dehors de Tholouze & autres villes, sans courir risque ou d'estre deualisé ou estroitement arresté prisonnier.

*Le Parlement de Tholouse qui auoit ordonné avec les Capitoux de la ville, quelques cheuaux & Carabins pour tenir assée la campagne & les chemins, fait emprisonner un nommé la Combes picoureur de Montauban, & nonobstant son renuoy demandé à la Chambre del' Edict de Castres, vent proceder à l'instruction de son procez: surquoy l'abbregé de Montauban donna ce prœsent Arrest le quinzième*

d'Avril, menaçant d'user de repressailles & de donner pouvoir de ce ce faire à leurs Chefs & gens de guerre en cas qu'on n'esfargisse ledit la Combes, voicy l'Arrest.

Veu les Arrests de la Cour & Chambre de l'Edict seant à Castres contenant que la Combes seroit conduit en la Conciergerie d'icelle, procez verbaux de Sene huissier de la Chambre faits tant en la ville de l'Isle d'Albigeois qu'en celle de Tholouze en vertu desdits Arrests de ladite Chambre contenant le refus à luy fait par la Cour de Parlemens de deliurer ledit la Combes.

L'Abbregé a ordonné que si dans le 8. du mois prochain il n'a esté satisfait aux Arrests de ladite Chambre & que ledit de la Combes n'ait esté conduit à la Conciergerie d'icelle, il est permis au sieur de S. Amant d'user de Represailles sur ceux de ladite ville de Tholouze, & à cest effect assembler ses amis en armes enioignant à tous Gentilshommes, Consuls des villes & communantez de luy prester ayde, secours & assistance & le recevoir avec troupes en leursdites villes.

Que ceux de Castres menaçoient si fort les Catholiques, que mettans la frayeur par tout dans la ville & dans les sieges Royaux de cest honorable membre du Parlement de Languedoc, les Conseillers de la faction pretenduë gourmandent les Conseillers Catholiques, & les mettent en vne apprehension si extreme & si forte, qu'apres mille sortes de protestations, sommations & interpellations faictes par eux tant ausdits

Conseillers Catholiques trou-  
blez par leurs  
Collegues dans  
Castres.

1621.

Conseillers de la Religion |pretendue Re-  
formee, qu'aux Consuls & habitans de Ca-  
stres, se trouuent en resolution de quitter  
la Chambre, & sortir de la ville pour met-  
tre leurs esprits & leurs personnes en re-  
pos.

*Rauages des  
Rochelois.*

Qu'à la Rochelle on y outrageoit les Ca-  
tholiques, officiers & seruiteurs du Roy,  
qu'on y faisoit des courses & des rauages  
extremes, tant sur mer que sur terre, que  
les menaces estoient si insolentes & abon-  
dantes parmy le corps des assemblées &  
des villes rebelles, que l'on n'y parloit  
que de leuer les armes, assembler des sol-  
dats & gens de guerre, pratiquer la No-  
blesse, desbaucher les communes, arre-  
ster les deniers du Roy, molester ses  
subiets & ietter le trouble en son E-  
stat.

*Pratiques des  
rebelles de Frā-  
ce chez les  
estrangez.*

Que dans les pays & estats estrangers les  
rebelles y faisoient des pratiques si gran-  
des, que les plaintes en arriuoiēt de iour  
à autre par l'entremise des Ambassadeurs  
& Agens de sa Majesté residens à la  
Cour des Princes & Estats voisins, en  
fin que la desobeissance deuenoit si ex-  
treme qu'une plus longue patience ne  
pouuoit seruir, que pour donner temps  
à l'exécution d'une iliade de cruels &  
mauuais desseins. Ce qui resolut tout à  
faict le Roy d'anticiper l'audace de ses  
ennemis, protestant deuant Dieu & les



hommes sa Maieſté n'eſtre portee à cette reſolution d'armer que pour punir la rebellion de ſes mauuais ſubiets, maintenir ſon autorité dans ſon Royaume & garantir ſon eſtat de trouble, & conſeruer le repos de ſon peuple.

Le Conſeil aſſemblé dans Fontaine-bleau où ſe trouuerent Monſieur le Prince, les Ducs de Guiſe, avec ſes deux freres, le Duc de Cheureuſe & Cardinal de Guiſe: les Ducs de Mayenne, & d'Elbœuf, le Conneſtable, les Ducs de l'Eſdiguieres, de Briſſac, pluſieurs Mareſchaux de France & autres grands, & tout le Conſeil de guerre & d'Eſtat aſſemblé ſur la reſolution d'un affaire ſi important, & ſur la neceſſité de pouruoir à la ſeureté de l'Eſtat, & à la naiſſance trop prochaine d'un trouble, par tant d'aduiſ receuz & arriuez de pluſieurs endroits: l'affaire miſe en delibération, apres pluſieurs opinions eſcoutees, digerees, & la conſclusion priſe à la pluralité des voix fut reſolu ce qui ſ'enſuit, le dixneuſieſme Auriſ, ſçauoir que pour aller au deuant d'une ſi prodigieuſe Rebellion, contraindre les factieux de rentrer en l'obeiſſance de leur Roy & ſouuerain, reſtablir l'autorité de ſa Maieſté es lieux où la deſobeiſſance auoit preualu, garantir ſes bons ſubiects d'oppreſſion & de mal, & preuenir l'execution de tant de menaces & mauuiſes pratiques; fut fait le

1621.

*Le Roy reſolu  
d'aller au de-  
uant des ſa-  
ctions des re-  
belles.*

*Conſeil aſſem-  
blé dans Fon-  
taine-bleau.*

*Reſolution du  
Conſeil, à la  
guerre.*

*Departement  
de l'armée du  
Roy.*

1621.

*Enuoy des Prin-  
ces en leurs  
Gouuernemens*

*De Monsieur le  
Prince en Berry*

*Du Duc de  
Guise en Pro-  
vence.*

*Du Duc de Ma-  
yenne en Gu-  
yenne.*

*Commandemens  
du Roy aux  
Duc de Mont-  
morency &  
Mareschal de  
Themines.*

*Duc de l'Esdigui-  
eres demeu-  
re à la Cour.*

departement d'une armee de quarante & vn mille homes de pied & de six milles cheuaux, pour employer es lieux où la rebellion vouldra subsister: sa Maiesté, donna commissions à Monsieur le Prince, de leuer des troupes en Berry & pais de Bourbonnois pour la conseruation du pais, places & passages de la riuere de Loire & entretien de son autorité en autres lieux où il sera besoing de pouruoir. Permet au Duc de Guise s'en aller en son Gouuernement pour donner ordre à l'armee Nauale qui se pre- paroito à Marseille pour venir aux costés de la Rochelle, au deuant de tout & tel secours que les Rochelois pouuoient auoir prati- qué chez les Estrangers: & pour le Duc de Mayenne sa Maiesté considerant la neces- sité de sa personne en Guyenne, luy don- ne force commissions pour y faire des for- ces: elle despesche vers les Duc de Mont- morency & Mareschal de Themines leur commandât d'armer pour arrester le cours des desordres du Languedoc, veiller sur les actions & deportemens du sieur de Cha- stillon, racourcir les desseins de l'abbregé de Montauban, & empescher les courtes des rebelles, les pilleries & rauages d'iceux; commande aux Ducs de l'Esdiguiers & de Brissac de le suyure, & n'abandonner sa personne comme desirant se seruir de leurs conseils & experience, en la conduite de ses affaires; commande au Duc de Longueuille

de veiller incessamment aux places, ports & heures de Normandie: comme au Duc de Vendosme à ceux de son Gouvernemēt; charge le Duc d'Espéron de ne quitter la Guyenne au retour de Bearn, que le Duc de Mayenne ne soit arriué en icelle; affin d'y maintenir la paix: informe le public de ses pures & iustes intentions; faict vne nouuelle declaration sur le faict de son prochain voyage, qu'il faict verifier en tous ses Parlemens, où sa Maiesté ouurant son cœur & declarant son dessein dir qu'elle va entreprendre le voyage de Touraine & Poictou & passer outre si les affaires le requierent; affin que s'approchant du mal, elle ait plus de moyen & de commodité de dissiper les mauuaises pratiques de ses ennemis & chastier la rebellion, qu'en ce faisant elle n'entendoit alterer le repos & la liberté des consciences ny troubler en l'exercice de la Religion ceux desdits pretendus reformez, qui demeureroient en leur deuoir & en l'obeissance de sa Maiesté sous la protection de ses edicts, qu'il ne vouloit attaquer que la rebellion & nullement toucher au faict de la conscience de ses peuples: & sur cette resolution sadite Maiesté commande au grand maistre de l'Arrillerie de preparer les munitions & faire marcher l'Artillerie, les poudres, les boulets, meches & autres attirail, sorty de l'Arsenal de Paris, au mesme temps, & conduit par la voye d'Orléans

1621.

Charge donnee  
aux Ducs de  
Longueville &  
de Vendosme.

Declaration du  
Roy sur le sub-  
iect de son voya-  
ge en date du  
17. Avril.

Il publie son  
intention.

Munitions pre-  
parees & con-  
duictes en Poi-  
ctou.



és lieux où le departement en auoit esté donné aux officiers, selon l'ordre prescrit & resouls au Conseil de guerre de sa Maiesté.

*Chalas Deputé  
de la Rochelle  
donne aduis à  
l'Assemblée ge-  
nerale de la re-  
solution du Roy*

*Emotion des  
Rochelois.*

*Apaisée par la  
prudence du  
Maire.*

Cette resolution n'est si tost prise au Conseil dans Fontaine-bleau, que Chalas l'un des Deputez Generaux de la Rochelle, qui estoit resté en Cour, apres le depart du sieur de Fabas, principal Deputé: en donne promptement aduis à l'Assemblée generale qui se tenoit en icelle; en suite & consequence dequoy le peuple commandant à s'esmouuoir, sur la nouuelle particulierement de ce qui s'estoit passé à Tours & Poictiers, & qu'en ce faisant il y auoit danger pour les Catholiques, le Maire de la Rochelle, moins factieux que les autres ayant fait assembler les Capitaines & les Pairs en la maison de Ville, remonstra comme le peuple trop animé & furieux se portoit à entreprendre choses de perilleuse consequence contre les Catholiques, qu'ils commençoient ia à troubler en l'exercice de leur Religion, iniurier, querreller & molester, qu'au lieu que cela deuoit seruir, qu'au contraire il seroit vn exemple dangereux aux villes Catholiques, pour traiter de la mesme sorte ceux de la Religion qui y sont les plus foibles, irriteroit le Roy, augmenteroit son indignation contre la ville, & ne retourneroit qu'à la pure infamie, blasme & reproche des chefs & magistrats, qui deuant commander au peuple

& pourueoir aux desordres d'une commune sujete aux escapades licentieuses, n'auroient peu empêcher vne telle entreprise.

Sur ces remonstrances, il resoud avec les chefs & officiers de ville, de faire publier des deffences de ne molester en aucune maniere les habitans Catholiques, lesquels pour faire aparoir que la maison de ville les prenoit en sa protection, fut faicte la suyuante ordonnance en leur faueur.

Sur ce que nous auons esté aduertis que contre les deffenses cy-deuant publiees en ceste ville, aucunes personnes faisoient contenance d'alterer le repos & tranquillité d'icelle animez par les insolences & seditions populaires qui se sont commises depuis peu au preiudice des Edicts de pacification en quelques lieux de ce Royaume, & par ce moyen prendre occasion de troubler lesdicts Catholiques Apostoliques & Romains en l'exercice de leur Religion; nous auons faict & faisons, comme autres-fois, tres-expresses inhibitions & deffences a toutes sortes de personnes de quelque qualité & condition qu'ils soient, de quereler ou prouoquer soit directement ou indirectement ceux de la Religion Catholique Romaine, ou les troubler en l'exercice de leur Religion & attenter à leurs personnes ny au Temple où ils font ledict exercice en quelque façon

*Ordonnance  
dudit Maire &  
Capitaines de  
la Rochelle pour  
la protection  
des habitans  
Catholiques.*

1621.

que ce soit sur peine de la vie; declarant que  
suyuant les Edicts du Roy nous auons prins  
& prenons en nostre protection & sauue-  
garde lesdits Catholiques, & ce qui leur ap-  
partient, en suportant lesdits Catholiques  
les faix & charges de ladite ville comme  
les autres habitans, ce qui sera proclamé, pu-  
blié & affiché par les cantons & cartefours  
de cette ville à ce que nul n'en puisse pretē-  
dre cause d'ignorance. Fait à la Rochelle le  
24. iour d'Auril. 1621.

Cette bride ne fut pourtant assez forte  
pour retenir l'insolence du peuple contre  
les Catholiques, & en verrons cy-apres  
les effects.

Cependant l'Assemblée generale sur les  
aduis que dessus enuoyez par ledit sieur de  
Chalas, se resoud à maintenir leur rebel-  
lion & à se declarer ouuertement.

*Cayers presen-  
tez au Roy, let-  
tres, harangues  
des deputez, re-  
monstrances &  
manifeste de la  
Rochelle en  
1621. pleins de  
clameurs & de  
plaintes mu-  
sées.*

Où est le temps obserué dans l'Histoire,  
où nos Peres & nous mesmes auons peu re-  
marquer plus de plaintes formées par ceux  
de la Religion que nous en oyons publier  
maintenant, non seulement aux oreilles du  
Roy, mais par tout vniuersellemēt, en Frâce  
& chez les Estrangers avec tant d'iniustice  
& de tort, qu'il n'y à si simple personne qui  
ne les condamne comme non receuables à  
se plaindre d'un regne, auquel ils ont re-  
ceu tout fauorable traitement & autant  
de benefices & de graces que les interells  
del'Estat, & la iustice naturelle du Roy le



pouuoient permettre?

1621.

A peine la Maieſté commence elle ſon voyage de Touraine & Poictou, que ladite aſſemblée de la Rochelle vomit tout le venin qu'elle auoit ſur le cœur contre la pure intention du Roy & candide innocencé des Miniſtres de l'Eſtat, ils publient vne iliade de plaintes par vne forme de declaration inſolente qui volle de main en main, de païs & de Royaume en autre, croyans par le decry de iuſtes pretentions de ſa Maieſté authoriſer vn attentat commis contre ſon authorité par la tenuë de leur illegitime aſſemblée, & prendre l'eſſor d'vne eſſreneſſe licence de tout oſer & entreprendre en l'Eſtat.

*Voy leur diſc  
Maniſeſte pu-  
blié au mois de  
May 1621, &  
apres inſeré.*

La verité de l'Histoire fera toujours cognoiſtre à tout homme de iugement & d'eſprit combien ſont foibles & debiles les raiſons ſur leſquelles ſe ſouſtiennent les choſes qu'ils expoſét & propoſét: pour pretexter leur manifeſte rebellion quād ils diſent, que c'eſt à leur grādissime regret qu'ils ſe voyēt cō-  
trainctz par la violence de l'opreſſion, de recourir aux moyens naturels & legitimes, pour conſer-  
ner, par vne neceſſaire deſſence la liberté de leurs conſciences, & la ſeureté de leurs vies. Qui  
redemande le ſien ne faiçt tort à perſonne, & ne faut pas tilter du nom de violence & d'oppreſſion vne iuſte & raiſonnable obeiſſance requiſe du Prince à ſon vaſſal; tout le ſubiet qui faiçt crier ſi hautement l'Aſſem-

*Page du Mani-  
feſte.*

*Belexorde mais  
mauuiſe con-  
cluſion.*

1621.

*Reduction du  
Bearn à l'obeis-  
sance du Roy est  
le pretexte de  
la rebellion.*

*Ministres boue-  
seux des estats.*

*Les premiers à  
troubler & les  
derniers aux  
armes.*

*Cercles du*

*Languedoc.  
Article des  
l'Assemblée de  
Loudun & de  
la Rochelle.*

blee des rebelles est la fiebure qui leur est montée en la teste du reſtabliſſement de la foy Catholique en Bearn: les Ministres, trompettes de ſedition aux eſtats des grâds Princes, allerent auſſi toſt perſuader au party que le regne preſent eſtoit pour eux vn regne de perſecution & de calamité, à laquelle ils ſe deuoient preparer. Les Synodes d'Alez, les Colloques de Rouërgue & du bas Languedoc, que j'ay cy deuant rapportez en l'Histoire, feront touſiours cognoiſtre que les Ministres ont eſté les premiers qui ont ſoufflé au tiſon de la guerre & de la rebellion, du depuis qu'ils ſe ſont veuz decheuz de leur autorité en Bearn; quelques particuliers ont bien oſé ſouſcrire à ce deſſein damnable, & ores que les factieux fuſſent peu en nombre, ſi taſcherent ils par mille artifices d'y engager tout le general dudit party. C'eſt pourquoy diſpoſans les affaires du commun, afin de les faire tomber és mains de perſonnes confidentes, ils ſ'aduiferent de baſtir certains Cercles & Conſeils, avec autorité fort eſtendue & ample, qui ont iuſques icy agy fort puisſamment, ayant par ce moyen conuocé ladite aſſemblée generale à la Rochelle, dans laquelle ont eſté minutez certains cayers preſentés au Roy & à ſon Conſeil, contenant des articles ſi deſraiſonnables & pernicieux à l'eſtat, que ne pouuans eſtre, cōme ils ont eſté, que renuoyez ſans reſponſe, ils

Et, ils pretendirent des lors sonner le tocsain de la rebellion, & arborer la banniere de desobeissance, contre l'obeissance que sa Maiefté demandoit: ainsi faut il baptiser les choses de leur propre nom, car quoy que dans leur Manifeste, ils qualifient cet attentat du tilre de iuste & necessaire deffence, neantmoins qui considerera bien la chose, sera contraint d'appeller tout cela, Rebellion manifeste, & crime de leze Maiefté. Et pour laisser à part leurs autres pretentions, qui ne sont encore ecloses, & iuger seulement de ce qui est clair & evident, il est question de sçauoir si les subiets, sous pretexte qu'ils professent autre Religion que celle de leur Roy, peuuent contre son expresse deffence faire des assëbles Generales, conuoquer des Estats des trois ordres reformés, se cantôner dans leurs villes, les munir de toutes sortes d'armes offensiues, & deffensiues, bastir des fortresses, faire impositions de deniers, marchader les Seigneurs & Gentil-hommes, arrester les soldats, apointer les Capitaines, solliciter les Princes & Estats voisins à s'vnir à eux; il est, dis-je, question de sçauoir si tout cela se peut appeller autrement que reuolte publique: on ne peut nommer ces mouuemens seditieux d'autres noms que de ceux que la nature de la chose & la voix commune leur donne.

Les Princes & Estats Estrangers vers

Page du dit Manifeste.

Assemblée de la Rochelle vray attentat à l'autorité du Roy.

Voy le reglemēt de la Rochelle cy apres.



1621.

*Voyage du Roy  
entrepris en sa  
son necessaire.*

*Democratie  
aymee des Re-  
ligionnaires.*

*La Popelinie  
liv. 32. f. 123  
de son Histoire.*

lesquels ils se sont allez plaindre, pour ne se laisser aller si facilement à la creance de leur bruit, se sont voulu informer au vray de l'Estat de leurs affaires, & ont reconnu qu'il y a quinze mois que faisant accroire qu'on en voulust à la liberté de leurs consciences, ils ont du depuis tesmoigné par effect, qu'ils en vouloient à l'autorité de leur Roy. C'est pourquoy cherchans suiet ou de rompre avec luy, ou de se bastir vne republique dans les entrailles de son Estat, ils ont par vn monde d'arentats harcelé sa patience, esperans, cōme on se doute, que si la Maiesté dissimuloit d'auātage vne telle desobeissance, ils sçauroient à la fin se cantonner en estats populaires à la façon des Prouinces vnies des païs bas, & ne prendre ny receuoir autre loy que d'eux mesmes.

Leurs Peres leur ont frayé ce chemin & la douceur qu'ils trouvent en la democratie, pourroit eleuer beaucoup d'eux à ces nouveaux delirs. C'est chose remarquable, & qui est digne d'estre mis sur le frōt de tous mauuais Frāçois. La Popelinie (personnage de la religion, iadis agent & l'un de leurs deputez à l'Assemblée de Milhaud & vers le Roy Charles 9. homme de lettres & qui manioit le plus de leurs affaires, lequel ayāt quitté les liures, print & porta les armes pour eux, ainsi que luy mesme l'escriit en son Histoire) fait voir qu'en l'an 1573. au mois de Ianuier, les gens de la Religion se

liguent & iurent premierement, qu'attendant qu'il plaise à Dieu, qui a le cœur des Roys en sa main de changer celui de leur Roy, c'est Charles 9. & restituer l'Estat de France en bon ordre, ou sulciter vn Prince voisin, qui soit manifesté par sa valeur & marques insignes, pour estre liberateur de ce pauvre peuple affligé, apres le serment fait, ils esliset avec voix & suffrages publics en leur Ville ou Cité vn Chef ou Maieur pour leur commander, tant en fait de guerre, pour leur desfence & conseruation, que de la police ciuile, & auquel sera donné Conseil de vingt-quatre soit des Nobles ou autres peuples de la ville & du plat país, comme ils seront cogneus propres & 75.

autres de pareille condition, pour iuger en dernier ressort, pour la paix, ou la guerre, des monnoyes, ou finances: qu'entre tous les chefs des villes ils esliront vn Chef general en forme de dictateur, auquel sera donné vn Conseil: Or pour monstrez comme des parolles ils vindrent aux effects, qu'ils s'establirent vn Chef pour dependre d'eux seuls, qui n'auroit nō plus de puissāce qu'un Duc de Venise, ou qu'un General de Hollāde & que deslors se minutoit en France vne republique; ledit sieur de la Popeliniere raporte l'Assemblée de Milhaud, generale pour tous ceux de la Religion conuoquee au mois de Iuillet 1574. ou il dit, qu'apres auoir esté entendu le raport des deputez de

*Voila vne ré-  
publique min-  
tee à la Hollan-  
doise.*

*La Popeliniere  
l. 38. feuil.  
232. verso.*

1621.

Le Prince de  
Condé estoit  
pour lors en Al-  
lemagne.

la Conference touchant la negotiation de la paix, autre raport du sieur de Balques leur delegué en Allemagne, quia a porté lettres de creance de Monseigneur le Prince, contenant declaration de la bonne volonté de môdit Seigneur à prêdre les armes pour la deffence des Eglises, deliberent (puis qu'il a pleu à Dieu l'ordonner cōducteur & protecteur de son peuple ) luy mettre entre les mains les armes par iuste & legitime vocation, & suplient tres-humblement mondité Seigneur vouloir accepter la dite charge & Gouvernement General des dites Eglises de France. En premier lieu sera supplié ledit Seigneur Prince, de promettre & iurer de perséuerer en l'exercice & profession publique de la Religion reformée, & procurer iusques à la mort l'aduâcement d'icelle. Ne fera, ny n'arrestera aucune paix, & ne posera les armes sans le consentement des Eglises; prendra conseil de tels qui luy seront nommez par les Eglises, sans lequel Conseil ne pourra rié faire ny ordôner de cōsequence.

Ainsi commandent ils aux Princes qui entreprennent leur deffence & la conduite de leur guerre, comme vne republique qui ne veut dependre que de soy, & tenir tousiours de son costé la verge de direction & le pouuoir absolu.

Sion dit que cela estoit bon pource tēps là auxquelles gens de la pretenduë aprehendoient la ruine de leurs temples & la deso-



lation de leurs Eglises par l'horreur d'une funeste iournee, qui les auoit fait recourir à vne necessaire deffence & qu'il y alloit du fait de la Religion. Je n'entameray pas l'Histoire du passé pour dissiper cette belle imposture: mais dans le regne present le plus heureux des regnes de nos Roys il n'y va que de l'obeïssance, & si voyla pour la 2. fois que dans le mesme regne, ils iettent des proiets d'une mesme intention.

En l'annee 1615. pendant le voyage de sa Maïesté à Bordeaux pour l'accomplissement de ses Royales hymenees, les gens de la Religion ayans esté chassés de Grenoble, où ils tenoient assemblee generale par la prudence du Marechal de l'Esdiguieres, continuerent la mesme dans la ville de Nismes, où voulans mesler leur interest avec les armes de Monsieur le Prince de Condé, & s'vnir avec luy cōtre l'autorité du Roy luy proposerent des articles que mondit sieur le Prince trouua fort ridicules, tresfaillant en son courage sur l'audace d'une si malicieuse assemblee, & inclina plustost du costé de la paix & du seruice du Roy, qui n'auoit donné aucun subiet de plainte & de reuolte à personne; que de poursuyure la voye, qu'ils luy auoient minutee dans la dite assemblee contre ces articles. Ceux qui suivent sont de pareille substance que les mesmes qu'ils proposerent iadis à Monsieur le Prince de Condé son ayeul

*Guerre du Roy  
contre la Rebel-  
lion & non  
contre la Reli-  
gion.*

*Histoire de nos-  
tre temps en  
l'annee 1615.*

*Prudence de  
Monsieur le  
Prince d'auoir  
reconnu les pie-  
ges que l'on  
tendoit à sa ré-  
putation.*

1621.

Articles enuo-  
ges de Nismes à  
Monsieur le  
Prince l'an  
161. le 27.  
Novembre.

I.

II.

III.

Proposition ri-  
dicule.

Ils veulent trai-  
cter Monsieur  
le Prince, com-  
me on traite le  
Prince d'Oran-  
ge en Hollande.

ſçauoir qu'ils promettēt de ne s'abandonner  
l's vns les autres. ny poſer les armes, ny en-  
trer en aucūns traittez de paix ſinon d'un cō-  
mū cōſentemēt d'eux; qu'il entretiēdra avec  
eux vne mutuelle correfpondance & com-  
mune aſſiſtance, & auroient entres & com-  
munication des Conſeils les vns des autres  
pour lequel eſtēt leſdits Deputez aſſiſte-  
roient au Conſeil dudit Seigneur Prin-  
ce; & ceux de mondiēt Seigneur aſſiſte-  
roient auffi és Conſeils & deliberations de  
ladite aſſemblee, laquelle demeureroit par  
prouiſion, ſans qu'il ſe puiſſe rien delibe-  
rer ny reſoudre autrement. 3. que les ar-  
mes de ceux de ladiēt Religion & la dire-  
ction & diſpoſition de tous les deniers qui  
ſe pourroient leuer és villes tenuēs par eux,  
tant pour la continuation de leur ſeance,  
&c. ſe conduiroient abſolument ſuyuant  
le reglement de ladiēt aſſemblee, qui ſub-  
ſiſteroit tant que les armes dureroient; &  
neantmoins agiroit (voicy qui eſt remar-  
quable pour faire voir qu'ils veulent le  
pouuoir & le commandement de leur coſ-  
té, & preſcrire les formes de la guerre  
aux Chefs qui conduiſoient les armees,  
comme faiſoit iadis le Senat & la repu-  
blique Romaine, à leurs Dictateurs)  
ſous les Commiſſions & adueu de mondiēt  
Seigneur, qui pour cet eſſet ſeroient four-  
nies en blanc à ladiēt aſſemblee, pour di-  
ſtribuer à ceux qu'ils aduiſeroient bon eſtre

fans qu'à l'aduenir ceux de ladicté religion les peussent receuoir de mondit Seigneur le Prince, sinon par les mains & ordonnâce de ladite assemblée.

Monsieur le Prince sceut sagement preuenir cet artifice, où l'on vouloit engager son honneur & sa reputation, il preuo-  
yoit leurs desseins, se depestre de cette glu-  
captieuse, obtient de sa Maiesté vne ces-  
sation d'armes, se trouue à la Conference  
de Loudun, où il iure obeïssance & fide-  
lité à son Roy, & reçoit de sa Maiesté abo-  
lition du passé tant pour luy, que pour les  
amis qui l'auoient assisté.

Que l'on iuge de là si en ces actions pas-  
ses le monde pourra cognoistre, comme  
ils disent, que leur obeïssance & leur en-  
tiere subiection au Roy, est apres le seruice  
de Dieu, le seul but de leurs intentions,  
assez declarees par les marques de leur fide-  
lité, grauees aux Colomnes de cet Estat &  
aux Couronnes de nos derniers Roys; que  
l'on iuge si ceux qui vont partir le Royau-  
me à la Democratique, ietter gens de guer-  
re par toutes les Prouinces, leuer les tailles  
& les deniers du Roy, ordonner Chefs &  
Gouuerneurs, creer nouueaux Conseillers,  
establis bureaux de recepte, ordonner ge-  
neraux, Thresoriers, Financiers, receueurs  
Admiraux, Iuges & Magistrats à leur po-  
ste, fabriquer de nouueaux seaux & nou-  
uelle Chancellerie en l'Estat d'un grand

*Page 1. du Ma-  
nifeste de la  
Rochelle 1621*

*Actions contra-  
dictoire. aux  
protestations du  
Manifeste.*



1621.

Roy, si ce sont là des actes d'une vraye subjection: & c'est ce qui vient d'estre nouvellement resolu à la Rochelle, au grand regret veritablement des plus sages & aduisez du party, auxquels il reste encore en l'ame quelque respect del'autorité Royale: c'est vn veritable proiet & les trop apparens effects d'une republique naissante au milieu d'une florissante Monarchie, & dans l'Estat d'un grand Prince, auquel Dieu donnera la grace d'anticiper les desseins de ceux qui en voudroient destruire les fondemens.

*Voyage du Roy.*

Le Roy commence son voyage & part de Fontaine-bleau le Mercredy 28. Auryl, & ayant demeuré quelque peu en chemin arriva à Orleans le Samedy 3. May; où sa Majesté demoura tout le Dimanche entier iusques au Lundy 5. dudit mois qu'elle en partit pour s'en aller à Blois,

*Arrivé à Orleans.*

Pendant le peu de sejour que le Roy fit à Orleâs, quantité de Noblesse ioignit sa Majesté pour l'assister en son voyage: au partir il recommanda la ville & la garde du pais au Comte de S. Paul Gouverneur d'icelle, luy donne charge & commission pour ramener Gergeau en son deuoir & pour assistance, luy laisse le Marechal de Vitry avec quelque Noblesse.

*Blois.*

Delà tirât à Blois les cōpagnies de ses gardes: estâs embarquées sur la Loire, quelques vns se trouuerent en danger de naufrage, par l'accident d'une rauine d'eau & d'un o.

rage tel que le peril n'estoit peu à craindre.

De Blois le Roy s'adua à Tours, où pendant son sejour commanda que les sept prisonniers condamnez d'auoir esté les auteurs de l'emotion susdite fussent promptement punis & executez à mort; ce qui fut fait, sans autre bruit.

Or comme on donnoit auis au Roy que la rebellion courroit comme vn feu gregeois, comme vne gangrene alloit peu à peu saisir le corps des Reformez, & que iustices aux plus petites villes où ils estoient puis- sans, on ne parloit qu'en termes de menaces contre les Catholiques; que l'on y corrompoit les plus gens de bien, pour en soustraire l'obeissance, & mettre l'autorité du Roy en compromis; qu'on se vouloit rendre absolu dans les places de seureté; que dans icelles on y receuoit les paquets de la Rochelle pour y accueillir & executer les mandemens de l'assemblée generale contraires au seruice du Roy; que le tout ne buttoit qu'à vn trouble final qui traineroit l'Estat en vne extreme desolation, bref que presque toutes les Prouinces au delà de la Loire, alarmées par tant de sortes de bruits, appelloient le bras du Roy à leur protection & deffence: Sa Majesté à cette occasion se resolut d'estre obey en toutes lesdites places de seureté, & y faire valoir sa autorité, sans toutes- fois toucher en sorte quelcōque à la liberté

1621.

Tours.

Sept furent pendus & estranglez, pendant que le Roy estoit à Tours.

Auis au Roy sur les diuerses pratiques des rebelles.

Dessein loüable du Roy.

*Villes de seureté  
doibuent toute  
obeissance au  
Roy.*

*Nombre des  
Eglises preten-  
dus Reformées  
en France.*

des cōsciences des pretēdus, troubler l'exercice de leur Religio, ny enfreindre ses Edits: car pour estre places d'ostage, ou de seureté, comme ils appellent, qui leur ont esté octroyées par breuets, pour y prendre l'assurance qu'ils ont demandée sous les regnes precedens, cela n'empesche pas que le Roy n'y soit obey, & qu'estans siennes, elles neluy soient ouuertes quand il luy plaira y aller, & y faire tout & tel establisement que sa Majesté trouuera expedient selon l'exigence du temps & necessité des affaires: C'est pourquoy en tel cas, ce seroit vne rebellion manifeste que de luy en disputer l'entrée, & crime de leze Majesté d'y recevoir autres loix que les siennes. Et pour ce que les resolutions de l'assemblée de la Rochelle alloient porter les villes de la Religion à vne reuolte generale, & trainer tout le party dans l'indignation du Roy, si les plus aduisez d'entr'eux ne se fussent roidis en leur debuoir: sadite Majesté qui veut remedier à ce mal de bonne heure, auant qu'il soit plus grand, desire auoir portelibre en ses villes, asseurer son autorité en icelles, & sas armes ny guerre finō en cas de rebellio, en tirer l'obeïssance qui luy est deuē.

Mais faut premierement sçauoir que le nombre general de toutes leurs Eglises en France est de sept cens cinquante, outre celles de Bearn & de Sedan, & autres que quelquesfois ils changent & adioustent,



## de la Rebellion de France. 155

Toutes lesquelles Eglises sont diuifées és dix-huict Prouinces du Royaume.

1621.

Leur diuifion  
en 18. Prouin-  
ces.

Dont les neuf premieres ſçauoir Paris, Picardie, Beauſſe, Champagne, Bretagne, Orléans & Berry, haut & bas Viuairetz auuele Vellay, haut & bas Quercy & Prouence, qui ſont les plus petites Prouinces ne ſe diuiſent point en Colloques: comme ſont les neuf dernieres, mais en Eglises ſeulement.

Les principal-  
es Eglises des  
Prouinces.

En l'Isle de France, y comprenant Paris la Beauſſe, la Picardie, Brie & Champagne, ſont 86. Eglises.

En Bourgogne 11. En baſſe Guyenne 83.

En Lyonnois 4. En Poitou 51.

En Orléans & Berry 29. En Xaintonge 51.

En Anjou & Touraine 21. En Dauphiné & Prouen-

Au haut Languedoc 96. ce 94.

Au bas Languedoc 116. En Normandie 59.

En Viuairetz & Vellay 32. En Bretagne 14.

En Foreſt 2.

Or de toutes ces villes & lieux où leſdits pretendus ont Eglises, il y en a iuſques au nombre de 78. qu'ils appellent places de ſeureté, d'Oſtages où de mariages où ils ſont les plus forts, qui ont des Gouverneurs de meſme Religion, & où ils ont eu permiſſion de poſer garniſons dès l'an 1575. auquel temps ils requièrent qu'on leur laiſſaſt les places qu'ils tenoient à lors ſans que le Roy y peult mettre Gouverneur ny Garniſon, ny en baſtir d'autres proches d'elles, & outre ce leur bailler deux villes de bonne

Nombre des  
places de ſeu-  
reté.

1621.

Toutes ces choses ne leur firent jamais accordees outre les 78. places qu'ils ont eues pour seureté; par la debonnaireté de nos Roys.  
Le Popeliniere lib 39.

Serment des Gouverneurs d'icelles & de leurs garnisons.

& seure retraicte en chaque Gouvernement de six que nommeroit le Prince de Condé (qui pour lors en estoit Chef) par l'aduis de ceux de ladite Religio. auxquelles ils se peussent retirer & habiter s'ils vouloient & que pour seureté, le Roy y entretiendroit vn Gouverneur avec vne garnison, de la nomination dudit Seigneur Prince qui seroient neantmoins payez des deniers du Roy: insolente demande, requeste inciuile, qui fut reiettee sans responce, & n'y a eu que les places cy apres declarées qui leur sont demeurées par les Edicts, graces & concessions du Roy, pour leur seureté, où sa Majesté s'est retenuë le pouuoir d'establir Gouverneurs & garnisons, pour y entretenir sō seruice, & sō autorité en la force de ses Edicts; voyla l'establissement. Cela paroist au sermēt que font lesdits Gouverneurs en la prise de possession de leurs Gouvernemens, & en celuy que l'on fait faire ausdites garnisons, aux monstres & payemens d'icelles, en la reception des Maires, Consuls & Magistrats desdites places, de maniere que ne deuant auoir en icelles que la seureté, & la subsistance en celle des Edicts: le Roy y demeure tousiours absolu, il en est souverain, elles sont à luy, elles sont subiectes à ses loix, il faut qu'il y soit seruy, & obey, & luy refuser cette subiection & cette obeissance, employer les garnisons pour luy faire la guerre, desbaucher les

Gouverneurs & Capitaines d'icelles pour  
empescher l'exectiō de ses cōmandemens, <sup>1621.</sup> *En quoy consi-*  
augmenter lesdites garnisons, faire nouuel- *se la rebellion*  
les fortifications sans son adueu, c'est vne *des pretendus.*  
pure rebellion, vn attentat tout notoire à  
son autorité & vne reuolte manifeste que  
sa Majesté veut chastier là part où elle se  
trouuera formée.

S'ensuit l'Estat desdites places de seureté, *Rolle des villes*  
d'Ostages ou de mariages, qu'ils appellent, *d'Ostages & de*  
avec les noms des Gouverneurs des plus *seureté.*  
principales, & le nombre des soldats &  
garnisons ordinaires entretenues en icelles.

*Sous la Generalité de Tours.*

Saumur, place de seureté, tres-importante  
à ceux de la Religion tenant pour sur Loire,  
donnée par Henry 3. au feu Roy Henry 4.  
pour luy seruir de passage, & de retraicte  
commode pour les siens, est gouvernée par  
le sieur du Pleffis Mornay, sous vne garni-  
son de 364. soldats entretenus.

Vezins 17. soldats de garnison.

Loudun, gouvernée par le sieur de  
Chouppes, avec 40. hommes de garnison.

*Sous la Generalité d'Orleans.*

Gergeau, gouvernée par le Duc de Sully,  
sous vne garnison de 180. hommes.

*Generalité de Poitiers.*

Touars, ville au Duc de la Trimouille,  
gouvernée par le sieur de Montalto, avec  
garnison de 163. hommes.

Niort, commandée du sieur Parabel, a-  
vec garnison de 110. hommes.



Fontenay le Comte, commandée sous le fils du sieur de la Boulaye, sous la tutelle de sa mere, avec garnison de 87. hommes.

Chastelleraud, commandée du sieur de la Roche Gauernet avec garnison de 197. hommes.

Sainct Maixant, commandée du Duc de Sully, avec 46. hommes de Garnison.

Marans, commandée du sieur Constans, avec garnison de 59. hommes.

Maillezay, commandée du sieur d'Aubigny, avec garnison de 59. soldats.

Talmond, gouvernée par le sieur de Reslay, avec 14. hommes de garnison.

Beauvais sur mer a 31. hommes de garnison.

*Generalité de Bourges.*

Argenton, gouvernée par le sieur de Sainct Germain Beaupré, avec 25. hommes de garnison.

*Generalité de Limoges.*

Sainct Iean d'Angely, commandée du Duc de Rohan, avec vne garnison de 162. hommes entretenus.

Pons, commandée du sieur de Monts, avec 160. hommes de garnison.

Taillebourg appartenant au Duc de la Trimouille, a 62. hommes de garnison.

Royan, gouvernée par le sieur de Candelan, sous 50. hommes de garnison.

*Generalité de Ryon.*

Caluinet, a 13. hommes de garnison.

Leictourie, gouvernee par le sieur de Blainuille depuis la conuersion du sieur de Fontrailles, avec 120. hommes de garnison.

Mas de Verdun, a 61. hommes de garnison.

L'Isle de Iourdain, commandée du sieur de Bourg a vne garnison de 64. hommes.

Hauzay, commandée du sieur de Boisse Pardaillan a vne garnison de 28. hommes.

Mauuoizin, a vne garnison de 16. soldats.

Saincte Foy, commandée du sieur de Boisse Pardaillan.

Figeat, commandée du sieur de Sully, a 61. hommes de garnison.

Cadenat, a 21. hommes de garnison.

Castillac a 135. hommes de garnison.

Castel-jaloux, commandée du sieur de Fauas, a 29. hommes de garnison.

Monheur, commandée du sieur de Boisse Pardaillan, a 32. hommes de garnison.

Paymerol, a 7. hommes de garnison.

Marmande, a 32. hommes de garnison.

Tournon, a 11. hommes de garnison.

Leirat, a 13. hommes de garnison.

Tartas, a 7. hommes de garnison.

Bergerac, commandée par le sieur de la Bare, a 32. hommes de garnison.

Montdemarsan a 22. hommes de garnison.

Montlimart a 13. hommes de garnison.

Clérac, a 10. hommes de garnison.

Albiac ville au Marechal de l'Esdi-  
guieres.

*Generalité de Montpellier.*

Montpellier Gouvernee par le sieur de  
Chastillon, a 120. hommes de garnison.

Aiguemortes commandée par le mesme,  
a 128. hommes de garnison.

Lunel, gouvernée par le mesme, a 10.  
hommes de garnison.

Fort de Pelquere, a 18. hommes de gar-  
nison.

Tour Charbonnée à 3. hommes de gar-  
nison.

Gignar, a 13. hommes de garnison.

Sommieres, a 39. hommes de garnison.

Merueillaux a 13. hommes de garnison.

Clermont de Laudene, a 32. hommes de  
garnison.

*Generalité de Tholouse.*

Castres, a 60. hommes de garnison.

Autres places esquelles le Roy leur a ac-  
cordé de mettre encore des hommes.

Vitre, a 22. hommes de garnison.

Beaufort, a dix hommes de garnison.

Chastillon en Vaucelois, a 12. hommes  
de garnison.

L'Isle Bouchard, a dix hommes de gar-  
nison.

Sancerre gouvernée par le Comte de  
Sancerre, a 10. hommes de garnison.

Chasteau Regnaud, a 15. hommes de gar-  
nison.

Montou-



*de la Rebellion de France.* 161

Montoudre, a 12. hommes de garnison.

Cardaillac, a 7. hommes de garnison.

Turene, place en Limoges appartenant  
au Duc de Bouillon, a 37. hommes de gar-  
nison.

S. Serres, a 29. hommes de garnison

Lireuil, a 29. hommes de garnison.

Meillan, a 8. hommes de garnison.

Mucidan, a 12. hommes de garnison.

Chasteluau de Mirande, a 6. hommes de  
garnison.

Plus encore en Chasteluau 14. hommes  
de garnison.

Tonneins 6. hommes de garnison.

Baye sur Bay 12. hommes de garnison.

Tiluinart dix hommes de garnison.

*Nombre & Estat particulier de celles de Dau-  
phiné.*

Grenoble, Monsieur de Morgues gou-  
verneur, a cent & vn hommes de garnison.

Barrant, a 20. hommes de garnison.

Die, a 21. hommes de garnison.

Nyon, a 10. hommes de garnison.

Liuron, a 10. hommes de garnison.

Briançon, a 16. hommes de garnison.

Gap, a 27. hommes de garnison.

Pierremore, a 60. hommes de garnison.

Esselle, a cent hommes de garnison.

Il y en a encore au pays de Dauphiné, sca-  
voir Serre & Meruillon où commande le  
sieur de Gouvernet, dont les hommes ne  
sont pas specifiez.

1621.

1621.

Nombre de  
toutes leurs  
garnisons en-  
tretienues du  
Roy.  
Somme qui  
leur est payee  
par an.

De maniere que le nombre des hommes qui sont en leursdites garnisons cy-dessus est de trois milles, huit cens soixante & seize hommes, pour le payement desquels se prend par mois soixante milles & douze liures deux tiers, des deniers du Roy, qui est par an trois cens vingt milles cent soixante & huit liures, & de là qui ne voit les graces immenses, & les benefices excessifs que lesdits pretendus reçoivent de la main liberale & magnifique de nos Roys, le subiet qu'ils ont de les aymer servir & obeïr, & de combien de sortes de crimes & de chastimens ils sont dignes & coupables en leur rebellion contre vn Prince qui souffre la despenſe de leurs garnisons, & leur donne pour lieux de seureté les meilleures places de son Royaume, quoy qu'il n'ait obligation de leur en donner d'auantage qu'aux Catholiques ses subiets, qui obseruent mieux les Edicts, en ce qui regarde le seruice du Roy, & la Religion qu'ils professent, que les protestâs, qui se vantent estre les plus affectionnez subiets, les bons & les meilleurs François.

Place de seure-  
té plus conside-  
rables.

Entre lesdites places de seureté celles dont ils font le plus d'Estat, sont sur la riuere de Loire, Saumur, Gergeau & Sancerre: en Poictou & Xaintonge, la Rochelle, Dorgô Pons, Maillezay, S. Iean d'Angely, Taillebourg, Royan, Chastelleraud: au haut & bas Languedoc, Aiguemortes, Nismes

Montpellier, Montauban & Castres; en Guyène, Lectoure, Nérac, Bergerac, Figéac & Tonneins: hors de France, Sedan, puis 5. bonnes toutes frontieres en Bearn, Sauveterre, Nauarrins, Nay, Oleron & Orthes.

1621.

Or comme toutes ces places de seureté, *Ausquelles le Roy veut estre obey de gré ou de force.* qui sont en France sont les aziles ordinaires des factieux & rebelles desdits de la Religio pretendue, aussi en ce voyage le Roy s'est résolu d'y estre obey, & y voir son autorité établie de bon gré ou de force, encore que la rebellion, tonne & esclate de toutes parts & que la Rochelle & Montauban avec leurs assemblées, menacét de remuer tout le Ciel & la terre, faire regorger l'Océan de Navires, & la France de soldats pour opposer à cette iuste obéissance, que le Roy demande en ses villes & de tous les subiets.

Ora peine le Roy est il arriué dans Orleans, que Chalas Deputé general de la pretendue assemblée de pesche promptement à la Rochelle, escrit ausdits de l'assemblée, que le temps de la persecution estoit proche, que le departement d'une armée de quarante six a sept milles hommes venoit d'estre conclud pour employer contre ceux de la Religion: que les commissions pour leuer auoient esté deliurees aux Princes, Seigneurs, Gouverneurs, & Capitaines, que le canon marchoit & toutes les munitions ia sorties de l'Arsenal de Paris, avec vn attirail de plus de douze cés cheuaux: que le Roy estoit party

*Chalas député general de la Rochelle, met l'assemblée en alarme desguisant la pure intention du Roy.*



1621.

& s'aduançoit vers Tours & Poictou: que le Comte de la Rochefoucaud & le sieur d'Auriac, auoient esté enuoyez deuant avec charge d'armer & de faire des troupes en Poictou; que parcil commandement auoit esté donné aux Mareschaux de Themines & de Roquelaure en Guyenne attendât l'arri- uée du Duc de Mayenne, bref que la guerre s'allant ouurir contre ceux de la Religio il estoit de leur debuoir de prendre vne bonne & prompte resolution de donner ordre à la seureté des places, à la deffence du corps. Ces aduis & autres particularitez dedui- ctes par ledit Chalas Deputé donnerent vne terrible allarme à la Rochelle, & trouble- rent merueilleusement l'assemblée.

*Rochelois ani-  
mez contre les  
Catholiques  
plus que ia-  
mais.*

*Departement  
pour la guerre  
fait par l'assem-  
blee de la Ro-  
chelle.*

*Termes purs &  
vrais de leurs  
departement.  
Au cas que le*

Les Rochelois plus animez qu'ils n'auoient oncques esté, molestent, traouillent & menacent les Catholiques de feu, de sang, de meurtres & de saccagement.

L'assemblée generale par vne prompte mais de longuemain ia premeditée resolu- tion, firent aussi le departement general de toutes les charges d'une milice proiettee d'establir dans l'Estat contre les iustes armes du Roy, tant pour la subuention de la guerre qu'ils vouloient entretenir, que pour l'ordre des armées & Chefs d'icelles. Voicy ce qui fut resolu en ladite assemblée de mot à mot, ainsi qu'ils parlent.

*Les Eglises Reformees de France & souue-  
raineté de Bearn, ayans en aduis certain confir-  
mé par Monsieur de Chalas, l'un des Deputez*

Generaux, queles Conseils violents, & les ennemis de la Religion ayans prenallu au Conseil du Roy, le dix-neufiesme Avril passé, y auroit esté fait le departement d'une armee de quarante & vn milles hommes de pied, & six milles chevaux, pour l'employer contre ceux de la Religion, & que Monsieur de la Force & Mesieurs ses enfans auroient esté en mesme temps, en hayne de la Religion, spoliez de leurs charges, gouvrenemens & Estats, dont le Marechal de Themines & le Marquis de Mosny auroient esté à l'instant pourueus, contre les parolles expresses desquelles Monsieur de Fabas Deputé general, party le iour precedent pour venir vers ladite assemblee, estoit chargé deluy donner assurance, & que Monsieur le Duc de l'Esclignieres, luy faisoit aussi représenter comme certaines & indubitables, tant par l'arriuee de Monsieur de la Roche de Graueson deputé vers icelle, que par les memoires & instructions signees de la main dudit sieur Duc de l'Esclignieres: Considerans aussi les horribles excez & seditions arriuees en mesme temps en la ville de Tours, en haine de ladite Religion: les armes leuees en Guyenne pour l'oppression du pays de Bearn, & de Monsieur de la Force, lequel on a contrainct se retirer hors dudit pays, Languedoc & Vinareiz par Monsieur de Montmorency, dont se seroit ensuiuie la perte de Villeneuve de Berg, de Vals & Villons, où toutes sortes de violences, meurtres penderies, & autres cruautez auroient esté exercees:

Marquis de la Force quitast les armes & se retirast de bonne heure & ne donnaist a peine au Roy d'y enuoyer, & qu'il eust obey au commandement que luy en fist le Maiesse par le sieur de la Saladie. Or y mais le Roy qui en a recommandé une si seuerie punition, qui a enuoyé commissaires pour informer & instruire le proces des coupables, qui a fait une declaration à ce subiet, qui a escrit en tant de lieux pour preuenir pareils accidens, donne il subiet de plainte à ceux de la Religion, le fait estât si particulier & si desaduoué & detesté de tous?

1621.

*Voyce que i'ay  
dir cy-deuant  
touchant la  
renouelle desdites  
places.*

*Si ladite assem-  
blee se fust se-  
paree on ne re-  
fusoit pas de les  
entendre & les  
traicter avec  
toute iustice,  
mais elle s'est  
opiniastree con-  
tre les comman-  
demens du Roy.*

*Ils appellent  
persecution la  
demande qu'on  
leur fait d'obeir,  
comme si l'o-  
beyssance re-  
pugnoit à la li-  
berté de leur  
vie & Reli-  
gion.*

D'ailleurs recognoissans que toute audience leur estoit deniee : mais qui pis est, que les ennemis du repos & tranquillité publique, portent toutes choses à une precaution ouuerte contre ceux de la Religion : l'assemblée à ces causes, sous la protestation qu'elle fait deuant Dieu & les hommes de demeurer à iamais sous la tres humble subiection du Roy, qu'elle recognoist luy auoir esté donné de Dieu pour leur naturel & legitime Prince, voyant les choses reduictes à ces termes si miserables, avec une si longue attente & retenuë, & estant avec un indicible regret contraincte de recourir aux moyens legitimes & naturels pour les opposer à la violence & oppression & pour conseruer en tant qu'en elle est l'autorité du Roy, & de ses Edicts, la liberté de leur Religion pretendue Reformee & seurte de leurs vies, affin d'eniter tant que faire se pourra les desordres & confusions & autres inconueniens qui pourroient arriner par le desordre de la guerre, & pour rallier, mettre & tenir en bon ordre toutes les forces qui peuuent estre en chaque Prouince, a fait & arresté l'ordre general qui s'ensuit pour toutes les Prouinces, lesquelles ladite assemblée a trouuë à propos de diuiser en huit departemens, & en chacun d'iceux eslire & establir vn Chef general pour y commander sous l'autorité de sa Majesté, à tous ceux de ladite Religion pretendue Reformee, & y exercer leurs charges & pouuoirs, selon qu'il est contenu audit reglement, qui ensuit.



Premierement pour ce qui concerne le departement des Prouinces, & election des Chefs, fut ainsi arresté.

Que toutes les Prouinces seront distri- I.  
buées selon l'ordre des Synodes, sçauoir est:

A Monsieur le Duc de Bouillon premier  
Mareschal de France, la Normandie, l'Isle  
de France, la Prouince d'Anjou, le pays du  
Maine, Perche & Touraine excepté l'Isle  
Bouchard.

A Monsieur de Soubise, la Bretagne, l'Isle  
Bouchard, la Prouince de Poictou & ce  
qui en depend, suiuant l'estat de l'extra-or-  
dinaire des guerres de ladite Prouince.

A Monsieur le Duc de la Trimouille, l'En-  
goulmois, Xaintonge & Isles adiacentes.

A Monsieur de la Force, la basse Guyenne.

A Monsieur le Marquis de la Force, le  
Bearn.

A Monsieur le Duc de Rohan, le haut  
Languedoc, & haute Guyenne.

A Monsieur de Chastillon, le bas Lague-  
doc, les Seuenes, Genoudan & Viualetz.

A Monsieur le Duc de l'Esclignieres, le  
Dauphiné, la Prouence & la Bourgongne.

Eten outre aura mondit sieur de Bouillón  
le cōmandemēt general des armées en quel-  
que Prouince qu'il se trouue, avec tel pou-  
uoir & autorité, qui est plus amplement  
contenu audit reglement.

S'ensuit la forme, de la conduite & des Con-  
seils.

1541.

- En chaque Prouince seront continuez les
- II. Conseils en la forme qu'ils sont à presēt establis, & s'assembleront toutesfois & quantes que les affaires le requeront.
  - III. Le chef General cōmandera & exploictera, l'armée generale & autres forces & armes, ioinctes & liées, où le biē des affaires requerra qu'il se trouue. Et avec lescdites forces pourra assieger, forcer, cōposer, liurer iournees & batailles, & generallyment exploict ce qu'il iugera estre expedient de faire, avec l'aduis des autres chefs de son armée.
  - IV. Ledit General disposera de toutes les charges de son armée, excepté les charges de Colonel de la Cauallerie & Infanterie, Marschaux de camp, grand Maistre de l'Artillerie, ausquelles charges l'assemblée pouruoirā comme bon luy semblerā, avec l'aduis dudit General.
  - V. Ledit General aura vn Conseil aupres de sa personne, composé des principaux Chefs & Officiers de son armée; & en iceluy aurōt seances & voix deliberatiues trois Deputez del'assemblée generale, lesquels seront chargēz de trois mois en trois mois, & continuez à la liberté de l'assemblée.
  - VI. Les Chefs d'armées establis ausdites Prouinces, suiuant le departement cy-dessus mentionné, aurōt pareillemēt vn Cōseil pres de leurs personnes. cōposé des principaux Chefs de sō armée, ausquels assisterōt pareillemēt 3. deputez du Conseil de chacune Prouince

qui seront de leur departement, avec seance & voix deliberative, seront changez de troismois en troismois ou continuez à la liberté de ladite assemblee.

Lesdits Chefs generaux des Prouinces VII. pourront establir un ou plusieurs Lieutenans en l'estenduë de leur Prouince, par l'aduis des conseils d'icelles: Et ensemble pourvoir à toutes les autres charges, en prenât par les nômez les prouisiôs de l'assëblee generale.

En toutes les places qui seront de nouveau jointes au party par les armes du General, appartiendra audit General de pourvoir à la garde, gouuernemët & administration d'icelles: & auront les Chefs generaux establis par les Prouinces pareil pouuoir en toutes les places qu'eux ou leurs Lieutenans auront reduites en leur puissance, à la charge de prédre prouisiôs de l'assemblee cômè dessus.

Quand aux places qui sont à present entre nos mains, esquelles il n'y a Gouverneur, & où il sera necessaire d'en establir, nomination en sera faicte par le Chef General estably en la Prouince, de l'aduis du Conseil de ladite Prouince, & du consentement des villes; excepté la ville & gouuernement de la Rochelle, où il ne sera rien innoué: & au regard des places où y a Gouverneur, aduenant vacatiô du Gouverneur, n'y pourra estre pourueu que par l'Assemblée, à laquelle le Chef General de la Prouince avec le Conseil d'icelle presenteront trois

IX.



1621.

personnes pour en estre accepté l'un de ladite assemblée.

X. Lorsque le General se trouuera en ladite assemblée generale il y presidera, & les chefs generaux establis sur les Prouinces, y auront seance & voix deliberatiue, & non leurs Lieutenans; aussi dans les conseils des Prouinces presideront lesdits Sieurs generaux desdictes Prouinces, quand ils y seront presens, & non leurs Lieutenans, si ce n'est par election du conseil.

XI. Ne pourra estre fait aucun traicté de treuve ou de paix, que la deliberation & conclusion n'en soit prise à l'assemblée generale, où ledict General & les chefs generaux desdites Prouinces seront priez d'assister en personnes, ou par leurs deputez; auquel cas & pour ce fait seulement lesdits deputez auront voix deliberatiue en ladite assemblée.

XII. Toutes les prises & captures qui se feront par terre seront declarees nulles, si elles ne sont aduoüees par le chef General en chacune Prouince, & conseil residant aupres de luy, ou son Lieutenant en son absence, avec ledit conseil.

XIII. Tout les Chefs, Capitaines & Soldats prometteront d'observer les reglemens, tant militaires que de la iustice, & finance sur les peines portees par iceux.

*S'ensuit le reglement pour la discipline Militaire.*

D'autant que les gens de guerre doiuent  
plustoit d'exemple, vertu & honnesteté  
aux autres, que non pas de desbordement  
& dissolution, tous Chefs, Capitaines &  
Soldats seront exhortez d'vser de si Chre-  
stiens & sages deportemens en leurs actions  
que Dieu en soit honoré & par bonne vie  
& conuersation, vn chacun edifié en toute  
pieté.

Et pour ceste fin tous les Chefs & gens  
de guerre, tant de Cauallerie que d'Infan-  
terie, seront exhortez d'auoir entant que  
faire se pourra des Pasteurs ordinaires pour  
faire le Presche & prieres aux iours ordon-  
nez, & seront tous Chefs, Capitaines, & sol-  
dats subiects à l'ordre de discipline Eccle-  
siastique, suivant le reglement & police  
des Eglises de ce Royaume.

Et pour ce que le vice le plus frequent qui  
est parmy les gens de guerre sont les blas-  
phemes, est deffendu ne iurer pour quel-  
que cause que ce soit, sur peine de payer vn  
teston pour le soldat qui aura iuré, & vn es-  
cu pour le Gentil homme, & le double s'il  
se trouue en la mesme faute, & en cas d'ob-  
stination seront cassez & emprisonnez,

Deffèces seront faites à tous gés de guer-  
re sans exception, mener vie lubrique ny  
scandaleuse, ny d'auoir aucunes femmes  
dans les villes, ny deux armées sur peine de  
la vie, & aux femmes d'estre punies corpo-  
rellement suyuant les ordonnances.

1621.

XIV.

*Reglemēs pour  
les soldats.*

XV.

XVI.

XVII.

1621.

XVIII. Est encores deffendu à tous Soldats de se quereller en aucune sorte ny façon, ny mettre la main aux armes: mais pour la decisiõ de leurs debats, s'adresseront à leurs Capitaines qui leur rendront iustice, & au defaut d'iceux, aux generaux d'armes, & aux Gouverneurs de ville.

XIX. Tous Capitaines & soldats declareront au General & au Conseil les prisonniers vingt-quatre heures apres les prises faictes, sans les pouuoir eslargir, ny mettre rançon sans l'ordonnance du General & conseil, & seront tenus d'en respondre en leurs propres personnes, & les mettre en lieu de seureté, & en respondre ainsi qu'il leur sera ordonné.

XX. Ne pourront lesdicts Generaux, Gouverneurs, & Capitaines cõgedier lesdits prisonniers, moderer ou remettre le droit de buttins & rançon deubs au publicq, sur peine de les payer de leurs propres deniers.

XXI. Les cõmissions qui seront baillees & expediees aux Capitaines & autres pour commander seront enregistrees au registre de ladite assemblee, & est prohibé & deffendu à tous Capitaines de gens de guerre marcher & tenir les champs, sur peine de la vie, sans le commandement exprés de ladite assemblee ou des superieurs & generaux, autrement il leur sera couru sus.

Les soldats ne pourront quitter leurs Ca



*de la Rebellion de France. 173*  
Capitaines, ny s'enroller en d'autres compa-  
gnies sans congé de leurs Capitaines, ny  
aucuns Capitaines les recevoir, sans faire  
apparoir de leursdits congez; deffence à  
tous Capitaines de recevoir ou pratiquer  
les soldats des vns des autres pour les di-  
straire des compagnies à peine d'estre de-  
clarez inhabiles de commander & sur peine  
de suspension de leurs charges.

Et pour recognoistre les soldats estran-  
gers, sera tenu registre aux portes des villes  
de tous ceux qui entreront, afin d'en in-  
former les Gouverneurs.

Ne sera permis ny loisible aux gens de  
guerre & autres, d'exécuter aucunes en-  
treprises sans l'aduis & congé de ladite as-  
semblée, & du General de la Prouince.

Est deffendu à tous Capitaines & soldats,  
ayans receu leurs payemens, de prendre  
aucunes sortes de viures sans payer, estans  
en pays d'amy ou contribuable.

Est generalement deffendu à toutes per-  
sonnes de quelque estat & condition qu'ils  
soient, de traffiquer, negotier, & parle-  
menter avec les ennemis sans permission  
desdicts Generaux sur peine d'estre traitez  
comme ennemis.

Les payemens des compagnies, tant  
de cheualque de pied, se feront à la mon-  
stre & non autrement, avec les Commissai-  
res & Controlleurs generaux des guerres en  
campagne & dās les villes & presens les Magi-

1621.

XXIII.

XXIV.

XXV.

XXVI.

XXVII.

1621.

- strats & Conseillers des villes où lesdictes garnisons seront ordonnees.
- XXVIII. Les Capitaines respondront des excès & maluerfations de leurs soldats, pour les representer à la Iustice quand requis en seront.
- XXIX. Toutes les compagnies de Cheuaux legers seront reduites au nombre de cinquante, & celles des gens de pied à cent.
- XXX. Les soldats qui seront habitans des villes, où ils seront en garnison ne pourront demander logis ny vstencilles.
- XXXI. Et à fin que le labourage puisse estre continué, ne sera loisible de prendre aucune sorte de bestail seruant à l'agriculture, ny les harnois & habilemens des payfans, hommes ny femmes, ny les susdicts payfans estre rançonnez ny pris prisonniers que pour deniers sur eux imposez, sur peine de la vie & de restitution, de quelque Religion qu'ils soient, ce qui auroit esté pris avec réparation d'iniures & interests à ceux qui auront esté par tel moyen interessez.
- XXXII. Ne pourront les Generaux, Chefs & Capitaines aduenant paix s'approprier ny les villes, chasteaux, munitions, armes & magasins appartenans au public, & les laisseront aux profits & subuentions generalles des villes & places, par bon & loyal inuentaire.
- XXXIII. Il est enioint à tous Musniers des villes de demeurer dans leurs moulins, sans qu'on

leur puisse donner aucun hoste dans lesdits moulins, pour eüiter aux desordres qui y pourroient arriuer, ny pareillement enleuer, ny fourrager aucuns viures, ny autres biens quelconques à eux appartenans; à la charge qu'ils ne pourront retenir ne ferrer dans ledit moulin les biens & viures appartenans aux autres habitans des lieux, & qu'ils seroient tenus de remettre lesdits moulins en bon estat pour seruir quand besoin sera.

Et affin que le commerce soit libre esdictes armées, les Marchands, & Cabaretiers y pourront aller, & seiourner en toute seüreté, sans que pource pour quelque occasion que se soit on puisse prendre leur cheaux ou équipage: seroient neantmoins obligez d'observer le prix à iceux, qui seront mis sur leurs denrées avec deffence sur peine de la vie à tous soldats & autres d'vler de voye & de faict à l'encontre d'eux ny leur prendre aucune chose sinon de gré à gré & en payant pour ce faict des finances.

XXXIV.

L'assemblée generale pour subuenir aux grands fraiz & despens qu'il conuiendra faire pour l'entretien des gens de guerre cy dessus, & autres places publiques: A arresté tous deniers Royaux des tailles, & taillô creuës, A ydes, gabelles, domaine, decimes subides, & autres droicts, & impositions tant ordinaires qu'extraordinaires; soit celles qui sont ja establies ou autres qui se

XXXV.



1621.

pourront cy apres establis par ladicte assemblee, de quelque nature qu'elles puissent estre; lesquels deniers seront leuez & receus par les Thresoriers & Receueurs generaux & particuliers, qui seront nommez & pourueuz; tant par ladicte assemblee,

XXXVI. que par toutes les autres Prouinces.

Comme pareillement seront pris & leuez sur les benefices, & autres biens & reuenus appartenans aux Ecclesiastiques: lesquels à ceste fin seront baillez à ferme pardeuant les Commissaires, pource establis en chacune Prouince par le Chef General en icelle, avec le Conseil desdites Prouinces, & ce suuant les charges & formes ordinaires & accoustumees, dont ils dresseront bons & vallables procès verbaux, qui seront mis es mains desdicts Commissaires, & Conseils, & des Receueurs establis en chacune des Prouinces, pour faire le recouurement des deniers qui en prouendront, dont sera fait estat separé par lesdicts Receueurs.

XXXVII.

Entreront aussi es deniers publics tous les droicts, qui seront pris sur les butins & rançons des prisonniers de guerre: Et à ceste fin sera pris pour le public, pour le droit desdicts butins de toutes marchandises, & autres choses prises ensemble desdites rançons, la sixiesme partie.

XXXVIII

Les compositions qui se feront pour la reddition des villes & autres lieux, appartiendront

viendront au public : Et pour ce sera fait payer & registre à part par les Thresoriers, ou receueurs generaux & particuliers des deniers qui en prouviendront.

Et pour acclereler à la recepte desdits deniers, seront commis en chacune Prouince par le Chef estably en icelles, & le Cōseil de la Prouince, des Receueurs & Controlleurs particuliers autāt que la necessitē de la Prouince le requerra, qui seront personnes respectables, solubles, & cautionnees: A la charge qu'ils prendront leurs prouisions de l'assemblée generale: Et mettront par chacun quartier les deniers de leur recepte entre les mains du Receueur general, qui sera aussi estably par ladicte assemblée: Ensemble le Controlleur general en ladite Prouince par l'aduis dudit General & Conseil de ladicte Prouince, & aux lieux les plus commodes que faire se pourra.

XXXIX.

Entreront aussi es deniers publics tous les droits qui seront pris sur les butins & rançons de ces prisonniers de guerre, à cette fin sera pris pour le public pour le droit desdits butins de toutes marchādises & autres choses prises ensemble desdites rançons la 6. partye de tous les deniers reuenās au public de quelque nature qu'ils soient, seront mis entre les mains des Receueurs generaux en chacune prouince; Et sera pris prealablement & auant toutes autres despences, le 10. denier que chaque Receueur general sera te-

XL.

M

1621.

nu faire tenir plus promptement & seurement  
que faire se pourra, entre les mains dudit  
Thresorier general, estably pour la recep-  
te desdicts deniers, & autres qui seront cy  
apres declarés, residant pres l'assemblee ge-  
neralle, comme estans les deniers destineez  
tant pour leuees de gens de guerre en pays  
estrange, pour l'entretienement del'Armee  
generalle du General de ladicte Prouince,  
& autres necessitez publiques, suyuant les  
estats & mandemens qui en seront mis en-  
tre les mains dudit Thresorier general, par  
ladite assemblee.

XLII. Seront en outre, & à mesme effect mis en-  
tre les mains dudit Thresorier general tous  
les deniers prouenus des droicts del'Admi-  
rauté, passeports tât par mer que par terre,  
congez & autres expeditions del'assemblee:  
Ensemble les deniers reuenans bons, & au-  
tres reuenus de reliqua de compte.

XLII. Le Thresorier general, & Receueurs ge-  
neraux & particuliers des Prouinces seront  
côptables à ladicte assemblee, & pour cet  
effect y enuoyeront les estats de leurs rece-  
ptes & despèces de trois mois en trois mois,  
pour estre examinez par elle ou autre que  
elle commettra pour cest effect; Et ne pour-  
ront lesdicts receueurs generaux vuidier  
leurs mains des deniers de leurs charges, ny  
en faire aucun payement, que par la seule  
ordonnance de l'assemblee.

XLIII. Les Chefs establis dans leurs Prouinces,  
auec l'aduis des Conseils d'icelle, enuoye-



ont à ladite Assemblée prôptement l'estat des gens de guerre qui sont sur pied, Ensemble l'estat de la despence qu'il faudra employer pour l'entretienement, cōme aussi les estats des requestes generalles & particulieres de leurs Prouinces, à fin que l'Assemblée en distribue les assignations valables.

Les Chefs desdites Prouinces, Gouverneurs particuliers & autres qui aurōt charge & commandement en icelle tiendront la main forte à la leuee & recognoissance de tous lesdits deniers, & à cette fin dōneront ordre d'eriger & assisteront aux Receueurs generaux & particuliers & leurs commis selon qu'ils en serōt par eux requis, sans que neantmoins lesdits deniers puissent estre diuertis à d'autres despences, que celles que ladiete Assemblée generale ordonnera. XLIV.

Les Officiers, tant de Justice que de finances, & tous autres officiers faisans professiō de la Religion, & demeurans en vnion de leurs Eglises seront continuez en l'exercice de leurs charges. XLV.

Tous les droicts & rentes appartenans aux particuliers de ladiete Religion, sur lesdictes Tailles & subsides leurs seront conseruez, en faisant deuēment paroistre de leurs titres. XLVI.

Pour l'entretienement des Pasteurs, auxquels les Eglises ne pourront fournir pour leur entretienement sera faict vn estat par

ladiſte Aſſéeblee, & par les Cōſeils des Pro-  
uinces, pour eſtre payez de leur entreten-  
mēt ſur les plus clairs deniers prouenus des  
biēs Eccleſiaſtiques, ou au deſſaut ſur tout  
autre nature de deniers: Et d'autant que la  
rigueur des troubles pourra contraindre les  
perſonnes & familles de changer de demeu-  
re, & abandonner leurs poſſeſſions, vaca-  
tiōs, & charges, qu'il ſera pourueu à leur en-  
tretienement par ladiſte Aſſemblee generale.

*Fait & Arreſté en l' Aſſemblee generale, te-  
nue en la ville de la Rochelle ce Lundy 10. May  
16 21. Signé Combert cōme Preſident, Bauuage  
adioint, Rouure Secretaire, & Riſſant auſſi Sec.*

*Tout ce proiect  
eſt nul, ſ'il n'y  
a de l'argēt, des  
cheſs & des  
ſoldats.*

Ce n'eſt point aſſez d'auoir fait ce depar-  
tement, c'eſt vn beau deſſein proiectté, vne  
propoſitiō auantageuſe, mais ceux qui ſōt  
enfermez entre les murs & baſtions de la  
Rochelle ne l'executeront pas; il faut pour  
ce faire auoir vn grand fonds d'argent, vne  
grande correfpondance par tous les mem-  
bre du party, & eſtre aſſeuré d'un bon nō-  
bre de Chefs qui courent le riſque & en-  
treprennent l'exécution de l'affaire en vne  
ſaiſon, où de toutes parts on leue pour le  
ſeruice du Roy: or qu'ils ſoient mal aſſeu-  
rez de toutes ces choſes, il eſt aiſé de le voir.

*Moyens que les  
Eglīſes preten-  
dus reformees  
peuuent auoir  
de ſe maintenir  
par eux meſmes*

Premierement le Roy eſt trop mieux ad-  
uertiy des priuileges & aduātages que ſa M. à  
concedez à ceux de la Religion pretendue  
reformee par ſes Edicts & articles ſecrets,  
& de l'abus qui ſe commet tous les iours par

eux à les estendre assez insolemment, & impunement, c'est pourquoy sans parler de leurs places & villes d'ostages, de seureté ou mariees qu'on a adioustees dont a esté traité cy denant, des garnisons, fortifications, magazins, munitions, gages de Ministres, pensions & entretiens de colleges & seminaires dont le fonds se prend & se paye aux despés de sa Maiesté, taisant aussi le pouuoir fort absolu auquel lesdites places de seureté se maintiennent contre les Catholiques encore qu'ils fussent dix contre vn, pource qu'on les tient tousiours desarmez sans les employer aux gardes desdites places, & ne parlant non plus de l'entree qui est permise à ceux de ladite Religion à toutes les charges de la maison du Roy, offices de la Couronne de France, des châbres my partyes, des Edits & nombre de Conseillers qu'on souffre dans la pluspart des Parlemens.

On peut voir assez clairement que l'un des principaux moyés par lesquels l'on fait estat de cōseruer le party reformé, c'est par vne resolutiō reiteree en beaucoup d'Assëbles generales d'auoir en hayne toute sorte de Gouverneur monarchique soit tēporel ou spirituel. Et ce point là demeure bien vuide que cōme en l'Anarchie de l'Estat & police Ecclesiastique, tous les Ministres sont esgaulx, & les plus idiots du vulgaire, aussi dignes d'estre creuz en ce qu'ils disent leur auoir esté reuelé par l'esprit de Dieu

1621.

*Et leurs confedererez dedas & dehors le Royaume en fait de guerre & de Rebellion.*

*Monarchie en hayne chez les reformez.*



1621.

que les plus grands hommes, voire que les Ministres mesmes; aussi a on quelque fois parmy eux resolu au premier trouble qui s'exciteroit en France de prendre vn Chef de basse ou mediocre conditiõ, qu'on puisse depõser quand on voudra. Venons au moyen d'auoir des hommes.

Les Prouinces desquelles on peut tirer des homes de guerre, les places demeurãs fournies, sont le dauphiné, haut & bas Lâguedoc, Poictou Xaintonge, Angoulmois & Aulux & vne partye de la Guyenne.

*Prouinces d'où  
ils peuvent tirer  
des hommes.*

Le Dauphiné peut fournir dix milles hommes.

Le haut & bas Languedoc avec le Quercy plus de dix-huict.

Le Poictou, & Xaintonge, l'Angoulmois & l'Aulux plus de quinze y comprenant la Rochelle.

Et la Guyenne six à sept milles. Mais où marchera tout ce gros, les armées du Roy occupans la campagne, & les plus pacifiques demeurans en deuoir? car pour les autres Prouinces ils se resoluent à demeurer reſtreeds dans leur coquille. Il est bien veritable, qu'en cas de declaration de guerre contre le party, toutes les forces se pourroient remuer, outre qu'il y a en Frâce force mauuais Catholiques, mauuais Egiptiens, & mauuais François qui ne demandent que l'embrasement de l'Estat, & qui grossiroiẽt possible biẽ les troupes de pareil ou plus grãd

nombre. Mais quand cela seroit, il faut payer & auoir de l'argent.

1621.

Or quant au fonds des finâces on se trouue à la verité vn peu court d'en trouuer vn bien certain, encores qu'il y ait plusieurs villes riches dans le party & quelques bônes bourses. Mais outre qu'on n'est pas trop asseuré de la contribution des villes, sinon de la Rochelle, & encore moins des Seigneurs particuliers, & que avec tout cela on ne pourroit tousiours gueres long temps fournir à l'entretien d'vne puissante armee, en ceste maniere les presches se pourroient employer aux persuasions de la predestination poussans les courages dans l'esprit de leurs conquestes, le fonds des vrays predestinez ayant tousiours esté assigné sur la picquoree, les receptes des tailles, reuenus des benefices, rauages, pilleries & saccagement des Eglises des Catholiques, attendant le secours estrangier.

Quant à ce qui est de leurs chefs, outre qu'ils ne sont gueres asseurez de leur affection, ils sont si peu en nombre, & si peu capables de conduire & commander, qu'ils n'en peuuent esperer grand seruice.

La pluspart de ceux qui restent, pour si zelez qu'ils semblent estre, n'osent pas prendre les armes pour vne si meschante cause contre le seruice du Roy, se contentant de la liberte de conscience si ample qu'on leur à accordée; laquelle ils ne voudroient pas

*Plusieurs Nobles de la Religion ne se sont voulu mesler de ceste guerre.*

1621.

hazarder, & avec elle leur fortune, leur vie & leur honneur.

Et sur ce propos qu'on se souuienne que ceux qui sont en toutes façons les plus grâds parmy eux, & entre les mains desquels sont les Gouuernemens & les places de consequence, comme par exemple les Ducs de la Trimouille & de l'Esdiguere, le sieur de Boisse Pardaillan & plusieurs autres sont si attachez à leur Prince, qu'il n'y a consideration aucune qui les en puisse des-vnir. Ils scauent trop bien que toute leur grandeur & autorité, n'est qu'un esclat lumineux, qui leur est influé par le Roy, leur Soleil; duquel s'ils se separent tant soit peu, ils ne seroient qu'autant de corps obscurs & opacques abandonnez dans les tenebres de sa defaueur & disgrâce.

*Peu de Nobles  
avec les rebel-  
les.*

Que s'il s'en trouue quelques autres de si maladuisez, qui pour des considerations mal digerees vueillent faire courir ce hazard à eux & à leur posterité; ils sont si peu en nombre & si decreditez d'ailleurs, que leur party n'aura guiere grand subiet d'en faire mise ny recepte. Outre qu'encore faut il penser que ceux cy la pluspart seront finalement tirez au seruice du Roy, par le remord de leur conscience; par le souuenir de ce qu'ils doiuent à leur Prince, & lors principalement qu'ils verront que sa Maiesté ne desirant que l'obeissance de ses subiects, vne poignée de ie ne sçay quelle sorte



de gens se rebellent & la luy denient, & y à force apparence encore, qu'ceux voulans persister en leur deuoir, traineront avec eux quelques bonnes places, (comme a fait ledict sieur de Boisse Pardaillan, qui à remis à l'obeissance du Roy Monheur & sainte Foy, ainsi qu'il se verra en ceste Histoire) & quelques troupes de soldats, qui affoibliront d'autant plus le party: & quand cela n'arriueroit pas, si est ce que la crainte, que les freres en auront, formera tousiours parmy eux vn noir broüillard de meffiance qui leur donnera certainement plus d'ennuy que de confort.

Au reste ceste Noblesse, au moins celle qui est bien nee & plus sage, jettant les yeux sur celuy auquel les rebelles se prennent; *Consideration* voyent que c'est au Roy Louys le Iuste, *honorable.* fils d'Henry le Grand, lequel desia en sa fleurissante ieunesse, est aussi grand que son Pere, grand en puissance, grand en courage, grand en Conseil, en amis, & sur tout en cet affaire tres-grand en la Iustice de sa cause, le point décisif de laquelle consiste en cecy, sçauoir s'il doit estre obey de ses sujets, ou non, en chose où il ne les violente en rié que ce soit: voyant donc que c'est à ce grand Roy, que les rebelles se prennent, qui se voit dans vn grand & opulent royaume, aymé, craint & obey de tous, excepté d'une poignée de gés, lesquels poussez de diuerses intentions, ventlent sous le faux pretexte de Religion, aduā-

1621.

*Nom de Roy.  
nom d'amour,  
de grandeur &  
de respect.*

er les pernicious desseins qu'ils couuent  
dés longs temps en leurs ame: ceste Nobles-  
se dis-je, plus aduisee, voit que c'est dans le  
Royaume, que ces meschans veulent guer-  
royer le Roy: & quand elle se met deuant  
les yeux ce nom de Roy & de Prince, les ar-  
mes leurs tombent des mains, & se rangent  
la pluspart à l'obeyssance, laissant les autres  
à leurs propres Cōseils, vuidier leurs affaires,  
comme bō leur semblera, ainsi donc de tou-  
te la Noblesse de la Religion pretenduë re-  
formee, il n'y en a que cinq ou six, qui se sōt  
jettez dans la rebellion, ie dis entre ceux  
qui sont en plus grande consideration par-  
my eux.

*Grands &  
Chefs de la Re-  
ligion.*

Le nombre de tous leurs Grands, & de  
ceux qui peuuent estre capables de condui-  
re, & de Conseil est celuy qui suit. Le Duc  
de la Trimouille. Le Duc de Bouillon, le  
Prince de Sedan son fils. Le Duc de Ro-  
han, le sieur de Soubize son frere, le Duc de  
Sully. Le Duc de l'Escliguières, le sieur de  
Chastillon, le sieur de Montgommery, le  
Marquis de la Force & ses enfans, le sieur  
du Plessis Mornay, le sieur de Gouuernet. Le  
Comte de la Suse, le sieur de Boisse Pardail-  
lan, le sieur de la Noüe, le sieur de Fauas, le  
Vicomte de Castex, les sieurs d'Aubigny pe-  
re & fils. Les sieurs de Parabelle pere & fils,  
le Marquis de la Moussaye. Le sieur de  
Chasteau-neuf Lymosin, d'une humeur  
fort douce, le sieur de Saint Amand,

cettuy-cy, tout au contraire est vindicatif, secret, artificiel, couuert, habille, vaillant & patient.

Il y en a beaucoup d'autres possible encore plus notables que quelques vns de ceux de ce roolle, auquel l'on pourra adiouter ou diminuer, mais tout cela n'est pour resister longuement aux armes d'un grand Roy. Qui nonobstant toutes ces choses ne laisse de poursuiure son voyage & commandance à vouloir esprouuer l'obeissance ou desobeissance des places de seureté, Gouverneurs & habitans de la Religion d'icelles, & sortant de Tours s'achemine vers Saumur avec peu de troupes.

Le Lundy dixiesme May dernier, les Fourriers du Roy estans arriuez à Saumur, par commandement de sa Maiesté, commencerent à marquer les logis, & mesme marquerent le logis du Roy, qui est en la ville, comme aussi celuy de la Royne son espouse. *Logis marqué pour le Roy.*

Le soir du mesme jour arriuerent six compagnies du Regiment des Gardes de sa Majesté, aux faux-bourgs de la Croix verte, qui disent enuiron mille ou douze cens hommes. Ce que voyant la garnison du sieur du Plessis, fit place nette aux Gardes du Roy, & s'en alla prendre logement ailleurs.

Le Mardy matin arriuerent les Suisses aux faux-bourgs de Fenet dudit Saumur, où



1621.

*Les Suisses se  
saisissent de la  
porte du Cha-  
teau.*

*Le sieur du  
Plessis surpris  
sans verd.*

estans, suyuant le commandement de leurs Chefs, montent au Chasteau & frappét à la porte, qui leur estant aussi tost ouuerte, entrent dedans, & plantent vne pique à l'entree. Dequoy, estant aduertty ledit sieur du Plessis enuoya prier lesdits Suisses d'auoir patience qu'il eust enuoyé au Roy pour scauoir sa volunté. Incontinent apres, monta au Chasteau le Fourrier de sa Majesté avec le sieur Durand Escheuin de Saumur, qui alloit là dedans pour y marquer le logis du Roy: le sieur du Plessis luy demanda s'il auoit commandement du Roy dece faire. Le Fourrier luy respondit que non, mais trop bien qu'il auoit charge de le loger. Alors ledit sieur du Plessis despescha promptement vers le Roy, pour scauoir son intention, & pendant ce lesdits Suisses estoient deuant l'Eglise de S. Pierre faisans bonne garde, avec force sentinelles.

Sur les deux heures de releuee du Mardy vnzième de May, l'on deffit le logis du Roy, qui estoit fait dans la ville, & porta-on tout l'ameublement au Chasteau, apres que les Capitaines des Gardes de sa Maieité en eurent pris les clefs, & vuidé tout ce qui estoit dedans, tant meubles que munitions de guerre, canons, & autres choses qui estoient audit Chasteau.

Cela fait les Compagnies tant du Regiment des Gardes, que des Suisses, montent audit Chasteau. Et cependant ledit sieur du

Plessis en sort par la ville, en son carrosse, & fait sortir sa garnison par la porte des champs; & leur assigna logement és lieux de Varré & de Chassé.

1621.

Le mesme iour arriua le Roy sur les quatre heures apres midy, & alla droit descendre à la Chappelle. Ce qu'ayant appris ledit sieur du Plessis, alla aussi tost saluer sa Maiesté : comme aussi firent tout le corps de la Iustice dudit Saumur : Et apres que sadite Majesté eut fait ses prieres à la dite Chappelle, elle entra dans la ville par la porte de la Tonnelle, où le Clergé estoit assemblé, la receuant avec vne belle & briefue harangue.

*Arrivée du Roy  
à Saumur.*

*Sa réception*

De là le Roy prenant son chemin pour monter au Chasteau, fut salué & applaudy par vn tel cry du peuple, que le ciel estoit obscurcy du nuage de ces voix, VIVE LE ROY. A quoy respondant le Roy, & par fois ostant son chapeau disoit, VIVE MON PEUPLE.

*L'applaudissement  
du peuple.*

Avec cest applaudissement sa Maiesté monta audit Chasteau, & y prit logis. Incontinent apres arriua la Roynie de France, puis en suite le Connestable, lequel donna son logis de ville au sieur du Plessis, qui estoit le logis du Greffe de Saumur: Ce qui fascha fort Madame de Villarnou, de se voir deslogée deux fois en vn iour.

Pédât le sejour de Saumur le Cōseil d'Estat de guerre tient tous les iours en deux lieux,

1621.

ſçauoir l'un au Chasteau, & l'autre chez le garde des Seaux logé chez le Seneschal de Saumur. De iour à autre ce n'estoient que courriers allans & venans à la Cour, qui apportoiét au Roy aſſeurâce de l'obeiſſance de pluſieurs places & villes de la religion, qui s'estoiét mis volontairement au ſeruice de ſa Maieſté, & auoient quitté le party des rebelles.

*Le ſieur du  
Pleſſis deſchar-  
gé du Gouver-  
nement de  
Saumur.  
Comte de Sault  
mis en ſa place.*

En cinq iours que le Roy fut à Saumur ſa Maieſté voulant deſcharger l'aage & la perſonne de Monsieur du Pleſſis, & luy donner moyen de ſe reposer de tant de ſoin, reprit la charge du Gouvernement entre ſes mains & la donna au Comte de Sault fils de Monsieur de Crequy & petit fils du Duc de l'Es-diguieres, loua les fidelitez dudit ſieur du Pleſſis, luy donna congé de ſe retirer en ſa maiſon de Poictou, & toute ſorte d'occasions de ſe contenter de l'affection de ſadite Maieſté en ſon endroit.

*Rebellion de  
S Ieand' An-  
gely commande  
en ce temps.*

Là meſme le Roy fut aduertý de la rebellion qui ſe tramoit dez lors dans ſainct Iean d'Angely, comme le Duc de Rohan & le ſieur de Soubiſe ſon frere, portez à ce faire par les Conſeils de la Rochelle, faiſoient iournellement fortifier ſadite place, qu'ils y auoient fait entrer trois milles hommes de garniſon, avec force poudres & munitions de guerre, que cette place ainſi fortifiée, ſeruiroit de rempart à la Rochelle, & brideroit les deſſeins du Roy en Aulux & Xaintonge & fortifie-



ladite ville de la Rochelle en sa rebellion, & se preparoit à soustenir vn long siege.

Le Roy aduerty de ce dessein, & des allées & venuës que le Duc de Rohan faisoit de saint Iean d'Angely à la Rochelle, & des nouuelles forces que les Rochelois y enuoient que cela pouuoit perdre la Xaintonge, & y destruire l'autorité de sa Majesté: elle se resolut d'aller assieger la place, si tost qu'elle auroit donné ordre aux seuretez du Poictou, & affermy son autorité es villes du party qui s'ot en ladite Prouince, & toujours par preuention commanda au Comte d'Oriac d'ineustir S. Iean, avec les regimens qui estoient de Normandie, Champagne & Piedmont, delaissez l'an passé à Si- ray & frontieres de Poictou & Xaintonge pour rompre les pratiques desdits Rochelois & Duc de Rohan, ainsi que nous dirons cy-apres en la description du commencement, progres & yssuë de ce siege.

Cependant saint Iean n'est si tost menacé d'assieger, & le sieur Comte d'Oriac chargé de l'ineustir, que l'assemblée de la Rochelle vomit tout ce qu'elle auoit de rage & de poison sur le cœur, pour descrire es iustes procedures du passé, & les toutes blanches & purement innocentes intentions de sa Majesté, blasment les raisonnables conseils que l'on luy donne d'aller au deuant de la rebellion de ses subiets: font

*Le Roy commande de l'ineustir.*

1621.

mille sortes de plaintes de choses iustement establies pour maintenir l'autorité du Roy en son lustre, & interpretent toutes choses selon leur passion, & iettent aux yeux du public, ce present Manifeste, qui ne peut abuser que ceux qui sont ignorans de la verité du passé & du present. Le voicy en substance.

*Manifeste de  
l'assemblée de  
la Rochelle.*

Nous Deputez en l'Assemblée Generale des Eglises Reformées de France & Souveraineté de Bearn, persecutees, voyans qu'à nostre grand regret nous sommes cōtraints par la violence & l'oppression de recourir aux moyens naturels & legitimes pour conseruer, par vne necessaire deffense, la liberté de nos consciences & la seureté de nos vies: protestons au nom desdites Eglises deuant Dieu & les hommes, de demeurer inuiolablement sous la tres-humble subiection & obeyssance de nostre Roy, recognoissans qu'il nous a esté donné de Dieu pour nostre Souuerain Seigneur. Et à fin que tout le monde puisse recognoistre que comme certe obeïssance est, après le seruice de Dieu, le seul but de nos intentions assez declarees par toutes les actions passees de nostre fidelité, grace aux colonnes de cest Estat & aux couronnes de nos derniers Roys, & releuees par nos peres & nous de dessous les efforts des factions ennemies: aussi la haine & la persecution que nous souffrons maintenant n'est pour autre cause

excitée

excitée par nos ennemis, que pour ceste affection veritable & sainte, à laquelle ils nous recognoissent inseparablement attachez par les enseignemens de nostre Religion, l'exemple de nos peres, & les interets de nostre propre cōservation. Nous supplions donc premierement le Roy, & tout ce qu'il y a de bons François, puis tous les Rois, Princes & Potentats, amis & allies de la Couronne, & generalement toutes personnes touchees de zele à la gloire de Dieu, de compassion de l'innocence foulée, & de desplaisir des miseres qui menacent auourd'huy la France: d'entendre icy nos iustes plainctes, pour voir en icelles la perfidie & cruauté de ceux qui malgré nous les arrachent de nostre sein, & nous obligent de les publier pour la iustification de nostre innocence, & pour enseigner à tous ceux qui aiment la justice & la verité, que le refuge de la defence à laquelle nous sommes reduits est necessaire & juste, nos ennemis n'estans poussez d'autre mouvement à mettre le feu dans ce Royáume, que pour esteindre nostre Religion, & pour abbattre la resistance la plus ferme qui se peut opposer dans l'Etat aux entreprises estrangeres. Mais d'autant que par leurs artifices accoustumez, ils ont icy suyvi la route ordinaire à la violence & cruauté qui a de coustume de se faire voye par la calomnie à l'oppression d'une iuste cause. Et pour pretexte de nous courir sus,



*Il n'y a rien qui  
heurte tant la  
Royauté que de  
faire des leuees  
de gens de guer-  
re en son Estat,  
Et luy refuser  
l'obeissance Et  
l'entree de ses  
villes.*

ils nous ont publiez rebelles & seditieux, employans, pour espandre par tout ceste accusation, les Edicts & Declarations du Roy & des Parlemens, & la bouche mesme des Ambassadeurs es pays estranges. Afin que la simplicité de ceux qui sont moins informez, ou de la haine, ou du pouuoir, ou des artifices de nos malueillans, ne recoiue quelque sinistre impression de nous touchant le deuoir d'obeyssance & fidelité enuers nostre Roy & nostre patrie. Nous ferons voir icy que tous les pretextes, les crimes iniurieux qu'on nous impose, sont artifices & desguisemens empruntez pour seruir de voile aux outrages faicts à l'innocence. Ainsi que pour allumer la haine des Rois, & la fureur des peuples contre l'Euangile, on accusoit iadis les premiers Chrestiens, & nos peres en ces derniers siecles, de semblables crimes. Qu'ils contreuenoient aux Decrets de Cesar, esmouuoient sedition entre les peuples, heurtoient la Royauté. Et sous ces accusations supposees, on leur a fait souffrir par tout le monde la rigueur du glauiue, l'ardeur des feux, la cruauté des massacres, la fureur des guerres, & l'horreur de toutes sortes de supplices. Il est vray que comme nos peres estoient plus espartz & decouverts ou exposez à vne plus facile boucherie, on a imputé directement ces crimes à la Religion, & puis on les a persecutez,

on leur a faict la guerre ouuertement pour la profession qu'ils en faisoient. Auourd'huy par vn artifice accommodé à leurs desseins, nos ennemis nous changent de methode. Ils declarent la guerre aux personnes pour la faire à la Religion. Et pour ce qu'aprestant de perfidies & de cruantez le bras de Dieu nous ayant releuez comme des cendres de nos peres, & par vne miraculeuse prosperité du feu Roy, (conduit par nostre fidelité iusques sur le throsne de ceste Monarchie) les bresches de l'estat estans reparees, afin d'y establir vne ferme paix, on nous a donné vn Edict pour la liberté de nos consciences, & des seuretez pour mettre à couuert nos biens & nos vies, contre la violence que les maux passez nous faisoient craindre pour l'aduenir: ce seroit certes à present trop apparemment violer la paix, & se declarer trop visiblement ennemis du repos de la France, si on reueroit ouuertement l'Edict faict en nostre faueur: si on nous declaroit la guerre pour nostre Religion. Ce seroit aussi interesser trop de personnes en vne mesme cause. C'est pourquoy pour couvrir le dessein proietté de la ruine de cét Estat par la nostre, pour armer le Roy contre nous, & pour nous perdre avec plus de facilité qu'on ne croit autrement pouuoir faire; on nous a déclaré rebelles & criminels, on tafche de rendre ceste cause plus particuliere,

1621.

on appelle la guerre qu'on nous fait vn chastiment de seditieux. Mais quand nous aurons exposé icy aux yeux de tout le monde, le dessein de ceux qui sont auteurs de ces troubles & confusions. La longue oppression que nous auons soufferte iusques icy en toute patience. L'euidence de nostre iustice au procedé que nous auons tenu envers nostre Roy en nos plaintes & tres-humbles requestes, qu'on nous impute maintenant à crime. Et finalement la persécution ouuerte qui nous est faite à present par la voye des armes, ia leuees contre nous en tous les lieux de ce Royaume, où on estime que nous pouuons faire quelque resistance. Nous esperons que nous mettrons nostre innocence à couuert de ces calomnies, rendrons approuuee la iustice & necessaire defense à laquelle nous auons recours en l'attêre du secours & benedictiō du Tout-puissât. Et nous acquerrons la faueur & l'assistance de tous ceux qui ayment sa gloire & sa verité. Et l'ayde & le support de quiconque desire la conseruation & le salut de ce pauvre Royaume.

Depuis que le plus ferme appuy del'Edict de nostre seureté, estably par la main puissante du feu Roy, tomba par le coup de sa mort, les ennemis de nostre Religion & de la paix publique, s'esleuans avec plus d'esperance de progrez & de succez en leurs desseins, conuertirent tous leurs efforts à



jetter par terre ce fondement de la tranquillité del'Estat, sçachans que le plus asseuré moyen de ramener la confusió des troubles & des guerres passées, estoit de destruire l'Edict qui les auoit destruites. Mais ne se pouuans promettre que les bonnes inclinations du Roy & la sagesse de la Roync sa Mere lors Regente, & tout ce qu'il y a de bós François interessez en la paix du Royaume, consentissent ou peussent souffrir vne rupture ouuerte del'Edict; ils ont cherché de gagner en detail ce qu'ils ne pouuoient obtenir en gros, & par artifices & moyens plus couverts faire tomber les choses dans le precipice, auquel ils les ont aujourd'huy iettees.

Le premier fondement de leur dessein se recognut avec estonnement & iuste apprehension de tous les nostres, quand au Sacre du Roy on luy fit iurer ce serment. *Je tascheray à mon pouuoir en bonne foy chasser de ma Jurisdiction & terres de ma subiection, tous heretiques & denoncez par l'Eglise.* Comme s'il prenoit sa couróne sous ceste condition & sous cesteloy, qu'il nous extermineroit quand il le pourroit faire, Le sang du Grand Henry crioit encor vengeance du furieux & abominable parricide, qui protesta & afferma n'auoir esté induit par autre raison à le tuer, que pource qu'il estoit fauteur d'heretiques, qu'il les souffroit en son Royaume, qu'il ne leur faisoit pas la guerre: Et voila

*le Roy a declaré du depuis qu'il n'entendoit parler de ses subiects obeissans.*

qu'on fai& promettre à son fils, à son suc-  
cesseur, qu'il employera toute sa puissance  
à les exterminer. Puissante & efficace  
raison pour imprimer au cœur d'un Roy, dès  
ses plus tédres ans, la nécessité de nous hayr  
& de nous destruire, que d'adionster à la ter-  
reur de l'exemple du pere cruellemét meur-  
tri, pour auoir maintenu la paix à ceux qu'on  
appelle heretiques, la stipulation de regner  
& seoir sur le throsne apres luy, à la charge  
de persecuter ceux qu'il auoit conseruez.  
Car qui ne sçait que sous le nom d'hereti-  
ques ils ne veulent entendre que nous? Que  
nous sommes denoncez & qualifiez tels par  
l'Eglise Romaine. Et partant si le Roy s'est  
deu croire obligé à l'obseruation de ce ser-  
ment selon leur intencion, que n'auons nous  
deu craindre dès lors? Pourquoy sur l'expe-  
rience du passé n'auons nous deu apprehen-  
der derechef les malheurs sanglants que tel-  
les impressions & necessitez imposees aux  
consciences des Rois nous ont fai& esprou-  
uer? Ce mesme dessein de nos ennemis se  
manifesta encore ouuertement, quand pour  
faire passer en loy d'Estat & en maxime vni-  
uerselle de conscience, qu'il ne nous falloit  
plus souffrir en France; ils obtindrent aux  
Estats derniers tenus à Paris, que les Cham-  
bres du Clergé & de la Noblesse demandas-  
sent expressement par leurs cahyers l'exec-  
ution de ce serment du Roy, & la reception  
& publication du Concile de Trente. Con-

cile auparavant reietté en pleins Estats tenus aux plus sanglans & violens troubles qui ayent esté excitez contre nous dans ce royaume. Concile qui ne souffre pas que les Rois regnent s'ils donnent vie & liberté en leur domination, à ceux qu'il a declarez heretiques.

Nostre dernier refuge est en la iustice du Roy & vers les Ministres del'Estat, où comme pour l'insupportable traictement que nous receuons de tous endroits nous recourons ainsi qu'à nostre asyle : aussi est-ce d'où nos ennemis font le plus violent effort de nous empescher l'accez. Ils voyent que la protection du Roy nous tiendroit couuerts contre toutes leurs iniures. Ils sçauent que la voye de nos plaintes, que la nature ouure à vn chacun, nous conduiroit sous l'abry de sa iustice, où nostre repos & la tranquillité publique seroient conseruez. Pour ceste cause nous experimentons d'eux en cet endroit vne plus animeuse coniuration. Car nō seulement ils bouchent l'oreille de sa Majesté & nous ferment toute entree vers elle, mais lors que nous y voulons aller par nos tres-humbles supplications & requestes, ils nous tendent, par vne fraude plus que diabolique, le laqs de leur calomnie pour nous faire tomber au blasme d'vne pretenduë rebellion & desobeissance. Ils changent nos plaintes en crimes, ils nous appellent seditieux & rebelles. C'est

*Commentemēt  
de leurs plain-  
tes.*

*Les effectz de  
monstrement.*



1621.

*Iuste guerre  
puis que c'est  
pour estre obey  
seulement.*

l'accusation pour laquelle ils nous poursui-  
uent criminellement. C'est l'accusation  
pour laquelle ils nous persecutent aujour-  
d'hui. Nous appellons ici le Ciel & la terre à  
tesmoin entre nos ennemis & nous, desirans  
que la procedure de nos plaintes enuers sa  
Majesté, que nous exposerons ici veritable-  
ment & au long, estant recognuë de tous, on  
iuge de nostre innocence, & de la calomnie  
de l'accusation, & finalement de l'iniuste  
guerre & persecucion que nos haineux nous  
ont suscitee sous ce pretexte.

Afin d'entretenir l'Edict de paix & repa-  
rer les infractions d'iceluy, le feu Roy vou-  
lut selon son equité establir vn ordre au mi-  
lieu de nous, par lequel nous pourrions de  
temps en temps sous sa permission & octroy  
nous assembler par Deputez de toutes les  
Prouinces, pour luy presenter nos plaintes  
sur les griefs qui nous seroient faicts, & ré-  
porter de sa bonté les responses raisonna-  
bles & necessaires pour l'entretienement  
des Edicts. Suiuant cet ordre ressentans v-  
ne plus pressante necessité que iamais, nous  
estans adressez à sa Majesté par nos Depu-  
tez generaux en l'annee mil six cés dix neuf,  
elle eut agreable d'octroyer à nostre tres-  
humble requeste vn breuet portant permis-  
sion de nous assembler en la ville de Lou-  
dun au 25. de Septembre. Où nous estans  
trouuez de toutes les Prouinces du Royau-  
me & de la Souueraineté de Bearn, les ca-

*Assemblée de  
Loudun.*

hiers de nos plaintes estans dressez, nous les presentasmes en toute humilité à sa Majesté, la suppliant que par vne fauorable response aux principaux articles & plus importants griefs, nous peussions remporter dans toutes les Prouinces, par les tesmoignages de sa bonne volonté à nostre protection, de quoy rasseurer tous ses subiects de la Religion, contre tant de menaces & de craintes dont ils se voyent enuironnez. Ce ne seroit iamais fait si nous voulions estaler icy le subiect de toutes ces plainctes. Nous en toucherons seulement quelques vnes pour en faire voir l'importance, & la necessité d'obtenir sur icelles vne prompte iustice.

Nous nous plaignions que Ley & toure place de seureté nous auoit esté rauie d'entre les mains.

*Sommaire de leurs plaintes mal fondees.*

Que deux des nostres pourueus d'offices 1. de Conseillers en la Cour de Parlement de Paris, n'auoient peu obtenir leur reception durant trois ans continus qu'ils la poursuioient.

Que l'exercice de nostre Religion banni 2. de Clermont de Lodeue place de seureté, sur le reestablishement d'iceluy poursuiuy par nous, on s'estoit opposé avec armes à l'exécution d'un Arrest du Conseil du Roy.

Que nos Temples auoient esté bruslez ou 3. demolis à Bourg en Bresse, à Moulins en Bourbonnois, & à Leual pres Guyse.

1621.

- Qu'à Baux en Prouence le sieur de Vere
4. Capitaine du Chasteau apres plusieurs menaces & violences, pour defendre & empêcher l'exercice à ceux de la Religion, les auroit finalement chassez hors de la ville par force, & avec main armee le 8. de Fev. 1620.
  5. Qu'on n'auoit peu obtenir iustice des excez outrageux faicts à quelques vns de la Religion à Baugenci, & du toxain sonné fureux. & de ce que les coupables qui auoient precipité deux hommes du haut du grenier, & percé l'un à coups d'espee, ont esté ouys en tesmoignage aux informations qui ont esté faictes par le Lieutenant general en la iustice d'Orleans, & que nonobstant le renuoy de la cause au Parlement de Paris, le Procureur general en icelle n'a tenu compte d'en faire poursuite.
  6. Que nos Pasteurs auoient esté chassez violemment hors des villes de Bourges & de la Chasteigneraye.
  7. Que plusieurs personnes faisans profession de la Religion à Chaalons sur Saonne en auroient esté chassées & exilées, comme aussi du Duché de Barrois.
  8. Que les lieux à nous accordez pour l'exercice de la Religion pres des villes de Lyõ, Dijon & Langres nous estoient empeschez.
  9. Qu'és lieux où les habitans sont en possession d'y faire ledict exercice depuis les années 1596. 1597. où partant ils ont par l'Edict toutel liberté, ils y sont troublez, comme à la



Chasteigneraye, à la Chastre, à S. Cyprian, la Herle, Velus, Mauillac, Langon, bourg de Condéen Normandie, à Agiene en Viuarerz, à S. Marcelin en Forest, à la Chaulme en Xaintonge par opposition formelle des Officiers, à Florence Picusqué, Montfort & Puget par les Consuls, pres la ville de Perigueux, à Montignac Charente, par sentence du Seneschal d'Angoumois sur peine de mille liures.

1621.

Que l'education des enfans estoit ostee<sup>10.</sup>  
aux peres de la Religion pour les instruire  
en la Religion contraire, comme au sieur le  
Maistre Maistre des Comptes à Paris, & par  
Arrest de la Cour de Parlement de roüen,  
en la cause d'un nommé Couurechef. *Cela est faux.*

Que plusieurs enfans de la Religion au-<sup>11.</sup>  
roient esté enleuez par des Moynes, com-  
me à Ambrun le fils d'un bourgeois, à Mil-  
laud le fils du sieur Valette, à Leytoure un  
enfant aagé de dix ans nommé François A-  
ram, par le Iesuite Regour le quatriesme  
Januier 1620.

Que nos sepulchres estoient inhumaine-<sup>12.</sup>  
ment violez, ou les sepultures empeschees  
en plusieurs lieux, comme à Aix en Prouen-  
ce, à Gordes, à Mirebeau, à Ongle, à Xain-  
tes, à S. Georges d'Oleron, & en plusieurs  
lieux de la Guyenne & autres endroits avec  
cruauté & barbarie.

Que nos pauvres malades estoient chas-<sup>13.</sup>  
sez des Hospitaux, ou forcez contre leurs  
*Impostures.*

consciencies, comme en la derniere contagion à Paris, en l'Hospital S. Louys, où plusieurs y furent violentez, & tout accez dénié aux Ministres & Anciens pour les consoler.

L 14. Que les Parlemens au preiudice des Chambres establies s'attribuoient la cognoissance de nos causes, comme le Parlement de Bourdeaux plusieurs fois, & particulièrement au faict des habitans du Mas, d'Aginois, qui en ont souffert de tres-grandes vexations, dont plusieurs d'iceux sont morts en prison. Mais principalement és causes criminelles, comme le Parlement de Thoulouze, lequel ayant condamné Iean de Nasses Greffier de Montauban à l'amende honorable, n'a voulu deferer aux Arrests du Conseil, portans renuoy en la Chambre de Castres. Et encor ledit Parlement de Bourdeaux en la cause des habitans de Tartas, qui en la surprise du Chasteau ayans esté cruellement traitez, outragez & chassez, auroiēt esté poursuiuis & mal menez audit Parlement, lequel sur la reclamation des mutins & seditieux, auroit retenu la cognoissance de la cause au preiudice de la Chambre de Nerac.

15. Au Parlement d'Aix quantité des nostres auroiēt esté cruellement retenus en prison plusieurs années, nonobstant leurs causes réuoyées & retenuës en la Chambre de Grenoble suivant l'Edict.

Nous demandions encore que le changement faict és villes de Montault, Vareilles, 16.  
Tarascon, Montgaillard au Comté de Foix  
(esquelles rien ne doit estre innoué suivant  
le breuet de 1598.) fust réparé.

Qu'il pleust au Roy nous octroyer le bre- 17.  
uet de la garde des places de seureté, avec la  
deliurance del'Estat des places de Dauphi-  
né. Faire reuoker l'Arrest de main-leuee  
des biens Ecclesiastiques de Bearn. Faire ré-  
dre la ville de Priuas entre les mains des ha-  
bitans, & leur rendre iustice sur les excez,  
violences & ontrages qu'on leur auoit  
faits.

*Il falloit estre  
sages & non re-  
belles pour ce  
faire.*

18.  
Outre vne infinité d'autres plaintes pu-  
bliques & particulieres trop lōgues à dedui-  
re. Entoutes lesquelles nous esprouuâmes  
le pouuoir de nos ennemis si grand, que rōu-  
te iustice nous y fut desniee, & ne rempor-  
tasmes pour toute responce qu'un comman-  
dement absolu de nous separer.

Mais comme l'vrgence du mal & la neces-  
sité du remede, nous fit recourir plusieurs  
fois vers sa Maieité, nos haineux commen-  
cerent lors de qualifier nostre instance &  
tres-humble supplication reüreree, du tiltre  
de rebellion, pour nous oster l'esperance de  
toute iustice, pour nous rendre odieux &  
pour ouurir la porte à vne guerre & perse-  
cution obtindrent de faire publier vne com-  
miration de crime contre nous (comme si  
c'estoit crime de se plaindre) menaçans tout



1621.

*Cela est sup-  
posé.*

*Tout cela a esté  
accordé & si la  
rebellion n'a  
laissé de se bras-  
ser.*

haut nostre perseuerance, des armes du Roy, & faisans verifier extraordinairement des Edicts burfaux dans les Parlemens pour la necessité des preparatifs à nous faire la guerre. Le Roy neantmoins par la bonté de son naturel, & la force de son inclination à iustice, eschappant aux contraintes de nos ennemis, nous fit promettre par la bouche de Monseigneur le Prince & de Monsieur de Luynes à present Connestable, qui donnerent leur parole à Messieurs de l'Esdiguieres & de Chastillon pour nous en assurer. Qu'apres nostre separation dedans le terme de six mois du iour d'icelle, la ville de Leyctoure nous seroit renduë, les Conseillers receuz au Parlement de Paris, le breuet de la garde des places de seureté & l'estat de celles de Dauphiné nous seroient deliurez. Et le surplus de nos cahyers respondus fauorablement, & les responses executees de bonne foy, & que dans sept mois du iour de la separation, les Deputez de Bearn seroient ouys sur ce qu'ils voudroient remonstrer à sa Maiesté. Et en cas que ces promesses ne fussent executees dans le temps, nous pourrions nous retrouver ensemble, pour demander derechef à sa Maiesté iustice sur nos plaintes. Or d'autant que la condition de ces promesses, des assurances sous lesquelles on nous les fit valoir, & de la bonne foy promise en l'execution d'icelles, depend la iustification principale de nostre procedé

suivant, pour lequel nous sommes iniustement declarez criminels & traittez par la rigueur des armes ; que tout le monde voye icy sur quel fondement a esté appuyé la bonne foy en laquelle nous sommes, & le droit que nous auons eu de nous r'assembler. Pour confirmation de la promesse qui nous en fut faicte, on nous representoit que c'estoit la premiere parole que le Roy eust donnée à ses sujets de la Religion, depuis qu'il tient le gouuernail de son Estar. Monsieur le Connestable adioustoit que la sienne y interuenue nous vaudroit breuets, & peut estre encore d'auantage. Le Roy de sa propre bouche le confirma depuis à Fontainebleau aux Deputez qui l'aduertirent de nostre separation, en presence de Monseigneur le Duc de l'Escliguières qui nous en auoit donné l'assurance. Or nous eust-il esté loisible de desirer ou de nous figurer quelque autre permission plus valable que la sacree parole du Roy, la premiere qu'il nous eust donnée ? Le papier & l'ancre ne peuuent adiouster de poids ny d'autorité aux paroles des Rois. Et certainement nous eussions creu estre indignes de la grace de nostre Roy, & iniurieux à son autorité, si nous eussions requis cette permission sous vne plus grande seureté que sa parole. Ainsi nous estans separez le treiziesme iour d'Auril de l'année derniere, apres vn acte dressé entre nous de nostre obeyssance,

*Voy la responce  
du Duc de Mō-  
basen au sieur  
du Plessis cy  
deuant.*

contenant toutes les conditions & promesses susdites, avec ordre donné à ceux de la Rochelle de faire la conuocation, le cas estant escheu, au lieu qu'ils iugeroient le plus commode. Les Deputez s'estans retirez & ayans rendu compte dans les prouinces, furent continuez, ou d'autres subdeleguez à eux, pour se trouver ensemble, en cas d'execution des choses accordees suiuant la condition des promesses. Cela s'est fait en toutes les Prouinces publiquement au sceu de sa Maiesté & de Messieurs de son Conseil. On ne l'a point trouué mauuais. Le Roy ne fit aucune Declaration contraire. Cependant il est très-certain que s'il y auoit eu quelque entreprise ou attentat contre l'autorité du Roy, ce seroit en la nomination des Deputez, mais comme elle estoit recogneuë legitime par la permission, la condition pendente, aussi nos Deputez generaux faisans la poursuite del'execution des choses promises, n'ont point fait doubte de l'accompagner tousiours de ceste remonstrance vers Messieurs du Conseil. *Faites nous iustice & ne nous donnez point la peine de nous rassembler.* Monsieur le Prince mesme estant allé plusieurs fois au Parlement pour y faire verifier la jussion du Roy sur la reception des Conseillers, leur representa la permission de nous rassembler, à quoy par leurs refusils donnoient occasion.

Or le temps prefix des six mois pour l'accomplir.



complissement des promesses escheant au  
treiziesme d'Octobre sans qu'elles eussent  
forty effect, le Roy s'estant acheminé en  
Guyenne au mois de Septembre, fut sol-  
licité par nos ennemis de faire injonction  
à ceux de Bearn d'executer main-leuee, &  
au Parlement de Pau d'en verifier l'Ar-  
rest. Le terme accordé pour leurs remon-  
strances, que sa Majesté auoit promis  
d'entendre par la bouche de leurs Depu-  
tez, s'estendoit iusques au treiziesme de  
Nouembre; Ce qui fit que sur la iussion  
du Roy, le Parlement de Pau, donna Ar-  
rest par lequel il ordonna que les Deputez  
feroient leurs remonstrances à sa Maie-  
sté dans le temps qui leur estoit accordé ( con-  
firmé derechef par lettre escrite le vingt &  
vniésme Septembre par sa Majesté audit  
Parlement ) autrement ledit temps passé  
l'Arrest de main-leuee demeureroit verifié.  
Sa Majesté non contente de cest Arrest &  
sans attendre les remonstrances de ceux du  
pays, est poussée par nos ennemis à s'y ache-  
miner. Et nonobstant que le Parlement  
par autre Arrest de verification pure &  
simple, eust preueni la venuë de sa Maje-  
sté, elle ne laissa pas par l'induction de nos  
haineux d'entrer dans le pays avec son ar-  
mée. Nous nous tairions icy volontiers de  
la desloyauté de nos ennemis, & des cruau-  
tez y exercées par leurs inductions, si leurs  
accusations calónieuses & la douleur cuisante

1621.

Les autres  
pointes estoient  
accomplies par-  
tant falloir que  
Bearn obeyr,  
les pretendus de  
France ayans  
esté mis hors  
d'intérest pour  
cest affaire en  
laquelle le Roy  
ne procedoit  
qu'avec l'au-  
sice.

1641.

*Il n'en est pas  
ainsi.*

*Ses services fu-  
rent reconnus  
Et sa personne  
toute cassée de  
vieillesse qui  
auoit besoin de  
repos fut soula-  
gée Et deschar-  
gée en ce fait.*

de nos miseres, ne nous obligeoient main-  
tenant d'auoir la bouche ouuerte pour no-  
stre iustification, & pour en crier vengean-  
ce deuant Dieu & les hommes. Nous ne  
parlerons point du changement fait au  
pays par l'vnion à la Couronne de France,  
encore qu'il soit euident qu'elle n'a pas  
tant esté faicte pour aucun aduantage de  
la France, que pour plus de lieu à l'altera-  
tion de nostre Religion. Nous touche-  
rons seulement en peu de mots ce qui a esté  
fait directement pour ruiner la liberté de  
l'Euangile. Le Roy donc estant à Nauar-  
rins, & voulant conseruer au sieur de Sa-  
les la promesse qu'il luy auoit faict don-  
ner dès Bordeaux, & confirmée dans le  
pays, de le maintenir au Gouuernement  
de la ville, à ce conuié encore par les longs  
seruices dudit sieur de Sales, & par la  
prompte obeissance qu'il tesmoignoît par  
toutes sortes de deuoirs à sa Maiesté; non-  
obstant ce, pressé par nos ennemis de luy  
oster le Gouuernement & le donner à vn  
Papistes, fit commandement au sieur de Sa-  
les de se demettre de son gouuernement,  
donné à l'instant au sieur de Poyane enne-  
my iuré de ceux de nostre Religion. Puis  
ayant fait retirer la garnison de la ville, &  
desarmé les habitans, il y fut mis quatre  
cens soldats Papistes sous le commande-  
ment dudit sieur de Poyane. Cela fait pour  
oster tout ce qui restoit de seureté à ceux de

la Religion, les six Capitaines des Parfians furent cassez, & les villes de Sauueterre, Orthez, Oleron & Nai remplies de garnisons Papistes. Le Roy estant de retour à Pau, donna la presidence aux Euesques dans les Estats y conuoquez, pour leur donner par ce moyen l'autorité principale dás le pays. Et Dieu vueille qu'il n'experimente encore d'eux la mesme perfidie qui en chassa son pere en son enfance, & que les pratiques de l'ennemy voisin ne trouuent en eux la facilité à luy donner l'accez dans la France par cette porte, où la fidelité des nostres a tousiours seruy de rempart. Or afin qu'il ne restast rien où la seureté & liberté de nostre Religion ne fussent violees, les Papistes furent faicts maistres de tous les Temples où s'en faisoit l'exercice, quoy que la condition de la main-leuee mesme portast cette reserue, que les Temples demeureroyent aux nostres tandis qu'il leur en seroit pourueu d'ailleurs. Tous ces changemens se faisans en haine de nostre Religion & comme pour la bannir hors du pays, l'audace de tous ceux qui sont nourris & incitez continuellement à nous mal faire en creut de telle sorte, qu'au lieu que le respect de la presence du Roy les deuoit retenir, leur licence au contraire desborda si auant, qu'en tous les lieux où ils mirent le pied, nos Temples ne peurent estre garantis d'infinis rauages & scandales,

*Cela n'est point eni' Ar. rest de la dite main-tenue mais trop bien que le Roy leur pouruoirais d'un Temple.*



iufques là que dedans Pau mefme (le Roy y eftant) ayant brifé la chaire & les bancs du Temple, on y bruffa publiquement la Bible & le Nouveau Testament. Les Ministres en diuers lieux furent outragez, & plusieurs perfonnes contraintes contre leurs consciences à s'agenouïller aux processions. Le furplus des infolences, violences & excez que ce pauvre pays ressentit eft innombrable, & tel que les plus cruels ennemis auroient peu exercer au milieu d'une terre conquife.

Le Bearn reduit en ce miserable estat, le Roy s'en retournant laiffa vne partie de fon armée en Guyenne, & espartit le refte par le Poictou, rempliffant toutes nos Eglifes d'effroy. Et de là en auant on n'oit parler que de la ruine des Huguenots. Tout le discours de la Cour n'est que du fiegé de la Rochelle. On dit qu'il n'y en a pas pour trois mois, qu'on n'attend plus que la faifon commode. Cependant toutes les promesses faictes à Loudun estans negligées, le temps passé fans qu'il y en eust rien d'accomply (hors la deliurance du breuet de la garde des places) quelque instance qu'en eussent fait nos Deputez generaux durant tout ce temps; la conuocation des Deputez nommez par les Prouinces (obligez de se réunir pour représenter leurs requestes à sa Majesté sur l'inexecution des choses promises) se fait

par la ville de la rochelle qui les y assigne  
au vingt cinquieme de Nouembre. Nous  
ne voulons point obmettre qu'apres les  
changemens faits au Bearn, la ville de Lei-  
ctoure fut remise à vn Gentil-homme de la  
Religion, mais nous remettons à iuger à  
toutes personnes equitables, si vne gar-  
nison Papiste y ayant esté laissée, contre  
l'ordre du gouuernement precedant de la  
ville, vn Lieutenant estably, lequel mesme  
n'a iamais eu approbation du Synode de la  
Prouinee, suivant le desir du breuet du Roy  
de la garde des places de seureté: la bonne  
foy a esté obseruée en ce point comme elle  
y auoit esté promise. Nous remettons à iu-  
ger encore, si apres que toutes les seuretez  
d'vn pays nous ont esté arrachees, ce chef  
des promesses executé de la sorte & tous  
les autres negligez & demeurez sans ac-  
complissement, le droit de nous plaindre  
d'vne contrauention si manifeste, & de ces  
nouueaux griefs si cuisans & de tous les au-  
tres qui restoient, a cessé, si la necessité en  
est diminuee & si l'accez & la liberté nous  
en ont deu estre interdits. Telle estant donc  
l'importance des raisons de nous rassem-  
bler, & de recourir promptement en toute  
humilité à la iustice du Roy, comme nous  
en auions permission, neantmoins à peine  
estions nous encore tous rendus en ce lieu,  
qu'on fit publier vne Declaratiō pour nous

*ils veulent  
choisir leurs  
chefs comme  
Maistres com-  
me si le Roy ne  
leur estoit rien.*

1621.

rendre criminels, denonçant ire & iugement de condamnation contre les conuoquans & les conuoquez. Mais cependant autant que nous sentons que le mal nous presse; que nos consciences nous interpellent d'accomplir la charge que nos Eglises nous auoient données, que nous y auons en sincerité le tesmoignage de proceder avec iustice; Nous nous mettons en deuoir de presenter au Roy nos très-humbles remonstrances pour nous purger des fausses accusations & des crimes dont nos ennemis nous chargeoient, abusans de l'autorité de son nom pour destruire la verité de la parole qu'il nous auoit donnée. Luy faire entendre l'vrgente necessité de nos iustes plaintes. Le requerir en toute humilité qu'il luy pleust deliurer nos Eglises de tant d'allarmes & d'espouuans dont elles se voyoient de tous costez entourées. En somme se monstrier nostre protecteur contre vne si violente oppression qui nous est faicte par tout son Royaume au preiudice de l'autorité de ses Edicts, & contre les menaces ouuertes de nostre ruine, que l'exemple des maux du Bearn rendoient si formidables. Mais nous trouuons que nos ennemis auoient bouché les oreilles de sa Majesté à toutes nos requestes, qui sont reiettees sans qu'on vueille rien receuoir ny entendre de nostre part. Et en mesme temps on procede

*Cela est facile  
en luy obey-  
sant.*



dans les Parlemens & Bailliages criminellement contre nous. On menace cette ville & nous de guerre ouuerte comme rebelles & seditieux.

1621.

*En cas de plus  
longue desobeyssance.*

Orlà dessus iugeans par l'experience du passé, & à la methode de nos ennemis, en laquelle nostre dommage ne nous auoit desia rendus que trop sçauans & experimentez, que cette accusation & ces menaces se faisoient pour autoriser vn refus & dény de iustice, & nous faire perdre toute esperance de rien obtenir à l'aduenir en nos plus iustes & necessaires plaintes, nous insistons à plusieurs fois en la iustification de nostre innocence, & perseuerons à supplier, & à ietter aux pieds de sa Majesté nos tres-humbles requestes. Mais comme tout accez nous est interdit, & que pour charger nostre procedure de haine, mesmes à l'endroit des nostres, & pour faire naistre des diuisions parmy nos Eglises, nos ennemis faisoient donner quelques paroles à nos Deputez generaux & à plusieurs autres d'entre nous, que le Roy, resolu de ne rien ouyr de nostre part, vouloit neantmoins traitter fauorablement ses suiets de la Religion & leur rendre iustice. Qu'il entendoit volontiers leurs plaintes par les Deputez generaux & sous le nom des Eglises, pour experimenter quel effect auroient ces paroles, nous intermettons toute poursuittes en nostre nom, & nous

*Il falloit sepa-  
rer cette assem-  
blee prohibee.*

retenons dans le silence, la remettons entiere à nos Deputez generaux pour la faire en leur nom & au nom des Eglises. Et certainement nous ne craindrons point d'adiouster que si l'estat de nos maux croissans de iour en iour, & menaçans de pis, n'eust accru nostre apprehension & nostre iuste defiance, vaincus de tant de chagrin, de rebuts, de menaces, & de desespoir de tout succez, nous n'aurions eu plus grád desir que de nous retirer, & peut estre que nos Eglises nous l'eussent pardonné. Mais en mesme temps la fraude de nos ennemis s'est descouuerte plus auant, & la persecution proiettee contre nous esclattant en diuers endroits, a manifesté leur dessein par tant de perfidies & de violences, qu'estans maintenant obligez pour la iustification de nostre innocence & de nostre defense legitime contre la guerre qu'ils nous font, d'estaller icy leur procedure aux yeux de tout le monde, nous doubterions pour l'honneur de la France de publier des faicts si odieux, si en mesme temps on ne reconnoissoit que ceux qui en sont auteurs sont ses vrais ennemis & ont coniuré sa ruine avec la nostre.

Premierement, sous l'apparence de ces belles promesses, que le Roy vouloit entretenir les Edicts faicts en faueur de ses subiects de la Religion, & leur donner contentement sur leurs plaintes des contrauen-

tions faites à iceux, on attire à la Cour Monsieur le Duc de l'Esclignieres par l'esperance que son entremise contribueroit à obtenir ce contentement, & sous ceste mesme assurance on entretiét tous les autres seigneurs qui sont parminous, & les personnes plus considerables. Cependant en mesme tēps Monsieur de Montmorency leue les armes contre nous en Languedoc, & apres plusieurs actes d'hostilité commis, attaque Villeneuve de Berg que nous tenions en Viuairetz. Et comme il estoit aisé à prevoir que cette violence trouueroit de l'opposition, on y enuoye de la Cour le sieur de Reaux Lieutenant des gardes du corps, portant en apparence commandement de faire desarmer tout ce qu'il trouueroit armé. Monsieur de Chastillon (de qui la prudence & l'affection au seruice du Roy & à la paix de son Royaume auoit retenu iusques là l'impatience des peuples desireux de repousser la force qui leur estoit faicte) ayant esté aduertit de la charge dudit sieur de Reaux par vn archer qu'il luy enuoya, cōtinuē d'arrester l'esmotion des nostres, & cōme il attēd des nouuelles plus particulieres dudit sieur de Reaux & de l'obeissance de Monsieur de Montmorency au commandement qu'il portoit, Villeneuve le Berg qui auoit desia repoussé deux escalades & tous les efforts qui auoient esté faicts à la porte, s'estant renduē au seul nom du Roy

1621.

*Il n'a esté appelé en cour que pour voir avec luy les moyens de les faire obeir & les liberer du crime de rebellion. Voyez ce que j'ay dit la dessus cy devant.*



1627.

entre les mains dudit sieur de Reaux, & soub mise à sa protection & sauue-garde. Monsieur de Montmorency y estant entré y establit garnison, qui à l'instant mesme y commet toutes sortes d'excez & d'outrages. Sur ce les nostres ayās esté induits à s'armer pour la defiance de telles fraudes, & pour la necessité de leur defense, le sieur de Reaux estant venu trouver M. de Chastillon, & sous l'esperance qu'il luy donne que Villeneuve de Berg seroit renduë, & par l'esperance que selon les conuentions du traité accordé entr'eux, toutes choses seroient restablis en paix, ayant obtenu qu'il desarmeroit; ainsi qu'il y satisfaisoit de bonne foy, Monsieur de Montmorency au lieu d'y obeyr de sa part, loge cinq ou six compagnies dedans Villeneuve de Berg & y fait proclamer à son de tambour le sieur de Peraut pour gouverneur, & de plus ayant deliuré plusieurs nouvelles commissions, dattees du lendemain que ledit sieur de Reaux estoit arriué aupres de luy, il assiege Vals autre place de Viurets tenue par les nostres, où mesme ledict sieur de Reaux, cependant que Monsieur de Chastillon se reposoit sur sa parole, de faire accomplir le traité à Monsieur de Montmorency, assistoit luy mesme en personne & estoit spectateur de la batterie. Cette place petite & foible n'ayant rien que ses habitans apres auoir enduré cent coups de

canon, s'estant renduë à composition honorable, contre la capitulation expresse, toutes sortes de cruautéz, violences & barbaries y ont esté exercees sur vne infinité de pauvres personnes innocentes cruellemēt meurtries ou violees. Et contre la foy du mesme traitté, le semblable a esté encore faict en suite à Valons autre place voisine. Ces fraudes & contrauentions aux traittez simulez, manifestent à tous que la parole du Roy & son commandement apperent, n'ont esté employez que pour seruir de piege à nostre bonne foy & pour donner occasiō, sous vn adieu tacite de tout ce que Monsieur de Montmorency feroit au contraire, à nous faire perdre ces places.

*Cela est faux;*

En mesme temps encore le sieur de Po-  
yane s'estant fortifié dans le Bearn pour en  
chasser Monsieur de la Force, on enuoye  
de la part du Roy le sieur de la Saladie à  
Monsieur de la Force pour luy faire com-  
mandement de congédier quelques troup-  
pes qu'il tenoit pres de luy pour sa seureté,  
& pour maintenir l'autorité du Roy en sa  
charge au gouvernement du pays, contre  
les entrepriles violentes dudit sieur de Po-  
yane. Mais ledit sieur de la Saladie au lieu  
de remporter la responce de Monsieur de  
la Force au Roy, comme il faisoit semblant,  
est allé par la Guyenne porter commande-  
ment d'armer à Messieurs d'Espernon, de  
Vignoles & à plusieurs autres, d'où nous

*pour ce qu'il al-  
loit soustenant  
le pays.*

*La responce n'e-  
stoit que prein-  
dicable.*

1621.

auons veu à l'instant la Guyenne toute réplie d'armes, outre celles qui y auoient esté auparauant laïssées.

*De peur qu'ils ne se faissent des deniers comme ils auoient ia fait l'hyuer dernier & ordonné de ce faire par le reglement de l'assemblée de la Rochelle cy dessus.*

D'autre costé nous auons veu en ce mesme instant les troupes laïssées dans le Poictou s'auoisiner des enuiron de cette ville & de S. Iean d'Angely. Et par vn Arrest du Conseil tous les Bureaux des receptes transferez de toutes les places de nostre seureté où ils estoient establis, argument sensible, qu'encore que la seule ville de la Rochelle fust menacée, on en vouloit neantmoins à toutes les autres, & d'vn dessein de guerre generale contre nous formé & proche; Cette translation ne se faisant pour autre cause que pour nous oster le moyen, la persecution ia resoluë suruenant, de nous ayder de ces commoditez pour nostre defense, preuue par consequent qu'on se pre paroît de nous y reduire.

Or comme par ces alterations nouuelles à nostre repos, ces menaces, l'oppression & la persecution ouuerte en tant de lieux, nous preuoyons assez l'orage qui nous pāchoit sur la teste & prest à esclater, recognoissans encore que nos ennemis enfléz du succez rencontré au rauage & desolation du Bearn n'auoient attendu depuis, que la saison commode de continuer nostre ruine par vne guerre ouuerte, ayans de cela prou d'enseignemens par les propos qu'on auoit tenu ouuertement, au re-



tour du Bearn, du siege de la Rochelle, des moyens & de la facilité de la prendre. Par les calomnies qu'on nous suscitoit pour en auoir pretexte, par les menaces que nous en entendions, & par les apprests qui s'en faisoient visiblement. Neantmoins sous les paroles qu'on donnoit de la bonté du Roy envers ses subiects de la Religion & l'autorité de ses Edicts, nos Deputez generaux à l'entremise desquels toute la poursuite estoit remise, presenterent à sa Maesté vn cahier de plaintes pour auoir reparation sur quelques griefs des plus importants, & d'une plus prompte & necessaire execution pour le repos & la seureté de nos Eglise.

Mais apres plusieurs instances & remises, apres diuerfes sollicitations & prieres de tous ceux qui tiennent les premiers rangs entre nous, mesme de Monsieur le Duc de l'Esdiguieres present à la Cour, nos Deputez generaux n'ont iamais peu obtenir aucune responce. Seulement Monsieur de Fabas l'un d'iceux, & vn Gentil-homme de la part de Monsieur le Duc de l'Esdiguieres estant venu vers nous, & nous ayans fait entendre conformément à vn escrit de Mondit sieur de l'Esdiguieres signé de sa main. Que pour tout contentement sur tant de plaintes, Monsieur le Duc de l'Esdiguieres se promettoit que moyennant nostre separation prea-

*Ouy moyennant  
l'obeissance &  
la rupture de  
l'Assemblée de  
la Rochelle.*

1621.

*Ce fut au regret  
de sa Maesté  
qui ne demande  
quel'obeissance.*

lablement effectuée, on obtiendrait la retraite des troupes des lieux où elles nous donnoient quelque defiance. Que l'estat des places de Dauphiné seroit cherché pour nous estre deliuré dans six mois, au cas qu'il se trouuast. Qu'il seroit pourueu pour ceux de Bearn au remplacement des deniers accordez au lieu des reuenus Ecclesiastiques. Que Monsieur de la Force & ses enfanseroient laissez en leurs charges. Et au surplus que parole tres assuree luy auoit esté donnée que rien ne seroit entrepris, attendât le tēps qu'il cōuiendrait pour auoir nos resolutions. Mais comme nous vaquions à icelles, nous eusmes aduis par Monsieur Chalas, l'autre de nos Deputez generaux, que le lendemain & contre lescdites promesses nos ennemis auoient porté le Roy à resoudre absolument & ouuertement la guerre contre nous, & à faire le departement d'une armee de quarante & vn mille hommes de pied & de six milles cheuaux. Et que la charge de Monsieur de la Force du gouuernement de Bearn auoit esté donnée à Monsieur le Marechal de Themines, & celle de Capitaine des Gardes qu'auoit Monsieur le Marquis de la Force son fils, donnée à Monsieur le Marquis de Mauny, & que Monsieur de Monpouillan vn autre de ses fils auoit eu commandement de se retirer de la Cour.

En ce mēme temps comme nos ennemis

hastoient nostre persecution par toutes  
sortes de moyens, les predications seditieu-  
ses, l'instruction des confessions, les libel-  
les diffamatoires, les calomnies & impo-  
stures contre nostre fidelité, l'impression de  
la haine du Roy contre nostre Religion, &  
les declarations de guerre publiques contre  
nous produisans leur effect, est arriué en la  
ville de Tours le 19. Aueil qu'un nommé  
Martin le Noir peu auparauant conuertý à  
nostre Religion, pour raison dequoy il a-  
uoit souffert plusieurs iniures & conuices,  
iusques là que le peuple ayant faict vne ef-  
figie de paille, & l'appellant tantost de son  
nom, tantost de Martin Luther, l'auoit pu-  
bliquement bruslee, sans qu'on ayt iamais  
peu obtenir iustice d'une insolence si ou-  
trageuse: estant lors decedé ainsi qu'on le  
portoit en terre, le peuple s'estant mutiné  
apres auoir seui sur son corps & ceux qui  
le portoient au sepulchre, apres auoir com-  
mis toutes sortes d'indignitez & d'inhumani-  
tez au deterrement d'iceluy, cherchant à  
faire pis, esmeut vne plus violente sedition  
& ayant abbatu & demoli vne maison pro-  
che du cimetiére, court au Temple esloi-  
gné de là d'un quart de lieuë, y met le feu,  
entre dans la maison du Concierge, la pille  
& la saccage, & estant accreu iusqu'au nô-  
bre d'une effroyable multitude, demeure  
trois iours entiers à continuer l'embrase-  
ment & la demolition du Temple sans que

*Cela ayant esté  
chastie par com-  
mandement du  
Roy & estant  
un faict partic.  
ne doit estre ra-  
mené en ieu, on  
en faict bien  
d'autres a la  
Rochelle.*



1621.

*Les officiers du  
Roy mirent  
ordre.*

le Magistrat y interuint, ou qu'y interue-  
nant trop tard, il ayt peu suffire à reprimer  
vne violence si enragee. De là l'exemple de  
cette sedition passe incontinent en la ville  
de Poictiers, où le peuple poussé de pareil-  
le fureur a demoli de fonds en comble les  
murailles du cimeriere où ceux de la Reli-  
gion enterrent leurs morts, rompu & bri-  
lé toutes les tumbes, & prest à commettre  
vne semblable violence contre le Temple,  
si le Magistrat plus soigneux n'en eust arre-  
sté le cours.

Or toute la suite des conseils & des ac-  
tions de nos ennemis iusques-là, & princi-  
palement ces funestes & espouventables ef-  
clandres, ces grands preparatifs de guerre,  
l'iniustice & rigoureux traictement faict  
sans cause à Monsieur de la Force & à ses  
enfants contre les assurances tout fraische-  
ment donnees du contraire, avec les armes  
toutes prestes sous le commandement de  
Monsieur d'Espéron pour l'inuasion de  
Bearn, tesmoignoient & donnoient assez  
à cognoistre que l'heure d'une persecution  
generale estoit venuë, & que le dessein ia  
long temps formé de nostre ruine estoit es-  
clos. Pour ceste cause nos ennemis afin que  
leur perfidie peutioüier leur ieu & faire son  
effort, font promettre d'un costé que le  
Roy feroit faire iustice de la sedition de  
Tours, & afin de leuer ailleurs les desiances  
ou pour endormir les plus confidens, font  
verifier

verifier en tous les Parlemens vne Declaration duvingtsept iefme iour d'Auril portant que le Roy voulant chastier quelques vns deses subiects de la Religion ( qu'on appelle rebelles & seditieux ) vouloit & promettoit d'entretenir ses Edicts, à tous ceux qui demeureroient en son obeissance, les maintenir & conseruer en toute liberte, & seureté suiuant le contenu des Edicts. Et finalement font donner assurance à Monsieur de la Force, que quittant le Bearn; & en donnant aduis à Monsieur d'Espernon, on luy feroit commandement de se retirer. Or voycy quel a esté l'effect de ces promesses. Nous commencerons par le dernier chef qui a esté le premier violé. Monsieur de la Force s'estant retiré, & ayant donné aduis à Monsieur d'Espernon de son desarmement & de sa retraite par le sieur Baron d'Arros, incontinent apres M. d'Espernon est entré avec son armee dans le pays, s'est saisi de toutes les villes & places où ceux de nostre Religion estoient en plus grand nombre, les a remplies de fortes garnisons, razé le Chasteau de Montanay, & reduict tous les nostres à vn si deplorable estat, que la pluspart, voire les principaux ont esté contrains de s'enfuir, & d'abandonner leurs biens & leur pays, avec meurtre de plusieurs personnes desarmees & sans defence, & les autres demeurent à present regenus sous vne miserable seruitude, souff-

*Si le Marquis de la Force eust desarmé de bonne heure il eust sauué cette peñne à M. d'Espernon.*

*Comme rebelles qui suýent la peñne.*

1621.

*Le Roy cognoist  
assez la mau-  
uaise affection  
des habitans  
qui ont souuen-  
t sous gourman-  
de le sieur du  
Plessis, il leur  
falloit un plus  
rude directeur.*

frans toutes sortes d'iniures & de cruautéz. D'autre costé le Roy s'auançant pour l'exécution des menaces publiees contre ceste ville, apres auoir respandu par toutes assurances qu'il n'en vouloit point au general de ceux de nostre Religion, & donné particulieres promesses aux gouuerneurs de quelques places de nostre seureté, qu'entrant en icelles il n'y innoueroit rien, ayant passé par Tours où la sedition s'estant renforcee, & le Commissaire enuoyé pour l'exécution de la iustice, chassé dehors, les prisonniers tirez des prisons par violence, les maisons des nostres (qui par l'effroy du premier tumulte s'estoient retirez) pillées & saccagees, à peine la seule reuerence du Roy violée a esté expiée par le supplice de cinq miserables belistres. Et cela encores pour entretenir la credulité de ceux qu'on voudroit repaistre d'opinion que l'entretienement des Edicts seroit continué. Sa Maiesté est venuë à Saumur où Monsieur du Plessis, sous les promesses expresses qu'on luy auoit donnees que rien ne seroit changé au gouuernement, & sous la foy de la Declaration publiee trois semaines auparauant, ayant ouuert les portes de la ville & du Chasteau au Roy, a fait l'essay à nostre grand dōmage, des fraudes & perfidies de nos ennemis, qui ont induit le Roy à luy oster le gouuernement, & à mettre vne garnison de 400. soldats de ses gardes dans le Chasteau, & vne autre dans le fauxbourg



de la croix verte, & par ce moyen nous faire perdre ceste place de seureté. Avec quelle horreur & indignation toute la France peut-elle voir que les ennemis de son repos & du seruice du Roy abusent ainsi perfidement de son nom & de sa parole, pour commettre des desloyautez si detestables? Il n'y a que dix mois que par breuet expres de sa Maiesté la garde des places de seureté nous a esté continuée pour quatre ans. Entre toutes, la ville de Saumur estoit vne des plus importantes à nostre seureté. Elle estoit en nos mains depuis que le feu Roy estant Roy de Nauarre appelé par le Roy Henry troisieme à son secours, vint suivi de ceux de nostre Religion pour le deliurer de la captiuité & de la tyrannie de la Ligue, on luy donna cette ville pour le passage, & elle demeura des lors en nos mains pour marque de nos bons seruices, & de nostre fidelité à cette Couronne. Cette place sise sur la Loire estoit pour nous seruir, aux persecutions & aux confusions que les ennemis de cet estat esmeuent aujourdhuy, de retraite ou de passage commode à tant de pauures troupeaux descouverts, pour se sauuer de la furie des feux ou des glaiues qu'on leur prepare. Cette ville durant le repos des années passées a seruy de pepiniere à l'Eglise, & estoit le logis d'une Academie florissante. Pour ces causes la cruauté de nos enne-

1621.

*C'est pour en-  
tretenir la paix  
& empêcher le  
trouble d'icelles*

misa poussé le Roy à nous commencer la guerre, en laquelle ils le precipitent contre nous, par vne playe si cuisante, que pour nous faire avec plus de facilité toutes les calomnies precedentes, tous les pretextes de desobeissance & rebellion, toutes les declarations particulieres contre nostre Assemblée & cette ville, toutes les declarations & promesses en faueur de ceux qui demeureroient en l'obeissance du Roy ont esté employees. Car pourroit on bien dire que Monsieur du Plessis, de qui personne n'ignore les longs & fideles seruices rendus au feu Roy & à sa Maiesté à present regnante, ait commis quelque desobeissance & Rebellion: Ains n'auoit-il pas mesme passé toute mesure de confiance en la desloyauté de nos ennemis pour le respect du seul nom du Roy? Et estimant destourner de dessus sa teste l'orage duquel il voyoit vne partie des nostres ouuertement macez, auoit luy mesme publié le benefice de cette trompeuse declaration; & pour en faire la premiere espreuue, ouuert au Roy avec tant de confiance les portes de la ville. Aussi le masque leué en cet endroit, on n'a plus fait de doute de monstrer qu'on en veut à tout le general. Car aussi tost que le Roy a esté à Saumur on a eu nouuelles du desarmement qui s'est faict de tous ceux de la Religion par toutes les principales villes de la Normandie, ceux-là estoient ils aussi criminels, ou

depuis la Declaration ont ils commis Rebellion ou desobeïssance? Qui plus est, cōme le Roy estoit à Saumur, le sieur Arnaut est allé à Saint Iean d'Angely le iour de Samedy quinziesme mois du present, portant commandement à Monsieur le Duc de Rohan & à Monsieur de Soubize d'aller trouuer sa Maïesté, comme desirant auoir leur aduis pour accommodement des affaires presentes. Cecy se faisoit à deux fins. L'vne, à fin que pour l'esperance de quelque iustice, les grands & les peuples de nostre Religion fussent retenus comme ils ont esté iusques à present, tandis qu'on diligentoit de toutes parts contre nous les preparatifs de la guerre. L'autre principale & plus proche, pour couvrir la desfiance ou le soupçon des troupes du Roy conduites par Monsieur d'Auriac, qui le lendemain s'estant ietté dans les faux-bourgs de S. Iean avec 3. milles cinq cens hommes, at-  
taqua la ville, & fit effort iusques dedans les portes pour y entrer & la surprendre d'assaut, s'il n'y eust trouué resistance. Cette ville estoit elle criminelle? le pouoit elle estre que ces Seigneurs ne le fussent? Et cependant le Roy escrit à M. le Duc de Rohā, cōme le recognoissant fidele & affectionné à son seruice & gouuerneur & son Lieutenant en la Prouince du Poictou, ce qui ne se feroit pas à vn rebelle & desobeïssant. Quelle autre crime a donc cōmis cette ville

*Le Roy n'y pro-  
cedoit qu'à  
bonne fin.*

*Cela s'est fait  
apres les prati-  
ques du Duc de  
Rohan avec les  
Rochelois des-  
couuertes.*



1621.

pour estre inuestie & menacee de siege, & reduite comme elle est à present, à attendre deuant ses murailles le canon du Roy & son armee qui s'auance en diligence pour l'assiéger. Quel crime a commis encore la ville de largeau autre place de seureté, qui en mesme temps a esté inuestie, autre que le crime qu'on a iuré de ne nous pardonner pas? que la haine de nostre Religion dont ils ont coniuré la ruine?

C'est ce que nous proposons deuant les yeux de tous les François, & non seulement d'eux, mais de tous les Chrestiens que nous appellons icy pour iuges de nostre innocence, & de la violente persecution que nous souffrons iniustement. Et encore que le precedent recit veritable des procédures de nos ennemis contre nous, & des nostres enuers nostre Roy, donne assez à cognoistre la calomnie de l'accusation par laquelle ils nous publient rebelles & desobeyssans, toutesfois pour ne laisser aucun ombrage qui puisse alier de nous la faueur du iugement equitable des gens de bien, leur compassion de nos miseres, & leur secours du besoin de nostre defense necessaire & iuste: il nous est ayse de faire voir qu'il n'y a en nous ny soupçon ny apparence du crime de rebellion qu'ils nous imposent. Ia à Dieu ne plaise qu'aucun estime que les plaintes, que la

violence de l'oppressiõ extorquee de nous  
regardent nostre Roy, auquel nous reco-  
gnoißons & reuerons de tout nostre cœur  
l'image de Dieu icy bas.

Pourtant estans reduits pour la liberté  
de nos consciences, & pour les affections  
de nostre patrie de chercher en nous mes-  
mes, & vers les amis de nostre Religion &  
de cet estat, vne iuste & necessaire defense;  
nous nous adressons encore icy avec lar-  
mes à Nostre Roy, le supplians en toute  
humilité considerer & croire, que les vœux  
& plus ardens desirs, que nous espondons  
continuellement vers Dieu en nos prieres,  
sont pour la prosperité de sa personne, &  
de son Estat. Et qu'il se souuienne que nos  
peres, enseignez par leur Religion à la  
vraye obeïssance deuë à leur Roy, ont abā-  
donné le soin de leurs propres vies, pour  
rendre vtils & fructueux le soin & les la-  
beurs de Henry le Grand, à reconquerir ce  
Royaume perfidement vendu & mis en  
proye à ses ennemis, par les mesmes pretextes  
de haine & de persecution contre no-  
stre Religion & nous. Et que par là il enten-  
de que nous suiuaus l'exemple de nos pe-  
res, heritiers de leurs affections, n'auons  
iamais abandonné le deuoir de nostre naïf-  
sance, ny refusé la vraye obeïssance, & le  
prompt seruice que nostre Religion nous  
apprend à luy rendre.

Cependant nous appellons icy par nos

tres humbles supplications tous les Rois, Princes & Estats interressez en l'innocence de bons & fideles subiects opprimee, mais principalement obligez envers Dieu, à la defense de sa cause & de sa verité. Et requerrons d'appuyer de leur secours & de leur assistance, la foible defense que nous opposons par necessité à tant de forces puissantes de nos ennemis, qui ayans choisi ce temps expres, apres qu'ils ont allumé le feu dans la pluspart des Estats, d'où ils estiment que nous eussions peu attendre secours, pensent nous opprimer maintenant avec plus de facilité. Mais nostre confiance principale est au bras du Tout puissant, qui renuerse les desseins des nations, & souffle sur l'entre-prise des peuples coniurez contre son Israël. Et puisque pour la gloire de son Nom nous sommes hays, & que pour renuerse sa verité on cherche nostre ruine, nous nous asseurons qu'il nous fera sentir la mesme deliurance que nos peres ont esprouvé de son secours, que nous inuouons du profond de nos ames.

*C'est la Declaration des Eglises Reformees de France & Souueraineté de Bearn. par leurs Deputés Assemblez à la Rochelle Et pour tous,*

COMBORT,  
BANAGE,  
RODIL,  
RIFFAUT,

*President.*  
*Adioint.*  
*Secrétaire.*  
*Secrétaire.*



Aprestant de sortes de plaintes, ils commandent à produire les marques d'une République qu'ils vouloient introduire dās le fein de l'Estat, par vn establissement nouveau d'une nouvelle admirauté en la forme & maniere qui s'ensuit és articles cy-apres declarez.

1621.

*Reglement pronisioire de l'Admirauté estably par l'assemblée generale des Eglises Reformées de France & souveraineté de Bearntenant à la Rochelle l'an 1621. en attendant qu'il plaise au Roy restablir ses subiects de la Religion en la iouissance du benefice de ses Edicts, & faire cesser les persecutions qui se font à l'encontre d'eux par les artifices des ennemis de ladite Religion & de l'Estat qui les ont contrainct d'auoir recours aux armes pour s'opposer à leur iniuste violence & oppression & pour uoir à leur commune seurété & conseruation.*



Remierement pour conseruer la I. liberté du commerce à ceux de ladite Religion & empescher qu'ils ne soient troublez és nauigations maritimes, comme ils sont en leurs negotiations par terre, & exercice de leurs charges & fonctions, ladite assemblée fera expedier deux sortes de commissions, l'une en forme de passeports & saufconduits pour toutes sortes de marchands qui viendront traffiquer en ladite ville de la Rochelle &

1621.

autres villes, ports & haures qui embrassent la iuste deffence desdites Eglises: & l'autre en forme de congez pour faire la guerre & s'opposer aux pernicioeux desseins, & par mesme moyen courir sus aux fourbans, pirates, corsaires & autres gens sans adueu qui tiennent la mer & empeschent la librté dudit commerce.

- II. Que lesdits passeports se deliurent à toute sorte de marchands de bonne foy qui en voudront prendre en payant telle taxe moderee qu'il sera aduisé par ladite assemblee, suiuant le reglement qui en sera dressé, sauf pour le transport des marchandises & contrebande qui est expressement deffenduë ausdits marchands, lesquels se contraindront dans les termes de leurs negotiations & commerce sans se mesler d'aucunes affaires & intelligences.
- III. Que ceux de ladite ville de la Rochelle qui iugeront lesdits passeports ne leur estre necessaires & pouuoir sans iceux continuer leur trafic, ne seront point obligez y auoir recours si bon ne leur semble, & ne pourront estre inquietez ne molestez en leur dit trafic, encore qu'ils ne soient point munis desdits congez & passeports.
- IV. Et pour le regard des conseils pour faire la guerre, ne se deliureront qu'à personnes bien fameuses & qui n'ayent esté preuenus d'aucunes malueriations lesquels seront tenus de bailler bonnes & suffisantes cautions

pardenant les Commissaires establis pour le fait de ladite Admirauté de retourner avec leurs prises en ladite ville de la Rochelle & non ailleurs, de n'atrenter aux nauires, personnes & biens de ceux de la Religion, ny des subiets des Roys de la grande Bretagne, de Dannemarch & Suede, des Estats de Hollande & villes maritimes d'Allemagne, de la republique de Venise & du Duc de Sauoye; lesquels estrangers seront neantmoins obligez de prendre passeports des marchandises soient vins, bleds ou autres qu'ils chargeront en ladite ville de la Rochelle & autres ports & haures estans de l'ynion des Eglises, & payer les droicts pour ce imposez & deubs de mesme que les re-  
gnicoles.

Comme pareillement seront lesdits Capitaines de marine & leurs cautions obligez de payer les droicts ordonnés sur les prises adiugees tant pour la cause publique que pour ladite ville de la Rochelle. & d'observer entierement le contenu au present reglement, dont leur sera baillé coppie, ensemble les ordonnances Royaux sur le fait de l'Admirauté. V.

Qu'il sera tenu bon & fidelle Registre & VI.  
controllé desdits passeports, saufconduits & congez pour faire la guerre affin d'y auoir recours quand besoing sera, lesquels seront enregistrez au Greffe des Cōmissaires establis par ladite assemblée sur le fait de ladite Admirauté.



1621.

VII.

Qu'outre les cautions que donneront lesdits Capitaines auant qu'on leur deliure lesdits congez, seront tenus de bailler les noms & surnoms des soldats & matelots de leurs equipages pour estre aussi enregistrez au Greffe de ladite Admirauté.

VIII.

Qu'aussi par vertu desdits congez pour faire la guerre lesdits Capitaines abordans quelques nauires soient regnicoles ou estrangers, ils ne pourront les piller ny rōpre aucuns coffres, casses ou balles de marchandises, ains seront tenus de conseruer fidèlement le tout, pour estre representé à la Justice en ladite ville de la Rochelle, & en estre fait bon & fidelle inuentaie à la conseruation des droicts des marchands, en cas que la prise fust mauuaise, ou desdits Capitaines, bourgeois & auitailleurs, en cas que ladite prise fust iugée bonne & bien faite, comme aussi pour la conseruation des droicts des deux dixiesmes qui se payeront pour ledit droict d'Admirauté; sçauoir l'un pour la cause generale desdits Anglois, & l'autre au proffit particulier de ladite ville de la Rochelle pour employer aux frais & despens qu'elle supporte iournellement.

IX.

Que lesdits passeports, saufconduits, congez & commissions pour faire la guerre, ne pourront seruir que pour vn seul voyage & pour les trois mois au plus, sinon que pour lesdits congez ledit terme fust autrement limité par ladite assemblée. Au retour desdits

voyages, lesdits Capitaines de marine soit qu'ils ayent pris ou non, seront tenus de se représenter pour faire rapport de leursdits voyages pardeuant lesdits Commissaires de l'Admirauté, & où ils feroient quelque prise, représenteroient fidèlement toutes les cognoissances, chartes, partyes & papiers de garnisons qui se trouuerront esdits vaisseaux, ensemble tout l'or, l'argent, pierres, meubles & marchandises affin qu'on puisse recognoistre la qualité & quantité des choses qui se trouuerront desdites prises, sans que lesdits Capitaines ou autres de leur équipage desquels ils seront responsables, en puissent reprimer, lacerer ou latisser aucuns, sur peine d'en respondre & leurs cautions en leur propre & priué nom & d'estre priuez de tout le profit qu'ils pourroient esperer desdites prises & punis exemplairement selon l'exigence des cas & suyuant lesdites ordonnances Royaux sur le fait de ladite Admirauté.

Représenteront aussi lesdits Capitaines X. deux ou trois des principaux de l'équipage desdites prises pour estre ouys par leur bouche conformement aux ordonnances Royaux, sur le fait de ladite Admirauté, sans qu'ils se puissent dispenser de ladite représentation sous quelque pretexte que ce soit pour obuier aux abus & maluerfations qui se pourroient commettre sur le fait desdites prises.

1621.

- XI. Et où il seroit trouué bon par ladite assemblée de dresser quelque corps d'armée nauale pour resister aux efforts des ennemis de ladite Religion, seront tenus lesdits Capitaines de se soubmettre à se rendre en tels ports & haures ou rades qu'il leur sera prescrit, avec leurs vaisseaux bien armez ou equippez pour executer ce qu'il leur sera commandé sous la charge & conduite de tels Admiraux, Vice admiraux ou Capitaines qu'il sera aduisé par ladite assemblée.
- XII. Et d'autant que plusieurs marchands de cettedite ville de la Rochelle & autres qui sont en l'Vniō desdites Eglises ont leurs biens en plusieurs Prouinces esloignées tant dedans que dehors le Royaume & mesme parmy ceux qui sont du party contraire, il leur sera permis de retirer leursdits biens & marchandises en tels vaisseaux qu'ils pourront rencontrer, sans que lesdites marchandises qui seront recogneuës par bonnes & suffisantes preuues leur appartenir, puissent estre declarées de bonne prise, ores qu'elles fussent en vaisseaux ennemis & nō obstant ce qui s'observe, en cas que les confiscations font perdre le non confiscable.
- XIII. Que ceux mesme de contraire party qui se trouueront auoir de bonne foy quelques garnisons pour venir en ladite ville de la Rochelle apporter des marchandises & en emporter d'autres premier que d'auoir



eu cognoissance du present reglement ne seront subiets à la rigueur d'iceluy pendant l'espace d'un mois, apres lequel ils seront contrains d'auoir recours ausdits passeports & sauſconduits qui ne leur seront desniez en payant les droicts qui pour ce seront establis par ladite assemblée, sauſ toutesfois pour le regard des nauires qui sont allées aux terres neuues pour la pesche du poisson & en Canada pour les pelleteries, lesquels ne seront compris au present reglement qu'apres le temps ordinaire de leur voyagé & retour expiré.

Que pour le iugement desdites prises & XIV.  
autres affaires concernant ladite Admirauté, ladite assemblée establiſſera dix Commissaires, dont les cinq seront du corps d'icelle & les autres de ladite ville de la Rochelle, du nombre desquels sera le Iuge ordinaire de ladite Admirauté, & lesquels Commissaires iugeront pareillement en dernier ressort & sans appel tant en matiere ciuile que criminelle, estans au nombre de sept pour le moins, dont le President sera tousiours du corps de l'assemblée, tous les procez & differens concernans ladite Admirauté, & seront les quatre desdits Commissaires changez de trois mois en trois mois selon qu'il sera aduisé par ladite assemblée.

Que les deniers prouenans des droicts XV.  
& emolumens tant desdits passeports & congez desdites prises qui seront adiugés,

1621.

seront receuës par le thresorier general estably par ladite assemblée en ladite ville de la Rochelle, qui sera tenu d'en rendre compte pardeuât ladite assemblée ou tels autres Commissaires qu'elle aduifera.

XVI. Et quant au dixiesme desdites prises accordé en ladite ville de la Rochelle, sera mis entre les mains du thresorier des deniers communs d'icelle ou tel autre receueur extraordinaire que bon leur semblera, qui leur en rendra compte selon qu'il est accoustumé suyuant leur priuilege. Que pour veiller à ce qu'apres ce qui aura esté amené quelque prise en cette dicte ville de la Rochelle les marchandises & autres choses estans en icelle en soient fidellement inuentorices & conseruées en lieu seur, seront nommez par ladite assemblée deux Commissaires & deux par ladite ville de la Rochelle pour en faire la visité & inuentaie, & ne pourront les officiers ordinaires de ladite admirauté, entrer dans les vaisseaux pour en faire ladite visité & inuentaie que avec les susdits Commissaires & en leur presence.

XVII. Et finalement seront en outre lesdits Reglemens observez exactement & les ordonnances Royaux sur le fait de ladite Admirauté tant pour ce qui concerne lesdits Capitaines & prises qu'autrement, le tout iusques à ce qu'il ait plu à Dieu faire cesser le cours des persecutions presentes & remettre toutes choses en vne bonne paix & tranquillité

de la Rebellion de France. 241

lité sous l'obeïssance & seruice du Roy.

1621.

Fait & arresté en ladite assemblée generale le cinquiesme iour de Iuin mil six cens vingt-un. Signé Loubie President. P. Hesperien adioinct Ieneph Secretaire, Riffaut Secretaire & scellé de cire rouge.

Et pour faire subsister leur armement & subuenir à la despence de la guerre & entretien de ladite assemblée, fut arresté en mesme temps de faire vne taxe & imposition de deniers, sur toute sorte de marchandises entrant tant en ladite ville de la Rochelle tant par mer que par terre, qu'autres lieux où sôt establis bureaux de recepte: en cette sorte.

Reglement pour la taxe des marchandises.

Reglement fait en l'assemblée generale des Eglises Reformees de France & souveraineté de Bearn tenant à la Rochelle sur la taxe & imposition sur toutes marchandises & denrees qui sera payée par tous les marchands tant Regnicoles qu'estrangers traffiquans sur mer & sur les riuieres de Gironde, Sendra, Charente & autres, & aux lieux & endroits où les bureaux & receptes seront establis conformement à ce qui en a esté arresté par les reglemens generaux sur ce dressez par ladite assemblée.

P Remierement pour chaque tonneau de froment ou graine de moutarde qui se transporte à Bordeaux, sera payé la somme de  
l. 4  
Pour celuy qui se transporte de la riuierē

Q



de Giróde en Espagne, Portugal, Bayonne ou saint Jean de Lude.	1. 6
Du tonneau de seigle ou mesure allant à Bordeaux la somme de	1. 210
Pour celuy qui se transporte en Espagne, Bayonne & S. Jean de Lude	1. 4
Pour tonneau d'orge, millet, febues & a-uoyne allant à Bordeaux	1. 110
Pour celuy qui se transporte en Espagne, Portugal, Bayonne & S. Jean de Lux	1. 3
Pour tonneau de vin, vinaigre, & eau de vie	1. 6
Pour tonneau de vin de Ré	1. 3
Pour tonneau de Prunes	1. 710
Pour tonneau de miel	1. 6
Pour tonneau de poix à prendre 6. barils pour tonneau	1. 6
Pour muid de sel	1. 1
Pour celuy qui se transporte en Espagne ou pour ceux du grand party	1. 110
<i>Pour les Marchandises cy-apres declarees sera payé un sol pour liure suyuant l'appretiation desdites marchandises qui ensuyuent.</i>	
Premierement le tonneau d'huile d'oliue appretié à	1. 24
Le tonneau d'huile de poisson	1. 60
La barique de capres	1. 50
La iarre d'Oliues.	1. 1
La barique de fauon	1. 30
Le tonneau d'huile de noix.	1. 180
La barique de baleine	1. 24
La barique de fardines blanches	1. 12

*de la Rebellion de France.* 243

La barique de bretes	l. 15
Le lest de haren de Flandres, Dieppe, Bou- longne, Calais ou Gerrino douze barils pour lest appretié a	l. 120
Le lest de haren de Couronne	l. 150
Le lest de haren d'Escoffe où d'Irlande	l. 100
Le lest de haran for.	l. 120
Le lest de guerdon petite sorte douze ba- rils au lest	l. 36
Le lest de la moyenne sorte	l. 45
Le lest de la grande sorte	l. 72
Le muid de charbon de terre	l. 30
Le tonneau de tourmentine	l. 50
Le baril de clou forgé	l. 50
Le tonneau d'encens	l. 45
Le baril de fer blanc	l. 30
La barique de graine de lin	l. 10

*Autres marchandises qui se mesurent &  
vendent au poids.*

Le quintal de sucre de madere dont le coffre doit pezer quatre quintaux net	l. 200
Le quintal de sucre de Barbarie dont le cof- fre doit peser 4. quintaux net	l. 150
La barique de cassonnade contenant cinq quintaux net	l. 170
Quintal de cassonnade grise	l. 25
Quintal de noire	l. 18
Quintal de confitures liquides de toutes sortes	l. 50
Quintal de confitures seiches	l. 100
Quintal d'amandes	l. 25
Quintal de canelle	l. 70

Quintal de girofle	l. 300
Quintal de muscades	l. 120
Quintal de poiure	l. 80
Quintal de gingembre	l. 25
Quintal de beurre d'Angleterre	l. 20
Quintal de beurre de Bretagne	l. 15
Quintal de cuire	l. 60
Le millier de rezine	l. 25
Le millier de bré	l. 25
Le millier de fer subtil	l. 60
Le millier de gros fer	l. 50
Le millier de plomb en Saumon	l. 50
Le millier de plomb en table	l. 60
Le millier d'acier	l. 100
Le quintal de cherüis de Bordeaux, la balle pesant quatre quintaux	l. 12
Le millier de fallicot	l. 30
Le cent de sauon	l. 25
Le cent de batterie de chaudrons de Na- mur	l. 45
Le cent d'allun	l. 10
Le cent de plume	l. 28
Le cent de gomme	l. 20
Le cent de comperge	l. 4
Le cent de cire de Paris	l. 78
Le cent de cire de Flandre	l. 60
Le cent de suif	l. 15
Le cent de cotton	l. 60
Le cent de fil de botte	l. 25
Le cent de reguelise	l. 6
Le cent d'amidon	l. 8
Le cent de ris	l. 16
Le millier de brezil	l. 300



*de la Rebellion de France.* 245

Le boisseau de noix	l. 12	1621.
Le boisseau de chastaignes	l. 16	
Le paumier de verre de Normandie	l.	
Le safran	l. 12	
Les raizins.	l.	
Pour l'argent monnoyé payera vn sol 6. deniers pour liure.		

*Autres marchandises qui se vendent & voictures emballees.*

La balle de redon appretiee à	l. 10
La balle de laine de Nauarre	l. 45
La balle de laine de Castille & d'Arrag6	l. 75
La balle de moyen & petit papier	l. 15
La balle de toile blanche de Rouën contenant 300. aulnes	l. 100
La balle de toile commune contenant 200. aunes	l. 160

La balle de fin coestil	l. 240
La balle de gros coestil	l. 120

*Autres marchandises qui se vendent par compte.*

La molluë verte de toute sorte de milier	l. 150
Le millier de moluë de plaifance de grand bois	l. 100
Le millier de moluë de Nort	l. 60
Le millier de seiches	l. 30
Le millier de merlus	l. 150
Le millier de maquereaux	l. 30
Le millier de citrons	l. 8
Le millier d'ail	l.
Le millier d'oranges	l. 2
Le millier de thuyllles	l. 10
Le millier de briques.	l. 6

1621.

Le millier d'ardoise	l. 8
Le millier de foüillard	l. 16
Le millier de planches	l. 36
Le millier de marain	l. 60
La traque de cuirs verds à raison de dix cuirs pour traque	l. 25
La traque de cuirs venus d'Irlande	l. 40
La douzaine de bedeline	l. 6
La meule de Moulin	l. 50
Le cent de meules à eguifer cousteaux	l. 40
La traque d'auirons	l. 3
La palme de mar	l. 3
Le cent de bois d'Ilion	l. 15
Le cent de bois de Flandres	l. 100
Le cent de carreaux de Taillebourg	l. 710
Et quant aux autres marchandises & den- rées non comprises & spécifiées au present reglement, sera fait prix & estimatiō par les officiers establis aux bureaux appellans vn des Capitaines de marine & quelques mar- chands à ce entendus pour sur ladite esti- mation payer le droict d'impositiō à raison de dix-huict deniers pour liure.	
<i>S'ensuit ce qui sera payé pour les droicts d'entrage.</i>	
Des barques au dessous de dix tonneaux se- ra payé	l. 16
De celles de dix à vingt sera payé	l. 110
De vingt à 40	l. 3
De 40. à 60	l. 6
De 60. à 80	l. 9
De 80 à 100	l. 10
De 100. à 120	l. 12

De 120 à 150

l. 15

1621.

De 150 à 200

l. 18

Signé Loubye President. P. Hesperien adioinct.  
Ieneph Secretaire, Riffaut Secretaire.

Voyla vne forme de republique toute  
bassie à la Rochelle, qui veut faire des loix à  
sa poste, mais Dieu fera la grace au Roy d'en  
abattre l'orgueil & le pouuoir, & de reduire  
toutes ces belles pretentions en vn vray  
chaos, a la confusion des rebelles.

Or pour reprendre le train de nostre hy-  
stoire, le Roy ayant seiourné quelques iours  
dans Saumur, en partit le 15. May, & y ayât  
laissé pour Gouverneur le Comte de Sault  
ledit sieur fait incontinent sortir tous les sol-  
dats de la Religion, qui estoient en garni-  
son dans les Tours de la ville, y posa vne gar-  
nison Catholique: dans le faux-bourg de la  
croix verte audit Saumur y demeura le re-  
gimēt entier du sieur de la Reinuille, attēdāt  
la volōté du Roy, pour partir ou demeurer.

*Pendant le se-  
jour du Roy  
dans Saumur  
se firent les ce-  
remnies du  
baptisme dū  
fils du Comte de  
Monfereau, que  
la Royne de  
France leua  
sur les fonds,*

Le 18. May ledit sieur Comte de Sault cō-  
mançant l'exercice de sa charge fit publier  
des deffēces en ladite ville de Saumur à tou-  
tes personnes de quelque qualité ou condi-  
tiō qu'elles soient de se mesdire ny mesfaire  
les vns aux autres, mesme en ce qui cōcerne  
la Religion, lesquels tous de part & d'autre  
il prenoit en sa protection & sauuegarde, à  
peine contre les contreuenans d'estre punis  
comme rebelles au Roy & infracteurs des  
Edicts & ordōnances, & d'estre condānez en

*Remonstrance  
du Comte de  
Sault publiee  
dans Saumur.*



1621.

*Le Roy visite  
l'Eglise de No-  
stre Dame des  
Hardilliers.*

cent liures d'amende payables nonobstant oppositions ou appellations quelconques.

Au sortir de Saumur le Roy alla par grande deuotion visiter l'Eglise de nostre Dame des Hardilliers, & y estans le Dimanche 16. May, sa Majesté receut le pretieux corps de Iesus dans ladite Eglise, avec tant de tesmoignage de pieté & de zele enuers la Vierge, qu'à l'imitation de ce grand Roy, presque toute la Noblesse & les Seigneurs de sa suite communierent en la mesme Eglise, qui estoit pleine de peuple ceditiour, tous offrans vœus & prieres à Dieu pour l'heureux succez des bons desseins de sa Majesté, conseruation de sa personne & repos de son Estat.

*Devoir de  
Touars & du  
Duc de la Tri-  
moille.*

Delà le Roy descendit à Touars ville appartenante au Duc de la Trimoille sur les frôtieres du Poictou, où ledit sieur Duc luy fit redre toute sorte d'obeissance, luy remet entre les mains les magasins du Chasteau, d'où sa Majesté fait tirer quelques armes & munitiôs, qu'elle commande estre menées à Poitiers pour employer au siege de S. Iean d'Angely: ledit sieur Duc vouë la vie, la personne & ses armes aux pieds de sa Majesté, renôceà la rebellio Rocheloise, & proteste ne suyure autres loix que les cōmandemens de sō Prince: & est le premier des grands qui se destacha du party, duquel ils auoient eu toute bonne esperâce iusques à lors.

*Sa protestation  
au Roy.*

*Reduction de  
Chastelleraud.*

Chastelleraud suit l'exemple de Touars, embrasse l'obeissance, se iette en la protectiō de son Roy cōtre les persuasiōs des rebelles.

Partenay reçoit sa Ma. avec tout le bonheur qui la suit en son voyage de Poictou, luy sert quelques iours de sejour attendant la resolutiō des sieurs Duc de Rohan & de Soubise, vers lesquels le Roy auoit enuoyé selon qu'il se dira cy apres; cōme aussi pour apprendre quelle fin pourroit prendre la negociation du sieur de Lodiere Lieutenant de Madame de la Boullaye gouuernante de Fontenay le Côte, lequel auoit promis de remettre cette place en l'obeissance de sa Ma. ce qu'il fit en l'absence de la dite Dame, qui en fut grandement indignee: sa Ma. s'assemblera de la ville & du chasteau sous vne garnison de 400. soldats & en donna le Gouvernement au Côte de la Rochefoucaud la perte de cete place fut regrettée vniuersellemēt au party des rebelles, comme aussi celle de Maillezay qui la suiuit de prez, car en l'absence d'icelles ils se promettoient arrester le succès des armes de sa M. au bas Poictou, interrompre le siege qui menace S. Ieā d'Angely & entretenir la faction des ennemis au cœur & aux extremités de la Prouince.

S. Maxāt appartenante au Duc de Suilly se remet aussi sans cōtrainte à l'obeissance du Roy qui ne se voulant arrester en ces villes tire droit à Niort, pource que la Rebellion de S. Iean requeroit vne diligence & vn remede soudain, à l'embrasement du païs de Xaintōge qui alloit tout perdre dās les villes où ceux de la Religion auoient quelque pouuoir

1621.

De Partenay.

De Fontenay  
le Comte.

Ce que le Roy  
fit.

Regret des  
rebelles pour la  
perte de cette  
place.

Reduction de  
S. Maxāt.

1621.

*Arrivee da  
Roy à Niort.*

Le Roy arrive donc à Niort le Dimanche 23. May, les sieurs de Parabelle pere & fils n'oublierent rien de ce qui dependoit de leur debvoir pour accueillir la Maïesté avec toute sorte de submission & d'honneur, la ville & le chasteau le trouuent entre les mains de sa Maïesté, laquelle toutes-fois recognoissant la fidelité du Gouverneur, & l'humeur des habitans pacifique, n'y fit aucun changement.

*Siege de S. Iean  
d'Angely reso-  
lu au Conseil.*

Sa Maïesté demeura quelques iours à Niort, tant pour attendre le reste de sa Noblesse, que pour y minuter la forme du siege de S. Iean d'Angely.

Sur les resolutions de ce siege, sa Maïesté pour obuier à beaucoup de dangers qui pouvoient arriuer là dessus en quelques villes de son Royaume au preiudice du repos de ses peuples, trouua à propos de faire defarmer ceux de la Religion pretendüe, meslez avec les Catholiques en quelques vnes des plus importantes places de Normandie & d'ailleurs.

*Desarmement  
des reformez en  
Normandie.*

*à Rouën.*

A Rouën le Duc de Longueville reçoit de sadite Maïesté le commandement de ce faire; fait tenir vne assemblee de ville dans laquelle il communique le mandement du Roy, appelle les chefs & Capitaines Bourgeois, mesmes desdits de la Religion, fait fermer les portes de la ville, commande à chaque Capitaine des quartiers d'armer leur compagnie, & avec quelques soldats



assiste d'un Ministre & d'un ancien vont par les maisons desdits de la Religion prétendue, se saisissent de leurs armes, & les portent en la maison de ville sans autre bruit.

Dans Dieppe le mesme se pratique encore avec moindre trouble, pendant que lesdits de la Religion estoient fortis pour aller à leur Presche. *à Dieppe.*

Dans le haure de grace le sieur de Villars est chargé de faire le mesme desarmement. *Au haure de grace.*

Dans Caën le Marquis de Mosny est commandé de desarmer les siens & le fit avec tant de douceur & de facilité, qu'il n'y eut que les plus seditieux qui s'en voulurent plaindre. *à Caën.*

Dans Falaize, Alençon, & autres villes peuplées desdits de la Religion, mesme forme desarmement se continue, ie ne diray pas sans estonner les desarmez, mais sans que pour cela les Catholiques se soient aucunement iugez de se prévaloir de leur impuissance, ny de les molester. *à Falaize & Alençon.*

Il y auoit à l'extremité de cette grande Prouince vne place de dangereuse consequence conffee entre les mains d'un Seigneur de ladite Religion, que l'habitude du lieu luy auoit renduë comme propre & aisee pour y assurer son sejour. C'est la ville & chasteau de Pont-orson, place voisine de la mer d'une assiette capable de la fortification que y a fait faire le Comte de Montgommery, qui en est Gouverneur, & sur- *Reduction de Pont-orson & du Comte de Montgommery à l'obéissance du Roy.*

1621.

*Pouuoir de ce  
Seigneur en  
basse Norman-  
die.*

*Defarmement  
des reformez à  
Vitré en Breta-  
gne.*

filante de donner de la peine à quiconque voudroit entreprendre d'y conduire le siege: elle est redoutée generally de tout le voisinage, comme celle qui donne loy à tout le paisage par vne licence vn peu trop grande que son Gouverneur se donnoit de ranger toutes choses sous l'effroy de ses menaces. Ledit sieur Comte de Montgomery, vn des plus puissans du party, & qui pouuoit en vn trouble executer de grands desseins en basse Normandie, auoit besoin d'estre conserué: c'est pourquoy en cette occasion le Roy veut retirer Pont-orson de ses mains, & reconnoistre son seruice, luy fait commandement de luy rendre la place moyennant vne recompence des fraiz qu'il auoit faits en la fortificatiõ d'icelle; le Côte obeit sans autre contredit, se retire en ses maisons, remet Pont-orson entre les mains de sa Maiesté qui y enuoye aussi tost pour la garde d'icelle vn exempt de ses gardes; retire sa garnison de dedans & fait place nette à celle qu'il plaist à sa M. y enuoyer, & assure tellement le Roy de son seruice, qu'il proteste n'y auoir sorte de deuoir qu'il ne face pour luy tesmoigner son obeïssance.

Vne legere emotion suruenue quasi en mesme temps dans la ville de Vitré en Bretagne, au suiet de ceux de la Religion fut aussi cause de leur defarmement par l'autorité du Roy & du Duc de Vendosme y present, & possible en partye le subiect de

la conuersion du Ministre du lieu & de plusieurs notables habitans, par les exhortatiōs du R. P. Siguerand Iesuite, qui y estoit alors preschant les series de la Pentecoste.

En Picardie mesme desarmement se faict  
 és villes de la Fere, Guise, S. Quentin & Laon  
 és maisons desdits de la Religion sous ces  
 remonstrances que ce n'estoit que pour as-  
 seurer le repos public, leuer les desffiances,  
 & empescher les seditions: neantmoins tou-  
 tes ces raisons n'asseurent point tant ceux  
 de la religion, que se voyans ainsi desarme-  
 z en plusieurs endroicts, ils ne soient si mal  
 auidisez de soupçonner les Catholiques de  
 quelque mauuais dessein: & sur cet ombrage  
 beaucoup de familles quittent Paris &  
 s'en vont à Sedan: plusieurs de Rouën,  
 Dieppe, Caën & Haure de grace, passent  
 en Angleterre: action blasmable d'un peu-  
 ple inconstant, qui ne deuroit pourtant ia-  
 mais se desfier de la foy d'un bon Roy qui  
 ne demande que l'obeissance & l'amour de  
 ses subiects.

En Picardie à  
 la Fere, Guise,  
 S. Quentin &  
 Laon.

Ces diuerses retraites desdits de la Reli-  
 gion, en Angleterre, Hollāde & autres lieux  
 ouurirent les moyés aux rebelles d'essayer à  
 faire de grandes pratiques chez les Princes  
 & estats estrangers de mesme profession, y  
 allerent descrians les pures & honestes in-  
 tentions de sa M. & à force de se plaindre  
 d'une funeste persecutiō, employēt toutes  
 sorte d'artifices par leurs Deputez pour

Pratiques des  
 rebelles chez  
 les estrangers.



1621.

*Intelligences  
estrangees les  
rebelles.*

*Où peuvent  
estre.*

se moyenner quelque secours & ietter vne armee estrangere en France, ce que toutefois ils n'ont peu faire, graces à Dieu iusques à present.

Car pour toucher icy quelque mot en passant de la particuliere intelligence dont ils se croient asseurez, mais abusez & trompez, chez les estrangers, faut sçauoir que les intelligences estrangeres tant pour la ville de la Rochelle que pour le reste du party sont avec les Anglois, les Hollandois, les Princes Protestans d'Allemagne, quelques cantons de Suisses & Geneue, enuers lesquels, en cas de persecution (c'est le mot) il y a esperance de ligue offensive & defensiva, & outre lesquels on trouuerra tousiours moyen, disent ils, de traicter avec quelques grands de France mescontens, (Dieu mercy les mescontentemens sont rares auourd'huy) la Rebellion & la desobeïssance ayant tousiours trouué sa retraite & son azyle de seureté dans les armes de ceux de la Religion pretenduë reformee.

Mais venons vn peu à l'examen des estrangers, sortons vn peu dehors de la France, & voyons s'il y a quelque coing dans le reste de l'Europe, ou ailleurs d'où leur bonheur leur doïue arriuer.

De tous les peuples desquels ils peuuent faire estat nous n'en pouuons remarquer que les quatre susdits, lesquels possible pourroient auoir eu autrefois quelque en-

ne de venir boire nos bons vnis sans mettre la main à la bourse: car on sçait bien que ceux de la Religión n'esperent pas leur bonne fortune d'Italie ny d'Espagne, & de ietter leurs yeux plus loing c'est attendre le medecin apres la mort.

Or auant que de faire toucher au doigt que pas vn de ceux cy ne se remuera tant soit peu à leur occasion, ie desire que l'on remarque deux ou trois petits poincts tout à loisir.

*Poinctes remarquables sur ces intelligences.*

Premierement que lors qu'il seroit question de faire marcher ces forces estrange- res à leur secours, que les trois premieres monstres ne soient pas enfermées dás leurs coffres; car les estrangers ne croient rien que ce qu'ils voyent & touchent: pour les suyuanes ils se cõtenteroient d'auoir quelques riches marchands, qui leur en respondent à Londres, à Amsterdam, à Francfort & Zurich.

Secondement que ceux qu'ils appellent ayent desia trouué quelque Prince François ou grand Seigneur fort signalé, lequel avec de fortes & belles troupes les allast accueillir sur la frontiere du Royaume, & les conduisist au rendez-vous assigné, autrement ils aymeroient mieux reprendre leur chemin vers leurs foyers, que se hazarder à trauerser vn Royaume tout armé à leur ruine: le passé leur faict craindre l'aduenir.

*l'Estranger ne sort de son pays sans bonne con-  
dition.*

Tiercement qu'ils ayent quelques fortes places assises en lieux commodes, pour leur mettre entre leurs mains aussi tost qu'ils seroient arriuez, afin que se tenans assurez d'icelles ils n'ayent subiect de craindre que ceux qui les auroient appelez ne facēt leur paix avec le Roy à leurs despens: qu'ils digèrent ces 3. points auāt seulement que pēser de solliciter aucune de ces nations.

Et pour le reste affin qu'ils cognoissent clairement que quand ils auroient moyen d'exécuter tous ces articles, encore ne doivent ils pas esperer tirer secours d'aucun de ces peuples.

*Pratiques des  
rebelles avec les  
Suisſes font  
mal employees.*

Il faut qu'ils considerent premierement que les Suisſes ſont dés long temps alliez à la Couronne de France & non à la reformation, que c'est avec elle qu'ils ont si ſolemnellement renouuellé leurs ligueſ, que c'est des coffres du Roy, & non de ceux de la cauſe qu'ils reçoient tous les ans leurs penſions. Outre que de treize cantons deſquels ce peuple eſt compoſé les cinq ſont Catholiques Romains, & partant qui ne feront iamais vn pas en faueur des Heretiques: les autres ſept, ſi bien ils ſe ſont reuoltez du Pape, ſi ne ſont ils pas d'accord avec les Calviniſtes en creance, ils tiennent leur reformation de Zuingle & ceux là de Caluin, c'eſt à dire, ils ſont ſi ſeparez de l'Egliſe prétenduë reformee, qu'ils ſeroient conſciencede ſ'accommoder

avec



avec elle: Et puis ils sont pesans à marcher, & ne se sçauent conduire qu'à la clarté des escus au soleil, desquels ceux de la Religion ne sont pas tant bien pourueuz. Adiouſtons à cecy que les ligues Grises sont maintenant assez embesongnees du costé du Milannois & du Comté de Tirol, ayant perdu la Vallo-

1621.  
point de paye  
point de Suisses.

line & les deux plus belles places de la Marche Chauenne & Loyre, & menacees au reste de plus grand orage: de sorte que tout bien considéré, nos Reformez ne peuuent rien attendre de ce costé.

Quant aux Allemands, nous n'auons qu'à représenter deux choses; Premierement que ceux qui ne recognoissent le Pape pour chef de l'Eglise, sont de la secte de Luther, c'est à dire ennemis iurez des Caluinistes, qu'ils appellent ordinairement heretiques, Sacramentaires, endiablez, de sorte qu'ils seroient beaucoup plustost prests d'enuoyer leurs Reistres & Lansquenets en faueur du Roy contre ses rebelles, que seruir les rebelles contre sa Maieſté: on a assez cogneu cecy en ceste guerre derniere, que le Prince Palatin pretendu Roy de Boheme à faict contre l'Empereur, en laquelle les Catholiques Romains & les Lutheriens combattoient sous mesmes enseignes contre les Caluinistes, ainsi nommoient ils les Palatinois.

Allemands re-  
crus de leurs  
guerres, mal  
propres pour se-  
courir les rebel-  
les de France.

Secondement, quand il y en auroit quelques vns qui auroient desir d'assister nosdits rebelles, pour auoir avec eux vne commune

1621.

creance ( car il est vray qu'il y en a quelques vns de tels ) ils sont si abbatus , & si las d'auoir esté battus , qu'ils n'ont guiere loisir de songer aux affaires de France , & nous estonnons nous que leur exemple ne faict sages les plus mal aduisez de nos rebelles ?

*La Hollande est trop bloquee, diuisee & troublée pour donner secours à autrui & à soy-mesme.*

*Prince d'Orange ne cherche que sa conservation en l'amitié du Roy, & non à secourir ses rebelles.*

Les Hollandois sont à la verité assez proches , se sont esprits remuans & factieux , maistres passez en matiere de reuolte : mais ils sont si obligez à la memoire de HENRY LE GRAND , pere de celui contre qui on se veut bander , qu'il n'y a pas d'apparence qu'en faueur & consideration de ses subiects rebelles , ils se veulent faire estimer les plus ingrats de la terre. Outre que l'on sçait que le Prince d'Orange chef absolu parmy eux , a sa Principauté enclauée dans la France , laquelle pour l'amour du party , il ne voudra pas mettre en hazard d'estre perduë pour soy , ce qui pourroit arriuer s'il se bandoit contre le Roy. Ioint que d'ailleurs ce Prince si sage & considéré , honore merueilleusement les vertus & le bonheur de nostre Roy. Et bien que les rebelles & les rebellions luy ayent pleutandis qu'il batiffoit le dessein de sa fortune , si ne voudroit-il pas pour vn si frais exemple inuiter ceux qui ne luy sont subiects , à secouër le ioug de l'obeyssance à leur Prince. Et puis les Messieurs des Estats sçauent bien qu'ils

n'ont pas des hommes plus qu'il ne leur en faut, aussi ont-ils rappellé (sous de tres-grandes peines à ceux qui ne reuiendroient) tous ceux qui pour leurs affaires estoient escartez en diuers royaumes, & non sans cause, car l'Espagnol leur ennemy, qui est puissant en toutes façons, & qui ne digere pas volontiers le retranchement iniurieux qu'on luy a fait de tant de villes & Prouinces, ne dort pas, il tente tous les moyens de rentrer dans ce qu'il estime son patrimoine: la trefue est rompuë avec la diuision est grande dans le pays, Pinore est fort & ferme à leurs portes & Iulla est sur leurs bras, ils ont les Paliers aux angoisses des sieges à soutenir, latin à nourrir, es Armées à conseruer, & vne le Prince d'Orange souffrir sur la mer, que grande d'oppression. On s'agine maintenant s'ils voudroient forer nos rebelles, s'affoiblissans d'auant: ainsi pour ceste part, ils ne doiuent esperer secours.

*Ils se lassent eux mesmes pour eux mesmes de tirer sa sonnet à la bourse.*

S'ils iettent les yeux au cone de l'Angleterre, c'est la derniere ancre où ils se voyent reduits, par le moyen de la mer ce sont leurs plus proches voisins, & qui à cause des vins seulement que leurs marchands tiennent de la Hollande, sçauent fort bien le chemin pour y mener la guerre. Il y a quelque temps que nos rebelles s'estans assemblez à

*Desseins des rebelles pour se faire au secours des Anglois, mais en vain.*



1621.

*Ils en ont écrit  
au Roy, qui a  
reconnu leur  
mauvaise in-  
tention.*

*Response du  
Roy d'Angle-  
terre au Mare-  
chal de Cadenet  
en l'an 1620.*

Tonneins en Synode, et criurent vne lettre au Serenissime Roy de la grande Bretagne, par laquelle ils le recognoissent pour leur vnique protecteur, comme grand deffenseur de la foy. Ceste lettre fut par son conseil expliquée en tel sens, que nos rebelles desiroient souz pretexte de persecutiō (qui n'est point qu'en l'imagination des ingrats) inuiter soudement ce grand Prince d'arriuer en leur faueur: Tout cela se peut dire & penser; mais en vn mot qu'ils sçachent encore de ce costé là il n'y a rien a esperer pour souz la raison est que les Anglois viennent songer Roy pacifique, & ne voudroient prés comme vn pas p'ur eux, sans son exla reigle des leuement tan ses volonteis sont le response sur celuy chacun sçait bien la royatiere, il fit sur la fin de l'annee derniere, le Marechal de Cadenet, Ambassadeur extraordinaire du Roy en Angleterre, qu'il n'estoit point Prince & ennemy immortel des rebelles. Carce Prince a en telle horreur ceux qui se reuolter contre leurs Souuerains, qu'il seroit comme il dist alors, plustost prest de passer contre les nostres que pour eux: le tiltre de Protecteur & deffenseur de la foy, n'est pas si vif en son ame, que sous faux pretexte de persecution, comme on luy a fait croire, luy face de gayeté de cœur en faire vne guerre en faueur d'vn party qu'il estime animé du seul esprit de reuolte & de

setannie. Ce bon Prince ne songe plus qu'à se maintenir en paix avec ses sujets, il se contente d'auoir reuuy toute la grande Bretagne sous son Sceptre, & de commander en Roy pacifique, aux Anglois, Escossois & Irlandois: l'aage auquel il est, l'humeur en laquelle ils s'est nourry, luy ostent de la teste toute pensée ambitieuse. De sorte qu'après auoir rodé toute l'Europe pour voir s'il y a de l'apparence que de quelque endroit nos rebelles doiuent esperer secours, nous trouuons que dedans & dehors le Royaume ils sont esgallement foibles.

Car pour ce qui est des Confreres de Geneue, ce sont de chetiues brebis effrayees par le son du tambour qui bat à leurs oreilles sur les monts de Sauoye, & ont tellement la puce à l'oreille del'armement du Prince de Piedmont, qu'ils ne sont pas à demy d'hommes ny de femmes pour trauailler nuit & iour aux fortifications de leur ville.

Ainsi donc tout le dernier refuge des rebelles est en trois ou quatre fortes places qu'ils ont dans le Royaume dans lesquelles ils veulēt maintenir leur rebellion, assçauoir la Rochelle, Montauban, S. Iean d'Angely, Nismes, Montpellier & quelques autres. Ce sont places à la verité fort considerables & fortes, & qui toutes promettent quelque longue deffence.

La Rochelle est veritablement la Royne & Maistresse de toutes, & le vray azyle des

1621.

*Il aime la paix  
& hait la rebellion.*

*Geneue en ialousie des armes leuees en Sauoye.*

*Places plus fortes des rebelles.*

*La Rochelle & sa description.*

rebelles & melcontens. C'est la plus forte qu'on ait incomparablement & de tout le Royaume, elle est tres-facile d'estre promptement secouruë par la terre & riuere du Poictou, Xaintonge & Auuix, & par la mer des Isles voisines & de plus loing des Anglois, Hollandois & autres estrangers.

*Autorité du  
Seneschal de la  
Rochele fort  
petite.*

Le Sieur de Londiëre sous le tilre & qualité de Seneschal d'Auuix s'en diët Gouverneur, mais toute son autorité consiste en l'acceptation d'un Maire dans la ville, de trois qui luy sont presentez par chacun an, c'est peu, & si cela peut seruir.

*Corps de la vil-  
le.*

Lediët corps de ville est composé d'un Maire, 48. Pairs & 51. bourgeois. Ceste compagnie de cent hommes par les habilles & autorisez d'entr'eux gouuerne ce peuple assez absolument. Mais depuis six ans en ça quelques esprits accorts qui ont eu, & ont encore bonne part dans leurs conseils afin de s'y rendre necessaires, ont faict glisser des deffiances & ombrages parmy la populace, de tel poid & si raisonnables, qu'ils y ont formé vn party pour contrepoincter l'autorité du corps de la ville, lequel part du menu peuple appuyé de quelques habitans riches & alliez, s'appelle des francs bourgeois, & est aujourd'huy tellement le plus fort qu'il faict prescher les Ministres comme il veut, & a reduit le corps de ville à recevoir & admettre en toutes assemblees & resolutions d'importage, six de ces francs bour-

*Leur Gouver-  
neur.*



geois qui s'ont appellez Scindics ou Tribuns, & à ceste fin sont choisis & nommez tous les ans par le peuple, changez & destituez quand il est expedient. Ceste nouveauté cause des haynes & des diuisions au maniere des affaires, de l'injustice & de la confusion, pour ce que les plus ignares & les plus violents sont les plus absolus, & les plus sages & habilles, les plus soupçonnez.

La ville est franche de tous subsides & impositions, & pour ceste cause de grand abord, de negoce & commerce, de sorte que l'on y peut faire estat de cent à six vingts marchands riches de cent milles escus le moindre.

*Liberté des Rochelois.*

Elle est tresbien munie de pouldre & de cent cinquante pieces de canon de batterie, sans les bastardes & couleuvrines en grand nombre, de viures & provisions: les habitants y sont tellement armez qu'ils firent voir au Duc de Sully, lors qu'il prit possession du Gouvernement de Poictou, sept ou huit milles hommes de pied en tres-bon ordre.

*Leurs munitions.*

La fortification de la ville s'en va tantost parfaicte, elle est de douze grands bastions royaux tous reuestus de pierre de taille avec doubles fossez profonds & larges à fonds de cuue, outre que le rempart de la muraille est en tous les endroits beau & spacieux.

*Fortifications de la ville.*

Le port est petit, mais fort assésuré, il fait comme l'eschâcrure d'un eschaudé, ou d'un fer à cheual, & en ioignant la ville le rend presque toute ronde: la chesne qui ferme

*Son port.*

1621.

*Ses ports.*

l'entree du port se lasche & se bande de la tour de S. Nicolas à celle qu'on nomme de la Chesne, qui sont deux grosses tours rondes, entre lesquelles n'y a point d'autre espace que pour passer vn grand vaisseau. La tour de la lanterne plus belle & plus haute pour descourir dans la mer, est placee à la main droicte de la sortie du port à quelques 60. ou 80. pas dans vn angle qui fait vn des bouts de la muraille de la ville sur le bord de la mer; elle regarde à sa main gauche l'emboucheure du port, & à la droite la ceinture de la muraille de la ville & le bastion qui est le plus pres de la mer.

*Son assiege.*

La ville est platte d'assiette, & les fossez se peuuent facilement remplir d'eau quand on voudra, vn grand marets large de plus de deux ou trois milles pas separe & diuise la venüe en deux parts, au moins à vne petite lieuë françoise pres de la ville iusques dans les portes. De sorte que pour l'assieger faudroit deux armées par terre, qui ne se peuuent secourir l'vne l'autre, & vne troisieme sur la mer pour empêcher le secours. Toutefois vne place forte bastie en lieu & assiette aduanageuse, boucleroit la ville du costé de la mer, & destourneroit les vaisseaux qui s'y voudroient jetter pour ce qu'elle n'est qu'vn bras, & non vne pleine mer.

*Son pouvoir.*

Ceste ville superbe & insolente porte le faix dans toutes les assemblees, & pource qu'elle est placée sur vn port de mer, estime

qu'elles s'enrichiroit dans la guerre. Rien ne s'entrepren sans son aduen. Le Languedoc routefois, mais principalement le Dauphiné ne luy defere pas du tout tant.

Les Rochelois n'ont aucun homme parmy eux, ny en France, auquel ils voulussent conférer le gouvernement de leur ville, mais plusieurs dont ils se pourroient seruir en cas de besoing pourueu qu'ils obeissent au peuple, aussi ne craignent-ils point de dire que le Roy mesme n'y entrera iamais qu'avec l'imérations de train & en estat que sa Maiesté ne leur puisse commander ou donner loy.

Le fais pareil iugement de leurs autres places fortes dans lesquelles les rebelles se tiennent enfermez: elles ne sont pas routefois tellement imprenables qu'on ne les puisse bien reduire à la raison, ce n'est plus comme au temps passé, l'art d'assieger la ville est à present reduit à telle perfection, qu'il n'y a forteresse qui ne puisse estre emportee, si l'on considere comme au iourd'huy l'on conduit les tranchees, comme on roule les montagnes de terre, comme l'on comble les profonds fossez, comme l'on tarit les riuieres, comme l'on leue les canaliers; En fin comme l'on presse & serre les villes assiegees. On ne dira iamais que les places qui sont entre les mains des rebelles sont imprenables, elles sont en trop bon fonds pour estre telles, ces champs, ces vignes qui les enuironnent donneront tousiours moyen aux assiegeans

*Leur desffiance.*

*L'art de fortifier & d'assieger est au iourd'huy reduit à sa perfection.*



1621.

de les enseuelir sous leurs ruines.

Que si le Roy veut mesnager la vie de ses soldats, comme i'ay desia dict, il se contentera de bloquer ces bicoques si estroictement, qu'il ne sera permis aux mutins renfermez de respirer seulement l'air qui est hors de leurs rempars, il n'y a rien impossible à vn grand roy de France, mesme dans sa France où l'on employe tout pour executer ses commandemens, nous en allons voir les effectz.

*Ainsi la ville de Iulliers a esté forcee de composer avec le Marquis de Spinola, sans estre battue.*

*Places des pretendus, sur la riuiera de Loyre suspectes pour le passage.*

Quatre places sur la riuiera de Loyre occupees par ceux de la Religion pretendue reformee, pouuoient en cas de trouble & de plus grande reuolte incommoder le passage, empescher la liberte du commerce & donner de la ialousie aux villes Catholiques, c'estoient Saumur, Gergeau, Sully & Sancerre, desquelles à ceste occasion sa Maiesté vouloit estre assuree. Pour Saumur elle se trouue sans portes & sans armes que pour accueillir sa Maiesté en triomphe au réps de son voyage, où sans enuie, sans passion & sans bruit, le peuple obeit, comme a esté dict cy dessus. Pour les trois autres sadite Maiesté en laisse la charge au Compte de S. Paul & au Marechal de Vitry, qui en cas de besoing pouuoient auoir secours de Monsieur le Prince de Condé qui armoit en Berry pour le Roy.

Gergeau asyle d'une garnison malicieuse, qui estoit vne espine de pied assez rude pour la ville d'Orleans, à laquelle elle auoit souventes fois donné de fortes & chaudes allar-

mes. Ceste place sur la riuere de Loyre ran-  
connoit les passans, picouroit le pays & te-  
noit les passages & chemins suspects à tous  
marchands, bicoque importante & tres-  
bien fortifiée pour seruir d'azyle & de refu-  
ge à vne quantité de Picoueurs, qui ne bou-  
geoient des bois & des forests.

Dés lors que sa Maieité estoit encore à  
Orleans, elle chargea le Comte de S. Paul  
de reduire ceste place à son obeysance, &  
s'assurer aussi de celle de Chasteau Regnaud,  
lesquelles il vouloit estre remises entre ses  
mains. Ledit sieur Comte de S. Paul iuiuant  
sa commission somma la ville de Gergeau de  
luy ouurir ses portes : en icelle commandoit  
vn Lieutenant en l'absence du Gouverneur,  
le Marquis de Rosny, assisté tant des habitas  
de la Religion que de quelque six vingts sol-  
dats de garnison qu'ils entretenoient là de-  
dans: ils firent du commencement quelque  
difficulté de rendre la place. Ce qui fit re-  
soudre ledit sieur Comte de faire marcher le  
canô, & luy assisté de mille hommes, gens de  
pied, & de cinq cens cheuaux, part d'Orleãs,  
& alla bloquer la place; qui n'eurent si tost  
veu le canô prest à iouer, qu'ils demanderēt  
de se redre à quelque cōposition, notāmēt la  
garnisō qui estoit dedās, requerāt quelque  
sōme de den. pour ayder à payer quelques  
debtes par eux deuës à leurs hostes: mais au-  
parauāt ils demāderēt quelques iours de respit  
pour prēdre aduis sur leur redditiō, & sçauoir

*Siege de Ger-  
geau par le  
Comte de S.  
Paul & Mare-  
chal de Verry.*

1621.

*Par commande-  
ment du Roy,  
on leur octroya  
quelque libera-  
té lors qu'ils  
rendirent la  
place.*

sur ce la volonté du Roy; & enuoya ledit sieur Comte courrier exprés vers sa Maie-  
sté pour en recevoir nouveau commande-  
ment. En fin apres que le terme fut expiré,  
& apres auoir enduré quelques coups de  
canô qui réuerferent & ruinerent quelques  
deffences, voyans qu'ils n'estoient bastans  
de se deffendre & esloigner de tout secours,  
le Vendredy 21. May la garnison sortit du-  
dit Gergeau, & la place fut renduë au Roy  
entre les mains dudit Seigneur Comte de  
S. Paul, qui y est entré en personne avec le  
Mareschal de Vitry & autres Seigneurs &  
Gentilshommes de la suite; & vne partie  
de ses gens de guerre, dont aucuns ont esté  
laissés en garnison là dedans: & la place as-  
seurée pour le seruice du Roy, au grand con-  
tentement & repos de la ville d'Orleans.

*Redaction de la  
ville de Cha-  
teau Regnaud.*

Après la reduction de Gergeau, sans per-  
dre aucun temps, le Comte de S. Paul me-  
na son armée droit à Chasteau Regnaud pour  
y faire semblablement obeir le Roy. Ceste  
ville est composee la plus part des gens de la  
Religion pretenduë reformee, & à la pre-  
miere sommation s'est renduë au Roy, &  
protesté de son obeyssance entre les mains  
dudit sieur Comte.

Pendant que cecy se passoit à Gergeau, les  
appareils du siege de S. Iean d'Angely, & la  
loüable reduction de douze places de la Re-  
ligion font sortir hors du sens les rebelles  
de la Rochelle & d'ailleurs, si que mettans



en oubly toute autre consideration que celle que leur suggeroit la passion & la rage, sans auoir autrement esgard à l'ordonnance cy deuant publiée du commandement du Maire de ne troubler, messaire ny mesdire aux Catholiques Romains, ils les poursuivent & persecutent iusques à l'extremité de leur vie.

1621.

*Rebelles se re-  
soudent aux ex-  
tremitez voyant  
la resolution du  
seige de S. Iean  
d'Angely.*

Le iour del'Ascension 20. May, sept Ministres, quinze de l'assemblée, & douze de ceux qu'ils appellent francs bourgeois (qui sont gens depurez de chacune paroisse) s'assemblerent en Conseil en ladite ville de la Rochelle, pour sçauoir s'ils chasseroient dehors les Prestres de sainte Marguerite de la Congregation de l'Oratoire, & en quelle forme ils les feroient sortir. Quelques scelerats donnerent aduis de les faire inhumainement passer par la voye du martyre & les faire massacrer: les autres encore plus cruels proposerent de les brusser vifs enfermez dans leur Eglise: autres furent d'opinion que l'on les jettast hors la ville par dessus les murailles: En fin sans le Magistrat qui leur remonstra qu'on en pourroit faire autant à leurs freres meslez aux villes Catholiques & où ils sont les plus foibles, ce miserable dessein s'alloit executer.

*Persecution des  
peres de l'Or-  
toire à la Ro-  
chelle.*

Ayant donc esté resolu que pour le moins ils vuideroient la ville, on chargea le Maire de leur en porter parole.

Pour cet effect, le lendemain 21. May sur

1621.

*Le Maire les  
fait sortir pour  
éuier la furie  
du peuple.*

les trois à quatre heures du matin le Maire enuoya vn de ses Gagez pour commander à quelqu'vn desdits Peres de le venir promptement trouuer : celuy auquel s'adressa l'enuoyé, fut le Pere Coquerel, qui en donna aussi tost aduis au Superieur nommé le Pere Girauld, lequel fut d'aduis d'aller eux deux de compagnie trouuer le Maire de la ville, qui aussi tost qu'il les veit arriuez, les mena dans la maison de ville, où il leur tint ce brief discours, *Messieurs, iusques icy i'ay fait tout ce que i'ay peu pour vostre conseruation, mais maintenant ie vous declare mon impuissance; aduisez à ce que ie peux faire pour vous: ie me suis distraict d'une compagnie disant que ie m'allois reposer pour vous venir donner cet aduertissement, qu'il faut que en quelque sorte que ce soit vous vous retiriez de la ville en diligence, ne pouuant plus tenir le peuple trop esmeu contre vous: voyez donc avec diligence comment ie pourray faciliter vostre sortie.*

*Louable intention du Maire.*

Les Peres de sainte Marguerite voyans l'honnesteté politique de ce Maire, le remercierent de son aduis, du soing qu'il auoit eu d'eux pendant sa Magistrature, & le supplierent de leur distribuer son conseil là dessus: il leur dict qu'il estoit d'aduis que ils seignissent de s'aller pourmener deux à deux, & qu'ainsi ils s'en allassent. A quoy les Peres respondirent qu'ils ne pouuoient faire cela sans dinger de leurs personnes, pource qu'il y auoit quantité de soldats hors

des portes, entre les mains desquels ils tom-  
beroient infailliblement. Le Maire leur re-  
partit qu'ils feissent ce qu'ils voudroient,  
& qu'il ne pouuoit faire autre chose. Les-  
dits Peres s'en retournerent à la garde de  
Dieu, qu'ils prièrent ardemment de leur  
inspirer son secours en ceste extremiré, & les  
assister au lieu où il luy plairoit les conduire.

Le Maire sur le midy du mesme iour  
voyant que tout le peuple estoit retiré, & la  
ville en plein repos à l'heure du repas, en-  
uoye diligemment vn autre message vers les-  
dits Peres pour les aduertir qu'il faisoit pre-  
parer vn vaisseau, & qu'il les vouloit faire  
sortir pendant le disner: il leur estoit bien  
aisé de s'apprester, car ils n'auoient que leur  
manteau à mettre sur leurs espaules, & le  
venerable saint Sacrement à emporter, a-  
yant fait sortir le meilleur qu'ils auoient  
peu de leurs hardes, & laissé le reste à la dis-  
cretion de leurs ennemis: & comme ils par-  
loient ensemble pour se refoudre à partir, le  
Maire arriva accompagné de 30. ou 40. homes  
armez, qui leur fit fermer les portes de leur  
Eglise & maison. en prit les clefs, & les con-  
duisit par la porte neufue, où estoit le vais-  
seau qui les attendoit pour les mener & co-  
nduire à Broüage. Ledit Maire les accompagna  
rousiours, & apres auoir sorty ladite porte,  
il la fit fermer apres luy, affin d'empescher la  
furie du peuple, & les conduire iusques au  
port à sauueté, ce qu'il fit assez honestemét.

*Leur retraite à  
Broüage.*



1621.

& lesdits Peres ainsi conduits & arriuez à Broüage, se retirerent les vns à Xaintes, les autres à Poictiers & quelques vns à Paris.

Tant de sortes de menaces & de mauuaises volonteéz forcerent tous les Ecclesiastiques d'abandonner la rochelle & furent bien tost suivis d'un bon nombre de Catholiques, qui n'y pouuoient faire l'exercice de leur Religion qu'avec le danger du Martyre.

*Rochelois chassent les bouches inutiles de leur ville.*

Et comme ils recogneurent le Roy assez proche d'eux apprehendant la saison du siege de leur ville, la pluspart enuoyerent leurs femmes en Angleterre, & firent vne ordonnance par laquelle ils enioignirent aux bouches inutiles de se retirer.

Et est aussi à remarquer que la pluspart des Ministres des Eglises pretenduës du haut & bas Poictou qui auoient presché la reuolte & la sedition en leurs chaires, sentans venir le Roy en la Prouince s'allerent la pluspart enfermer entre les murs de celle place rebelle: entr'autres le Ministre de Poictiers nommé Clemenceau, & vn Aduocat nommé Malleray qui se refugia à Nerac qui furent pendus en effigie dans la place du vieux Marché à Poictiers par commandement du Roy, pour auoir proferé parolles contre l'honneur de sa Maiesté, & descrié ses pures & loüables intentions, surquoy ont esté compôsez ces vers.

*Cenx*

Ceux cy deuoient en personne estre mis  
 Ou ie les voy seulement en peinture:  
 Iusques à quand leur sera-il permis  
 De conuertir le reel en figure?  
 Voyla Messieurs le bel aduancement  
 Qu'ont apporté ces denois personnages  
 A vostre foy, par leur deportement,  
 C'est qu'ils se sont faict faire des Images.  
 On ne vous permettoit, qu'horis des murs, cy deuant  
 Ministres, d'esclatter dessus la populace:  
 Vos affaires, Messieurs, vont tousiours en auant  
 On vous voit anioür d'huy esleués à la place.  
 Ne distes pas que c'est à faute de deffence  
 Ou par collusion, qu'on vous condamne ainsi,  
 Puisque vostre Aduocat vous accompagne icy,  
 Ne vous delaisant point mesmes à la poience.  
 Malleray fut iadis vn Aduocat sans sac  
 Mais or il ne l'est plus, Messieurs, ie vous l'acorde  
 Il a beaucoup gaigné s'enfuyant à Nerac,  
 Car il est deuenut tout de sac & de corde.  
 Peuples, qui abhorrés toute Image de Saint,  
 Ne craignez, d'honorer ce qui est icy peinct:  
 Car il sera bien tost (que cecy vous console)  
 Vne realité, & non pas vne Idole.  
 Il ne reste plus rien, Ministre Clemenceau,  
 Pour rendre de tous points cette figure  
 riche:  
 I'auie ses couleurs par cestraiets de pin-  
 ceau,  
 Vostre femme pieça y a mis la Corni-  
 che.

1621.

Vers.

Sur le Ministre  
 Clemenceau  
 pendu en effigie  
 à Poitiers par  
 commandement  
 du Roy, avec  
 Malleray ad-  
 uocat, refugien  
 à la Rochelle  
 & à Nerac.

1621.

*Declaration du  
Roy comman-  
dant a ceux de  
la religion de  
protester aux  
greffes des Bail-  
liages & Senef-  
chauffees.*

En fin le Roy voulât assieger S. Ieâ d'Angely & chastier la rebellion de beaucoup d'autres places, aller au deuant de l'allarme qui se pouuoit dōner és autres villes & Provinces où sont respādūes plusieurs familles de la Religion, faire cognoistre que sa Maieité n'en vouloit qu'à la Rebellion & desobeissance, & non à la Religion ny à ceux qui se maintenoient en leur deuoir, estant en la ville de Niort fit vne declaration le 27. May confirmatiue de ce que sa Maieité auoit promis ausdits de la Religion par sa premiere declaration du 24. Auril dernier, par laquelle elle vouloit d'abondāt que toute sorte de personnes faisant professiō de ladite Religiō en son Royaume eussent à cōparoir és Greffes des Bailliages & Seneschauſſees de leur ressort, & là declarer qu'ils deſaduoiēt & detestēt tout ce qui s'est passé, fait, traicté, & conclud, fait & se traicté en l'Assemblée de la Rochelle & ailleurs cōtre le seruice de sa Maieité, se desistēt de toute ligue & association contraire à l'autorité Royale, & promettent demeurer inuio- lablement en son obeissance sans s'en departir à l'aduenir pour quelque cause ou occasion que ce soit; quoy faisant ladicte Maieité les prenoit en sa protection, voulant qu'ils viuent en paix avec ses autres bons subiects sous le benefice des Edicts.

Et pour ce que cettē declaration enclōst



plusieurs choses notables tant pour ce qui  
concernela Rebellion de l'Assemblée de la  
Rochelle que la ville de Montauban & au-  
tres rebelles, qui confirment ce que nous  
auons dit cy dessus, il est très necessaire de  
voir comme le Roy parle par cette sienne  
declaration, car tout y est considerable &  
sagement digeré par les plus clair-voyans  
del'Estat; ainsi parle le Roy.

Le desir que nous auons tousiours eu de  
conseruer le repos & la tranquillité publi-  
que parmy nos subiects, & d'empêcher les  
maux & desolations que la leuee des armes  
apporte ordinairement, & les oppressions  
& calamitez que les peuples en recoiuent,  
Nous a faict tolerer & souffrir avec beau-  
coup de patience depuis plusieurs mois en  
ça les excez, desobeïssances & rebelliôs qui  
ont esté cômises en plusieurs villes de nostre  
Royaume par aucuns de nos subiects, faisâs  
prolessiô de la Religion pretêdûe reformee  
Mesmes en celles de la Rochelle, Montau-  
ban & autres, où se sont tenues & se tien-  
nent encores des Assemblies illicites, qui se  
sont plustost employees à former des estats  
populaires & republicques qu'à se cōseruer  
dans l'obeïssance à laquelle ils nous sont na-  
turellement obligez, Ayans mesmes faict  
grauer vn Sceau, sous lequel & sous les sig-  
natures des principaux desdites Assemblies,  
ils ont lasché diuerses ordonnâces, decrets,  
mandemens & cōmissions portâs pouuoirs à

des particulieres de commander aux Provinces & villes, leuer les deniers de nos Finances & receptes, faire leuees d'hommes, d'armes & d'argent: foudre canon, enuoyer aux Prouinces & Royaumes estrangers, & autres semblables actions qui font assez paroistre vne entiere rebellion & souleuation ouuerte contre nostre autorité: de quoy ayant eu quelque cognoissance dès le mois d'Auril dernier, & sçachant qu'ils prenoient pretexte de se porter à ces desordres, par le peu de seurété qu'ils disoient auoir de leurs personnes, & de la liberté de leurs cōsciencies, nous voulusmes par nostre declaration du 24. dudit mois d'Auril leur dōner toute assurance de nos bonnes inclinations à l'endroit de ceux qui demeureront en leur deuoir: & les prenans en nostre protection & sauuegarde particuliere, faire cognoistre que le voyage que nous nous prepariōs de faire en ces quartiers de deça, estoit plustost pour nous, approchās des lieux où ces insolences se commettoiēt, y restablir & faire paroistre nostre autorité à la confusion de ceux qui se trouueroiēt coupables, que pour vser d'autre plus grande rigueur, ny nous seruir du pouuoir que Dieu a mis en nos mains pour le chastiment de telles insolences. Mais tāt s'en faut que cela leur ait ouuert les yeux pour les ramener à ce qui est de leur deuoir, que la plus part d'entr'eux continuans en leurs

mauuaïses volontez se portent ouuertement à la Rebellion, & mesmes commettent toutes sortes d'hostilitez contre ceux qui n'y adherent avec eux: publians ne recognoistre autre chef que l'Assemblée qui est dans la Rochelle, laquelle a fait à presēt retrouver à S. Iean d'Angely plusieurs gens de guerre leuez sous leur dites commissiōs qui font contenance de se vouloir opposer à nostre passage dans ladite ville, & nous en vouloir empescher l'entree par la force des armes. Ce qui nous oblige voyāt mesme que ce desordre est suivi en plusieurs autres villes de nostre Royaume, de nous mettre en estat d'en chastier les auteurs selō leurs demerites, & d'employer à cēt effect avec les voyes ordinaires de la iustice, les moyēs que Dieu a mis en nos mains pour la maintenance de nostre autorité. Et afin que tous nos suiets & specialement ceux qui font profession de ladite Religion pretenduē reformee ne puissent estre abusez du faux pretexte dont ladicte Assemblée se sert pour les destourner de leur deuoir, & que les vns & les autres soient informez de nos intentions & volontez sur ce sujet; Nous del'aduis des Princes, Ducs, Pairs, Officiers de nostre Couronne, & principaux de nostre Conseil, A v o n s dit & déclaré, disons & declarons par ces presentes, Qu'en confirmant nosdites Lettres patentes dudict vingt-quatriesme



1621.

d'Auril dernier, Nous auôs pris & mis, prenons & mettons en nostre protectiô & sauuegarde speciale, Tous nos suiets de ladite Religion pretenduë reformee, de quelque qualité & condition qu'ils soient qui demeureront & se contiendront dans nostre obeïssance, & sous l'observatiô de nos Edits, lesquels Nous voulôs aussi faire soigneusement observer en leur faueur. Mais voyans les rebellions manifestes qui se cômettent en nostre dite ville de la Rochelle, tant par l'Assemblée qui y est tousiours subsistante cōtre nos defêses expresses, que par le corps de ville, Bourgeois & habitans d'icelle, comme aussi ce qui se passe en nostre ville de S. Iean d'Angely, & les actes d'hostilité qu'ils commettent iournellement contre nostre propre personne, Nous auons déclaré & déclarons tous les habitans & autres personnes de quelque qualité qu'ils soient qui sont à présent demeurans, réfugiiez ou retirez dans la Rochelle & saint Iean d'Angely, & tous autres qui les fauoriserônt directemēt ou indirectemēt, & qui auront accez, intelligēce, associatiô & correspondance avec eux, ou qui recognoistrônt en quelque sorte que ce soit ladite assemblée de la Rochelle, ou les autres Assemblies, cercles, abreges, cōseils de Prouinces, ou autres cōgregations qui ont correspondance avec celle de la rochelle, & qui se tiennent sans nostre expresse permission, relaps;

refractaires, desobeïssans & criminels de  
leze Maieſté au premier chef, & commetels  
leurs biens nous estre acquis & confisque-  
z: Voulans qu'il soit procedé cōtre eux ſelon  
la rigueur des loix & ordonnances, par ſai-  
ſies de leurs perſonnes, annotatiōs de leurs-  
dits biens, & autres voyes ordinaires & ac-  
couſtumees en tels cas: Declarans auſſi nos-  
dites villes de S. Jean d'Angely, la Rochel-  
le, & toutes autres qui leur adhereront & ſe  
porteront avec elles aux meſmes crimes &  
desobeïſſāces, priuees & deſcheuēs de tous  
oētrois, priuileges, franchiſes & autres gra-  
ces qui leurs pourroient auoir eſté cōcedees  
par les Roys nos predeceſſeurs ou par nous.  
Et afin que nous puiſſions diſcerner & re-  
cognoiſtre les bōs d'avec les mauuais, nous  
voulōs que tous nosdits ſubiets faiſans pro-  
feſſiō de ladite Religion reformee, tant gē-  
tils-hommes que autres de quelque qualité  
qu'ils ſoiēt, & meſmes les villes & commu-  
nantez de ladite qualité, facent declaratiō  
dans les Sieges Preſidiaux, Bailliages & Se-  
neſchaullees de leur reſſort, des bonnes in-  
tentions qu'ils auront à noſtre ſeruice, &  
qu'en icelles ils facent renonciatiōs & deſ-  
adueuz, & proteſtent de n'adherer en au-  
cune ſorte à l'aſſemblee de la Rochelle, ny  
à toutes autres aſſemblees, conſeils de Pro-  
uinces, abregez, cercles, & autres qui (cō-  
me dit eſt) ſe ſont tenus & tiennent ſans no-  
ſtre permiſſion expreſſe, & qu'ils ſe veulēt

opposer avec nous à toutes les resolutions qui y pourroient auoir esté prises, dont ils retirerôt les actes qui pourront estre necessaires à leur descharge: côme aussi nous defendons tres-expressément à tous Gentils-hômes & autres de permettre à leurs enfans domestiques ou autres dependâs d'eux, d'aller dans lesdites villes, ny y prestter confort & assistance aucune, ny donner logement ou retraicte dâs leurs maisons à ceux qui iroient ou conuerserôt en quelque façon que ce soit, sur peine d'estre tenus coupables de mesme crime. Mandant & enioignant tres-expressément à tous Baillifs, Seneschaux, Preuosts, Iuges ou leurs Lieutenans, vis-seneschaux, Preuosts de nos cousins les Connestable & Mareschaux de France, & à tous nos autres Officiers qu'il appartiendra, de proceder exactement & soigneusement contre les personnes & biens de ceux qui auront encouru ledit crime, & à nos Procureurs généraux & leurs substitués, de faire sur celes poursuites, requisitions & diligences qui dependent de leurs charges, sâs auoir esgard à aucunes sauuegardes ou autres asseurances qu'ils pourroient auoir obtenues de nous sous faux-donné à entendre ou autrement, si ce n'est que lesdites sauuegardes fussent en lettres patentes, sceelles de nostre grand Sceau, & que dans icelles il fut expressement exposé la permission que nous leur aurions donnée,



d'aller ou frequenter dans lesdites villes rebelles.

Si donnons en mandement à nos amez & feaux, Les gens tenans nos Cours de Parlement & Chambre del'Edict, Que ces presentes nos lettres de declaration, ils facēt lire, publier & enregistrer, chacū endroit soy: Et le contenu en icelles garder & observer exactement selon la forme & teneur. Enjoignās à nos Procureurs Generaux & leurs Substituts d'y tenir soigneusement la main, & de faire toutes pousuittes & diligences pour ce requises & necessaires: Cartel est nostre plaisir. En tesmoin dequoy nous auōs fait mettre nostre seel à celsdites presētes.

Données à Niort le vingt-septiesme iour de May, l'an de grace mil six cens vingt & vn, & de nostre regne le douziesme.

Signé, LOVIS.

Et sur le reply, Par le Roy.

DE LOMENIE.

Pour l'execution de ces choses, quelques difficultez se rencontrerēt en beaucoup de lieux où les protestans estoient en plus grād nombre: mais aussi en diuers autres lieux elle se fit aisement, sans bruit, sans trouble & autre contredit, comme à Paris, Roüen, Orleans, Tours, Poictiers, Bourdeaux, Lyon, Grenoble & ailleurs.

Dans Loudun il y eut de l'opiniastrēté en l'esprit turbulent de quelques vns, qui ne voulañs obeir au Roy furent chastiez

*Cette declaration est publiee à Loudun avec difficulte.*

1621.

& furent mulctez par amande, saisie & vente de leurs biens par les Magistrats & officiers du Roy.

*A Montpellier.*

A Montpellier le Seneschal du pays fit seulement publier ladite declaration à l'audience, mais encore à son de trompe par la ville, & condamna les Consuls qui ne voulurent assister à la solemnité d'icelle, en quatre milles liures d'amande.

*A Milhaud.*

Ceux de Milhaud la publierent aussi, & la firent mettre à execution.

*A Nîmes.*

Ceux de Nîmes y obeïrent volontiers car ils n'estoient pas encore bien imbus des mauvais Conseils des rebelles du bas Languedoc.

*Montauban  
la refuse.*

Il n'y eut que ceux de Montauban qui la méprisèrent & n'y voulurent obeïr: ce qui donna occasion à Monsieur Masurier premier Presidét de Tholouse de leur enuoyer cette lettre pour leur remonstrer le danger auquel ils alloient exposans leur ville & familles, par cette desobeïssance: elle est adressée aux Consuls, auxquels il reproche tout le mal qui se fait & commet en ce pays là par la tollerance des courtes de soldats qu'ils laissent sortir de leur ville, & leur dit.

*Lettre du premier  
President  
de Tholouse  
aux Consuls de  
Montauban.*

Messieurs les Consuls, on dit que le dernier des sens qui meurt en l'homme est l'ouye. C'est pourquoy ie croiray qu'il n'y a guere de vigueur ny d'amour enuers le Roy, vostre bourgeoisie, vostre peuple, &

que vous estes en vne profonde letargie, voire esteints, si tant est que vous n'oyez plus la parolle de vostre souuerain : vostre veuë s'est renduë trouble puis que vous ne reconnoissez son caractere, en ayant accueilly vn du faux seau nouuellement fabriqué à la Rochelle. Neantmoins ie suis obligé pour le deu de ma charge de vous enuoyer vne subsequente declaration du Roy, par laquelle il vous appelle à vostre conseruation, afin que vous remettans à vostre deuoir, il air subiet d'oublier toutes vos fautes : vous verrez que par icelle il nomme vostre ville comme complice des rebellions & souleuemens qui se font contre son autorité & repos de ses subiects, il vous ouure les moyens de fuir les dangereux & funestes succez de son indignation qui seroit à vostre confusion, & vous tend les bras de sa clemence, il est de vostre deuoir & de Messieurs les officiers de l'accueillir sur vos Chefs trop foibles ce qu'il destine par ladite declaration de chastimens contre ses subiects rebelles. C'est pourquoy mettez à profit cette declaration, & la precedente que vous auez supprimée à vostre peuple, lequel, & vostre bourgeoisie ignorans les commandemens du Roy, seront moins blasmables, estans abusez par les suppositions & inuentions des affronteux & des faux paquets que vous receuez en vostre ville (quoy que la nature leur dit assez qu'ils doibuent l'o-

*La figure de ce seau se voit d'après.*



beïssance à leur souuerain) ils vous imputeront leur ruine & les necessitez qui pourrôt subuenir, si la continuation des courses faictes par les voleurs qui sortent de vostre ville, qui tuent, pillent, rauagent les subiects du Roy, brulent leurs maisons, & les prennent prisonniers, est par vous continuée & autorisée. On a sursis iusques à present de les reprimer par la voye de la force, quoy que j'aye recogneu l'illusion de laquelle vous vsez par vos responces à mes lettres, le Roy les iugera telles lors que vous les representerez, au moins les coppies & vossdits responces signées de vos mains. Tesmoins vostre derniere laquelle ie vous enuoyay par vn huisnier de la Cour, sur la restitution d'un Ministre arresté, dont ie m'estois mis en peine de vous donner contentement suyuant vostre priere & vous ne m'avez point faict aucune response du fait particulier ny des courses: ie ne doute point qu'en vos entreprises vous n'auriez pastant de gens ramassez si vous ne leur permettiez de voller & faire degast par tout, dont vous aurez à rendre compte au Roy, si vous ne venez à resipiscence: mais vous estes si auenglez de croire que vous avez des garants à la Rochelle. C'est vn azyle fort esloigné de vostre seiour, car la souueraineté est bornée à l'enceinte de ses murs, outre que à mal exploier nul garant, cela ne peut plus estre

diffimulé, vostre peuple se voyant priué du travail & ne pouuant gagner sa vie, se mettra par vne sedition populaire à vn pillage. Dans Castres on a vû de tant de mauuais traictement à nos Confreres, qu'ils tiennent la vie & d'auoir eschappé à singulier bien-fait. Le Roy voulant preuenir les inconueniens de cette barbarie, qu'il eust esté contrainct de vanger, a donné la commission pour la translation de la Chambre à Villemur: il vous faut consulter s'il vous plaira de trouuer bon que Messieurs les Presidens, & Conseillers de vostre Religion s'y acheminent puis qu'ils sont membres de l'union de vos Eglises, qui nē parlent que par l'organe de vos assemblées. Les rebellions contre le Roy sont d'ordinaire accompagnées de l'oppression de la Iustice, aussi ay-je appris qu'au mesme iour qu'ils furent contraincts de sortir de Castres, Monsieur le Duc de Rohan Chef de vos armées chassa les Presidens & Conseillers Catholiques de Nerac. Je veux croire que ceux de vostre Religion auront provisions de ce venerable seel qui est rendu celebre par la declaration du Roy pour continuer seuls à Castres: voyla de grandes extremitez dont vous estes les auteurs. C'est ce que i'ay à vous représenter & exciter que vous ayez recours à la bonté & clemence du Roy. Je vous y ay.

1621.

*Lettre du Roy  
au Parlemens  
de Tholouse  
pour la translation  
de la Chambre  
de Castres  
à Villemur.*

*Le Duc de Rohan  
se retire en  
Guyenne pendant  
le siege  
de S. Iean  
d'Angely.*

1621.

diray autant qu'il me sera possible & que le bien du service du Roy m'y obligera & vos particuliers interets que j'auray tousiours en singuliere recommandation quand vous vous remettrez en vostre deuoir. Iesuis

Messieurs les Consuls & habitans.

Vostre tres-affectionné à vous faire  
service MASURIER.

De Tholouze ce 10.

Iuin 1621.

*Licence de bor-  
dee des troupes  
de Montauban.*

Et pour ce que la permission quel'on donne audit Montauban aux soldats qu'ils entretiennent, cause de grandes miseres en Albigeois & haut Languedoc, surprenans Chasteaux, maisons fortes, arrestans prisonniers, pillans, & rauageans indifferement toute sorte de personnes, ledit sieur Masurier se plaint au Roy de tous ces actes, ensemble de ce qui s'est passé à Castres la desobeissance, contre les Conseillers Catholiques de la Chambre, & sur ce qui s'est passé audit Montauban, Montpellier, & Milhaud touchant la susdite declaration, comme aussi sur la restitution de quelques places prises par ceux de ladite Religion qui tiennent la campagne suspecte & mal seure, & de la diligence du Parlement de Bordeaux pour maintenir l'autorité du Roy au Languedoc : cette lettre porte foy de tout ce qui s'y passe le long de cette saison, & pour ce d'autant plus necessaire d'estre icy inscrite.



Sire, Depuis ma lettre clausé i'ay fait assembler tout vostre Parlement pour deliberer sur les lettres de nos confreres de Castres & l'instance qu'ils faisoient pour se retirer, & nonobstant les grandes apprehensions, mespris. & hazards de leurs personnes, il a esté delibéré qu'ils y continueroient pourueu qu'ils puissent auoir assurance de leur vie, qu'ils endureront l'expulsion plustost de sortir & feront auparauint toutes sommations, protestations, interpellations aux Conseillers & Presidens de la Religion prétenduë Reformée, & aux Consuls & bourgeoisie &c. Neantmoins se retireront à l'Isle s'ils se voyent reduits à l'extremité. Je croy neantmoins que les apprehensions auxquelles nos Religioneux cōmencent à prendre, veu les grandes fautes & leur impuissance, les portera à pallier & produire des demonstrations d'obeïssance, les feueres remonstrances que i'en ay fait aux Deputez de Castres, & que i'ay escrit à Monsieur de Vignolles & à Messieurs les Consuls de ladite ville & leurs promesses, me font esperer qu'elles produiront de grâds effects. Mais ie me suis restrainct tousiours à ce poinct de les tenir coupables de tous les maux de la Prouince s'ils ne font publier la declaration de vostre Majesté, & nela mettent à profit. En effect, Sire, tous les principaux d'entr'eux & de Montauban & tous ceux qui ont à perdre iugent qu'il faut

1621.

*Lettre escripte  
au Roy par le  
premier Presi-  
dent de Tho-  
louze.*

1621.

*Declaration  
du Roy publiée  
en Languedoc.*

*Reddition de  
quelques places  
prises par les  
Religionnaires.*

ployer sous les loix de vostre souveraineté, & qu'ils n'ont garant ny protecteur. Il sera tres-aisé à vostre Majesté d'y reestabli son autorité & donner le repos à cette Prouince qui est fluctuante & portée à mal faire à toute extremité. Ils ne sont que en ces erres que de pouuoir reprendre en ces deux villes l'autorité sur le menu peuple, Montauban attend l'exemple de Castres. A Mont-pellier sur le mandement que j'ay fait aux officiers de la Seneschaussée, ils ont non seulement publié à leur audience vostre declaration, mais aussi à son de trompe & cry public par toute la ville : & pour ce que les Consuls, selon l'obligation & coustume ordinaire n'ont voulu assister à la solemnité de cest acte, ils les ont condamnerez en quatre milles liures d'amandé. Il y a encore de la vigueur pour le seruice de vostre Majesté. Les officiers & Consuls de Milhaud me viennent d'escrire qu'ils l'ont publiée & me promettent de la mettre à profit. Je leur rends le bien pour le mal, de leur faire rendre les prisonniers retenus par represaille, c'est ce qui leur abbat le courage.

Ce pendant les perturbateurs du repos public ont rendu le Chasteau de Campuiales en Lauragais qu'ils auoient pris, il est remis entre les mains du propriétaire : le semblable est fait de celuy de Laurac le grand qu'ils auoient petardé, la crainte qu'ils ont  
de tou-

de toutes les troupes ramassées sur les commandemens de vostre Parlement que ie leur auois enuoyé, les a necessitez. Mais le mal-heur de tant de rauages, prises de bestial, de prisonniers & continuelles oppressiōs reduit vōs subiects aux extremitez l'apprend qu'hyer en vne course ils ont pris 80. ou 100. prisonniers, ils n'en peuuent sortir sans payer, les passas sont deualifez, nous estimons neantmoins tout cela disproportionné aux ruines que nous apprenons auoir esté faiçtes & qui continuent au bas Languedoc par les troupes qui y subsistent & es environs de Narbonne & Carcassone, dont Monsieur de Carcassone se trouue grandement empesché, & s'en est adressé par plusieurs lettres à vostre Parlement, nous auons sur sis d'en ordonner sur ce qu'on nous a donné à entendre que vostre Maiesté vouloit que cest armement subsistast, si elle l'a agreable, nous en receurons les commandemens. C'est ce dont ie peux donner aduis à vostre Maiesté de l'Estat present de ces Prouinces voisines, priant Dieu de conseruer vostre Maiesté. Je suis,

SIRE,

Vostre tres-humble, tres obeissant  
& tres-fidelle subiet, seruiteur  
& officier, M A S V R I E R.

De Tholouze ce 26.

Iuin 1621.

1621.

Prisonniers  
arrestez.



1621.

*Declaration  
du Roy publiee  
à Sedan.*

Dans la ville de Sedan le Marechal de Bouillon fit aussi publier ladite declaration du Roy, & tesmoigna à sa Majesté ce qui estoit de son intention sur ce subiet, & de l'affluence de plusieurs familles de la Religion, en ladite ville de Sedan, en luy parlant par cette lettre.

*Lettre de Monsieur le Duc de  
Bouillon Marechal de France  
au Roy.*

Sire, l'ay pensé estre obligé de donner auid à vostre Maieité que depuis la publication de sa declaration, du 27. du mois passé, plusieurs de ses subiects faisans profession de la Religion Reformée de toutes conditions se sont retirez en celieu avec leurs familles, par la crainte qu'ils ont de ne pouoir désormais demeurer en seureté en leurs maisons, ny continuer avec liberté l'exercice de la Religion, dõt voicy les raisons qu'ils m'en ont representees: A sçavoir que ceux qui ont en haine leur Religion, & ont cõjuré leur ruine se sont seruis du mescontentement de vostre Majesté, contre l'Assëblée de la Rochelle pour exciter son indignation, non seulement cõtre les particuliers Deputez en icelle, mais aussi en general cõtre tous ceux de la Religion. Ce qui a causé depuis quelque tẽps les apprehensions de desffiances qui ont esté presque vniuerselles entre vouldits subiects, iusques à ce que vostre Maieité par sa declatiõ du 24. Aupil, fit cognoistre que son intétion estoit de maintenir & faire exactement obseruer ses Edicts pour ceux qui demeureroiẽt en deuoir & obeïssãce sous le be-

nefice d'iceux, lesquels elle prenoit en sa  
protectiō: mais qu'à peine ceste declaration  
fut publiée, que ceux qui ont rendu tout o-  
beïssance sous la foy publique d'icelle ont veu  
des effects tous cōtraires par les changemēs  
faicts à Saumur, Gergeau & Sancerre, qui  
sōt places de seureté, par le desarmemēt qui  
a esté fait par autorité publique en diuers  
endroits, suiuy des sermōs de quelques pres-  
cheurs passionnez, lesquels pour animer les  
peuples contre eux, leur ont proposé, mes-  
mes en presence de vostre Maiesté que c'e-  
stoit vn moyen d'acquérir le martyre que de  
courir sus à ceux qu'ils appellēt heretiques.  
Que par là il estoit aisé à iuger qu'on vou-  
loit par degrez aduancer leur ruine proiet-  
tée par vn dessein general, dont l'assemblée  
de la Rochelle n'estoit que le pretexte, le-  
quel paroïsoit plus clairemēt par les procé-  
dures extraordinaires & sans exemples que  
tiennent les Officiers de vostre Maiesté en  
l'exécution de ladite declaratiō, par lesquel-  
les ils obligēt indifferemment tous ceux de  
ladite Religion quelque obeïssance qu'ils  
ayent renduë: mesmes les femmes & les en-  
fans iusques à l'aage de quinze ans, de faire  
des sermens & protestations qu'on veur par  
toutes sortes de rigueurs extorquer d'eux  
contre leurs consciences & la liberté des E-  
dicts, les retenans par fois dans les villes, &  
les empeschās d'en sortir mesmes du Royau-  
me, & de trāsporter ou disposer de leurs biēs

1621.

Il n'y a Predi-  
cateur Carbo-  
lique qui ait  
tenu ce langage  
en public.

Cela est faux  
mais seulement  
reconnoistre les  
fidelles subiects  
d'avec les re-  
belles.

1621.

Point de me-  
naces que pour  
les rebelles.

en façon que ce soit, ne restant (comme ils disent) que de leur commander d'aller à la Messe & les cōtraindre par force à croire ce qu'ils ne croient point, sans leur laisser mesme l'option & liberté de satisfaire à ce qu'o requiert d'eux, ou de se retirer ainsi qu'il s'est tousiours pratiqué és plus grandes rigueurs qu'on a autresfois exercées à l'écontre d'eux ou de leurs peres. Que pour euitre ce danger auquel ils se voyent exposez, paroissant manifestement par les effects, que c'est au general de ceux de la Religion qu'on en veut, ils ont mieux aymé pour ne defaillir à ce qu'ils croyét deuoir à leurs conscées se retirer, quoy qu'avec peril, abandonner leurs maisons & souffrir en leurs biens la rigueur des peines dont ils s'ot menacez, quoy qu'ils n'estiment pas les auoir méritées, estās iusques à ceste heure demeurez en obeïssance, & protestans vouloir continuer en la subiection naturelle qu'ils doiuent à V. M. comme ses tres humbles subiects, ayans pour cest effect choisi ce lieu plustost qu'aucun autre, par ce qu'il est en la protection de vostre Majesté. En ceste occurréce, Sire, voyāt arriuer tant de personnes miserables, tāt de vesues & d'orphelins, dont les plaintes, les larmes & les gemissemens pourroient esmouuoir à pitié & compassion les plus insensibles, ie n'ay pas creu leur deuoir fermer mes portes, non plus qu'autresfois mes predecesseurs ont fait en séblables occasions, ny



leur desnier la retraicte qu'ils m'ont demandée dans mes terres. Et sur ce suiet, Sire, j'oseray dire à vostre Maiesté avec l'humilité & le tres-humble respect que ie luy dois, que ceste procedure extraordinaire qui se tient sous vostre nom par vos Officiers, & que i'estime aller plus auant que vostre intention, apporte à vostre Estat des inconueniens beaucoup plus grâds que peut estre on ne la preueu, & qu'on ne le represente à V. M. laquelle avec le tēps pourra recognoistre que ceux qui luy proposent vne grâde facilité à ruiner & dissiper ses suiets de ladite Religio<sup>n</sup> parla force des armes & autres rigueurs, n'en croyēt pas pourtāt l'exécution si aisée, ne desirans que de les mettre au desespoir, afin d'aigrir tellement le mal que le remede n'y trouue plus de lieu, & ne uulēt qu'estre armez sous ce pretexte, n'y en ayāt point de plus plausible pour faire valoir leurs interrests particuliers plus que l'authorité de V. M. & de son Estat, qui n'en peut en fin ressembler qu'une desolation & calamité déplorable. Cela me fait supplier tres-humblement vostre Maiesté de vouloir donner la paix à son Estat & seurere à ses suiets de la Religion par l'observation & execution de ses Edicts, & de considerer que ceste obeissance qu'on leur veut faire rendre par contraincte, & par force luy sera moins certaine & asseuree, & luy doit estre aussi moins agreable que si elle estoit libre & volontaire, & que

*Imposture de  
dire que le Roy  
attaque la Religion,*

*Le Roy ne requiers que la  
paix & l'obeissance.*

1621.

*Cela n'est point  
venu à nostre  
connoissance.*

vostre Maieſté receura beaucoup plus de contentemēt de faire apporter quelque moderation à l'executiō de ladite declaratiō & d'arreſter les rigueurs extraordinaires de ſes Officiers, qu'en les laiſſant cōtinuer, rēdre le mal ſans remede, & oſter tout moyen à ceux qui deſirent le bien & repos de voſtre eſtat d'y contribuer ce qu'ils doiuent, ainſi que ie feray touſiours avec grande affection en ce qui ſera de mō pouuoir. Je ſupplie auſſi tres-humblement voſtre Maieſté, ce lieu eſtāt en ſa protection de faire pouruoir par ſon autorité, que ceux qui ſ'y viennent retirer pour la liberté de leurs cōſciences n'en ſoiēt point empēchez ny en leurs perſonnes, ny en leurs biens, ny moleſtez par les chemins, ainſi qu'ils ſont avec toutes ſortes de vexations & indignitez. En quoy i'adiouſteray que quelques deuoirs que i'ay rédu iuſques à cēte heure, & quelque contentemēt que V. M. ait teſmoigné en auoir receu, nonobſtant les aſſeurances qu'il luy a plu me donner par pluſieurs lettres qu'elle m'a fait l'honneur de m'eſcrire qu'elle feroit pouruoir au payement de ce qui m'eſt deub, à cauſe de ladite protectiō, ie n'en ay depuis pluſieurs années reſſēty aucun eſſect, ainſi que ie l'ay cy deuant reſenté à voſtre Maieſté par mes lettres du 7. Auriſ dernier, ſur leſquelles ie n'ay eu aucune reſponſe, quoy que les armes des voiſins m'ayent obligé depuis quelque temps à augmenter ma garniſon pour

prendre plus soigneusement garde à la conservation de cette place pour le service de vostre Maiesté & de la France, & d'y faire pour cest effect beaucoup plus de despenſe que ie n'auois accoustumé, laquelle ie suis contraint de continuer & porter toute entiere, par ce que ceux qui ont charge de vos finances n'y apportét aucune considération, soit qu'ils n'en ayét commandement de vostre Maiesté, ou que la hayne commune qu'on porte à ceux de la Religion, s'estende aussi sur moy, qui fais mesme profession, & que cela me priue des effects de la bien-vueillance de vostre Maiesté, de laquelle attendant les commandemens & les tesmoignages de sa protection, ie demeureray,

SIRE,

*Vostre tres-humble, tres-obeyssant,  
& tres-fidele subiet & seruiteur,*

HENRY DE LA TOVR.

De Sedan le 22. Iuin 1621.

Puis donc que le Roy a donné si bon ordre au repos de ses bons subiets, que mesme il a pris en sa protection ceux de la Religion pretenduë Reformée qui demeureroient en leur deuoir, & se retireroient aux Grefſes des Bailliages, & Seneschauſſées pour y detester la rebellion des Rochellois & de Montaubā, iurer & promettre n'y adherer en aucune maniere, ains demeurer inuiolablement en l'obeiſſance qu'ils luy doiuent, sa Maiesté ayāt resolu sur ce de reprimer l'in-



1621.

Commence-  
ment du siege  
de S. Iean  
d'Angely.

solence de ses ennemis & chastier la Rebellion, cōmança à poursuiure ce iuste & neccessaire dessein par le siege de S. Iean d'Angely.

Le Roy n'estoit encore sorty de Saumur qu'il eut aduis de cette rebellion qui se minutoit en cette place par le Duc de Rohan, à la poursuite & instante sollicitation de l'assemblée de la Rochelle, ame qui donnoit la vie, la forme & tout le mouuement à ce grand corps de reuolte qui alloit naissant dans les entrailles de cest Estat.

Sur ces aduis la Maiefté faschée de voir le Duc de Rohan marchander sa ruine dans l'indignation de sadite Majesté despesche vers luy dans S. Iean d'Angely, le sieur Arnould, qui partit de Saumur le quinziesme May avec commandement du Roy d'aller dire audit sieur Duc de Rohan & au sieur de Soubise son frere, que sa Maiefté, entendoit qu'ils la vinssent trouuer, pour aduiser avec eux de l'accommodemēt des affaires, ou sçauoir d'eux en particulier s'ils auoient intention de se rendre Chefs & protecteurs des villes & subiets rebelles à sadite Maiefté.

Mais comme ils firent assez cognoistre au Roy par leur responce l'intention qu'ils auoient de se conduire au branle & mouuement de l'assemblée des rebelles, & de tenir le party, sa Maiefté se resolut deslors de les desnichier des places desquelles ils se vouloient preualloir.

Pour cest effect le 20. May par son com-

Le Roy enuoye  
vers les Ducs  
de Rohan &  
de Soubise.

Leur responce.  
1621.

mandement partirent de Saumur douze  
pieces de Canon avec tous les Suisses que  
le Roy y auoit laissez, pour battre S. Iean  
d'Angely: pendant quoy on donne ordre  
pour le blocquement de la place & des ap-  
proches du siege.

Le Duc de Rohan Gouverneur de S. Iea  
fit entrer là dedans 3000. de pied & trois  
cés cheuaux pour la garde & deffence de la  
place, la fit prouisionner de pouldres, d'armes  
& de munitions de viures y enuoyees de la  
Rochelle, & ne voulant s'enfermer là dedas  
y laissa pour Chef & Lieutenant ledit sieur  
de Soubise son frere avec le sieur de Haute-  
fontaine, l'assurant qu'estant assiegé il le  
reuerroit en bref avec secours.

Le Roy estant à Niort en resolution d'é-  
porter cette place, le Duc de Luynes Con-  
nestable, considerât que ledit sieur de Sou-  
bises'alloit perdre au soustié de ce siege, de-  
sire, en faueur de l'alliâce honorable qu'il a  
avec la maison de Rohan, tirer ce Seigneur  
hors du peril où il s'alloit engager, & luy  
enuoye de sa part le sieur d'Esplend pour  
l'exhorter à l'obeissance & à la reddition  
de la place: mais ledit sieur de Soubise se vo-  
yât fortifié, mais plustost abusé des conseils  
du sieur de Haute-fontaine & du secours que  
luy promettoit le Duc de Rohan son frere, se  
delibere d'arêdre le cano & garder la ville.

Sur les preparatifs de ce siege arriue en  
cour le Baro de Haye Ambassadeur extra-

1621.

*Canon party de  
Saumur pour  
assiéger S. Iean*

*Le Duc de Ro-  
han fait entrer  
des garnisons  
& des muni-  
tions dans S.  
Iean Il se retire*

*d'Esplend en-  
uoyé vers le  
sieur de Soubi-  
se par M. le  
Connestable.*

*Opinia tres  
dudit sieur.*

1621.

*Ambassade  
d'Angleterre  
au Roy portant  
la resolution de  
son Maistre.*

ordinaire d'Angleterre, portant nouvelles au Roy de la volonté de son Maistre: & dit que la verité estoit qu'en Angleterre on auoit voulu pratiquer quelque assistance pour ceux de la pretendue de France, sous ce faux donné, que l'on vouloit attaquer la Religion; mais que sa Maiesté serenissime ayant sceu le contraire, que tout le differend n'estoit que pour l'obeissance que quelques villes de la Religion en France refusoient à leur Roy, la cause de courir au deuant de cette Rebellion estant iuste, tous les Souuerains du monde y estans interessez, promettoit, au nô dudit Seigneur Roy son Maistre tout assés de sa part, mesme toute assistance à sa Maiesté tres-chrestienne en cette occasion, s'il en estoit besoing, de la bonne volonté duquel le Roy le remercia.

*Le sieur de  
Loudriere s'é-  
ferme dans S.  
Iean pour gai-  
gner le sieur de  
Soubise.*

Sur cette resolution opiniastre du sieur de Soubise, sa Maiesté recognoissant que le sieur de Loudriere par vne preuue de sa fidelité auoit procuré la reddition de Fontenay le Comte contre le gré de la Dame de la Boullaye, & qu'il pouuoit encore beaucoup seruir pour celle de S. Iean, & reduire le sieur de Soubise au deuoir, luy permit se ietter en la place sous pretexte d'y vouloir tenir son rang sous les commandemens de ce chef, pendant quoy, il luy inspireroit l'obeissance en l'anne, & luy faciliteroit les moyens de receuoir la misericorde du Roy.



Pendant cecy le Comte d'Auriac Maref-  
chal de camp aux armées de sa Maieſté fut  
par ſon commandement bloquer & inue-  
ſtir la ville de S. Iean d'Angely le 18. May  
auec les regimens de Normandie, Cham-  
pagne & Piedmont, que ſadite Maieſté a-  
uoit laiſſez aux frontieres du Poictou, à ſon  
retour du Bearn, l'an paſſé.

Et le lendemain 19. le Duc de l'Eſdiguie-  
res arriua au camp auec le Duc de Briſ-  
ſac qui auoient la conduicte de tout l'ar-  
mée.

Le Duc de Rohan cependant s'achemine  
en Guyenne, leue quelques gens de guerre  
& ioint quelques troupes que luy amene-  
rent le Marquis de Malauiſe, les ſieurs de S.  
Rome, de S. Amans & autres rebelles, auec  
leſquelles ils ſ'affeurent de la ville de Nerac, y  
degrade les Conſeillers Catholiques de la  
chambre & y maintient la Rebellion ſous  
vne garniſon de 600. hommes

Depuis le 20. May iuſques au 27. tout ce  
temps fut employé à attendre les gens de  
guerre qui venoient de toutes parts à ſa M.  
pour la ſeruir en ce ſiege; les aproches du-  
quel y a ſia eſté faiſtes par le Comte d'Au-  
riac, on acheua dans ledit temps de former  
le camp, planter les tentes, drefſer le parc  
de munitiōs, assigner les quartiers, marquer  
les tranchées, recognoiſtre la place; les ad-  
uenues d'icelle & les endroits d'où ils pou-  
uoient eſperer quelque ſecours.

1621.

Le Côte d'Au-  
riac inueſtit S.  
Iean.

Duc de Rohan  
en Guyenne.

Se iette dans  
Nerac.

Aproches du  
ſiege de S. Iean.

1621.

*Courage de la  
noblesse Fran-  
çoise paroist au  
service du Roy*

*Premiere sortie  
des assiegez.*

*Generosité du  
Marquis de  
Themines.*

*Audace des en-  
nemis.*

Le Marechal de Brillac commandant à l'armee du Roy estant sorty le Ieudy vingt-sept-iesme May accompagné dudit sieur Comte d'Auriac & de plusieurs volotaires avec dessein seulement de s'aller pourmener en la plaine, qui est entre saint Iulien & saint Iean d'Angely, & ayant à peine passé les ponts qui trauersent la riuere de la Boutonne, toute ceste Noblesse volontaire courut vers les murailles de la ville, & euenta le courage qu'elle auoit de bien seruir le Roy contre ses ennemis: ce qui occasionna ceux de dedans de faire sortir vingtcing mousquetaires, soustenus de trois ou quatre cens hommes de pied, & de quarante à cinquante Maistres bien armez, & montez, qui parurent aussi-tost que le sieur Marquis de Themines, fuiuy de quinze ou seize Gentils-hommes, en pourpoint, courut à toute bride contre ceux qu'on auoit enuoyé pour les amorcer au combat, & franchit avec enuiron cinq ou six de sa troupe le fossé où ils estoient logez, & les contraignit de luy abandonner. Là furent blesez les cheuaux de Messieurs de Chappes, & de Bouteville, & parut le gros des ennemis, quatre desquels, armez de toutes pieces, & montez aduantageusement, s'aduancerent vers les nostres, & demanderent si quatre voudroient tirer contr'eux vn coup de pistolet: le Baron de Moutenac le leur accorda volontiers, quoy

qu'il fust en pourpoint: les sieurs de saint Michel, Saldauis & Nauailles voulurent l'assister; & aprochans de douze pas, estoient près de les ioindre, si les mousquetades tirees d'un & d'autre costé n'eussent causé leur separation.

Ainsi il n'y eut pour ce iour qu'une legere escarmouche, faite par Monsieur de Pigollet,

Le Vendredy 28. May, la place fut recongneue par Monsieur le Comte d'Auriac, lequel voulut engager les ennemis à quelque combat; mais il fut impossible.

*La place recongneue par le Comte d'Auriac.*

Le Samedi 29. Monsieur le Duc de l'Esdiguieres, General des armées du Roy, arriva à saint Julien, & entra en possession de la charge & conduite du camp Royal, Monsieur de Brissac la luy ayant quittée, & estant allé trouver le Roy à Chizé: ledit sieur de l'Esdiguieres voulut d'abondant reconnoistre la place, & y fut accompagné par Messieurs le Prince de Ioinville, Duc d'Elbœuf, Marechal de Chosne, de la Rochefoucaud, S. Luc. Termes, & plusieurs autres Seigneurs, & gens de qualité: Les ennemis firent sortir quelque Infanterie, qui fut repoussée par les nostres.

*Duc de l'Esdiguieres fait Lieutenant de l'armée.*

Le Dimanche trentiesme & propre iour de la Pentecoste, Monsieur le Marechal de l'Esdiguieres comanda au Côte de Mauruers & de Fontenay, tous deux

*Seconde sortie des ennemis.*



1621.

*Comte de Mau-  
reurs & de  
Fontenay selo-  
gent au faux-  
bourg des Tail-  
lebourg,*

Maistres de camp des Regimens de Cham-  
pagne & Piédmont, de se loger dedans le  
faux-bourg de Taillebourg, à quoy ils o-  
beïrent promptement, & firent leur barri-  
cade à 50. pas de celle des ennemis. cedit iour  
le Pere Arnoux fit vne telle exhortation à  
la fin de son sermon à tous les Capitaines &  
gens de guerre promettans vne heureuse  
Couronne à ceux qui mourroient en cette  
guerre pour le seruice du Roy, & parla  
auec tant d'art & d'eloquence qu'il raut en  
admiration ses auditeurs.

Le Lundy dernier iour de May, le Duc  
de l'Esdiguières alla sur le midy au faux-  
bourg susdit, pour faire mettre en poudre  
vn portail, gardé par les assiegez : au pre-  
mier coup de canô, les Princes de Ioinuille  
& Cardinal de Guise & le Duc d'Elbœuf  
allèrent au logement du Comte de Maur-  
uers, pour s'approcher plus près des enne-  
mis : le sieur de Pigeollet, premier Capi-  
taine, & Lieutenant Colonel du regiment  
de Champagne, attaqua leur barricade si  
viuement que son Sergenty fut tué.

*Arrivée du  
Roy au camp.  
Escarmouche  
furieuse avec  
les ennemis en  
forcans un per-  
sail.*

Ce faux-bourg fut brauement deffendu  
par les ennemis. Mais ce iour la le Roy ar-  
riua au camp enuiron vne heure apres mi-  
dy, la presence duquel augmenta tellemēt  
le courage aux siens que ledit faux-bourg  
fut forcé, & les ennemis se voyās cōtraints  
del'abandonner y meirent le feu : de ma-  
niere que ledit faux-bourg fut quasi entie-

rement bruslé, & dans ce conflit Monsieur le Prince de Joinville, & le Cardinal de Guyse son frere firent preuve de leur courage & vaillance, car ils furent les premiers qui sauterent la barriere & se ietterent au trauers des feux & des armes à la poursuite des ennemis n'ayant pour toutes armes offensives & defensives que leurs espees. Ces deux Princes forcerent la premiere & seconde barricade où demurerent plusieurs volontaires qui blesez de mousquetades manquoient d'haleine, mais nō pas de courage.

Là le Duc d'Elbœuf fut blessé en la cuisse au gros de la iambe d'une mousquetade.

Le Comte de Mauruers beau frere de Monsieur de Crequy Maistre de Camp s'y trouuant y fut tué d'un coup de mousquet en combatant, & deux autres Capitaines avec douze ou quinze que Gétils hommes que soldats, dont le Roy a esté fort fasché. Ce braue Seigneur se voyant sur le point de la mort, dit qu'il mouroit avec vn contentement extreme puis que c'estoit pour le seruice de sa Ma. laquelle il supplioit en sa faueur, auoir souuenance d'un sien fils qu'il laissoit au monde, ce que le Roy luy promit Là fut aussi blessé le sieur de Humieres en faulxant la seconde barricade, cōme aussi les sieurs d'Auennes de Dauphiné & Nauailles de Bearn.

1621.

*Courage du  
Prince de Join-  
ville & du  
Cardinal de  
Guyse.*

*Blesseure du  
Duc d'Elboeuf*

*Mort du Cōte  
de Mauruers.*

1621.

La 3. barricade resta aux ennemis, car il n'en se trouua que 30. des nostres pour l'attaquer.

*Après le du  
combat avec les  
ennemis.*

Le Marquis de Themines y commandoit & voulut r'appeller le Barón de Montenac qui s'estoit auancé dix pas plus que le reste de la compagnie: mais on ne prit garde à ce qu'il disoit, tant vn chacun estoit eschauffé au combat, & assourdy des mousqueta-des que leur tiroient les ennemis de dedans douze ou quinze des nostres firent barricade proche de la leur de la portee du pistolet, encoré qu'ils fussent en pourpoint: de ces quinze furent les sieurs de Bressieux, Chosdebonne, Chetin, Montegnac, Marignan, Crazannes fils de M<sup>rs</sup>ieur du Bordet, Descris nepueu de Monsieur le Cardinal de Rets.

*Seigneurs en-  
gagés au peril  
rapellez par  
commandem<sup>t</sup>  
du Roy.*

Ils furent plus de demie heure sans qu'on leur voulust donner ny piquiers ny mousquetaires pour les soustenir, & furent commandez plusieurs fois de se retirer, ce qu'ils ne voulurent faire, se resoluans de mourir plustost que de quitter l'honneur qu'ils auoient acquis si glorieusement: en fin y estans contrains, ils retournerent, aportans les corps du sieur du Bois Verdin, l'un des Capitaines du regiment de Nauarre, & de deux soldats qui y moururent, ne pouuans permettre que les ennemis triomphassent de la mort de ceux qui les auoient fait trembler en leur vie. Monsieur de Ioinuille & le

Duc



Duc de Chofne y furent marchandez chacun d'une mousquetade, qui perça leur chapeau.

Deux heures apres la prise de ce faux-bourg le Roy fut luy troisieme recognostre la place à la portee du mousquet, & ne s'en retourna en son quartier (qui estoit à Veruana) qu'il ne fust dix heures de nuit.

*Le Roy luy  
mesme va re-  
cognoistre la  
place.*

Ce iour la le Duc de l'Esdiuieres, fit pointer 4. pieces de canon, qui battirent la ville en ruine, & fauoriserent ceux qui travailloient à la tranchée en sorte qu'ils ne receuoient aucun empeschement par les assiegez, & la nuit prochaine on fit braquer douze autres pieces en attendant huit pieces qui venoient de Niort, & six pieces de Xaintes.

*Batterie du  
Duc de l'Esdi-  
uieres & ses  
effets.*

Là le sieur de la Vallee Canonier, fit des merueilles avec quatre Canons ayant abbatu deux grosses tours, sur lesquelles estoient deux Couleurines, qu'il fit sauter, & outre fit vne bresche de quinze pas, foudroya la maison du Gouverneur, & trois corps de garde.

*Effets du sieur  
de la Vallee Ca-  
nonier au Roy.*

Le Mardy 1. May, le Roy fit abbattre deux tours de la ville à coups de canon, & démonstra vne de leurs grosses pieces.

Le Mercredy 2. du mois, sa Majesté enuoya vn Heraut d'armes, faire commandement à monsieur de Soubize de luy remettre la ville entre ses mains, sur peine d'estre declaré criminel de leze Majesté.

1621.

Le Heraut dit ces mots,

*Sommation fai- la part du Roy ton souuerain Seigneur & le mien;  
cte au sieur de que tu ayes à luy ouvrir les portes de sa ville de S.  
Soubize par un Jean d'Angely pour y entrer luy & toute son ar-  
Heraut de mee: à faulse de ce faire, Je te declare de la part du  
France. Roy ton souuerain Seigneur & le mien, criminel  
de leze Maiesté diuine & humaine, au premier  
chef, tes maisons & Chasteaux rasez, tes biens ac-  
quis & confisquez au Roy, & toy & toute ta po-  
sterité declarez roturiers.*

Sa responce.

A quoy dit ledit sieur de Soubize, qu'il e-  
stoit tres-humble seruiteur du Roy, qu'il n'estoit  
que Soldat, & ne pouuoit respondre auant que  
d'auoir communiqué ce commandement à l'As-  
semblée de la Rochelle & à son frere le Duc de  
Rohan. Et comme il parloit la teste couuer-  
te, le Heraut luy replicqua; Sçaches que tu  
ne me dois respondre ny comme Capitaine ny com-  
me Soldat la teste couuerte, & que quand ie te  
parle de la part du Roy mon souuerain Seigneur  
& le tien, tu dois auoir la main au chappeau: Là  
dessus le sieur de Haute Fontaine dit au He-  
raut, le Roy excusera s'il luy plaist, Monsieur de  
Soubize n'a iamais esté sommé. Et s'en retour-  
nant ledit Heraut sans autre resolution,  
trouua le sieur de la Salle Capitaine des Gar-  
des, auquel il dict qu'il n'y auoit aucune o-  
beyssance, & qu'il falloit tirer. \

Replicque du  
Heraut.Parolle du sieur  
de Haute Fon-  
taine.

Au mesme temps la Maiesté ayant eu ad-  
uis comme à la Rochelle on y peruertoit  
tout l'ordre de la iustice, & que les officiers  
de la Maiesté n'y pouuoient exercer leur

charge en liberté ny rendre la iustice aux

parties, resoului de transferer le siege Presi-  
dial de la Rochelle en la ville de Marans, &  
expedia ces lettres patentes sur ce subiect.

Louys &c. Les desordres, desobeissances

& rebellions ouuerres qui se sont commises

depuis quelques mois en nostre ville de la

Rochelle, cōtre nostre auctorité & le repos

public, & le mauuais traitement que nos

bons subjets & officiers qui ont voulu se

maintenir dās les termes de la fidelité qu'ils

nous doiuent, y ont receu, aucuns d'eux ayās

esté cōtraints de quitter & abandoner leurs

charges & maisōs, pour euitier la violēce des

mutins qui sont en ladite ville, Nous faisāns

cognoistre cōbiē la Iustice y est opprimee, &

les Loix & Ordōnāces de nostre Estat violees

& ancāties, Nous auōs resolu d'interdire de

ladite ville nostre siege Presidial: Ensēble les

autres Iustices & Iurisdicōiōs qui sōt au gou-

uernemēt d'icellē, & les transferer en quel-

que autre lieu où nos officiers puisēt en toti-

te seurētē administrer la Iustice à nos sub-

jets, & y exercer libremēt la fonctiō de leurs

charges souz nostre auctorité, A ceste cause,

de l'aduis de nostre Cōseil, où ceste affaire a

esté mise en deliberatiō: Et de nostre certai-

ne sciēce, pleine puisāce & auctorité royale,

Nous auōs dict & déclaré, disons & déclarōs

par ces presētes, toutes Cours & Iurisdicōiōs

Presidiales que du Gouuernemēt & Preuosté

de ladite ville, estre interdites, cōmē nous les

1621.

*Lettres patētes  
du Roy pour la  
translatiō du  
siege Presidial  
de la Rochelle  
en la ville de  
Marans.*



1621.

interdisons, & defendons à tous nos Officiers d'icelles, d'y faire aucune fonction de leurs offices, & à tous nos subjets de s'adresser à eux, ny y auoir aucun esgard, sur peine de nullité, & d'estre descheuz de leurs droits & pretentions, & de tous despens, dommages & interests. Voulons & nous plaist, que ledit siege Presidial & Gouvernement de la Rochelle, ensemble les autres Iustices & Iurisdiccions qui souloient estre administrées en ladite ville, soient transferees comme nous les transferons en nostre ville de Marans, où nous voulons que nos officiers dudit siege & Iurisdiccions ayent à se rendre dans huit iours apres la signification qui aura esté faite des présentes, au plus prochain lieu de marché de ladite ville : Pour par cy apres y faire la fonction & exercice de leurs charges, & rendre & administrer la Iustice à nos subjets du Gouvernement de ladite ville, iusques à ce que en ayons autrement ordonné. Voulant à ceste fin que tous Exploicts, Adiournemens & Assignations soient dorefnauant donnees à comparoir dans nostredite ville de Marans, au lieu de celle de la Rochelle: Declarant dès à present comme pour lors, nulles toutes sentences & iugemens qui pourroient estre donnees apres ledit temps par lesdits Officiers en ladite ville de la Rochelle ou autre lieu, que celle de Marans. Defendons à nostredite Cour de Parlement de Paris d'y auoir au-

cun esgard, ny recevoir aucunes appellations, que celles qui seront interjettees en ladite ville de Marans, en laquelle nous voulons & entendons, que par le Greffier dudit siege soient promptement portez tous & chacuns les registres, papiers & escritures du Greffe d'iceluy : ensemble que les prisonniers qui se trouveront es prisons de ladicte ville de la Rochelle, soient conduits sous bonne & seure garde en celle de Marans, & que les Consuls ayent à bailler vn lieu & maison propre pour la tenue dudit siege. Et où aucuns de nos officiers voudroient demeurer en nostredite ville de la Rochelle apres le temps, & y tenir siege ou forme de Iustice, ou faire autres fonctions de leurs offices, Nous les declaronz dès à present comme lors, atteints & conuaincus de rebellion & desobeissance, & comme tels indignes & incapables de tenir & exercer cy apres, leurs dites charges & offices, & qu'il y sera par nous pourueu & commis en leurs places d'autres personnes de qualite requises : Et voulons qu'il soit procedé contre eux par les voyes ordinaires en semblables cas. Si donnons en mandement à nos amez & feaux les gens tenans nostre Cour de Parlement de Paris, & gens tenans le siege Presidial en ladite ville de la Rochelle, chacun endroit soy, que ces presentes ils facent lire, publier & enregistrer, & le contenu en icelles garder & observer sans y contreuenir. Enjoignās à nostre

1621.

Procureur general en ladite Cour, & ses substituts, faire toutes requisitions, poursuites & diligences necessaires pour l'exécution de celsdites presentes: Car tel est nostre plaisir. Nonobstant quelsconques Edicts, Ordonnances & autres choses à ce contraires, ausquelles nous auons derogé & derogeôs par celsdites presentes. En tesmoing dequoy nous y auons fait mettre nostre seel. Donné au camp deuant S. Iean d'Angely le 1. iour de Iuin 1621. Signé LOVYS. Et plus bas, PHILIPPEAUX.

*Rapport du  
Herault fait au  
Roy, de la reso-  
lution du sieur  
de Soubize.*

*Attaques com-  
mandées par le  
Roy.*

*Ordre des bat-  
teries & dispo-  
sition d'icelles.*

Or le Herault ayant fait rapport à sa Ma-iesté de la réponse qu'auoit faite à son commandement le sieur de Soubize, donna ordre aussi tost que la place fut viuement battuë & attaquee, ordonna toute la caualerie du costé d'Aulnix & autres lieux d'où se pouuoit amener secours à la place, fait conduire les trenchées iusques sur le bord des fossez, & fit faire deux attaques, l'une nommée le Travail du Duc de Chosne, & l'autre celle des Gardes du Roy. Puis pour les batteries l'ordre en fut suiuy, de la sorte, sçauoir la batterie du sieur de Crequi contre l'esperon d'entre la porte de Niort & le fauxbourg de S. Eutrope, composée de six grosses pieces.

La batterie du Marechal de Praslin, de quatre pieces de canon flanquées contre le Ravelin d'entre la porte de Niort & la porte d'Aulnix.

La batterie du Marquis de la Valette de six



grosses pieces contre la porte de Niort.

La batterie de monsieur Zamet, de cinq pieces de canon, contre l'esperon de la porte de Taillebourg.

La batterie du Comte de Bassompierre de trois grosses pieces, contre l'autre esperon de ladite porte de Taillebourg.

La batterie du Duc de Chosne de cinq pieces de canon contre la porte de Matha.

Le quartier du Roy fut assigné au bourg de S. Iulian où sa Maiesté recenoir à chaque heure aduis de tout ce qui se passoit en tous les quartiers du camp.

Pendant ce siege sa Maiesté enuoya le Duc de Luxembourg avec ses cheuaux legers du costé de la Rochelle assisté du Comte de la Roche Guyô, des sieurs de Vardes, Belin, de la Frere, Marquis d'Aluy, Baron de Vilandré, de Clermont d'Antragues, de Vincy, d'Aulmont, du Belay, Marquis de Sablé, & autres Seigneurs qui tindrent les Rochelois en ceruelle, & les empescherent de secourir leurs freres assiegez.

*Duc de Luxe-  
bourg avec la  
cavalerie legere  
du Roy enuoyé  
du costé de la  
Rochelle.*

Par quelques forties qu'ils firent de la ro- chelle le long des costes de la mer, ils furent rencontrez par lesdits Seigneurs, qui leur donnerent la chasse iusques dedás leurs por- tes, en prirent quelques 40. prisonniers, que le Roy traicta avec beaucoup de cleméce, & leur donna la vie: ainsi ny du costé de la Ro- chelle, ny de la part du Duc de Rohan, nul ne se presenta pour secourir S. Iean d'Angely.

*Prisonniers Ro-  
chelois amenez  
au Roy qui leur  
donne la vie.*

1621.

Ces deux attaques que fit faire le Roy, l'un de ses gardes, l'autre du Duc de Chosne ont tellement operé, qu'en bien peu de tēps, apres plusieurs tranches, gabionades & trauerses de terre & fascines elles arriuerent tout ioignant le fossé de la ville, en la maniere qui s'ensuit.

*Sortie des ennemis sous la conduite d'un nommé la Chosne.*

Le Dimanche 13. Iuin enuiron 300. hommes cōduits par vn nommé la Chaisnes sortirent sur les nostres, mais ils trouuerent telle resistance que ledit la Chaisnes y fut tué avec quelque nombre de ses gens, beaucoup de blesez & cinq ou six prisonniers. Ce malheur arriua par iuste punition diuine au dié la Chaisnes, il auoit esté de la faction du feu sieur de Guimader à Fougieres, condamné dès lors à la mort, c'estoit vn déterminé, qui s'estoit refugié dans S. Iean avec les rebelles, quoy qu'il fist semblant d'estre Catholique.

*Qui fut tué.*

Le Mercredy 16. May le Duc de Chosne se trouua attaché à vne renaille, où soudain apres le commandement de sa Maiesté il fit faire vne mine à ladite renaille, pour arriuer à laquelle on auoit faié plusieurs tranches; ce trauail fut perilleux, & y eut plusieurs personnes tuées tant d'un party que d'autre. Cependant les batteries de sa Maiesté faisoient leur deuoir avec vtilité. Ceste iournee se passa sans autre chose de remarque, si ce n'est le trauail ordinaire où l'on n'oublia point d'entretenir les tranches de feux continuels,

*Mine du Duc de Chosne.*

*Trauail perilleux.*

Le leudy dixseptiesme dudit mois toute la court se prepara d'aller aux tranches, & l'on ne vit iamais rien de si beau que tous les Seigneurs de la Cour qui à l'enuie l'un de l'autre se dispoient à faire paroistre la generosité de leur courage & la galanterie de leurs armes: l'on croyoit asseurement que l'on feroit iouer la mine ce iour là & que de viue force, à coups de main on l'emporteroit, & que tous les auanturiers seroient mis avec des alebardes à la teste des piques, armez de leurs armes ordinaires pour faire l'effort. Ceste iournée se continua de mesme que la precedente qui atraquant, qui defendant, tant à coups de canó, de mousquets & de grenades, que de fauconneaux & arquebuses de chasse, dequoy on remarque qu'ils ont tué la pluspart de ceux qui ont esté tuez du costé du Roy.

Le Vendredy dix-huitiesme on se resolut de faire iouer la mine & apres l'ordre donné en semblables affaires les auanturiers entre lesquels estoient personnes de tres-haute qualité comme monsieur le Comte de Harcourt, le Duc de Rets, le Duc d'Aluin fils de monsieur le Comte Chombert, le Baron de Rabat, le Comte de Lude, monsieur de Mors frere de monsieur le Connestable, le Comte de Chasteau-vieux, le Marquis de saint Chaumont, le Marquis de Royliac, le Marquis de Villeroy, le Marquis de la Varenne, les sieurs de Valence, scauoir le

1621.

*Preparatifs  
pour aller aux  
tranches.*

*Seigneurs de  
qualité seruant  
d'auanturer au  
feu de la mine.*



1621.

*Le Baron de  
Termes ne veut  
qu'ils se baïar-  
dent.*

*Effet de la mi-  
ne.*

*Courage des  
Seigneurs sus-  
dits.*

*Soustien des  
ennemis.*

Cheualier & le sieur de Tion, le sieur de Borbonne, le Baron de Sauardin, le Baron d'Escry, le sieur Arnaud, le Comte de Torigny, le sieur de Balagny, le Vicomte de Bertancourt, & plusieurs autres, qui seroient trop long à descrire, demanderent à passer à la teste, ce que monsieur de Termes qui commandoit lors aux tranches ne leur voulut point permettre, & faisant tourner teste aux piques deuers eux, les empescha de passer: & soudain apres auoir fait mettre chacun à son poste, fit mettre le feu à la mine qui esboula la terre, en façon que difficilement on y pouuoit monter. Si tost que la mine eut fait effet les corps ordonnez pour ce donnerent, & les sieurs d'Escry, d'Estiors, le Marquis de saint Chaumont, le Cheualier de Valence, le Marquis de Roillac, le Baron de Rabat, le Baron de Sauardin, & le sieur de Boyer ordinaire du Roy, monterent par dessus les trenchées quelques vns armez, quelques autres des-armez pour se trouuer à la teste des premiers qui donoïent: mais ils furent receuz par trois cens piques qui sortirent du retranchement qui estoit dans ladite tenaille, & tant à cause de ce que ils estoient fermez sur leurs armes, & que le terrain leur estoit assésuré sous leurs pieds, que par ce que leur front estoit plus grand que ceux qui les attraquoient, ils repousserent les nostres, qui ne pouuoïent mōter qu'à peine, en fōcās dedās la terre iusques au genoüil.

Là fut tué le Baron d'Escry, qui estoit desarmé, & le Baron de Sauardin d'une mousquetade dans le corps, à cause de la foiblesse de ses armes, de Tiors fut blessé au visage d'une grenade, & son cadet d'un coup de pierre sur le nez, les sieurs Marquis de saint Chaumont, Marquis de Roillac, & le Baron de Rabat furent portez par terre de coups de piques, & de mousquers, & blesez légèrement de leur cheute à cause de la pesanteur de leurs armes. Durant ce temps là les gardes du Roy de leur costé travailloient toujours pour s'approcher du fossé, où vn nommé Sarius eut vne mousquetade dans le corps à la batterie, & plusieurs soldats & officiers tuez, le travail fut arresté à vne roise de l'ouverture du fossé, attendant qu'une batterie Royale de dix canons fut dressée, & qu'un pont sur quoy l'on proposoit de passer ledit fossé fut acheué de fabriquer.

Le mesme iour l'apres-disnee l'on commença de faire vn logement dans ladite renaille, au lieu où la mine auoit fait son effect lequel fut grandement incommodé du canon de l'ennemy, & là furent tuez plusieurs personnes d'une part & d'autre, & du costé de l'ennemy, le sieur de Haute-Fontaine, ame de leurs affaires, & le sieur de Nicul, Capitaine de cent hommes dans la ville.

Le sieur de Pigeolet Lieutenant Colonel du Regiment de Champagne commença ce logement où le Baron de rabat

1621.

Seigneurs tuez  
ence combat.

Eblesez.

Travail du Re-  
giment des Gar-  
des.

Haute-Fontaine  
ame des rebelles  
tué, avec de  
Nicul Capitaine  
de la ville.

1621.

*Logement fait  
au lieu où la  
mine auoit fait  
son effect.*

& le Marquis de Royllac conioinctement porterent les premiers tonneaux en pourpoint. & lors ledit Sieur Marquis de Royllac prit commission d'en aller porter l'aduis au Roy & au conseil, & de luy monstrer la forme du logement ce qu'il fit.

Ceste iournee se passa en escarmouche continuelle, où il ne fut blessé aucuns chefs, quel'Enseigne de Chatelus, Capitaine du Regiment de Rambure, d'une mousquetade à trauers son hausse-col.

*Allarmes fre-  
quentes des en-  
nemis.*

La nuit l'ennemy donna plusieurs alarmes aux trauailleurs, ayant fait plusieurs fois mine de sortir sur nous fausement: à la fin sur la pointe du iour ils firent vne sortie de soixante hommes à pied qui furent repoussez rigoureusement par les attaquans, où se signalerent entre autres le sieur de Fueilade, le sieur de Boyer, le Marquis de Royllac, le Vicomte de Berancourt, le Baron de Rabat qui eut vn coup de mousquet dans son pot & le sieur de Mayne, à qui les ruines d'un coup de canon blessèrent grandement le visage.

*Leur sortie re-  
poussée,*

*Blesseure du  
sieur de Mayne.*

Le Samedy dixneufiesme, l'on trauailla tousiours à agrandir le logement susdict, où il y eut continuation de personnes tues de part & d'autre. Ceux de la ville pointerent deux pieces de canoë ce qui incommoda fort nos gens, & les batteries du Roy incommoderent aussi grandement les leurs qui trauailloient au retranchement de leur costé,

*Canon de la  
ville pointé  
contre les no-  
stres.*



la nuit se passa de mesme.

Le Dimanche vingtiesme, le Roy commanda vne mine au mesme lieu, à quoy on atra-  
uailé, l'apresdinee on se trouua si proche  
de l'ennemy & si auant dans leurs pieces  
qu'on nese pouuoit plus faire de mal qu'à  
coups de pierres, le sieur Marquis de Royl-  
lac fut blessé legerement d'un coup de pier-  
re par la teste, le sieur Arnaud fut aussi blessé  
d'un coup de pierre.

*Autre mine  
commandee du  
Roy.*

*Blesseur du  
Marquis de  
Roillac & du  
sieur Arnaud.*

Le vingt-vniesme on a continué le travail,  
& ne se fit rien de remarque sinon que  
le soir l'ennemy preuoyant sa ruine, fit sor-  
tir vn de leur maistre de camp nommé Pi-  
bernier, aux fauxbourgs d'Onis où commā-  
doit monsieur Zamet, pour parlementer a-  
uec mōsieur de Chastelier maistre de camp,  
lequel il supplia d'auoir en quelque recom-  
mandation sa femme & ses enfans, & d'estre  
son intercesseur aupres du Roy.

*Enuoie des  
siege pour  
parlementer.*

Le Mardy vingtdeuxiesme, monsieur de  
Soubize enuoya pardeuers ledit sieur Za-  
met, vn trompette, le matin & le soir avec  
quelques lettres pour monsieur le Conne-  
stable, lequel fut mené au Roy, & cependāt  
ils pointerent vn canon contre le travail du-  
dit sieur Zamet, & si tost que le trompette  
fut rentré dans la ville ils firent tirer, & de  
ce coup, le sieur Zamet, le sieur Marquis de  
Roillac, le sieur de Chastelier, & quelques  
Capitaines du Régiment de Picardie, qui  
s'estoient arrestez à voir rentrer ledit trom-

*Trompette du  
sieur de Soubi-  
ze à monsieur  
le Connestable.*

*Malice des en-  
nemis.*

1621.

pette , furent tous couuerts de terre , en grand danger de leurs personnes.

Sur le soir vn soldat de la compagnie du maistre de camp du Regiment de Picardie, n'estant qu'en pourpoint , prit & emmena prisonnier vn soldat de la ville , armé de sa cuirasse & de son pot , estant en sentinelle perduë l'espee nuë à la main.

*Vient au camp  
à son quartier.*

Pendant cecy arriue au camp le Duc d'Espèrnon reuenant de Bearn avec le Marquis de la Valette son frere, force Noblesse, & quatre milles hommes de guerre, sa Maieité luy ayant fait vn gracieux accueil, luy donna sô quartier le costé du faux-bourg d'Auluix.

*Retour du Duc  
d'Espèrnon de  
son voyage de  
Bearn.*

Ledit sieur Duc d'Espèrnon estant ainsi arriué au camp, par commandement de sa Maieité, prit aussi tost la côduire d'une partie de l'armee royale, en qualité de Colonel general de l'Infanterie de France, & apres auoir ordonné vne batterie de dix grosses pieces du costé de la porte d'Auluix, & rompu les deffences des ennemis, le Mercredy 13. Iuin se disposa à vn assaut general, qui fut donné ledit iour. Là parut ce vieux & resolu Capitaine en propre persône sur la bresche, soutenu de ses fils & du Regiment des Gardes de sa M. la picque à la main, & en l'aage où il estoit autant ferme & constant au seruice du Roy qu'aucun autre qui fust lors en l'armee: là aussi se fit voir le genereux courage du Marechal de Praslin, des sieurs de Baisompierre, & de S. Luc avec vne grande partie

*Assaut general  
par le Duc d'Es-  
pernon.*

Des volontaires de l'armée, desquels resta mort sur la place le sieur de Charbonnier, d'un coup de mousquet qu'il receut en la teste, le Baron de Paluan d'un autre coup de mousquet, l'Escuyer dudit sieur de S. Luc, & de blesez. le Marquis de la Vallette, d'une blessure fort fauorable dans le pied, & le sieur de Brinnement, qui eust la cuisse couppee d'une autre mousquetade. Cela n'empescha point pourtant que les nostres ne se logeassent sur le répat, & ne cōtraignissent les ennemis de se retirer dās leurs retrāchemēs.

Ce mesme iour le sieur de Soubize cōmēçant à se deffier de se voir plus longuement conseruer la place, fit paroistre derechef vn trōpette demādāt à parler de sa part au sieur Zamet, sa charge estoit de demander sauconduit pour vn Gentilhōme nōmé Montmartin enuoyé par ledit sieur de Soubize à M. le Cōnestable: il fut cōduit par ledit sieur Zamet Marechal de Camp au quartier du Roy. il supplioit sa M. luy dōner delay pour enuoyer vers son frere le Duc de Rohan, duquel s'il n'auoit respōce dans 4. iours il rendroit la place: ce que sa M. ne voulut accorder: ains fit dire audit sieur de Soubize que tout ce qu'il pouuoit esperer estoit de iēdre la place moyennant la vie sauue, & que s'il se vouloit rendre & accepter ladite grace, il se resolut le lendemain au plus tard, parce qu'apres il n'y auoit plus de misericorde.

Le sieur de Loudriere qui s'estoit enfermē

*Gēs du Roy lo-  
gez sur le rem-  
part des enne-  
mis.*

*Autres en-  
uoyez du sieur  
de Soubize.*

*Responce du  
Roy.*



1621.

*Devoir du  
sieur de Loudriere dans S.  
Iean.*

là dedans avec luy, le voyant tout pensif en vne telle extremité, le conseille de se resoudre à la reddition de la place, dit qu'il engagera volontiers son honneur & sa vie, qu'il moyennera sa grace en cas de prompt obeyssance. Le sieur de Soubize qui ne s'y pouuoit fier, veulaperte grande de tant de braues hommes tuez durant ce siege, dict qu'il en voudroit estre asseuré: le sieur de Loudriere se soufmer de luy seruir d'ostage, & d'aller luy mesme faire signer & accorder sa grace moyennant qu'il proteste de sortir.

*Batteries redoublées par le  
Duc d'Espernon.*

La nuit cependant les attaques les tourmenterent si fort, & à la poincte du iour le Duc d'Espersnō fit redoubler les batteries avec vne telle furie, que voyans les ennemis les forces du Roy ja logees des deux costez dans leurs rempars, leurs murailles brisees, & des mines prestes à iouer, ils se resolurent à la sollicitation du sieur de Loudriere, & sur vne tant vrgente crainte d'enuoyer accepter ladite grace que le Roy leur faisoit, & ce sās y auoir rien diminué contre l'opinion d'un chacun, qui ne croyoit pas que deux milles hommes qui auoient encore des retranchemens, se rendissent en la plus auantageuse forme que le Roy en cas semblable eust peu desirer.

En suite de quoy sortirent de la ville pour venir trouuer le Roy, les sieurs de Loudriere & de la Bigaudiere & Mont-martin avec deux Escheuins, ayās pouuoir dudit sieur de Soubize

Soubise & des autres chefs, lesquels acceptèrent & signerent ladite grace du Roy & prestèrent serment, & fut cōuenu aussi que les soldats de dedans le presteroient le lendemain, auquel la lecture en seroit faite à la teste de leurs compagnies, & les habitans de mesme en presence du Connestable.

Et pour l'exécution de tout ce que dessus iusques audit lendemain ils laisserent pour ostages lesdits sieurs de Montmartin & l'un desdit seicheuins; voicy les articles de la grace que le Roy leur fit apres que les Deputez dudit sieur de Soubise enuoyez au camp de sa part, eurent promis & signé ce qui suit.

Nous soubs-signez en vertu du pouuoir a nous donné par Monsieur de Soubise, commandant dans la ville de Saint Iean, acceptons la grace contenuë au present escript, qu'il plaist au Roy nous faire, promettons del'effectuer & faire accomplir selon sa forme & teneur, fait au camp deuant S. Iean d'Angely le 25. iour de Iuin 1621.

Signé de Tallanfac.  
Montmartin, Berthoine.

En consequence de cette protestation sa Maiesté vaincuë par vn excez de sa naturelle bonté, voyant ses ennemis implorer sa grace, leur accorda benignement les articles suyans.

1 Que le roy ne pretend faire aucun traité, mais pour la supplication tres-humble plusieurs fois reïteree, de ceux qui sont

1621.

*Grace du Roy  
faicte aux ennemis.*

*Ostages laissez  
au Roy.*

*Promesse signee  
par les deputez  
du sieur de Soubise.*

*Article de la  
grace faicte par  
le Roy aux as-  
siegez.*

1621.

dans S. Iean d'Angely, la Maieſté leur pardonne à tous eſgalemeſt de quelque qualité ou condition qu'ils ſoient, tout ce qui s'eſt fait & commis durant le ſiege d'icelle: à condition qu'ils demanderont pardon & iureront de demeurer eternellement ſous ſon obeïſſance, & qu'ils ne porteront iamais les armes contre ſon ſeruice ſous quelque cauſe ou pretexte que ce ſoit.

Sa Maieſté entendant auſſi comme elle a faiſt, qu'ils iouiſſent de la liberté de conſcience ſuyuant les Edits de ſa Maieſté.

Sous ces conditions ſa Maieſté leur fait cette grace, accorde la liberté de leurs perſonnes & les a remis dans la iouiſſance de leurs biens, comme il eſtoient auparavant, & ceux qui ſe voudront retirer, ſa Maieſté leur fera donner ſauf conduit pour leurs perſonnes, armes & chevaux.

Et pour toutes autres demandes par eux faiſtes, elles demeureront au vouloir de ſa Maieſté pour en faire ainſi qu'elle aduiſera bon eſtre.

Faiſt & paſſé au Camp deuant Saint Iean d'Angely le Samedi ſeizeſme Iuin 1621.

Le lendemain donc à la pointe du iour l'armée du Roy eſtant ordonnée en bataille ſuyuant qu'il auoit eſté accordé, la garniſon de S. Iean d'Angely commençant à ſortir enuiro de quinze cés hommes de pied, ſans tambour, les enſeignes ployees, les meches



esteintes, les picques & les mousquets sous le bras, en personnes vaincues, quelques-uns hommes de cheual, qui furent conduits par le Duc de l'Eldiguieres hors du camp, à trois lieues loing, donnant vn passeport à chaque Capitaine pour se retirer separément en leurs maisons, protestans ne porter iamais les armes contre le seruice du Roy, & s'en allerent ainsi la vie sauue avec leurs armes & bagage: c'estoiēt gens d'vne mine la plus affreuse que l'on puisse imaginer, d'vne tres mauuaise façon, determinez & prests à entreprendre toute sorte d'exécution. Monsieur de Soubise s'en alla ietter aux pieds du Roy, luy demander pardon, que sa Maiesté luy octroya benigne-ment, protestant ne retourner à l'aduenir à semblable rebellion, ny porter les armes contre son seruice.

*Engens vaincuz.*

*Le sieur de Soubise va se jeter aux pieds du Roy qui luy pardonne.*

La Garnison sortie la place fut rendue au Roy entre les mains du Conestable: le Duc d'Espéron y entra par commandement de sa Maiesté, cy posa les gardes necessaires aux portes, aux breches & au logis du Roy, quoy que sa Maiesté ne fust conseillée d'y coucher par les plus aduisez de son Conseil, & pour cause.

*Reduction de la place au Roy.*

Quoy quel'on y establit l'ordre avec defence de n'attenter au bien des habitans, les soldats ne laisserent pas de se donner vne bonne heure de pillage sans qu'il fust

1621.

possible d'empescher ce desordre, dont sa Maiesté fut fort indignee, cecy ayant esté fait contre ses expressees deffences.

*Lettres patentes  
du Roy  
pour le rasement  
des murs & fortifications de  
la place.*

La verité est telle que les Roys de France ayans tousiours cherement aymé leurs subiects, auroient en diuerfes occasions vû de leur clemence enuers ceux qui se seroient departis de leur deuoir, & de l'obeïssance, à laquelle ils estoient naturellemēt obligez: & au lieu de punir seueremēt les crimes & attentats, qui estoient cōmis contre leurs personnes & auctorité, les auroient plusieurs fois remis, pardonné & aboly, desirans plustost receuoir par douceur l'obeïssance, que de l'exiger par la rigueur & par le chastimēt. Le feu Roy Charles IX. de glorieuse memoire, dōna vn singulier exemple de cette debōnairété, lors qu'ayant en l'annee mil 1569. assiegé & pris la ville de S. Iean d'Angely, qui s'estoit souleuee & reuoltee cōtre luy, & soustenu vn long siege: non seulement illaissa la ville en son entier, mais encores laissa les habitās d'icelle en leurs priuileges, exemptions, & immunitiez, qui leur auoient esté concedes. Mais tant s'en faut que cette grace signalee aye peu flechir & changer la durescé & mauuaise nature de la pluspart des habitans de ladite ville, qu'au lieu de recognoistre cette obligation, & profiter à l'aduenir du peril eminent qu'ils auoient encouru, ils s'en seroient esleuez & enorgueillis: de sorte qu'en la pluspart des troubles

& mouuemens qui se seroient excitez en ce Royaume, ils auroient esté tousiours les premiers à se reuolter contre leur Prince. Ce qu'ils ont encores en l'occasion presente fait paroistre, ayans pris telle habitude dās la felonnie & rebellion, que bien qu'ils eussent deuant leurs yeux l'exemple des villes de cette Prouince & autres par lesquelles sa M<sup>a</sup>. a passé en ce voyage, qui se sont soumises à l'obeissance qu'elles luy doiuent, toutesfois ils auroient esté si insolens & temeraires, que de luy fermer le passage par ladite ville, & de porter leurs armes contre sa propre personne. Ce qu'il auroit obligé d'y mettre le siege dōt par la grace de dieu, ayās eu la bōne yssuē qu'elle pouuoit desirer, apres y auoir toutesfois employé le sang de plusieurs de ses bōs subiets & seruiteurs, & y auoir fait de grandes despēses, elle auroit iuste subiet d'expier leur crime si enorme par la punitiō exemplaire de nōbre desdits habitās & autres, qui s'estoient iettez dedās cette place. Neant moins sa M<sup>a</sup>. considerant qu'ils sont ses subiets, quoy que rebelles, elle auroit desiré d'vser en leur endroit de sa bonté & clemence accoustumee, & leur cōseruer la vie & les biēs. Mais voulās oster le moyē de retōber cy apres dans le mēme crime, & laisser à la pōsterité quelque marque du chastimēt qui aura esté fait de cette rebellion: afin aussi que ses autres villes & subiets sur cet exemple soient plus retenus



1627.

à se departir de l'obeïllance qu'ils luy doy-  
uent, la Ma. pour ces causes, & autres bon-  
nes & importantes considerations de l'ad-  
uis des Princes, Ducs, Pairs, & Officiers de  
sa Couronne, & principaux de son Conseil  
estans pres de sa presence, a dit, ordonné, &  
declaré, dit, veut & luy plaist par ses lettres  
patentes expedices pour cet effect en la vil-  
le de Coignac, les murailles, remparts, por-  
taux, tours, bastions, esperons, ravelins, &  
autres fortifications & enceinte de ladite  
ville, soient entierement desmolies, desmā-  
teles, & razees, & que les fossez d'icelle en  
soient cōblez, remplis, & explanez, enfor-  
te qu'il n'y demeure aucune fortification,  
cloiture, ny enceinte, Comme aussi reuo-  
que, supprime, esteint & aboly tous les pri-  
uileges, exemptions, immunitéz, & autres  
concessions cy deuant faites par les Roys  
ses predecesseurs, & par la Ma. confirmees  
à ladite ville, declarans les habitans d'icelle  
indignes à iamais d'en iouyr, & les posseder:  
veut & entend qu'ils soiēt par cy apres tail-  
lables & cottisez à toutes leuees, im-  
positions & coruees, ainsi que ses autres sub-  
iets du plat pays. Comme aussi elle esteint  
& abolit tous priuileges & concessions at-  
tribuees à la Mairie & Escheuinage de ladite  
ville: veut que tous les deniers communs &  
patrimoniaux, qui pourroient appartenir  
ou estre affectez à ladite ville, de quelque  
nature qu'ils puissent estre, soient reünis à

son Domaine, & receuz dorefnauant par les Threforiers & Receueurs d'iceluy, pour estre portez en ses receptes generales, cōme estans cōfisquees à sa Ma. par leur rebellion. Et d'autant que sadite Majesté a recogneu qu'aucuns des principaux Officiers, tant du siege Royal, que de l'eslectiō & de la recepte des Tailles dudit lieu, n'ont point adheré ny participé à ladite rebellio, & qu'ils se sont retirez & demeurez dans leur deuoir & fidelité, à laquelle ils sont obligez, sa Maïesté a accordé en leur seule consideration & faueur, que le siege de la iustice ordinaire, ensēble le bureau de l'eslection, & de la recepte des tailles, demeureront audit lieu: & que lesdits officiers continueront d'y faire la fonction & exercice de leurs charges ainsi qu'ils ont accoustumé. Si donne en mandement à ses amez & feaux les gens tenans sa Cour de Parlement de Bourdeaux, & autres ses Officiers, Iusticiers & suiets qu'il appartiendra, que ces presentes ils facent lire, publier & enregistrer chacun endroit soy, & le contenu en icelles garder & obseruer exactemēt, sans y contrecuenir, ny souffrir qu'il y soit contreuenu: Donnée à Coignac au mois de Iuillet l'an de grace mil six cens vingt. vn.

*Signé, L O V I S. Et sur le reply,*

Par le Roy. Philippeaux.

Or estant besoin de verifier.

1621.

*Le Roy escrit  
au Parlement  
de Bordeaux  
sur sa resolution  
touchant le ra-  
sement susdit.*

lettre patentes, le Roy escriuit cette lettre au Parlement de Bordeaux.

Nosamez & feaux, encores que la reuolte & rebellion des habitans de S. Iean d'Angely, meritaist vn fort seuer chastiment en la personne de nombre d'entr'eux, pour l'abolition du crime si enorme qu'ils ont commis: neantmoins nous auons estimée estre de nostre clemence, d'espargner le sâg des habitans, comme estans nos subiets, & faire porter à la ville, la marque de la iuste punition, qui doit estre faicte de cette desobeissance: afin que nos autres villes, & subiets, & la posterité y prénent exemple. Pour cet effect nous auons resolu de faire demolir & demâtelers les murailles & fortifications de ladite ville, & de reuoquer & abolir tous les priuileges qui ont esté cy deuant concedes aux habitans d'icelle, dont nous auons fait expedier nos lettres patentes, lesquelles vous enuoyôs. Nous auons bien voulu vous faire cette cy, par laquelle nous vous mādons que vous ayez à les faire incontinent enregistrer & publier en l'estenduë de vostre ressort, & mesme audit lieu de S. Iean, prenât le soin que vous auez de l'observation d'icelles, comme estant chose que nous auons en singuliere recômandation. Sin'y faictes faute: Car tel est nostre plaisir  
Donné à Coignac, le 4. iour de Iuillet 1621.

Signé. LOVIS. Et plus bas,  
Par le Roy, Philippeaux.



Cette Cour verifia les fufdites patentes le 6. Iuillet enfuyuant.

Et furent deflors employez plus de 300. ouuriers à la demolition des murs & fortifications & comble des foffez dudit S. Iean d'Angely.

C'est chofe eſtrange que l'on n'a peu trouuer en cette ville apres le ſiege aucun edifice entier tant le canon du Roy y fit de dommage, & neantmoins les rebelles ſi opiniaſtres, les habitans eſtoient contrains de ſe loger dans des caſemates & lieux près de terre, craignans d'eſtre accablez ſous les ruines des maiſons & des balles d'artillerie qui tomboient dru comme greſle le long des ruës & dans les logis: tout y eſtoit reduit à telle extremité, que les ſoldats ne pouuoient plus auoir pour toute prouiſion que deux onces de pain par iour, au reſte fatiguez depuis le commencement du ſiege, qu'il n'y en a eu aucun qui ait eue le pouoir de prendre vne ſeule heure de repos: tout l'eſtain, le plomb, & la vayſſelle auoient eſté employez pour faire des balles d'arquebuſe, de mouſquet & carabine: malheureuſe rebellion, monſtrucuſe deformité de la nature de la vraye ſubiection, qui ne produiſit iamais que la ruine de ſes propres auteurs, qui ne ſe repaiſt ny par le ſang ny par le feu, ny pour le trenchant du glaiue iuſques à ce qu'eſtant deuenue extreme, elle perd ſa force, ſa vigueur, ſon eſpoir, ſon azile

*Chofe deſple-  
rable en S.  
Iean.*

*Pour le vin &  
la viande ils  
en auoient de  
reſte.*

1621.

*Faute & in-  
gratitude du  
Duc de Rohan  
& des habi-  
tans.*

avec ses desseins terminez au spectacle d'une funeste & luctueuse misere.

Il n'y auoit encore vn an que cette ville auoit esté derechef confiée sur la foy du Duc de Rohan & en la fidelité de ses habitans, lors que le Duc d'Espernon y entra & l'eust quelques iours en garde par commandement de sa Maiesté lors que se deffians de la mauuaise volonté d'iceluy Duc de Rohan leur Gouverneur, ils luy fermerēt les portes & se mirent en l'obeïssance de sa Maiesté à laquelle ils protesterent toute sorte de fidelité.

Le Duc de Rohan y ayant esté fauorablement remis fit la mesme protestatiō au Roy, & neantmoins faussant sa foy & s'oublieant de son serment & de son deuoir, s'est voulu seruir de cette place pour maintenir la rebellion de la Rochelle contre l'autorité de sa Maiesté, & les habitans n'ayans plus souuenance de leur promesse & premiere fidelité, y ont accueilly toute & telle sorte de garnison qu'il pleut audit Duc de Rohan y faire entrer, ont molesté les Catholiques, persecuté les Officiers du Roy, effacé les marques de la vraye subiection pour y substituer les enseignes de la vraye rebellio mesprisé le vray seau & caractere de leur Prince, pour accueillir la fausse marque du seau de la Rochelle & de leur Gouverneur reuolté, & partāt il est tres iuste que Dieu se vange d'une telle perfidie, & que pour monument d'une si monstrueuse rebellion à la

*Indignitez  
commises par  
les rebelles de  
S. Iean.*

posterité cette ville cy-deuant fameuse & trop aise, deuienne bourg & village sans murs, sans portes, sans deffences, sans closture ny fossez. Spectacle le plus nouueau que nous ayons peu voir en nos iours.

Et de fait de plus de vingt lieuës à la rōde le peuple y accouroit pour voir cette ville au descouuert, n'ayant non plus de forme de ville que si iamais il n'y eust eu de murailles, de portes & fossez.

*Peuple accourt  
pour voir la  
place deuant  
lee.*

Le Roy qui recognoist que toutes ses vietoires partent de la main de Dieu ayant reconquis cette place à son obeïssance, y reſtablit le culte diuin, que la rage sacrilege des rebelles auoit profane, y designa le lieu pour la construction d'un nouueau Conuēt de Capucins, & y fit planter la Croix.

*Pieté du Roy  
enuers Dieu.*

C'est chose belle quand repassant sur les actions de sa Maieſté durāt ce ſiege, on y remarque des preuues si signalees de sa pieté, pieté remarquable en ce grand Prince qui eut le ſoing de faire designer des lieux pour le pensement & traictement des malades, & bleſsez qu'il faisoit visiter, soigner & medecamenter à toute heure par ses propres Medecins & Chirurgiens, & n'ayant non seulement le ſoing de leurs corps, mais plus volōtiers de leurs ames faisoit tenir aupres d'eux nombre de bons Religieux pour prendre le ſoin & le gouuernement de leur conscience, & inspirer les remedes de salut aux mourans : ſoing encorē tout viſible à la loūange de ce grand Roy qui meſme

*Au ſoing de ses  
soldats.*



1621.

*Est assisté visiblement du Ciel.*

par tous les quartiers de son camp, faisoit tenir autrenombre de Religieux & Ecclesiastiques pour retenir les soldats en toute modestie, empescher les blasphemés & les vices ordinaires, qui ont le plus d'affinité parmy les gens de guerre, recommandant soigneusement que nul ne se resolut à l'assaut sans auoir prealablement fait la reueüe de sa conscience & recherché la grace & le secours du Ciel: ha! qu'il est mal-aisé que les desseins d'un Prince si craignant Dieu reussissent à la perte: aussi visiblement a-on bien recogneu qu'il y auoit de grands ressorts diuins qui conduisoient les actions Royales de sa Maiesté elle mesme l'ayant quelquesfois confessé, qu'elle n'auoit si tost proietté vn dessein, qu'elle le voyoit par la grace de Dieu, aussi tost reussi.

Voyla donc ce qui se passa de plus memorable au siege de S. Iean d'Angely.

*Pour les Seigneurs plus remarquables que nous y auons perdus, avec autres personnes de qualitez, sont entr'autres.*

*Princes, Seigneurs, Capitaines, Gentils-hommes & Officiers de guerre tant tuez, que blessez deuant S. Iean d'Angely.*

Le Comte de Mauruers beau-frere de Monsieur de Crequy.  
 Le Baron d'Escry.  
 Le Baron de Sauardin.  
 Le Baron de Paluau.  
 Le sieur de Carbonier.  
 Le sieur de Bois Verdin Capitaine au Regiment de Nauarre,

L'Eſcuyer de Monſieur de S. Luc.

Le Maïſtre d'hoſtel du Comte de Chom-  
bert.

*Entre les bleſſez furent.*

Le Prince de Joinuille.

Le Duc d'Elbœuf.

Le Marquis de la Vallette.

Monſieur de Crequy.

Le ſieur de Humieres.

Le ſieur d'Auennes.

Le Baron de Nouâilles.

Le Baron de Tiors.

Le Marquis de S. Chaulmont.

Le Marquis de Rouillac.

Le Baron de Rabat.

Le ſieur de Mayne.

Le ſieur Arnaud.

Le ſieur de Brinnement.

L'Enſeigne de Chatelus Capitaine au Re-  
giment de Ramburges.

Et autres nobles & Officiers de guerre  
tuez & bleſſez deuant cette place pour le  
ſeruice de ſa Maieſté.

Durant le ſiege de S. Iean d'Angely mou-  
rut le Cardinal de Guiſe en la ville de Xain-  
tes d'une fièvre continuë qui ne le quitta  
pas iuſques à la mort: ce jeune Prince qui  
n'eſtoit que courage pour le ſeruice du Roy,  
en faiſoit ia voir de belles & grandes preu-  
es quand il fut des premiers en pourpoint  
à la Compagnie de ſon frere le Prince de  
Joinuille qui gaigna les barricades des faux-

*Mort du Car-  
dinal de Guiſe*

1621.  
Cause de la  
tristesse à la  
Cour.

Exploits de  
Monsieur le  
Prince de Con-  
dè en Berry &  
sur la Loire.

Reduisit Ar-  
genton au ser-  
uice du Roy.

bourgs de S. Iean, sans apprehender la gresle des mousquetades que les ennemis faisoient pleuvoir sur eux : cette mort fut regrettée vniuersellement de la Cour : sa Maiesté tesmoigna en auoir vn grand ressentiment de douleur, le Prince de Ioinuille l'assista iusques à son trespas, & s'attrista infiniment de la perte d'un si bon frere, l'espée & le support de toute leur maison.

Ces choses s'estans ainsi passées iusques en ce temps pendant que l'armée du Roy reprend nouvelles forces pour poursuivre les victoires de sa Maiesté, Monsieur le Prince de Condé pendant le siege de S. Iean prospere avec les armes du Roy en Berry & le long de la riuiera de Loire.

En Berry n'y auoit pour toute place de seureté des Religionnaires que la ville & Chasteau d'Argenton, où souloit commander le sieur de S. Germain Beaupré Gentilhomme de la Religion pretendue : la garnison qui estoit là dedans estoit en petit nombre d'hommes, mais en ce téps elle pouuoit donner de la ialousie au pays, sur les frequentes menaces desdits de la Religion. Monsieur le Prince pour ce subiet veut estre asseuré de cette place & y veut rédre sa Maiesté le plus fort, dit qu'il veut commander là dedans, & n'y souffrir autre loy que celle de l'obeissance & seruice du Roy, comme le Gouverneur & les habitans de luy rédre la ville & le Chasteau, sur les peines d'un siege.



Argenton & son Chasteau restans foibles au milieu d'un pays Catholique, d'où il ne pouuoit tirer aucune assistance se rend tres-volontiers entre les mains de mondit sieur le Prince qui met la garnison dehors, y establit de nouueaux Gouverneurs & vne bonne garnison pour le roy. Et de là s'en alla au pays de Bourbonnois tant pour y leuer des troupes, que pour s'asseurer de quelques places de la Religion pretendue qui eussent peu suyure le party des rebelles.

*Va en Bour-  
bonnois.*

Pendant cecy quelques villes sur la riuiera de Loire font mine de se rebeller contre le seruice du Roy.

Sancerre est vne place à cinq lieuës de la Charité sur Loire commandant de son assiette tres-haute sur le courât de cette riuiera, elle auoit cy-deuant vn Chasteau assis sur vne roche qui à autresfois bien donné de la peine, & soustenu vn fort siege cõtre les armes du Roy Charles 9. il est maintenât presque ruiné, & n'y restent que quelques vieilles murailles, qui peuuent encore deffendre & incommoder la ville & le dehors.

Ceux de la ville sont la pluspart de la Religion, y commandent absoluëment & ne veulent obeïr qu'à discretion : Le Comte de Sancerre en est Seigneur & Gouverneur tout ensemble, mais tenu en si petite estime là dedans, qu'ils ont bien esté si affrontez de luy fermer souuentefois les portes & luy refuser l'obeïssance : Durant le voyage

1621.

du Roy à Bordeaux pour le fait de son mariage en l'année 1616 ils chasserēt la plüspart des Catholiques de la place, & dellors fomenterent la rebellion, qui de tout temps se nourrit dans le cœur de ce peuple, & s'y maintient encore iusques à present: les gens de main & de libre entreprise ont toujours esté accueillis de la garnison de Sancerre, d'où vient qu'en temps de guerre cette ville donne de grands effrois au plat pays, tient la riuierē en bride, & s'ayde volontiers du bien & des commoditez de ses voisins.

Le Roy qui proiettoit que cette place ne demeureroit en repos en l'occasion presente de ce trouble, & qu'elle pourroit à son ordinaire donner de la fascherie aux pauvres habitans circonuoisins par les courses & pourmenades d'un nombre de piccoureurs qu'elle heberge & accueille chez soy: auoit commandé au Comte de Sancerre, d'y mettre garnison pour les retenir en deuoir pendant son voyage.

Sur ce commandement le Comte fait appeller les principaux de la ville & leur declare la volonté du Roy, les exhorte de recevoir Garnison à l'amiable, sans courir risque de se perdre par la rebellion dans l'indignation de sa Maiesté & d'experimenter les efforts de ses armes en la souffrance d'un siege, veut qu'ils l'obligent de ceste obeyssance, & les coniure de ce faire sur l'amour  
qu'il

qu'il leur porte: ils luy respondent que sur ceste proposition ils tiendroient Hostel de ville, dans lequel fut resolu toutesfois de ne recevoir aucune garnison, & qu'ils respondroient de leur ville à sa Maïesté: mais par prieres ledit sieur Comte en gaigne quelques vns, & ceux cy entraînent le reste du corps de la ville pour luy donner quelque contentement: mais voicy la fraude.

Ils vont trouver le Comte, luy disent que la volonté des habitans estoit de ne recevoir aucune garnison, & que pour l'assurer de leur fidelité on luy porteroit tous les soirs au Chasteau les clefs des portes qui ne se fermeroient ny ne s'ouvreroient que par son commandement: il se contente de cette resolution, puis qu'il ne pouvoit tirer autre chose d'eux, reçoit les clefs de la ville tous les soirs, les rend tous les matins: mais il ne sçauoit pas qu'ils auoient fait faire d'autres fausses clefs, pour faire entrer & sortir de la ville ce que bon leur sembleroit nuictamment, dequoy il s'aperçeut bien: mais trop tard: car vn iour entr'autres, comme il retournoit de la chasse s'entrant à la ville au lieu d'aller droit au Chasteau par le chemin accoustumé, il passa par la halle de la ville, où il fut estonné d'y voir comme vn corps de Garde de Soldats extraordinaires, avec force rateliers garnis d'armes & autre bagage: c'estoit la garnison sortie de Gergeau que les ha-

1621.

*Leur fraude  
& malice.*

*Trahison des  
habitans de  
couuerte.*



1621.

*Le Comte de  
Sancerre en  
danger de sa  
vie.*

*Rebellion du  
Chasteau con-  
tre luy.*

*Mande Mon-  
sieur le Prince  
à son secours.*

*Qui attaque  
le Chasteau  
qu'il rend à  
luy.*

bitans de Sancerre auoient receuë dedans leur ville. Voyant cela il fait venir le Maire, s'enqueste à quel dessein on auoit fait entrer vne nouuelle Gendarmerie dans la ville: comme il disoit cela vn déterminé soldat de Gyen sur Loire appelé la Perle luy presente le pistolet en teste, d'autres l'entourent, & se voyant ainsi en danger d'estre tué, se retire en vne Abbaye proche la ville, croyant que c'estoit à ce coup que la rebellion estoit notoire, & que Sancerre estoit perdu pour le Roy.

Ceux du Chasteau qui auoient protesté de viure & mourir avec luy, se mettent à se retrancher contre luy, quoy qu'ils ne fussent que quatorze ou quinze Soldats dedans. Ce que voyant le Comte de Sancerre enuoye promptement vers Monsieur le Prince qui reuenoit de Moulins avec son armée de quatre milles hommes de pied, & cinq cens cheuaux, le suppliant de faire diligemment approcher ses troupes, & reconquerir s'il estoit possible cette place au Roy. Sur cest aduis Monsieur le Prince s'aduançe avec son armée: à son arriuée le Chasteau est attaqué avec furie, & si promptement que la contr'escarpe estant gaignée, ceux de dedans furent contraincts d'obeir. Le Chasteau rendu, alloit grandement incommoder la ville à laquelle il commande: de sorte que les habitans ayans frayeur & apprehension d'estre punis, pillez, & chastiez rendent la

Ville à mondit sieur le Prince le Samedi 29.

May veille de la Pentecoste: lequel aussi tost  
chassa la garnison de Gergeau & autres  
soldats qui estoient dedans avec protesta-  
tion de ne porter iamais les armes contre le  
seruice du Roy, se rend maistré des lieux, y  
pose bonne garnison, & fait demanteler la  
place pour empescher la rebellion à l'adue-  
nir: & ainsi Sancerre fut presque aussi tost  
pris & reconquis que reuolté, tant Dieu fa-  
uorise les armes de sa Majesté.

1621.  
Puis la ville est  
suiuite.

Laquelle il fait  
demanteler.

La presence de ce Prince a beaucoup fait  
en Berry, où les rebelles se vouloient pre-  
ualloir des places qu'ils y tenoient, & faut  
croire que la generosité d'un autre n'y eust  
tant exploicté en huit mois, que sa seule  
presence a fait en moins de deux.

D'ailleurs le Comte & le Marechal de  
Vitry ne perdans aucun téps pour nettoier  
la riuere de Loire, ont aduis que derechef  
la garnison de Gergeau, qui s'estoit iettée  
dans Sancerre, & qui du depuis en ayant es-  
té chassée, auoit pour la troisieme fois faul-  
sé la foy en se iectant avec autres troupes  
rebelles dans la ville & Chasteau de Sully  
sous la conduite d'un nommé Mont-Chre-  
stien, homme déterminé à tout mal, & de  
qui les rebelles auoient bone esperance, avec  
intention d'arrester les passans sur la Loire  
& ruiner le pays.

Le Marquis de Rosny, qui auoit interest  
que cette canaille fust chassée de la maison &

Chasteau de son Pere, le ioint avec lesdits sieurs Comte S. Paul & Marechal de Vitry: mais comme cette garnison estoit puissante & le Chasteau assez considerable pour soutenir vn siege, & que lesdits sieurs n'auoient assez de gens pour en faire l'expedition, appellent pour cest effect l'armée de Monsieur le Prince, auquel seul ils vouloient remettre la gloire de cette entreprise.

*Acheminement de Monsieur le Prince deuant Sully renolté.*

Luy, qui venoit de reünir les cœurs des peuples de Berry, & remettre vne place des plus importantes du Royaume à l'obéissance du Roy: sur ces nouuelles, que ceux auxquels il auoit humainement pardonné à Sancerre, auoient contre leur serment, repris encore vne autrefois les armes contre le seruice du Roy & s'estoient iettez dans Sully, se dispose d'en auoir la raison, & à quelque prix que ce soit de la reduire à l'obeyssance, & d'en punir les auteurs & adheras, iugeât que si on les laissoit longuement possesseurs de cette place, sans estre attaquez par les armes & par la iustice, ils pourroient apporter vn grand trouble à l'Estat, & vne grande incommodité au public, comme desia ils auoient commencé, estans si temeraires que de faire leurs courses iusques aux portes d'Orléans & prendre des prisonniers, il se resolut pour mettre fin à cette tyrannie de partir de la ville de Bourges avec ses seruiteurs, & enuiron 15. cens hommes de pied, affin d'investir ladite ville de Sully.



En l'une des aduenuës de la ville il logea 400. hommes, autant portez de courage au service du Roy, comme il estoit disposé de montrer qu'il est la base & le fondement du vray service, lesquels empêcherēt de ce costé que les ennemis ne fissent aucune sortie, comme ils pouuoient faire à leur aise auparavant.

Et sur l'aduis que Monsieur le Prince receut, qu'el'Eglise nommée S. Pere, qui est deçà l'eau, lesdits ennemis estoient fortifiez, il prit resolution de faire attaquer les barricades par le reste de son Infanterie, avec vne telle impetuosité, que plusieurs demeurerēt sur la place, & le reste fut mis à vauderoute, en sorte que la frayeur les auoit si fort saisis qu'il y en eut quatre-vingt ou cēt de noyez.

Pendant ceste escarmouche, il se fit vne sortie de quelques 200. cuirasses, qui pensoiēt dōner secours aux attaquez, Mōsieur le Prince presēt en persōne ne se soucia guere leur audace; ains se voyant prouocqué dans la fureur, & pour le service de son Roy, luy mesme donna courage à ses soldats, & le premier à teste baissée courut dessus, de telle sorte, que ces rebelles furent contraints de prendre la fuitte, & de r'entrer dedans la ville, cela se fit le quatorziesme de Iuillet.

Le soir mesme, les ennemis pensoient que ledit Seigneur se deust contenter d'auoir pris ce logemēt de S. pere, mais il fit trauailler fort & ferme aux tranches, & d'autre costé

1621.

Siege de la place.

Sortie des assiegeans qui retournerent en petit nombre.

1621.

le Cōre de S. Paul ne māquoit à son deuoir, si bien qu'en ceste nuit le travail fut grāde-  
ment aduancé, en sorte qu'on peut avec faci-  
lité gaigner la ville, laquelle fut le lēdemain  
matin saluée par quatre pieces de Canon  
que Monsieur le Prince y auoit fait mener.

*Courage lous-  
ble du Marquis  
de Rosny.*

Al'exemple de la fidelité duquel, le coura-  
ge du marquis de Rosny s'eschauffa & pous-  
sé de cest ardeur, protesta de mourir deuant  
la place oud'animer tellement ceux qui l'as-  
sistent, à prendre raison de cette rebellion,  
qu'il amoit mieux que le Chasteau de sō pe-  
re fust rasé & mis en ruine, qu'il soit dit par  
la posterité que ce fust vn refuge pour ceux  
qui voudroient estre rebelles au Roy.

Cette saluade cy-dessus n'emeut pas beau-  
coup les assiegez, combien qu'il en arriua  
assez de ruine & de dōmage, mais le soir sur  
les six heures, quand ils virent que l'armée  
de Monsieur le Prince renforçoit & que le-  
dit sieur Marquis de Rosny auoit fait en for-  
te de faire aborder dans le camp quelques  
400. hommes de pied, & 200. cheuaux, ils  
se mirēt plus sur leurs gardes qu'ils n'auoient  
fait auparauant, & contraignirent à ceste fin  
les habitans de la ville de traauiller aux for-  
tifications, les ayāt auparauant de armez &  
s'estans rendus les maistres de la ville.

*Reddition de  
la place.*

Toutesfois voyans qu'ils estoient perdus  
se rendirent à composition de la vie & ba-  
gage sauue, ce quileur fut accordé par M. le  
Prince, qui guarātīt en ce faict la Prouince  
de Berry, celle de Sologne & la riuere de

Loire de beaucoup de sortes de miseres qu'elles pouuoient souffrir par la rebellion desdites places.

Pendant que ces choses se passent, les rebelles de la Religion qui sont au Languedoc se voyans arretez de toutes parts en leurs desseins par la vigilance de la Maiesté, & n'ayans *Rebelles escon-* forces bastantes ny suffisantes pour resister à *duits de toutes* sa puissâce: que d'Angleterre ils auoiēt receu *partis.* de tres-maigres responce de leurs demâdes.

Qu'en Hollande les Estats auoient necessairement affaire de leurs forces & moyens en la guerre declarée avec l'Espagnol: qu'en Allemagne les protestans y estans si mal traictez par les Catholiques, il n'y a plus d'esperance de tirer des Reistres, ny des Lansquenets de ce costé là, que les cantons Suisses estoient trop obligez à la Couronne de France pour entreprendre de donner secours aux rebelles du Roy: s'assemblerent donc en Conseil dans la ville de Montpellier, & iettans les yeux de toutes parts pour mädier quelques forces: s'aduiserent d'enuoyer quelques Deputez de leur corps, vers les Seigneurs & habitans du Baillage de Gex, afin de tirer delà quelques sorte d'assistance, disant entre eux que le pays de Gex, faisant frontiere à la Seigneurie de Geneſue d'un costé, & au canton de Berne de l'autre, ils pourroient possible à leur requeste, ioindre & attirer avec eux quelques forces des lieux circonuoisins:

*Conseil tenu  
à Mont-pellier  
pour enuoyer  
à Gex & tirer  
secours des  
Suisses.*



mais ils eurent aussi pauvre yssue de ceste pratique, & encore pire, qu'il n'auoient de toutes leurs Deputations estrangeres: Car en cest affaire les habitans dudit Bailliage de Gex, se sont monstrez tres-fidelles & tres-obeissans seruiteurs du Roy.

*Assemblée à  
Gex sur ce  
sujet.*

Les Scindics, Conseil & habitans de la ville de Gex, qui est le lieu capital du pays, & auquel est le siege de la Iustice, ayant appris la volonté des Deputez dudit Languedoc par le discours d'iceux, firent conuoyer les Procureurs & commis des Parroisses & communauté d'iceluy bailliage, pour se trouuer incontinent leur commandement receu, aux fins de respondre sur ladite deputation, ce qu'ayant esté effectué, fut par les susdits habitans respondu d'une commune voix ce qui s'ensuit.

*Responce des  
Scindics & ha-  
bitans de Gex  
aux Deputez  
des rebelles.*

Premierement qu'ils ne pouuoient nullement entendre à donner le secours desiré par lesdits Deputez, veu qu'il y auoit trop long temps que les armes estoient leuées en Languedoc, sans que pourcel'on en eust demandé aucun aduis ny conseil.

2. Que sans s'arrester à toutes autres choses, qu'ils declaroient ouuertement estre tres-humbles & tres-obeissans subiets du Roy, ne voulant ny entendant estre compris en façon quelconque à tout ce qui a esté traicté dans l'assemblée de la Rochelle, ny autres lieux, & où il y va du seruice de sa Maisté.

3 Que combien que ledit Bailliage de Gex ne soit vny à la Couronne de France que depuis qu'il a esté eschangé au Marquisat de Saluces par Henry le Grand de glorieuse memoire, & dont ils rendoient graces speciales à Dieu, qu'ils ne desiroient pourtant qu'aucuns autres des plus anciens sujets de l'Estat les peussent surpasser en fidelité & obeyssance, ainsi comme ils auoient tousiours faict auparavant, estans prests d'employer leurs vies & leurs moyens pour conseruer ceste qualité.

depuis quel  
temps Gex est  
au Roy.

Que pour en donner assez ample tesmoignage au Roy, il falloit considerer comme de leur bonne volonté des l'année mil six cens douze, le Reuerendissime Euesque de Geneue, ensemble les autres Ecclesiastiques dudit pays ont esté remis & reintegrez dans la possession de leurs Eglises, biens & reuenus & qui en dependoient generalement, sans que pour ce ils ayent dit vne parole, combien qu'ils eussent autant de raisons à alleguer qu'aucuns autres du Royaume.

Quand les Ecclesiastiques remis en leurs biens dans le Bailliage de Gex.

Et ce qui plus leur est à remarquer en cecy, estoit que pour mettre lesdits Ecclesiastiques en ladicte possession, il n'y auoit que le sieur Milerot Conseiller de la Cour de Parlement de Diion, Commissaire pour ce Deputé, assisté dudit sieur Euesque de Geneue.

Bref lesdicts Habitans de Gex ont faict

1621.

cognoistre qu'ils sont fort affectionnés au service du Roy, & ont renuoyé leldits deputez avec confusion pour ne tomber en la mesme peine qu'eux.

Retournons en Xaintonge & Guyenne, & voyons ce qui s'y passe tant du costé du Roy que du costé du Duc de Mayenne, & nous y verrons la Rebellion tout à decouvert, mais genereusement debellée par les gardes du Roy, & la vaillancé dudit Duc de Mayenne en ce mesme temps.

*Le Ciel ne peut  
souffrir deux  
Soleils ny un  
Royaume deux  
Roys.*

Car si la Grece n'a peu souffrir deux Alcibiades, la terre recognoistre deux Cæsars, le môde entier porter sus son dos deux puissans Alexâdres: comment pourra la France souffrir deux puissances souueraines: nostre terre, en ses malheurs, recognoistre deux Monarques: le Ciel où nous respirons reuerer deux Soleils qui l'esclairent?

*Rebellion Rocheloise.*

Et si l'Estat souffroit l'esclat de cette nouvelle Republique, que les Rochelois esleuent sous le rempart de leur faux Euan-gile; la laissant monter sur le haut de son Auge & de son Epicicle, comme pointee en superbe & orgueilleuse sur son midy, sans la forcer de descendre en son Occident, ne seroit-ce pas tenir tout à fait la splendeur de nos Roys, sacrez oingts de Dieu, esteindre leur gloire, estouffer leur grandeur, & perdre entierement l'honneur & le bon-heur des legitimes François, qui sont naturellement amoureux de



leur Prince, s'ils ne sont abastardis par l'heresie?

1621.

On a veu des rebelles se fortifier puis si long temps d'intelligences dedans & dehors le Royaume, dresser des intelligences entre les estrangers comme Roys & Souverains, armer les subiects du Roy contre luy mesme, soudoyer les mutins, imposer contributions, faire des collectes, lever les tailles, affermer les benefices, voler & piller les Eglises, chasser des villes les Catholiques, retenir leurs moyens, les massacrer impunement, tuer & violenter les Prestres comme on a fait à Casenove, dresser des nouvelles fortifications, fonder des canons, faire des departemens dans les Prouinces, enuoyer par les villes des commissions ainsi que font les Roys, pour dresser des armées, creer des Lieutenans es Prouinces, sous le tiltre de l'assemblée de la Rochelle & Souveraineté de Bearn, dresser vne Admirauté, piller & piratiser sur la mer & les riuieres: confisquer les biens des subiects du Roy, chasser les Officiers des Chambres, raur le Sceau Royal, en dresser vn nouueau en derision de sa Maiesté avec ces mots, POVR CHRIST, ROI, ET LE PEUPLE, surprendre les villes par trahison & force publique.

*Intelligences  
menees des  
Rebelles.*

*Cruantez, in-  
ouyes des Re-  
belles.*

*Royl' Admirau-  
té de la Ro. belle  
cy deuant.*

Criminels publics, n'est-ce pas vouloir faire les Roys, partager la Couronne avec

1621.

son Prince, ne la luy pouuant entierement oster? N'est ce pas vn traitt de cette fole & furibonde Enio de nouveau couronnee en cette ville rebelle? voire ne sont ce pas les factions de cette Royauté pretenduë, que l'heresie va desia idolatrant de toutes parts dans vn party d'abomination, laquelle elle s'est forgée sur cette mesme enclume, que sa reformation a esté bastie, & qu'on void placee au frontispice de leur histoire fausement Ecclesiastique?

*Modelle de la  
Rebellion des  
pretendus tiré  
sur la Rebellion  
de Boheme.*

Le premier modelle n'en a il pas esté icte en Boheme? car à l'imitation de ces rebelles Bohemiens, n'ont ils pas fait à la Rochelle les mesmes propositions qui ont couru par tout?

1 S'ils ont pouuoir d'essire vn Roy (disoient les Bohemiens, ) de dresser vn Estat & vne republique (disent les Rochelois) pour nous maintenir en la liberté Reformation.

2 Pour quelle raison ils ont combattu les forces du Roy, pris les armes contresa Maiestté, & si leurs raisons sont valla-  
bles.

3 Par quels moyens ils se peuuent conser-  
uer en l'Estat, qu'ils ont desia estably.

*Voyez ce mani-  
feste cy deuant.* Qu'on lise le manifeste qu'ils ont fait im-  
primer à la Rochelle, & on verra les poin-  
tes de leur Rebellion si viues, qu'il est hor-  
rible qu'on voye aucun François qui n'en  
soit viuement offensé.

Qu'on voye leur Catholique reformé, & on verra qu'ils ne veulent qu'un Roy en peinture, comme ils n'ont voulu en leur Eglise qu'un Dieu en image & figure, & une religion en songe.

Qui pourra donc donner les mains à ces rebelles, & permettre qu'ils rauissent le sceptre à nostre Prince, pour le donner à d'autres, qu'au descendant de S. Loys, que le Ciel a fait naître à la gloire de l'Eglise, & au salut du public?

Qui pourra endurer, qu'on luy arrache ses couronnes, pour en guirlander les testes folles de ces petits Ministreaux, indignes de voir le iour, qui a gosier enflammé, courût de ville en ville, de Prouince en Prouince, comme furies nouvellement sorties d'enfer pour rallumer les feux & les flammes de nos diuisions?

Ce bon Prince Germanicus, la gloire & la vertu de son temps, entendant les soldats luy offrir l'Empire, comme si par cet offre sacrilege, il se sentist souillé de leur meschanceté & perfidie, il sauta du siege en bas, criant qu'il mourroit plustost que fausser sa foy, tire son espee de son costé pour s'en donner dans le cœur : & Calusidius luy presenta la sienne, disant qu'elle estoit plus pointue que celle qu'il auoit, mais il fut empêché.

Ce seul exemple ne sera-il pas capable d'arrester ces hommes de fer & de feu, qui

*Ministres bons;  
refeux des  
Estats.*

*Belle & loüa-  
ble action du  
Prince Germa-  
nicus.*



ne songent qu'à destourner les Roys, & se rendre les maistres par tout où ils commandent.

On sçait combien la clemence du Roy les a supportez, les attendant trop long temps si on l'ose penser sans crime, à vne respiration. On a veu que sans armes il est venu à eux, & ils s'en sont moquez, pensant sous des paroles d'une feinte soubmission, couvrir le fiel de leur malignité insupportable. Et qui se pourra accorder avec ces hypocrites, qui font semblant d'embrasser ceux qu'ils tuent, d'adorer ceux qu'ils detestent?

*Sa patience incroyable.*

Ce bon Roy pensoit aller au devant de nos maux, & empêcher que ces seditieux ne travaillassent si ardamment à reduire toutes leurs alterations violentes en des fieures ardentes & continues; mais tout cela a esté inutile. Il a fallu à la fin venir au cautere, & commencer par Saint Jean d'Angely, qui reduite à l'extremité, ses murailles abatues, ses bastions pris, a esté contraincte d'emmener les Rebelles le genou à terre, & la honte sur le front, demander pardon au Roy, & iurer que jamais ils ne porteroient les armes contre sa Majesté. Les anciens pensoient avoir assez puny les femmes impudiques, leur faisant publiquement confesser leurs fautes. Redevance que les conspirateurs disent par tout, qui n'eust jamais esté rendue, si la paix n'eust

esté préalablement faicte. Ils ne peuvent tirer du miel des plus douces & charitables actions de leur Prince: ils tournent tout en fiel, tant ils sont corrompus, enfin ils ont porté la peine de leur audace & temerité par leur deffaiete. Dieu qui les vouloit ramener, & de l'obeissance qu'ils doiuent à leur Roy, les inuiter à rendre celle à laquelle ils sont tenus, faict que sa Maieité en sa benignité & clemence plus que Royale, les renuoy à sa declaration par laquelle il prenoit en sa sauuegarde ceux qui voudroient le recognoistre.

Malheureuse France de se voir desbauchee de telle sorte par cette infauite Rebellion, qu'il soit necessaire de mandier des protestations pour l'obeissance que doiuet des subiets à leur souuerain.

Qui ne dira donc avec ce genereux guerrier dans Tacite que l'eschage n'est pas mauvais, quand vne paix miserable & inquiete est cōuertie en vne guerre qui rabaisse l'orgueil des ennemis publics? Encore scauons nous estre veritable que ces felons y ont forcé le Roy par leur malice, ayant tousiours chery ceux qui ne trempent point en ces conspirations.

Si estce toutefois que de ce traict d'amour ils en ont pris le subiet de nouuelles trahisons & perfidies: se tenans forts, disoient ils, qu'au lieu d'un Nauarrains perdu ils en auoiet refaict vne vingtaine par leurs

1621.

Bonté du Roy.

Tacit lib 9. an-  
nai.

1621.  
Dire remeraire  
des Rebelles.

Leur hypocrisie  
& dissimula-  
tion.

Rebellion de  
Nerac.

Pratique du  
Duc de Rohan  
en icelle.

Privilege de  
Nerac.

nouvelles fortifications, semblables à celles de Babel qui se destruisent par leur confusion. Miserables Mirmidons tousiours dās l'orgueil & la vanité, se croyans grands, à melme qu'ils se sentent petits & ridicules.

Ce pendant pour mettre vn masque au deuant de leur malice, plusieurs d'entr'eux courent aux tribunaux de iustice, pour declarer par feinte, comme l'effect l'a monstre à Caumont, d'estre ce qu'ils n'estoient pas, c'est à dire seruiteurs du Roy & vray François.

Nerac où cette declaration n'a point esté faicte, fut aisee à se perdre. Le Seigneur Duc de Rohan, suiuy du Seigneur de la Force, que lezele, ou iene sçay quel desir de paroistre à la teste de ce party, duquel ils pensent faire peur aux monstres qui se forment dans les nuees, y va asscuré des habitans, des Consuls les plus seditieux qui furent jamais, & des Commissaires Huguenots establis pour l'administration de la iustice, le President desquels disoit lors hardiment: Ces iours icy sont mauuais, l'Euangile n'est pas encore bien fondé.

Cete ville a esté fauorisee de Henry le Grand, & du Roy à present regnant, de plusieurs graces & priuileges par dessus les autres villes du ressort: mesmes de la sence continuelle de la Chambre de l'Edict, depuis l'an 1600. qu'il les a comblez de toutes sortes



sortes de commoditez: Mais rendus si aveugles & insolens qu'ils proiettoient sur le commencement de Iuin de secouër le ioug de l'obeyssance deuë au Roy, & de donner la loy à tout le pays circonuoisin avec vne forte garnison de cauallerie, & ainsi s'enrichir des deniers prouenans des tailles & autres impositions, & du reuenu du bien des Ecclesiastiques & seruiteurs du Roy de six lieues à la ronde. Et pour y paruenir, ils appellerent en leur ville Messieurs de Rohan, & de la Force, recognoissans cestuy-cy pour leur Chef & general de Prouince, cōme le croyāt plus auant dans l'indignatiō du Roy, & qu'il ne cherche son salut & seureté que dans les armes & peril commun, & aussi pour authentifier la souueraineté de l'assemblée de la Rochelle par dessus celle du Roy, puis qu'elle orne & esleue celuy que sa Majesté despoüille & humilie.

*Tailles & impositions du Roy lenees à Nerac.*

L'entrée de Nerac fut libre au Seigneur de Rohan, où il fut accueilly le 3. de Iuin, comme vn Roy, avec toute sorte de triomphe d'où il sortira à la ruine de ceux qui luy ont dressé ces pompes. Iugement espouventable de Dieu, qui va faire punition de tout le mal qui s'est commis là dedans.

L'accueil que luy font les principaux de la ville, du premier Ordre iusques au plus petit, monstre assez qu'ils sont coupables de mesme crime.

*Duc de Rohan accueilly comme vn Roy à Nerac.*

Pour venir à son but, il faut gagner la

1621.

*Assemblée dans  
Nerac pour ne  
reconnoistre  
plus le Roy.*

populace, qui le plus souvent n'a point de mediocrité, & comme dict Tacite, elle fait peur, si elle mesme n'est en crainte. Il la fait donc assembler le lendemain 4. de Iuin dās le Presche, comme sur vn theatre, où tous les Conseillers de ceste religion assisterent, & par vn Ministre aussi industrieux que fut Percennius, jadis conducteur des factieux aux Theatres, lequel ayant la langue affectee & bien appris à troubler les assemblees du peuple, fauorisoit le party des Histriions.

Ce Ministre de mesme dans vn murmure confus, & qui sentoit sa cruauté à l'issuë du Presche, apres vn discours plein d'animosité & de fureur ensouffree contre la grandeur du roy, & le victorieux progrez de ses armes, fait iurer l'vnion (c'est ainsi qu'il qualifioit ceste nouvelle alliance) & fait resoudre pour des causes aussi honteuses qu'elles estoient iniques & sans raison, de ne reconnoistre plus le Roy, à casser la chambre & la iustice souveraine du Chasteau du Roy audit Nerac, à mourir tous pour le soutien de la cause: c'est à dire dans vne rebellion manifeste. Et ainsi renoncer avec mespris à l'un des articles de l'Edict de Nantes, le plus avantageux à leur party, ce qu'ils executerent le mesme iour cōtraignans les Presidens, Conseillers & tous les Catholiques iusques aux seruantes de vider la ville. Ministres seditieux nāis pour la ruine & dom-

image public, qui vont bouleuerfant le repos de tant de peuples. Impitoyables Bractères qui bruslent eux mesmes leur pays : & ne se plaisent qu'à jeter le flambeau des publiques diuisions dans le cœur de la France.

Cependant le sieur de Pichon President Catholique logé dans le Chasteau de Nerac, resolu de faire vn notable seruice au Roy, par la conseruation de la place, prend asseurance, s'il s'en peut prendre de la perfidie mesme, du gouuerneur la Porte, lequel luy ayant iuré de n'ouurir iamais la porte à nul autre qu'au Roy, & mourir plustost avec luy, fut cause qu'il despesche aussi tost vers monsieur le Duc de Mayenne à Bourdeaux, pour le supplier de le secourir en ceste presse, ayant asseurance du Capitaine du Chasteau de ne se rendre iamais.

Ce bon Prince digne d'eternelle loüange, à qui la vaillance mesme doit faire hommage, & dont la generosité est vn veritable miracle, dans les excez de sa fieure, n'ayant pas à peine gousté le repos de trois iours, apres vn long & penible voyage, part à la mesme heure qu'il eut receu ces nouuelles, scachât que la diligence est le meilleur auantage, & des plus necessaires qui se rencontre aux affaires d'importance.

Ainsi en ceste extreme passion qu'il a au bien du seruice du Roy, il se rend vers les vnze heures de la nuit par eau à Cadillac, où il visita M. le Duc d'Espernon, n'emenant

*Le Duc de Rohan & de la Force estoient dans Nerac.*

*Le Duc d'Espernon venoit de Beaulieu.*



1621.

avec foy que la maison : & laissant le commandement aux Seigneurs de Barraut & d'Ornano, sieur de sainte Croix, de dresser promptement leurs regimens pour se rendre près de luy.

*Au sieur Pichon  
President.*

S'approchant de Nerac, il sceut que le Seigneur de Rohan estoit entré dans le Chasteau, qui luy auoit esté liuré tout soudain par le Capitaine la Porte, contre la foy qu'il auoit iurée. Qu'aussi tost il en auoit chassé les Catholiques, auxquels il n'auoit donné que vingt-quatre heures pour desloger de la ville. Qu'avec cela il auoit rompu la chambre de iustice, se rendant eux mesmes indignes de ceste grace, que la bonté des Rois leur auoit departy. Et que pour retenir parmi eux quelque legere semence de Royauté, il auoit pris par force le sceau du Roy

*Sceau du Roy  
arraché des  
mains du plus  
ancien Conseil-  
ler Catholique  
à Nerac.*

des mains du Conseiller Catholique qui le garde, luy en donnant vn receu, comme si c'eust esté le contract public de la cession qu'on luy en faisoit.

Ces nouvelles pourtant n'arrestèrent point ce Prince, lequel n'aymant qu'à voir ses ennemis, plus encore les ennemis du Roy, les armes à la main pour les vaincre, s'y achemine sans troupes, seulement luy douzième, & ayant trouué à Marmande les Commissaires Catholiques de la Chambre, auxquels les Commissaires de la Religion pretendue Reformee auoient fait escorte à deux lieues de Nerac, sans qu'ils eussent en-

uie de les suiues, ce qu'ils deuoient pourrât faire : il se resolut de ramener avec luy le sieur President Catholique, esperant qu'après auoir sommé ceux de Nerac de recognoistre leur faute, & remettre la Chambre, ils reuiendroient à eux, & puis qu'ils auoient esté les derniers à faillir, ils seroient les premiers à se repentir. Mais au lieu de luy ouvrir les portes, tousiours dans l'insolence, & animez par le ieune Vicomte de Casters, & le fils de monsieur de la Force, ils luy fermèrent les portes de la ville, & luy respondent à coups de mousquet: affront insupportable à la patience mesme. Il fut accueilly par trois ou 400. mousquetaires & d'une troupe de caualliers armez de cuirasses, parmi lesquels il se mesla si auant qu'il y receut trois coups de pistolet, deux d'asle pourpoint qui donnerét iusques à la chemise, pource qu'il n'auoit pas de cuirasse, & l'autre au trauers de ses chausses.

Quelques Seigneurs Catholiques cependant s'estans mis aux champs, auoient fauorisé l'arriuee de monsieur le Duc de Mayenne, & frayé le chemin par la prise de la ville de Labardac, du pont de Barbasté, & autres petites villes. Le Seigneur Marechal de Roquelaure Lieutenant du Roy en Guyenne, part aussi tost d'Agen, avec mille ou douze cens homes de pied, deux ou trois cens cheuaux, & deux coleurines. Tandis le Seigneur Marechal d'Aubeterre, se saisit de

1621.

*Renfort de sol-  
dats d'as Nerac.*

*Attirail mandé  
pour battre la  
place.*

*Trauil des  
tranchees.*

Moncrabeau. Pendant que ces troupes s'avan-  
cent, il en arrive d'autres dans Nerac,  
mesme du costé du Bearn, qui tesmoigne  
qu'on auoit de long temps projeté ce des-  
sein. L'armée Catholique se vit aussi tost  
grosie de trois à quatre mil hommes de pied,  
& plus de huit cens cheuaux, & de quatre  
canons de batterie de la ville de Bourdeaux,  
lesquels estoient à Eguillon : mais princi-  
palement de huit cens Gendils-hommes  
des plus genereux que la terre porte, & à qui  
le Dieu de la guerre ne pourroit faire peur.

On commence à faire les approches, & les  
tranchees auancees par la diligence & dex-  
terité du Marechal de Roquelaure, duquel  
on peut dire sans flatterie, que c'est vn digne  
nourrisson de cet inuincible Capitaine Hen-  
ry le Grand, ayant bien tesmoigné à toutes  
ces rencontres, que l'age ne luy auoit peu  
glacer le sang; Dans ces retranchemens ce  
genereux Prince nonobstant sa fleur, enue-  
nimée par le travail continuel, passoit pres-  
que les nuits entieres, pour pousser à bout  
l'ouuage.

Le lendemain voulant aller recognoistre  
la place, accompagné de quelque Caualerie,  
les ennemis sortent avec trois cens hom-  
mes, & comme ils furent assez près, vn Ca-  
pitaine ennemy armé de toutes pieces, se  
desbande vaillamment de sa troupe, sans  
crainte du danger, & le voyant à la teste de  
quelque vingtaine de cheuaux, sans estre ar-



mé, n'ayant deuant luy qu'un Gentilhomme : ce Capitaine huguenot pouſſe ardemment, & meſpriſant ce genſ'arme, s'adreſſe à monſieur le Duc de Mayenne, luy tire le piſtolet à ſix pas : mais l'ardeur en laquelle il ſe portoit à ceſte ſoudaine action, luy ayant fait heureuſement faillir le coup, il tourne viſage, eſtonné de l'aſſurance inſbranlable de ce Prince, qui luy court ſus, ayant loué ſa vertu & ſon courage, & le ſuit toujours l'eſpée dans les flancs, le chaffant vers ſa troupe, dans laquelle il ſe meſla hardiment, & luy donna la fuitte, pour nous laiſſer benir le Ciel de ſa conſeruation miraculeuſe.

*Le Duc de Mayenne faillit d'eſtre tué par un ſoldat.*

En ſin la place eſt inueſtie de quelque quinze cens hommes ſous la charge de monſieur de Vignolles & quelques gens de pied enuoyez des villes voiſines, & de la caualerie pour la pluſpart de Nobleſſe volontaire qui a teſmoigné vne grande ardeur à ſeruir le Roy ſous la charge d'un ſi valeureux Prince, les deſſeins duquel furent ſecondéz fort genereuſement par le Mareſchal de Roquelau-  
re Lieutenant general pour le Roy en cette Prouince, & par le Mareſchal d'Aubererre : le progrez de ce ſiege fut retardé faute du nôbre de gens de pied pour inueſtir le grand & petit Nerac, & le Chateau, d'officiers & munitions d'artillerie, & de l'ordre des finances de l'armée; ceſte occaſiõ impreueüe n'ayant donné loyſir d'y pouruoir, l'on ne laiſſa

1621.

pourtant de l'aduancer autant qu'il fut possible. Les autres disent que le Duc de Mayenne ayant eu aduis que les ennemis auoient fait vn gros de plus de deux milles hommes, publians vouloir faire leuer le siege de Nerac, soudain monta à cheual pour les aller combattre au passage de la riuiera, laissant monsieur de Vignôlles avec l'Infanterie & quelque caualerie deuant Nerac.

*Trahison de  
Caumont.*

*Qui est surpris  
par les ennemis.*

Quelque iour apres, on commence à parlerement : mais comme c'est d'ordinaire le temps des trahisons & des surprises, voicy les ennemis, qui par le moyen de quelques traistres, qui auoient fait la declaration dans Caumont, & auoient iuré en la place publique entre les mains du Gouverneur le sieur d'Estouruille, & auoient reiteré mesme protestation deuant le Iuge (vn seul ne pouuoit seruir à ce dessein) ils font couler de Castelnau, & autres lieux, plusieurs troupes, sous la conduite du Capitaine Lentillac, vieux soldat renommé, pour auoir esté, quelques annees en Flandres par deux fois, & Capitaine des Gardes du sieur de la Force tant qu'il a demeuré en Bearn. Le Marquis de la Force estant à la teste de tous ces gens de guerre, fait mettre ses troupes sur la nuit dans vn bois en embuscade. Et le vingt-vniésme Iuin ayant bien remarqué, que la plus part des habitans qui gardoient la place, se couloient de iour à leurs mesnageries, & ne veilloient

guerres que la nuit à leur conseruation: il faict donner en plein Midy par trenterelous mousquetaires à cheual dans la porte, qui estans descouverts par vne sentinelle, laquelle auoit esté mise à dessein en garde par les traistres de la ville; tesmoignage que ils estoient plusieurs de la conspiration, mettent soudain pied à terre, pressent de telle façon le corps de garde, où il y auoit douze ou quinze soldats, qu'ils quittent la place, & les blesez se iettent par dessus les murailles dans les fosses.

Les assaillans furent long temps arrestez par vn vaillant soldat nommé Peclaué Procureur d'office, qui avec son pere & vn sien frere, en tua cinq ou six: mais en fin blessé d'un coup de pistolet dans l'espaule, & d'une mousquetade dans la cuisse, il tomba presque mort, & fit tomber par ceste cheute les armes des mains de ceux qu'il auoit arresté avec luy au combat. Les rebelles estans accourus sur luy pour l'acheuer, le Marquis de la Force, qui estoit parmy les assaillans, & l'auoit veu si bien faire, le garantit de la mort, disant qu'il meritoit de viure: le faisant emporter au bas de la riuere, & de là estant mis dans vn batteau, il fut porté à Mandemane, sans danger de mort. A ce combat, le Consul Drouillet Catholique fut tué, avec vingt ou trente autres qui resistoient vaillamment.

*vaaleur d'un soldat qui s'opposa à l'entree des ennemis.*

*Sauué par le Marquis de la Force.*

Tout ce à quoy ces rebelles visioient



1621.

*Les ennemis  
voulēt surprē-  
dre le Chasteau  
de Caumont.*

principalement, fut à surprendre le Chasteau; ayant donné moyen à quelques traistres de la ville d'y faire quelque effort. Le sieur d'Estourville, qui auoit esté conuié à quelque baptême par des traistres, s'estoit par bon heur desrobé, & ne faisoit à ceste heure que rentrer dans le Chasteau, s'estant ietté sus vn liēt pour reposer: mais esueillé à ceste allarme, sort sur le pont leuis quelque pas au dehors, n'osant abandonner la place: mais ceux qui fuyoient vers le Chasteau, luy donnant vne sorte allarme, le font rentrer dedans, où il se retira avec quelques Catholiques de la ville, fournis dans la forteresse de tout ce qui leur estoit necessaire.

*Escalade donnée  
par les ennemis  
à Caumont.*

En mesme temps il entendit le coup d'un petard, qui ioia à vne fausse porte d'une tour de la ville, & soudain on donna l'escalade par deux autres endroicts, qui fit quitter la place aux plus courageux, laissant la porte à la deuotion des ennemis du Roy. Les habitants repoussez, tout faisant iour aux rebelles, vn des traistres de Caumont, nommé Boc, monté sur le haut de la porte, & tenant son chapeau à la main pour signal, s'escric par plusieurs fois, à moy compagnons, ce qui fit auancer tout le reste de l'embuscade.

*Le Gouverneur  
du Chasteau  
fait tirer sur le  
secours ennemy  
entré dans la  
ville.*

La nuit suivante les troupes de Tonneins arriuerent, & se logerent dans la ville, où le Gouverneur du Chasteau ne les lais-

sa pas en repos, ne cessant de tirer luy mesme le canon, qui les estonna de telle sorte, par les ruines qu'il faisoit, sous lesquelles plusieurs des ennemis furent ensevelis, que ils furent contraincts de se retirer dedans les boulleuards, au deuant desquels ils dresserent de fortes tranches, pour mettre le Chasteau hors la ville

La veille de S. Iean le Gouverneur de Caumont s'estât apperceu que le Capitaine Nauarreins alloit & venoit par vn lieu descouvert auec trop d'assurance & de franchise, vise si dextrement, que d'un coup de mousquet il le porte par terre, regretté infinimēt des siens. Le Gouverneur ne l'eut pas plustost veu rōber, qu'il court à vn cor de chasse, en donna plusieurs coups, comme pour s'eslouyr de la prise de la beste.

*Le Capitaine  
Nauarreins  
tué par ledict  
Gouverneur.*

Vne heure apres la prise de la ville, il arriva heureusement, que trois gens d'armes de la Compagnie du Comte de S. Paul, laquelle estoit au siege de Nerac, arriuerent au pied du Chasteau, auant que les ennemis s'en fussent saisis: où estans le sieur d'Estouruille les ayant recognus, ayant par hazard mis la teste à la fenestre du costé de la riuie-  
re, il mit vn mouchoir à la pointe de son espée, pour leur faire tourner visage vers luy, & les ayant huchez, il les prie d'aller promptement à Marmande & à Nerac, aduertir tout le monde de ce mal-heureux accident, les assurant qu'il

*il enuoye trois  
soldats vers le  
Duc de Mayen-  
ne pour auoir  
son secours.*

1621.

tiendroit bon iulques à la derniere goutte de son sang.

*Pays voisin ar-  
me pour le se-  
cours de Cau-  
mont.*

*Troupes arri-  
vees aux enne-  
mis.*

Toutes les villes d'alentour firent des troupes, & tascherent ce iour de forcer les ennemis en quelques retranchemens, s'estans saisis du costé de la riuere, de tout ce qui estoit pour la forteresse du lieu, & par ce moyen ayans saisi les portes qui entrent dans le Chasteau, il leur arriva trois compaignies de Poictou, & cinq de Perigord, qui estoient des troupes de Panissaut, faisant en tout plus de deux milles hommes, l'eslite de ce qu'ils auoient de plus braues en tout ce pays.

*Ravitaillement  
leur vient de la  
part du Mar-  
quis de la Force.*

Ils furent bien tost rafraischis par le Seigneur de la Force, qui leur enuoya 25. charrettes de pain & de farine, la nuit du Mardy 25. tirant au Mercredy: lesquelles pour ne s'é retourner vuides, furent chargées du butin de la ville, qui reuenoit à plus de cent milles francs.

*Armement du  
Duc de Mayen-  
ne pour repren-  
dre Caumont.*

*Ecrit au Ma-  
reschal de The-  
mines le priant  
de se rendre de-  
uant Nerac.*

Le Duc de Mayenne estant soudain aduertty d'une si importante surprise, monte aussi tost à cheual, avec six à sept cens maistres armez de toutes pieces, ne pouuant tirer du siege de Nerac aucun homme de pied. Auât partir il escriuit au Mareschal de Theminès, qui luy auoit offert ses armes, de l'obliger de se rendre à Nerac pour le seruice du Roy: qui fut vne action louée de tous, voyant ces Seigneurs enseuelir des animositez particulieres, pour vne publique vtilité.



Toutesfois on tient qu'estant à Caumont il luy rescriuit, qu'il estoit plus necessaire de se tenir sur les aduenues, pour empescher que nul secours ne vint aux ennemis, qui attendoient le Seigneur de Rohan.

Ainsi d'une diligence incroyable, naturelle à ce Prince, il fut dans six heures devant Caumont, où il trouua sept à huit cens hommes assemblez des villes prochaines, qui fatiguoient l'ennemy. Il visita la place, où il est accueilly de mille mousquetades, avec autāt d'outrages, & de soubriquets, que ees estourdis prononçoient contre luy. Sur la nuit il fait heureusement entrer quelques vingt soldats de renfort, par Cheuerri vn de ses Gentilshommes, dans le Chasteau assiegé de ce costé de cinq Corps de garde: & vne autre fois par le sieur Dondas, qui en mena 23. apres auoir surmonté l'esperance d'un chacun, & trompé l'ennemy.

Cependant les deux regimens des Seigneurs de Barraut, & d'Ornano sieur de S. Croix, qui auoient pris la route de Nerac, arriuent le Samedy 26. Iuin, & resiouyssent par leur venue le Duc de Mayenne, se voyant fort de trois mil hommes de pied, comprenant les forces des villes prochaines, avec lesquelles il se resout d'attaquer, sans attendre vn regiment que dresseoit le Marechal d'Aubeterre à Condom, ny celuy de Puigui-lem, & du Seigneur de Lansun, qui luy estoient fort necessaires.

1621.

mais le prie de  
se tenir seure-  
ment sur les ad-  
uenues de Caun-  
mont.

Il arriue deus  
Caumont.

Regimens de  
Barraut &  
d'Ornano vont  
trouuer le Duc  
à Caumont.

1621.

*Affaire & for-  
ce de Caumont.**Et de son Cha-  
teau.**Sa description.**Barricades fai-  
tes à Caumont  
par les rebelles.*

Caumont renommé pour ses forts bâ-  
stions, est esleué sur yn haut tertre du costé  
de la riuere, escarpé & de difficile accez, le  
pied de son tertre estant esloigné de la Ga-  
ronne de quelques quarante pas. Et com-  
me c'estoit le lieu à cause du fleuve, par où  
tout le secours pourroit arriuer : voire par  
lequel ils deffendoient aux Catholiques l'en-  
tree du Chasteau, il fut necessaire qu'ils se  
fortifiassent dans ceste pente & valon, qui  
est entre la forteresse & la riuere. Le Cha-  
teau estendu en vne longue & grande cour-  
tine sur le haut de la montagne, a en ceste  
face vers l'Orient, aux deux coins deux gros-  
ses & fortes tours, dont les fondemens vont  
aussi profond que l'eau, dans l'une desquel-  
les on va plus de six vingt degrez sous ter-  
re, chercher vne fontaine qui sert à ce Cha-  
steau, sans qu'on la puisse destourner. Plus  
bas vers la pente à demy croupe, il y a deux  
gros bouleuars, & au dessous de ceux là  
deux demy lunes qui battent la riuere, &  
font arrester les barreaux, ayant esté basties  
à cet effect par Argilemont, qui fut executé  
à Bourdeaux en 1620.

Tous ces dehors furent pris par les rebel-  
les, lesquels pour se renfermer là dedans, &  
tenir la venue du Chasteau, ils firent au des-  
sous des deux lunes, deux fortes barrica-  
des, l'une du costé de Marmande vers  
Bourdeaux, laquelle estoit fortifiée des au-  
tres bastions, qui estoient le long de la mu-

raille de la ville, lesquels la rendoient de difficile accez & comme imprenable. L'autre barricade estoit du costé du Mas tirant vers Agen, fortifiée d'un boulevard, & de l'autre demy lune qui estoient dans la montee l'un sur l'autre, sur lesquels pourrant le Chasteau tiroit incessammēt aussi tost que quelqu'un y paroïssoit. Pres de la contrescarpe du fossé du Chasteau, vers le haut, il y auoit encore quelques maisons qui seruoient de deffence aux barricades, lesquelles ils auoient percees & munies de plusieurs gabions.

1621.

Entre ces deux barricades au pied de la montaigne, qui est toute couuerte d'espines & de haliars fort espois, dans lesquels ils auoient ingenieusement faict plusieurs trêchees pour aller de l'une à l'autre, & se retirer à l'aïse, ils dressent comme vn fort qu'ils auancement bien auant dans la terre pour se mettre à couuert, & logent là dedans cinq cens hommes, pour seruir aux deux barricades à toute heure, & les secourir de rafraichissement.

*Fort dressé  
par les mesmes  
dans vne mon-  
tagne proche  
Caumont.*

Il sembloit impossible de les pouuoir desnichier de ce valon, avec si peu de forces que le Duc de Mayenne auoit lors: mais comme rien ne luy est impossible, il faict conduire dès le Samedy deux coleuri-

*Canon conduits  
deuant Gan-  
mont par le  
duc de Mayen-  
ne.*



1621.

*Difficulté pour  
attaquer la  
place.*

*Campement de  
l'armée d'indict  
Duc.*

*Attaques fort  
rudes.*

il se resolut d'attaquer la barricade qui estoit du costé du Mas, pour estre moins flanquée que celle qui estoit du costé de Marmande, où il eust esté puissammēt pressé par les Bouleuars de la ville tous bordezz de soldats, il falut que ces deux couleuurines passassent au dessus de Caumont, & à l'entour de la ville vers la terre, faisant vn circuit presque de deux lieuës, ne pouuant à cabse des barricades arriuer de ce costé que par le Mas : d'où encore il fit prendre deux bastardes.

Ainsi ayant placé son canon le Dimanche sur le Midy, il disposa son armée pour enforcer les barricades. Le Seigneur de Barraute estoit logé au plus bas vers la riuere, tenant la droicte avec huiët à neuf cens hommes. Plus haut vers la montee estoient les troupes que monsieur de Castelnau auoit mené de Marmande, & celles de sainte Baseille, ausquelles commādoit le sieur de Chateau, & autres des villes prochaines. Plus haut encore vers la montaigne & vers ces maisons, où les ennemis s'estoient retranchez, le Seigneur d'Ornano (nom qui ne mourra iamais en Guyenne) attaquades premiers, dans vne forte barricade en certaines maisons, où apres vn long combat d'environ trois heures, on le pressoit si viuement, que le General fut contrainct de luy commander de se retirer & descendre plus bas.

Sus les trois à quatre heures on fait iouer

iouër le canon, & en mesme temps on faißt descendre vn grand batteau couuert par les costez & par haut de gros madriers d'as Engins pour  
lesquels on auoit mis deux grosses pieces bastrel'ennemy.  
de fer, tirees du Mas, foudroyant par les flancs l'ennemy, & tirant de dedans auec deux cens mousquetaires qu'il y auoit logé, qui fut vne des principales causes de leur desrouté. Le canon tonne & estonne l'ennemy: lequel à couuert sous vn long & large embarras de tonnes, de barriques, d'arbres entiers, & de chariots, se garentissoit aisément.

En mesme temps que la batterie eut cessé, les trompettes, phifres, & tambours animant vn chacun au combat, tout fut soudain en feu & en esclair, nul ne cessant de tirer de part & d'autre. Le general faißt commandement au Sieur de Rance du port de donner: il attaque sans armes à la teste: combat longuement sans estre blessé quoy qu'il fust couuert de mousquetades plusieurs montant sus les barricades, que quatre cens ennemis soustenoient, bien souvent rafraichis par ceux qui estoient de reserve dans le mitan du valon, on tuë, on renuerse, on abbat tandis que le Chasteau iettoit sur les ennemis nōbre de feux d'artifice, & que le bateau faisoit iouer son canō.

A ce combat effroyable, où vne gresle de plomb continua trois heures, le General remarqua des soldats d'vn courage si

Cōbat furieux  
auec les ennemis.

*Soldats de grãd  
courage signalés  
en ce service.*

merueilleux, que le premier Sergent du Seigneur d'Ornano, percé de trois coups mortels, ne laissa iamais l'ennemy. Vn autre percé de douze coups de mousquet, alla venger la mort luy mesme par la mort d'un rebelle. On ne peut rendre l'honneur en celieu à tous ceux qui le mirent.

La Noblesse desirant la pique à la main donner dedans, contestoit cét aduantage contre les Regiments, mais ceste genereuse discorde fut apaisée, leur accordant de se mesler parmy les mousquetaires. Cependant les Catholiques crioient sans cesse, **VIVE LE ROY.** Ces infames rebelles, à qui ce nō d'amour faisoit; peur respōdoiet d'une voix d'enfer, *Vine les Eglises.* Cry espouuentable, qui seruoit d'allumette, pour r'enflammer les Catholiques, lesquels rechargioient plus viuement que iamais.

*On donne d'as  
les tranches en  
nemies.*

Les ennemis n'en pouuans plus, ils se mettent aux iniures contre le Duc de Mayenne, qui estant aux premiers rangs de son Infanterie, encourageoit ceux mesmes qui n'auoient que trop de courage, & qui mouroient de depit, de ne pouuoir franchir ce grand embarras de tranches, où ils s'engageoient à tous coups. Ce Prince animé, & tout en feu, enfonçant de cholere son chapeau, crie au soldat de donner dedans: glorieux de veoir les Seigneurs de Castelnau, de Barrault, d'Ornano & le sieur de Chasteau, qui estoit à la teste de ceux de S. Bazeil, le Capitaine Pichon



& autres aller si genereusement aux coups.

1621.

En fin ce Prince se resoult de faire tirer les Canons apres vn si long trauail, qui auoit enseuely plusieurs braues soldats: Ain- si il faißt commander au soldat de faire iour au canon: ce qui s'execute aussi tost, & le Seigneur de Barraut qui estoit däs les prairies, combattant vaillamment à la faueur du canon, faißt tant qu'il s'approche de la porte du Chasteau pour y entrer: ce qu'il fit avec huißt cens hommes: ce que voyant l'ennemy abbatu de forces, plus encore de courage, ne sçachant à quoy se reduire, il prend lors occasion de quitter la barricade, & s'enfuyr dans la demy-lune prochaine, & delà au boulevard qui estoit plus haut, ayant mis le feu aux barricades & aux maisons; suyuis en mesme temps dans les flammes par les Seigneur de Barrault, d'Ornano, & les autres la pique à la main, pressant puissamment l'ennemy, & le poussant vers la montee. Mais arriuez iusques à la demy-lune bien rembarree, ils sont arrestez cul sus teste, par ceux qui estoient de reserve dedans; tous lesquels par des sentiers incognus, & des tranches cachees aux assaillans, se desrobent & s'enfuyent de l'autre costé de la ville, qui est du costé de Marmande, où tout le reste des tenans les suit avec beaucoup de confusion.

*On force les  
barricades en-  
nemies.*

*Fuite de l'en-  
nemy.*

*Confusion &  
desordre des  
sostenans fu-  
jans.*

Durant tout ce combat le Marquis de la Force, qui estoit sur l'autre riuage, du

1621.

*Retraicte du  
Marquis de la  
Force.*

*Bateaux arre-  
stés par com-  
mandement du  
Duc de Mayen-  
ne.*

*Caumont re-  
gagné par le  
Duc.*

*Couchés dans les  
barricades gai-  
gnées.*

costé de Tonneins, ayant quitté son logement qu'il auoit pris chez le sieur du Duc Conseiller au Parlement de Bourdeaux, où on fit vn degast incroyable, se rend au bord de la Garonne, avec vn gros de Cauallerie; mais ce fut en vain, n'ayant peu trouuer vn seul bateau, faute notable pour vne si signalée entreprise. A quoy le Duc de Mayenne auoit plus iudicieusement pourueu, ayant plusieurs iours auparauant faict arrester par toutes les villes Catholiques les bateaux, de peur que les ennemis ne s'en peussent seruir.

Ils abandonnent doncques leur conqueste, où le Duc de Mayenne entre triomphant, avec toute la fanfare de festrompettes, & y va planter aussitost son estendard, poursuiuant valeureusement l'ennemy iusques à la nuit. Il fut bien auant dans la nuit auant que ce secours fut entré, & qu'il eut disposé toutes choses pour les Corps de garde, & pour la conseruation du canon. Il ne peut aller prendre son repos ailleurs que dans les barricades qu'il auoit gaignées, nonobstant la sieure qu'il auoit tous les iours, plus obstinée que ses ennemis, si la ioye d'une telle & si miraculeuse victoire ne luy faict abandonner la place.

Il n'attendoit aucune lascheté de la part de ceux qui auoient monstré tant d'ardeur à cette premiere atteinte, puis

qu'ils tenoient toute la ville, & qu'ils s'y estoient puissamment fortifiez. Il croyoit qu'il faudroit venir le lendemain aux mains s'estant resolu de pousser à la pointe du iour dans la ville, tout ce qui estoit coulé dans le Chasteau dès ce soir: puis faire entrer à la file vne autre bonne partie de son armee, & apres cela faire auancer le canon du chasteau vers les retranchements des ennemis, tandis qu'il donneroit l'escalade de tous costez, afin de les emporter de viue force.

*Fait entrer son armee dans la ville.*

Mais le Marquis de la Force iugeant bien qu'il arrieroit ainsi, & se voyants perdus, sans espoir de ressource: la frayeur & la crainte estant les premiers supplices que leur faisoit souffrir leur erreur, ils se proposent d'abandonner sur l'heure mesme la place, sans rendre nul combat, ayans esté seulement spectateurs de ce qui s'estoit fait entre les barricades, où ils deuoient aller mourir.

*Retraicte des ennemis.*

La nuit donc auancee, les soldats harassez prennent quelque repos, couchez sur la terre, au frais de l'eau, & tousiours en armes à l'entour de leur General, & du canon attendant avec impatience le retour du iour, comme celuy qui leur deuoit ramener vne nouvelle victoire. Voicy vn nouvel accident, qui fauorise la retraicte de l'ennemy.

Ces sacrileges & mal-heureux Demons,



1621.

*Case strange.**Miracle arrivé  
à la confusion  
des heretiques.*

s'estans lors de la surprisè saisi de l'Eglise laquelle estoit à couuert du canon du Chasteau, apres auoit tout pillé, ornemens, Croix, Calices, & Ciboire, dans lequel estoit le precieux Corps de nostre Seigneur apres auoir fait plusieurs ordures, plus dignes d'estre faictes par l'Antechrist que par vn Chrestien sur l'Autel, & deshonoré le S. Sacrement de l'Eucharistie, vn soldat s'estant efforcé deuant tous de mettre le pied par sept diuerses fois dessus, criant; voicy le Dieu des Papaux, sans qu'il peust iamais executer son dessein, qui fut vn miracle visible; en fin d'une main sacrilege, comme d'autres Iuifs, pendirent l'Holste consacree, proferans infinis blasphemes: puis s'escrioient, & iuroient qu'ils en feroient autant au Roy, & à tous les Catholiques s'ils les tenoient. Attentat sceleré & diabolique, approchant de celuy qui a esté commis puis peu de iours, en la personne d'un Prestre à Cazenoue, auquel ils couperent à diuerses reprise les doigts, avec lesquels il auoit consacré. Apres cela ils logent leurs cheuaux dans ceste Eglise Parrochiale de Canmont, & quelque iour apres y mettent deux ou trois barriques de poudre.

Sur le tard, tous ceux qui auoient resté du combat, se preparans à la fuitte, & se hastans comme desesperéz, plusieurs s'estans desia auancez pour sortir, vne par-

tie se iettent dans l'Eglise pour prendre de la poudre. Dieu, ce grand Dieu de Vengeance, qui vouloit punir cét horrible crime dans le lieu mesme où il auoit esté perpetré, fait que par vne blquette de feu, cette poudre enflammee emporte dans l'air ces miserables, iusques au nombre de cent; la plus grand' part tuez dedans, entre lesquels on a trouué quelques-vns montez à cheual.

Ce grand esclat qui se faisoit à vn bout de ville, & la grand' fumee, fut cause qu'ils sortirent plus aisément par vn autre bout, chacun accourant au lieu d'où le bruiet venoit, croyant que ce fust vne mine qu'ils eussent faict iouer. Ainsi à la faueur de ce feu, mille ou douze cens hommes eschappent, & ayant couru toute nuict, avec mille apprehensions qu'une fuite faicte en tenebres charrie tousiours apres soy, sur le point du iour ils se trouuent à sauueté, tirant vers Castelialoux, ayât laissé de morts en la place pres de quatre cens hommes.

*Les ennemis  
accablez sous  
les ruines d'une  
Eglise.*

Le lendemain on se prepare de venir aux mains à la Diane, qui s'estant armee comme vne nouuelle Minerve, fait esueiller les Soldats. Le silence qui s'entend du costé du quartier de l'ennemy, apporte encore quelque effroy. On n'ose s'auancer vers leurs ombres, on n'entend que quelques voix de ceux qui restoient attrapez

1621.

*L'ennemy s'es-  
uade à la four-  
dine.*

*Graces rendues  
à Dieu par les  
Catholiques  
pour la reprise  
de Caumont.*

*Imprudence de  
ces Rebelles de  
Nerac.*

sous les ruines del'Eglise, qui i'ouspiroient  
plustost leur vie, que leur peché.

En fin on s'approche des bastions, on  
court, on rode par tout, on ne trouue nul  
ennemy: l'estonnemēt faist encore plus les  
Catholiques, qui desirer trouuer ceux qui  
les suyent, & voudroient que les pierres se  
transformassent en champions, comme les  
soldats de Cadmus, pour acquerir des nou-  
uelles couronnes. Trouuant les pistes des  
fuiars, ils les suyent quelque temps, mais  
en vain, rentrans triomphans dans la ville,  
où ils rendirent graces immortelles à Dieu,  
d'auoir peu avec trois milles hommes, chas-  
ser deux milles soldats determinez, d'un tel  
fort, lesquels la diligence & soudaineté a  
plustost vaincu, avec le secours du ciel, que  
tout l'effort qu'on fit.

Paures & miserables gens qui n'agueres  
faisoient icter sous les presses le denom-  
brement de leurs forces, le nombre de leurs  
villes (ils ne parlent pas autrement) mais les  
voicy eux mesmes avec toutes leurs villes  
& leurs forces dans la presse des armes  
vangeresses du Roy. Cen'estoient que des  
fausses inscriptions qu'ils posoient pour  
fondement de ce qu'ils n'ont pas, ains seu-  
lement de ce qu'ils desirerent auoir. Il  
leur suffit de se tromper & se seduire eux  
mesmes. Infortunez, qui ne rira de vous  
voir bien tost couchés sur le fumier de  
Iob: pensiez vous impunemēt faire ombre



à la Royauté, & l'estouffer par vos desobeïssances?

1621.

L'obiet de vos prosperitez passées, vous emporte dans les insolences par delà les bornes de la douce & charmeuse subiection des François: mais ne considerez vous pas vos foibleses? Les premieres boutées de vostre Religion, ont esté semblables au premier germe du roseau, qui s'auance à sa naissance en vne longue tige. Durant les cinquante ans premiers, elle a esté constamment auancée, pour ce qu'elle ne trouuoit que bien peu de resistance, & les Catholiques sous quelque beau pretexte, s'estans comme destournez de l'obeïssance de leur Prince, leur proiection tomba pour cela à leur ruine. Depuis cette mesme Religion que vous auez veuë poussée si haut, elle s'est affoiblie puis cinquante ans en ça par vne defaillance de courte haleine, se trouuant retenuë par plusieurs nœuds, ainsi que ces vains roseaux que tous les vents agitent: comme si cest esprit d'estourdissement, qui d'ordinaire sert d'ame à l'heresie, eust arresté le cours de vostre auancement.

*Similitude.*

Aussi vn mal extreme ne dure point, & mesmemēt vn mal tel que celuy qu'enfante vne Religion, dont les religionnaires & sectateurs sont si impies, qu'ils se disent enclins à tout mal, inutiles à tout bien, & transgressans sans fin & sans cesse les commandemens de Dieu, ainsi que vous professez.

1621.

*Heresiques  
conuertis en la  
ville du Mas  
apres la reprise  
de Caumont.*

*Advançages  
du Roy en trois  
diners Diman-  
ches sur les re-  
belles.*

Amandez vous donc, & rentrez en l'Eglise de Dieu, où vous conuiënt tous les pretendus Reformez qui auoient resté à Caumont, qui ont abiuré l'heresie le vingt-neufiesme Iuin dans le Mas. Donnez par vostre conuersion, vous vnissant au seruice du Roy, vous mesmes la fin à vos miseres, & cōfessez hardiment que ce sont coups de la main de Dieu, qui bataillant contre vous, a donné en trois diuers lieux en mesme iour de Dimanche vingt-septiesme Iuin, trois heureux auantages. Le 1. à Nerac par la mort de ceux qui estoient sortis pensans enleuer le canon. Le 2. à Caumont par la fuite honteuse de ceux qui l'auoient enleué. Et le 3. à S. Disan de Cosnac en Xaintonge, où sept charriots d'armes ont esté enleuez à ceux de Pons, avec la perte de leurs hommes, comme nous dirons incontinent.

A cecy i'adiousteray vn extraict d'une lettre du Mas sur le fait que dessus.

Nous auons veu vne grande tragedie de la pauure ville & habitans de Caumont, où Monsieur de Mayenne a perdu par la grace de Dieu fort peu de gens, en vne si furieuse charge : & les mal-heureux se sont quasi tous perdus ou bruslez eux mesmes dans l'Eglise avec leurs munitions, & le restant des habitans qui sont en fort petit nombre d'hommes & quelques femmes, enuiron d'une quinzaine se sont conuertis, & fait profession de la foy Catholique, Apostolique

& Romaine aujour-d'huy en cette ville.

1621.

*Du Mas ce 29. Iuin 1621.*

Retournons à l'armée du Roy en Xaintonge, nous y verrons que le Duc de la Trimouille & prudēt Seigneur qui s'estoit rendu des premiers au deuoir, remit la ville & Chasteau de Taillebourg en l'obeïssance de sa Maïesté, sans auoir attendu que le Roy luy eust commandé de ce faire: aussi le bon subiect qui respecte son Prince & fait estat de son seruice ne se fait iamais tirer l'oreille pour luy rendre ce qu'il scait luy deuoir, & luy rend avec tant d'affection que le Roy n'a que tout subiect dese louer des actions de ce ieune Seigneur, qui a les principes tresbons & donne de grandes esperances pour sa fidelité, quoy qu'il soit nourry à la Religion pretenduë Reformée: Cette reddition de Taillebourg fut comme vne conioiſsance que le Duc de la Trimouille luy fit sur l'heureux succez de ses armes, & luy frayera le chemin à la poursuite de ses victoires apres auoir reduit à son obeïssance la ville de S. Iean d'Angely.

Sa Maïesté ayant chastié la rebellion de cette place qui s'est voulu perdre en sa reuolte, sans perdre aucun temps s'achemine à Cognac avec son armée: en chemin faisant on luy confirme ce que ia elle auoit appris dès le siege de saint Iean, que la punition de ces mutins, qui insolemment auoient fermé les portes à leur Roy, emportez

*Reduction du  
Chasteau de  
Taillebourg par  
le Duc de la  
Trimouille.*



1621.  
Rebellion de  
Pons.

de la violence des commandemens de la Rochelle, n'auoit pas fait sages les autres rebelles : car leurs voisins de Pons empestez du mesme poison qui les auoit enuenuimez contre leur souuerain, ont fait à sa veuë toutes sortes d'hostilitez, faisans des courses impunement, rauissans les biens du peuple pour en remplir leur ville, prenants des prisonniers, pillans & saccageans tout & commettans infinis sacrileges, ne songeans pas que le cousteau de la vengeance du Ciel pendoit sur leur teste, & qu'ils estoient desjà dans les pieges qu'ils s'estoient preparez.

Voire pensans se fortifier contre leur Prince ils mandierent criminellement des Rochelois des munitions de guerre qui ont esté enleuées le 27. Iuin par les gens du Roy en la maniere quis'en suit.

Secours Rochelois deffait.

- Ce iour là enuiron sur les trois heures apres midy vne bonne troupe de caualerie tirée des Compagnies du Roy, de la Royne, du Prince de Ioinuille, & du Duc d'Elbœuf & des Carabins du Roy en nombre de cent commandez par le sieur de Contenant & le sieur de Montgeon Lieutenant dudit sieur Prince de Ioinuille ayans eu aduis que deux nauires de la Rochelle estoient entrez au canal de Maubert, & tirez des nauires qui les auoient portées au port de S. Delfan, entre Mortaigne & Cognac, & y auoient deschargé quantité d'armes & munitions de guerre, lesquelles soixante à quatre vingts

cheuaux & enuiron deux cens cinquante hommes de pied (l'esslite de la garnison de Pōs) estoient allez accueillir & receuoir avec dix ou douze chariots, lesdits sieurs de Contenant & de Montgeon avec leurs troupes, chargerent si viuement la Caualerie des rebelles de Pons, qu'apres en auoir tué quelque nombre, contraignirent le reste de quitter leurs cheuaux pour se sauuer vers les nauires, à la faueur du canon, des gens de pied & de leurs chariots : cela fait ceux qui commandoient pour le Roy dans les Chasteaux de Mortaigne & de Cognac ramasserent ce qu'ils peurent de gens de pied avec l'ayde desquels l'on tua & prit on prisonnier tous ceux qui ne s'estoient rembarquez, & fut saisie quantité d'armes & de munitions, entre lesquelles l'on trouua six cens mousquets & quatre cens picques, pour ce qu'ils ne pouuoient estre fauorisez du canon des nauires qui auoient esté contrainsts des'esloigner à cause de la basse mer.

Ainsi Dieu prospere par tout les armes du Roy qui ne tendent qu'à luy faire rendre l'obeissance.

Sa Maieité estant arriüée à Cognac, où l'on minutoit desia le siege de Pons, ceux qui estoient là dedans enfermez & leur ville ia inuestie par les armes du Roy, se voyans menacez par la resolution de sadite Maieité de seruir d'exemple & de terreur aux autres villes rebelles, en cas de plus longue

1621.

*Armes des rebelles prises.*

*Reduction de Pons.*

1621.

*Leur protesta-  
tion.*

renolte & desobeïssance: pour ce subiet la Noblesse qui s'y estoit retirée, avec le corps de la ville par ses Deputez, furēt le 30. Iuin offrir leurs vies, leur ville & leur obeïssance à sa Maïesté dans Cognac, & ont lesdits habitans de la ville de Pons faisans profession de la Religion pretenduë Reformée, & les refugiez de la ville de Xaintes & d'autres lieux circonuoisins enfermez avec eux en icelle, s'estans assemblez par la permissiō de l'ordonnāce du Duc de l'Esdiguières audit Pons, déclaré vnanimement qu'ils ont esté tousiours & seront à iamais tres-humbles & tres-obeïssans subiets de sa Maïesté. Jurans & promettans à Dieu de ne se departir iamais de la tres-humble suiection qu'ils luy doiuent, comme aussi protestans de ne vouloir adherer aux resolutions de l'assemblée de la Rochelle, ny d'autres assemblées ou Conseil des Prouinces qui pourroient contrarier en chose que ce soit au seruice de sadite Majesté, de saduoiā tous Deputez qui se trouuerroient à present ausdites assemblées pour prendre telles resolutions, n'ayās eu lesdits habitans & refugiez autre but cy-deuant & ne voulans en auoir d'autre à l'aduenir, que de recognoistre pour leur Roy & souuerain Seigneur Louys XIII. à present regnant, sous la subiection duquel ils veulent viure & mourir, & sauuer la liberté de leur conscience sous le benefice des Edicts de Nantes, articles secrets, breuets, & declara-



tions qu'il apleu a sa Maieſté leur accorder, conformément à icelle la declaration du 24. Aueil dernier; en foy de quoy nous auſ ſigné ces preſentes de nos mains audit Pons, le 29. Iuin 1621. Signé I. Conſtans Garnier Eſleu, Gaillier eſleu, de Haillon, Lolindan, Vinier, Aſtruilly, C. Garnier, Raçadel, I. Guionet & c.

1621.

Pendant le ſejour que fit ſa Maieſté à Cognac arriua en Cour le ſieur de Boiſſe Par-  
daillan Seigneur des plus eſtimez pour le  
fait des armes entre ceux de la Religion pre-  
tenduë Reformée: mais tres-fidelle ſerui-  
teur du Roy, ennemy des factions &  
brouïlleries, & qui ne ſ'eſt iamais ou peu  
meſlé avec les ſeditieux du party: Ce Sei-  
gneur remit en l'obeiſſance de ſa Maieſté  
les places de Sainte-Foy & de Monheur  
ſur la Dordonne & Garonne, deſquelles  
il eſtoit Gouverneur, proteſtant de ſa fide-  
lité & de tout ce qu'un Roy peut deſirer de  
l'affection & perſonne d'un grãd ſeruiteur:  
Auſſi ſadite Maieſté recognoiſſant la ſince-  
rité du merite dudit ſieur de Boiſſe luy laiſ-  
ſe & confie leſdites places en ſa garde, l'o-  
bligant de demeurer aupres d'elle le long  
de ſes voyages.

*Reduction du  
ſieur de Boiſſe  
Pardaillan au  
ſervice du Roy.*

*Rend Sainte  
Foy & Mon-  
heur.*

Ces deux villes reduictes en ſuite de cel-  
les de ſainct Iean & de Pons, ſa Maieſté  
voulant porter ſes armes au cœur de la  
Guyenne, a aduis de la rebellion de Ber-  
gerac, laquelle auoit ouuert ſes por-  
tes au Marquis de la Force, qui y eſtoit

*Rebellion de  
Bergerac.*

1621.

entre avec nombre de soldats capables de donner loy aux habitans, où il fit commander des fortifications telles & tellement aduancées en moins de trois mois, que d'autres ouuriers n'en eussent sceu faire autant en l'espace d'un an.

Auparauant que de partir pour entrer en la Guyenne, sa Maiesté voulant s'asseurer de Pons, qui quoy que reduire à l'obeissance, par l'effroy qu'elle venoit de receuoir du chastiment de S. Iean d'Angely & par la presence de sa Maiesté au pays, pouuoit se rebeller vne autrefois, & continuer ses courses ordinaires dans le pays à la surcharge du peuple, si tost que le Roy auroit quitté la Xaintonge, ou l'obliger d'y laisser vne grosse garnison, sa Maiesté fut conseillée de faire raser les murs & fortifications de cette place & la reduire en village, ce qu'elle commanda estre fait sur le champ.

*Pons deman-  
telé.*

*Ordre pour le  
bloquement de  
la Rochelle.*

Pour la Rochelle on establir cest ordre, pour empescher les courses & secours des ennemis: le sieur de Rhodes, du commandement du Roy demeura en garnison à Luygon auëc trois cens hommes de pied & vne Compagnie de cheuaux legers: le sieur de la Pellissonniere, à la ville de Talmond avec quatre cens hommes de pied & vne Compagnie au Chasteau. Et ayans laissé le Duc d'Espèrnon en Aulux avec vne armée luy commanda de bloquer & inuestir cette ville, siege & azyle de la rebellion mesme, & pren-

& prendre garde qu'il n'y entre ny sorte aucune sorte de gens de guerre : nous verrons cy-apres les grands exploicts que fit ce grand Capitaine deuant cette Rochelle, & comme avec vne poignée de gens, mais choisis & tres-habilles hommes, il a tellement serré les Rochelois qu'il n'y a plus aujour-d'huy de seureté pour eux du costé de la terre, & ont esté contrains de murer leurs portes & faire bon guet plus de nuit que de iour.

Ce que voyans ces mutins, pensans arrester le cours des armes du Roy & aller au deuant du courroux de sa Maiesté, resolurent en leur assemblée le troiziesme Iuillet de luy faire vne deputation pour auoir congé de sa Maiesté d'enuoyer en Cour vers les Ducs de la Trimoüille & de l'Esdiguieres pour les prier de resoudre sadite Maiesté à la paix : mais comme il ne tient qu'à eux qu'ils n'ayent la paix rendans l'obeïssance que le Roy leur demande, & la luy refusans, telle qu'elle luy appartient, ce n'est pas chose nouuelle si ceste deputation non plus que les precedentes leur fut inutile, puis qu'en demandant la paix ils s'arrestoient tousiours aux mesmes termes de leur rebellion, qui est de ne se separer & demeurer maistres absolus dans leur ville. Le cinquiesme Iuillet ils viennent donc trouuer sa Maiesté dans Cognac & luy disent.

1621.

*Duca' Esper-  
non laissé en  
Aulux.*



1621.  
Deputation de  
la Rochelle au  
Roy.

*Tout cela se dit  
de bouche mais  
rien par effect.*

L'assemblée ne pouuant assez exprimer l'extreme regret & desplaisir qu'elle ressent de voir continuer l'indignation du Roy, tant à l'encontre d'elle que de la ville de la Rochelle, & toutes les autres Eglises : Et combien qu'elle n'ayt eu autre but que de rechercher par ses tres-humbles supplications & remonstrances enuers sa Maiesté les moyens de faire reparer les infractions des Edicts de Pacification, & trouuer la seureté & liberté desdites Eglises ; elles ont neantmoins eu des interpretations si contraires à ses intentions, que sa Majesté n'a voulu iusques icy receuoir les tesmoignages de sa fidelité & obeïssance. Ladite asssemblée n'ayant rien tant à cœur que de faire cōgnoistre le respect & tres-humble submission qu'elle doit à sa Majesté estime necessaire d'escire à Messieurs les Ducs de la Trimouille & de l'Esdiguieres pour les supplier faire entendre à sadite Maiesté quelle est l'amertume de cœur où elle se trouue de se voir priuée de l'honneur de sa bienvueillance, n'ayant rien tant desiré que de luy faire paroistre le zele & affection qu'elle a tousiours eu, & dont elle ne se departira jamais de luy rendre avec toute humilité & submission, l'obeïssance & subiection qu'elle cognoist luy estre legitiment deuë, & supplier en toute humilité sadite Maiesté qu'arrestant le cours de ses

armes il luy plaist vouloir donner sauf conduit à ceux qui seront nommez tant de la part de ladite assemblée que de ladite ville de la Rochelle, pour se jetter à ses pieds, & luy demander la paix sous l'observation de ses Edicts, & faire les veritables protestations qu'elle doit de son entiere fidelité & tres-humble subiection & obeissance envers sadite Maiesté. Signé.

Myrois President.

Clemenceau Adioint.

Casaubon, & Saurre, Secretaires.

Les sieurs Ducs de la Trimouille & de l'Esdiguières ne firent autre responce auxdits Deputez de la Rochelle sinon que le moyen d'anoir la paix estoit d'ouurir leurs portes au Roy, separer l'assemblée & accueillir les commandemens de sa Maiesté, & pour ce qu'ils n'auoient pas resolu de ce faire, aussi s'en retournerent ils aussi sages & sçauans que deuant.

Le Roy estant entré à Nerac receut à son resueil le vnzième Iuillet deux fauorables nouuelles, l'une de la reduction de la ville de Nerac, & l'autre celle de Bergerac.

Pour Nerac affin de voir la suite de l'histoire, si tost que le Duc de Mayenne fut retourné en son armée au siege de cette place, attendant nouveau secours & finances pour payer ses gens, le sieur de Fontaines intendant de sa maison arriva

1621.

Il n'y a armes  
ny leuees que  
pour l'obeyssance  
ce & service du  
Roy.

Reduction de  
Nerac.

1621.

pour luy apporter de la part du Roy de-  
quoy payer l'armée qu'il auoit leuée sàs ar-  
gent de sa Maiefté, mais du sien & sur son  
credit, pour ce que ledit sieur de Fontai-  
nes n'auoit peu passer pour les courses  
continuelles que faisoient les ennemis  
pendant le siege de saint Iean d'Angely,  
& speciallement ceux de la ville de Pons,  
prenans à rançon & deualifans tous  
ceux qu'ils rencontroient à la campa-  
gne.

L'armée payée & les soldats fort satis-  
faits & contens n'eurent plus grande affe-  
ction pour seruir le Roy, qu'à lors : Le  
Duc de Mayenne se voyant fort & assisté  
d'un bon nombre de Noblesse se resolut  
d'attaquer à bon escient la ville de Nerac :  
Laquelle considerant le peu d'apparence  
qu'ils auoient de resister & fatiguer le cou-  
rage inuincible de ce genereux Prince, pro-  
poserent vne capitulation, partye de laquel-  
le leur ayant esté accordée le neuuiesme Iuil-  
let la ville & le Chasteau de Nerac se ren-  
dirent à l'obeïssance du Roy entre les mains  
dudit sieur Duc de Mayenne à discre-  
tion ; seulement les soldats de la garnison  
estans au nombre de deux milles huit  
cens sortirent la vie & bagues sauues : Tou-  
tesfois la ville pour sauuer le pillage paya  
quelque chose pour le deffroy de l'armée  
du Roy.

Le dixiesme du mesme mois, ceux de

*Leur compo-  
sition.*



Bergerac ne voulans prouocquer la iuste colere du Roy, ains redoutans que sa Iustice ne s'exercast desormais à l'endroit de ceux qui persisteroient en leur rebellion, furent tous d'aduis de se reduire à l'obeissance, pour assurance dequoy ils deputerent le Lieutenant-General de leur ville pour porter les clefs à sa Maiesté dans Cognac, avec autres habitans dudit Bergerac, lesquels ne furent pas trop bien receus pour auoir laissé entrer le Marquis de la Force chez eux le plus fort : lequel aussitost demanda seureté pour sa personne pour venir trouuer le Roy : sa Maiesté luy enuoya vn Gentil-homme pour l'emmener à Chastillon & l'y attendre, mais il n'y voulut aller. Nous dirons incontinent ce qui se passa du depuis à Bergerac quand le Roy s'aduança en la Guyenne.

Sa Maiesté quittant Cognac s'en alla avec son armée à saint Emilian, où faisant reiterer nouveau serment de fidelité aux Chefs de son armée : Ils luy firent cette briefue harangue avec la protestation qui suit le 6. Iuillet.

Grand Roy, dont les ans sont decorés d'un comble de vertus, & dont les victoires ceignent le front des plus verdoyans lauriers de la gloire, maintenant que nos courages nous prouoquent au debuoir & à l'obeissance à laquelle la fidelité nous

1621.  
*Reduction de  
Bergerac.*

*Le Roy va à  
S. Emilian.*

*Protestation  
des Chefs de  
l'armée du  
Roy, faite à sa  
Maiesté au  
Camp à S.  
Emilian.*

tient obligez, que nous seruiroit de tourner visage aux efforts de vos ennemis: quelle vergongne seroit-ce à nous d'abandonner la fatigue de la guerre, & de laisser vostre Maiesté au milieu de ses affaires, & dans le milieu de la rebellion: non, non, Grand Roy, puisque le Dieu des armées, protecteur des Sceptres & des couronnes, vous a choisi par dessus tous les Princes de la terre, pour estre armé de iustice & de victoire, comme iadis le Prophete Moyse, à qui iadis la verge de puissance fut donnée, nous iugeons que nos armes doiuent seconder vos desseins, & que nostre sang & nos vies seruent de marque à la posterité du courage qui nous anime.

Sur nos assurances & nos fidelitez poursuuez vos entreprises, grand Monarque, & ne cede aux persuasions telles qu'elles puissent estre, si d'auanture (ainsi que nous) chacun ne se prosterne à vos pieds, & ne vous offre les clefs du cœur, & la libre iouissance des villes contre vous reuoltées, montrez que vous estes vn Athlas, dont la force & la puissance peut resister contre toutes les trauerses du monde, & non resister seulement, mais repousser, terrasser, & aneantir, ainsi que celuy qui peut tout, domine tout, & de qui la iustice peut d'vn tout faire vn neant: faites Grand Roy, que le serment de fidelité,

par nous tant de fois réitéré dans vostre Camp Royal, rende les tesmoignages certains de nostre Foy, & du seruice que nous auons protesté pour l'agrandissement de vostre Estat. Car de laisser desormais en surseance les affaires commencées, ce seroit donner loisir à l'ennemy de se fortifier contre vos intentions & de se rebeller contre vostre autorité.

Il est bien vray, Sire, qu'entre toutes les vertus qui rendent les Princes souverains recommandables, vostre Maiesté chérit par dessus toutes, celles dont le Propheete Royal Dauid fait gloire pour l'assurance d'un Estat qui est la clemence : mais quoy si les Roys n'estoient honorez & chéris qu'à cause de leur clemence & de bonnairété, qu'adiendroit-il des Empires & des Royaumes? quelques fois au lieu de souverainetez, ce seroient des democracies, ou des Estats populaires, aux loix desquels les Empereurs & les Monarques seroient subiects & ne pourroient rien entreprendre ny effectuer que par l'aduis & consentement de leur peuple, ainsi qu'en Polongne le peuple tient le Roy pour Chef, & pour Conseil, mais non pas pour commander absolument.

Si donc parmy la force de vos armes, vostre Maiesté a voulu se seruir du baume precieux de cette recommandable vertu de clemence, affin de guarir sur le champ la

*Clemence &  
douceur vrayes  
vertus des  
Princes.*



playe de vos rebelles ennemis, nous en loüons & approuuons tous la procedure, & n'estimons pas qu'il en puisse naistre du peril, si ce n'est aux despens de ceux à qui l'ingratitude pourroit seruir de guide, pour tourner la pointe de leurs armes infidelles contre vos iustes intentions. Dequoy Sire, nous commençons d'entrer en des fiance, par l'exemple de temerité de ceux qui se sont iettés dans vostre ville de Sully, qui n'ont pour dessein que la rebellion, affin de s'y rendre les maistres, & d'empescher par ce moyen que vous ne puissiez estre secouru & obey par tous les cantons de vostre Royaume. Ce qui nous donne à tous occasion de nous presenter aux pieds de vostre Maiesté, réiterans nos sermens de fidelité, affin d'auoir l'honneur d'estre commandés pour exterminer ces nouveaux rebelles, non seulement, mais aussi tous ceux qui remplis d'audace & d'impieeté oseroient d'orelnauant tenir la campagne sans vostre adueu, ou s'armer dedans vos villes sans vostre expres commandement.

Ne retardez donc plus, braue Monarque, d'employer aux effects les saintes volontez de vos fidelles, lesquels de zeile & d'affection accourent à vos commandemens, & d'un pas aussi viste, & aussi léger que celuy du Cerf eschauffé qui recherche son solas en la fraischeur de quelque fontaine:

Car pour nous, de redouter les embusches plus cauteleuses de vos ennemis, non, nos ames sont trop affirmies de la Iustice de vostre cause: de craindre la force de leurs armes, encore moins, parce que ce qui est proposé & deliberé par la rebellion, n'a nō plus de fermeté qu'une montagne faicte de neige, laquelle n'est pas si tost opposee aux moindres rayons du Soleil qu'elle se fond; d'apprehender la fatigue dans les lieux montueux, & dans les valons, non, car nos courages s'esleuent d'eux mesme contre l'audace de vos ennemis, & sont tous prests de les poursuiure dans les valons de leurs miseres: d'espargner nostre sang & nostre vie, ce seroit faire tort à nostre foy: bref de passer craignant la mort, & craindre la mort en passissant, plustost le Ciel seroit sans Astre, la terre sans fruiets, les montagnes sans valees, & les esprits des sages sans raison. Car combatant, SIRE, & mourant pour vostre seruice, ainsi que c'est regner en seruuant Dieu, de mesme c'est viure mourant de la sorte, puisque la vie des morts, (ainsi que nous apprend Ciceron) repose en la memoire des viuans.

SIRE, nos vœux sont tels pour vostre seruice, & quelque obstacle qui se puisse opposer à nos volontés, iamais elles ne degenereront de leur origine, ains se fortifieront de plus en plus dans les armes de l'obeissance, & du respect, protestans tous

aux pieds de vostre Maieité de changer plus tost de corps, d'esprit, & d'entendement, que de zele & de resolution: Et en cette consideration ainsi que celuy qui se void agité d'une sieure qui le menace de la mort, se dispose par vn testament de donner ordre à ses affaires domestiques, ainsi nous qui sommes agitez non d'une sieure mortelle, mais d'un brulant desir au bien de vostre Estat, nous supplions tres-humblement vostre Maieité d'accepter la resignation de nos volontez, & de nos biens afin qu'avec la iustice, la force, & avec la force, la iustice face désormais sa fœctiō sur vos rebelles mutinés, & qu'il soit dit qu'un Louysle iuste ayt remply l'Histoire de ses prouesses, & que sa valeur luy donne l'Eloge du patron de la victoire.

Voilà le dernier serment de fidelité que les principaux Chefs de l'armée du Roy ont presté entre les mains de sa Maieité, l'induisant en consequence de ce, d'aller en personne vers Montauban pour reduire la ville à son obeyssance, lesquels notwithstanding les declarations & deffences de sadiete Maieité n'ont laissé de s'assembler & de se fortifier.

Delà sa Maieité entrant avant dans la Guyenne vers sainte Foy receut l'obeissance de Castillon, Mont-flacquin, Cadillac, Lairac, Castel-ialoux, Mucidan, Puimirol & autres places; & estant sadiete Maieité lo-



gee au Chasteau de Meziere proche Sainte Foy le sieur de Maleret Gentil-homme de la Religion pretenduë porta cette parole à sa Maiesté au nom desdites places.

SIRE, la plus-part des notables & mieux intentionnez de vos suiets qui font profession de la Religion en vostre Prouince de Guyenne, s'estans assemblez en la ville de sainte Foy, m'ont chargé de venir icy & (prosterné aux pieds de vostre Maiesté) luy dire qu'ils souhaitent infiniment que comme vostre Maiesté nous est en terre vne Image de Dieu viuant, vous puissiez ainsi que luy sonder les cœurs, & lire dans les pensees, pour estre certain qu'il n'y en a point de mieux vostres que les leurs, ny dans lesquels les Lys se trouuent plus immobiles. Mais par ce que c'est le priuilege du Roy des Roys, & que vostre Maiesté n'en peut ny n'en veut faire le iugement que sur des raisons solides, ou des effects veritables, ie viens de leur part, offrir à vostre Maiesté vne obeyssance absoluë qui ne recognoistra iamais d'autres volontez que les vostres. Obeyssance (SIRE) tellement temperee d'amour & de craincte, qu'elle imite en quelque facon celle que Dieu requiert de tous, & qu'il seroit malaisé de dire si ceux qui m'enuoyent sont plus respectueux & affectionnez enuers vostre puissante gran-

1621.

deur, qu'ardamment affectiõnez à la cõseruation de vostre personne sacree, & de vostre Sceptre: que s'il leur est aduenu de se porter à des actions que vostre Maiesté, par ses declarations a notees de crime, ils dient que ç'a esté sans diminution aucune de l'interieure loyauté que doyuent tous vrais & fidelles subiects: & que c'est seulement pour se garantir de l'oppression, & extermination à laquelle vne infinité de personnes les desigñoit ouuertement, qui ont rasché au plus qui leur a esté possible d'en faire paroistre les funestes effects, sinon ceux que le Magistrat a sçeu diuertir par sa prudence, ou qu'il a peu arrester par son autorité.

Puis doncques SIRE, qu'on ne peut leur reprocher qu'ils ayent attenté sur vos autres subiects, que ce qu'ils ont fait a esté pour seconder l'intention de vos Edicts, & pour se mettre à l'abry de la ruine dont on les menaçoit: ils supplient humblement V. Maiesté d'approuuer ce qui se trouuera de iuste en leur procedur, d'excuser ce qui s'est fait par crainte, & pardonner ce qui vous a depleu: Et leuant la criminauté pour les villes qui m'y ont deputé, fera ainsi qu'un Astre benin, luire & influer sur elles vostre clemence Royale, donner par là exemple & accez aux autres, moyen à tous de s'unir par l'heureux lien d'une tranquillité publique, & sans tirer d'eux vne submission forcee, puis qu'elle n'est pas neces-

Faire, vous vous contenterez, SIRE, d'un ne qui puisse mériter le titre de tres-humble & cordiale tout ensemble.

Par ces moyens, SIRE, V. M. donnera du soulagement à plus d'un million d'ames qui souspirent sous cette attente, attirera sur soy, & sur son Estat, les faueurs & benedictiōs du Ciel les plus intimes, & destournera les malheurs dont les guerres ciuilles ne sont que trop fertiles: mesnagera le sãg qui de quelque costé qu'o l'espãde, ne peut, puis qu'il est tout vostre, que ce ne soit à vos despens. Et finalement pour auoir adiousté les signalez biens-faiçts de grace & de paix, à l'obligation sous laquelle naissent tous François, V. M. rendra du tout inexcusables ceux qui sous quelque pretexte que ce soit, se lairront à l'aduenir destourner du deuoir de tres-obeyssants & tres-fidelles suieçts tels que sont ceux pour qui ie parle, SIRE.

Voyla la harangue qui a esté faite au Roy, par ledit sieur de Maleret Gentil-homme de la Religion pretenduë reformee, pour & au nom des habitans des villes de Castillon, Bergerac, Mont-flanquin, Cadillac Maucieux, Lairac, Castel-ialoux, & Sainte Foy, laquelle du depuis s'est reuoltee contre le seruice de sa Maieité, ce qui repugne du tout au contentement qu'ils ont déclaré auoir receu de sadiçte Maieité, comme appert par l'acte qui s'ensuit.



1621.  
*Declaration de  
 Sainte Foy*

**N**OVS Iuges, Lieutenant, Procureur du Roy, de la ville de Sainte Foy, declarons que le Roy est venu loger au Chasteau de Meziere, pres ladicte ville; & toute sa Cour dans icelle, sans que nous en corps, ny en particulier ayôs receu aucun mauuais traictement; soit en nos personnes, & en nos biens, ains beaucoup d'honneur, faueur; & bon traictement qu'il a pleu tant à sa Maiesté, nous faire qu'à Nosseigneurs de son Conseil, & n'auons non plus apprins qu'aucun aye receu nulle sorte de mauuais traictement.

*Liste des Gentils-hommes de la Religion reduits au Roy.*

S'ensuit les noms des Seigneurs, & Gentils-hommes de la Religion pretenduë reformee, & autres gens de guerre, qui ont quitté les armes, & ont protesté au Roy toute fidelité.

*Comme appert par les actes cy apres contenus.*

*d'Ammille;*

*de la Garde.*

*le Comte de Marcinel.*

*de la Girardiere.*

*Dezi.*

*de la Girardiere le ieune.*

le baron de S. Surin	de Caureniere.
de Diffan.	de Vignant.
de Barris.	de la Contanciere.
de la Renodie.	de Monbail.
de Soullignac.	des Onfches.
de la Progerie.	Guide.
de Venon.	de la Dublerie.
de Mauperier.	de Chaligne.
de Pinmeuri.	de la Florenciere.
de la Popiniere	de Poinenf
des Bois.	de la Motte.
de Chaunay.	de Diffay.
de Champ-fleury,	de la Marcadee.
M de la Boiffe.	MESSIE de la Blure
RS de Reillac.	de Griffay.
de la Grenfardiere.	de Grillemont.
du Serge.	de Nient.
de Preneaux.	de Chasteau-Re-
de Ville vigne	gnard.
S. de Garnaut.	de Champ-fleury le
de Mermande.	ienne.
de Saint Florant.	des-Landes.
de Ville neufue.	de Grand-sief.
de Beauregard.	de Luret.
de la Roche Bru-	de Chalons
cille.	de Loire
du Brueil-Deschene.	de la Mataffie
& son frere.	de Bois-galand.
de Foges, & son	de Riron.
frere.	de Champaigne,
de la Funeliere	& monsieur son
du Cluseau.	frere

1621.

de Oze.	des Fontaines.
de Beauvois.	de la Courrade, &
de la Bastiere.	messieurs ses freres
de Pancerre.	de Prueilli.
N de la Fuye.	N de la Noix.
de Ternand.	de Chauremarriere.
de la Tonze.	de Goeze.
de Canteneille.	de Lieheret.
de la Garde.	de la Fontaine.
de Croix-chapeau,	du Nasset.
S le ieune	S de Bief-Constret.
du Trucil.	Darax.
du Rouseau.	de Poulax.
du Blansai.	de la Tournerie.
de Bernardieres.	de la Notelliere.
de Brassandes.	de la Guicharderei.

Lesquels ont tous passé declaration signee des noms cy dessus en la forme & maniere qui ensuit.

*Leur protestation.*

**N**O V s sous-signez promettons & iurons deuant Dieu, sur nostre foy & honneur, de demeurer à iamais tres-humbles & tres-fideles subiects & seruiteurs du Roy, de ne porter iamais les armes contre son seruice pour quelque cause & pretexte que ce soit, & de n'adherer en aucune sorte, directement ou indirectement aux vniions, associations, ny assemblees qui se pourroyent faire sans permission de sa Maiesté.

Nous



Nous sous-signez Commissaires ordinaires des guerres certifions au Roy, & à Monseigneur le Connestable, que nous auons faict prester le serment aux personnes suscrittes, & nommees au present acte, le tout conformément à iceluy.

signé, M O N S I E U R.

Pendant que cecy se passe en Guyenne, voyons comme les armes du Roy triomphent au Languedoc au mesme temps.

Le Ieudy premier de Iuillet le rendez vous des troupes de Monsieur de Montmorancy fut à Chaons qui est au bord de la riuere du Rhosne vis à vis de Vallabregue, où ledit sieur de Montmorancy estoit. La plupart des soldats y arriua par bateaux, auquel on distribua du pain & du vin pour se rafraischir pendant que ledit Seigneur de Montmorancy en faisoit de mesmes sous des vergers, avec toute la Noblesse & Capitaines du Languedoc.

Sur l'entree de la nuit, il comanda qu'on fist filler toutes les troupes, fit porter par charrettes plusieurs eschelles, grenades, force munitions de guerre & trois petards, dont le premier fut promis au sieur Cheualier de Rodotier & de Chauary Gentilshommes d'Arles, qui le demanderent.

L'armee estoit composee de quatre cens cheuaux, à scauoir d'une partie de la compagnie dudit Seigneur de Montmorancy,

Cc

*La prise de  
Marguerites en  
Languedoc pres  
de Nismes, par  
le Duc de Mont-  
morancy.*

1621.

*Armee du Duc  
de Montmorancy*

commandee par le Baron de Castres son Lieutenant: deux compagnies de cheuaux legers des Barons de Couiffon & de Peraut le reste estant des Gentils-hommes volontaires, ou autres du pays bien montez & armez de cuirasses.

*Ses enfans perdus.*

Il y auoit sept regimens de gens de pied, qui faisoient trois mil cinq cens hommes.

Les enfans perdus estoient menez par les sieurs de la Condamine, Paladan, & vn autre qui les commandoient. La premiere poincte fut donnee aux sieurs de Sueilles & de Figuares Gentils-hommes de Beziers.

Le gros estoit conduict & commandé par le Marquis de la Voulte fils de M. Vétadour, & par les sieurs de Monmau & Clausaule. Le Baron de Castres Lieutenant de la compagnie de Monsieur de Montmorancy, menoit vingt Maistres de la compagnie qui estoient les coureurs de la Cauallerie.

Toutes ces troupes s'auancerent la nuit dudit Ieudy vers Marguerites qui est distât de Nismes vne lieuë, où s'estoient retirez & fortifiez quatre cens hommes de ceux de la Religion, & y arriuerent Vendredy matin demie-heure deuant le iour, & ayans esté descouverts par ceux de dedans, ils eurent l'alarme & sonnerent la cloche, & tirerent deux mousquetades.

Tout aussi tost Monsieur de Montmorancy fit faire commandement à tout le monde

de prier Dieu, & se recommander à Saint Iean qui fut le mot, & au mesme instant les premiers donnerent si furieusement & heu- reusement en vn endroict qui estoit retrans- ché de pierres seiches, & qui estoit le plus foible, qui auoit esté visité & recogneu par vn de Monsieur Giraudan qui seruoit de guide, que sans petards & eschelles ils entrèrent dedans, & le combat fut si fu- rieux que durant vne demie-heure on ne cessa de tirer tousiours de part & d'autre. Et quelque resistance que fissent ceux qui estoient dedans, on les contraignit de se retirer vn peu, & les autres entrèrent de- dans: Cependant la Caualerie fila aux ad- uenuës de Nismes pour empescher le se- cours qui pouuoit venir de ce costé là.

Et tout le gros de l'armee estant venu dō- ner, les Sieurs de Claufaule & Monmau en- trerent avec ledit sieur Marquis, qui s'ar- resta sur la breche.

Il y eut vingt-cinq des ennemis tuez au premier corps de garde qui fut forcé: le re- ste des soldats percerent les maisons, & d'v- ne à l'autre tousiours se defendans s'appro- choient del'Eglise, à vne tour qu'ils auoiēt destinee pour leur retraicte, & le reste des autres trouppes estoit reduit à cinq corps de garde, deux desquels furent forcez auāt Soleil leuē. A sept heures tout le reste fut enfermē dans l'Eglise, & dans la tour qui est tout contre.

1621.

*Mor de guerre  
ence siege:*

*Secours empes-  
ché.*

*Ennemis tuez.*



1621.

*Conflit dans  
les maisons.*

La plus grande perte des ennemis fut dās les maisons: car en deux maisons seules on y compte quatre vingts & dix soldats des ennemis morts, & y en auoit bien encore aux autres maisons, mesme en vne belle maison qui estoit à l'entree du lieu, à laquelle on mit le feu, qui brussa de telle sorte que tout y tomba iusques aux murailles.

Le dernier combat fut celuy de la tour proche de l'Eglise, où les soldats se battoient à coups de picques & de tuilles.

Cependant Monsieur de Montmorancy vint au village accompagné de quatre seulement, & eut beaucoup de plaisir de voir que ses gens faisoient si bien. Et apres il s'en alla battre la campagne comme il faisoit auparauant.

*Combat près  
d'une Eglise.*

Ceux qui estoient dans l'Eglise firent de grāds feux au dessus, pour faire signe à ceux de Nismes, qui leur respondoient par pareil signe, & en si grande quantité, qu'on eust dit que tout Nismes se brusloit.

*Secours de Nis-  
mes aux rebel-  
les.*

Ceux de Nismes sortirent en bon nombre l'on croy qu'ils pouuoient estre quinze cēs hommes de pied & cinq cens cheuaux, lesquels vindrent à mille pas del'armee, sous la faueur des vergers & fossez, ayans passé par des detours & fossez, comme gens qui sçauoient le païs.

Monsieur de Montmorancy leur fit faire la chamade par ses trompettes, ausquels ils tirerent trois mousquetades, & voyant

qu'ils ne vouloient pas sortir du bois, & qu'il ne pouuoit sçauoir en quel nombre estoient les ennemis, fit sonner l'alarme, & filer ses regiments en vne petite plaine qui estoit là proche. Et apres fit auancer deux milles hommes de pied vers l'ennemy avec ses deux canons qui estoient arriuez, & l'infanterie ayant faict iour, lesdits canons furent tirez à l'ennemy, qui tourna aussi tost le dos pour s'en retourner à Nismes, d'où il venoit. Cependant ceux qui estoient retirez dans l'Eglise demanderent composition, pour auoir la vie & les armes sauues, ce qui leur fut accordé. Et le sieur de Fourniquet qui estoit dans la tour se rendit à la discretion de Monsieur de Montmorancy: Il sortit de l'Eglise cinquante soldats & de la tour trente. Vn des chefs de ceux de la religion qui estoit d'Vsez fut tué en ces combats, & vn nommé Dauin, de Nismes, fut fait prisonnier & son Lieutenant tué.

De ceux de monsieur de Montmorancy il y en a eu huit de morts, & vne douzaine de blesez. *Nombre des morts.*

Le sieur de Canoy, qui auoit la compagnie Colonelle du sieur Marquis des Portes est mort, & l'enseigne de sa compagnie appellé Bartoumiou, de S. Gille le ieune est mort aussi d'une mousquetade qui luy offensa le gros boyau.

Le sieur de Monmau a esté blessé d'une mousquetade, qui entra vers l'oreille, &

1621.

sort sous l'œil.

Le sieur de Figare a sept coups de picques, sans qu'aucune de ses blessures soit mortelle.

Le sieur de Clausaule a trois blessures, vn coup de picque au col, vn coup d'espee à la iouë & vne mousquetade à l'espaule,

Le sieur de Peraut a eu le village pour quartier, & a mis ses drapeaux sur le clocher de l'Eglise. L'on attend maintenant l'ennemy: car ils ne croyoient pas que ceste troupe les deust approcher de si près. Le dessein de là fut de battre la campagne, & d'aller à S. Gilles.

Retournons en Guyenne, nous verrons que le Roy, apres la prise & reduction des places cy dessus, ne diminuer rien de la resolution qu'il a pris de poursuiure les rebelles par tous les lieux où ils pouuoient estre cätonnez & renfermez.

Cas estrange que ce qui se vient de passer au sçeu de tout le monde par les armes victorieuses de sa M. ne peut flechir le courage opiniastre d'vn peuple mal'heureux, qui s'est si inconsideremment ietté dans la Rebellion sans subiect, voire sans pretexte: qui ne songe qu'à faire voler en esclats le Sceptre de la France: mettre cette riche Couronne en pieces & lambeaux: & distribuer cete puissante Monarchie en petites & foibles Tetrarchies ou republicues, pour seruir de risec à toute la terre, & de proye à ceux qui jettent sur elle vn regard funebre & con-

*Dessein miserable  
des Rebelles.*



uoiteux. Rebelles en vn mot, eussiez-vous  
iamais creu, qu'on eust si aisément abregé  
les destours de celabyrinthe de vos desseins  
que vous disiez impenetrables? Qu'on se  
fust si doucement deffait de vos aigreurs?  
qu'on eust si facilement desbrouillé ces af-  
faires, que ces broiiillôs peslemesloïét par-  
my vous pour arrester nostre victorieux  
Monarque? Heureuse leçon que celle de vo-  
stre desroute, puis qu'elle vous apprend, voi-  
re vous contrainct à viure à l'aduenir en re-  
pos: & arrache de vos cœurs l'obeïssance,  
de vos ames la fidelité, de vos villes l'ouuer-  
ture des portes, de vos murailles, l'humilité,  
auec l'abattement & le rabais de vostre in-  
supportable orgueil: voire pour fin de tant  
de maux, que vous vous estes causez vous  
mesme, vous force par vostre propre foibles-  
se, de quitter ces fretillantes humeurs, qui  
vous portoient à toute heure dans des fini-  
stres remuemens, ausquels vous promet-  
tiez vne eternelle duree. Vous vous estiez  
proposez de môter sur le theatre de la Guy-  
enne, vestus en Roys de fripperie, le Sceptre  
de crotelle en la main, la Courône à la teste  
faicte d'une carte doree, tiree de quelque  
vieux mapemôde, pris en la boutique d'un  
Flamand, ou d'un Anglois: à la iambe le dia-  
desme tissu d'une fine chanure de Tonneins  
dôt on façonne le cordeau qui a ia estrâglé  
vos premiers proiets, & auec cela goulter  
de ce doux morceau de la dominatiô. Ainsi

estes vous finistrement pippés de cette per-  
nicieuse maxime, qu'il n'y a rien qu'on ne  
puisse legitimelement franchir pour regner  
illegitimelement? Que vous voila deceuz &  
trompez honteusement! Vos cabalistes d'e-  
stat ont mal pris leurs mesures: & leurs ba-  
stions n'ont paseu vne affiette heureuse ny  
asseuree. Sa Maiesté ne les a pas plustost re-  
gardez, qu'ils ont croullé, & de leur lour-  
dessecoussé ont esbrälé tout le reste de l'ou-  
rage.

*Bergerac de-  
mantelé & ses  
fortifications  
rasees.*

Bergerac n'eut pas plustost veu ces bou-  
ches à feu & à foudre, qui marchent deuant  
sa M. comme le grondant tonnerre de son  
indignation, qu'aussi tost genoux fleschis,  
ces mutins qui s'estoient enseuelis sous terre  
auât mourir, se croyäs assez forts, si ces grä-  
des mötagnes les empeschoiët de voir leur  
Prince, viennët porter les chefs de leur ville  
plustost que de leur cœur, au Roy: & en sui-  
te les tours de leurs citez, leur font ce mau-  
uaistour de s'humilier par terre, les bastiõs  
de sauter par les cäpagnes rases, pour razer  
les abismes qu'ils auoient creusé dans les  
terres de leurs voisins. C'est le premier es-  
chec qu'il donna à cette petite Royauté fu-  
mante, & pleine de fume.

*Le sieur de Ram-  
burge laissé à  
Bergerac.*

Il y a laissé le Sieur de Ramburge avec vn  
regiment, qui les coniure d'adiouster à cette  
obeyssance, vne entiere fidelité, & luy por-  
ter toutes les armes & le canõ: mais depuis  
il en trouua de pleines caues, parce qu'ils

ſcauent que l'acier croiſt ſous la terre. Sainte-Foy auſſi toſt proteſta d'elle meſme de renuerſer ces montagnes d'orgueil, qu'elle auoit eſleuées dās ces ſouſleuemens, & toutesfois elle n'en a rien fait.

Et Tonneins eſtōné, que ces puiſſans bou-leuars luy fuſſent ſi toſt raiſ, n'oſa paſſe-lement ſonger à ſe deffendre. Le Roy y mar-che le lendemain, & trouue le deſordre & la peur, qui ſe promenoient tous tremblo-rans ſur les remparts, ſoufflans à groſſe ha-leine ſur le dos des fuiards, qui couroient à pleine courſe pour s'aller ietter dans Cle-rac, d'où ils penſoient voir plus clair à leur deſſence.

Sa Maieſté donc s'approche & ſe ſaiſit de cette ville de Tonneins, ſiſe ſur la Garonne, où eſtoit le plus opulent conuoy, pour les rebelles, où ſe leuoient en contributions & voleries, deſlors que les mutins vouloient gronder, tous les mois plus de cent milles eſcus : où tous les marchands eſtoient cruel-lement ſeigneſ : & où ils auoient le plus aiſé paſſage, pour faire couler commodement del'vne à l'autre Prouince les armées en-tieres pour rauager la France. Ils n'en ont mes-huy que faire, ne pouuant plus voir dans Nerac vn grand Roy de Nauarre, qui ſoit à la teſte de leurs bataillons.

*Reduſtion de  
la ville de  
Tonneins.*

De Tonneins les ſentinelles eſtans aux eſ-coutés entendent vn gros murmure de Taons, qui bourdonnoient ſans ceſſe à leurs



1621.

*Nouvelles au  
Roy de la re-  
bellion de Clai-  
rac qui se re-  
foult de la faire  
assiéger.*

*Adueniës de  
Clerac diffici-  
les.*

*Perteneable  
des nostres  
aux approches.*

oreilles. Ils enuoyēt delcourir que c'estoit,  
& virent des freslons renfermez dans les  
creux de ces nouuelles fortifications de Cle-  
rac lesquelles auoient poussées en haut, pen-  
sant frapper vn dernier coup à la fortune du  
Roy, & arrester le bon-  
heur de ses armes. Sa  
Maiesté en est aussi tost aduertie, qui fait  
commandement d'auancer ses troupes & le  
canon : & croyant que ce fust quelque fort  
imprenable, elle fait fortir de Bordeaux  
sept grosses pieces d'artillerie, voulant bat-  
tre cette ville rebelle de vingt-quatre pie-  
ces, pour faire en vn iour voler en poussiere  
ces nouuelles leuées, & faire creuer leurs es-  
perances remplies de vent.

Les approches furent perilleuses : car cō-  
me toutes les auenuës de Clerac sont de pe-  
tits chemins qui entourent des vignes, dif-  
ficiles à surmonter à la Caualerie, & que les  
ennemys auoient garny de mousquetaires,  
ayant chargé leurs pieces & fauconneaux  
de cloux, balles, & petites pieces de fer : cet-  
te gresse fait tant de mal à ceux qui attaquēt  
en plein midy, qu'elle en estend par terre  
bon nombre : mesmement de ceux qui s'e-  
stoient auancez pour renforcer le regiment  
de Normādie, & qui alloient porter la mort  
aux fuidards iusques sur la contrescarpe des  
fossez qui entouroient leurs bastions.

Le Regiment des Gardes donne si cou-  
rageusement cōtre ceux, qui s'estoient for-  
tement barricadez à deux milles pas des for-

tifications de Clerac, & dans des lieux avantageux, qu'après leur auoir donné la fuite iufques aux fecondes barricades, qui receuoient les fuyards, il reçoit vn grand efchec par la mort de deux ou trois valeureux Gentils-hommes, du fieur de la Riuere, Lieutenant du fieur du Bourder, de Masfotes Lieutenant du fieur de Mu, de Maillou Baro de Normandie, & des bleffeurs des fieurs de la Ferté, de Liancourt, & de plusieurs foldats, defquels la pofterité honorera la vertu & le nom autre part, fi'on le peut apprendre de quelque fidelle fecretaire.

*Gentils-hommes de qualité tués en cest efchec.*

Les fecondes Barricades des rebelles valeureufement forcées par la glorieufe generofité du Seigneur Comte de Thermes, qui estoit à cheual, à caufe de fon incommodité: & puis après les troisiemes emportées, la perte de plusieurs ennemis, qu'on fuit iufques fur le foffé; Le foldat reftant triomphant d'vn exploict fi merueilleux, ayât en vn rien enleué (non fans eftonnement des plus courageux) tout l'aduantage de l'ennemy, & l'ayant renfermé en vn tourne-main dans fes retranchemens: voicy qu'un malheureux coup de mousquet donne par la main gauche, de laquelle le Seigneur de Thermes tenoit la bride de fon cheual, & le bleffe au deffous de l'estomach, laiffant à regretter à chacū, qu'il fust allé en pourpoint à vn fi euident peril, n'y ayant rien si hazardeux que les approches: car s'il eust eu fa

*Valeur du Baron de Thermes.*

*La mort regrettable.*

1621.

*Est porté à  
Tonneins.*

*Regretté avec  
l'armes du  
Roy.*

*Mort de Mon-  
sieur du Vair  
Garde des  
seaux.*

cuirasse, ou son pourpoint d'armes, le coup n'eust pas fait grand effect.

Il fut aussi tost porté à Tonneins, où il fut regretté vniuersellement, visité par le Pere Arnoux, Confesseur & Predicateur du Roy: il luy dist apres qu'il l'eut salué de la part du Roy, Mon Pere il n'est plus temps de me parler des Roys de la terre, à qui ie suis mes-huy trop inutile, parlez moy seulement du Roy du Ciel. Ce ne fut pas sans larmes que sa Maiesté le fut voir. Il receut son createur tres-pieusement, & tous les Gentils-hommes qui ont esté blesez du salut desquels on a eu vn soin extreme. Le S. Sacrement luy fut porté avec les pleurs de tout la Cour, suivi de tous les Cheualiers de l'Ordre qui estoient à la suite du Roy, & de la plus part, des Seigneurs, ayant des cierges blancs en la main. Il mourut le samedi à vnze heures du matin, apres auoir esté visité par trois fois du Roy, qui ne desiroit rien tant que sa santé. Alexandre ne pleura pas plus tendrement la mort de son fauory, que sa Maiesté affligée par le sentiment d'une si notable perte qu'elle faisoit, lamenta son defastre.

Cependant Monsieur du Vair Garde des seaux de France, pere de l'eloquence & de l'integrité François, tomba malade pour mourir au huitiesme iour d'une fièvre continuë: ayant esté ouuert pour estre embau-mé, on luy trouua des pierres dans l'esto-



mach. Je ne ſçay ſi c'eſtoient de ces pierres  
ou tables de Diamant qn'on appelle An-  
dromas, par ce qu'elles ſeruiēt à domp-  
ter les coleres des hommes: Car ceſt inuinci-  
ble courage, qn ne pouuoit fleſchir qu'à la  
Juſtice, n'a iamais relasché és importantes  
reſolutions, & a puiffamment trauaillé à  
dompter tous ces monſtres qui s'eſleuoient  
contre la Royauté. Ou bien ſi on pouoit te-  
nir ces pierres entre celles qu'on nomme  
Aſtriots, lesquelles ont pris leur nom, de ce  
que les representant aux rais du Soleil, elles  
chargeoiēt ſoudain ſon feu, & le renuoyoiēt  
puis apres au dehors en forme de rayons:  
Car ce grand homme d'Eſtat s'approchant  
du Soleil de la France, chargeoit ſoudain ſon  
feu, eſtoit couuert du luſtre de ſa puiffance,  
rayonnoit de l'eſclat des iuſtes affections de  
ſon Roy, ne respirant que reſpect & obeys-  
ſance enuers ſa Maieſté: & puis apres ren-  
uoyoit le commandement de ſa Royale  
Juſtice, par toute cette grande Monar-  
chie.

Ou bien ſi c'eſtoit de cette pierre dicte  
Euſebez, de laquelle il y auoit vn ſiege fait  
au temple de Hercules de Tyr, où les Dieux  
ſe moſtroient inſiniquement bien: Car on peut  
dire de ce Religieux eſprit, q'uil eſtoit tout  
baſty d'Euſebez, ainſi qu'un des principaux  
ſieges de la vraye Religion, où Dieu ſe mon-  
ſtroit dignement representé au viſ en tou-  
tes ſes actions pleines de pieté.

1621.

*Son corps porté  
à Bordeaux.*

Son corps fut porté à Bordeaux & déposé comme vn gage précieux dans l'Eglise des Capucins. Le Parlement, les Chambres assemblées, luy decerna le lendemain des honneurs funebres aux despens du public; comme à celuy qui auoit si bien merité de toute la France.

*Dehors de Clerac gaignez.*

Le bon-heur des ennemys du Roy, en ce premier exploit, leur fut bien chèrement vendu le lendemain, par la perte de tous leurs dehors, qu'ils virent reduicts en vn moment en vn colombier, où ils auoient arboré vn drapeau, lequel leur fut emporté vaillamment dès le soir par les compagnies du Regiment de Normandie, sans perte que d'vn soldat du Roy; ce qui arriva le 24. Iuliet. Ils combattoient si vaillamment contre les rebelles, qu'il sembloit, que le puissant Demon de guerre n'eust autre place, que leurs courages ardans & hardis à outrance. Cette mesme nuit ils auancerent leur travail, & tranchées à soixante brasses de la contrescarpe, le lendemain à trente, & le troisieme iour, ils furent à vingt pas du fossé, le soldat seul seruant de pionnier.

*Situation de  
Clerac.*

Clerac est assise sur la riuere du Lot, au dessus ayant Ville-neufue, & vers le bas, Tonneins à vne lieuë; où sa Maiesté seiournoit: au trauers de la riuere du Lot, il y a vne grãde iettée de gros rochers & cailloux garnis de fortes pallissades de grosses pieces de bois, pour faire grossir l'eau, & en arrester le

cours, afin de pouuoir faire moudre des moulins du costé de la ville, dont le bord & l'aduenue, de ce costé estoit fortifiée de plusieurs maisôs terracées, & flâquées de toutes parts. De ce costé sôt les masures, & quelque reste de bastiment de cette grâde & celebre Eglise, que S. Charlemagne fit bastir à l'honneur de Dieu, dont les ruines pleuroient encore sous l'effort de l'heresie; elles sentoiet quelque allegresse à l'approche des iours de leur restauration. Dieu ne pouuant souffrir ces sacrileges, alloit ouurir les portes de Clerac à la Religion, & au vray culte diuin, pour ne l'en voir iamais banny.

On se resoult donc de rompre cette pallissade de bois, qui estoit au trauers de la riuierre, d'ôner passage à ces violens torrens d'eau, & se faire vn chemin dans les courans sur ces mouceaux de pierre. A cest effect on attaque le passage vis à vis de la ville: on tuë, on massacre, & donne on la fuitte à tout, sans que le Roy perdist vn seul soldat. Tout cela fut exploicté, tandis que le canon s'approchoit, & qu'on dresseoit les tranchées, gagnant pied à pied la contrescarpe du fossé: car chaque Regiment dressa la sienne tout à l'entour de la ville, iusques au nombre de cinq; & le pied des bouleuards gagnez, tout estoit ruiné.

Cependant ils ne cessent de se seruir de ces pieces de cāpagne, chargées de chaisnes & de pointes de fer, qu'ils faisoient tirer par

*Pallissaderom-  
pue pour de-  
tourner l'eau  
des moulins de  
Clerac.*



1621.

*Sortie des assie-  
gés.*

les auenües. Le vingt-cinquiésme les assie-  
gez firent encore vne sortie, où ils furent re-  
poussez si furieusement, qu'ils perdirent  
nombre d'hommes, sans auoir tué qu'un  
soldat du costé du Roy. S'estans retirez en  
desordre, ils enuoyerent vn tambour, pour  
demander le corps d'un Lieutenant, qu'ils  
croyoient auoir esté tué: mais on ne le trou-  
ua ny mort ny vif, vn chacun estimant, qu'à  
la faueur de ce combat il s'estoit sauué, ne  
voyant nul espoir de salut pour la ville, si le  
Roy la vouloit prendre par force.

*Les ennemis  
demandent à  
parler.**Proposition du  
Chef de la gar-  
nison.*

Peirebrune de Saintorce, qui comman-  
doit dans Clairac avec son frere, ne voyant  
nul moyen de surmonter cette puissante ar-  
mée, qui tenoit de si près, a recours aux  
prieres & au pardon: demande à parler à  
Monsieur le Duc de l'Esclapart, le 30. de  
Iuillet, ayant desia plusieurs fois commencé  
ce discours avec Monsieur de Boëlle Par-  
daillan. Mais ce Duc fidelle & sage Nestor,  
leur ayant dit, qu'il ne seruiroit de rien de  
proposer la capitulation qu'ils demandoient,  
les réuoya, pour se resouldre à quelque cho-  
se de moins. Ils proposent (ainsi qu'on a es-  
crit de la Cour, & le tiés pour veritable) Que  
du moins le Roy laissast sortir en armes les  
soldats estrangers, car n'y restât que les habi-  
tans, sa Maiesté en auroit puis apres bon mar-  
ché. Pauures & miserables peuples, considerez  
en la mercy de quels Licaons vous cōmettez  
vos vies & vos fortunes: combien cruels  
sont

font vos gardiens, & ces faiseurs de party. Au despens de vostre gloire ils cherchent de l'honneur, au prix de vos biens ils abbayent à quelque grâdeur supreme, & dreslent leur Republique sur vostre propre deffaite. Et neâtmoins vous ne pouuez cognoistre leur infidelité, qui trahit ceux mesme qui les traittent si favorablement.

Sa Maiesté qui vous ayme ainsi que ses sujets, & qui ne sçait que c'est de perfidie, ny de dissimulation, ayant entendu ceste proposition, la blasma comme pernicieuse: Qu'ils se rendent à discretiō, leur dit le Roy, ie ne veux point faire de difference entr'eux. Inhumains voyez contre qui vous leuez les mains, & haussiez les bras de vostre rage! Ce traict d'amour n'arrachera-il pas des larmes de vos yeux?

*Responce du  
Roy à la deman-  
de des ennemis.*

Le 30. Iuillet la batterie commença en trois endroits, à chacune y ayant cinq canons. Les cinq premiers vers le bas de la riuere, abbatant les tonnes & barriques rangees sur les rempars: les autres cinq plus haut vers la porte du costé de Tonneins: & les troisiemes vers la montee qui estoit vers Agen battant la ville en ruine.

*Batterie du Roy  
commencee en  
3. endroits.*

On tira ce iour la six cens coups de canon: le Samedy presque autant, & les memoires de la Cour portent, que c'estoit sans se feindre comme à saint Iean, où les canonniers du Roy faisoient plus de mal à son armee, que le canon des rebelles.

*Sa Maiesté mal  
seruite a S. Iean  
d'Angely.*

1621.

Le Roy visita souuent la batterie, & ce fidele guerrier le Comte de Chomberg estât la plus part du temps parmy les canonniers y mettoit vn bon ordre. La Roynesuyuie des Dames de la Cour en voulut aussi prendre souuent l'esbar.

*Resolution pour  
faire trois mi-  
nes.*

Les tranchees auancees en peu de temps presque à dix pas de la cōtrescarpe du fossé, on se dispose à faire trois mines: ceste presse qu'on donne aux assiegez, les refroidit davantage, iusques là que durant deux iours ils ne rendirent pas vne mousquetade pour vn coup de canon qu'on leur tiroit. Ainsile canon ayant porté par tetre leur audace, qui estoit le plus fort bastion qu'ils eussent, & renuersé par plusieurs iours les barricades qu'ils redressoient toutes les nuits sur les réparts, esbranlant par leur cheute ces terres fraichement esleues, cela les fait songer à repretredre tout à fait le marché de leurs vies, par vne ferme capitulation.

*Le Roy present  
à la batterie.*

Le Mardy 3. iour d'Aoust, le Roys'estant rendu à la batterie, il fit tirer 400. coups de canō, à la faueur duquel il cōmāde au Regiment des Gardes, d'enuoyer vn Sergēt reconnoitre la bresche accōpagné de 8. soldats. Ce soldat cōme vn autre Rodomōt sort des trāchees la pique à la main, se iette dāsle fossé, va genereusemēt en la cōtenāce d'vn hōme sans peur, iusques au pied du bastiō, dans le feu & la fumée d'vne gresle de mousquetades, d'oū il sort sain & sauf, n'ayant perdu



qu'un seul soldat en remontant la contrecarpe du fossé. L'ennemy fai&t semblant de vouloir contester le fossé, descend dedans: mais il est si chaudement poursuivy, que si on eust eu des eschelles prestes à cet exploit pour les poser sur les terraces, il eust esté aisé, au iugement de ceux qui virent le desordre parmy ces hommes, de les emporter de viue force.

Ces Papillons de courte vie, qui n'ont rien que des aisles pour fuyr, & des foibles cornes pour leur deffence, ne sont bons que pour guetter vn homme de derriere vn noyer, ou vne barricade pour le choisir à l'aise. Ils ont des espees, mais ils n'ont pas de cœur non plus que les casserons ainsi que disoient les soldats de l'armée ne nommant les rebelles d'autre façon que Papillons: soit parce que ceste engence est nee de ces paquets de chenilles, qui se sont engraissez dans ces tanières: ou parce que comme papillons priuez de sang & de sens, ils se brûloient eux mesmes au feu qu'ils s'estoient préparé: ou bien parce qu'ils les voyoient voler & voltiger ça & là avec des casques blâches, & habits de toille par dessus ces réparts, & à l'entour des tonnes & barriques. Car au cōtraire des anciés qui mettoiét aux theatres des tonneaux pour retenir la voix: ceux cy remplissoient de terre leurs vaisseaux, afin d'épescher qu'ils ne retécissent de ceste douce acclamation d'allegresse, VIVE

*Soldats de Cle-  
rachardis der-  
riere leurs rem-  
parts.*

1621.

LE ROY, qui est d'ordinaire en la bouche des vrais François.

*Batterie cessée.*

Cependant on vient à quelque capitulation qui ralentit quelque peu la batterie, bien que le Roy commandast qu'on ne cessast jamais de tirer. Elle sembloit s'estonner de via de la foiblesse de ceux qui ne faisoient bruit que de couper bras & testes, & pensoient arrester cul sus teste mille armées royales. Ils ont cherché par tout & paille & soufflets, pour embraser la France de nouveaux feux: mais tout cela n'estoit que paille & roseaux, pour les estoufer de fumée dans ces affreuses & espouventables tanieres.

*Deputation des ennemis vers le Roy.*

Le Mercredy 4. Aoust apres que les canons du Roy eurent fait tout le matin de grands & prodigieux effects, les rebelles de Clerac firent resolution d'implorer la misericorde de sa Maiesté, & à cet effect sur le tard, les ennemis effrayez de ce nombre infiny de soldats, qui entournoient leurs rempars, voyant bien qu'il n'y auoit nulle ressource pour eux, qu'à la seule clemence du Roy, ils deputent le premier Consul, & quelques-uns des principaux de la ville, avec vn Ministre, pour s'aller ietter aux pieds de sa Maiesté, & arracher du milieu de ses triomphes le pardon. N'aguières ils menaçoient ciel & terre, à ceste heure ils crient misericorde. Celuy qui deuoit porter la parole fut blessé de l'esclat d'un coup de canon. Ils en deleguent vn autre en sa place. Ils sont in-

roduits à Tonneins par le Seigneur de l'Esdiquieres. Ce nouueau depuré voulant parler au Roy, la peur luy ferme la bouche, & sa conscience luy estouffe la parole. Cet accident frappa de compassion le Roy, qui fut plus fieschi par ce silence, que par tous les discours du Ministre, lequel plus hardy prend aussi tost la parole. Semblable aux Mandoles, lesquels dans l'hyuer, & parmy l'affliction des bourrasques & tempestes paroissent blancs, & dans quelque sorte d'innocence: mais dans l'esté, & dans les beaux iours de leur prosperité, se rendent insupportables, & deuiennent noirs, ainsi que ces poissons dans l'eau. Celuy-cy donc, genouïl à terre, parle si humblement des yeux avec ses larmes, de ses mains par ses gestes d'humilité, & de la langue de tant de paroles de foye, s'escriant, qu'ils ne desiroient pas dire aux pieds de leur Roy, comme ces miserables Israélites à leur Dieu courroucé, qu'il ne se presentast pas à eux; de peur qu'ils ne mourussent: ains au contraire, ils crioient à haute voix, qu'il pleust à sa Majesté se presenter à eux, affin qu'ils peussent viure.

Voicy la harâgne qui fut faite au Roy ainsi qu'elle auoit esté dressée par vn Ministre.

Sire, les rebelles d'une ville pleine de rebellion qui s'est laissée emporter au torrent d'une reuolte pretextee de Religion & d'oppression de conscience, se ierrent aux pieds de vostre Maieité pour offrir

1621.

*Ils demandent  
pardon & la  
vie.*

*Harangue au  
Roy par le Mi-  
nistre de Clerac.*



à la discretion de sa Iustice ou de sa misericorde, nos vies, nos libertez & nos biens, nous auons commencé d'esprouuer quelle partie de la premiere, bien qu'elle soit beaucoup moindre que nos crimes, & ne pouuons rien esperer de l'autre : si ce n'est que vostre Maiesté vueille aussi dignement acquerir le tiltre de misericordieux qu'elle porte celuy de iuste. Si ce bon-heur nous aduient nous parlerons tout au contraire des enfans d'Israël, qui disoient nous auons veu Dieu & nous mourrons : & nous annoncerons à la posterité que nous auons veu le Roy & qu'il nous a donné la vie. Si vostre Maiesté nous la laisse, nous la recognoistrôs pour le Dieu tutelair du monde, nous n'aurons la bouche ouuerte que pour benir vostre nô & vostre glorieux regne. Nos vœux ne desireront que la grandeur & la duree de vostre Sceptre, & comme nous auons esté les plus rebelles & les moins dignes de vos misericordes, nous serons desormais les plus fidelles & les plus obeysans sujets.

Le Roy radoucy par ces soumissiôs, quoy que fardees, se laisse emporter au pardon, apres auoir seuerement tancé leur perfidie. Et leur dict, *Vous avez tres-bien fait de vous mettre à ma misericorde, allez, mettez vous demain en vostre debuoir, & vous esprouuerex ma bonté, Monsieur le Connestable vous fera entendre ma voloné.* Ainsi le 4. Aoust le Roy ordonna qu'ils se rendroient à discretion, sous

l'assurance de sa misericorde, & que ceux à qui sa Maieſté donroit la vie, ſortiroient avec le baſton blanc, & quelque bagage ſur des chariots, ſe rachetant du pillage, avec cinquante mille eſcus, deſquels ils donroient aſſurance, outre dix milles eſcus qui furent donnez au grand Maistre de l'artillerie pour les droicts deubs à ſa charge, & dix milles eſcus à celuy, qui auoit fait ſigner la capitulation, la ville reſtant en la diſcretion du Roy, pour en diſpoſer à ſon plaisir.

*Articles de la capitulation de Clerac.*

Ces miſerables recogurent aſſez dans l'abregé & racourciſſement des victoires, leſquelles ces abregés & cercles Synodaux leur promettoient, que hors ce cercle, & ce pourpris d'une legitime Royauté, il n'y aura iamais ny ſalut ny gloire pour le François.

Soudain qu'on ſceut, que la capitulation fut arreſtée, la batterie ceſſa, & le ſoldats'appreſta ſur l'heure meſme, pour eſcheler les boulevards, n'aspirans qu'au pillage. On veid auſſi toſt ceux de Clerac paſſes, deſfaits & tranſis, comme ceux qui ſont condamnés au ſupplice, qui du haut de leurs terraces regardoient vne armée triomphante, toute rangée en bataille, pour s'aller ſaiſir de leurs penibles travaux, & les priver de leurs foyers.

*Batterie du Roy ceſſée.*

Plusieurs mal inſtruits des bonnes intentions de ſa Maieſté cenſuroient ceſte capitulation, n'attendans qu'un pillage, & de

*Discours d'anciens ſur ceſte capitulation.*

1627.

faire litier des ennemis du Roy. Ces yeux de choïette, qui ne voyent gueres clair aux affaires d'estat, s'estonnoient qu'on leur eust si aisément pardonné, sans s'auiser, que la Divinité & la Royauté se plaisent au pardon. Que Clerac estoit la premiere porte qu'on ouvroit à sa Maïesté, pour entrer dans Montauban, & puis à la Rochelle. Et que c'est assez de mettre les enseignes basses de ceste imaginaire principauté Rocheloise, à qui on abbat les cornes, & la puissance, & qu'on seroit plustost prest, hastant ceste expedition, à tailler des chausses de raze de Montauban, à tous les soldats des Gardes.

*Monsieur le  
Connestable  
prend possession  
de la place.*

Monsieur le Connestable se dispose d'aller faire l'inventaire des armes & des munitions. Dès le matin 5. Aoust fait publier aux soldats les deffences de ne rien piller à peine de la vie, puis les drapeaux desployez, les trenchées abandonnées, tout tonnante de fifres, trompettes & tambours, le Regiment des gardes descendant du tertre où il estoit, s'en vient à la porte de la ville, y entre en bataille, va faire le tour des rempars, & s'en saisit en ayant chassé les ennemis. Cependant que cela s'exécute, plusieurs soldats des autres regimens, grimpent la terre à demy saboulee, & franchissent ces levees. Le Marechal de Praslin, & le Côte de Bassompierre, jaloux que la parole du Roy fust violée par ces arpaillieurs, en arrestent plusieurs, font jeter hors la ville ceux qui estoient en-

*Soldats empê-  
chez de piller la  
place.*



erez sans commandement, en font punir  
quelqu'un surpris en crime flagrant, pour  
faire voir que le forfait & la peine vont bien  
souuent ensemble, comme compagnons  
d'armes.

Ce regiment s'estant faisi des fortifica-  
tions, vn autre se rend dans les places de la  
ville, pour donner entree à Monsieur le Con-  
nestable, suiuu d'un infiny nombre de Che-  
ualiers. Il reçoit à la porte les clefs de la ville  
des mains des Consuls, le premier desquels  
estant botié, & l'espee au costé, la tire du  
fourreau, & la mettant à terre toute nuë, met  
les genoux dessus, & demande pardon au  
Roy pour la ville. Monsieur le Connestable  
le luy accorde, & luy commande de repren-  
dre son espee, avec deffence de s'en seruir,  
sur peine de la vie, contre le seruice du Roy.  
Aueuglez en leur malheur, de ne s'estre ren-  
dus que lors qu'ils panchoient plus au deses-  
poir qu'au remede.

Ledit sieur Connestable faict desarmer  
les habitans, & commande aux estrangers  
de vider la ville sur le champ, leur donnant  
sauf conduit à cet effect l'espee au costé, &  
vn baston blanc à la main, puis on prepare  
toutes choses pour leur depart, afin qu'ils  
fortissent par vne porte, lors que les armes  
triomphantes du Roy entreroient par vne  
autre. Par malheur il ne se trouue que quel-  
ques batteaux au port, desseignât de les faire

*Protestation  
des Consuls de  
Clerac faictes  
au Roy deuant  
Monsieur le  
Connestable.*

1621.

*Sortie des soldats & étrangers.*

passer au delà la riuiere, pour les sauuer plus aisément de la fureur du soldat, qui regrettoit encore la mort de tant de braues guerriers & notables personnages, qu'ils auoient enuoyé au tombeau durant les approches, particulieremēt du sieur Baron de Thermes, passage toutesfois qui leur fut veritablement aussi funeste que s'ils eussent passé par les picques, car quelques soldats ayans pris la licence de leur oster leurs espees, & possible quelque chapeau nonobstant les deffences faictes, la Noblesse de monsieur le Connestable fut contraincte de les conduire iusques aux batteaux pour empescher le desordre.

*Leur naufrage passans la riuiere.*

En s'embarquant les premiers se poussent confusement dans le premier batteau avec beaucoup de presse: & comme quelques soldats des gardes en eussent veu quelques vns qui s'estoient embarquez avec leurs mousquets & leurs espees, contre les loix de la capitulation, ils se iettent sur eux pour les leur arracher. Ceste premiere violence estonne ceux qui estoient desarmez, lesquels s'imaginans le peril de leurs vies plus grand qu'il n'estoit, s'allarmant de telle façon, qu'ils font pancher le vaisseau d'un costé, & causent dans ceste confusion, que plusieurs tombent dans la riuiere, & se noyent iusques au nombre de trente soldats. D'autres qui estoient sur le bord pour s'embarquer, ne sçachans pas l'occasion de ceste esmeute, & se croyās

en danger de mort, se jettent non comme l'escreuice de la paëlle au feu, mais du batteau dans la riuere, rapide & creuse en cet endroit. Et le troisieme batteau surchargé de ceux qui se jettoient dedans, qui vouloit aller vers Aiguillon, se renuerse, & noye presque tous ceux qui estoient dedans: le reste se voulant sauuer dans le courant de l'eau par dessus ceste leuee de pierre, ou Paisselle, qui estoit à trauers la riuere, se void bien tost enseuely dans ces gouffres. Ce que les autres qui suiuoient ayans apperceu, s'aduiserēt d'vneruse qui fut de se coucher tout du long pour fendre plus aisement le fil de l'eau, & se traïner accrochez sur les poulzres, artifice par lequel plusieurs ayans franchy fort heureusement ce peril, ils eussent rendu ce passage plus aisé au moyen d'vne corde qu'ō auoit mise au trauers, mais quelques soldats du Roy ayans coupé la corde à coups d'espee plusieurs cheurent dans l'escuse, & éprouuerent la mesme fortune que leurs compagnons, en sorte qu'il y en eut plus de cent de noyez, action toutesfois que le Roy supporta avec vn tel desplaisir qu'il eust creu offencer sa iustice s'il n'en eust commandé la punition sur les plus insolens, entre lesquels trois ayans esté pris, furent pendus & estranglez pour exemple.

Qui n'admirera icy la merueille de la puissance du doigt de Dieu, qui pousse au supplice les criminels, nonobstant le pardon



1621.

qu'on leur auoir oſtroyé. Car ayant faiſt mourir les rebelles à Caumont par le feu qui brulſa ces ſacrileges par eux meſmes: auſſi l'Eternelle vengeance punir par l'eau ceux qui ſont coupables d'un meſme crime: n'oyant à Clerac d'autres ſacrileges, qui auoient ruiné l'Egliſe conſacrée au ſeruiſe de Dieu par Charlemaigne, & faiſt teſte en armes à leur Prince. Ainſi ils ont pery non par le feu, mais par l'eau, comme Parricides: & les monſtres d'infidelité, & de felonnie, qu'ils couuoient dans leurs courages, ont ſeruy de ſinge, de coq, & de ſerpent, avec leſquels ils ont aualé à pleines gorges la mort, qu'ils vouloient faire ſouffrir aux Catholiques.

Les rebelles, qui iuſques icy n'ont crainct autre ſecouſſe, que celle de la paix, voient à ceſte heure, qu'ils doiuent autant craindre les pointes de la guerre, confeſſant qu'il eſt auſſi aiſé de leur preſenter vne bataille, qu'une diſpute; de les deſtruire s'ils grondent contre leur Roy, que de les inſtruire, tempeſtant contre l'Egliſe: & que les victoires en ſont auſſi aſſeurees dans les armes, qu'elles ont eſté glorieuſes en toutes les conferences, qu'on a faiſt avec eux à Neuers, à Fontainebleau, en Bearn, & ailleurs.

Noſtre ieune, mais tout à faiſt inuincible Achille, a emprunté du Roy ſon pere, cōme cet autre inuulnérable Heros de ſon Chirō, le bouclier ſur lequel Vulcan graua le Ciel

& la terre, les nuës & les astres, les foudres  
& les villes entieres, pour luy apprendre de  
foudroyer toutes celles qui se sont rebellees  
contre luy, laissant à la posterité ceste me-  
morable merueille, qu'en trois mois, ou du  
moins depuis le voyage de Bearn, sa Maiesté  
a pris & enleué en personne, ou par ses  
Lieutenans & Gouverneurs de Prouince,  
pres de soixante villes murees & fortifiees  
de tout ce que la rebellion pouuoit desirer:  
toutes lesquelles voyent pour iuste punitiõ  
de leur forfait, leurs murailles & fortifica-  
tions nouuelles abbattuës, j& mises heu-  
reusement par terre: destruisant la force par  
la force, & faisant marcher la vengeance a-  
pres leur infidelité.

Cet eloquent Romain Seuerus Cassius,  
disoit mieux & avec plus d'efficace, quand  
il entroit en cholere: & nostre Prince en  
cholere fait mieux, & mieux en ceste chole-  
re, qui l'anime contre le meschant, & qui luy  
fait prendre les verges à la main pour cha-  
stier les coupables: Ne voulant pas perdre  
la gloire de ses victoires par faute de les sui-  
ure, il va parcourir le reste des Prouinces,  
cueillant par tout vne moisson de Palmes,  
qui ne mourront iamais.

Car il void bien que toutes les mauuaisés  
humeurs de ces seditieux, n'estoient pas as-  
semblees en ceste apostume, laquelle il a  
fait creuer dans Clerae. Qu'il y a encore  
quelques vns que l'heresie a frapé d'un faux

1621.

*Merueilles des  
victoires du  
Roy.*

*Vertus louables  
du Roy.*

1621.

coin, qui entretiennent par leurs rebellions, trop malheureusement funestes aux peuples innocens, des factions detestables aux François, qui discordent de cette vniuerselle harmonie, en laquelle nous deuons tous viure.

*Chastiment des  
auteurs de la  
rebellion de Cl.  
rac.*

¶ Clerac remis en l'obeissance du Roy, on fait voir à sa Maiesté qu'il y auoit plusieurs dans la ville, qui auoient fait la Declaration à Nerac, de viure sous son obeissance: lesquels auoient faussé la foy publique, & suscité ce peuple à la rebellion. On accuse la Fargue Procureur qui seruoit en la chambre de l'Edict, vn sien fils qui estoit Ministre, vn nommé Denis Consul, vn Medecin, vn cordonnier homme malicieux qui auoit outragé les habitans qui refusoient de travailler aux fortifications & quelques autres. Le grand Preuost leur fait le procez, & conuaincus de ce crime il les condamne au gibet, & les fait executer. Le Medecin nommé du Poy estant traîné au supplice la corde au col, ainsi qu'il montoit l'eschelle de la potance, on luy porte sa grace, laquelle le Medecin du Roy auoit obtenuë.

Le Roy ayant encore seiourné le Vendredy, Samedy & Dimanche à Tonneins, en partit le Lundy neuuiesme Aoust & alla coucher au Port sainte Marie, apres auoir laissé le Comte de la Roche-Guion avec vn regiment, & le Marechal de saint Geran à Clairac pour faire demolir les fortifications



de la place, & leur oster le sujet de ne faire plus les mauuais: sa Maieité n'y est point entree, pour ce que les villes rebelles se rendent si indignes qu'elles ne peuuent pas meriter l'honneur de la presence de leur Roy.

Du Port de sainte Marie le Roy part pour aller à Agen poursuyuant son dessein.

C'est meshuy Montauban qui ale bouquet sur l'oreille pour dresser le festin Royal, à ceste triomphante armee, si ce n'est qu'elle se plaise plustost de receuoir vn bal Royal, & d'ancer au branle de S. Iean d'Angely, de Pons, & de Clairac, qui portent les marques honteuses de leur obstination, ayant enseuely & entreprises & entrepreneurs d'as vn mesme tombeau. Pour Epitaphe on y a graué, non ce chat que la plus part des villes de Suisse peignent sur leurs portes, avec ce mot, LIBERTÉ: mais bien ces paroles rimees.

Que c'estoier avec iustice

Que pour s'estre rebellez.

Ils estoient tous difformez.

A saint Iean demantelez.

Pons en vilageois changez.

A Bergerac fort estonnez.

A sainte Foy pardonnez.

A Tonneins pris & pressez.

A Nerac tous degradéz.

A Caumont plusieurs bruslez.

A Clerac pendus, noyez.

Epitaphe des  
villes rebelles  
debellees par les  
armes du Roy.

*A Castels desesperez.  
A Montauban desolez.  
A la Rochelle bloquez.  
Pour estre tost enchainez.  
Priez pour ces trespassez.  
Si vous les conuerissez.  
Amen.*

En ce bon-heur nous benirons le Ciel ;  
qui nous fait voir la France, mere à tant de  
puissans Capitaines , nourrice à tant de  
Mars, champ à tant de conquerans , rem-  
plie de tant de grands & inuincibles Capi-  
taines & generaux d'armee, qui l'ont redon-  
nee entiere à nostre Roy : Guerriers sans  
pair & sans' peur , & Pairs dans ceste Mo-  
narchie : où ils sont prests à rompre la te-  
ste à tous ceux qui s'armeront contre leur  
Roy.

C'est merueille d'entendre aux pays e-  
strangers comme on parle avec mille E-  
loges des victoires du Roy , c'est l'entre-  
tien ordinaire de la Cour des grands Prin-  
ces voisins , c'est à qui luy enuoyera lettres  
de conioyssance.

Sa Saincteté tout glorieux de voir ce  
fils aîné de l'Eglise triompher sur les mau-  
uais desseins de ses ennemis , enuoya ce-  
ste lettre à sa Maïesté qui luy fut presen-  
tee en ce siege de Clerac , & luy parle en  
ceste sorte.

Nostre

Nostre tres-cher fils en Christ salut & nostre benedictiō Apostolique. Les hauts faits de vostre valleur Royale qui ont attiré sur eux les esprits des Chrestiens, apportent biē du contentement à nostre soin paternel parmy la gloire de vos armes, & l'esperance de vostre triomphes. Car comme nous considérons avec beaucoup de regrets l'impietē des heretiques croupissans en certains lieux sans peur & sans crainte, en d'autres exerçans les loix d'une cruelle domination, Nous remercions maintenant le Dieu des armées, d'avoir en vn temps si opportun pour la guerre, fait prendre les armes à vostre Maiestē pour la deffence de la dignitē de la Religion Catholique, o bel apprentissage d'une Royale milice & digne d'un Roy Tres-Chrestien! Quelle merueille que l'aage que les autres ont acoustumē de passer en jeux & en delices par vne certaine mollesse & faineantise, vous l'employez aussi genereusement qu'heureusement à appaiser les differends, à conduire les armées, & assieger les places des heretiques, & le tout non sans conseil de Dieu, au Royaume duquel vivent les Roys? Quoy? est il croyable qu'aux premiers abords de vostre adolescence, vous ayez entrepris vne œuvre si releuēe, & si difficile, & que les dangers & les difficultez, qui ont arrestē le cours des autres, ayent incitē la grandeur de vostre courage? Iouyssez

Et

1621.

*Lettre du Pape  
pe enuoyee au  
Roy pour le  
consouyr de ses  
victories.*



tres-cher fils de la renommée que vostre nom vous a acquis, & suiuez ce Dieu qui combatauec vous affin que comme maintenant vn chacun vous tient pour le foudre de la guerre, & le bouclier de la paix, vous foyez estimé de tous à l'aduenir la loüange d'Israël & la gloire de tout le monde. Du plus haut sommet de nostre dignité Apostolique où la main du bon Dieu nous a conduit (quoy qu'indigne de cette grâce) Nous assiltons d'esprit & d'affection à vos armes, & par nos frequentes prieres vous preparons les diuins remedes : & bien que nous ne doutiôs point que vous ne mettiez la derniere main avec beaucoup de constance, à ce inuité par nous, & comme par vostre propre vertu auez entrepris, toutesfois ne trouuez point mauuais d'y estre enflâmé dauantage par nos excitations affin qu'il paroisse que nous sommes soigneux du bien & del'auâcement de la vraye Religio, & que nous voulons donner lieu à vostre gloire. Vous estes iusques à cette heure grâdemement redeuable à Dieu de ses liberalitez, & cōme nous esperons & souhaittons tous ensemble, vous le serez bien dauantage à l'aduenir, & il est croiable que vostre esprit si releué est imbu d'vne celeste doctrine, & non point des preceptes de quelque sapience humaine: car vous auez tres-bien entendu, que les fondemens des Royaumes sont appuyez sur la verité d'vne foy orthodoxe,

& de fait, tant que Dieu ne sera point gardien des villes, iamais aucune principauté ne subsistera avec assurance: Que l'on iuge avec combien de fidelité deffendront vostre siege royal, ceux qui ont ietté les saints mesmes des temples, & qui ont tenté les moyens de les oster du nombre des bien heureux, voire du Paradis, ceux qui avec vne impie temerité condamnent les intentions de nos Maieurs, les coustumes des Roys, les decrets des Papes, & les ceremonies de l'Eglise. Ce sont là les troubles de vostre republique ancienne, & les reproches de la France que Dieu (l'Empereur des Roys) vous a releuë pour estre esteints & assoupis durant le cours de vos ieunes années. Sçachez maintenant que toute l'Europe qui est en suspens pour l'euenement de vos armes, attend bien tost sous vostre conduite dresser ses voiles sur l'Ocean, affin que le lieu\* qui sert d'asille & de deffence aux heretiques rebelles, serue à la posterité pour marque de vos victoires. Nous sçauons bien que ny la crainte, ny l'inconstance ne vous destourneront iamais de vostre entreprise: souuenez vous toutesfois que les saints deusquels l'on deffend l'honneur assistent au Prince qui préd la protectiō de la Religio & combat avec luy cōme des cōpagnōs de guerre, vous ne māquerez sās doute de trouuer bien

\* Il veut parler de la Rochelle.

1621.

favorable sur les mesmes eaux dont autres-  
fois il enduroit les flots sous les pieds com-  
me de la terre, & dont les ondes deçà, &  
de là seruans comme de muraille donne-  
rent passage à son armée. Pour lors nous  
pourrons esperer asseurement qu'apres a-  
uoir mis en vostre Royaume vn bon esta-  
blissement, & dompté l'impieté qui se ren-  
contre, vous pourrez quelque iour par  
vos victoires ioindre l'Orient, avec l'Oc-  
cident, imitant la gloire de vos ancestres  
qui ont porté autant d'honneur aux exci-  
tations des Papes qu'aux commandemens  
de Dieu. A cela vous inuite le tres-sainct  
Louys, le nom duquel vous portez aussi  
bien que vous imitez ses actions: les pre-  
miers de vostre race vous y conuient, les-  
quels en defendant l'autorité Apostolique,  
estendans la Religion, ont ietté de bons &  
asseurez fondemens de vostre Royale mai-  
son. Suiuiez tres-cher fils l'ornement du mô-  
de, les commandemens du Ciel, versez vo-  
stre cholere & vostre indignatiõ sur les peu-  
ples qui n'ont point cogneu Dieu, affin que  
dans le Ciel vous acqueriez les tresors de la  
Diuine misericorde à V. M. a laquelle par  
nostre autorité Apostolique nous don-  
nons avec affection extreme nostre bene-  
diction. Donné à Rome à Sainte Marie  
Major sous l'anneau du pescheur le 10. iour  
de Iuillet 1621. l'année premiere de nostre  
Pontificat.



Or combien que la perte fust grande au  
siege de Clerac, si est ce que la plus deplo-  
ree fut celle du Baron de Thermes: quand il  
fut porté à Tonneins tout mourant, ce ne  
furent que larmes à la Cour; le Roy qui le  
fut visiter en l'article de sa mort, témoigna  
le regret qu'il auoit de la personne, & com-  
me ce courageux Seigneur vit sa Majesté,  
luy dit qu'il mourroit avec vn grand conten-  
temēt puis que c'estoit pour son seruice, qu'il  
n'auoit autre regret à sa vie, que pour n'a-  
uoir peu accroistre les victoires du Roy, aux  
effets de son courage, ne desirât autre cho-  
se de sa Maiesté pour recompense de sa vie &  
de ses seruices, que l'honneur de baiser la  
main de son Prince, que le Roy luy donna  
volontiers non sans larmes, avec assurance  
de prendre ses enfans en sa protection & en  
auoir vn soing particulier.

1621.  
*Tristesse à la  
Cour pour la  
perte du Baron  
de Thermes.*

*sa demande  
faite au Roy  
en mourant.*

Le Baron de Thermes decedé sa Maiesté  
enuoya aussitost consoler le Duc de Belgar-  
de son frere, commande au Pere Arnoux de  
luy escrire quelque lettre de consolation, à  
quoy Monsieur le Connestable voulut ad-  
iouster la sienne.

Pendant que cecy se passe en Guyenne, en  
Aulnix le Duc d'Espenon triomphe avec  
l'armée du Roy au grand despit des rebelles  
de la Rochelle au mesme temps.

Il auoit avec luy quatre mille hommes de  
pied avec huit ~~cent~~ Cornettes de Cauale-  
rie, sçauoir sa cōpagnie de chevaux legers:

*Armée du Duc  
d'Espenon de-  
uant la Ro-  
chelle.*

1621.

celles de la Royne Regnante, de la Royne Mere du Roy, du Duc d'Elbœuf, de Monsieur de Verneuil, du Comte de Moret, du sieur de la Curée & autres, avec lesquelles troupes il a fait des merueilles deuant cette place reuoltée.

*Ses exploits.*

Le Mercredy 28. Iuillet ledit sieur Duc d'Espéron mena toute la Caualerie de son camp, avec cinq drapeaux de sa nouuelle Infanterie iusques aux marests sous la porte des canôs de la Rochelle, où l'on fit vne longue alte pendant que ledit sieur Duc fut recognoistre les aduenuës de cette ville, où pas vn des rebelles ne parut, iusques à ce qu'ils entendirent sonner la retraicte: car alors ayant fait abbaïsser le pont de la porte de S. Nicolas du costé de la mer, firent sortir quelque Caualerie file à file en petit nombre: toutesfois faisans mine de luyre l'armée du Roy & luy donner en queue; aussi tost que le Duc d'Espéron les eut apperceus, & que desia ils estoient aux prises avec l'arrieregarde des siens, retourne promptement visage du costé de l'ennemy pour fauoriser cette legere escarmouche, où de nostre part il n'y eut que deux hommes de perdus, sçauoir vn Gentil-homme de la maison du Duc d'Espéron, & vn soldat de ses gardes: du costé des ennemis il en fut aussi tué quelques vns qu'ils emporterent dans leur ville, entr'autres fut recogne vn bourgeois des plus riches de la Rochelle, que la Cornette

*Escarrouche  
avec les ennemis.*

*Perte du costé  
des nostres.*

*Du costé des  
ennemis.*

du sieur de la Curée deffit, à la poursuite des autres. Pendant cette escarmouche de petite conséquence, les ennemis faisoient couler hors de leur ville nombre d'harquebussiers en desordre, qui estoient sortis par la porte de Cogne, lesquels à la faueur des marais peurent se saisir d'une maison forte remparée d'un fossé tout autour, où ils se fortifierent le mieux qu'ils peurent : ce lieu s'appelle la Moulinette, où le Duc d'Espernon les laissa à cause de la trop longue retraite, & salüerent les nostres de douze ou quinze vollées de canon de leurs meilleures pieces de la ville, sans blesser ny endommager personne.

1621.

Le Vendredy ensuiuant 30. Iuillet, le sieur de Fauas fit une sortie de la Rochelle avec trois pieces de canon, dont il enuoya treize vollées contre une petite maison sise à une lieue & demie de la ville, nommée la Grimaudiere, où le Baron d'Aubigne auoit mis cent ou six vingts mousquetaires par commandement du Duc d'Espernon, sous la conduite d'un sergent que le sieur de Fauas voulut cajoller pour le faire resoudre à vider de ce logement : mais voyant sa resolution, & craignant le secours du dit sieur Duc, il se retira le mesme iour à la Rochelle, apres y auoir laissé 30. ou 40. homes des siens : qui furent defaits par le Comte d'Oriac, lequel perdit.

E e iiii



estoit à Moye sçauoir les Compagnies de Gens d'armes de la Royne, & les cheuaux legers des Duc d'Elbœuf & Comte de Moret, & pour suiuit les ennemis, puis arriua iusques à la Iarrerrie, proche de la ville quartier du Roy.

*Autre sortie des ennemis sous la conduite du sieur de la Nouë.*

*Repoussez par les nostres.*

*Se retraire sans effect.*

Le 7. Aoust, le sieur de la Nouë sortit de la Rochelle & donna iusques au corps de garde à cheual de la Iarrerrie, quartier du Duc d'Espéron: De prime abord, il rencontra douze Cavaliers, soustenus de quatre autres, puis de quarante qui vinrent en fuite: de sorte qu'ayant donné la fuite à nos sentinelles il penetra iusques audit corps de garde, où il ne trouua que seize Cavaliers commandez par le Marechal des logis de la Compagnie des cheuaux legers de la Royne Regnante, qui reculerent à l'arriuee du sieur de la Nouë, iusques à ce que le reste de ladite Compagnie fussent arriuez, où estans, & s'estans mis en estat de combattre, repousserent les ennemis hors des aduenues des chemins, iusques à la prochaine plaine, où ledit sieur de la Nouë fit faire halte aux siens iusques à ce qu'il apperceut que du costé de la Iarrerrie, & de Croix Chappeau quartier du Comte d'Orriac, deux gros de Caualerie se mouuoient & luy venoient fondre sur les bras, ce qui l'obligea de se retirer avec diligence, mais avec dessein d'attirer les plus aduancez des nostres en vn petit bois à demie lieue

de la Rochelle, où il auoit mis vne embuscade pour les charger, mais la bonne conduite des nostres, fit auorter son dessein.

Ainsi toutes les forces du Duc d'Espèrnon s'estans aduancees en gros contre les ennemis, on les contraignit de se retirer dans les maisons de la Moulinette, dont à esté parlé cy dessus, où ils furent promptement attaquez par l'infanterie avec les gardes du duc d'Espèrnon, lesquels gaignerent l'une desdits maisons sçauoir la seconde, n'ayans peu forcer la première, à raison de quoy les nostres ne demeurèrent guere en la seconde, qui fut incontinent regaignee par les ennemis qui nous en chassèrent fort furieusement: toutefois estans venus au combat nous n'y perdîmes que cinq desdits gardes du Duc d'Espèrnon, sept ou huit soldats de pied & quatre ou cinq volotaires blesez: & de la part desdits ennemis on fait estat de 45. de morts & 57. prisonniers, la pluspart blezez & du depuis decedez; ce que voyant ledit sieur de la Noüe, & ceux qu'il auoit amenez avec luy, pour attaquer les nostres, se retira à la Rochelle, sans plus ofer paroistre ce iour là d'auantage.

Depuis ce iour les Rochelois ont fait cognoistre qu'ils n'auoient plus d'enuie de s'ôder le courage des nostres: ayans volontai-  
rement abandonné toutes les petites garnisons des Eglises & maisons fortes des enu-  
rons de leur ville, dont le Duc d'Espèrnon

1621.

*Combat au lieu  
de la Moulinette*

*Perte de part  
& d'autre.*

*Maisons fortes  
d'aupres de la  
Rochelle aban-  
donnees par les  
ennemis.*

s'est emparé, excepté le lieu nommé la Fond dont sera parlé cy apres.

*Musniers portās  
farines à la Ro-  
chelle, pris par  
les gens du Duc  
d'Espemon.*

*Moulins à vent  
bruslez par le  
mesme.*

Le Lundy 16. Aoust l'endemain de la no-  
tre Dame, le Duc d'Espemon ayant choi-  
si quelque nombre de caualerie avec quel-  
ques mousquetaires à cheual les mena ius-  
ques à la portee du canon de la Rochelle,  
visitant les bourgs & logemens plus pro-  
ches de ladite ville, notamment le lieu de  
Netré, où faisant alte à la veüe des rebelles  
furent pris certains meusniers menans des  
farines à la Rochelle: ce qui donna occasiō  
audit seigneur Duc de faire brusler tous les  
moulins à vent, qui sont autour de la ville:  
& de faict luy mesme mit pied à terre, & se  
fit apporter par ses gardes, bois & paille,  
fit mettre le feu à deux moulins, & ne vou-  
lut bouger delà qu'il ne les eust veu entie-  
rement bruslez afin de diminuer d'autant  
plus les commoditez voisines des ennemis.

Le Mercredy 18. Aoust ledit sieur Duc  
d'Espemon, mena vne partye de sa cau-  
alerie au bourg de Nandé sur la coste de la  
mer qui regarde Marana, où apres auoir  
visité la forte Eglise dudit lieu, & mis garni-  
son en icelle, alla disner à Marsilly, où de  
rechef ayāt mōté à cheual, mena ses troupes  
au village de Nieulle, où il recogneut quel-  
ques Fâtassins trauaillās à fouir dans des vi-  
gnes, qui ayās aperceu nos gens de guerre,  
s'enfuirēt & gaagnerent ledit village de Ni-  
eulle, & se ietterent dans l'Eglise, où y a vne



tour de pierre fort grosse tenant à ladite Eglise: les nostres ayans recogneu cela, firent alte aussi tost, pour aduiser à ce qu'il seroit besoing de faire pour amener ces gens là à raison sur l'apparece que peu de gēs auoiēt paru, en se retirant dans ladite Eglise à la veuē des nostres sans dessein; tellement que cette canaille auoit mis les esprits de nos chefs en de grandes inquietudes tāt à cause du peu de iourqu'il restoit aux nostres pour faire leur retraicte, que pour n'estre distans que d'un quart de lieuē de la rochelle, ioint aussi que les nostres n'auoient aucune infanterie, & que le pais est fort incōmodē pour la caualerie, estāt creusē & fossoyé par tout.

En fin apres auoir mis les raisons desvns & autres, fut suiuy le Conseil du Côte d'Oriac sçauoir de les attaquer, & l'execution fut aussi tost faicte que premeditee: car à l'instant quelque caualerie legere fut commandee d'aller recognoistre le lieu & apprendre les aduenuēs: cela faict à mesme temps les gardes du Duc d'Espernon furent enuoyēs les premiers, qui apres les auoir sōmēs de se rendre, tirerent quelques coups sur ces pauvres miserables, qui firent mine de se deffendre, & tirerēt 7. ou 8. coups de mousquet, mais ce fut en vain: à l'instāt le feu fut mis en l'Eglise où la fumee leur fit demander la vie ce qui leur fut accordē: ils n'estoiēt en tout que 10. ou 12. qui se rendirēt & furent menez à Monsieur d'Espernon, qui les fit conduire en son quartier.

1621.

*Fantassins des ennemis renfermez dans la tour d'une Eglise.*

*Sont forcez & attaquez.*

*Feu mis en l'Eglise.*

*Ce qui les contrainct de se rendre.*

1621.

*Canal d'eau  
coupé aux Ro-  
chelois.*

*Bourg de la  
Fond inuésty  
par l'armée du  
Duc.*

*Mais non pas  
forcé.*

Au mesme encore, par commandement dudit sieur Duc, fut coupé vn canal à vne source qui sortoit pres le bourg de Nandé, & portoit l'eau dans la Rochelle.

Le Dimanche 23. Aoust toute la caualle-  
rie dudit sieur Duc d'Espernon avec deux  
milles hommes de pied & quelques mous-  
quetaires à cheual, furent cōmandez d'aller  
inuestir le bourg de la Fond, dont ay parlé  
cy dessus, où la cauallerie fut posée au des-  
sus d'une metairie à la portee du canon de  
la Rochelle, & les gens de pied au dessous:  
où le dessein estoit de couper les sources des  
fontaines des ennemis, & mettre en pieces  
les garnisons que les Rochelois y auoient  
mises: mais le dessein ne reussit pas aux no-  
stres, trouuant par toutes les aduenuës du-  
dit bourg, de forts & puissans retranche-  
mens gardez de douze cens mousquetaires  
& fauorisez des canons de la ville, qui pou-  
uoient bāttrre les nostres à leur aise, telle-  
ment qu'ils furent contraincts de faire re-  
brousser nos gens de pied, iugeans assez  
que le bourg ne se pourroit prendre sans  
grande perte d'hommes: nos gens brusle-  
rent quelques maisons, tuerent dix-huict  
ou vingt soldats, prirent quelques prison-  
niers, pendant que d'un autre costé les enfā-  
s perdus du Duc d'Espernon bruslerent deux  
moulins à vne portee d'un mousquet de la  
ville. Pendāt cela ceux de la Rochelle firent  
sortir quantité d'hommes tant de pied que

de cheual, ce que voyant ledit sieur Duc fit feinte de se retirer pour les attirer au combat: aucuns des volontaires s'engagerent avec les ennemis, qui rompirent le dessein de M. d'Espernon: là les cheuaux legers des sieurs d'Elbœuf & de Moret furent obligez y aller, où le malheur voulut que deux de chacune compagnie y furent tuez chacun d'un coup de canon, & cinq cheuaux portez à terre.

*Quelques uns  
des nostres tuez*

Le Duc d'Espernon recognoissant quelque desordre aux siens courut à la teste d'eulx volontaires pour les ramener faisant expresse deffences à la caualerie de s'auancer.

*Qui sont com-  
mandez de se  
retirer.*

La compagnie de Gensdarmes de la Roynne, où estoient huit vingts maistres autant bien montez & armez, que compagnie qui soit en France, commandez pour lors par le Baron de Ponthieux, eut charge ce mesme iour pour faire la retraicte, apres vn assez rude combat, où du costé des ennemis fut blessé le sieur de Montpouillan fils du Marquis de la Force, par le Cheuallier de la Vallette.

*Montpouillan  
fils du Marquis  
de la Force  
blessé.*

Ce mesme iour furent encore bruslez 4. moulins, les nostres se retirerent fort fatiguez, ayans demeuré vingt heures & plus sans boire ny manger, tousiours la cuirasse sur le dos, armez de toutes pieces.

Le Mardy 24. Aoust Monsieur le Comte de la Rochefoucault accompagné de force

*Moulins brus-  
lez.*



1621.

*Arrivee du  
Comte de la  
Rochefoucault  
vers le Duc  
d'Espèrnon.*

Noblesse, gardes & gendarmes arriva à la Iarrerrie, où le Comte d'Oriac Lieutenant General de l'armée du Duc d'Espèrnon, fut iusques à Moye, au deuant de luy, en ayant receu le commandement de sa Maie-  
sté, afin de terminer quelque differend qui estoit entre lesdits sieurs Duc d'Espèrnon, & Comte de la Rochefoucault touchant leur Gouuernement ne voulans receuoir passeports de part ny d'autre; pour l'heure ils se reconcilierent & furent faicts bons amis.

*Prise du sieur  
de la Noüe.*

Le Mercredy 25. dudit mois, fut pris & arresté le sieur de la Noüe par les Gensdarmes & gardes du Duc d'Espèrnon sur l'esfort qu'il fit de surprendre ledit sieur Cōte de la Rochefoucault, s'imaginant le rencontrer avec son train ordinaire, mais il fut trompé & trahy par vn paysan, auquel il auoit donné charge d'aller chercher quelques viures: ce fut au bois de Naut separé de la Forest de Benon des appartenances du Comte de la Trimouille entre Surgere & Moye sur le chemin de la Iarrerrie, où les nostres allerent rencontrer ledit sieur de la Noüe avec sa troupe, selon l'aduis qu'en auoit donné ledit paysan: il fut attaqué furieusement, & y furent des siens 5. de tuez, 2. prisonniers, & les autres se sauuerent à la Rochelle: ledit sieur de la Noüe y ayant esté pris, fut conduit au quartier de Monsieur d'Espèrnon, où il demeura huit iours

entiers, au bout desquels, il fut deliuré sur sa foy & s'en alla chez luy en Poictou assisté de quelques gardes & prit temps pour retourner vers ledit sieur Duc d'Espèrnon, le tout par le consentement du Roy; mais il corrompit ses gardes & euada de leurs mains en faulxant sa foy.

Voyla ce qui s'est passé deuant la Rochelle le long de ce mois entre ledit sieur Duc & les ennemis rebelles, outre ce que nous observerons aux mois suyuant de plusieurs autres exploits de guerre signalez en Aulnix contre lesdits rochelais tant par mer que par terre.

Seulement adiousteray ce mot, qu'il n'y a rien de mieux policé que l'armee de M. d'Espèrnon: il a permis aux villageois & fermiers de metairies de recueillir leurs bleds & leurs soins sans aucun trouble: leur a donné licence & permission de venir vendre leurs grains & fourrages en son armee, sans qu'il leur soit fait tort, ny sur leurs marchandises ny au payement de ce qu'il seroit deu: trop bien a il enioinct aux fermiers des metairies appartenantes aux Bourgeois rebelles de la Rochelle, de luy apporter le reuenu des deniers qui leur payent annuellement pour leursdites fermes pour estre employez au payement de l'armee, comme il est de raison, quoy faisant leur donner licence de recueillir, labourer, semer, aller & venir, & faire tout & tel commerce qu'ils

1621.

Conduit vers le  
Duc d'Espèrnon,  
qu'il ennoye sur  
sa foy.

Police de l'ar-  
mee du Duc  
d'Espèrnon.

*Incommodité  
des Rochelais  
du costé de la  
terre.*

voudront. Ainsi pource qui est de vendange, il les a fait faire avec parcellle police au profit desdits fermiers & laboureurs, & de son armee, au grand despit des ennemis enfermez, qui voyoient les raisins meurs dans leurs vignes, & n'osoient en aller cueillir, de maniere que du costé de la terre la Rochelle ne tire ny bled, ny vin, ny fourrage, ny autre commodité, & n'estoit la mer qui les accommode, il y a long temps que la misere les eust ia consommmez, veu le grand nombre d'habitans & de soldats estrangers qui sont enfermez là dedans, depuis tantost six mois.

Neantmoins certe inique & maudicte assemblée qui se tient là dedans ne laisse pas de faire iouer tous les ressorts de sa malice pour donner quelque diuertissement aux armes du Roy, & troubler son Royaume pendant qu'elle voit sa Maiesté engagée au siege de Montauban, sçachât assez ce qu'elle sçaura faire lors qu'elle cognoistra que ce sera tout de bon & nō plus en menaces que le Roy fera conduire ses foudres au deuant de cette place rebelle.

*Assemblée de la  
Rochelle preme-  
dite de diuer-  
tir les armes  
du Roy.*

Cette assemblée ne peut trouuer moyen plus expedient pour troubler ce dessein que de jeter la guerre es pais & Prouinces esquelles sa Maiesté ne pourroit si tost pouruoir de secours necessaire en l'occupation de ce siege; elle voit que la Normandie scituee à l'autre extremité du royaume, n'a pas



pas faite de faux freres & de mauuais sub-  
iect du Roy, qui sous la conduite de quel-  
ques petits chefs accueilleroient volontiers  
les armes & les commissions protestantes  
pour troubler la Prouince en l'absence du  
Roy: qu'en icelle il y auoit bon nombre des  
gens de la Religion pretendue reformee  
renfermez aux meilleures places, qui con-  
tribueroyent liberalement pour la cause,  
hommes, armes, & argent, s'ils voyoient vn  
chef en campagne qui eust la dexterité d'y  
leuer & conduire subtilement les affaires  
du party reuolté: ils sont asseurez que dans  
Rouën, Caën, Dieppe, Falaise, Alençon,  
Danfront, & autres lieux il y a quantité de  
pretendus qui ne manquent que d'occasion  
& de pouuoir plus que de bonne volonté  
pour remuer: C'est pourquoy ladicte as-  
semblée de la Rochelle voulant ietter le  
trouble là dedans, faict choix de la person-  
ne du sieur de Vatteuille autrement dit  
Mont-Chrestien, qui auoit maintenu la  
Rebellion dans Sully, comme i'ay dit cy  
deuant, & le recognoissant homme d'en-  
treprise & d'execution propre au trouble  
remuant & factieux, le destine pour aller  
leuer & armer en Normandie, & desbau-  
cher ceux de la Religion pretendue refor-  
mee en icelle, qui n'osoient ny n'auoient  
le pouuoir de s'elever en faueur du party:  
on arreste donc de l'establiir Chef d'un  
regiment de gens de pied, qu'ils luy or-

*Veu ietter le  
trouble en Nor-  
mandie.*

*Choisit Mont-  
Chrestien pour  
leur destrou-  
per en cette Pro-  
uince.*

1621.

Forme des cõ-  
missions de la  
Rochele.

donnent leuer en ladite Prouince sous la commission qui s'ensuit; laquelle i'ay voulu interer en la forme pource qu'elle est du stil ordinaire des autres qui sont deliurees par ladite assemblée à leurs chefs subalternes.

L'Assemblée Generale des Eglises R efor-  
mees de France & souueraineté de Bearn, &c  
Salut. Comme ainu soit qu'estans les dites E-  
glises persecutees par les ennemis de nostre  
Religion qui abusent des affections & de la  
cõscience du roy, sous la tres humble sub-  
iection & obeïssance duquel nous protestõs  
deuât Dieu & les hommes de demeurer in-  
uiolablemēt, recognoissans qu'il nous a esté  
donné de Dieu pour nostre souuerain Sei-  
gneur; il soit entieremēt necessaired'vser de  
iustes desfèces & opposer les moyes legitimes  
& naturels à la violēce & opressiõ, afin de  
cõseruer l'autorité de sa M. & de ses Edits,  
la liberté de nos cõsciences & seureté de nos  
vies, & pour cet effet faire prõptement le-  
uees & mettre sur pied le plus grãd nõbre de  
gēs de guerre que faire se pourra. A ces cau-  
ses nous en vertu du pouuoir à nous donné  
par toutes les Eglises de ce Royaume & sou-  
ueraineté de Bearn & ayant tresbonne co-  
gnoissāce de vostre pieté & vertu, suffisante  
capacité, valeur & experience au fait des ar-  
mes, mesme de vostre fidelité & singulier  
affection de la gloire de Dieu & conser-  
uation des dites Eglises; vous auons donné  
& dõnons pouuoir & cõmission pour sous

le nō & autorité de sa M. bien de son ser-  
uice, defféce & protectiō de leſdits ſuiets de  
la Religion, faire leuees & mettre ſur pied le  
plus prōptement que faire ſe pourra vn re-  
gimēt de guerre à pied François les plus le-  
ſtes & aguerris du nōbre de                    compa-  
gnies & chactune cōpagnie cōpoſee de 100.  
hōmes, picquiers, armes & mouſquetaires y  
cōpris les Chefs & officiers pour ſeruir, &  
iceluy regiment cōmander, cōduire & ex-  
ploicter par vous en ladite Prouince de  
& par tout ailleurs où il vous ſera ordonnē  
pour le biē & ſeruice deſdites Eglīſes faiſāt  
viure & loger leſdits gēs de guerre tāt à la  
cāpagne qu'ēs villes & places où il leur ſera  
cōmandē de ſ'arreſter en bō ordre ſelon les  
ordonnāces militaires de ce Royaume, & les  
reglemēs qui en ſerōnt faiçts & dressez par  
ladite aſſēblee avec pouuoir de nōmer en  
voſtre compagnie particuliere dudit regi-  
ment Lieutenans, Enseignes & autres offi-  
ciers ſelon que les iugerez experimētez, ca-  
pables & affectionnez au bien & ſeruice  
deſdites Eglīſes, au nom deſquelles en vertu  
du ſuſdict pouuoir ; vous auons donné &  
donnons pouuoir de faire leuees & mettre  
ſur pied leſdits Regiment, iceux comman-  
der, exploicter & faire conduire tant en  
ſteſtendue de ladite Prouince qu'ailleurs  
où beſoin ſera ſelon qu'il vous ſera enioinçt  
& ordonnē par                    Chef & general  
en ladite Prouince, ſes Lieutenans Gene-



1621.

*Enuoy de Mont-  
Chrestien en  
Normandie.*

*Commission  
enuoyee au sieur  
de Montbrun en  
Dauphiné par  
l'Assemblée de  
la Rochelle.*

reux Marefchaux de Camp & autres qui en pourront auoir la charge & autorité, mandant a tous que beſoin ſera que tous en ce faiſant ils entendent & obeiffent ſelô & ainſi qu'il apartiendra. Fait en ladite aſſemblee tenant en la ville de la Rochelle le 9. iour d'Aouſt mil ſix cens vingt & vn, ſigné Loubye Preſident P. Heſperien adioint, Geneph Secretaire, & Riſſault Secretaire & Scellé de cire rouge. Avec tel pouuoir & encore plus ample, Vatteuille deſcend en Normandie chargé de pluſieurs autres particulieres cômiffions, deſquelles il s'eſt voulu ſeruir, mais à la conſuſion comme il ſera dit en ſon lieu.

D'autre coſté la rage & le deſpit qu'auoit ladite aſſemblee, de voir le Duc de l'Eſdiguières affectionner le ſeruice du Roy, & conduire ſes armées, le porte à deſbaucher le ſieur de Montbrun, & pour exciter le trouble dans le Dauphiné, & diuertir les forces de la Maieſté luy enuoyent cômiffion ſpeciale avec pouuoir bien ample de leuer & armer dans ladite Prouince: & luy donnent la qualité de Lieutenant General du Dauphiné pour agir & commander en iceluy en la place & abſcêce dudit ſieur Duc de l'Eſdiguières, ce que ledit ſieur de Montbrun s'eſt voulu mettre en deuoir d'excuter à la ſoule des Catholiques, empeschant meſme les commerces de Lyon en Italie & Sauoye, mais avec ſi peu d'hôneur & de pro-

fit qu'il se verra cōtraint de tout quitter par l'ordre que sa M. y establira, contre l'opiniō mesme de ceux qui l'authorisent.

Cependant cela n'empesche pas que les armes de sa Maiesté n'augmentent par tout le nombre de ses victoires.

Durāt le siege de Clerac le Roy qui auoit enuoyé le Duc de Mayenne & Marechal de Themines en Armaignac, pour y dissiper la Rebellion qui s'y augmentoit, se faciliter la voye d'obeissance & mettre la bōne ville de Tholouse en repos contre les courses & rauages des rebelles cantōnez dās de chetifs nids de pies, comme aüssi pour s'asseurer des places qui pourroient donner quelque forme de ialousie à sa Maiesté durant le siege de Montauban, commande audit sieur Duc de Mayenne de contraindre toutes lesdites places rebelles de cedder à ses armes & à l'obeissance, particulièrement celles qui tiennent & occupēt les aduenües de Mōtaubā.

Ainsi donc ledit sieur Duc de Mayenne, qui depuis la réduction de Nerac, à recherché tous moyens de faire paroistre son courage & sa fidelité au seruice du Roy, ayant faict saisir par ses troupes les aduenües susdictes de Montauban iugea qu'il estoit encore necessaire de veiller aux occurrences qui pourroient arriuer, & au secours que les rebelles dudit Montauban pourroient tirer de leurs freres & voisins, estās assiegés de maniere que sur les aduis qu'il receut

1621.

*Enuoy du Duc  
de Mayenne  
contre les places  
rebelles au pays  
d'Armaignac.*

*Places  
rebelles de la  
haute Guyēne.  
& Aduenües de  
Montauban  
saisies par luy.*

1621.

*Mas de Verdun  
l'Isle en Tourda  
Et Mauuoisin  
attaquées par  
luy & le Maref-  
chal de Themi-  
nes.*

qu'es places de Mas, de Verdun, à l'Isle, en Tourdan & à Mauuoisin s'estoient retirez quelques gens de guerre, à dessein de secourir Montauban, il le fit assaüoir en mesme temps au Marechal de Themines, lequel aussi tost pourueut aux inconueniens qui en pouuoient arriuer, & par sa diligence donna si bon ordre à cet affaire, qu'il en est arriué vn succès fort auentageux pour le Roy, les vingt sept. iefme & vingt huit. iefme Iuillet.

*A sierte de ces  
places impor-  
tante.*

*Aistance de  
Tholouze pour  
les assieger.*

Ces trois places sont d'importance, & meritent bien la preuoyance d'un grand Capitaine, pour les reduire à l'obeissance du Roy, estans toutes trois assez bien assises; & munies d'autre part suffisamment; C'est pourquoy ledit sieur de Themines a voulu monstrier, combien il estoit porté au seruice de sa Maiesté, & avec combien d'affection, il en donna aduis, à Messieurs de Tholouze qui ne repugnent rien tant que la desobeissance, & les partialitez qui se sont exercees depuis quelque temps, & qui s'exercent encores impunement, tant en la Prouince de Gascongne, qu'en Languedoc: Au moyen duquel aduis ils nous ont tesmoigné la sincerité de leur bonne affection, & l'ont tousiours assisté, de tout ce qui estoit necessaire pour reduire lesdictes trois places à l'obeissance de sadicte Maiesté: si bien que le complot ayant esté



pris & resolu pour les inuestir, l'on mon-  
stra à ces refugiez qu'il falloit se rendre,  
ou creuer, sans aucune esperance de par-  
don, & de telle sorte que cinq milles  
hommes furent mis autour, qui ne de-  
mandoiēt & ne souhaitoient rien autre cho-  
se que d'executer les iustes commande-  
ment qui leur auoient esté faicts, tant  
par mondit sieur le Duc de Mayenne,  
que par le Marechal de Themines.

Ce que voyans les assiegez, ils voulu-  
rent feindre de soustenir, pour esprou-  
uer de quelle sorte on les vouloit trait-  
ter; Mais leurs feintes leur seruirent fort  
peu; car les troupes s'estans approchees  
on voulut donner dedans, & à quelque  
prix que ce fust s'y rendre maistres: Au  
moyen dequoy chacun de son costé de-  
manda composition, qui leur fut fauora-  
blement octroyee, en consideration de ce  
qu'ils n'auoient permis que l'on y menast le  
canon.

Cecy traicté à l'amiable, les Soldats forti-  
rent bagues saues, & au lieu d'eux entre-  
rent les troupes du Duc de Mayenne, qui  
ont donné si bon ordre, & avec tant de fi-  
delité, que les Habitans s'estiment mainte-  
nant tous affranchis de la tyrannie, & ne  
protestent plus rien en leurs consciences  
qu'une fidelité parfaite pour le seruice du  
Roy.

Ces reductions faictes, mondit sieur de

Ff iiij

1621.

*Ils sont atta-  
quez par 5000  
hommes.*

*Reduction de  
ces 3. places.*

1621.

Mayenne le manda au Roy qui estoit pour lors deuant Clerac, ville rebelle, & pressee pourtant de se rendre: dont sa Maiesté en receut vn extreme contentement, & pour luy tesmoigner combien il approuuoit ces actions, elle luy fist assauior, que puis qu'il auoit tant fait en peu de iours, qu'il se rafraischist vn peu, en attendant que sa volonté, & son loisir le porteroit pour le ioindre, & pour aller en personne deuant Montauban.

A mesme temps par commandement de sa Maiesté le Parlement de Tholouse commit deux Conseillers qui se transportent sur les lieux pour faire raser & demolir les murs de ces trois places susdites.

Pendant quoy ledit sieur Duc de Mayenne poursuiuant le bon-heur des ses armes, entre en l'Albigeois pour y chastier la rebellion.

Là se trouue Albiac qui est vne petite ville, distante de fort peu de Montauban, où les habitans font profession de ladite Religion pretendue reformee, & à l'imitation des autres villes desobeyssantes, vouloit faire mine de se deffendre contre les forces du Roy & maintenir sa Rebellion.

*Duc de Mayenne s'acheminant de l'assieger.*

Le Duc de Mayenne qui en eut aduis, s'y achemine avec plusieurs de ses troupes, nonobstant sa sieure, quil'incom-

mode fort, & alentist beaucoup de beaux effects de sa valeur, & de son courage; Il somme ceux de ladite ville d'Albiac de se remettre en l'obeyssance du Roy; apres plusieurs allées & venuës, ils enuoyerent finalement deux Consuls vers ledit Seigneur Duc, pour l'asseurer qu'il seroit le bien venu à la ville, & que fort volontiers ils luy liureroient les clefs, en luy venant au deuant: Le Duc de Mayenne les remercie de leur bonne resolution, les louë de s'estre (disoient-ils) soubmis à l'obeyssance de sa Maiesté, dist qu'ils ont tres-bien fait, & beaucoup faict pour eux, leur promettant les aller voir en peu d'heures.

*Les Consuls  
luy viennent  
au deuant.*

Pendant cela, par vn acte de perfidie & desloyauté, ayant aduis d'vn nouueau secours de gens de guerre, qui leur venoit de la part de ceux de Montauban, ils se resoudent contre leur foy & promesse, de deffendre la place contre les efforts de l'armée du Roy, & sçachant la promesse que ledit Seigneur Duc leur auoit faicte de les aller voir, sur l'assurance de leur foy, ils luy preparent vne embuscade, pour le perdre & surprendre.

*Machinent vne  
trahison.*

Le Duc de Mayenne se fiant sur leurs promesses, ne croyant pas que des gens qui se disent rant bons seruiteurs du Roy, luy eussent voulu machiner quelque mauuais tour fit aduancer ses fourriers le vnzième Aoust, avec deux cens hommes pour marquer les

*Le Duc enuoya  
ses fourriers en  
la place avec  
200. hommes.*



1621.

*Qui sont mas-  
sacrez par les  
ennemis.*

*Tirent sur le  
Duc de Mayen-  
ne.*

*Courage dudit  
sieur Duc qui  
repousse les en-  
nemis.*

logis, ils y vont sous la foy promise, ils en-  
trent dedans, mais au lieu d'estre receus fa-  
vorablement, ils trouuerent les maisons  
garnies de soldats & gens-d'armes armez,  
qui de tous costez les attaquèrent si rude-  
ment qu'en peu de temps il y en eut grand  
nombre detuez & occis, de reculer il n'y  
auoit aucun moyen, on auoit fermé les  
portes sur eux, plusieurs vaillans soldats  
des nostres leur firent acheter leur vie bien  
cher : Cependant ils se retrancherent  
dans les faux-bourgs, & y mirent quatre  
cens soldats pour recevoir le Duc de  
Mayenne s'il y venoit : Luy qui appro-  
choit avec son armée, & croioit entrer  
dans la ville, fut estonné qu'on le saluë à  
coups de mousquetades, & ayant apperceu  
le retranchement des ennemis, il se dou-  
teaussi tost de la trahison, cela luy enfla  
le courage, & bien qu'il fust trauersé il  
y a long temps d'une fièvre quarte, &  
que ce iour estoit celuy de son accès, il  
mit à son pied toutes ces difficultez, &  
poussé d'un cœur vrayement martial, se  
tournant vers son armée, il les exhorta  
à rompre les barricades : à ses paroles on  
fait suivre les effects, ils se iettent d'un  
plain sault dans les tranchées, les outre-  
percent tant d'estoc que de taille. Arrivez  
aux portes de la ville, les ennemis esti-  
moient arrester leurs courses par l'oppo-  
sition de leurs ponts, portes & barricades :

mais ce grand guerrier est vn torrent qui  
passe, rauage & atterre ce qu'il rencontre, il  
fait attaquer la ville de tous costez, il ren-  
uerse les portes, entre victorieux au milieu  
de ces rebelles, & en recompence de leurs  
traisons, rompt, abat, renuerse, tuë tout  
ce qui luy vient au deuant, rien ne le peut  
empescher, il met le feu aux quatre coins,  
pille vniuersellement toute la ville, tant est  
grand la iuste cholere d'un Prince, quand  
vne fois il a lasché la bonde, & les ecluses à  
ses martialles ardeurs.

Plusieurs cependant de ces mutins, se reti-  
rerent dans vn fort, qui est dans ladite vil-  
le, pensans estre en sauueté : mais ce Prince  
qui ne peut trouuer aucun obstacle les in-  
uestit, & les pressa de telle façon, qu'ils fu-  
rent contraincts de parlementer : le Duc de  
Mayenne les receut à sa discretion, à la char-  
ge d'en faire comme bon luy sembleroit,  
lesquels estans sortis avec leur Ministre &  
Consuls, pilliers & fondemens de la conspi-  
ration qui auoit esté faite, il le fit decimer,  
c'est à dire, de dix il les fit ietter au fort, &  
celuy qui estoit le dernier estoit enuoyé au  
gibet, & les autres laissez aux soldats à en  
faire à leur plaisir.

De sorte que de ceste ville, il n'est demeu-  
ré que le nom : car tout y a esté rauagé, pil-  
lé, & abbattu pour recompence, de leur tra-  
hison.

Voyla les effets merueilleux de ce Prince,

1621.

Force la ville  
& fait tout  
sailler en pie-  
ces.

Feu mis à la  
place.

Rebelles sau-  
uez dans vn  
fort.

Sortent à dis-  
cretion.

en ces quartiers là, cependant qu'en Languedoc, les troupes du Duc de Montmorency ont surpris les munitions & armes que l'on transportoit par Nauires à Montpelier, où l'on tient qu'il y en auoit bien pour armer huit ou dix mil hommes. En voicy l'histoire.

*La prise d'un  
vaisseau Hollan-  
dois au lieu de  
Cet.  
Enuoyé par les  
Hollandois &  
le Comte Mau-  
rice, pour secou-  
rir les rebelles.  
Son abord au  
port de Cet.*

Le quatriesme Aoust, fut pris vn vaisseau Hollandois, au lieu de Cet, à l'estendard duquel estoient les armes d'Hollande, & à la poupe celles d'Orange, avec cette inscription, *Ce vaisseau est Hollandois, & appartient au Comte Maurice, fait l'an mil six cens dix.* Il aborda en France en cette sorte.

Le troisieme iour d'Aoust sur la minuict, les Hollandois jetterent les anches de leur vaisseau dans le port dudit Cet, enuiron la portée d'un mousquet loing de terre, & apres sortit le Capitaine dudit vaisseau avec trois de ses soldats, & le Truchement François. Estans à riu de mer, ils trouuerent vn pescheur nommé Guillaume Grassi, qui peschoit à la lumiere, & l'ayans abordé luy demanderent en quel pays ils estoient, lequel leur demanda auant que responce, s'ils estoient de la Religion, & luy ayant respondu qu'ouy : il leur dit lors qu'il en estoit aussi.

*Trahison des-  
couuerte.*

Ce qu'entendant ledit Capitaine, il luy auroit descouuert tout son voyage, & à l'instant ledit Grassi l'auroit conduit à la Citadelle de Cet, luy faisant croire que le Gou-



uerneur du lieu estoit cousin de Monsieur de Chastillon : & les ayant conduicts audit lieu, ledit Gouverneur les auroit accueillis fort humainement. Et s'estant enquis du nom du Capitaine dudit vaisseau, auroit au nom d'iceluy mandé ledit Grassi aux soldats qui restoyent dans ledit vaisseau des'en venir en terre, & les ayant ledit Gouverneur de Cet receu, enuoya au mesme temps douze de ses soldats pour se saisir dudit vaisseau. Lesquels s'en estās rendus les maistres, fit tirer l'artillerie du vaisseau Hollandois, & de la Citadelle pour rendre actions de graces à Dieu.

Lelendemain matin le Duc de Montmorency qui estoit à Pezenas, distant de trois lieus de Cet, ayant ouy la nuit tirer le canon dudit lieu, s'y rendit dès les quatre heures du matin, & visita ledit vaisseau apres dinner, parla ausdits Hollandois, & au Truchement François lesquels tous ensemble redirent les clefs dudit vaisseau, où setrouuerent six doubles canons, huit pieces de campagne dictes moyennes, sans compter les huit del'armement dudit vaisseau, quatre mille mousquets, quatre mille dragons-neaux, ou carabines, deux mille cinq cens pistolets, deux mille cinq cens picques, cinq cens cuirasses, cinq cens catques, deux cens quintaux de poudre, vn grand nombre de boulets & balles pour les canons & pieces de campagne, quantité de plomb

1621.

*Le Duc de  
Montmorency  
en a aduis.*

*Viste le vais-  
seau.*

*Armes qui se  
trouuerent.*

*Poudres &  
munitions en  
iceluy.*

1621.

*Et autres en-  
gins de guerre.  
confisque.*

*Et enuoyés à  
Pezenas.*

*Adressés du-  
dit vaisseau.*

*Valeur de cette  
capture.*

pour faire balles pour les pistolets, dragons-  
neaux & mousquets, avec grand nombre  
d'ais pour faire mantelets, ponts volants, &  
trenchées de quatre doigts d'espoilleur,  
seize pans de longueur, de quatorze &  
douze pouces chacun, ledit bois estimé qua-  
tre milles escus. Ledit vaisseau a esté don-  
né au sieur d'Espinault Gouverneur de  
Cet, & audit Grassi pescheur deux cens pi-  
stoles. Les armes ont esté portées à Pezenas  
& Adet le cinquiesme du mois d'Aoust en-  
suivant.

On trouua sur la premiere couuerte du-  
dit vaisseau trois paquets de lettres dudit  
Comte Maurice, adressant le premier à  
Monsieur de Chastillon, l'autre aux Egh-  
ses de Montpellier, Aiguemortes, & Nis-  
mes, & le troisiésme, aux communes de  
la Religion pretenduë Reformée. Et aussi  
tost leldits trois paquets furent portez ca-  
chetez au Roy par vn des Gentils-hommes  
de Monsieur de Montmorency Gouver-  
neur de Languedoc.

Cette capture, estimée deux cens milles  
escus, fait voir à l'œil que Dieu protege  
& benit les armes sa Maiesté Tres-Chre-  
stienne, qu'il prend sa cause en main, & le  
conduit à l'exécution de tous ses desseins,  
lesquels ont reüssi & reüssiront, moyen-  
nant sa diuine misericorde, tres heureu-  
sement. Les armes destinées pour ar-  
mer plus de douze milles rebelles, ser-

airont pour armer autant de bons François.

1621.

Les intelligences qu'ils ont avec l'Estranger, le secours qu'ils en attendent & leurs secrets monopoles, & assemblées illicites descouurent assez leurs mauuaises intentions, & que c'est vn tiltre faux & emprunté de s'estre nommez iusques à present seruiteurs de Roy, seruiteurs se diroient-ils encores si sa Maiesté leur laissoit en propriété les villes qu'iniustement ils tiennent, & voudroient se donner: mais leur orgueil, accompagné d'obstination, d'outrecuidance, & d'ingratitude se voit desia presque abbattu. Cet Hydre à cent testes n'en a plus que deux ou trois qui vaillent en faire estat, de sorte que ce monstre furieux en ses derniers efforts perdra la force & le courage, & demeurera finalement abbattu aux pieds du grand Hercule François.

En mesme saison autres nouuelles arriuerent de la deffaitte de deux milleshômes leuez par le Duc de Rohan par le Marquis de Malauze pour secourir les villes rebelles assiégées par les armes du Roy.

*Deffaitte des  
troupes du Duc  
de Rohan.*

Le Marquis de Malauze personnage zélé au party de la Religion pretendue, semble en ceste saison auoir oublié ce qui estoit du deuoir du vray subiet, pour se porter aux Conseils dans lesquels se tramoit la rebellion contre le Roy.

Luy mesme en Octobre & Nouëbre del'a-



1621.

*Marquis de  
Malause hom-  
me factieux.*

née dernière 1620. se trouua és Assemblées de Milhaud & de Montauban, avec d'autres Chefs & particuliers du corps de la Noblesse dudit party de la Religion, où se faisoient les propositions, se donnoient les aduis, & se prenoient les resolutions de venir à vne guerre formée. Ce Seigneur y estoit respecté pour sa noble extraction, & ses aduis mis en consideration pour la viuacité de son esprit.

*Confiance du  
Duc de Rohan  
en luy.*

Le Duc de Rohan, qui l'auoit obligé de son affection comme parent s'est tousiours bien promis que ce Seigneur luy rendroit, toute sorte d'office, quand il en seroit requis, & au besoin de ses affaires.

Aussi ayant reçu les mandemens dudit Seigneur Duc, proietta aussi tost des moyens de pouuoir luy satisfaire d'une partie de ses desirs.

Sa reputation n'est point si mediocre parmy les Seuenes, Albigeois, Viuretz & Languedoc, qu'il ne luy soit facile & fort aisé de tirer en desbauche vne partie de la Noblesse & communautéz desdits lieux.

*Et des rebelles  
au Duc de  
Rohan.*

Les parolles & les cris que l'on fait retentir par tout és villes protestantes que le Duc de Rohan seroit le protecteur de la liberté des Eglises pretenduës, releuent le courage d'un simple peuple, auquel l'on deguile les belles & pures intentions de son Roy.

Si bien que sur le bruit courant de la  
guerre

guerre, ledit sieur Marquis de Malauze, trouue du credit és Eglises pretenduës desdits pays, comme Lieutenant & executeur des volonteZ dudit Duc de Rohan, trouue vn fond de deniers, assemble vne quantité de menuë Noblesse, qui pour le desir qu'ils ont de commander aux charges, se iettent dans la desobeissance, recoiuent les Commissions du Duc de Rohan par les mains dudit Marquis, & leuent iusques de deux à mille hommes de guerre, tant de pied quede cheual, sur les frontieres de la haute Guyenne, dans l'Albigeois tous presque tirez des Seuenes.

Les armes du Duc de Mayenne, & du Marechal de Themines, qui triomphoient en Guyenne & Quercy, auoient tellement alteré ses pratiques & troublé les projets que l'on s'imaginoit dans Neraç, Bergerac & ailleurs, que la frayeur qu'en eut le Duc de Rohan luy fit repasser la Garonne, la Dordonne & Vezere pour aller au deuant de ces troupes leuees en sa faueur par ledit sieur de Malauze, & de là possible, faire vn rencontre du Marquis de la Force, & se ietter ensemblement aux champs.

Mais les euenemens contraires rompirent ses desseins: car en mesme temps le Marquis d'Ambre, commandant pour le Roy à vne leuee de six cens maistres, ne s'endormit nullement en ceste tant fauorable occasion de seruir sa MaieSté. Et ayant eu aduis que de

*Leuees pour le  
dit Duc.*

*Pratiques du  
Duc de Rohan  
& Marquis de  
la Force rōpues  
par les armes  
du Roy.*

1621.

la leuee de ses troupes, la plus-part estoient gés inexperts à la guerre & sâs armes que le Marquis de Malauze menoit au Duc de Rohan en Guyenne, se resolut avec les siens de fondre là dessus, iugeant assez que le nombre & la quantité des ennemis, ny la resolution dudit Marquis de Malauze, ne luy feroient point faire vne folle entreprise, ny vn elafche retraiçte sans effect, menant avec luy vne suite de braues cavaliers tous resolus de mourir ou de vaincre pour le seruice du Roy.

*Leuees des ennemis deffaites par le Marquis d'Ambre.*

Ledit sieur d'Ambre ayant sceu les endroits, les logemens & quartiers où estoient departies les dites troupes leuees entre Nerac & Bergerac, les surprend avec telle diligence, qu'il met tout cét equipage en desordre, & cause vne telle consternation parmy eux, que sans beaucoup de resistance, de deux milles hommes qu'ils estoient, la plus-part ayans esté deffaits, les plus habilles du reste se sauuerent à la fuite, les autres desarmez, implorerent misericorde, protestants ne iamais prendre, ny porter les armes contre le seruice du Roy. Pour les chefs, le Marquis de Malauze ne peut estre attrapé, plusieurs Capitaines demeurèrent prisonniers; & pour le bagage, c'estoit si peu de chose que les victorieux ne s'en voulurent charger.

*Mauuais equipage de plusieurs leuees.*

A la verité ceste leuee estoit en tres-mauuais ordre, & n'y auoit pas cinq cens homes



de resolution, on les menoit prendre des armes; & dans vne compagnie n'estoient pas vingt soldats armez & equippez, neantmoins ceste deffaiete diminue de beaucoup le courage du Duc de Rohan, & rendre les passages libres par la Guyenne, pour les troupes du Roy, qui alloient tousiours contraindre quelques places rebelles de se rendre à l'obeissance: de sorte que si maintenant iusques au siege de Montauban nous voulons faire la description de toutes les villes, places & forteresses de ceux de la Religion pretendue Reformee, reduictes à l'obeissance de sa Maiesté depuis son depart de Fontainebleau le vingtsieptiesme Aueil 1621. en diuerses Prouinces, & sous les charges & commandemens de diuers Princes, chefs de guerre & Capitaines de sadite Maiesté, nous en trouuerons iusques au nombre de cinquante sept, dont les vnes se sont volontairement reduites, les autres par force, & les autres par l'apprehension des armes du Roy.

*Places reduites  
à l'obeissance  
du Roy depuis  
le mois de May  
dernier iusques  
au siege de Mon-  
tauban.*

*Celles qui se sont volontairement reduites,  
sont,*

Saumur, en May, en Anjou.  
Loudun, en May, en Touraine.  
Touars, en May, en Anjou.  
Chastelleraud, en May, en Poictou.  
Fontenay le Comte, en May, en Poictou.  
S. Maixant, en May, en Poictou.  
Maillezay, en May, en Poictou.

*Celles qui se  
sont volontai-  
rement reduites.*

1627.

Niort, en May, en Poictou.  
 L'Isle Bouchard, en May, en Touraine.  
 Vitré, en May, en Bretagne.  
 Pont-Orson, en May, en basse Normandie.  
 Talmoud, en May, en Poictou.  
 Monheur, en Iuin, en Bordelois.  
 Sainte Foy, en Iuin, en Agenois.  
 Iarnac, en May, en Poictou.  
 Beauuoit sur mer en Poictou, en May.  
 Cadenac, en Iuillet, en Quercy.  
 Castillon, en Iuillet, en Guyenne.  
 Castelsjaloux, en Iuillet, en Guyenne.  
 La Garnache, en Poictou, en May.  
 Vezine, en May, en Anjou.  
 Tournon, en Iuillet, en Agenois.  
 Taillebourg, en Iuin, en Poictou.  
 Turene, en Iuin, en Lymosin.  
 Moissac, en Iuillet, en Armagnac.  
 Mont de Marsan, en Iuillet, en Albret.  
 Marvejole, en Iuillet, au Geboudan.  
 Mont flaquin, en Iuillet, en Guyenne.  
 Mucidan, en Iuillet, en Perigord.  
 Monsegut, en Iuillet, en Agenois.  
 Puymetrol, en Iuillet, en Agenois.  
 Lerac, en Iuillet, en Armagnac.  
 Loyol, en Iuillet, en Perigord.  
 Molcon, en May, en Poictou.  
 Morlaix, en Iuillet, en Guyenne.  
*Villes & places reduictes par force à l'obeyssance  
du Roy.*

*Autres rendues  
par force.*

Gergeau, en May, en Sologne par le Comte  
de S. Paul.

Sancerre, en May, en Berry, par monsieur le Prince de Condé, ses murs rasez.

Sully, en Iuillet, en Berry, par monsieur le Prince de Condé.

S. Iean d'Angely, en Iuin, en Xaintonge, par le Roy, ses murs rasez.

Pons, en Iuillet, en Xaintonge, par le Roy, ses murs rasez.

Nerac, en Iuillet, en Albret, par le Duc de Mayenne.

Caumont, en Iuillet, en Guyenne, par le Duc de Mayenne.

Clerac, en Aoust, en Agenois, par le Roy, ses murs rasez.

Mas de Verdun, en Iuillet, en Armagnac, par le Duc de Mayenne, ses murs rasez.

Mauuaisin, en Iuillet, en Armagnac, par le Duc de Mayenne, ses murs rasez.

L'Isle en Iourdan, en Iuillet, en Xaintonge, par le Duc de Mayenne, ses murs rasez.

Marguerite, en Iuillet, en Languedoc, par le Duc de Montmorency.

Albiac, en Aoust, en Agenois, par le Duc de Mayenne, ses murs rasez.

Vvals en Viuarets par le Duc de Montmorency.

Vvalons en Viuarets, par le Duc de Montmorency.

Ville neufue le Berg en Viuarets par le Duc de Montmorency.

*Villes & places reduictes par apprehension des armes du Roy.*



1621.  
Autres par  
crainte & ap-  
prehension.

Bergerac, en Iuillet, en Perigord, ses fortifi-  
cations abbatuë.

Tonneins, en Iuillet, en Agenois.

Milhaud, en Aoust, en Rouërgue.

Argenton, en May, en Berry.

Pont de Barbasté, en Iuillet, en Albret.

Marmande, en Iuillet, en Albret.

Toutes ces places sont de la conquëste du  
Roy en l'année 1621. iusques au siege de  
Montrauban seulement; sans y comprendre  
celles qui en l'année 1620. furent redui-  
tes à son obeyssance au nombre de onze,  
sçauoir.

Places reduites  
au Roy en l'an  
1620.

Leyctoure, en Guyenne.

Royan, en Xaintonge, en Septembre.

Ioffelin, en Bretagne.

Nauarrins en Bearn, en Octobre.

Pau en Bearn, en Octobre.

L'Eicar, en Bearn, en Octobre.

Oleron en Bearn, en Octobre.

Orthez en Bearn, en Octobre.

Sauueterre en Bearn, en Octobre.

Nayn en Bearn, en Octobre.

Marans, en Poictou, en Aoust.

De toutes lesquelles places il y en a au-  
cunes qui se reuolteront en l'absence du  
Roy, mais aussi quelques vnes se trouuer-  
ront rigoureusement chastiees par les ar-  
mes du Roy pour leur reuolte, comme nous  
dirons en leur lieu.

Venons maintenant au siege de Mon-  
trauban, ville de laquelle les rebelles sont

si grand estat, qu'ils l'estiment comme vne autre Rochelle pour la seurété des Eglises pretenduës de la haute Guyenne & du haut Languedoc.

Ceux de Mōraubā qui estoïent menacez de ce siege, il y auoit ia quelques mois, ne s'oublïerent pas de donner ordre à leurs affaires, ils auoient employé iusques aux femmes pour travailler aux nouuelles fortifications de leur ville, & ayans cōmuniq̃ué de leur seurété à l'assemblée generale de la Rochelle, & enuoyé sonder les sentimens du sieur de Chastillon à Aiguemortes, du consentement de ladiçte assemblée generale & de toutes les Eglises pretenduës du haut & bas Languedoc, fut dès le mois de Iuillet dernier arresté que ledit sieur de Chastillon seroit estably general du bas Languedoc pour y conduire les affaires & les armes des rebelles, & dez lors la Prouince luy donna vne compagnie de cheuaux legers, & vne autre de gens d'armes entretenus aux despens desdites Eglises, pour la garde & conseruation de sa personne, avec pouuoir de leuer & mettre sur pied toute & telle quantité de gens de guerre qu'il verroit estre necessaire pour la deffence du party.

Les rebelles faisoient cecy à deux fins.

L'vne pour arrester le cours des armes du Duc de Montmorency Gouverneur de la Propince que faisoient de beaux progresz

*Ceux de mon-  
tauban s'assu-  
rent sur l'adue-  
nement du siege.*

*Leur proie est sur  
la personne du  
sieur de Cha-  
stillon.*

1621.

sur les rebelles, & luy auoient desia deffait vne grande partie de ses troupes.

*J'ai fait très-mal ses affaires au bas Languedoc.*

*Est blasmé à Montpellier.*

*Confiance des rebelles de Montauban sur le secours du Duc de Rohan.*

L'autre, afin de pouuoir amuser ledit Duc de Montmorency à la campagne, & tenir le passage libre aux villes pretenduës, pour pouuoir au besoing conduire tout secours audit Montauban, & s'entretenir avec les rebelles de Guyenne contre les armes du Roy : mais il est battu à la campagne, les gens sont deslogés des places, & luy ledict sieur de Chastillon est contrainct de se tenir couuert dans les villes de Montpellier, Aiguemortes & Lunel, laissant ceux de Nismes en de grandes allarmes, se garder & deffendre ainsi qu'ils aduiferoient pour le mieux : & deslors l'on recogneut assez que ledit sieur de Chastillon se laisseroit bien tost d'estre chef des rebelles, puis que desia on luy donnoit le blasme de la perte des villes & des troupes que le Duc de Montmorency luy auoit enleuees, & que dans Montpellier on l'appelloit traistre & perfide au party, nous parlerons cy apres de la resolution qu'il prit.

Mais singulierement les rebelles de Montauban iettent toute leur confiance sur la personne du Duc de Rohan, chef general de tout le corps, au refus du Duc de Boüillon, auquel l'assemblee de la Rochelle auoit enuoyé offrir ceste charge; mais comme il est plus fin que ceux qui le vouloient obliger à ceste guerre, preuoyant le malheur qui



ralonnoit ceste partie confuse des rebelles, nes'y voulut ainsi laschement engager, s'excusant sur la pesanteur de son age & indisposition de sa personne, & s'arrestant à philosopher sur tous les actes de ceste tragedie en son Chasteau de Sedan; considerant la folie des vins & la temerité des autres qui ont voulu heurter l'autorité royale par leur reuolte, ne se repent pas de ne s'en estre meslé; ses magazins n'en ont esté vuidez, ses finances espuisées, ny sa personne proscripée, comme ceux qui ont follement accueilly les commissions de la Rochelle: c'est vn Renard qui ne sort pas ainsi à l'adventure, & ne quitte pas volontiers les portes de sa Citadelle, s'il ne sçait bien comment: il a souuentefois esprouué la tepidité du party, il a resenty quelquesfois les glaces du peu d'affection qu'ils luy portent, il sçait qu'ils ne se seruent guere de luy qu'aux occasions plus grandes, où le mal les presse, aussi ne leur veut-il pas tant de bien que la moindre apprehension qu'il auroit de ne retirer le succez, qu'il pourroit esperer du maniement de leurs affaires, ne luy fist negliger leur cause & toute autre pour demeurer neutre & rester seruiteur de tout le monde par escrit & de bouche: & tout tel qu'il est, il ne voudroit pas dependre de gens de si petite estoffe, comme ceux qui parmy eux disposent aujourdhuy des charges & des armes.

*Le Duc de  
Bouillon ne  
veut estre me-  
ssé en la partie  
& refuse la  
qualité de Ge-  
neral.*

1621.

*Qui est acceptee  
par le Duc de  
Rohan.*

*Resolution du  
vieil Marquis  
de la Force.*

*Noblesse en pe-  
tit nombre au  
party des rebel-  
les.*

De maniere donc que le Duc de Ro-  
han ne s'estant proposé ces choses deuant  
les yeux, accepte librement la charge de  
chef general & conducteur des armées des  
rebelles, particulièrement en Guyenne,  
où les affaires suivent vn autre mouvement  
que celuy de la Rochelle, quoy que le tout  
s'approuue & se confirme par ladite assem-  
blee : & sur l'ambition passionnee de ce  
Seigneur, Montauban se resout fierement  
en l'attente du siege : & luy s'assurant en  
l'opiniastreté de ceste place & sur la parol-  
le que luy auoit donnee le vieil Marquis de  
la Force de s'enfermer là dedans, pour en-  
tretenir les rebelles en la bonne opinion  
de leur deffence, & que d'ailleurs il se pro-  
mettoit que la place estoit capable d'arres-  
ter longuement vne armee royale, presu-  
me de tenir la campagne, & sur ceste as-  
seurance, agissant sous les commissions de  
la Rochelle & les siennes, leue force trouppes  
en Seuenes, Albigeois, & Roüergue.

Mais le pis est, qu'il se trouue mal assi-  
sté de Noblesse, & qu'il y a peu de grands  
Seigneurs de la Religion pretendue en  
France, qui arment comme luy en faueur  
des rebelles.

Veritablement la Noblesse du party est en  
fort petit nombre, & si peu qu'il leur en reste  
pour zelez qu'ils semblent estre en la cause,  
n'osent pour la pluspart prendre les armes  
contre le seruice du Roy, se contentans de la

liberté de conscience si ample qu'on leur a accordée; laquelle ils ne voudroient pas hazarder, & avec elle leurs fortunes, leur vie & leur honneur.

Qu'ils se souviennent que la pluspart de ceux qui en toutes façons sont les plus grâds du corps (tesmoins sont les Ducs de la Trimoüille, de Boüillon, de l'Esduiguières, de Sully, les sieurs de Montgomery, de Boisse Pardillan, & autres qui se sont rangez à leur deuoir) & entre les mains desquels sont les Gouuernemens & places de consequence, sont si attachez à leur Prince, qu'il n'y a consideration aucune qui les en puisse desvnir: ils sçauent trop bien que toute leur grandeur & autorité n'est qu'un esclat lumineux qui leur est influé par le Roy, leur Soleil, duquels'ils se separent tant soit peu, ils ne seront qu'autant de corps obscurs & opaques abandonnez aux tenebres de la defaveur & disgrâce.

Que s'ils s'en trouue quelques vns de si mal aduisez, qui pour des considerations mal digerées veulent faire courir ce hazard à eux & à leur posterité, comme ceux qui suivent les armées du Duc de Rohan, & qui sont enfermez dans la Rochelle & Môtoubá, ils sont en si petit nôbre, que le party n'a guere subiect d'en faire mise ny recepte. Outre ce, encore faut il penser qu'il y en a encore en ce petit nôbre, qui peuuét estre aisemét tirez au seruice de celuy à qui ils le doiuent: & y a force



*Noblesse enfer-  
mee dans Mon-  
tauban en mau-  
vais mesnage  
avec les habitans*

*Comte d'Orual  
Gouverneur à  
Montauban.*

apparence que s'ils viennent à tourner caza-  
que, ils traineront avec eux quelque bonne  
place & quelque troupe de soldats, qui af-  
foibliront d'autant plus les rebelles: ce que  
quand il n'arriueroit pas, si est-ce que la  
crainte que lesdits rebelles en ont, forme  
parmy eux vn noir brouillard de mesfiance,  
qui leur donne plus d'ennuy que de confort.  
C'est ce qui est arriué durant les allarmes du  
siege en ceste ville de Montauban. Car en-  
core que les Seigneurs & les Nobles qui se  
sont enfermez là dedans fussent des plus fi-  
delles au party, & que les habitans creussent  
viure avec eux en grande confiance, neant-  
moins il est arriué que toute ceste Noblesse  
n'a voulu dependre de certains coquineaux  
de Ministres, ou de ces nouueaux Conseil-  
lers d'Estat, nouuellement creés par le peu-  
ple, qui gouernent tout là dedans, & qui  
engagent les plus pacifiques aux reuol-  
tes pour s'entretenir en credit & reputa-  
tion.

Car contre le naturel de ces libertins de  
Montauban, si tost qu'ils ont donné l'en-  
tree de leur ville au Marquis de la Force &  
au Comte d'Orual, comme il se dira incon-  
tinent; qu'ils ont receu l'un pour Gouver-  
neur, & l'autre pour Capitaine & condu-  
cteur de gens de guerre, & que contre leur  
humeur, qui est extremement desfiante &  
ambitieuse, ils leur ont donné toute autho-  
rité en leur ville & en leurs assemblees poli-

tiques par dessus leurs Maires, Escheuins & Consuls, & qu'ils leur ont mis les forces & les finances entre les mains, il ne se peut dire quelles insolences il a fallu que ce peuple ait souffert de ces chefs, lors que pour entretenir les troupes estrangeres que ils y ont faict entrer pour s'y rendre & entretenir absolus, opprimer la liberté des habitans, ils les ont contraint de trouuer de l'argent quand il auroit esté caché iusques au plus profond de leurs entrailles: & alors ils ont commencé d'esprouuer qu'au lieu d'un Roy, auquel ils ont refusé d'obeyr, & d'un maistre duquel ils ont negligé les commandemens, ils ont appelé & attiré autant de tyrans sur leurs testes qu'il y a de Nobles, de chefs qui les commandent & gourmandent.

D'où est arriuee vne si prodigieuse diuision en ceste place sur l'apprehension de ce siege, que si la garnison que le Duc de Rohan & le Marquis de la Force y ont faict entrer, n'eust esté puissante pour retenir le peuple sous la loy des rebelles qui l'auoit accueillie, il y auoit la dedans vne grande desolation à craindre.

La meilleure & plus saine partie des bourgeois fuit & deteste la guerre, comme la ruine certaine de leurs familles: aussi certes n'y a-il point de raison que ceux qui iouissent à leur aise du reuenu de leurs mestaires, du profit de leurs traffes, &

*Habitans de  
Montauban es-  
claués au mi-  
lien des soldats  
estrangers.*

*Bourgeois enne-  
mis de la guerre*

1621.

du gain de leur industrie, sans autre necessité que pour s'accommoder aux humeurs broüillonnées de fort peu de sedition, vueillent exposer leurs vies & fortunes aux perils euidens d'une guerre injustement loustenuë, & qui ne peut auoir pour les rebelles qu'une tres-funeste issue: & quand il leur faudra tirer, de ceste sorte de personnes, quelque poignée de ieunes euentez, lesquels faute d'experience, pensent que c'est la mesme chose estre en faction, ou estre dans vn jeu de paulme, il est a croire que ces Oysons embastonnez, si tost qu'ils se verroient affrontez à des soldats aguerris & nourris aux exercices tourneroiët facilement le doz, & capables seulement d'estre battus, ne feront pas tant de resistance que leurs femmes qui monstrent auoir plus de courage aux effects que route ceste canaille d'habitans: aussi aux premieres charges qui se sont faictes là deuant, où ceste eslite de ieunes barbes de Montauban jetterent leurs premieres boutades, ils donnerët assez à cognoistre qu'ils n'auoiët pas accoustumé d'aller à la guerre, & furent dès lors les factions despenduës à telles gens, les seules garnisons estrangeres entreprenans le loustien & la deffence du siege.

*Les habitants de Montauban se deffendirent du siege si laschement quel'on escriuoit que la place estoit bonne, mais que ceux de dedans ne scauoient pas aller à la guerre*

Il y a ja longues annees que les guerres de la Religion sont esteintes, & que la France iouyt d'une profonde paix, presque tous les vieux soldats & Capitaines, des villes &



vieilles bandes huguenottes sont morts, tellement qu'à peine en trouue-on aujourd'huy vne vingtaine aux plus importantes places qui ayent iamais veu desmesler vn combat par vne bataille opiniaftree, ou forcer vne forte ville par vn siege hostilement pourfuiuy: & ceux qui restent sont si chargez d'annees, qu'ils sont maintenant inutiles aux armes & aux executions. Il a donc fallu mandier des soldats incogneuz pour garder ceste place & y estans introduits par leurs chefs, en dissimuler les insolences & souffrir avec eux toutes les miseres qui seront cy-apres descrites en ce siege, & depuis.

*Gens de la Religion depourueus de soldats experimentez.*

Le Duc de Sully qui auoit eu accez avec lesdits rebelles de Montauban, & auoit interest que ceste place ne se ruinaft par sa rebellion en l'indignation de sa Maiesté, pour ce que là dedans estoit enfermé son fils le Comte d'Orual, & que là mesme, comme on auoit opinion, estoient la pluspart de ses thresors, ne voulut nullement attendre la saison du siege pour rechercher son salut en la cleméce du Roy, il quitte la place, se charge des prieres du peuple moins rebelle, pour par supplications tres-humbles destourner de dessus ceste ville le cours des armes de sa Maiesté: il va trouuer le Roy à Agen apres la reduction de Clerac, se jette à ses pieds, conjure sa Maiesté le receuoir à l'obeyssance, & luy pardonner si elle se trouue indignee de ce qu'il a hanté & frequenté

*Duc de Sully  
sort de Montauban.*

*va trouuer le  
Roy à Agen.*

1621.

*Rend compte à  
sa Maesté de ce  
qu'il a fait à  
Montauban.*

en ceste ville rebelle, que l'esprit de reuolte  
ne luy a point porté: au contraire si le peu-  
ple mutin se fust rendu susceptible de con-  
seil; celuy qu'il leur auoit inspiré n'estoit que  
pour le bien du seruice du Roy, & repos  
particulier de leurs familles, qu'il leur auoit  
donné de viues apprehensions de ses armes,  
mais plus de la diuine vengeance qui tombe-  
roit sur leurs testes, qu'il leur vouloit faire  
concevoir si bonne esperance de la miseri-  
corde du Roy, qu'en cas de prompt obeys-  
sance, il se promettoit leur faire recueillir  
les fruiets de sa naturelle bonté, que pour  
luy il y employeroit tout ce que Dieu luy a-  
uoit donné de forces & d'amour pour pre-  
uenir les malheurs qui suiuent d'ordinaire  
les reuoltes des subiets; qu'il n'y auoit point  
de guarand à la Rochelle pour eux, que le  
Duc de Rohan son gendre, ne seroit pas  
moins empesché pour acquerir sa paix au-  
pres du Roy, qu'eux mesmes le pourroient  
estre vn iour pour obtenir le pardõ de leurs  
crimes vers sa Maieité, qu'il n'y auoit voye  
plus seure pour retrouver leur aise & le re-  
pos de leur Republique que celle de l'obeis-  
sance, de laquelle le subiet ne se peut dispen-  
ser, sans encourir le tiltre de rebelle, & par-  
tant indigne de toute espee de grace & fa-  
ueur; que c'est vne felonnie & vne ingrati-  
tude capable de dernier supplice de refuser  
au Roy le debuoir qu'on luy doit par droit  
de subiection, que puis qu'il a resolu & suf-  
flamment

fiffamment declaré qu'il ne veut toucher la  
 liberté des consciences, ny le point de la  
 Religion, laquelle il permet subsister sous  
 le benefice des Edicts, & qu'il ne se veut vā-  
 ger que de la rebellion des subiects, que  
 les effects de cecy auoient paru à Saumur  
 & autres places de Poictou, Xaintonge &  
 Guyenne, où il ne s'est fait aucun change-  
 ment au fait de la Religion, par leur re-  
 duction à l'obeissance, & partant, qu'en  
 cas de resolution semblable, ils deuoient  
 esperer pareil euenement : ainsi le Duc de  
 Sully rend compte à sa Maiesté de sa ne-  
 gotiation avec les rebelles de Montauban :  
 en telle sorte que le Roy ayant eu agrea-  
 ble ce service, estoit tout porté à la paix, &  
 eust benignement pardonné les insolenc-  
 es passées commises en cette place, si lors  
 que ledit Duc de Sully y retourna par  
 commandement de sa Maiesté, eux & le  
 Marquis de la Force se fussent resolu  
 d'obeir : mais quoy? l'esprit d'estourdisse-  
 ment les ayant saisis, il ne se trouua plus  
 parmy eux aucun qui eust le respect de  
 l'autorité Royale empreint & gravé sur  
 le cœur : la rebellion auoit gaigné le des-  
 fus de la raison, ils veulent manger de la  
 guerre, croient que le Duc de Rohan &  
 le secours imaginaire du bas Languedoc,  
 fussent pour les garantir de mal : pro-  
 noncent parolles insolentes contre l'hon-  
 neur du Duc de Sully, qu'ils appellent

*Rebellion rend  
 ceux de Mon-  
 tauban insen-  
 sibles à toutes  
 sorte de bons  
 aduiss.*



1621.

*Comte d'Orual  
mal mesprise les  
remonstrances  
de son Pere.*

traistre & infidelle au party, ferment l'oreille à ses bons aduis. Le Marquis de la Force, qui recherchoit son salut en la rebellion de cette ville, se rend insensible à toute sorte de considerations honestes, mesmes le Comte d'Orual mesprisant les commandemens & prieres de son Pere, proteste de mourir là dedans, sans se laisser emporter à d'autres sentimens: ce que voyât ledit Duc de Sully, est contraint de les quitter & les abandonner à leurs propres conseils, ressentant de grandes amertumes de cœur de voir ce mauuais peuple mais plus son propre enfant, si auant engagez en la defaveur du Roy par vne si prodigieuse reuolte.

*Lettre du Duc  
de Sully aux  
rebelles de  
Montauban.*

Il sort de Montauban & porte la resolution des rebelles à sa Maiesté, & entre dix milles sortes d'ennuis qu'il endure pour la rebellion de cette place & desobeissance de son fils, il leur escrit encore vne lettre commitoire pour essayer à les ramener au deuoir, croyant que les approches du camp & les preparatifs du siege, les pourroit porter à quelque resolution meilleure. Par cette lettre, il leur represente l'indignation de sa Maiesté, la misere d'un siege qui sera opiniastre iusques à l'extremité, l'affection incroyable de tous les Chefs de l'armée, iusques au moindre soldat, à bié seruir le Roy en cette occasion, les desolations futures qu'ils doiuent apprehender en vne saison

fi calamiteuse pour eux, puis concludant il leur dit.

1621.

Ouvrez donc les yeux, Messieurs, mais principalement vous qui estes engagez en ces funestes entreprises, desaduoiiez franchement ces ames perduës, qui monstrent bien par effect que plus elles font les zeles en la Religion, moins brulent elles de son ardeur: ce sont ces Zelotes qui causerent la ruine du Temple de Hiernsalem par leurs excez pleins de violence. Nous disons cecy touchez de douleur pour vous & d'apprehension pour nous, car qui ne void qu'il n'y aura plus d'oresnanant que meurtre & frayeur en nostre corps par nostre propre folie? Iettez les yeux sur toute l'Europe & vous la verrez resonir du benefice d'une fleurissante paix, excepté aux lieux où nos fureurs ont ietté le flambeau de la guerre. Mirez vous y Messieurs, & par vostre prudence & iugement, si quelque peu il vous en reste, mettez ordre aux impudences de ceux qui ne se contentans de vous perdre, vont enueloppans tout le corps de la Religion pretenduë Reformee en une commune ruine: C'est tout ce que i'ay à vous représenter pour le dernier aduis que ie vous donne sur une affaire de si grande consequence: osant esperer que si vous pesez bien tous ces points & raisons avec celles que l'experience vous pourra encore fournir, vous tiendrez mes Conseils en quelque prix, puis qu'ils ne partent que d'une ame toute portee à vostre bien & repos de vostre ville.

1621.

*Travail dudit  
Duc inutile  
pour ramener  
les rebelles au  
devoir.*

De peu de chose seruirent au Duc de Sully tant de peines prises & tât de lettres escrites à des gens, auxquels la raison ne peut deffiller les yeux, au milieu de leur auuglement. C'est perdre temps de prescher l'obeïssance à vn peuple qui se nourrit en son mal, & qui n'a haleine ny esprit que pour porter sa rebellion aux extremes, qui croit avec les tours & bastions de leur ville donner loy à toute la Prouince & n'en receuoir aucune autre que celle qu'ils se donnent, & qu'ils font autoriser par le caractère du faux seau de la Rochelle : car les roüies & les cercles diuers de cette venerable assemblée qui s'y tient, donnent ieu & mouuement aux ressorts des Prouinces pour y sonner les allarmes, prescrire les temps & les formes d'agir, entreprendre & resoudre toutes sortes d'affaires, actions & menées des Agens & factieux aux termes d'une generale reuolte qu'ils voudroient desia voir eleuée par toute la circonference du corps, s'ils n'y estoient contredits par la resolution des plus sages de ladite Religion arrestez au deuoir de l'obeïssance.

En fin puis que c'est sur le courage & les forces du Duc de Rohan que nos rebelles de Montauban mettent leur assurance, & resoudent de se bien deffendre sur la parole qu'il leur a donnée de ne manquer à leur secours, ledit sieur Duc de Sully, croyant aduancer quelque chose sur l'esprit de ce Sei-



gneur, qui est son gendre, luy escriit cette lettre le 12. Aoust.

1621.

*Lettre du Duc  
de Sully au Duc  
de Rohan.*

Monsieur, Vous ne devez nullement douter que nostre estroite alliance & la consideration d'une mesme Religion, ne me donnent de cuisans ressentimens pour tous vos interests & de ceux qui sont enfermez dans Montauban, aussi desirerois-je par l'abregement de mes iours pouvoir abreger les miseres, auxquelles tóberez tous faute de preuoyance, & cognoissance de vous mesmes, de la foiblesse & qualité de vos forces & puissances, & de celles qui infailliblement tóberont sur vos bras: Il n'y a rien si doux ny de si loüable que de souhaiter des conditions aduantageuses & honorables: mais il arriue souvent qu'en disproportionnans le desir dás l'estat des affaires presentes, l'on se glisse dans des accidans vuides de tous remedes. Je ne scay pas bien en quel estat vous estes, quelles sont vos forces, ny vos esperances, mais ie crains infiniment que ne prenás pas mieux vos mesures que par le passé, & ne voyans plus clair dás les raisons de ceux qui vous veulent ietter aux extremitez sous couleur de quelque assistance, que vous ne rencontriez en tout cela plus de vanité que de certitude, sans laquelle vous ne devez rien deliberer.

Quant à ceux de Montauban, ils remettent sur vous toutes resolutions à prendre, & n'oseroient determiner, si cela vous

1621.

doit estre aduantageux ou non : mais bien vous diray-ie qu'ils seront attaquez si rudement & puissamment, & voy en ceste armée iusques aux plus chetifs soldats marcher en ce dessein avec tel courage, & d'ailleurs les assiegez en si mauuaise intelligence, si mal conduits & disciplinez, leurs fortifications si imparfaites & les soldats se deffendans avec telle lascheté & timidité qu'il n'y a pas aparâce qu'ils puissent longuement resister, voire à leur cōtenance il sēbie qu'ils ayent faute de plusieurs choses, ou qu'ils attendent plus de secours d'enhaut, ou de vous que de leurs propres armes & courages: leurs insolances neantmoins s'augmentent au milieu de leurs foiblelles & de leurs perils, & semble qu'ils essayent d'irriter contre eux le Ciel & la terre. Quelque offense que i'aye receu d'eux par leurs iniures indiscrettes en procurant leur conseruation, ie ne me suis toutesfois voulu engager à rien cōtre eux; mais s'ils ne m'v sent de plus de differance & de ciuilité, ils me feront passer par dessus tous les respects & considerations dās lesquelles mes plus proches m'ont retenu iusques à présent.

Pour vostre regard si vous n'estes grandement fort, ie ne voy pas qu'il y ait apparence que vous les puissiez suffisammēt secourir & crains qu'en l'essayant vous ne rencontriez vne deffaveur de la fortune, laquelle arriuāt il n'y a plus rien de certain à esperer,

& pour cette raison ay estimé vous deuoir escrire la presente & vous enuoyer ce porteur, afin que vous rememorant ce que ie vous ay cy-deuant dit & escrit, vous ne vous laissiez pas tant aller à la cholere & au despit que mesprisiez la prudence requise & les aduis de vos plus proches, & ne vous confiez pas tât aux promesses des peuples que vous ne recognoissiez combien ils sont insolens en prosperité, abbatus en aduersité, lasches & desloyaux enuers ceux qui hazardent leurs vies pour les secourir.

Considerez donc ce que vous pouuez & ce qu'ils peuuent, afin de ne perdre pas l'occasion de vous exempter de ruyne & de desolation entiere, pour ne vouloir pas suporter quelques mediocres incommoditez. Sur toutes lesquelles choses atédant vostre resolution, pour selon icelle vous seruir de moy ou m'exempter de blafme & ne lauer les mains de ce qui en ariuera, ie prieray Dieu vous conseruer &c.

Cette lettre fut écrite au Duc de Rohan lors que ja la ville de Montauban estoit assiegée par l'armée du Roy, mais pour ce que le long de ce siege il ne se parlera guere du Duc de Sully, lequel abandonna les rebelles & qu'il ne tint pas à luy qu'ils ne s'exemptassent de la peine qu'ils ont soufferte du depuis, j'ay bien voulu terminer toute le trauail qu'il employa pour



1641.

*Maigre respon-  
se du Duc de  
Rohan au Duc  
de Sully.*

ramener les ennemis à leur deuoir, par cette lettre, à laquelle le Duc de Rohan fit vne maigre responce.

Or l'impudence ne croist pas seulement entre les rebelles de cette ville de Montauban, à la Rochelle & ailleurs : mais aussi veut se faire recognoistre en mesme temps dans la ville de Saumur: où ceux de la Religion pretendue Réformée, creuans de despit de se voir descheus du pouuoir absolu, qu'ils auoient autrefois sur les Catholiques, allerent forgeans en leur esprit vn grand nombre de plaintes qu'ils enuoyerent au Roy, par lesquelles blasmans les Catholiques, erioient que l'on les persécutoit là dedans, que l'on les troubloit en l'exercice de leur Religion, qu'on les menaçoit d'attenter à la feureté de leurs personnes, que l'on y violoit visiblement les Edicts de pacification, & que cõtre la volonté de sa Majesté, on chargeoit leurs familles de quantité de soldats, de charges & factions à la descharge des Catholiques, supplians sa Maieité leur faire rendre Iustice.

*Catholiques de  
Saumur depu-  
tent en Cour.*

Ce qu'ayans appris les habitans Catholiques de Saumur, que sans auoir donné aucune occasion de plainte ausdits de Religio, on les alloit accuser de persécution & d'infraction de leur part aux Edicts de pacification, en presence de sa Maieité s'assemblent en corps avec le sieur d'Ecquebõne Lieutenant du Cõte de Sault Gouverneur de Saumur,

& suyuant les aduis resolurent de deputer en cour pour se iustifier contre les impostures & calomnies de leurs ennemis, & au contraire de ce qu'ils alleguent contre les Catholiques qui ne sont point auteurs de reuolte ny de trouble, représenter au Roy les torts & la violence que lesdits Catholiques de Saumur ont receuz par ceux de ladite religion, avec les actions & paroles impudentes qu'ils ont faictes & proférées depuis l'ordre qu'il a pleu à sa Maiesté establir parmy eux en son dernier voyage à Saumur. Celuy qu'ils deputerent de leur corps vers sa Maiesté fut chargé de luy donner cette lettre, par laquelle ils parlent ainsi au Roy.

SIRE, les habitans Catholiques de vostre ville de Saumur ont creu estre de leur deuoir d'enuoyer l'un d'eux vers vostre Maiesté pour se purger des plaintes calomnieuses que ceux de la religion prétenduë leur ont imposé, afin d'artificieusement entretenir leurs diuisions ordinaires & s'asseurent qu'apres les auoir entendus en leurs iustifications & sceu le deuoir auquel ils se sont tousiours contenus, tant en ce qui concerne vostre seruice que l'exécution de vos Edicts, il y aura lieu de iuger que les desseins de ceux de la religion prétenduë ne sont autres que de partager vostre Royaume & nous tenir en pareille captiuité qu'ils ont faict depuis 30. & 2. ans en ça au libre exer-

*Leur lettre es-  
crite au Roy  
contre lesdits de  
la Religion.*

cice que nous deuons auoir de nostre Religion. Or ce suiet ouurant sa porte à nos iustes plainctes, vostre Maiesté est tres-humblement suppliee de permettre ces articles vous en estre presentez pour y donner l'ordre que iugerez y estre requis: ce sont les vœux de ceux qui en effect & verité se diront pour iamais, SIRE.

*Les plus humbles & obeissans seruiteurs & sujets de vostre Maiesté,*

Les habitans Catholiques de Saumur.

*De Saumur ce 4. Aoust 1621.*

Auec la lettre cy dessus ils enuoyerent aussi les articles suyuant à sa Maiesté par lesquels ils exagerēt l'impudēce desdits de la Religion de Saumur & les opressiōs que les Catholiques y ont souffertes durant le temps de leur domination.

*Articles presentez au Roy. par les Catholiques de Saumur.*

1 Qu'il plaise à sa M. considerer qu'ils ont esté 32. ans commandez par ceux de la Religion pretenduë reformee.

2 Qu'à l'instant du commandement ils furent tous desarmez & visitez dās leurs maisons vne fois par chacun mois ou peu s'en est fallu, & leurs armes portees au Chasteau, qui y sont encores à present.

3 Que pendant les troubles les Catholiques ont eu les soldats en leurs maisons, & ceux de la Religion pretenduë exempts.

4 Que du depuis il ne leur a esté loisible d'auoir aucunes armes, sinon qu'en l'an 1615. qu'ils furent cōmandez par vostre Maiesté de s'armer.



5 Qu'en l'exercice de leur religion ils ont esté perpetuellement trauersez, soit par la closture des portes, ou pour auoir craché sur le poeſle, au deſſous duquel on portoit processionnellement le corps de Ieſus-Chriſt.

6 Que le meſme s'est fait le iour de Paſques dernier ſur les Preſtres & ſur les corps des morts quel'on portoit en terre.

7 Que les habitas Catholiques ont eſté bat- tus à coups de baſtō aux places publiques & les autres empriſōnez au lieu le plus obſcur & infect du Chasteau, ſans vouloir per- mettre qu'il leur fuſt baillée nourriture, bié qu'il n'y euſt ſuiet de les retenir.

8 Que pluſieurs de la Religio ont dit main- tes paroles abhominables, tant cōtre la Re- ligion Catholique que cōtre voſtre M. qui tendoiet à la ruyne del'Eſtat, dōt y a eu pro- cez verbaux, informations & autres actes.

9 Qu'és iours deſſendus de māger viandes, ils en ont porté de roſties par les ruës en de- riſion de la Religion Catholique, & en ont expoſé publiquement.

10 Qu'ils ont forcé les priſons & violenté les Iuges en leurs perſonnes, lors qu'ils ſe ſont mis en deuoir de rendre la Juſtice.

11 Qu'ils ont menacé les Iuges de les faire promener ſur vn Afne par la ville, le viſage vers la queue & leur bailler le chaperō verd s'ils empeſchoient leur deſſein & volonté.

12 Qu'ils ſe ſont vantez mettre le feu en la ville, s'ils n'y eſtoient les maîtres.

- 13 Que les rebelles à vostre Maiesté & qui sont sortis de S. Iean, se sont refugiez à Saumur, où ils portent les armes, se disans de l'ancienne garnison.
- 14 Que l'ancienne garnison huguenote qui se deuoit entretenir à la Forest sur Seure, s'est cantonnée à Saumur & y est armée.
- 15 Que la pluspart de ceux de la Religion pretenduë, qui estoient aux faux-bourgs se s'ont retirez en la ville pour se ioindre avec les autres.
- 16 Que plusieurs de la Religio pretenduë disent qu'ils auront leur ville de Saumur, disans qu'elle leur appartient.
- 17 Qu'ils se sont fait aduoüer, à fin de s'exempter des tailles à la foule des Catholiques, bien qu'ils facent la marchandise.
- 18 Que pour monstrier qu'ils sont mal affectionnez au seruice de vostre Maiesté, ils ont refusé de faire la garde, ainsi que les Catholiques.
- 19 Qu'il s'est trouué grande quantité d'armes en leurs maisons, voire iusques à soixante & quinze mousquets en vne seule, tous chargés & prests à tirer.
- 20 Qu'ils ont demandé delay de bailler leur declaration, qui est en effect mettre en deliberation s'ils se doiuent rendre seruiteurs de vostre Maiesté.
- 21 Que vostre Procureur au siege a esté contraint les faire saisir faute d'obeir.

22. Quela plus part de ceux de la Religio pretenduë ont leurs enfans dans Montauban & la Rochelle, mesme y en a aucuns Officiers du Roy.

Aussi pour représenter la iuste cause de leur deputation vers le Roy & luy faire cognoistre l'artifice de leurs ennemis, ils adresserent ce mot à Monsieur de Seaux Secrétaire d'Estat, auquel ils font presenter lesdits articles cy dessus, pour en informer le roy & son Conseil.

Monseigneur, les artifices de ceux de la Religion pretenduë reformee ayans donné lieu à quelques plaintes par eux faictes contre les Catholiques de Saumur, il a esté iugé à propos de vous en escrire, pour vous faire trel-humble priere de n'y point adiouter foy, que les iustificacions n'ayent esté entendues: Ce qu'estant, l'on cognoistra que la procedure en est autant calomnieuse que supposee, n'estant controuuee que pour taïcher de couvrir ce qui se fait par ceux de ladicte Religion pretenduë contre le service & autorité du Roy, ainsi qu'il vous apparoiſtra par les articles que portent les Deputez, lesquels nous nous asseurons que verrez d'un bon œil, comme l'un des principaux protecteurs de l'Estat & Couronne de France: l'assurance que les habitans Catholiques ont de vostre bien-vueillâce en ce subiet, les fait avoir recours aux prieres, puis aux protestations de de-

*Lettre des Catholiques de Saumur, escripte à Monsieur de Seaux Secrétaire d'Estat*



1621.

meurer à tout iamais,  
MONSEIGNEVR,

*Vostre tres-humbles & tres obeissans seruiteurs  
les habitans Catholiques de Saumur.*

Le Roy qui s'en alloit au siege de Montauban ayant ouy les plaintes des Catholiques de Saumur, enioinct à tous les habitans de la ville tant de l'une que de l'autre religion d'obeir au Comte de Sault leur Gouverneur, & ce pendant promettoit donner tout cõtêtement ausdits Catholiques & maintenir la seureté & le repos de leur ville.

*Dessain de ceux  
de la Religion à  
Saumur.*

Tout le dessain desdits de la religion pretenduë à Saumur qui se plaignoient ainsi les premiers, n'estoit que pour exciter quelque sedition à la ville, y mettre la diuision, & le desordre & donner quelque diuertissement au Roy sur sa resolution du voyage de Montauban, ce qui ne peut toutesfois reussir au desir & souhait des Rebelles qui eurent maigre responce de sa M. preoccupee aux proiets des sieges qu'elle alloit commencer.

*Montauban  
ville des plus  
fortes de France.*

Et pour retourner à celuy de Montauban; faut scauoir qu'être toutes les villes les plus fortes & les plus capables de grande resistance qui soient en France, on compte entre les premieres celle de Montauban, sans auoir la mer qui luy serue de rempart de quelque costé que ce soit pour la fermer ou pour luy bailler passage en cas de secours ou raultaillement.

Elle est edifiee sur le penchant d'une haute colline qui decouvre de loing tout ce qui la peut aborder: au bas de cette colline est construit vn pont de grande estendue sous lequel passa la riniere du Tar, qui luy amene de grandes commoditez pour entretenir les habitans qui sont gens aguerris tant pour le naturel de la nation, que pour le long vsage & praique ordinaire des armes qu'ils ont manies depuis vn long tēps, & principalement depuis les premiers troubles iusques à present.

La riniere qui laue le bord de ses murailles luy est vne grande deffence, comme aussi cet ancien Chasteau, qui est du costé de Tholouse, au lieu où elle est la plus eminente.

Elle a pour la commodité du public vne belle & bonne fontaine qu'ils appellent Griffon, laquelle fournit aux habitans toute la quantité d'eau qui leur est necessaire.

Comme cette ville ne portoit encore que la nom de Chasteau, le Pape Iean vingt & deuxiesme natif de Cahors en Quercy, l'erigea en Euesché, en faueur de ce qu'il estoit du pais: mais par succession de temps & d'annees elle s'est de beaucoup accreüe & peuplee.

Sa situation est à la verité fort commode pour estre sur le grand chemin de Tholouse à Limoge & à Paris, soit par l'aissance du

*Quand elle fut  
erigee en Euesché.*

1621.

trafic de toute sorte de marchandises, par le moyen de la riuere.

*Habitans d'icelle de tout temps factieux.*

Les habitans de dedans ont tousiours esté remuans & factieux; & autant de fois qu'elle a esté batuë, elle s'est tousiours opiniastree à la deffence.

*Sieges mis iadis deuant icelle.*

Sous le regne de Charles 7. elle eust esté demantelee & prise sans ce qu'Estienne de Vignoles, dit de la Hyre, & Poton de Xaintrailles Capitaines Gascons, des plus vaillans de leur aage, y moururent, ce qui fit perdre le courage aux soldats qui estoient deuant.

*Demantelee sous Charles 9.*

Cete ville a tousiours esté insoléte pl<sup>r</sup> pour ses fortresses que pour ses richesses: Elle fut neantmoins despouillée de ses murailles abbatues par les Catholiques lorsque le Roy Charles neufiesme fit le voyage de Bayonne; toutes fois quelque temps apres elles furent releuees par ceux qui vouloient estre à eux seuls, & ne tenir de personne.

*Quand occupee par ceux de la Religion.*

Ceux de la Religion pretenduë reformee s'en inuestirent és années 1562. & 1563. & la remplirent de toute sorte de gens determinez pour l'entretien de leur rebellion.

Elle fut assiegee par trois fois, à quoy elle résista pour lors; mais sans quelques nouvelles affaires qui surindrent au royaume & qui estoient de plus grande consequence à l'Estat que n'estoit la prise, elle eust seruy de trophée à la valeur du Marechal de Montluc.

Comme



Comme elle a tousiours ayme la Rebellion, aussi de tout temps a elle accueilly chez soy les Rebelles & les assembléees des factieux.

Tout de fraische memoire en l'annee 1615 sur le suiet du mariage du Roy ceux de la religion pretenduë furent cōuoquez audit Montauban pour y tenir vne assemblee artificieuse pour y seduire les plus simples par plusieurs vaines & faulses impressions, leur persuadans qu'en ce temps ils estoient en danger de souffrir persecution si promptement ils ne prenoient les armes avec eux, pour se garentir.

Le Roy qui deslors voulut preuenir cette Rebellion y enuoya aussi tost M. de Vic, à present garde des Sceaux de France, pour scauoir d'eux à quoy tendoient toutes ces assemblees : vn impudent d'entre eux plus hardy & plus temeraire que les autres, se leua & dit hautement audit sieur de Vic, qu'elles tendoient à la guerre. Luy oyant cete arrogante & impudente responce, repartit seulement, *Messieurs, si vous commandez la guerre le Roy l'achenera* : & ne pouuant d'auantage supporter l'insolence de ces mutins, lesquels il voyoit tendre directemēt à vne pure rebellion, quita cete illicite assemblee, & partit aussi tost de Montauban pour en faire son raport au Roy.

Non seulement cete place sert de seance aux assemblees factieuses, & y reçoit fauora-

1621.

*Amatrice de  
Rebellion.*

*Son insolence  
en l'an 1615.*

*Responce notable  
que leur fit  
M. de Vic.*

1621.

*Elle ravage ses  
voisins en tēps  
de trouble.*

*Tholouse a in-  
terest à sa re-  
duction.*

*Louable affe-  
ction des Tho-  
lousains envers  
leur Roy.*

*Roy Nicolas Gil-  
le & Bellefo-  
rest sur sceluy,  
au regne de lea.*

blemaēt les factieux rebelles, mais encore en temps de trouble & de guerre donne de grādes allarmes aux villes voisines, & tient tout le pais en crainte par l'insolence & les courses des picoueurs qui y font leur retraicte.

Celle qui reçoit plus grande incommodité de cette place, & qui a le plus iuste interest qu'elle soit reduicte, est la ville de Tholouse, les marchands & habitans de laquelle sont iournellement courus, pillés & volés par les troupes dudit Montauban iusques aux portes de leur ville.

Aussi les Tholousains voyās le Roy (encore au siege de Clerac) resolu de dompter la rebellion de Montauban, firent vne honorable deputation vers sa M. pour luy faire offre de leurs hommes, armes & moyens puis qu'elle se resoudoit de la faire assieger.

Pour dire ce mot en passāt, Tholouse ville tres Catholique est des plus affectionnees au seruice de ses Roys, & comme elle est naturellement portee à l'amour, honneur & respect de son Prince, aussi est elle ennemie naturelle de ceux qui se rebellent contre le seruice & l'obeissance qu'ils luy doiuent.

Pour l'amour, entr'autres exemples, nous auōs celuy du regne du Roy Iean, lors que ce Prince eut perdu la bataille cōtre le Prince de Galles deuant Poictiers, arresté prisonnier & enuoyé en Angleterre: cete ville capitale de tout le Languedoc porta vn tel dueil de la captiuité de son Roy & desolatiō

fit deffendre à toute sorte de personnes de la Prouince de Languedoc de faire festins, dâces, balets, nopces, mariages, ny autres sortes de resiouillances publiques ou particulieres pendant le seiour dudit Roy Iean entre les mains de ses ennemis.

Pour son assistance, elle fit lors de grâdes contributions pour sa deliurance: & en toutes les occasions où il a esté necessaire de soulager l'Estat & les affaires du Roy, Tholouse s'est monstree des plus affectionnees à contribuer tout ce qui est de son pouuoir: particulièrement pour maintenir la paix dans ladite Prouince de Lâguedoc depuis vn an sous la conduite de ses plus aguerris Capitoux, nombre de caualerie pour alleurer la câpagne, & donner de l'assurance à beaucoup de petites places foibles que les ennemis rebelles eussent volontiers attaqué: elle a mis & offert garnisôs & tout ce qui est requis pour la deffence à celles qui en auoient besoin: elle a grandement secouru de ses hômes, armes & munitions les armées du Duc de Montmorancy Gouverneur de la Prouince, & conduicte comme elle par la prudence de son Parlemét & d'vne bône police elle a entretenu en elle & hors de ses murs le seruice du Roy & le repos du païs tant qu'il luy a esté possible principalement en ce temps contre les courses des rebelles de Montauban & des troupes du Duc de Rohan, auxquelles elles a donné furieusement

*Son assistance*

*Nombre de caualerie entretenue par eux pour libérer le pays d'opressiô.*



1621.

*Leurs promesses  
au Roy.*

la chassé iusques à ce qu'elle a veu sa Maie-  
sté en personne deuant ledit Montauban;  
car alors, ayant grád interest d'estre deliuree  
des apprehensions que les rebelles de cette  
place luy donoient iusques dedans les faux-  
bourgs, elle a promis au Roy de luy liurer  
tout & tel secours & assistance qu'il plairoit  
à sa Maieité receuoir de ses tres-humbles su-  
iets; & quand le temps est venu de faire pa-  
roistre son affection aux effects, elle l'a fait  
avec toute sincerité cōme il se verra in-  
continent.

Donc Montauban apres plusieurs remises  
par lesquelles on esperoit quelques effects  
de son obeissance, s'est finalement resolu  
d'endurer le siege, & attendre deuant ses  
murs l'armée Royale de sa Maieité.

*Chefs & soldats  
pour l'assistan-  
ce de Montau-  
ban.*

Pour toute conduite elle a ledit sieur Cō-  
te d'Orual fils du Duc de Sully, & pour di-  
recteur de la deffence & des armes le viel  
Marquis de la Force, qui s'est ietté & enfer-  
mé là dedans avec 3000. hommes de garni-  
son. Il y auoit là dedás quelques Capitaines  
Bearnois qui ne pouuans supporter l'autho-  
rité trop insolente de ce peuple, se sont re-  
tiré au petit pas.

*Force de ses  
murs.*

Ceteuille ne s'asseure pas tant au nōbre de  
ses hommes, cōme elle fait en la force de ses  
murs qui la rendent insolente.

Ses murailles sont remparees de gasons &  
de briques espaisles de plus de douze pieds.

Entre les nouuelles fortificatiōs il y a quā-

rité de demies l'vnes bien fortes qui commandent de l'une à l'autre & se peuvent entre-deffendre, avec plusieurs grands bastions, ravelins, boulevards & tenailles.

Il y a là dedans huit pieces de doubles canons de batterie, 17. couleurines, & 34. autres pieces montees sur des roües, dont les murailles, & les leuees du dehors sont toutes bordees. Ce qui leur faict promettre une longue deffence.

Le Roy qui estoit à Agen apres la reduction de Clerac, apres que le Duc de Mayenne assisté du Marechal de Themines, eurent conquis à l'obeïssance de sa M. toutes les places rebelles qui pouuoient donner quelque empeschement à ce siege, & favoriser le secours des assiegez, comme, Mas de Verdun l'Isle en Tourdan, Mauuaisin, Albiac, Causade, Negrepelisse, Villemur & autres lieux proches dudit Montauban, & ayans aduis cōme les Rebelles faisoient mille degasts sur le plat pais montrans d'autant plus les effects de leur reuolte, que l'ëuie qu'ils auoient de persister en icelle par plusieurs autres sortes d'acte d'hostilité & d'insolence, commanda ausdits sieurs Duc de Mayenne & Marechal de Themines d'aller bloquer & inuestir la place, attendant l'arriuee de l'armee royale où sa M. deuoit estre en personne.

Ce commandement receu fut assi tost effectué desdits Seigneurs qui avec une armee de plus de 8000. hommes cōmencerēt à serres

1621.

*Nombre de  
leurs canons.*

*Duc de Mayenne & Marechal de Themines commandez de bloquer la place.*

1621.  
Premieres ap-  
proches,

Barricades gai-  
gnees par le Duc  
de Mayenne  
auec peu de per-  
te.

Arrivee du Roy  
au Camp de-  
uant Montau-  
ban.

Ordre des  
quartiers du  
Camp du Roy.

le flâc des rebelles & retrâcher leurs sorties.

La nuit du 17. Aoust ( commencement du siege) le Duc de Mayenne s'approche de Montauban, atâque quelques tranches & barricades qu'il enleue de furie malgré toute la deffence opiniastre des ennemis, auec peu de perte des siés; car il n'y fut tué qu'un Capitaine du Regiment de Piedmont nommé le sieur de Liziny & quelques 20. ou 25. soldats tant tuez que bleffez.

Le Roy qui d'Agén s'estoit aduancé cependant iusques à Moussac, arriue en personne au Camp deuant la place ledit iour 17. Aoust, & prend pour son quartier le Chasteau de Picquecot, lieu assez fort distât d'une petite lieuë de la ville de Montauban, d'où sa M. pouuoit aisement decouurir tout ce qui se passoit en son armee.

Sa M. ainsi arriuee fit aussi tost assigner les quartiers de son Camp, attendant l'arriuee du canon necessaire pour battre cete place.

Tout ledit Camp fut diuisé en trois gros ou trois quartiers, chacun d'eux assis à chaque costé de la place.

Le premier fut le quartier du Connestable du costé du leuant de la ville, où comandoient le Prince de Joinuille, le Comte de Bassompierre avec les Regimens de Stilsac, Champagne & Normandie.

Le second fut celuy du Duc de Mayenne au midy du costé de Tholouse, où comandoient ledit sieur Duc de Mayenne avec le Marechal de Themines.



de son Estat, que par ordonnâce solennelle

1621.

L<sup>e</sup> 3. fut celuy du Duc de l'Estdiguieres, au ponant de la ville, où commandoient ledit sieur Duc de l'Estdiguieres, & le Marechal de S. Geran, avec le Regiment des gardes & trois autres Regimens.

Ces quartiers ainsi dispoiez pour ataqver la place, le Roy donna ordre puis apres pour le secours qui pouuoit venir aux assiegez de la part du Duc de Rohan, ainsi qu'il auoit promis aux rebelles se separant d'avec eux.

Et comme la Maiesté eut eu aduis que sur la nouuelle de ce siege formé ledit sieur Duc de Rohan amassoit des troupes pour venir à Montauban, & par ce moyen empescher la maiesté en la iustice de ses armes, il commanda à monsieur le Duc d'Angoulesme de s'aduançer avec cinq cens cheuaux vers les lieux qu'il iugeroit plus commodes, pour s'opposer au dessein dudit Duc de Rohan, & le combattre s'il en trouuoit l'occasion.

Ce commandement fait ledit Duc d'Angoulesme s'achemina vers la riuere du Tar où ayant pris ses logemens, visité les quais, & recogneu l'affiette du pays, il fit iugement que ledit sieur Duc de Rohan ne pouuoit venir par ce chemin pour trois raisons, l'une que les forces dudit Duc de Rohan consistâs en gés de pied il ne chercheroit pas les câpagnes: l'autre que la teste des quais estât naturellement fortifiée de grands terres & bors qui cōmandent entieremēt sur lesdits

*Ordre pour  
empescher le  
secours du Duc  
de Rohan.*

*Duc d'Angou-  
lesme enuoyé  
par le Roy pour  
empescher le se-  
cours du Duc  
de Rohan.*

quais, la moindre resistance est capable d'en empêcher le passage, & la troisieme que toutes les villes qui bordent ladite riuere depuis Alby iusques à Rabastens estât pour le seruice du Roy, il feroit vnē grande faute de les mettre à ses espauls, ayant ledit sieur Duc d'Angoulesme à combattre, & apres, l'armee du Roy.

*Divers aduis  
sur le chemin  
que deuoit tenir  
le Duc de Rohā  
pour venir se  
courir Montau-  
ban.*

L'opinion de quelques vns fut que ledit Duc de Rohan faisant son gros à Castres estimant d'auoir sept à huiet cens cheuaux & six mil hommes de pied prendroit le chemin de Carman & viendrait descendre à Montauban par le costé de Villebourbon.

Ledit sieur Duc d'Angoulesme contraria cest aduis par ces raisons, que la Cauallerie dudit Duc de Rohan n'estant pas bonne, il ne hazarderoit iamais de la passer par lieux où celle du Roy la peut combattre, que ce chemin estoit long & pres pays d'ennemy pour ledit Duc de Rohan, & que ne pouuant auoir vne suite de viures, tant pour la necessité qui continuē d'accabler les affaires des rebelles, que pour la manque des voictures qui ne se trouuent au pays, ayant à faire troisiournees, il se deferoit luy mesmes par la faim, & la faute des munitiōs.

Resteroit donc vn 3. chemin qui est par la montagne inaccessible à la Cauallerie, bōne pour viure avec del'infāterie, pays couuert, & où tout se soubmet à la loy du plus fort, de

plus que prenât ce chemin le Duc de Rohan pouuoit descendre à S. Anthonin qui n'est qu'à vne lieuë de Montauban, de là entrer dans la forest de Lagrifine, & par des valons se ietter à la teste de Montauban & du costé qu'il n'est inuictey.

Toutes ces raisons balancées ledit Duc d'Angoulesme conclud que ledit Duc de Rohan feroit de deux choses l'une, assçauoir qu'il viendrait à Castres faire son gros, & avec des pieces attaquer quelques petits forts, tant pour donner reputation à ses armes, que pour faire viure ses troupes du butin, seul moyen qu'il a de les maintenir, ou que prenant la teste du Tar, il couleroit vers Corde & le Monestier, & de là audit S. Anthonin.

Sur cela ledit sieur Duc d'Angoulesme conclud de passer la riniere & venir se loger à la teste de trois petites villes qui tiennent pour les rebelles, & ce pour deux desseins, l'un que s'aduançant vers l'ennemy, il iugeroit mieux de ses desseins, & en cas qu'il voulust passer, son chemin estant plus long, les continuelles attaques que ledit sieur Duc d'Angoulesme leur feroit, le rendroit quasi impossible.

L'autre que les mettant en ialousie qu'il voulust attaquer quelqu'une de ces petites biquoques, ne voulans pas les laisser perdre, estans importantes pour eux, ils seroient obligez d'y laisser à chacune grãde garnison,

*Opinion du  
Duc d'Angou-  
lesme.*



1621.

& ce seroit d'autant separer leurs troupes, ou qu'ils feroient vn grand corps pour s'opposer à ce que ledit sieur Duc d'Angoulême y pourroit entreprendre, d'où il arrieroit que ledit Duc de Rohan ne pourroit se seruir des troupes pour son passage des montagnes lequel il n'oseroit entreprendre seul.

*Ledit sieur Duc  
fait assieger le  
Chasteau de  
Lombers pour  
oster l'assien-  
rance audis  
secours.*

Le dessein dudit sieur Duc d'Angoulême fut encor appuyé d'un bruit qu'il fit courir qu'à la faueur du Chasteau de Lombers il vouloit forcer la ville, & pour cest effect prepare canons, assemble pionniers, & luy mesme va recognoistre la place: & fait donner quelques coups de bastarde, dans vne garitte faisant faire vne redoute entre ladite ville & le Chasteau, comme si de là il eust voulu tirer les lignes de la tranchée; commande au sieur de Lestelle d'aller sur le lieu faire faire des plates formes, poser gabions & toutes les marques d'un siege, sauf qu'il n'y auoit point de canons de batterie, lesquels pour mieux faire croire ce dessein, il auoit fait sortir de l'arsenal d'Alby, & poser sur l'aduenue du chemin d'Alby audit Lombers.

*Le Duc de Ro-  
han en est ad-  
uert, dans  
Castres.*

Le bruit de ce siege vole incontinent iusques à Castres, d'où il est enuoyé Courier en diligence vers ledit Duc de Rohan qu'il vint, que Lombers estoit assiegé, que c'estoit bien loing de passer à Montauban, puis qu'une troupe separée de l'armée du Roy

faisoit progrez, assiegeoit places & tenoit la campagne.

1621.

Cela necessite ledit sieur de Rohan pour contenter ce peuple lequel ne voit les choses que par les yeux de sa passion, d'enuoyer deux des meilleurs Regimens qu'il eust, asscauoir des sieurs de Boyer, & de Mazari-bal, composez de quinze enseignes completes, pour se ioindre à la Cauallerie du Marquis de Malauze & de saint Rome, de plus de quatre cens cheuaux & des Regimens du Baron saint Amans, la Nogaredé, Baro de Senegas, & plusieurs autres volontaires, le tout faisant trois milles hommes de pied, & quatre cens cinquante cheuaux.

Ledit sieur Duc d'Angoulesme voit reussir ce qu'il auoit pensé, aduertiy de cest auenture, & scachant qu'ils estoient descendus à Realmont, ville à demy lieuë de Lombers, resolut d'aller prendre le logis de Lautrec, & quatre lieux circonuoisins assis sur le passage entre Castres, & ledit Realmont, & ce à deux raisons, l'une que ledit sieur de Rohan estant obligé de reuenir à Castres, il se mettroit au milieu de ses troupes, lesquelles ne pourroient ioindre sans qu'il les combattit, & par consequent qu'il auroit meilleur marché de les combattre separement; l'autre que ledit Realmont estant lieu tres-petit toutes ses troupes n'y pourroient viure sans aller à la picorée, ce qu'il empescheroit par le commandement

*Enuoye troupes pour empescher ce siege.*

*Le Duc d'Angoulesme se faisoit d'autres places entre Castres & Realmont.*

1621.

*Les ennemis  
paroissent.*

qu'il feroit à ses troupes d'aller à la guerre, où qu'ils se logeoient dans des villages, il tacherait d'enlever leurs quartiers, & de les combattre s'ils se presentoient en campagne.

Sur le point de prendre lesdits logis de Lautrec, les ennemis paroissent en nombre de deux cens trente chevaux, & huit à neuf cens hommes de pied: la compagnie de Monsieur le Prince de Joinville en ayant aduis monte à cheval & en aduertit celle de Monsieur le Duc d'Angoulesme: à l'aduis, mais incertain toutes fois, monte à cheval avec huit ou dix Gentils-hommes, Monsieur de la Curée va avec luy, & Monsieur le Comte d'Alez: le chemin estoit long, & plus il aduançoit dans ses quartiers & moins il voyoit d'apparence d'alarmes, & par consequent n'alloit que le petit pas, iusques à ce qu'il vid que ces deux troupes faisoient halte à l'aisle d'un petit bois, & sur la pointe d'une haute montagne, de laquelle l'on pouoit voir un lieuë à l'entour.

Comme il arriue, le sieur d'Elbene s'aduançe & luy dist que les ennemis estoient là, & qu'il y auoit plus d'une heure qu'ils paroissent sans bouger d'une place: le sieur Duc d'Angoulesme marche iusques à la pointe de ladite montagne, & quoy qu'il n'eust mené que lesdits sieurs de la Curée & d'Elbene, toutes fois les ennemis dès l'heure mesme changerent de place & d'ordre.



Aussi tost que ledit sieur Duc les voit, il cō-  
clud d'aller à eux quoy qu'il iugeast qu'ils es-  
toient si loing qu'ils se seroient retirez  
pour le moins à leurs gens de pied.

1621.

*Le Duc d'Angoulesme resolu  
de les attaquer.*

Il fait marcher les deux troupes, où il pou-  
uoit auoir six-vingts cheuaux en trois esca-  
drons, ledit sieur Duc met Monsieur de la  
Curée, & le sieur d'Elbene à la teste.

La troupe du Prince de Ioinuille à sa  
droitte & luy les suit. Les ennemis ne le  
voyent que paroistre, qu'ils deliberent leur  
retraicte non en soldats, mais en fort mau-  
uais ordre.

Ledit sieur Duc les suit, eux prennent le  
galop, quoy qu'ils eussent pres d'une lieue  
d'auance, c'estoit quasi à iour fally, qui fut  
cause que tous les quartiers ayans l'alarme,  
& montez à cheual pour venir où estoit le-  
dit sieur Duc; la nuit s'aduança, de façon  
qu'il fut minuit auant que les troupes fus-  
sent retournées à leurs quartiers, suiet qui  
obligea ledit sieur Duc, à remettre le logis  
de Lautrecau lendemain qui estoit le deu-  
zième de Septembre.

Le mesme iour il vient aduis qu'un canon  
qui estoit à Realmont, estoit sorty deuant  
la porte, & que les ennemis se preparoient  
à quelque effect: ledit Duc d'Angoulesme  
ne perd temps, enuoye prendre langue en  
plusieurs endroicts, on rapporte à huit  
heures du soir que les ennemis auoient sorty  
un canon, & estoient allez assieger un petit

*Fauch assié-  
gé par les enne-  
mis.*

1621.

fort nommé le Fauch, assemble sur cest aduis Monsieur de la Curée & tous deux ne peuuent croire ceste entrepise comme trop hardie, toutesfois il fut ouy en mesme téps quatre coups de canon l'un apres l'autre comme d'une batterie, cela fait resoudre ledit sieur Duc d'aller avec la Cavallerie droit audit Fauch, & suivant ce qu'il y troueroit prendre l'occasion.

Donne rendez-vous general à toutes les troupes à un lieu nommé la Millerye, & commande à quatre compagnies nouvellement leuées par Monsieur l'Euesque d'Alby, qui a tres dignement seruy le Roy en toutes les occasions qui se sont offertes, de se trouver au mesme lieu.

Le sieur Duc se trouue au rendez-vous à minuit, les troupes s'y ioignent toutes, fors celle du Prince de Joinville, non faite d'affection & encore moins de vigilance, mais par ce qu'ils en estoient plus esloignez.

*Ordre pour les  
attaquer.*

Là le sieur Duc d'Angoulesme donne son ordre qui fut tel, il mit à sa teste les Carabins des sieurs d'Arnaud & Desplā, lesquels il separa en trois troupes, assçavoir 12. qui marchoiert cent pas deuant toute la Cavallerie, avec un bon guide à cheual & derriere à main droite lesdits sieurs Desplan & Arnaud à la gauche, avec chacun un guide.

Monsieur de la Curée les soustenoit avec la compagnie de Monsieur le Duc commandée par le sieur d'Elbene.

Sur la droite de Monsieur de la Curée marchoit la compagnie de Monsieur le Grand Prieur, & sur la gauche celle de Faudoy, le Comte d'Alez avec la Colonnelle soustenoit celle du Grand Prieur, & la compagnie du Duc d'Angoulême soustenoit celle de Faudoy.

La compagnie du Roy estoit seule, marchant au milieu des troupes, & les sieurs d'Heurre & Loppe ensemble, faisoient l'esquadron de reserve, avec commandement de ne donner point qu'ils ne vissent ce qui arriueroit du combat, avec ordre s'il estoit gaigné pour le Roy, de suivre au trot sans se desbander: cest ordre fut donné la nuict & toutes les troupes placées par ledit sieur Duc, l'on comença à marcher: le pays est tres difficile & mal aisé à tenir, mais le sieur Duc y auoit preueu & pourueu, car à chascue troupe il y auoit vn guide, lesquels il auoit fait conuenir enséble & demeurer d'accord, du chemin qu'ils auoient à tenir.

*Troupes du Roy  
marchent con-  
tr'eux.*

Marchât en cest ordre ledit sieur Duc qui alloit de troupe en troupe, allant visiter la premiere, il vit les feux des ennemis, mais il n'oyoit aucun bruit, ny mousquetade, sur quoy il iugeoit que les ennemis s'estoiēt retirez, toutesfois il arriua qu'é ceste incertitude les ennemis tirerent vn coup de canō, cela luy fit cognoistre de deux choses l'une, ou que les ennemis n'auoient pas pris le fort, où que c'estoit vn signal, & qu'ils auoient

*Incertitude de  
l'Estat auquel  
ils estoient.*



1621.

nouuelles de luy, tout cela luy estoit indifferend puis qu'ils y estoient encores & qu'il estoit resolu, ou de s'y perdre ou de les defaire. Il rebrousse à toutes les troupes, les assure qu'il les feroit combattre, car aux François rien ne leur est si agreable que leur promettre de l'honneur, & celuy qui s'acquiert par l'espée porte les courages à des entreprises où le hazard sert de desir à en acquerir la gloire, & est vray que iamais visages ne tesmoignerent mieux ce que leurs mains feroient, chacun se confie en la iustice des armes du Roy, & en l'ordre qu'ils virent estably pour le combat.

Incontinent apres les ennemis se presentent, mais en petite troupe, laquelle venoit pour recognoistre & non pas pour combattre, les Carabins les virent, mais ils auoient commandement de ne tirer point, & de les laisser venir à la charge, assurez que les ennemis s'y perdroient & quelqu'un estant fait prisonnier, l'on apprendroit leurs forces, & si le fort estoit pris ou non.

Les troupes du Roy s'aduançans tousiours, en fin elles arriuent iusques sur vne montagne, qui peut estre distante de Fauch de six cens pas; Ledit sieur Duc d'Angoulesme fait faire alte, & iuge que le fort estoit pris: Resout toutesfois de les attaquer, mais puis qu'il n'auoit pas ses gés de pied, il vouloit attendre le iour: Et cependant les va recognoistre avec Monsieur de la Curée &  
le sieur

le sieur d'Elbene qui estoient les premiers. Les ennemis se iettent sur leurs armes, & le-  
dit Duc iugeant au bruit de leurs tambours  
qu'ils estoient plus grand nombre de gens  
qu'on ne luy auoit rapporté, cela fut cause  
qu'il renuoye en diligence vers les gens de  
pied, & place ses troupes sur l'aisle de la  
Montagne.

Le iour vient, & les ennemis salüent les  
troupes d'un coup de canon, lequel a esté  
suivy iusques à la redition de huit, se met-  
tent en ordre de combattre & sortent de  
leur fort & village pour tenir les dehors,  
font mine de venir à nous, aduancent pour  
cest effect à la teste d'une vigne close toute  
de fossés un petit corps d'Infanterie qui  
leur seruoit d'enfans perdus, iusques au nom-  
bre de cent cinquante dans la vigne: Iettent  
cent mousquetaires à une forte haye, où il  
y auoit un fossé, & dans le chemin forment  
un bataillon un peu estendu de quatre cens  
hommes. Sur leur main gauche il y auoit  
deux fortes maisons de pierre, à la premiere  
ils y iettent cent mousquetaires, & à l'autre  
trois cens, avec picques & mousquets mes-  
lez entre les deux. Il y auoit un bois de fu-  
stée, au bas un marescage & un fossé à la  
mode du pays, difficile à la Caualerie: Der-  
riere cela estoit une terre d'environ deux  
cens pas, où ils auoient mis un bataillon de  
six cens hommes, aux aisles duquel il y auoit  
deux escadrons de Caualerie d'environ soi-

1621.

*Ils tirent leurs  
canons.*

*Ils se mettent  
en deuoir de se  
deffendre.*

1621.  
*Ils se retran-  
chent.*

xante cheuaux chacun : au derriere dequoy il y auoit vn chemin releué d'environ vne toize, lequel estoit bordé par le costé deuers le village d'un rideau quasi d'autant, avecvne haye forte & derriere vne terre de plus de cent pas en quarré où il y auoit vn autre bataillon, & sur les ailles à deux maisons de terrage aduencées, encore de la mousqueterie avec vne barrikade forte & tres-bien flanquée tant desdites maisons que d'un carré de muraille, où estoient nombre de mousquetaires & de piquiers: A leur main droicte estoit vn autre chemin où il y auoit deux gros de Cauallerie, l'un de quarante Cheuaux & l'autre de plus de cent, mais le sieur Duc d'Angoulesme les iugeoit des mousquetaires à cheual, ou gens mal montez.

Ledit sieur Duc voyant que son Infanterie ne venoit point, va à toutes les troupes en leur disant qu'il falloit aller au combat, chacun s'y prepare: Ledit sieur Duc prend sa cuirasse & change de cheual: Sur ce téps les sieurs d'Heurre & Lopes qui estoient la troupe de reserve placez sur la môtagne, le reste estant descendu, & eux ayans leur teste tournée vers le fort des ennemis, ledit sieur d'Heurre ouyt à leur derriere du bruit, va pour voir que c'est, il y trouue vne troupe de quarante hommes armez & six vingts mousquetaires à cheual, le tout conduit par vn vieux Cavalier nommé S. Rome, & des



meilleurs Capitaines de Languedoc, lequel autresfois auoit esté Enseigne de la compagnie de gens d'armes de feu Monsieur le Conneftable.

S. Rome s'adrefse audit fleur d'Heurre, demande où font les ennemis, le fleur d'Heurre le croyoit pour le Roy, & que ce fut des troupes du pays, qui estoient avec ledit fleur Duc d'Angoulesme, & mesme celle de Monsieur de Cornuillon qui n'estoit pas encore arriué, luy respond, ils sont là bas. Sainct Rome repart, & nostre canon que fait-il? Le fleur d'Heurre iuge lors qu'il est ennemy, retourne à sa troupe, & faisant vn demy caracol, crie à ses compagnons chargez, ils sont ennemis. Ledit fleur Duc qui void ce combat y accourt, commande à ses troupes de faire alte la teste vers les ennemis, & arriue audit fleur d'Heurre, comme il estoit aux mains, & au mesme temps que le fleur de Loppes fust tué, perte pour le seruice du Roy tres-grande, & particulièrement pour la Cauallerie legere, estant vn des plus vieux & braues Capitaines qui y fust.

S. Rome deffaiët, luy se sauue tous ses gens tuez; il fallut vn peu de temps pour se remettre en ordre, lequel nous en donna vn autre pour attendre nos gens de pied que ledit fleur Duc apperceuoit: Il commande qu'ils auançaissent tous, fissent sonner leurs tambours & qu'ils vinssent droit à luy;

1621.

*Combat entre les ennemis.*

*Le fleur de Loppes tué du costé du Roy.*

*Ennemis desfaits fuyens.*

1621.

*Autre combat  
mais plus fu-  
rieux.*

*Vieille rem-  
portee par les  
gens du Roy.*

arriuez, il les met en ordre, & ce hors la veuë des ennemis. Aussi tost il fait aduan- cer ses enfans perdus qui estoient cinquante, & le reste separé en deux troupes de cent cinquante chacune, il les fait marcher droict aux ennemis. Cette petite troupe sembloit bien foible pour affronter tant de gens, mais les armes du Roy sont si iustes que le Ciel qui combat sa cause, double & redouble le courage de tous ceux qui les portent pour son seruice: Et de fait l'ennemy commence, ayant fait la premiere descharge, à se retirer: Ledit sieur Duc d'Angoulesme fait donner les Carabins, & en mesme commande à la troupe du Prince de Joinuille qui venoit derriere, de se mettre à la droicte de celle de Monsieur, fait charger le sieur de la Curée duquel la valeur est si grande qu'il faudroit bien plus de temps pour raconter les glorieuses actions qu'il a faictes: Mais en celle-cy, l'on peut dire qu'il chargea si courageusement qu'il estonna les ennemis, leur fit quitter les maisons de nostre main droicte, ce que ceux de main gauche voyans, ils quittent ceste vigne & se iettent en bataille & sans desordre dans le camp où estoit le troisieme bataillon. Là il se fit vn furieux & grand combat, capable d'arrester nos troupes: Ce que le Duc iugeant, il pousse ces gens depied, commande de passer outre, & crie au sieur de Cornuillon qui est tres-braue

Gentil-homme de charger, fait aduancer Monsieur le Côte d'Alez son fils, Colonel general de la Caualerie legere de Frâce pour le soustenir, auquel il auoit baillé pour le conduire Monsieur de l'Estelle des plus vieux Capitaines du Royaume, & prenant la compagnie du Roy suit la premiere troupe du sieur de la Curée qui donna iusques dans la barricade des ennemis : ledit sieur de la Curée receut cinq coups de pique dans ses chausses, & mit tous les ennemis en admiration & estonnement de vouloir forcer avec la Canalerie l'Infanterie logée avec tel aduantage : Le sieur d'Elbene y fit des merueilles & toute sa troupe, ayant eu deux cheuaux tuez sous luy, & cinq mousqueta-des dans ses armes.

1621.

*Courage du  
sieur de la Cu-  
rée.*

Sur ce mesme temps les deux troupes de gens de pied, poussent iusques à la teste du village, gagnent vne des maisons : Vn Capitaine qui estoit à la teste, saute au collet d'un Enseigne des ennemis, le tué & luy oste le drapeau.

Les ennemis ne perdent point courage & reuiennent avec plus de cinq cens hommes regagner la maison : lors ledit sieur Comte d'Alez s'aduance, & donnant, maintient les nostres dans ladite maison laquelle n'estant point de deffence, & les ennemis ayans ce grād corps d'Infanterie, ledit sieur Duc d'Angoulesme va les retirer, où le Baron de Contenan tesmoigna bien qu'estant

*Com'te d'Alez  
maison sorte  
gaignee.*



1621.

fils d'un si braue pereil ne pouuoit iamais  
 qu'estre tres-vaillant : la charge fut furieu-  
 se, & y receut ledit sieur Comte d'Alz  
 vne mousquetade dans la creste de sa sala-  
 de. Le Marechal deslogis de la compagnie  
 du Roy y eut son cheual tué, & plus de  
 vingt morts & blesez. L'Escuyer dudit  
 sieur Duc d'Angoulesme nommé Ruffiere,  
 son cheual tué; deux des gardes dudit sieur  
 Duc tuez & quantité de blesez, lors partie  
 de leur Cauallerie vint au combat : A quoy  
 le sieur Amplincourt ieune fils de Monsieur  
 de Vallance, Cornette de la compagnie du-  
 dit sieur Duc d'Angoulesme se trouua fort  
 à propos, & le sieur d'Heurre tres-vaillant  
 homme & grandement iudicieux s'aduan-  
 çant fait tenir bride aux ennemis, lesquels  
 tesmoignant, Cauallerie & Infanterie vou-  
 loir venir au combat, à lors ledit sieur Duc  
 d'Angoulesme retire ses troupes en la pre-  
 miere poste qu'il auoit gaignée sur les en-  
 nemis, remet ses gens en bon ordre, &  
 logé en lieu où leur canon ne pouuoit luy  
 faire mal, iuge que ses troupes n'estoient  
 point prenables, mais aussi qu'il valloit  
 mieux mourir que de les laisser en estat de  
 pouuoir se ioindre au Duc de rohan, se re-  
 sould donc de les auoir ou y mourir, & pour  
 cest effect despesche à Alby en diligence  
 pour auoir deux moyennes & renfort de  
 gens de pied, commande de faire venir  
 viures pour les hommes & les cheuaux,

*Le Duc d'An-  
 goulesme en-  
 uoye querir du  
 canon à Alby  
 pour forcer les  
 ennemis.*

& dit à lestroupes que chacun se resoult à camper.

1621.

Sur ce temps il y arriue des troupes de Cauallerie assçauoir l'vne du Comte d'Aubigeoux qui estoit composée de cinquante Maistres, & de soixante dix Carabins, & de Grandual, & du sieur de de quel- que quarante cheuaux & deux d'Infanterie, l'vne de deux cens cinquante hommes, & l'autre de cent.

Les ennemis voyans cela ils iugerent que la resolution du sieur Duc d'Angoulesme estoit de les auoir, & que pour cest effect il attendoit du canon, entrent en conseil où les opinions furent differentes, l'vne de sortir tous & de venir au combat au hazard de se perdre; l'autre de prendre leur chemin par vne vallée qui n'estoit qu'à quatre cens pas, & est tres-vray que c'estoit vn party sans peril, mais cest aduis estoit contrarié de deux accidens, l'un qu'il falloit qu'ils laissassent leur canon, l'autre leurs bleffez, desquels y en auoit plus de quarante de qualité, & plus de six vingts d'autre.

Sur cette irresolution, ledit sieur Duc d'Angoulesme auoit vn Gentil-homme fait prisonnier en la charge de Saint Rome, lequel luy estant amené il s'enquist de quelques particularitez qui ne se scauēt pas. Mais la suite fit cognoistre que ledit sieur Duc d'Angoulesme ne perdant non plus l'occasion de traitter, cōme de combattre, il

*Cœur failly aux ennemis.*

*Traicté avec les ennemis.*

1621.

*Deputé de leur  
part demande  
l'accord.*

enuoye vn Gentil homme avec vn tambour vers le frere dudit prisonnier, pour luy dire que le prisonnier estoit blessé à la mort & qu'il desiroit auant que mourir de luy parler: Ledit sieur Duc d'Angoulesme en ayant compassion, il luy permettoit de venir le voir en seureté, c'est au moins ce que le Vulgaire peut sçauoir, mais au lieu du frere l'on vit venir le sieur de Mazaribal frere du sieur de S. Rome, & Baillif de la Baronnie de Sauue, qui est audit sieur Duc d'Angoulesme: ledit sieur Duc parle longuement à luy seul, puis le renuoye avec assurance qu'il donne à tous ceux qui voudront le venir trouuer.

Le sieur Pujoly tres-braue Gentil-homme, & quoy qu'il fust de la Religion tres-bon seruiteur du Roy, demande audit sieur Duc d'Angoulesme permission d'y aller, cela luy est accordé avec vn particulier commandement de parler à quelques vns, cela fut suivi de son retour & avec luy le Marquis de Malauze, Monsieur de Cause & du Baron de Senegas: le sieur Duc parle à eux separément & conduit l'affaire à tel estat, qu'il s'ensuit vne reddition sous la capitulation suivante.

Sur l'attaquement faict par Monseigneur le Duc d'Angoulesme, des troupes qui auoient assiégué & pris le fort de Fauchac, sous le bon plaisir du Roy, accordé par ledit Seigneur Duc, à Monsieur le



Marquis de Malaze, & les sieurs de Causse & Baron de Senegas, tant pour eux, que les Maistres de Camp, Capitaines de Cauallerie, & gens de pied qui sont avec eux, ce qui ensuit.

1621.

Que ledit sieur Marquis de Malauze, de Causse, capitulation.  
se & Baron de Senegas, Maistres de Camp, Capitaines, chefs & soldats, promettont par serment de ne porter les armes de six mois avec qui ce soit, ny pour pretexte & cause quelconque si ce n'est pour le service du Roy : moyennant quoy ils auront sous le bon plaisir de sa Maiesté abolition generale, pour iouyr du benefice des Edicts, tant pour la liberte de leurs consciences, que seurte de leur vie & biens.

Qu'ils sortiront dudit fort de Fauch la vie sauue, armes & bagage, & se retireront où leur semblera, compagnie par compagnie, ou separement comme ils verront bon estre, auquel effet leur sera baillè escorte s'ils le requierrent.

Que le canon demeurera audit Seigneur Duc.  
Fait au champ de bataille deuât Fauch, le 3. Septembre 1621. Signé CHARLES DE VA LOIS, HENRY DE BOVRBON, DE CAVSSE, SENEGAS, Et au bas LE MERCIER.

En ce combat les ennemis furent si furieusement attaquez qu'ils perdirent 400. hommes morts sur la place : & 200. blesez parmi lesquels il y a plus de 40. Gentils hommes ou Capitaines. Plus de cét prisonniers.

Les morts sont Boyer Maistre de Camp, le sieur de Saint Amans & la Nogare de

Perte des ennemis.

1621.

*du costé du Roy*

Maistre de Camp bleffez, Senegas Capitaine de cent cheuaux bleffé.

De ceux du Roy le sieur de Loppes & son Cornette tous deux tres vaillans, tuez: Larmandye Cornette du sieur Desplan tué, 20. cheuaux legers tuez, & 15. ou 16. bleffez, soixante cheuaux tuez, & des gens de pied 30. ou 40. tuez ou bleffez.

La gloire de ceste victoire se doit referer à la iustice des armes du Roy, & à la valeur de la Cauallerie Françoisse, laquelle bien conduite ne peut iamais estre battüe.

Au mesme temps aussi arriua aupres du dit Sieur duc d'Angoulesme, le sieur de Ribaulte Marechal de Camp de la Cauallerie legere de M. le Duc de Mōtmorency en Languedoc, lequel s'en alloit trouuer le Roy de la part dudit Seigneur Duc de Montmorency, pour luy donner aduis comme iceluy Seigneur Duc auoit deffaiët cinq cens hommes de pied, des ennemis & rebelles à sa Maiesté en Languedoc.

Ces heureux progresz qui causerët de l'allegresse dans l'armee du Roy, animerent le courage des Chefs d'emporter de semblables trophées sur les rebelles de Montaubā, chacun prit grande resolution d'y bien seruir le Roy: & faire voir que rien ne manquera de leur part pour faire cognoistre aux assiegez que iamais ils n'ont esté attaquez de la sorte qu'ils le vont voir.

Tholouse qui veut tenir sa promesse & môstrer l'affection qu'elle a de faire paroi-

*Courage & resolution des  
Chefs de l'armée  
du Roy.*

estre son affection en l'occasion de ce siege, enuoye 4000. homes leuez & soudoyez aux despens de la ville, deuant Montauban, avec 8. canons, force poudres & munitions de guerre, & mesmes quelques sômes de deniers fournis de l'Espagne, côme pour ne rien espargner à ce que le Roy soit seruy & obey là deuant: leur zeile s'y fait voir avec tant d'ardeur qu'ils se soubmettent encore à plus grâde despence & cōtribution en cas qu'il en soit necessaire, tant ils ont desir de s'arracher cete espine du pied & se liberer du trouble & de la crainte que leur donnoit souuent la garnison barbare de cete ville ennemie.

Cete petite armee arriuee de Tholouse à Mōtauban, fut logee au quartier du Duc de Mayenne du costé de la ville Bourbon autrement dictela villeneufue, scise au bout du Pont de Montauban, & edifiee du téps d'Henry le grand, encore Roy de Nauarre, qui cherissoit cete place & y auoit fait cōstruire cete villeneufue avec ses fortifications pour s'irefugier au fort de ses plus rudes trauerfes, que les rebelles ont depuis quelque téps grandement accreuë & fortifiee, pour y maintenir leur reuolte & desobeissance cōtre les armes de son fils LOVYSE LVSTRE, de sorte que cest aujour d'huy le costé le plus fort de Montauban, le plus difficile à battre & le plus importât pour la place aussi fort iudicieuxmēt le Roy assigna de

1621.

*AÛsistance des  
Tholousains.  
Ils enuoyent  
4000. homes  
& 8. canons  
deuant Mon-  
tauban.*

*Villebourbon  
bastie sous le  
regne de Hen-  
ry le grand.*



*Est assignee  
pour quartier  
au Duc de Ma-  
yenno.*

*Camp du Roy  
formé.*

*Renfort de 4.  
Regimens arri-  
uez au Roy.*

*Regimens des  
sieurs de Estil-  
jac & de Pom-  
padour.*

*Louange du  
sieur de Pom-  
padour.*

ce costé le quartier dudit Duc de Mayenne recognoissant sa valeur & son courage inuincible, & le besoing qui estoit d'auoir vn grâd Capitaine de sô merite en cet endroit, où se deuoit signaler la vertu des plus braues de l'armee & soustenir les plus forts & furieux efforts des ennemis assiegez. Al'arriuee de ces troupes & de plusieurs autres avec le canon du Roy le Câp se forme de toutes parts, les tranches commancees par le trauail de plus de deux milles pionniers, se portét iusques sur le bord du fossé de la place, & les batteries s'a prestent de tous costez pour battre cete ville avec grande furie.

Au renfort de ce siege arriuerent les Regimens des sieurs Barons d'Estillac & de Pompadour, tous deux grands Capitaines, l'vn signalé pour sa longue experience en la conduicte des armes, l'autre ledit sieur de Pompadour Limosin est vn courageux seigneur qui a de tres-belles partyes en luy issu d'vne grâde & ancienne maison, nourry à la peine & aux exercices violéts, hôme de grâd courage & de bonne affectiô au seruice du Roy, qui sçait tellement gagner le cœur de la Noblesse, qu'il y a peu de Gentils-hômes en tout le haut & bas Limosin qui ne montét tousiours libremét à cheual pour luy. En cete occasion il a assemblé vn des beaux Regimens qui se puissent voir lequel il amené au Camp du Roy deuant Montauban & se sont logez au quartier de M. le Cōestable

outre quelques autres Regimens Gascons que la M. a fait encore leuer és enuirs de Bourdeaux, qui se sont logez aux deux autres quartiers des Ducs de Mayenne & de l'Escliguières: de maniere qu'au cōmencement de ce siege, la place s'est trouuee inuestie de plus de 30000. hommes.

Les aproches estans faictes comme dessus où y eut peu de perte & les barricades des ennemis gaignees, le passerent trois ou 4. iours d'interualle, durant lesquels ils ne firent pas grandes deffences, iusques au Dimanche 22. Aoust que lesdits ennemis firent vne sortie sur les neuf heures du matin du costé du quartier de M. le Connestable, où Monsieur de Sarroque premier Capitaine du Regiment de Normandie, poursuivant courageusement les ennemis fut tué d'un coup de canon de la ville, cōme aussi le sieur de Breüil Capitaine au Regiment de Piedmont, avec vn Gentil-homme nommé le sieur de Chastelard & quelques 25. ou 30. soldats tant blesez que tuez apres auoir couché bas plus de 80. rebelles.

Le mesme iour apres Midy fut tué le sieur de la Valee braue & excellent Canōnier, allāt recognoistre le lieu propre pour les bateries qui fut regretté du Roy & aussi de toute l'armee: il auoit fait des merueilles au siege de S. Iean d'Angely, & promettoit encore faire voir mille beaux effects de son art en cettuy cy au seruice & contentement de la Maieslé

*Sortie des ennemis sur le quartier de M. le Connestable  
Le sieur de Sarroque tué.*

*La Valee Canōnier du Roy tué.*

1621.

Blesseure lege-  
re du Comte  
de Fiesque.

Trois nouvelles  
sorties des en-  
nemis.

La 1. au quar-  
tier de M. le  
Connestable.

Courage de M.  
de Bassompier-  
re.

Secours des  
Suissses.

Le lendemain 23. Aoust le Côte de Fiesque estant au quartier du Roy & assistant Monsieur de Bassompierre qui alloit reconnoistre la place, receut vne mousquetade fort fauorable, car elle ne luy emporta que la moitié des tassettes de son pourpoint, & luy fraya quelque peula chair, sans luy faire autre mal: cela luy fut pourtant vn indice notable du malheur qui luy arriua par apres.

Le lundy 16. Aoust, les ennemis delibererent de faire trois diuerses sorties par 3. diuers endroicts, contre tous les trois quartiers du Camp.

La premiere fut de six cens hommes sortis au quartier du Connestable, sur Monsieur de Bassompierre: ce Seigneur qui est l'un des braues caualliers de Frâce, attend les ennemis de pied ferme, où plus resolu à la deffence qu'ils n'estoient à l'attaque les reçoit courageusement sans passer ny reculer, mais tout habille qu'il est il s'en alloit surpris & engagé en de grandes extremitez, n'eust esté que fauorablement pour luy les Suissses pour lors arriuoient en garde en son quartier, dont il est Colonel, qui se presenterent à la deffence de leur Chef, & chargerent si rudement les ennemis à coups de mousquet qu'ils leur firent prendre le galop du costé de leurs murs, apres en auoir abbatu quelque bon nombre.

La 2. sortie qu'ils firent par vne autre porte



fut sur le Regimēt de Piedmont, qui venoit d'arriuer en nombre de douze cens hommes pour acheuer de bloquer la place du costé de la prairie qui ne l'auoit encore esté, & auquel lieu les ennemis enuoyoient encore paistre leur bestail: que M. le Marechal de Themines \* auoit deffendu d'aller surprendre scachât que c'estoit vne amorce des ennemis pour y attraper les nostres: ils attaquérēt dōc ce Regiment de Piedmōt avec 400 hōmes biē fraiz & biē armez: mais ils ne les estōnent nullemēt, car quoy que las & recrūs ils résistēt de pied ferme & tirēt viuement sur eux, Pescharmouche se continue quelque peu de tēps, mais voyans qu'ils estoient traitez tout d'une autre maniere qu'il ne s'estoient imaginez, se retirerēt tousiours en cōbattant, & tousiours perdās quelques vns des leurs: en demeura de morts bonne quantité, avec la perte de leur bestail qui fut surpris en mesme temps: & du costé des nostres, y demurerent seulement deux Lieutenans & quelques dix à douze soldats.

La 3. sortie fut sur le quartier du Duc de Mayenne: enuiron 80. ou cent cheuaux armez de toutes pieces sortirent de la place pour enleuer quelque piece dudit quartier de ce genereux Prince: mais il n'est si tost aduertý de leur sortie & dessein, qu'il va au deuant & les reçoit avec tant de courage & d'ardeur, assisté de 200. bōs cheuaux, aussi

1621.  
2. sortie sur le  
Regiment de  
Piedmont.

\* Car comme  
on luy eust dit  
M. voyla un  
beau troupeau  
de bestail facile  
à surprendre,  
il est vray, dit  
il mais les ber-  
gers & les chiē-  
sont à craindre

Bestail des en-  
nemis surpris.

3. sortie sur M.  
de Mayenne.

1621.

*Ennemis des-  
futs.*

armez de toutes pieces, qu'il taille la plus-  
part en pieces, pour suit le reste l'espee à la  
main & le pistolet en l'autre, & les cōtraint  
de se renfermer habillēmēt en la ville Bour-  
bon d'où ils estoient partis, avec honte &  
dommage.

*Retranchemēt  
gagné par le  
Duc de Mayē-  
ne.*

En cete poursuite ledit sieur Duc de Ma-  
yenne gaignevn retranchement que les en-  
nemis auoient fait deuant ladire ville Bour-  
bon tout proche vn rauclin, y plante la  
picque & y faict loger des gens de guer-  
re.

*Bateries du  
Roy dressees.*

Pendāt cecy tout le reste de ce mois d'A-  
ouust on trauaille aux bateries, que l'on dres-  
se contre la place en tous les quartiers du  
Camp, & pose l'on du costé de la ville Bour-  
bon seize pieces de batterie, dix au quartier  
de M. le Connestable & dix en celuy du Duc  
de l'Esdiguieres.

*Baron de Per-  
sin tué.*

Le 27. Aouust le Baron de Persin allant à la  
charge contre les ennemis qui estoient sor-  
tis au quartier du Duc de l'Esdiguieres, y  
fut tué avec vn autre Gentil-hōme du Dau-  
phiné, apres auoir deffaict vn Lieutenant  
de la ville que l'on tenoit pōur le plus bra-  
ue des assiegez ; Ce fut dommage de ce Ba-  
ron, qui estoit tref-vaillant, il fut fort re-  
gretté dudit sieur Duc de l'Esdiguieres, il  
estoit beau frere du Comte de la Marche,  
& ne bougeoit ordinairement d'apres la  
personne dudit Duc.

Le 30. Aouust le Côte de Fiesque fut blessé  
d'vn

d'un coup de fauconneau, dont il mourut quelques iours apres: la perte de ce Seigneur fut regrettable, il estoit homme de bien & grand seruiteur de Dieu & du Roy.

Auant que de passer plus outre, faut remarquer qu'à la reduction de Clerac, se presenta vn Sergent à monsieur le Connestable nommé Sauvage, lequel à ce que l'on tient, auoit disposé les habitans dudit Clerac à se bander contre les factieux, & enuoyer demander pardon au Roy.

Ce Sergent homme hardy & de grande entreprise, ne craignant rien moins que la perte de sa vie, promit audit sieur Connestable que luy permettant de se retirer à Montauban il esperoit rendre quelque bon seruice au Roy, moyennant qu'en temps & à propos on luy donnast des hommes pour exccuter son dessein.

*Le Sergent Sauvage descouuert à Montauban.*

Sans euaporer son secret il sort de Clerac avec les soldats de la garnison sur lesquels il auoit charge & cōmandement, les memoires de la Cour disent, que cōme les soldats du party des rebelles chassiez d'un lieu demandoient logement en vn autre, moyennant le seruice qu'ils y pouuoient rendre, ce Sauvage avec quelques vns de ladite garnison se refugia à Montauban, où il est le tres bien receu, comme soldat d'experience & de grande recommandation, on luy donne charge en la ville sur vne cōpagnie de gens de pied, & va aux rondes, aux gardes & aux veilles à



1621.]

*Est pendu aux  
murailles par  
les ennemis.*

son tour de mesme que les autres. Le dessein de cét homme estoit tel, que moyennant deux milles hommes qu'on luy deuoit tenir au iour que luy & sa compagnie seroient de garde, il entreprendroit de rendre le Roy le plus fort dans la ville, à laquelle il donnoit esperance de faire receuoir vn bon secours, auquel il promettoit vne seure & facile entrée sans peril: les rebelles adioustoient veritablement creance aux parolles de cét homme, duquel ils n'auoient que toute bonne opinion & toutes belles preuues de son experience: mais comme possible ce dessein auoir esté reuelé, ou par luy, ou dans le camp du Roy à quelques traistres, il fut incontinent decelé aux assiegez, lesquels tous bouffis de cholere & furie font apprehender ce pauvre miserable, le pendent & l'estranglét aux murailles de leur ville à la veüe du camp: la verité est telle que si l'entreprise eust fortý son effect, il n'y eust eu pas tant de personnes de qualité & autres de tuez en ce siege, comme il y en eut, & sa Maiesté pleine de misericorde se fust contentee d'estre maistre de la place & de la punition des principaux autheurs de la rebellion, pour espargner le sang de ses subiects: mais Dieu en a ordonné autrement pour se vanger tout à fait de l'insolence d'vne tant ingrate ville: poursuiuons nostre siege.

Le premier iour de Septembre les batte-

ties de trente six pieces de canon furent par-  
faitement dressees, & commencerent à bat-  
tre contre la place.

Le lendemain 2. le feu se mit en huit  
ou neuf caques de pouldres, quelques vns  
tennēt que ce fut par la malice de quelques  
traistres de l'armee, les autres que cela arriua  
par l'estincelle de quelque mesche allumee;  
quoy qu'il en soit cela arriua aux batteries  
du Regiment des Gardes vers le quartier du  
Duc de l'Esdiguieres, où il y eut quelques  
quarante personnes de bruslez, tant des offi-  
ciers du canon, que des soldats dudit Regi-  
ment.

Le soir du mesme iour, le feu se print en-  
core aux pouldres des batteries du Duc de  
Mayenne, & alors on dist tout haut en l'ar-  
mee du Roy, qu'il y auoit des traistres dans le  
camp, qui auoient mis ce feu ausdites batte-  
ries, & qui faisans mine de seruir le Roy, a-  
uoient esté gaignez des rebelles & vouloient  
tout perdre: de ce second accident il y eust  
quantité de personnes de qualité bruslez -  
le Duc de Mayenne eut la barbe attein-  
te de ce feu: le Marquis de Villars qui  
estoit avec luy ausdites batteries, fut fort  
endommagé & tellement bruslé, qu'il en  
mourut. du depuis de là à quelques iours:  
aussy y fut bruslé le Vicomte de Bourbon-  
ne & plusieurs autres Gentilshommes &  
officiers perdus.

1621.

Feu des batte-  
ries du Roy.

Feu aux pou-  
dres du Roy.

Plusieurs bras-  
sés.

Marquis de  
Villars bruslé &  
mort.

Vicomte de  
Bourbonne  
bruslé.

1621.

*Premiere attaque du Duc de Mayenne à la ville de Bourbon.*

*Perte des siens.*

*Seconde attaque.*

*Escalade d'une demie lune.*

*Est repoussé avec grande perte.*

Le 3. Septembre le Duc de Mayenne, ayant pris avec luy vn bon nombre d'infanterie, & vne quantité de Seigneurs & autres volontaires, alla courageusement attaquer vne demie lune des ennemis à la ville de Bourbon: son courage qui fut extreme & prodigieux en l'attaque, fut neantmoins avec peu d'effect, car les ennemis ayans enuoyé à la defense l'eslite de tous les meilleurs soldats que ils eussent là dedans, firent vne si furieuse resistance à la valeur des assaillans que notwithstanding les efforts violens dudit sieur Duc; il fallut quitter l'entreprise sans rien gagner, & y demurerent plus de soixante hommes des siens.

Le lendemain 4. Septébre, ledit Seigneur Duc en cholere de la perte qu'il auoit faicte ledit iour precedent sans effect, se resolut d'attaquer plus furieusement ladite demie lune: plusieurs Seigneurs & Gentilshommes volontaires le suiurent en ceste perilleuse entreprise, il faict poser douze ou treize eschelles, par lesquelles 30. ou 40. des plus braves de sa troupe montent & grimpent pour gagner le dessus de ceste demie lune, mais le malheur arriva que les eschelles se trouuerent trop courtes de plus de quatre pieds, ce qui causa vn grand conflict & vne perte extreme d'une telle Noblesse. Le Côte de Gramont qui estoit môté des premiers à l'escalade, voyant la gresle des mousqueteres qui pleuuoit sur ses compagnons, & les



longues pieces de bois & les pierres que les ennemis rouloient sur la teste des assaillans, se glisse le long de la muraille & se sauue: vous eussiez veu ceste genereuse Noblesse, non comme des hommes, mais comme Lyôs magnanimes monter & grimper à la proye de l'honneur pour emporter ceste place, & faire tout ce qui estoit de la force & du pou- uoir humain en ceste occasiō; mais aussi d'au- tre part, vous y eussiez veu les ennemis en visage de Dragons se deffendre & repousser les nostres avec tant de feu & de furie, que l'on les estimoit estre plustost diables incar- nez, que vrays hommes naturels, tant l'ex- tremiré & le courage invincible de nos as- saillans les obligeoit à ceste forte & necessai- re deffence sans laquelle la demie lune gai- gnee, la ville de Bourbon estoit prise, & Mô- tauban grandement incommodé. Le plus fort du combat fut dans le fossé, où il n'y a- uoit point d'eau, & là où nous fîmes la plus grande perte, car les nostres ayans esté con- traints de se jeter à bas des eschelles qui leur estoient inutiles pour éuiter l'effort de la deffence des assaillis, les ennemis viennēt à sauter pesse mesle avec les nostres dans le- dit fossé, les femmes mesmes, vrayes Tygres- ses endiablees affommoient nos soldats à coups de pierres & de rondeaux pleins de grez qu'elles rouloiet sur leurs testes de des- sus la muraille, & dans ce conflict, y eut per- te grandement notable pour le Roy de cent

*Courage de la Noblesse.*

*Rage des enne- mis.*

*Combat fort cruel dans le fossé.*

*Perte pour le Roy.*

1621.

*Mort du Marquis de Themines.*

*Les sieurs de la Frere & le Marechal de Themines blesez.*

*Les sieurs de Carbon, & Fargon tuez.*

*Desespoir du Duc de Mayenne*

*Corps des Gentilshommes tuez enleuez par les ennemis*

*Action ignominieuse des ennemis.*

soixante braues hommes, entre lesquels il y eut pour le moins soixante Gentilshommes de marque tuez, & plusieurs Seigneurs tant tuez que blesez, entre autres le ieune Marquis de Themines tué, le vieil Marechal de Themines son pere blezé; le sieur de la Frere Gouverneur de Chartre griefuement blezé, le sieur de Carbon tué, le sieur de Fargon aussi tué, le Baron de Tiange Lieutenant dudit Duc de Mayenne fort blezé, le Cheualier de Valence aussi fort blezé, outre beaucoup d'autres braues hommes tuez & blesez dans ledit fossé à l'escalade de ladicte demie lune, dont ledit sieur Duc estoit presque reduit au desespoir, & de cholere & facheries y vouloit aller perdre, si ses amis ne l'eussent retenu, & fut on contraint de quitter l'entreprise. Les ennemis orgueilleux de nous auoir fait ce dommage, non satisfaitz, enleuerent les corps morts des tuez qui demurerent en ce fossé, & emmenerent dans la ville ceux des blesez qui ne pouuoient auoir la force de se sauuer & se tirer de leurs mains. Le Roy qui eut vn regret incroyable d'une si grande perte, preuallut sur les ennemis du temps & du loisir de pouuoir faire retirer ceux qui resterent dans ledit fossé; outre ceux qu'ils auoient enleuez dans la place.

L'inhumanité fut bien si monstrueuse au courage de ses rebelles, qu'apres auoir despoüillé les corps de ceux qu'ils auoient enle-

uez, ils les jettoïent aussi nuds que la main par dessus la muraille dans le fossé, par vne exemple de plus barbare ignominie que les hommes plus barbares sçauroient faire à leurs ennemis.

Mais encore par vn acte le plus cruel qu'on se puisse imaginer, le sieur de la Fre-  
 te ayant esté pris & emmené prisonnier tout blessé dans la ville, croyant se pou-  
 uoir finalement liberer de leurs mains par quelque sorte de rançon, prie qu'on le mette en quelque lieu pour auoir le moyen de se faire penser & medicamenter de ses playes & blessures, pendant qu'ils aduise-  
 roient de la forme en laquelle ils le vou-  
 droient traicter.

Pendant que l'on pensoit ce Seigneur, deux iours apres le Duc de Mayenne re-  
 solut de donner derechef vn troisieme as-  
 saut aux ennemis du costé de la mesme vil-  
 le de Bourbon, où il ne fit autre effect a-  
 pres la perte de quatre-vingts soldats, que  
 de se loger sur le bord du fossé malgré  
 toute la resistance qu'ils firent, où ils per-  
 dirent assez bon nombre des leurs, entre  
 autres vn de leurs plus courageux Capitai-  
 nes appellé le sieur de Masieres, fort re-  
 gretté des rebelles: ce qu'ayant esté sçeu  
 par les rebelles & les femmes de la vil-  
 le, les memoires de la Cour disent qu'ils  
 entrèrent furieusement au logis où es-  
 toit ledict sieur de la Frete qui se faisoit

*Emmenant le  
sieur de la Fre-  
te tout blessé.*

*3. attaque du  
Duc de Mayenne.*

*Se loge sur le  
bord du fossé.*

*Masieres Ca-  
pitaine des en-  
nemis tué.*



1621.

*Cruauté ex-  
crable des rebel-  
les sur la per-  
sonne du sieur  
de la Fressa.*

penfer, & se jettant inhumainement sur luy le tuent & le massacret à coups de cousteaux & de poignards, luy coupent les mains, les pieds & autres cruantez, puis jettent son corps par dessus les murailles, felonnie incroyable, cruauté nompareille indigne à iamais de la misericorde de Dieu & du Roy, action vituperable en toute sorte de siecle, cōme la plus barbare & extraordinaire que l'histoire puisse produire de la cruauté mesme des nations plus felonnes & cruelles, que Dieu ne laissera pas impunie.

*Presomption &  
d'audace des as-  
siegez.*

Ces choses enlent d'autāt plus le courage de ces rebelles, qu'ils ont veu par trois fois leur ville neufue attaquée, sans auoir esté emportee: ils se resoudent là dessus tellemēt à la deffence, que s'il y a quelqu'un qui parle de composition, il court risque de la vie parmy eux. Mais à l'heure qu'ils se glorifient d'une si belle affaire; l'ardeur commença à se refroidir là dedans, lors qu'ils apprirent la deffaicte des troupes du Duc de Rohā par le Duc d'Angoulesme, & des autres freres du Languedoc par le Duc de Montmorency, qui venoient d'estre mis & taillez en pieces au mesme temps par les gens du Roy. Ce qui diminua vne partie du dueil qui s'estoit glissé vniuersellement au camp, sur la perte que dessus, & consola aucunement sa Maiesté, qui deslors commada de faire iouer toutes les batteries sur la place.

*Qui consola  
l'armee du  
Roy.*

L'insolence qui faict tout oser & entre-

prendre aux rebelles les porte incessammēt aux sorties par vne porte libre qui leur reste du costé des marets, où ils tuēt de sang froid les passans, & emmeinent tout ce qu'ils rencontrent: mais ils seront bien tost bouclez de ce costé, aussi bien que des autres, à l'arrivée des troupes que sa Maiesté doit recevoir en bref.

Pendant quoy, & quel'on prend vne autre resolutiō pour battre Montauban, voyōs ce qui se passe és autres lieux contre lesdits rebelles.

Au mesme temps se publient par la Frâce, les genereux exploits de guerre del'armee du Roy commandee par le Duc d'Espèrnon deuant la Rochelle: car outre ce que i'ay touché cy dessus des charges, surprise & deffaites desdits Rochelois par ledit sieur Duc le long du mois d'Aoust, nous cognoistrōs que c'est fort peu de chose, au prix de ce que nous allons descrire y auoir esté fait le long de Septembre ensuiuant, tant par mer que par terre, pendant que l'on attaque furieusement Montauban.

Il est tout premierement à remarquer que le cinquiesme dudit mois de Septembre le Duc d'Espèrnon ayāt pris avec soy vne partie de sa caualerie, s'en alla recognoistre le Chasteau de Fouras proche Tonne-Charēte, où pour la garde d'iceluy il y auoit quelques gens de pied en garnison: ceste place est assez forte, & appartient au sieur de Dom-

*Exploits du  
Duc d'Espèr-  
non deuant la  
Rochelle.*

*Prise du Cha-  
steau de Fou-  
ras en Aulniz.*

Pierre en Aulnix qui est suspect, à cause d'un sien frere qui est avec les rebelles dans la Rochelle, & de la Religion pretendue reformee: cedit Chasteau ayant quelque apprehension de ne pouuoir estre secouru au besoing, s'est rendu audit Duc d'Esperson, qui a changé la garnison & y en a mis vne autre pour asseurer la place au Roy, & liberer le pais de la jalousie qu'il en pouvoit auoir.

*Dessain du Duc  
d'Esperson sur  
le fort de Coreilles.*

*Gros de seize  
cens hommes de  
la Rochelle for-  
ty pour empes-  
cher la prise de  
Coreilles.*

*Dressent deux  
bataillons.*

*Conseil pour les  
attaquer.*

L'onzieme iour du mesme mois les Rochelois ayans eu aduis que monsieur le Duc d'Esperson vouloit aller visiter Coreilles, lieu fort peu distant de la Rochelle, du costé de la mer, où il n'y a qu'une maison fortifiée d'un fossé profond tout à l'entour, & quelques vignes, se resolurent de luy en empêcher l'entree, firent sortir seize cens hommes de la ville avec quelque caualerie, lesquels ils disposerent en deux bataillons dans lesdites vignes, soustenus de leur dite caualerie, & asseurez qu'ils estoient du lieu entouré de fosses assez malaisées à franchir pour les aduenues estroictes & difficiles d'abord: Neantmoins, comme monsieur d'Esperson se veid irresolu, ou de les attaquer, ou de les laisser; le Comte d'Oriac premier Maistre de camp de l'armee, dit audit Seigneur Duc qu'il ne falloit pas se retirer sans les combattre. Cet aduis fut trouué bon, & monsieur d'Esperson ayant fait donner ordre d'attaquer lesdits deux bataillons ennemis, voyla aussi



est le sieur de Coulanges, Lieutenant de la compagnie de monsieur de la Curee, qui donna le premier tout au trauers d'eux, soutenu qu'il estoit du Marechal des logis de la compagnie de la Roynne regnante.

*Combat avec les ennemis.*

Le sieur de Fresnoy, commandant à la compagnie de la Roynne Mere du Roy en qualité de Lieutenant & Capitaine en chef d'icelle compagnie, ayant avec luy la compagnie du Duc d'Elbœuf, & celle du Comte de Moret, allerent pour les soutenir, & passerent à trauers d'un fossé de douze pieds de hauteur, par un chemin si estroit qu'il n'y auoit passage que pour un homme de cheual à la fois, dans lequel tomba le Marechal des logis de la compagnie dudit sieur Comte de Moret avec son cheual, ce qui tint quelque temps le chemin embarrassé, & donna de l'incommodité à ceux qui suiuoient, & qui se pouissoient par l'espaule par grand courage à qui sortiroit de là le premier pour se trouver à la charge, voyant ja leur chef passé, ledict sieur de Fresnoy au milieu des vignes bien fort engagé au combat avec les ennemis, entouré de toute la mousqueterie de leurs deux bataillons qui faisoient feu de tous costez, & de leur caualerie, toutes lesquelles troupes ennemies furent mises en desordre & deffaites sur le champ, demeurans sur la place plus de trois cens des leurs,

*Valeur du sieur de Fresnoy Capitaine de la compagnie de la Roynne Mere du Roy.*

*Est fort engagé au combat avec les ennemis.*

1621.

*Deffaitte des  
Rochelois.  
Maire designé  
de la Rochelle  
avec le fils du  
Procureur du  
Roy de la ville  
prisonniers.*

*Le Duc d'Es-  
pernon retire  
ses troupes.*

*Regret de ses  
autres troupes  
pour n'auoir es-  
té à la charge  
des ennemis.*

soixante & quinze prisonniers & pris, entre lesquels a esté trouué vn nommé Gouyn qui doit estre Maire immediatement apres celuy qui l'est de present à la Rochelle, & vn autre nommé Coudeuache, fils du Procureur du Roy de ladite ville, & plus de quatre vingts de blesez, qui ayans esté portez dans la Rochelle en sont morts, pour la pluspart du depuis. Le sieur de Dauuail commandât la compagnie de la Roynie regnante, avec le Baron d'Anton, frere du Marquis de Roüillac, conduisant la compagnie de monsieur d'Espernon, vouloient aller à la charge, & tirer leur part de ce choc: mais mōsieur d'Espernon, se contentant de ceste victoire, où il n'auoit perdu que cinq des siens, voyant que le regiment de Sainte Iame auoit failly par la faute du Sargent major, qui auoit allegué que les Soldats n'auoient ny plomb ny poudre, commanda au sieur de Biron maistre de camp de faire retirer lesdites deux compagnies de gens d'armes, qui penserent mourir de desplaisir, pour auoir veu la feste sans y auoir dancé: Car c'est la verité que si lesdites deux compagnies & ledit regiment de Sainte Iame eussent donné, de seize cens qu'estoient les ennemis il n'en fut pas eschappé vn, & se virent neantmoins poursuiuis iusques aux portes de la ville qui furent bien promptement fermées, tant la crainte & l'espouuante fut grande au dedans.

Ce qu'estant executé, les Rochelois com-

mencerent à faire tonner leurs canons de tous leurs bastions, avec tant de furie & si dru qu'il sembloit qu'ils fussent employez à la barterie de quelque ville, comme aussi des vaisseaux qui estoient en leur Haure, furent tirees force canonades, qui Dieu mercy n'endommagerent les nostres.

Ce iour la, il estoit pour le moins trois heures de releuee que monsieur d'Espernon n'auoit pas desieuné, & comme il s'arrestoit à manger vn morceau, & à parler audit prisonnier nommé Coudeuache, fut dit audit sieur Duc d'Espernon par le sieur de Fresnoy. *Monsieur ostez vous d'icy, car deuant qu'il soit peu d'heure si ne vous retirez, les ennemis feront sortir deux pieces de Canon pour vous venir forcer de faire la retraite, & vous donner de la peine s'ils peuent. Ce que ledit Seigneur Duc ne voulut croire, disant, s'ils les font sortir, ie les prédray. Aquoy fut reparty par ledit sieur de Fresnoy, Monsieur vous les prenez donc, car vous les verrez tout à ceste heure.* Et comme ledit sieur Duc voulut aller voir la pointe de Correilles, il fit marcher deuant luy toutes ses troupes droit à icelle pointe, fit donner poudre, mesche & plomb à ses soldats, & commanda au Baron d'Anton son nepueu de faire passer sa compagnie de gens d'armes à la teste de tous, & audit sieur de Fresnoy de le soutenir avec celle de la Royne mere du Roy, ce qui fut fait, où aux approches force canonades ne leur furent espargnees, &

1621.

*Canons de la Rochelle tirez sur les nostres.*

*Auis important donné au Duc d'Espernon par le sieur de Fresnoy.*

*Responce du Duc.*

*Replique dudit sieur de Fresnoy.*



1621.

*Le Duc d'Esp-  
pernon en dan-  
ger de super-  
sonne.*

*Sa retraite.*

*Exploits de  
mer contre les  
Rochelois.  
Admiral de la  
Rochelle quel.*

n'eurent pas lesdites troupes cheminé cinquante pas, que lesdites deux pieces de canon, dont auoit parlé ledict sieur de Fresnoy commencent à tirer de telle sorte sur monsieur d'Espernon que peu s'en faillit qu'il ne fut tué, & malgré toute chose furent lesdites deux pieces de canon amenees à la maison forte dudit Coreilles, où la deffaitte venoit d'estre faicte & la nuit suruenant là dessus, monsieur d'Espernon se retira en son quartier, le Comte d'Oriac au sien à Croix chapeau, & ledit sieur de Fresnoy avec luy.

Ceste deffaitte a esté la seconde de celles que monsieur d'Espernon a faictes sur les Rochelois en ce dernier mois de Septébre, montrant par là l'affection qu'il a au seruice du Roy, & au bien de son Estar.

Outre ces exploits faicts sur la terre par le Duc d'Espernon, il s'en est encore fait d'autres sur la mer contre lesdits Rochelois. Il faut sçauoir que lesdits Rochelois ayans despesché leur pretendu Admiral, qui est un Nauiere Flaman du port de quatre cens tonneaux, artillé de 24. canons, & de 36. pierries, équipé de deux cens hommes, accompagné de cinq autres forts Nauires, dont les deux moindres estoient du port de quatre vingts tonneaux, aussi armez de canons & des hommes à l'equipollent, avec leur Gallere, qui est du port de 78. tôneaux, ayant 14. bancs pour bande, trois hommes à chaque rame, & 30.

hommes de guerre outre les commandeurs, son canon de coursié de fonte verte du poids de trois milliers & de seize pieds de long, qu'ils nōment la chaffe Biron, deux autres pieces de fonte verte à ses costez qui portent trois liures de boulet, & six gros faucōneaux aussi de fōte verte vers la poupe: ceste armee vint pour prendre & enleuer le Nauire du sieur du Challard, Capitaine garde coste de l'Admirauté de Guyenne & de la Tour de Cordouan, qui n'est que du port de cent tōneaux ou enuiron, armé de dix canons seulement, dont les huit sont de fonte verte, & a 80. hommes pour son equipage, tāt soldats que matelots, la pluspart Gascons & de Talmon, ordōnez par le Roy pour seruir sa M. en l'armee Nauale qu'elle fait dresser cōtre lesdits Rochelois, qui s'est trouué seul dās ce Haure depuis 2. mois en ça, où est le rendezvous general. Et a fait tous les iours la guerre ausdits Rochelois, leur empeschant de recevoir libremēt les rafreschissemēs & viatuailes que les mal affectiōnés au seruice de sa M. & les rebelles des Isles & autres lieux circōuoisins de ce pays leur enuoyēt, dōt il a prins 11. barques chargees, mesmes le Baron de S. Seuerin y allāt: Ladite armee print sō tēps le 24. Septembre, que le vent estoit Nort, de morte maree & de basse mer, pour executer son entreprinse, scachāt que la canal de cedit haure est estroit & difficile à nauiger & fort perilleux: ladite armee s'approcha à de-

*Leur dessein fut  
les Nauires de  
Guyenne.*

*Devoir du Cap-  
itaine Chal-  
lard comman-  
dant pour le  
Roy aux costes  
de Guyenne.*

1621.

*Entreprise de  
l'armee navale  
de la Rochelle.*

*Decouverte  
par ledit sieur  
Challard.*

*Canon des en-  
nemis tiré sans  
effect.*

me lieuë du premier bord dudit Haure, qui est eslongné de ceste ville de la portee du canon, & auroit faict aduancer ladite Gallere, croyant que ledit sieur du Challard n'auroit pas l'assurance d'appareiller & d'aller à l'écontre d'eux, comme ils n'auoient pas osé le faire, le quatriesme de cedit mois que ledict sieur du Challard alla avec sondit vaisseau & celui du Capitaine Moreleau d'Aulonne à la pointe de Chefdebois, & fort pres des murailles de la Rochelle, sans que les Nauires de guerre qui y estoient, se missent en deuoir de les charger, & qu'à leur venuë il print & emmena vne barque sortant de dedans leur chaisne. Ledit sieur du Challard qui ne vient que rarement à terre, estant tousiours dans son bord pour se garantir des surprises, descourit d'assez loing lesdits vaisseaux & la Gallere d'ennemis, il enuoya chercher vne partie de son peuple qui estoit à Broüage, & prier ledit Capitaine Moreleau & son neveu le Capitaine Boutonne, qui a aussi vn Nauire en ce port, de le vouloir ioindre & suiure pour seruir sa Maieité en ceste occasion, à quoy ils se disposerent, & en les attendant fit leuer les ancrs & tenir les voilles prestes, ce que voyant le Capitaine de ladite Gallere commença de faire tirer deux coups de sondit canon de coursie, qui ne porterent que sur les vazes, & n'approcherent que de bien loing le bord dudit sieur du Challard, qui fit mettre à la voile, & alla le plus pres qu'il



qu'il peut de ladite Gallere, se gouvernant par la sonde, sur laquelle il fit tirer pour reuenche sa vollee de trois coups de canon Et comme il tourna à l'autre bande pour prendre le vent qui luy estoit contraire lesdits deux Nauires Aulonnois passerent près de luy pour se couseiller de ce qu'ils auoient à faire.

1621.  
*Resolution des  
Galeres du Roy.*

*Mal-heur arri-  
ué aux Nauires  
des Aulonnois.*

Il fut arresté de prédre ladite Gallere ou la mettre à fonds, ce qui auroit esté infailliblement executé sans que lesdits deux Nauires Aulonnois s'allèrent mal-heureusement de pleines voiles eschoüer sur les bancs de sable, de sorte que ledit sieur du Challard demeura seul combattant pour luy mesme, deffendre & garder les autres, à l'encontre desquels ledit Admiral qui a de grandes pieces tiroit furieusement, & ses autres Nauires, comme faisoit ladite Gallere, qui occasionna ledit sieur de Chalard qui en plusieurs occasions l'espée à la main a fait preuue de son bon courage & de la vertu de sa personne, voyant le peril eminent de ses voyfins, de se resoudre avec ceux de sôdit bord de mourir plustost tous que de les abandonner, encores qu'aucuns soubçonnassent qu'ils s'estoient eschoüez à poste ce qui n'est pas croyable, & en ceste determinée resolution, ledit sieur du Chalard faisant gouverner son vaisseau contre les ennemis il leur faisoit tirer sans cesse de tous costez des coups de

1621.

*Canon du Roy,  
 & ses effectz  
 sur les vais-  
 seaux ennemis.*

*Dextérité du-  
 dit Chahard.*

canon, desquels en fut veu sept fort claires-  
 ment qui donnerent dans le bois dudit  
 Admiral, vn qui trauersa la Chaluppe ama-  
 rée à son dernier qui s'enfonga, & deux au-  
 tres à ladite Galere, dont l'un rompit son  
 esperon, & l'autre demonta sondit ca-  
 non de Courfié, qui fut le salut desdits Na-  
 uires eschoüées, d'autant que s'il fust de-  
 meuré en estat de tirer, il les auroit ruinez  
 en estant près à la portée du mousquet, &  
 pendant ce téps vn troisieme Naui-  
 re Aulonois, duquel le Capitaine estoit en Cour,  
 & son Lieutenant estant sur les murailles à  
 regarder le combat, où il fut blasme d'estre  
 pendant qu'on se battoit, ce qui l'en fit al-  
 ler faire appareiller, & fit mine d'aller ay-  
 der ledit sieur du Challard, mais au lieu de  
 le faire, il l'incommoda grandement, par  
 ce qu'au lieu de se mettre à vau le vent de  
 luy qui estoit vent deuant, le choqua, rom-  
 pit la vergue de Sibadere, & le jas de son  
 grand ancre, & celuy dudit sieur du Chal-  
 lard rompit à l'autre son mast Dartimon,  
 puis s'en alla de beau bout s'eschoüer sur  
 les vases (comme l'on dit volontairement)  
 nonobstant tout cela ledit sieur du Chal-  
 lard ne perdit pas sa pointe, & retourna sur  
 les ennemis, & si dextrement continua ses  
 batteries qu'il sembloit que sondit vaisseau  
 vollast, le flot estant venu comme la nuit  
 & le iour failly. Les ennemis se voyans bat-  
 tus & ne pouuans rien faire furent con-

traincts d'abandonner lesdits Nauires es-  
choüés, & commencerent à eux retirer les  
premiers auec leur honte & dommage, &  
ledit sieur du Challard ayant recogneu que  
ses voisins estoient aussi en flot fauorisa en-  
cores leur retraicte de trois coups de canõ.  
Et fit brauement la sienne esloigné des no-  
stres de la portée du canon: C'est ainsi que  
ce beau combat fut acheué qui dura veri-  
tablement depuis les trois heures de rele-  
uée iusques à la nuict cloze.

Lesdits deux Nauires premierement es-  
choüés se deffendirét fort bien de leurs ca-  
nons & de leurs mousquets selon qu'ils  
s'en pouuoient ayder au lieu qu'ils estoient,  
il fut tiré de part & d'autre plus de deux  
cens coups de canon, & de compte bien  
tenu du bord dudit sieur du Challard qua-  
tre-vingtsfeize, & en tout ce furieux &  
long combat, il ne fut tué ny blessé aucun  
dudit sieur du Challard, ny des Aulonnois  
mesmes, & n'y eut qu'un seul coup de ca-  
non des ennemis qui porta dans le bois du *Nul tué des*  
Nauire de Boutonne, qui est vn miracle de *gens du Roy.*  
Dieu, & de la protection & assistance qu'il  
donne à ceux qui le seruent, au Roy, & au  
public en vne si iuste cause, contre les enne-  
mis & rebelles, desquels le commun bruit  
est qu'il y en a nombre de morts, & de bles-  
sez, tant dans ledit Nauire Admiral que la  
Galere, & ne peut estre autrement.

Monseigneur de Poictouville comman-

M m ij



1641.

*Le sieur de  
Challard blessé  
legerement.*

*Sortie des ré-  
belles de Mon-  
tauban sans  
effet.*

*Arrivée du  
Duc de Guise  
au camp du  
Roy.*

deur de Malte Lieutenant pour le Roy en ce Gouvernement, & tous Messieurs les Capitaines de la garnison avec tous les ordres & peuple de cette ville estoient en prieres sur les murailles, voyans faire cette genereuse & glorieuse actiō audit sieur du Chalard, pour le secours duquel fut embarqué cent soldats de ladite garnison, qui ne combattirent pas. Ladite retraitte estant faicte, ledit sieur du Chalard se trouua blessé à l'œil gauche d'un esclat du Pont du Ré de son Nauires, qui s'esleua le canon tirant, & il ne delaisa pas le cōmandement sur ledit Pont, bien qu'il perdist quantité de sang par ledit œil & le nez, il a esté iugé par ses Chirurgiens qu'il n'en aura que le mal.

Et voyla en quelle sorte sont traictez les rebelles Rochelois tāt par mer que par terre, pendant que le Roy est occupé à chastier la rebellio de Montauban ie long de ce mois.

Le 7. Septembre les rebelles de Montauban firent vne nouuelle sortie au quartier de M. le Connestable sur le Regiment du sieur de Stillsac, auquel ils donnerent l'alarme, sans endommager personne.

Cedit iour arriva au camp le Duc de Guise, assisté de 400. Gentils-hommes la fleur & l'eslite de la plus belle Noblesse de Provence, l'accueil qu'on luy a fait au camp a esté grand, mais il y demeura fort peu de iours.

Le Samedi precedent 30. dudit mois arri-

Ma aussi en l'armée le Duc de Vendosme, accompagné de bon nombre de Noblesse, de sa compagnie de gens d'armes, de celle de ses cheuaux legers & vne de Carabins. Le Roy le voyant fut bien fâché de ce que ledit sieur Duc auoit congedié ses troupes auant que d'aller au camp, il auoit leué quatre Regimens, fort lestés : mais la liberté qu'ils se donnoient à la campagne fut cause qu'il les licentia.

Tous ces Seigneurs arriuez au camp, accrurent l'armée du Roy de courage & de forces nouvelles & alors fit-on de nouvelles entreprises pour attaquer les assiegez.

Les iours suiuañs les ennemis ont tousiours cōtinué leurs sorties esquelles ils ont endommagé aucuns des nostres & laissé aussi quelque nombre de leurs soldats pour reuâche.

Les 14. & 15. dudit mois le Prince de Joinuille cōmandant au quartier du Connestable se trouua attaché à vne demie lune laquelle il attaqua avec telle furie, qu'apres vne grâde resistâce des ennemis & vne perte des leur de plus de cēt, il en demeura maître: toutes fois ce ne fut pas pour long tēps, car à l'instant les assiegez ayant fait dresser à l'opposite vne contrebatterie, il là fallut abandonner sans remede. Ce Prince neantmoins fit des merueilles en cette attaque, & fut veu tout couuert de feu & de plomb sans que par la grace de Dieu il en receut aucun dommage.

1621.

Arrivée du Duc  
de Vendosme.

Attaque du  
Prince de Join-  
uille.

Gagne vne  
demie Lune  
mais il l'abandonne.

1621.

*Attaque du  
Regiment des  
Gardes.*

De l'autre costé le Regiment des Gardes attaquèrent si rudemēt vn boulevard de la ville, qu'apres auoir longuement combatu pique à pique avec les ennemis, ils se logerent dans le fossé où les assiegez ne leur pouuoient pis faire, que les attaquer à coups de pierres.

*Maladies grâ-  
des en l'armee.*

Pendant cecy les maladies deuiennent grâdes en tous les quartiers du cāp, & ne se passe iour qu'il ne meure 30. & 40. personnes, les soldats incōmodez en leurs appetits, mangeans force fruiçts du pays, & beuans à la volupté des vins de Gascogne, puis dormans à la chaleur du iour & au frais de la nuit les membres estendus par terre, se prouoquerent la dissenterie & autres fiebures pestilentes qui ont enleué plus d'un tiers de l'armée.

*Maladie de  
Monsieur frere  
du Roy.*

Au mesme temps vne fiebure cōtinuē trouailla tellement la personne de M. frere du Roy, quel'ō desesperoit presque de sa sāté, & fut porté à Grenade proche de Tholouze hors l'air du camp, pour y estre plus soigneusement & commodement traicté.

Mais vn des malheurs plus grâds qui eussent sçeu arriuer en l'armée & pour la France, fut la mort du Duc de Mayenne qui fut tué le Ieudy 16. Septembre en la maniere qui s'ensuit.

*Mort du Duc  
de Mayenne.*

Cedit iour cōme le Duc de Guise l'estoit aller visiter en son quartier, ledit sieur Duc de Mayenne luy voulut faire voir le lieu



qu'il auoit choisi pour y dresser vne nouuelle batterie, affin d'emporter à uelque prix que ce fust ladite ville Bourbô: ces deux Princes se pourmenans ensemble assistez du Côte de Chombert & de quelques autres Seigneurs furent conduits iusques au lieu où se deuoit esleuer cette nouuelle batterie à la portee d'un mousquet de la place assiegee: estans arriuez là enuiron sur les quatre heures de releuée, ils sont apperceus par les ennemis qui titerēt sur eux quelques mousquerades sans dommage fort qu'une qui perça & fit tomber le chapeau dudit sieur Comte de Chombert: ce que voyant le Duc de Mayenne & voulant tourner visage pour voir d'où cela venoit, voicy venir vne balle de mousquet, qui luy baille dans l'œil gauche, & passe d'outre en outre dont il tomba mort sur la place sans iamais prononcer vne parole: ce qui mit à l'instant tout le quartier en allarme: le Duc de Guise & le Marechal de Themines aussi tost font prendre les armes aux soldats craignans que sur la nouuelle d'un si triste accident qui alloit excitant vn grand trouble en l'armée, ne portast les ennemis à faire là dessus quelque furieuse sortie.

*Duel extrem  
en l'armée.*

Au bruit de cette mort les soldats n'auoient le courage de prendre leurs armes, les Chefs & Capitaines de l'armée se prennent à plorer: mais la tristesse en fut bien plus grande au quartier du Roy:

1621.

sa Maieſté qui auoit vn notable intereſt en la perte de ce genereux Prince, en pleura à chaudes larmes & y euſt grande difficulté à le reſoudre l'eſpace de plus de huit iours, quoy que l'on s'eſſorçaſt de faire tout ce que l'on peut pour diuertir ſa melancholie.

*Son corps porté  
à Aiguillon.*

Ce iour meſme ſon corps fut porté au logis du Roy dans le chaſteau de Picquecos, & ayant eſté ouuert & embaumé, ſon cœur fut tiré hors & enuoyé à Bordeaux pour precieus gage de l'affection qu'il portoit à ceſte ville, ſon corps fut porté à ſa Duché d'Aiguillon à l'inſtante priere de Madame la Duchefſe de Sforce ſa ſœur vnique.

*Regret de la  
France ſur ceſte  
mort.*

Toute la France teſmoigna de grands reſentimens de douleur en la mort de ce Prince, cōme eſperant de ſa valeur & magnanimité le repos de ceſt Eſtat, par l'eſſroy qu'il donnoit aux rebelles ennemis de ſon Roy.

Mais particulierement la ville de Paris qui ſur la nouuelle d'un ſi grand accident, alloit mettre le glaïue dans ſon propre ſein, & ſe conſommer en vne ſedition cruelle, ſi par la prudence de ſes Gouverneurs & Magiſtrats, ce feu n'eult eſté eſteint au commencement de ſon ardeur: cela ſe verra au lōg incōtinēt.

*Duc de Guiſe  
retourne en  
Prouence.*

Le Duc de Guiſe apres la mort de ce cher Couſin retourna en Prouēce par Thoulouze par permiſſion du Roy, pour acheuer l'ordre donné à l'armee nauale pour la Rochelle.

Le Mareſchal de Themines reſta ſeul commandant au quartier dudit feu Duc de Mayenne.

Pour les charges, la Majesté s'est reseruee d'en disposer a son loisir en temps & lieu, particulierement pour ce qui concerne ses Gouvernemens.

*Charges dudit  
feu Duc dispo-  
sees,*

Au Prince de Ioinuille fut conferee la charge de grand Chambellan de France pour recompense de sa vertu, & l'obliger d'auantage à bien seruir le Roy : faisant promesse à tous les officiers & domestiques dudit feu Duc, de les recompenser de leurs gages & seruices.

Le dueil de ceste mort qui fut vniuersel par tout le camp, allentit aucunement l'ardeur qui s'alloit allumant pour battre Montauban, dix ou douze iours s'écoulér en regrets, en Conseils, en gardes & veilles continuelles, & à preuenir les maux & les desordres qui pouuoient arriuer sur cest accident.

Les ennemis ce pendant, qui se resioüissent de la mort de celuy qui les alloit perdre, tous bouffis de courage, croyent estre deliurez de la plus grâde apprehension qu'ils auoient de perdre leur ville Bourbon du viuant de ce Prince, qui la vouloit emporter à quelque sorte de prix, comme si le Roy manquoit encore d'hommes de courage pour remplir sa place, & chastier leur rebellion insolente.

*Resioüissance  
des ennemis sur  
ceste mort.*

Mais vn autre cas arriua en mesme temps qui donna vn grand contentement à la Majesté, & conuertit la ioye des ennemis en regrets & en larmes, ce fut la deffaiete du se-



1621.

cours que depuis long temps ils auoient attendu du Duc de Rohā, & duquel ils auoient grandement besoing, puis que de quatre milles hommes de combat qu'ils estoient dans la place au commencement du siege, la mortalité & la guerre leur en auoient fait perdre plus de douze cens.

*Secours prou-  
té par le Duc de  
Rohan pour  
Montauban.*

*Trouue de la  
difficulté d'y  
entrer.*

Ledit sieur Duc de Rohan ayant donc esté dès le commencement de ce siege sollicité & pressé par les rebelles de Montauban d'assembler vne armée pour venir à leur secours, il se seroit acheminé au bas Languedoc & aux Seuennes où il a recueilly & ramassé tout ce qu'il a peu de soldats & de gés de guerre, lesquels il auoit conduit iusques à Castres à la faueur des places que les rebelles tiennent en ces quartiers là, où estant, il s'arresta tant pour ioindre encore quelques troupes qui s'estoient ramassées en Rouergue, Albigeois, Lauragnais, Foix & autres lieux circonuoisins, que pour aduiser aux moyens & à l'ordre qu'il auoit à tenir pour venir secourir les assiegez. Mais ayant à son arriuee audit pays recogneu la difficulté, voire impossibilité qu'il y auoit d'entreprendre le hazard, à cause du bon ordre que le Duc d'Angoulesme auoit mis à tous les passages: lequel auoit même desia deffait quelques iours auparauant vne partie de ses troupes au lieu nommé Fauch, comme i'ay dit cy-dessus, il se contenta de faire couler quelques douze Enseignes iusques

à Sainct Anthonin, qui est distant de Montauban de cinq ou six lieuës, sous la conduite du sieur de Beaufort & du Gouverneur de S. Anthonin en intention de les ietter dans ledit Montauban.

*Beau-fort en-  
treprend le con-  
duire.*

Et de fait le lendemain de leur arriuee audit Sainct Anthonin ils en partirent à la faueur des bois & des rochers fauorables à l'Infanterie: ils se mirent dans vne foret proche, à la faueur de laquelle ils approcherent enuiron deux lieuës: Et ayans recogneu qu'il y auoit du peril pour eux de passer plus outre à cause de l'ordre que les chefs de l'armee de sa Maieité y auoient donné, ilss'y arresterent pres de deux iours: Et depuis y ayans perdu quelques soldats, se retirerent audit Sainct Anthonin où ils demurerent encore deux ou trois iours & iusques au Lundy vingt sept-ième Septembre.

Car le Dimanche 26. ledit sieur de Beaufort conducteur de ces troupes fut sollicité dans ledit Sainct Anthonin, où il s'estoit retiré; par vn ancien bourgeois de Montauban, appellé Natalis, que la ville auoit fait sortir heureusement, & luy auoit enuoyé affin de la secourir de gens de guerre, desquels elle auoit dautant plus grande necessité que depuis le commencement de ce siege iusques à present, les armes du Roy en plusieurs combats, batteries de canons & mousquetaires y auoyent tué ou bles-

*Natalis bour-  
geois de Mon-  
tauban fait  
haster ce secours*

1621.

*Raconte la neces-  
sité des as-  
siege.*

*Est es carrou-  
ché par les  
cheuaux legers  
du Roy.*

fé plus de cinq cens hommes: De sorte que ledict Natalis fit recognoistre audict sieur de Beaufort que s'il ne se resoluoit de hazarder le secours, la ville de Montauban estoit non seulement perduë pour eux, mais que dans cette perte leur party receuoit vn preiugé d'vne certaine ruine. Tellement que ledit sieur de Beaufort se delibera temerairement le Lundy vingt septiesme, de partir de saint Anthonin à vne heure apres midy, avec les sept compagnies de son regiment, & cinq autres compagnies qu'il prist dans saint Anthonin, faisant en tout le nombre de douze cens hommes de pied, bien resolu & bien armez, & s'imaginant que les chemins les plus couverts & les plus aduantageux pour l'infâterie, seroyent ceux que l'on feroit mieux garder, il entreprist vn autre chemin de pleine de saint Antho- nin à Montauban, où veritablement il r'en- contra l'aduantage qu'ils estoit proposë n'y ayant eu autre empeschement que celuy que luy peurët donner vingt cinq cheuaux legers, de la compagnie du Roy qui esto- yent en garde par ce chemin la, & qui ne peurent point aduertir assez à temps, l'autre caualerie ny apporter audit secours autre empeschement que les attaquans par fois à la queue, en firent vingt cinq prisonniers, & en tuerent vne douzaine, de maniere que lesdicts mil hommes arriuerent à trois heu- res apres minuit par ledit chemin bië pres



*Vient au ren-  
contre du Re-  
giment de Nor-  
mandie.*

de Montauban, iusques à vne bonne bar-  
riquade, à laquelle le chemin coupé & creu-  
sé seruoit de fossé, & y estoient de garde  
trois cens hommes du regiment de Norma-  
die, commandez par les sieurs de Vegues  
& de la Saladie: les sètinelles aussi tost qu'el-  
les virent les ennemis leur demandes qui vi-  
ue; eux respondent le Roy puis deman-  
dent le mot les ennemis ayant respondu ro-  
han, aussi tost lesdites sentinelles tirerent, &  
apres deux petites troupes qui estoient  
deuant la barriquade à droit & à gauche,  
firèt aussi leur descharge, mais les ennemis  
mesprisans tout cela, s'estans separez en 3.  
corps l'un apres l'autre, feirent par le pre-  
mier corps la teste baissée, continuer le che-  
min, ne croyant pas trouuer ledit fossé &  
ladite barricade, contre laquelle neant-  
moins ledit premier bataillon donna trois  
fois y ayant esté tué & deffait entierement  
par lesdits soldats ou regiment de Norman-  
die, lesquels à coup de picques & d'espees  
les repousterent avec vne vigueur & coura-  
ge incroyable, tellement que les ennemis  
feirent par leur second bataillon prendre à  
droit & à gauche de ladite barriquade à tra-  
uers champs pèsant par là pouuoir gaigner  
la ville de laquelle ils voyoient desia les feux  
& entendoient les cloches qui esclairoyent  
& sonnoient à leur faveur.

*Sont attaquez  
& deffaits en  
partie par les-  
dits Regimens.*

Et veritablement lesdits trois cens soldats  
de Normandie difficilement eussent ils em-

1621.

*Valeur du sieur  
de Bassompierre*

pesché au large vn plus grand nombre: mais Monsieur de Bassompierre qui s'en alloit avec quatre cens Suisses, pour garder vn autre costé, ayant ouy le bruit du combat, s'y envint si à propos qu'il deffit ledit second bataillon des ennemys, & en tua, & fit quantité de prisonniers, ayant seruy en ceste occasion avec courage & iugement singulier.

*3. corps des en-  
nemis deffait.*

Mais ledit sieur de Beaufort qui menoit le troisieme corps des ennemys, comme le plus perilleux & difficile à faire entrer, pensa se sauuer prenant le chemin plus bas, où toutesfois il rencontra le sieur de Praille, guidon de la compagnie de gensdarmes de Monsieur frere du Roy qui y estoit en garde avec trente Maistres, & qui donna si furieusement qu'il mit en desroute tout ce troisieme corps, & fit entr'autres prisonniers ledit sieur de Beaufort, qui fut blessé d'un grand coup d'espee sur la teste, & d'une mousquetade dans l'espaule, & encores il y eut grand nombre de tuez, blesez & pris. Mais à cause que tout cecy passa assez proche de la place, laquelle les feux & les cloches donnoient commodité de trouuer, il eschappa à la desbandade de tous lesdicts trois corps des ennemys quelques cent ou six vingts soldats, qui voyans leur fuite & leur retraicte plus proche dans ladicte ville, crioyent viue le Roy pour euader le peril, & couuerts du manteau

*Rebelles de  
Montauban  
sonnent leurs  
cloches & font  
feux pour la  
roye qu'ils ont  
du secours.*

de la nuit, s'y en allerent à trauers des vignes, & ayansietté leurs armes bas, estans la pluspart lardez de coups de picques, & de hallebardes, y porterent les premiers ceste bonne nouuelle.

Pour accomplissement de laquelle Monsieur le Connestable qui arriua aussi tost en ceste occasion ayant enuoyé de la Cavallerie de tous costez, pour trouuer ceux qui se pouuoient estre retirez, fut cause que le Comte d'Ayen, avec deux cens Maistres qu'il commande, rencontra quatre cens soldats des ennemis, que le Ministre & trois Capitaines renuoyerent à Saint Anthoin, lesquels mirent les armes bas, & s'estans rendus sans combat, sont à present tous prisonniers à Bourdicquès. De façon qu'il se trouue qu'en ceste rencontre il y en a de morts enuiron deux cens cinquante, quelques six à sept cens prisonniers. & le reste ou retirez dans la ville, ou dissipez par les bois, & par les vignes, apres lesquels le Roy a enuoyé des gens.

*Euyards des-  
facés par le  
Comte d'Ayen*

*Nombre des  
morts.*

La pluspart des Capitaines outre ledit maistre de Camp, furent tuez, blesez, ou prisonniers, 5. drapeaux gaignez, & l'eussent esté aussi bié les autres sept, sans l'industrie & habilité d'un de leurs Capitaines qui fut prisonnier, lequel dit que voyât leur ruine, au lieu de se sauuer, côme il pourroit, il rechercha soigneusement tous les drapeaux, & en ayât ramassé & desmôté de leurs bastons



1621.

il en fit vn fardeau, lequel il confia a vn soldat fort dispos pour les sauuer & les porter dans la ville.

*Drapeaux des ennemis gaignez, enuoyez par le Roy à la Roynie.*

Le Roy a enuoyé à la Roynie la plus grande partie desdicts Drapeaux qui luy ont esté apportez, acheptant icy cependant les soldats des Mousquets à soixante & cinquante sols la piece, trouuans les picques dans les champs pour rien, & s'estans force Soldats & Gouiatz rabillez aux despens des morts, & prisonniers, paroissant autant d'affliction dans la ville, que de ioye au visage du Roy, & la precaution des chemins coupez & retranchez de toute cette armee, a empesché les bataillons des ennemis, forts comme ils estoient de venir si pres de la place & d'entrer dans la ville, laquelle ayant demandé permission d'enuoyer leur Sergent maior pour retirer leurs morts, le Connestable luy a faict respondre qu'il y en auoit yne si grande quantité, qu'il y en auoit vne si grande quantité, qu'ils n'auoient pas assez de gens dans la ville pour les enterrer.

*Peu de perte pour le Roy.*

Ceste victoire a esté d'autant plus agreable, que la Maiesté n'y a point perdu que deux ou trois hommes: par ce que les ennemis estoient si estonnez, ou si attachez au desir de passer, qu'ils ne se sont iamais occupez à combattre & a frapper: elle a redoublé le courage aux assiegans, & la diminué aux assiegez, qui au mesme temps de la pretendue

pretenduee entree de secours, auoient fait vne sortie sur le trauail de monsieur de l'Es- diguieres qui est du mesme costé, pour oc- cuper les forces qui y estoient, afin qu'elles ne s'opposassent à leurs desseins: Mais ils fu- rent viuement repoussez, & disent aucuns me- moires de la Cour que desdits prisonniers, il y en eust aucuns de pendus sur le bord du fossé de Montauban, par commandement de sa Maiesté avec des escriteaux où estoit es- crit, *Secours de Montauban.*

*Sorties des en-  
nemis sur le  
quartier du Duc  
de l'Esduigueras*

*Nota.*

I'ay veu vne lettre du Roy escrete sur ce subiet aux Preuost des Marchands & Esche- uins de la ville de Paris, où sa Maiesté parle vn peu differemment à cecy de ceste deffai- te, & leur mande.

Vous auez sceu comme depuis quelques iours ceux qui se sont reuoltez, ayans assem- blé des forces, parties en furent deffaites par les miennes, cōmandees par nostre Cou- sin le Duc d'Angoulesme: Ce qui leur fit per- dre esperance d'oser entreprendre de secou- rir Montauban de viue force, & les portas ad- uantageant du pays à chercher chemin & le- rafraichissement des leurs par d'autres voyes, du costé où estoit logé ledit Duc d'Angou- lesme. Ils firent la teste de leur armee, d'où à la file ils firent desbander quinze cens ho- mes qui gaignerent Lombes, & de là passans par des lieux inaccessibles pour la cauallerie, se rendirent dans S. Anthonin: Ce que ie sceu à l'instant, & commencé à donner or-

*Lettre du Roy  
envoyee à Mes-  
sieurs les Pre-  
uost des Mar-  
chands & Es-  
cheuins de la  
ville de Paris  
sur ce mesme  
subiect.*

1621.

dre qu'ils ne peussent se ietter dans Montauban. De faict, apres auoir gaigné vne forest distante d'vne lieuë de la ville, ils n'oserent ranter le hazard, & par diuerses fois ils ont esté contraincts de regagner leur fort: Ce quileur estoit facile à cause de l'assiette du pais. Mais en fin vaincus par la necessité, portez d'vn courage temeraire, ils sont partis ceste nuit, & ayant passé par des lieux qu'ils auoient faict recognoistre, & où il estoit impossible de faire garde, ils s'estoient coulez iusques aupres de nostre camp là où ils commençoient à croire d'estre à sauueré. Mais les retranchemens les ayans obligez à se preparer à les forcer, ils ont esté decouuerts & ont si viuement esté repoussés, que quatre ou cinq cens sont demeurez sur la place, le reste a pris la fuitte, la plus part blesez. quelques vns pourtant au nombre de 60. ou 80. par les costez de ceux qui les combattoient se sont jettez dans les fossez de la ville, les hommes de commandement restez sur la place, pris, blessé ou ruez, & plusieurs de leurs drappeaux. En ceste desfaite & au lieu il se peut cognoistre ce que nous vous auons dict de la prouidence de Dieu qui a aussi fortifié le courage aux nostres qui ont fait merueille, & notamment le sieur de Bassompierre, le Colonel & les Suisses, & le Regiment de Normandie qui ont hardiment soustenu & chargé. De ceste bonne nouuelle nous auons pensé qu'il estoit à propos de vous faire part, d'où vous en pourrez encores esperer vne meilleure



qui sera en bref la prise de la ville. Du depuis  
trois cens qui s'en estoient fuis & qui se ras-  
sembloient ont esté rencontréz par le Com-  
te d'Ayë & deffaits & leurs chefs pris. Beau-  
fort qui estoit le chef de tous, & celuy qui  
commandoit dans S. Anthonin, qui auoit  
charge d'une partie ont esté de ceux qui sont  
restez prisonniers. Apres ceste deffaicte ar-  
riuerent au camp deuant Montauban le Duc  
de Montmorécy avec six milles hommes de  
pied & trois cés cheuaux: le Comte de Vail-  
lac avec vn Regimēt de mille hommes, mais  
sur tout arriua le Marquis de Villeroy avec  
le sié composé de quinze cens bons soldats  
en tres-bel ordre dont sa M. eut vn grand cō-  
tentement, & le tesmoigna par ceste lettre  
qu'il en escriuit au sieur d'Alincour, par la-  
quelle sa M. luy dit que ce Regimēt du Mar-  
quis de Villeroy son fils est remply de tāt de  
bons hommes & bien armez qu'elle a occa-  
sion d'en estre tres-contente, & espere, que  
comme elle croit qu'ils ont esté choisis par  
ledit Marquis entre plusieurs autres, quand  
l'occasion se présentera de tesmoigner leur  
valeur & leur courage, ils en rendrōt les bōs  
effets que l'on en doit attendre: le Roy luy  
māde en outre, que s'il a besoin de plus grād  
nōbre d'hōmes qu'il n'en auoit sa M. jette-  
roit volontiers les yeux sur le Comte de Bu-  
ry pour luy dōner semblable employ: Et luy  
parlant du siege de Montauban dict sadite  
maiesté qu'elle ne luy en peut escrire rien de

*Lettre du Roy à  
mon sieur d'Alin-  
cour du 3.  
Octobre.*

1621.

*Leuees en Sa-  
uoye.*

*Actions du  
sieur de Mont-  
brun en Dau-  
phiné.*

particulier sinon qu'on l'auance le plus que  
il est possible : mais que c'est vn ouurage qui  
ne va pas si viste que l'on desireroit, tant par-  
ce que la place est tres-forte, qu'aussi par ce  
que ceux qui sont dedans monstrent auoir  
du courage & de l'experience. Et pour ce  
que ledit sieur d'Alincour auoit escrit au  
Roy de ce qui se passoit en Sauoye, de l'ar-  
mement de son Altesse, de l'apprehension  
de la ville de Geneue, que le Prince de Pied-  
mont menaçoit du siege, en ce mesme  
temps que dans l'Estat de sadiete Altesse on  
auoit ja leué plus de dix milles hommes, ou-  
tre plusieurs autres leuees que l'on faisoit  
encore au pays & dans la Comté de Bour-  
gogne contre lesquelles les Bernois &  
autres cantons Suisses se vouloient esleuer,  
& que cela donnoit de l'apprehension aux  
gens de la Religion du Dauphiné, dans le-  
quel estoit le sieur de Montbrun qui con-  
duisoit quelques troupes, surprenoit des  
places, & sembloit tenir vn party contrai-  
re à la Maiesté & prendre la deffence des  
rebelles, qui menaçoient de troubles, &  
meditoient plusieurs mauuais desseins au-  
tour de la Principauté d'Orange, sadiete  
Maiesté mande audit sieur d'Alincour que  
apres auoir receu ces aduis qu'il continue  
de l'aduertir souuent de ce qu'il en appren-  
droit, & apporte tousiours ce qui dependra  
de luy pour la manutention de son autho-  
rité & bié de son seruice en ces quartiers là.

Ces troupes ainsi arriuees pour le Roy deuant Montauban furent bien tost apres accreuës d'autres quatre milles hommes leuez es enuironz de Bordeaux pour rafraischir l'armée de la maiesté qui estoit grandement diminuée par la mortalité qui s'estoit mise en tous les quartiers du camp. Si bien qu'avec ce renfort l'on continua les batteries de tous costez, les mines & les attaques.

Mais tout cela n'estonna point les assiegez, car ils parurent plus resolués qu'eux, & plus opiniastres à la deffense qu'ils n'auoient esté, & faut croire sans se flatter, que lors de l'arriuee du secours que dessus, pendant le combat il entra plus d'hommes là dedans que l'on n'en escrit, avec quelque rafraeschissement de viures & de poudres, car iamais ils ne s'estoient monstrez plus insolents & opiniastres, les sorties redoublerent, & tout le reste de ce mois de Septembre on ne peut aduancer guiere de chose sur eux qui ne fut aussi tost regaigné & réparé de viues forces, bien attaqué, bien deffendu, ce qui estonnoit grandement les chefs de l'armée. Et outre ce, les traistres & les espions ne manquoient au camp du Roy, qui donnoient aduis à toute heure aux ennemis de tout ce qui se passoit au Conseil, & aux resolutions des Chefs en tous les quartiers, dont on s'est finalement apperceu, mais trop tard, ce qui est la principale cause

1621.

*Autres troupes arriuees deuant Montauban.*

*Opiniastres des assiegez.*

*Traistres au camp du Roy.*



1621.

que la place ne sera pas encore reduicte ceste annee.

Car c'est la verité, & là on assez recogneu, mais trop tard, que le mor n'auoit si tost esté donné aux sentinelles dans l'armee du Roy, qu'incontinent apres il estoit sçeu parmy les rebelles enfermez dans la place, qui à l'instant le disoient hautement aux assiegez, dõt s'ont ensuiuies de tres-grâdes & notables pertes des nostres aux sorties qu'ils ont faites, particulièrement en celle de la Toussainct, comme nous dirons cy-apres en son lieu, ce qui faict aisement iuger qu'en tous les quartiers de l'armee de sa Maiesté, il y auoit nombre de traistres & perfides espions qui auoient cognoissance de tout ce qui s'y passoit, iusques au plus profond des conseils, sans que iamais on les ait peu descouurir ny recognoistre, ce qui estoit vn preiudice grandement ruineux aux affaires de la dite Maiesté, qui fera que vne autre fois on s'en donnera de garde.

Auant que d'entrer aux affaires qui se passerent au mois d'Octobre ensuiuant, voyons ce qui est de plus notable à remarquer au reste de cestuy-cy.

Nous apprenons premierement du costé du Languedoc la prise & reduction de la ville & chasteau de Sommieres à l'obeyssance de sa Maiesté le 24. dudit mois de Septembre par le Duc de Montmorency, quelques iours auparauant qu'il vint trouuer le Roy à Montauban.

*Siege de Som-  
mieres.*

Le Duc d'Angoulesme ayant deffait vne grande partie des troupes que le Duc de Rohan auoit leuees aux Seuenes & autres lieux circonuoisins, en deliberation de vouloir donner quelque secours aux rebelles de Montauban, & mis le reste en deroute, comme nous auons escrit cy dessus, la plus grande partie de ceux qui s'estoient sauuez de ceste sanglante deffaite, & principalement les compagnies qui auoient esté reseruees pour l'arriere garde dudit sieur Duc de Rohan, s'estans à toute diligéce allees retirer en la ville de Sommieres, laquelle est proche de Beziers & Montpellier en deliberation de tenir fort en icelle contre tous ceux qui les voudroient attaquer.

Pour cet effect se feroient fortifiees avec quelques autres troupes rebelles des lieux circonuoisins, faisant bien en tout le nombre de quatre cens cinquante caualliers, & six cens pietons tous bien armez, ayant d'un commun accord creé vn chef pour leur commander, nommé Brize-fer pour nom de guerre, Geneuois de nation, homme d'un tres-grand courage, lequel comme ces autres Patrias, n'ay ny Dieu ny Religion en recommandation.

*Retranchemens  
& fortifications  
des rebelles de  
Sommieres.*

*Leur Chef.*

Tous ces rebelles ayans donc prins resolution de tenir bon en ladite place, & de plustost creuer, voire mourir, que de leur rendre auroient tant soit peu conuenu à reparer quelques fortifications au chasteau de ladi-

*Leur resolution*

1621.

*Assiette du chasteau de Som-  
meres.*

*Assiette de la  
ville.*

*Resolution du  
Duc de Mont-  
morency pour ce  
siege.*

*Enuoye l'inue-  
stir.*

re ville, lequel est assez fort de son assiette, eslé sur le sommet d'une montagne, ayant quatre grosses & fortes tours, vn fort pavillon au milieu, le tout entouré de triple muraille, forces ranellins & boulleneerts lesquels se deffendent & peuuent bailler secours les vns aux autres, au pied desquelles murailles y a de tres-profonds & larges fossés à fond de cune. Au pied dudit Chasteau est la ville assez bien fermee, de laquelle les aduenues sont empeschees de toutes parts par le moyen dudit Chasteau. La riuere de la Vidonne passant au pied de ces murailles, empesche d'un plein abord les approches.

Le Duc de Montmorency Admiral de France, ayant eu aduis par le sieur de Lormiere Gentilhomme du pays que lesdites troupes rebelles s'estoient retirees en ladite ville, & mesme fortifiees tant en la ville que au Chasteau, en deliberation de vouloir tenir vn siege, que le nombre s'augmentoit chacun iour de soldats, tant du costé de Nismes, Mörpellier, Seruiere, Aubenas, Aiguesmorte & autres villes de leurs caballes, lesquelles participoient à leur fournir des provisions de bouche, & munitions de guerre pour tenir vn long temps, comme estimant le Chasteau imprenable.

Sur cet aduis ledit Seigneur Duc de Montmorency, incontinent commanda au sieur de Montreal de conduire & faire cheminer



quatre compagnies de cavallerie, & six de pied, & aller bloquer ladite ville de demy lieuë pres, & empêcher les advenuës d'icelle, en attendant que toutes ses troupes furent ralliées pour les y mener avec son canon, ce qui fut incontinent executé: & pendant ce voyage ledit sieur de Montreal fit recoudre de deux compagnies de gens de pied, faisant le nombre de deux cens cinquante, lesquelles estoient enuoyees par ceux de Nismes, pour entrer en ladite ville, & y mener des viandes salées, & poudre, qu'ils faisoient conduire par deux chariots tirez à six chevaux chacun. Ces deux compagnies ayent esté recogneuës par les nostres estre des troupes rebelles, incontinent ledit sieur de Montreal commanda de charger dessus, & furent incotinét par la cavallerie raillees en pieces, horsmis quelque trentaine qui ne se voulant mettre en deffence, se rendirent à la misericorde dudit sieur.

*Surprend les munitions y enuoyees de Nismes avec un convoi.*

Le 24. Septembre toutes les troupes & canon dudit Seigneur Duc de Montmorency arriuerent deuant ladite ville sur les quatre heures du matin, & les ayant disposees & prestes à battre, l'on commença de saluer lesdits rebelles par quatre volées de canon, & battre tant du costé du chasteau, que ioignant le ravelin de la ville, qui est entre le Bourguet & la riuiera, & continuerent lesdits canons de tirer quatre volées de suite, trouuant les murailles de ladite ville tendres

*Armes du Duc deuant Sommieres.*

*Saluade sur la ville à coups de canon.*

1621.

& de foible estoſſe, firent vne bresche de trois toises & demie de long, ce qui comença à faire perdre courage à vne partie d'iceux rebelles.

*Sortie des as-  
siegez.*

Le lendemain ils prindrent resolution de faire vne sortie de deux cés cheualiers & autant de gens de pied, par la porte de Montpellier, & de charger viuement sur les nostres, pendant lequel temps l'on deuoit reparer ladite bresche, ce qu'ils firent assez furieusement du commencement, mais ils furent si vaillamment soustenus par les nostres, qu'il n'en resta pas cent cinquante que ils ne furent tous taillez en pieces, & encore ce reste à grãd peine se sauua-il en ladite ville, fort bleſſez qu'ils estoient, tellement que en ce sanglãt combat fut pris deux drapeaux & vne Cornette, lesquels ont esté enuoyez au Roy de la part dudit Seigneur Duc par le sieur de Ribaulde, Mareſchal de camp de la cauallerie legere.

*Mais à leur  
perte.*

*Drapeaux des  
ennemis gai-  
guez.*

*Ils demandent  
composition.*

Ceste sanglante deſſaire augmenta la peur aux plus aſſeurez d'entr'eux. & leur donna ſuſſect de cõſulter ce qu'ils deuoient faire: ils deputerent donc vn nommé de Bourner, habitant de Niſmes pour aller parlementer, & demander quelque compoſitiõ. Arriué que il fut sur les murailles avec vn trompette, du coſté de la bresche, il demanda au ſieur de Montreal, (comme ayant charge dudit Seigneur Duc) qu'il leur fuſt permis de sortir avec leurs armes & bagage, ce qui ne luy

fut accordé, & sur ce refus il se retira, allant rendre la courtte responce qui luy auoit esté faicte. *Qui est refusee.*

Incontinent les batteries dudit Seigneur Duc commencerent à donner plus furieuse-ment que iamais, & faire de tres-grandes executions tant cōtre ladite ville & chasteau, la demolition desquels tuoit & assommoit quantité de personnes. *Batteries redoublent.*

Lesdits rebelles considerans que les lieux les plus esleuez ne sont exempts du foudre du Ciel, non plus que de celuy de la terre. Tout ce que le canō peut battre, tout ce qui se peut bloquer, tout ce qui despend de la necessité des Elements, est subiect à la fin d'accepter la loy du vainqueur. Les machines de guerre donnent si peu de temps aux assiegez à se refoudre, que souuent ils sont emportez au milieu de leur resolution. *Sont forcez de se rendre.*

Les considerationscy dessus donnerent subiet aufdites troupes d'enuoyer pour la secōde fois ledit de Bournet, à celle fin d'accepter qu'ils sortiroient leur vie sauue de ladite place, ce qui luy fut accordé.

Trois heures apres lesdites troupes sortirent de ladite ville & chasteau sans tambour, armes ny trōpette, & deffences leurs furent faites de ne faire d'oresnauant aucune assemblée, ny porter les armes contre le seruice du Roy sur peine de la vie : Cela faict, ledit Seigneur Duc a mis garnison en ladite ville & chasteau, pour cōseruer le tout. *La place & le chasteau réduits. Sortie de la garnison.*



1621.

au seruice du Roy, & à mesme temps, partit pour aller trouuer avec vne partie de ces troupes sa Maiesté, deuant Montauban.

En mesme temps se passerent aussi quelques legeres escarmouches entre les gens du Duc d'Espéron & les Rochelois.

*Du costé de la  
Rochele.*

Le 21. Septembre, ledit sieur Duc d'Espéron eust aduis que lesdits Rochelois deuoient venir faire vendange à vn lieu de son quartier, ce qu'ayant sceu monte promptement à cheual avec vne bonne partie de sa caualerie, mais s'estant approché vn peu pres, il ne trouua personne, l'aduis estoit faux, ce qu'il fit resoudre à l'instant de leur espargner ceste peine, fit faire la vendange par ses gens, & arracher les vignes.

*Vendanges des  
Rochelois em-  
pechees par le  
Duc d'Espéron.*

Le Lundy vingtquatriesme dudit mois, ledit sieur Duc mena toute sa caualerie pour recognoistre vn certain lieu propre pour y faire construire vne forteresse; c'estoit le Chef de bois, ainsi appellé par ceux du pays où ledit sieur demeura assez longuement, pendant quoy les Rochelois parurent au dehors, faisant monstre de deux milles hommes pour venir fondre sur luy, mais faisant aussi tost tourner visage à eux, ils n'eurent pas la hardiesse de soustenir & d'attendre les nostres, ains se retirerent promptement à la faueur de leurs canons: cependant on ne laissa pas d'en tuer cinq ou six des leurs, qui furent rencontrez à l'escart, trois vallers des nostres y furent

*L'escheté des  
Rochelois.*

tuez pour s'estre trop arrestez dans quelques maisons, & demeuré trop loing derriere les troupes.

Venons maintenant à Paris recognoistre ce qui s'y passe : nous y verrons le peuple Parisien qui s'amuse à baiser la robbe d'un bon Religieux personnage nouvellement arriué en France des parties d'Allemagne. C'estoit le Pere Dominique à Iesu Maria, Religieux de l'ordre des Carmes deschauffez.

Ce bon Pere nay, nourry & esleué en Espagne a frequenter les deserts de ceste Religion dès l'age de vingt ans : apres les lettres humaines, il suiuit les saintes & diuines, avec dessein de renuoyer à Dieu & au profit de son Eglise les fructs diuins d'un estude si grand : la lecture des Peres & le profit grand qu'il a fait en Theologie, l'ont rendu Predicateur si celebre, qu'il a gaigné des ames infinies à Dieu. Mais sur tout la vie contemplatiue qu'il meine, l'ayant de longue main accoustumé de viure dans le Ciel sur la terre, s'est veu atteint de si grands Elans de son diuin amour, qu'il est deuenu comme un autre Seraphin sur terre tout ardent & allumé de ses diuines flammes. L'aduancement qu'a faict ce Religieux Pere en l'Ecole de la perfection Chrestienne & en l'amitié de Dieu a éclaté avec tant de saints & beaux effects d'une vie Religieuse & parfaite, que toute l'Espagne commença à concevoir qu'il y

*Arrivée du Pere Dominique à Iesu Maria dans Paris. Sa profession. Son estude.*

1621.

auoit'en cet homme des dons fort extraordinaires du Ciel.

*Bien-faits du  
Roy d'Espagne  
à ceux de son  
Ordre en sa fa-  
ueur.*

Le feu Roy d'Espagne Dom Philippes second, fit de grands biens au Conuent de son Ordre fondé dans sa ville de Madrid en sa faueur, & fit mesme de leur Eglise sa chappelle royalle, pour auoir plus commodément les aduis & bons conseils de ce Pere.

L'Ordre se multipliant en vne infinité de lieux du Royaume, la pieté aussi y florit sous ses instructions & à l'imitation de sa vie.

*Zèle des grands  
d'Espagne en-  
uers luy.*

Tous les grâds d'Espagne, & les ames plus zeelées à leur salut, retiroient de grandes consolations de sa conuersation: Et finalement le peuple qui ne se trouuoit fois à ses predications sans se fondre en larmes, en fit estat comme d'un grand seruiteur de Dieu, vers lequel il accourt comme à un Oracle diuin.

*Sa reputation.*

Les vertus spirituelles de son ame, & l'odeur de sa vie exemplaire, enleuent sa renommée au loing: sa Sainteté qui en ouyt parler, desiroit de le voir & tous les Peres de son Ordre qui sont en Italie moyenant le voyage qu'il entreprit à Rome.

*Le Pape le vint  
voir.*

Le peuple d'Italie & de Rome, qui auoit ja appris les graces diuines qui operoient puissamment en luy, souhaitte de le voir, & le voyant ne s'en peut departir qu'apres auoir receu la benediction de sa main, ou baisé & touché les bords de sa robbe: tels s'estimoit heureux d'auoir assisté à sa Messe, & receu le venerable Sacremēt d'une si religieuse main.

*Foule du peu-  
ple de Rome  
uers luy.*



Depuis trois ans ayant passé d'Italie en l'Empire sur le commencement des guerres d'Allemagne, se transporta à Vienne vers l'Empereur, conseillant sa M. Imperiale de resigner tout le soing de ses affaires entre les mains de Dieu, qui pour l'espreuve des siens permet quelque téps qu'ils se trouuent angostez & presséz sous les coins de l'aduersité: mais qu'au bout du temps, il les releue avec tant de gloire, que pour tout butin les ennemis ne recueillent que de la honte, de la ruine & de la confusion d'auoir osé se prendre à l'autorité mesme des sacrez oincts de Dieu.

La guerre de Boheme, qui donnoit mille ennuyx à l'Empereur, fait resoudre les Princes Catholiques de l'Empire d'assister promptement sa Maiesté Imperiale. Le Duc de Bavières qui entreprend la charge de l'un des Commissaires de l'Empereur se delibere de luy reconquerir la Boheme, & a chasser le Comte Palatin de Prague.

Ce S. Religieux pour entretenir ce Prince en ceste bonne resolution se transporte de Viéne à Monach Capitale de Bavières, fait des actions si dignes de la perfection d'un grand amy de Dieu, que par vne prouidence diuine, ce Prince tres-Catholique & tres-pieux le retient pour directeur de sa conscience; & plus fidelle Conseiller de sa personne: marche à la guerre contre les heretiques comme vn autre Iosué contre les

1621.

Passé en Allemagne.

Vers l'Empereur.

Duc de Bavières fait Commissaire de l'Empereur en Boheme.

Le Pere va vers luy.

Marche à la guerre avec luy.

1621.

*Journée de  
Prague contre  
le Palatin.*

*Irresolution des  
Chefs impe-  
riaux sur la  
bataille de Pra-  
gue.*

Amalechites sous l'appuy & sur l'assurâ-  
ce des prieres de cest autre Moyse. Aux ap-  
proches de la ville de Prague, l'armée de  
Baviere ayant jointe l'armée Imperiale cō-  
duite par le tres-Illustre Côte de Buquoy:  
ils poursuivent l'Esleeteur Palatin & toute  
l'armée ennemie en nôbre de 40000. hômes  
jusqu'aux murailles de Prague: aupres de  
laquelle y avn parc nommé del'Estoile lieu  
fort adavantageux & seur, où lesdits enne-  
mys se camperent en ordre de bataille, avec  
vne disposition telle, qu'il n'estoit pas pos-  
sible au Duc de Baviere ny au Comte de  
Buquoy de les attaquer sans se perdre.  
Joint les incommoditez qui y estoient. La  
premiere, la fatigue de leurs gens qui de-  
puis trois iours n'auroient fait que chemi-  
ner nuict & iour sans repos. La secōde, leur  
armée inferieure de plus de dix milles hom-  
mes à celle des ennemis. La 3. la blesseure  
dangereuse du Comte de Buquoy fraiche-  
ment receuë à Raconits qui le contraignit  
de quitter le cheual pour prendre le caros-  
se: Et finalement le peu d'enuie qu'auoient  
leurs soldats d'assaillir vne armée si bien re-  
trâchée où il n'y auoit que toute apparence  
de ruine & de mort.

Tellement que les deux Chefs estoient en  
suspens de se refoudre s'ils donneroient ba-  
taille, ou se contenter d'entretenir les en-  
nemis en escarmouches comme ils auroient  
fait depuis Pilsen.

En fin

En fin le Pere Dominique a Iesu-Maria, s'ap-  
proche du Duc de Bauiere, le supplie hum-  
blement de luy donner vne parolle, & luy  
dit que ce iour là estoit l'octaue de la feste de  
tous les Saints, qu'il donnast hardimēt ba-  
taille, s'asseuroit tant en l'assistance du Ciel,  
& en la priere de tous les bien-heureux  
Saints dont il celebroit l'octaue, qu'il rem-  
porteroit la victoire: avec ce il offre ses prié-  
res à Dieu avec tant d'ardeur & de larmes  
quel'on vit bien tost le succez de la chose  
qu'il auoit conseillée.

1621.  
*Resolution de ce  
Pere.*

*Son assurance  
de la victoire en  
Dieu.*

Sur l'aduis de ce Pere, le Duc de Bauiere  
se resolut de donner bataille, & comme sans  
doute Dieu combattoit pour eux, le Com-  
te de Buquoy. qui ne se pouuoit soustenir  
auparauant, se trouue augmenté de coura-  
ge, & de forces extraordinaires, dispose  
l'armee en ordre de bataille, donne dans  
les retranchemens de l'ennemy qu'il fausse  
avec peu de perte & penetre si auant dans  
leur gros suuy des troupes de Bauiere,  
que miraculeusement toute cette armee  
ennemie se dissipe en moins de deux heu-  
res, & en suite de ce la ville de Prague ou-  
ure les portes aux vainqueurs, & les vagues  
du fleuve acheuent le reste de la victoire re-  
ceuant en soy les Hongrois fuyards, & ainsi  
faut croire que les prieres de ce bon Pere &  
le courage innincible du Comte de Buquoy  
furent cause de ceste memorable iournee,  
ou perirent plus de 15. mille heretiques.

*Bataille donnée  
par son Conseil*



1621.

Le Duc de Bauiere enuoya à Vienne faire recit de tout ce qui s'estoit passé en cette occasion, & de l'assurance que ce Pere auoit eu de la victoire gaignee.

*Reconnoissance  
del'Empereur  
enuers l'Eglise  
des Carmes  
deschaussez de  
Rome en fa-  
ueur de ce Pere.*

L'empereur apres la description du butin & de la despoüille des ennemys recognoissant que ceste victoire venoit de Dieu, qui s'estoit rendu exorable aux prieres de ce bon Religieux, a du depuis enuoyé à Rome en l'Eglise des Carmes deschauslé vne couronne de pierreries de la valeur de douze milles florins pour la Vierge, avec quarante enseignes de celles qui furét gaignees à la bataille que dessus.

*Est enuoyé en  
France par le  
Duc de Bauiere*

Le Duc de Bauieres a tousiours retenu ce bon Religieux pres de luy, iusques en ce temps que pour quelques considerations il a esté enuoyé au Roy.

Il arriua à Paris vers la my Septembre, nombre de peuple afflue aux Carmes deschaussez pour luy baïser la Robbe & receuoir sa benediction, la superstition en porta quelques vns à luy couper quelque piece de sa robbe.

Il n'osoit paroistre au public tant le peuple estoit zelé apres luy.

Il partit le Ieudy d'apres la S. Mathieu pour aller trouuer le Roy deuant Montauban & depuis on n'en a ouy nouuelles.

La mort du Duc de Mayenne ne se passa pas comme cela sans vn ressentiment presque vniuersel de tous les Catholiques.

Quelques esprits seditieux qui ne se plaisēt qu'aux tenebres & aux eclyses, & qui n'ot halaine ny esprit que pour le trouble, se porterent à des entreprises de dangereuse consequence pour l'Estat, se voulans seruir del'occasion de cettē mort, qu'ils prirent aux cheueux, pour rendre la France homicide & meurtriere de ses propres enfans, & ensanglāter leurs mains dans le sang de ceux qui demeurans en leur deuoir, auoient estē pris sous la protection du Roy, par la declaration du 19. May dernier; cela se vit particulièrement à Paris, où comme le peuple est grand & composé de diuerſes humeurs, particulièrement les artisans & menue populace, ne desirēt pas mieux, la pluspart, que de trouuer subiet de sedition & pescher, cōme l'on dit en eau trouble: voicy donc l'histoire de toute cettē esmeute.

Les nouuelles de cete mort déplorable estans arriuees à Paris le Lundy 21. Septembre, n'eurent si tost frapé les oreilles de ce petit monde, que le long de cete sepmaine les artisans & autres personnes de vile & basse condition, mesmes iusques aux femmes tousiours insolentes en parolles, disoient hautement, que s'estoit trop endurer, & qu'il falloit tuer les Huguenots, qui auoient tué les Princes & Seigneurs Catholiques, & que s'ils estoient si osés le Dimanche ensuyuant d'aller à Charenton à l'exercice de leur Religion, ils ne retourne-

1621.

Sedition à Paris  
ris contro ceux  
de la Religion

Mesme peuple  
de Paris seditieux.

1621.

*Discours insolens  
tenus par la  
ville.*

roient pas coucher en leurs maisons: les plus sages bourgeois oyant des discours si libres & effrontez, tançoient ceste canaille & vermine de peuple, comme vrayz boute-feux aides & alterez de sedition, y ayans dans Paris grand nombre de volleurs & autres garniemens necessiteux, qui ne cherchent que semblables subiets, pour rautir & voller le bien qui ne leur appartient.

Ce langage se continue iusques au Samedi ensuiuant.

Ceux de la Religion pretendue qui estoient en ville, ne sont pas peu estonnez d'une si insolente liberté de parler. Ce murmure qui s'alloit dilatant dans les ruës, les places & marchez leur donne tant d'effroy, que d'eux la plus part quittent la ville de Paris, & abandonnent leurs maisons.

*Preuoyance du  
Duc de Mont-  
bason.*

Le Duc de Montbason Gouverneur de la ville preuoyant cesté sedition, & voulant neantmoins assseurer lesdits de la Religion contre tant de menaces populaires, & preuenir ce malheur, enuoye querir les Anciens desdits de la Religio<sup>n</sup>, pour scauoir d'eux leur resolution, & s'ils desiroient aller le lendemain 26. Septembre au lieu de Charenton: Eux effrayez sur le bruit courant dirent que ils estoient en resolution de n'y point aller. Là dessus le conseil se tient avec monsieur le Chancelier, on fut d'aduis premieremēt que ils n'iroient point ce iour là au Presche: mais pour ce que c'estoit icy vn affaire important,

*Religionnaires  
vont au Presche  
avec assistance.*



& où il y alloit disoient-ils de l'intérest du Roy & des Edicts, que nonobstant tous ces bruiets ils continueroient leur Presche ordinaire, & resolurent d'y aller, & les voyans résolus ont dit qu'on les assisteroit du mieux qu'il seroit possible.

Là dessus le Duc de Montbason donne auides aux Lieutenans Civil & Criminel, aux Preuosts De-fontis & de l'Isle, de se trouver le lendemain sur les chemins de Charenton pour empêcher le desordre du peuple.

Cedit iour Dimanche vingt-sixiesme *Officiers de la*  
Septembre dès le grand matin le Lieutenant *Justice enuoyez*  
Civil enuoye ses Commissaires & Sergens *sur les chemins*  
aux portes de S. Anthoine & de S. Bernard; *de Charenton*

& luy assisté du Procureur du Roy & de bon nombre d'Officiers de Iustice armez se transporte dans la rue S. Anthoine & sur le chemin de Charenton, fait retirer la populace qui y couroit de toutes parts, les vns pour la curiosité qu'ils auoient de voir l'assistance que l'on donnoit aux pretendus, les autres portez du desir de se ietter dans la sedition qu'ils esperoient deuoir estre plus grande qu'elle ne fut : le long des chemins iusques audit Bourg de Charenton se transporterent les Preuosts De-fontis & de l'Isle avec leurs Archers à cheual, qui ne bougerent de là, iusques sur le vespre que lesdits pretendus ont accoustumé de retourner du Presche.

*Affluence de  
peuple sans nom-  
bre aux portes  
de S. Anthoine  
& sur lesdits  
chemins.*

1621.

Mesme le Duc de Montbason assisté de nombre de Noblesse & de ses gardes, se transporta dès le matin de ce mesme costé, & alla à la Messe à Picquepuce, où mesme il distna attendant l'heure de leur retour, qu'il desiroit estre sans emotion, ce qui ne peut.

Car l'heure de Midy n'est si tost passée, qu'une multitude incroyable de menu peuple court à la porte & Boulevard de Saint Anthoine pour attendre le retour desdicts de la Religion : vn grand nombre de gens de racaille, artisans & autres de vile & basse condition sortent les portes de la vile, courent sur le chemin de Charenton & vont attendre lesdits de la Religio au passage iusques dans la vallee de Fescamp : les gardes & Archers, qui voyent tant de peuple en la meilleure volonté du monde de mal faire, se trouuent bié empeschez de preuenir le desordre, le Duc de Môtbaso les enuoye ioindre avec la compagnie de ses gardes : le Cheualier du Guet, tout habille homme qu'il est, y fit tout ce qu'il peut avec ses Archers, il nettoye le chemin, chafse cette racaille toute disposée à frapper, leur fait prédre la fuite au milieu des vignes, pendant que les Preuosts avec leurs gens & les Carabins dudit sieur Duc de Môtbason, amenant lesdits de la Religion lesquels pour les garantir de mal, ils font mettre en vn gros au milieu d'eux.

*Emotion sur  
le chemin.*

Ce conuoy ainsi disposé, on commence à marcher vers Paris: Mais nonobstât tout cet ordre & toute cete conduite, cette canaille insolente ne laisse pas d'attaquer lesdits de la Religion, premierement par iniures, puis vindrent aux prises & aux mains avec lesdits Religioneux faisant trop longue queue, qui estans armez d'espees & de poignards se deffendirent en telle sorte qu'ils en tuerent trois, & quatre des leurs aussi furent assommez sur le chemin à coups de pierre, & fust arriué vn bien plus grand carnage si lesdits gardes n'eussent empesché la furie de ce peuple, qui continua iusques dans la ville, nonobstant la presence du Gouverneur, du Lieutenant Ciuil & des archers: l'emotion fut grande à la porte S. Anthoine & au commencement de la grâd' rue: vne pauvre Damoiselle qui avec quelques autres ne s'estoit mise au gros entre les gardes, fut arrestée à la porte par vne troupe de racaille, qui la vouloit forcer de saluer l'image de la Vierge, qui est de ce costé en sortant la porte, & ne le voulant faire & prononçant quelques parolles contre la veneration de cette Image, fut à l'instant assassinée sur la place. Vn Ministre retournant par la rue, fut couru par vne foule de peuple, qui le vouloient massacrer, si par la diligence des gens de M. le Gouverneur, il n'eust esté promptement enfermé dās l'Arsenal. Vn autre pour s'estre eschapé de

*Tuez de part  
es d'autre.*

*Tumulte à la  
porte S. Anthoi-  
ne.*



1621.

*Armement des  
Bourgeois.*

leurs mains & sauué dans vne maifó, fut cau-  
se que tout y fut rompu & la maison volée,  
ainsi de plus en plus le tumulte s'accroist,  
& fallut que par commandement de Mon-  
sieur le Preuost des marchands qui y arri-  
ua, les Bourgeois prissent les armes, &  
tendissent les chaisnes par les rués: en tous  
les quartiers de la ville les Capitaines font  
prendre les armes, & font tendre les chais-  
nes, & tenir de bons corps de garde.

*Rumeur par  
toute la ville.*

Ceux de la ville & faux-bourgs plus es-  
loignez de la rué Sainct Anthoine, enten-  
dent les voix de ceux qui crient par les rués  
quel'on massacre les huguenots à la porte  
Sainct Anthoine, la rumeur s'espand de  
tous costez, iusques dans les Eglises, où le  
peuple qui estoit encore à vespre, quitte le  
seruice diuin pour aller chacun à sa maison  
se saisir de les armes, croyant qu'en ce iour  
il y auoit vne grande sedition arriüée en la  
ville.

*Bruslement &  
saccagement du  
Temple de Cha-  
renton.*

Durant cette emotion, nul de la religion  
n'osoit paroistre qu'avec danger.

Or cette furie populaire ne s'arresta pas  
là, elles'estendit iusques audit lieu de Cha-  
renton: car si tost, que les gardes furent  
parties pour ramener à la ville lesdits de la  
Religion, vne troupe de vagabonds &  
gens de neant se ieterent dans l'enclos du  
Temple, auquel ils mirent le feu, brusle-  
rent tout ce qu'ils peurent, desmolirent les  
murs, entrent dans la maison Consistoria.

le, laquelle ils pillent & volent la Biblioteque qui estoit dedans, enfoncent les boutiques & eschoppes des Libraires, qui estoient dans l'enclos dudit Temple, brûlēt & volent tous les liures qu'ils y trouuent: passer de là à la maison de M<sup>o</sup>sieur Arnault, dans laquelle se faict vn degast estrange tāt de ses meubles que de ses liures, apres quoy ils y mettent le feu.

Emotion furieuse qui mit tous les Magistrats en grand' peine & toute la ville en alarme; la nuit ensuyuante, les Religioneux se trouueren si effrayez, qu'il n'y en eust aucun qui voulust s'asseurer en sa maison, & allerent coucher chez leurs amis Catholiques: & ceux qui durant la furie de ce peuple estoient restez dehors, n'oserent rentrer dans la ville que sur la brune, & fort tard par d'autres portes.

Le lendemain, le Duc de Montbason, & tous les Magistrats se trouuerent en Parlement, où fut donné arrest par lequel la cour prenoit en la protection du Roy lesdits de la Religion, avec deffences sur peine de la vie à toutes personnes de leur mesfaire: fut aussi par mesme arrest enioint aux Lieutenans Civil & Criminel de faire informations des auteurs de ladite sedition & incendie arriné au lieu de Charenton.

Et pendant que la Cour travailloit contre ce desordre, la sedition recommance aux faux-bourgs Saint Marcel en la mai-

1621.

*Magistrats en  
grande peine.*

*Arrest du Par<sup>l</sup>  
lement contre  
ce desordre.*

1621.

son d'un Religionnaire, qui ayant tué son propre fils & autres personnes, fut aussi tost tué & assommé par le peuple & sa maison pillée. Monsieur le Duc de Montbafon s'y transporta avec Monsieur le Prevost des Marchands suivis des Gardes & Archers qui dissipèrent toute cette émotiō.

Le Mardy vingt-huictiesme deux misérables surprins comme complices de ladite sedition & incendie de Charenton, furent pendus & estranglez en Greue, pour exemple, avec escriteaux, où estoit escript, *Seditieux & Incendiaires.*

Et voyla ce qui se passa à Paris contre lesdits de la Religion sur le pretexte de la mort du Duc de Mayenne.

Ledit sieur Duc de Montbafon, donna aussi tost avertis de ce desordre au Roy, qui tesmoigna estre grandement indigné de cette action & en recommanda fort soigneusement la Justice & le chastiment.

*Ecrit a Roüen  
pour prevenir  
pareille seditiō.*

Et comme cette sedition parisienne pouvoit servir d'exemple és autres villes où les Religionnaires estoient meslez parmy les Catholiques, ledit sieur Duc escripit à cette occasion au premier Presidēt de Roüen, luy donne avertis de ce qui s'estoit passé à Paris & le conjure de prevenir par la prudence sēblable incōuenient de la Prouince.

Portans maintenir nostre cognoissance plus loing,

Nous apprendrons, qu'en ce mois de Sep-



tembre & sur le commencement d'Octobre ensuiuant pendât que sa Maiesté poursuit le siege de Montauban, le sieur de Montbrun qui auoit leué quelques forces en Dauphiné en l'absence du Duc de l'Escliquieres, surprend plusieurs petites places, dôt les rebelles de la Religion se tenâs forts, prirent de là occasion & liberté de se mettre aux champs & de leuer les armes contre les Catholiques, se voyans soustenus par ledit sieur de Montbrun, qui promettoit de grandes assistances aux rebelles, pour entretenir leur rebellion, & leur inspirer le courage de se porter d'aytant plus à des nouvelles entreprises.

Or sur les aduis qui furent dōnez au Duc de Vantadour que les ennemis du Roy auoiēt assiegé le village de Chaulmeyras, dâs lequel il y auoit deux pieces de canon depuis la rebellion de Priuas, qui n'en est distant que d'une lieuë, nō plus que des villes de Bayts, du Pouzin & de S. Vincét, toutes rebelles aussi bien que les forts de Berry, de S. Auban & d'Allissas: & que pour executer leurs mauuais desseins ils auoiēt desia forty deux pieces de canō qu'ils ont audit Priuas, & fortifié le village de Leins, qui n'est qu'à mille pas dudit Chaulmeyras. Ce qui occasionna le Duc de Vantadour de s'y acheminer avec deux milles hommes, & six vingts Maistres; tellement que dès son arriuee à Rochemaure les ennemis remirent leur ca-

1621.

*Leuee & des-  
sein du sieur  
de Montbrun  
en Dauphiné.*

1621.

*Ennemis ve-  
nans au secours  
deffaits par le  
Marquis de  
Portes & au-  
tres Chefs du-  
dit Duc.*

non dans Priuas, & le lendemain ils quitterent ledit fort de Leins, qui depuis a esté razé; lors qu'ils sceurent qu'il estoit arriué audit Chaulmeyras, tellement que ledit Duc de Vantadour voyât la foiblesse dudit lieu de Chaurneyras, environné de sept villes ou forts des ennemis, qui d'ailleurs a esté ruiné & mangé au dedans par cinq ou six milles hommes, & par vne grande garnison qui a demeuré neuf mois, au moyé dequoy son canon estoit en peril de se perdre, s'est resolu de l'emmener nonobstant qu'il falut trauerser de grandes môtagnes & rochers, & au milieu des places des ennemis, tellement qu'il partit avec ledit canon & les susdites troupes le Mardy 5. du mois d'Octobre, & vint coucher & camper à la porte de ladite ville de S. Vincent, dans laquelle les ennemis tant du pays de Viualetz que du Dauphiné & Poussin la nuit mesme en nombre de douze cens hommes de pied, & 80. cheuaux, s'estoient retirez & le lendemain, qui fust le sixiesme, le camp marcha dés l'aube du iour, & estât à la veüe dudit S. Vincent du costé du fort de Berry, qui tenoit aussi pour les ennemis, lors il parut vn gros de quelque six cens homes, qui fut attaqué par les Regimens de Monsieur le Marquis de Portes, commandé par Monsieur de S. Jean son frere, & celuy de Monsieur d'Annibal, soustenu de celuy de M. le Baron de Perault qui faisoit la retraite,

conduits & commandez par Monsieur de Montreal & Comte de Plezian, Marechal de camp, & le Regiment de Monsieur de Mazarques avec la Noblesse qui assistoit ledit Duc de Ventadour qui accompaignoit ledit canon: entre les ennemis estoient les sieurs le Comte de Suze, de Roche Colombe, & de Villars & autres, & comme ledit premier bataillon des ennemis fut repoussé de la vallée à la première montagne, il fut recueilly par vn second composé environ de deux cens hommes tant mousquetaires que piquiers, & ainsi de montagne en montagne tant du costé gauche où est S. Vincent, que du costé droit où est le fort de Barry, le combat & l'escarmouche continua tousiours durant sept heures, depuis les sept du matin iusques à deux heures apres midy, en vn pays fort aduantageux pour les ennemis qui auoient gagné les passages qui sont estroits, & le haut des montagnes couuert d'arbres: & neantmoins Dieu qui fauorise par tout les armes du Roy, a permis que dans vn si grand & long combat nous n'auons eu qu'un Capitaine blessé, qui fut le sieur de la Visclède, deux Sergens, & trente cinq soldats, dont il en est mort quatre: & au contraire du costé des ennemis ils en ont perdu trois fois dauantage, bien qu'ils fussent logez sur le haut des montagnes derriere des arbres & des rochers où ils estoient retranchez, &

*Escarmouche  
continuee.*

*Perte des ennemis.*



1621.

*Courage de la  
Noblesse dudit  
Dut.*

que les nôtres venoient tout à descouueré de bas en haut, & montoient avec vn si grand courage accompagnez de leurs Maistres de cāp & Capitaines, qu'on n'a iamais veu faire vne attraque plus courageusemēt, ny avec vne meilleure cōduitte, & mōterēt aussi viste trois milles pas de hauteur, cōme s'ils eussent quasi marché dans vne plaine, parmy toute cette gresle de mousquetades: les bœufs qui trainoient le canon ont esté preseruez, ce qui estoit de telle importāce, que si seulement quatre eussent esté blessez, il eust fallu camper au milieu du pays de l'ennemy, sās moyen d'auoir des viures, qu'avec grande force pour les escorter. Ce qui eust affoibly le corps de cette petite armée, laquelle a conduit heureusement & glorieusement ledit canon iusques dans la ville du bourg S. Andreol, distant sept lieuës dudit Chaulmeyras.

*Termes de la  
rebellion infinis.*

Ainsi voyons nous que les termes de la rebellion vont à l'infiny, & ne peunēt trouuer aucun arrest assez fort pour en terminer les courtes: aussi est-ce vn certain poisō venimeux & damnable, qui enforcele l'ame, & charme le iugemēt, esblouit la raison, & fait que l'hōme en estat enforcelé, oublie Dieu, viēt à mespriser son Souuerain, à negliger sō deuoir, & en fin à se perdre soy mēme; cōme c'est vne chose assez asseurée que Dieu resiste aux desseins de ces outrecuidez Nébrots, & fait qu'eux mesmes se precipitent

en l'abyſme de leur perte, qu'ils auoient  
 préparé pour perdre les autres. Nostre heu-  
 reux Monarque & grãd Roy, entre les plus  
 grands qui ayent iamais esté, en fait tous les  
 iours l'experience, & voit ceux-là meſme  
 qui auoient esté les premiers à vouloir des-  
 chirer son Empire par yne monstreuſe re-  
 bellion, tóber dans leurs propres pieges &  
 filets; apres auoir veu auorter leurs deſſeins  
 & toutes leurs entreprises se tourner à leur  
 propre conſuſion: Il les voit, dis-ie, tomber  
 en l'abyſme de leur propre deſolation, se  
 fondre en leurs deſſeins pernicioeux, côme la  
 neige deuant la face du Soleil, & en fin tou-  
 te leur malice & machinatió se tourner à ſa  
 plus grande gloire: teſmoignage aſſeuré  
 que Dieu combat pour luy, que le Ciel eſt  
 armé en ſa faueur, & que toutes choſes cõſ-  
 pirent à ſon plus grãd honneur, à ſon exal-  
 tatió, & pour combler ſes triomphes d'vne  
 gloire immortelle.

1621.

*Dieu combat  
 viſiblement  
 pour la cauſe  
 du Roy.*

Le ſieur Côte de la Suſe dont nous auons  
 parlé cy-deſſus, auoit eſté vn des premiers  
 ſlãbeaux de la rebellió que nous auõs en ce  
 Royaume, & ayãt eſté eſleu l'vn des Chefs  
 des rebelles, ſe mit le beau premier à leuer  
 des gés, & à les animer à la rebellió: & pour  
 donner plus d'ennuy à ſa Maieſté, ſe ietta  
 dès le cõmancement dans S. Iean d'Angely,  
 où il employa tous ſes efforts pour empeſ-  
 cher la reddition de cette forte place: mais  
 comme la force force la force meſme, ſa

*Pratique du  
 Comte de la  
 Suſe.*

*Il ſe ietta  
 d'Angely.*

1621.

*A Clerac.**A Montauban.*

Maiesté se rendant maître du lieu, luy fit honorable composition, comme à tous les autres mutins qui s'estoient cantonnez là dedans, & moyennant le serment qu'elle luy fit prestre de ne iamais porter les armes contre elle, le renuoya sain & saue chez luy. Mais comme vn peché attire l'autre en file, non content de cette premiere escapade, se laissant aller de la rebellion à la perfidie, il se iette dans Clerac contre l'expresse teneur de son serment; & de là sorty de là mesme forte, il se iette derechef dans Montauban: mais la voyant pressée de fort pres par les armes aduantageuses de sa Maiesté; & qu'il n'y pouuoit plus esperer de salut, voyant qu'il estoit impossible de resister à la force, ny de secours, attendule bon ordre qu'on mit à l'empescher, il se resolut de se tirer dehors, à dessein de pratiquer du secours aux assiegez, où à tout le moins de se saisir ou assieger quelque place, pour faire diuertissement aux armes de sa Majesté.

*Va en Dauphiné.**Vent ioinre le sieur de Montbrun.*

Sur cette resolution il s'achemine en Dauphiné avec quelques Gentils-hommes qu'il auoit tirez de Montauban, & quelque autres qu'il auoit ramassez en passant, & s'en alloit en intétion de ioinre le sieur de Môtbrun, qui auoit nombre d'hômes sur pied, pour assieger & prendre la ville de Grenoble: mais comme Dieu resiste ordinairement à tels desseins monstrueux, il permit



permit qu'à demie lieuë de Grenoble ils vindrent à passer par Giere, pour aller à la Mure, où ils esperoient ioindre ledit sieur de Montbrun, & auoient assignation de s'y rendre le 18. d'Octobre: là ils rencontrent quelques Payfans qui se mettent en defiance, & demandent où ils vont. Le Comte de la Suse dit qu'il passera en despit d'eux, & qu'il n'a que faire de leur dire quel il est, ny là où il va, & en cette resolution les charge: Eux se mettent en defense, & raschent de les empêcher; mais apres trois Payfans tuez & cinq ou six de blesez, ils furent contrains de les laisser passer.

*Dessein pour  
surprendre  
Grenoble.  
Le Comte de la  
Suse est arresté  
par des pay-  
sans.  
Se defend con-  
tr'eux.*

Eux eschappez de ces Payfans, piquent & passent toute la nuit à courir, mais ne sçachant pas les chemins, Dieu permit qu'au lieu d'aduâcer ils reculoient, & s'en alloiët à l'auanture sans sçauoir où ils alloiët, ny quel chemin ils tenoiët, iusques en fin ils vindrēt à se trouuer en vn village appellé S. Mury, & là s'adresserent à vn Payfan, & le prierent de leur monstrier le chemin, & qu'ils luy doneroiët quatre pistoles: luy accort, leur accorde, & cependant dit à vn sien valet qu'il aduertist les communes, & les fit assembler pendant qu'il les abuseroit & les meneroit par les precipices qui sont aupres de Muronette. L'effect réussit selon son intention: voila ces gens engagez parmy les rochers & precipices, & enuiron de trois à quatre cens Payfans armez à la villageoise qui se

*Est trompé par  
vn Payfan.*

*Qu'il conduit  
en vn precipice.*

1621.

*Où il est fait  
prisonnier avec  
les siens restez  
de la suite.*

*Est conduit à  
Grenoble.*

*Mis en prison.*

presentent à eux : là dessus, desia assez esto-  
nez, pour se voir en ces lieux desauetageux  
pour la Cauallerie. Ces Paysans criét qu'ils  
arrestent & posent les armes, autrement ils  
sont morts; & là dessus tirét quelques coups  
de mousquetades. Eux s'estonnent, & se  
voyàs si engagez en ce lieu, taschent de se  
sauuer, & s'ecartent pour la pluspart, qui  
deçà, qui delà comme ils peurét, mais quoy  
qu'ils sceussent faire il en fut pris 25. pour  
l'heure, & entr'autres ledit Comte de la Su-  
se & quelques autres Gentils-hommes de  
sa suite, qui ne se peurent sauuer.

On les mene à Grenoble sur le châp, & fu-  
rent liurez à Messieurs le premier Presidēt  
& de Morges, qui les mettēt en trois caros-  
ses, & les font conduire en prison apres les  
auoir interrogez & ouys en leurs responfes,  
& pour plus d'asseurance posent deux corps  
de garde aux portes de la prison, l'un de-  
dans, l'autre dehors.

Les Paysans poursuiuant leur pointe, en at-  
trapent encore quelques vns, iusques au  
nombre de 14. qu'ils amenerent dans Gre-  
noble le 17. Octobre, trouuez saisis de for-  
ce Missiues, qui s'adressoiēt audit sieur de  
Montbrun, iusques au nombre de 50. & le  
plâ de la ville de Grenoble, & du costé d'où  
il la falloir atfaillir. Monsieur le Premier Pre-  
sident fit dōner quelque somme de deniers  
à ces Paysans, pour leur salaire d'une si bel-  
le prise, avec les cheuaux & les armes de

Ceux qu'ils auoient pris, afin de les encourager, & leurs semblables, de seruir fidelement le Roy & leur patrie.

Par les Missiues susdictes on a sceu la plus grande partie de leurs desseins qui estoient, d'assiéger la ville du costé de la porte de l'Esdiquieres, proche le logis du Marechal de l'Esdiquieres, & de se saisir de l'Eglise S. André proche ledit logis, & que cependant de l'Arsenal on battoit la ville en ruine pour estonner les habitans & les mettre hors d'espoir de se pouuoir deffendre.

Le iour S. Luc estoit dedié à leur entreprise & deuoient cedit iour avec 40. ou 50. fregattes chargées de cinq à six milles hommes se ietter dans la ville, comme de fait ce iour là sur les trois heures apres midy, il y eut vne forte allarme en la ville & telle que l'on croyoit assurement que l'ennemy estoit aux portes, & mesme qu'il y eust vn certain Consul de la Religion, qui se voulut ingerer à quelque chose & vser de certaines paroles anantageuses; mais vn Marchand le fit retirer: L'alarme n'estoit pas à faux, car il y auoit cinq cens hommes des gens dudit sieur Comte de la Suse qui tournoient autour de la ville, attendant leur occasion, mais voyans qu'ils ne pouuoient rien faire, ils furent contraincts de se retirer.

Par cōfessiō de quelques vns on a pris tous leurs desseins qui estoient de se saisir de la vil-



1621.

le en premier lieu & des principaux d'icelles & les mettre tous à rançon chacun selon ses facultez, les vns à cent mille liures, les autres à 50. mille qui a 40. mille, qui a 30. mille à 15. & 10. mille liures & faire mourir ceux qui leur pesoient le plus, comme M. le premier President & brusler son logis, puis mettre tout le reste de la ville à leur discretion, si Dieu eust permis iouer les ressorts de leur mauuaise resolution; mais il ne luy plaist pas de voir esandre le sang innocent par la main parricide de ces meschâs: le Cōte de la Suse en est tombé au liēt malade d'une grosse fiebure tant de regret que de fascherie de n'auoir peu executer vne si pernicieuse entreprise. Messieurs le premier President & Demorches ont escrit au Roy l'affaire tout au long, pour sçauoir ce qu'il plaira à sa Maiesté d'en ordonner.

Voilà quelle fut l'issuē de cette belle entreprise qui fut Dieu mercy decouuerte par l'arrest de ces rebelles par vn moyen & vne façon autant inespérée que les apparences y estoient du tout inuisibles, & par des personnes de qui l'on n'eust iamais rien moins attendu; & maintenant voicy vne autre prinse encore plus miraculeuse, bien que le personnage ne soit de telle qualité, & d'une façon encore plus extraordinaire, pour faire voir aux aueugles mesmes, que là où Dieu veut aider, rien ne peut nuire, & que ce Souuerain protecteur

*Autres trait-  
tes associez  
dudit Comte  
descouverts &  
surpris.*

des Monarchies a ietté les yeux de sa pitié & compassion sur nostre pauvre France, pour empescher le coup de son entiere cheute & desolation, & pour confondre en leurs inentions ceux qui l'auoient ietté en la fournaise, pour la deschirer en lambeaux.

Il faut donc sçauoir que le sieur de Montbrun, avec quelques autres affectionnez au party des rebelles, ayans formé quelque intelligence, comme nous auons ia dit cy-dessus, sur la ville de Grenoble pour s'en saisir, faisoit remuer ses ressorts dedans; & entre eux (apres auoir tout comploté & conclud) ils choisirent le Dimanche septiesme de Novembre ensuiuant, pour executer leur entreprise entre onze heures du soir & minuit. Ceux de dedans donc ayans arresté cela entre eux en voulurent aduertir ledit sieur de Montbrun, à ce qu'il se tint prest de son costé, & donnast là où l'on auoit aduisé au signal qui luy seroit fait, afin que tout se rencontrast à vne mesme heure & à poinct nommé: mais il falloit vn messager pour en porter la resolution, & il y auoit du danger d'estre surpris en sortant. Vn certain Aduocat en Parlement, nommé Bouffier en prend la charge, dit qu'il a homme propre à cela, & de l'inuention pour le faire sortir sans aucun danger. Là dessus on luy

*Dessein du  
sieur de Mont-  
brun.*

*Vn Aduocat  
entreprend  
l'affaire.*

dresse tous ses memoires & lettres de creance, avec toute l'instruction necessaire à toutel'entreprise, & comment le tout se deuoit iouer.

*Se veut seruir  
d'un sien Clerc.*

Bouffiers s'adresse à son Clerc, & luy conte tout l'affaire. Le Clerc estimant que c'estoit vne occasion l'heureuse, tant pour le coup de sa fortune, que pour rendre vn bon office au party, auquel il estoit affectonné, se charge fort bien de cette ambassade, & dit qu'il en fera fort bien son deuoir; & là dessus comme vn autre Phaëton, croyant deuoire scheller le Ciel bien tost, il se prepare à son voyage. Mais auant que partir, il enuoye vn certain Poulet à vne certaine Amie qu'il auoit, & apres l'auoir asseurée de la continuation de son amitié, luy mande qu'il s'en alloit aux champs, & qu'il estoit fort hors de la ville par vne subtile inuention; mais que c'estoit pour renenir bien tost, & en tel equipage qu'elle seroit heureuse de le voir; & avec cela luy touche quelques paroles qui esclairoient aucunement l'affaire.

Ce Poulet est surprins, & interpreté, ce qui met incontinent la ville en alarme; mais on ne sçait bonnement qui en est l'auteur, ny où il est; mais cependant bonne garde.

Le Clerc ayant donné ordre à tout son fait, & saisi de toutes ses instructions, se



fait foncez dans vn tonneau propre à tenir du vin, pour sortir de la ville avec plus de seureté, & moins de danger, & passer le port de Clay à deux lieuës de Grenoble, gardé par les sieurs de Saint Pol, & de la Tiuolliere. Il sort donc comme cela de la ville, estant conduit par vn chartier, & passe iusques delà le port de Clay, sansque iamais l'on s'apperceut de rien : puis se voyant enuiron vn quart de lieuë loin du port, se iugeant assez en lieu d'assurance, il fait defoncer le tonneau, & sort de dedans, comme iadis les Grecs sortirent de leur cheual de bois pour prendre Troyes. Comme il fut sorty de cette prison volontaire, il se met en chemin ; mais n'est pas eschappé qui sa corde traîne. Il n'eut pas fait cinquante pas, qu'il trouue vn autre Clerc, sien camarade & grand amy, & apres les salutations accoustumées, ce camarade luy demande où il va. Luy peu duit à tels affaires, ou plustost disons que c'estoit le bon Genie du Dauphiné, qui luy faisoit proposer telles paroles, luy declare tout son fait, sans autre instance, comme se sentant assuré de luy, & ne craignant rien moins que ce qui luy arriua ; puis luy dit s'il vouloit prendre party avec Monsieur de Montbrun, & se trouuer à l'execution de l'entreprinse,

*Façon de se  
descouuerre.*

1621.

il luy feroit auoir bon party, & luy feroit faire vne belle fortune tout à coup.

*Vn autre Clerc  
le trahist.*

L'autre voyant vne belle occasion pour rendre vn bon seruice à son Roy, & à sa patrie, feint d'en estre bien aise, luy promet d'aller avec luy, le caresse, avec vne milliaffe de remerciemens pour ce grand bien qu'il luy alloit procurer; mais l'exhorte d'auoir vn peu de patience seulement pour demie heure, qu'il s'en alloit descharger de quelques affaires qui pressoient necessairement, & qu'aussi tost il le reuenoit trouuer pour s'en aller ensemble.

*Fait prendre le  
porteur de let-  
tres.*

Ce porteur attend, & cependant l'autre se porte en toute diligence au Port de Clay, aduertit Messieurs de Saint Pol, & de la Tiuolliere de tout ce qui se passoit, & eux aduolant sur le lieu, se saisissent de ce compagnon, le fouillent, & le treuuent chargé de ces lettres & memoires; & comme cela, le conduisent assésurement à Grenoble, où il fut interrogé par Monsieur le premier President, & apres cela, on le confine en vne profonde fosse. Il accusa son Maistre, & quelques autres, qui furent à l'instant mis en prison, & entre autres vn nommé God, Greffier, & vn autre Bigaud, Clerc.

*Estclaircissement  
du dessein.*

Par la teneur des lettres & memoires, l'on a descouuert & sceu comme toute leur entreprise se deuoit iouer, à quel temps, & à

quelle heure, avec toute l'instruction de ce qu'ils deuoient faire: & entre autres choses, ils se deuoient saisir de la grande Chartreuse, & se fortifier là dedans, pour se mieux assurer du pais, & tenir le chemin de Saouye & de Lyon à leur volonté. L'on a sceu d'auantage, qu'il estoit entré cent Maistres, ainsi foncez dans des tonneaux, comme si c'eust esté du vin qui venoit aux habitans, & sont dans la ville cachez, pour attendre l'occasion de faire quelque mauvais party à cette pauvre ville, si la fortune leur est fauorable. Du depuis, comme l'on prend maintenant garde à tout, l'on a encore surpris à la porte de Bonne vn certain homme habillé en Prestre, qui au dessus de sa robe, s'est trouué couuert d'escarlate rouge, & de clinquant d'or, avec des lettres & memoires, adressantes à vn certain de la Ville, mais on ne sçait pas encor leur nom, & ont esté mis dans la prison, & confessent de iour en iour plus qu'on ne leur demande. Les habitans du depuis ont fait & font grosses gardes, ayans fait mettre du depuis douze pieces de batterie sur les remparts, qui ont esté princes au logis de Monseigneur le Marechal. Outre ce, il y aborde tous les iours force troupes, leuees à la diligence de Monsieur le premier President, & de tout le Parlement, sous la charge de Messieurs le Viscomte de Pasquier, du Belier, & de Maugiron, Gene-

Garde redoublée à Grenoble.



1621.

raux de l'Armee du Roy en Dauphiné.

Voila comme Dieu a voulu encore vne seconde fois garantir la Ville de Grenoble, & tout le Dauphiné par consequent, & comme il a fait que les entrepreneurs ont esté prins eux-mesmes, & confus en leur confusion.

Mais en mesme temps que ce grand Dieu protege la Prouince du Dauphiné de tous les maux qu'on luy alloit faire souffrir, sa mesme bonté sauue la Normandie, de la faction perilleuse laquelle alloit perdre ce beau membre du Royaume.

*Dessains des Ro-  
chelois.*

Pendant que le Roy trauaille à reduire en son obeïssance les villes & places de ces Prouinces de Poictou, Guyenne & Languedoc iniustement detenuës par ses subiects rebelles : L'Assemblée tenant à la Rochelle & leurs confederez, cherchent toutes sortes de subiects & moyens pour faire souleuer les autres Prouinces de ce Royaume contre le seruice de sa Maïesté, font eslection d'hommes d'esprit & de courage qu'ils cognoissent factieux & propres à executer leurs mauuais desseins, leur font deliurer des Commissions de ladite Assemblée avec argët & lettres d'eschange, adressees à ceux de leur party, en fin n'espargnent rien de ce qu'ils estiment seruir à l'execution de leurs pernicieuses entreprises. Vatteuille Mont-Chrestien qui faisoit profession de la Religion pretendue reformee fut

des premiers employez en ceste rebellion, la naissance ne le pouuoit pas porter à de si hauts desseins, mais son esprit & son courage luy ayant fait espouser vne Damerri- che & de l'vne des bonnes maisons de Normandie, & son ambition propre & capable de tout entreprendre, luy promettoient asseurement que si les affaires de ce party reüssissoient, il y auroit bonne part.

Ledit Vatteuille quitta donc au mois de Juillet dernier la ville de Chastillô sur Loire, de laquelle il estoit auparauant Gouverneur sous Monseigneur le Prince, pour entrer dans le party, leietta par apres avec 4. cens hommes dans les villes de Sully, Gergeau & Sancerre, reuoltees contre le seruice du Roy, avec resolution d'y attendre le siege: mais Monseigneur le Prince s'en estant approché, Vatteuille ne iugeant pas pouuoir tenir, illes auroit rendues à composition, & sur la fin dudit mois de Juillet il s'estoit retiré à la Rochelle, où il assistoit au conseil de l'Assemblée dont estant party au mois d'Aoust saisi de cent Commissions pour faire leuee de plusieurs Regimens & compagnies de cheuaux Legers en Normandie, au Mayne & ailleurs, il passe par les villes, places & bourgs où il auoit cognoissances, cōmunique ses desseins à ses plus intimes & qu'il cognoist affectionez pour le party, visite les Gétils hommes de la religio & autres, deliure secrettement partie del dites

1621.

*Nous en auons  
parlécy dessus  
à la prise de  
Sully.*

*Pratique dudit  
Mont. Chre-  
stien.*

1621.

Commissions & de l'argent à des Capitaines pour s'asseurer & leuer des gés de guerre, distribué luy mesme de l'argent à quelques Soldats qu'il cognoissoit vaillans & aguerris, court çà & là, assisté seulement en ses courses & caluacades de dix à douze de ses Capitaines les plus determinez & bien armez, s'asseure de ceux de sa faction & entreprise, & voyant qu'ils estoient en estat de mettre aux champs, il va luy mesme leur donner le rendez vous, & ne tarde iamais qu'une heure ou deux du plus en un mesme lieu, craignant d'estre surpris.

*Ses pratiques  
desconuertes.*

Monseigneur le Duc de Longueville Gouverneur pour la Maiesté en Normandie, & Monseigneur de Matignon, Lieutenant General audit Gouvernement bien aduertis de ces brigues, menez, conferences & soulleuemens, & de l'orage qui menaçoit tant ladite Prouince, que les circonuoisines, s'acheminrent avec quelques troupes vers les villes d'Argentan & Dôphront pour charger Vatteuille & ses bandoliers, qui desia estoient en bon nombre dans les Forests d'Alençon, d'Andaine & du Mayne, où ils voloyent, pilloyent & rauageoyent les bourgs & villages voisins, attendans que les autres de leur party eussent mis aux champs pour grossir leurs troupes, & cependant Vatteuille ne perd courage, n'apprehender rien, au contraire il continué ses courses & caluacades iour &



nuict, aduertit secrettement ceux de son party qui deuoient mettre aux champs, & s'aduancer, leur donne le rendez-vous pres des Foreſts d'Alençon & du Mayne au Lundy vnziesme Octobre, où veritablement ils se fuſſent trouuez au nombre de cinq à ſix mil hommes: mais comme Dieu qui diſſippe & ruine les conſeils & entrepriſes des meſchans quād il luy plaist, permet que ledit Vatteuille Mont-Chreſtien avec huit Capitaines determinez qui l'asſiſtoient, arriuent le leudy la nuict ſeptiesme Octobre au bourg des Tourailles, diſtant de cinq lieuës de la ville de Falaize, & autant de celle de Domphront, logent tous en vne tres-forte hoſtellerie audit bourg. Vatteuille ne voulant pas eſtre recogneu, entre promptement dans l'vne des chambres, commande à ſon valet de chambre de luy faire ſeruir de quoy ſoupper, faire repaiſtre ſes cheuaux & les tenir preſts de partir dans deux heures. Le ſieur des Tourailles Turgot, qui lors eſtoit en ſon Chateau des Tourailles, diſtant d'vn demy quart de lieuë de ſon dit bourg, eut incontinent aduis de l'arriuee dudit Vatteuille & ſes compagnons en la dite hoſtellerie, & luy qui eſt l'vn des vingt quatre Gentils-hommes ordinaires près la perſonne du Roy, & qui depuis dix ans a continuellement ſeruy ſa Maieſté, tant en ſa dite charge d'ordinaire, qu'en la conduite d'vne Compagnie de cheuaux Legers,

n'eut pas si tost receu cest aduis, qu'il se  
resoulta l'instant pour l'affection qu'il auoit  
seruice du roy & au bien & salut du pays,  
de prendre & arrester ledit Vatteuille &  
ceux de sa suite, ou bien y perdre la vie.  
S'estant donc ledit sieur des Tourailles fait  
assister de deux Gentils-hommes qui es-  
toient chez luy, de ses domestiques, &  
de quatre autres Gentils-hommes & trois  
Soldats ses voisins, & bien aduertiy que le-  
dit Vatteuille & les siens s'apprestoient  
pour partir de ladite hostellerie, il s'aduan-  
ce promptement avec ce qu'il auoit de  
gens, inuestit l'hostellerie, somma Vatte-  
uille de se rendre: Au lieu dequoy faire luy  
& ses compagnons tous gens desesperes,  
armez chacun d'une carabine & deux  
pistolets, sortent courageusement, tirent  
plusieurs coups sur ledit sieur des Tourailles  
& les siens, tuent deux Gentils-hommes &  
vn Soldat du nombre de ceux qui assistoient  
ledit sieur des Tourailles, lequel au mesme  
instant tue ledit Vatteuille sur la place, ar-  
reste son vallet de Chambre fort blessé,  
mais ses compagnons quoy que tous fort  
blesses en ce conflict, s'eschappent à la fa-  
ueur de la nuit & des tenebres, trauersent  
à nagela riuere des Tourailles proche de  
ladicte hostellerie, & le lendemain du ma-  
tin furent rencontrez par des chemins es-  
cartez fort incômodez de leurs blesteures,  
& quelque recherche qu'on en peust faire

ors il fut impossible de les trouuer, d'autant qu'ils auoient des retraictes asseurees en aucunes maisons fortes du pays, où quelques vns desdits blesez sōt du depuis morts à cause de leurs blesseures.

Après ce conflit finy le Sieur des Tourrailles faict porter dans son Chasteau le corps dudit Vatteuille Mont-Chrestien mort, & son valet de Chambre ainsi blezé, donne & distribue les armes, cheuaux & autre equipage dudit Vatteuille & ses compagnons, aux Gentils-hommes & soldats qui l'auoient assisté en ceste occasion, & le lendemain il mande de grand matin le Iuge du lieu afin de faire examiner le valet prisonnier, craignant que ses blesseures le fissent mourir auant son examen, donne incontinent aduis de ceste deffaicte à Monsieur de Matignon qui estoit en la ville de Dôphront proche de cinq lieues, en escrit à Monseigneur le Due de Longueuille & à Messieurs du Parlement de Rouën & leur enuoyela coppie de l'examen dudit vallet qui a descouuert beaucoup de choses importâtes pour le seruice de sa M. despesche vn Gentil-homme qu'il enuoye en poste trouuer le Roy au Camp deuant Montauban, & escrit à sa Maiesté ce qu'il auoit fait pour son seruice.

Lelendemain de ce conflit, Monsieur de Matignon enuoye plusieurs Gentils hommes & le Capitaine de ses gardes vers ledit

*Son corps mort  
emporté au  
Chasteau des  
Tourrailles.*



*Lesdits corps  
emportes de  
Domfront.*

Sieur des Tourailles, luy escrit le contentement qu'il auoit receu du signalé service qu'il auoit rendu au Roy & à la patrie en la deffaicte dudit Vatteuille Mont-Chrestien & des bandoliers, le prie de luy enuoyer le Cadaure de Vatteuille & son valet prisonnier, afin de faire faire leur procès. Suivant quoy ledit sieur des Tourailles les enuoya à Mondit sieur de Matignon, qui fit diligemment traualier à leur procès par les Iuges ordinaires de Domphront, lesquels par le second examen du vallet dudit Vatteuille, descouurent que partie des commissions que Vatteuille son maistre auoit apportées de l'Assemblée de la Rochelle en tant qu'il en restoit à distribuer, estoit chez vn nommé des Venres cousin dudit Vatteuille, demeurât deux lieues proche de Domphront: les gens de Monsieur de Matignon y vont promptement, trouuent lesdictes commissions au nombre de quarante huit qu'ils luy apportent à Domphront, & le douzième iour dudit mois d'Octobre, les Iuges & Officiers du Roy de ladicte ville de Domphront, apres les informations deuement faictes, donnent iugement contre ledit Vatteuille, par lequel, *Il est iugé & déclaré deuement atteint & conuaincu du crime de leze Maiesté au premier chef, pour les fa-  
ctions, menees, assemblees, & conferences par luy  
faictes avec l'Assemblée de la Rochelle, leurs  
adherans & confederés, amas & soufflement de  
gens*

gens de guerre, pour porter les armes contre le service de sa Majesté, en vertu des commissions des rebelles de la Rochelle, pour punition & reparation dequoy, il a esté ordonné que son corps seroit trainé sur une claye, rompu sur une rouë, puis bruslé, & les cendres jettes au vent par l'Executeur des sentences criminelles. Ce qui fut ainsi executé le mesme iour. Cependant le Parlement de Rouën donne Arrest l'vnziesme iour dudit mois sur la remonstrance de monsieur le Procureur General, & ordonne que le Cadavre dudit Vatteuille Mont-Christien seroit porté, & son valet prisonnier conduit sous bonne & seure garde en la conciergerie dudit Parlement par le Vibailly de Caen. Monsieur de Faulcon sieur de Rys premier President audit Parlement & qui est fort affectionné au service du Roy, bien & salut de la Prouince, escrit audit sieur des Tourailles, luy tesmoigne combien le Parlement en General & luy en son particulier estimoit & approuoit son action comme tres-importante pour le service du Roy & bien public, luy adresse l'Arrest de la Cour, le prie de le faire promptement executer, suivant & en exetution dequoy le seruiteur dudit Vatteuille & les autres de leur cabale, qui du depuis auoient esté pris par les gens de monsieur de Marignon, ont esté menez audit Parlement de Rouën, en attendant la volonté & commandement du Roy sur ce subject, que sa Maiesté a du de-

1621.

*Confirmé par  
Arrest de Rouën.*

*Le Roy a à gré  
ceste procedure  
contre ces sed-  
tieux rebelles.*

puis fait entendre à sondit Parlement par ses lettres avec commandement de faire le procesz desdits rebelles.

*Escrit andict  
sieur Turgot &  
le loie.*

Sa Maieſté ayant eu certain aduis au camp deuant Montauban de la deſſaite dudit Varteuille & ſes bandoliers, & de ce qui ſ'eſtoir paſſé, a grandement approuué l'action du dict ſieur des Tourailles, luy a eſcrit qu'il luy en ſçait gré & de l'affection qu'il a fait paroistre en ceſte occaſion au bien de ſon ſeruice, luy commande qu'il mette peine de deſcouvrir ce qui eſt de la ſuite de ceſt affaire, pour en aduertir ſa Maieſté, & qu'il continue à s'opposer aux entrepriſes qui ſe feroient contre ſon ſeruice.

Après ceſte deſſaite, le Duc de Longueuille & monsieur de Marignon en ayans aduis, ſe retirerent à Roüen & à ſainct Lo. Voyla comme les orages qui menaçoient la Normandie ont eſté calmes, car les factieux & rebelles ayans ainſi perdu le chef de leurs entrepriſes, ont ceſſé de battre la campagne, & quitté les foreſts.

Toutes ces priſes & executions, toutes ces entrepriſes & deſſeins deſcouverts donnent de grands friffons aux rebelles enfermez, particulièrement aux aſſiegez de Montauban.

Sur la fin de Septembre ils demandent permiſſion & ſauſconduit au Roy pour enuoyer vers le Duc de Rohan, comme auſſi



vers les Ducs de l'Esdiguieres & de Sully, à  
deux fins. L'une, pour sçauoir la volonté du  
dit Duc de Rohan & auoir ses sentimens sur  
la subsistence ou continuation de la deffence  
de la place: l'autre pour moyennier enuers le  
Roy, par l'entremise des Ducs de l'Esdiguie-  
res & de Sully vne composition honora-  
ble.

Sur l'apparence qu'ils donnent de quelque  
resolution, le Roy permet à la supplication  
des assiegez, que le Duc de Chosne se trans-  
porte dans la place, moyennant de bons &  
suffisans ostages qu'ils donnent pour la seu-  
reté de sa personne: ledit Duc entre en pour-  
parler avec le Marquis de la Force, en pré-  
sence des Chefs & Consuls de Montauban  
où se minute la forme de la composition que  
ils demandent pour la reduction de la place.

Pendant cela sa Maiesté accorde que l'un  
de leurs Consuls aille trouuer le Duc de Ro-  
han dans saint Anthonin, avec le sieur d'Es-  
plend pour estre tesmoing de ce qui s'y trai-  
teroit & en faire rapport.

Le Duc respond aux assiegez qu'il est en  
leur liberté de se rendre s'ils veulent, ou  
de garder & deffendre leur ville, que quel-  
que resolution qu'ils prennent, quant à luy  
il estoit resolu de ne quitter les armes, si ce  
n'est de l'aduis & consentement de toutes  
les Eglises, dont l'assëblee generale estoit à la  
rochelle, pour la protectiō & deffence des-  
quelles il les auoit prises: que sur les propo-

1621.

*Sauf-conduit  
demandé au  
Roy par ceux de  
Montauban  
pour enuoyer  
vers le Duc de  
Rohan.*

*Duc de Chosne  
deputé par le  
Roy à Montau-  
ban.*

*Consul de Mon-  
tauban va trê-  
uer le Duc de  
Rohan.*

*Responce du  
Duc de Rohan.*

1621.

sitiôs à luy faictes de la part desdits assiegez, il en alloit rescrire à ladite assemblee & suivoit son opinion & ses sentimens.

Les assiegez qui attendoient la responce du Duc de Rohan ne s'engagerent en rien au Duc de Chosne.

*Rebelles ne respondent rien avant la responce du Duc de Rohan*

Erayans sceu la resolution dudit sieur Duc de Rohan par le retour de leur député, comme il restoit constant en la subsistance de ses armes, & n'approuvoit ce semble la reddition de la place qui arrestoit & retenoit les armes de sa Maiesté, se resolurent de s'opiniâstrer à la deffence: de maniere que le Duc de Chosne y retournant pour la seconde fois les trouva tellement changez, & si peu disposez à la reddition de la ville & à l'obeissance, que pour dire qu'ils n'en vouloient rien faire, proposerent choses ridicules & hors de toute apparence, qu'ils sçauoient bien ne leur estre iamais accordees par sa Maiesté.

*Leurs propositions insolentes.*

La premiere, le reestablissement du Bearn en l'estat qu'il estoit avant le changement que sa Maiesté y fit en 1620.

La seconde, la restitution des charges du Marquis de la Force & de ses enfans.

La troisieme, la restitution des places prises, & occupees par sa Maiesté sur lesdites Eglises, & autres propositions erronees qui porteroient plustost sadite Maiesté à l'indignation contr'eux qu'à aucune sorte de resolution de les prendre à misericorde....

Le Duc de Rohan se laissant quelque peu entretenir par ceux ausquels le Roy permit l'aller visiter, donnoit quelque bonne opinion de son obeyssance & prompt desarmement, il escoute patiemment les propositions qu'on luy faict, & des moyens qu'on luy donne pour faire sa paix aupres du Roy, & se rendant plus susceptible de conseil que il n'auoit encore faict depuis la prise de ses armes, faict esperer à monsieur le Connestable, que moyennant leur entreueuë, il rameneroit ledit sieur Duc à son deuoir.

Et de faict estant sollicité par ledit sieur Connestable en faueur du seruice du Roy, & de leur alliance, de se donner iour & lieu pour se voir & conferer ensemble en toute seureté, & engagé de parolle audict sieur Connestable pour se trouuer aupres de Villemur, en vn chasteau appartenant au Duc de l'Escliguières, où sans faillir ledit sieur Duc se réd le troisiésme Octobre avec quelque nombre de canallerie, esgalle à celle que ledit sieur Connestable pourroit mener avec luy pour la seureté tant de l'un que de l'autre: ledit sieur Connestable ne manque aussi de son costé de se rendre au iour donné, aupres du Duc de Rohan, & avec eux se trouuent aussi lesdits sieurs Ducs de l'Escliguières & de Sully, & en ceste sorte on croioit desia le Duc de Rohan gaigné au seruice du Roy, & ceux de Mōtaubā cōtraincts d'enuoyer à sa Maiesté les clefs de leur ville.

1611.

*Bonne opinion  
de la resolution  
du Duc de Ro-  
han.*

*Conference à  
Villemur entre  
le Connestable  
& luy.*



1621.

*Bruit en Cour  
sur la resolution  
du Duc de Rohā*

*Issue de ladicte  
conference con-  
traire à l'esper-  
ance publique.*

Ceste conference toutesfois n'eut pas vne suite telle que l'on s'imagineroit, ny vne issue semblable à celle que l'on se proposoit : il est bien vray que du commencement il y eut quelque bonne esperance de la resolution dudict Duc, qui s'estoit laissé aller à la viuacité des raisons desdits sieurs, qui est cause que desia on escriuoit de la Cour que monsieur de Rohan estoit à Villemur sur le point d'aller rendre le deuoir & l'obeissance qu'il doit au Roy avec les villes de Castres, Puylaurent, Realmond & autres places qu'il occupe, que Montauban par cet accord s'en alloit reduict à la misericorde de sa Maiesté, n'ayant plus esperance de secours : mais la fin de ceste conference a fait voir des succez tous contraires : car comme ledict Duc de Rohan qui estoit sollicité d'accepter la paix pour luy seul, ne le voulut faire sans y comprendre les rebelles de Montauban, qui pour leur insolente response auoient esté abandonnez aux coups de l'indisgrace du Roy, cela fit rompre ladicte conference sans effect, & retourna ledict sieur de Rohan à ses troupes, de laissé par lesdits sieurs Connestable & Ducs de l'Escliguières & de Sully à ses propres Conscils, dans lesquels il se perdit tost ou tard.

Ceste conference rompuë, les batteries redoublent sur la place avec plus de

furie que iamais.

Le neuuesme Octobre sortit de Montauban vn certain espion enuoyé dans l'armee du Roy, de la part de la Marquise de la Force, pour apprendre en quel estat estoit ladite armee, & quelle resolution on prenoit aux quartiers du camp contre les assiegez.

*Espion de Montauban surpris.*

Cét espion ayant esté pris & recogneu, fut conduit & mené à sa Maiesté, qui l'ayant veu & faict interroger, scachant le dessein pour lequel il auoit esté enuoyé par ladicte Dame en l'armee, fut mis entre les mains du grand Preuost de l'Hostel, avec commandement expres de sadicte Majesté de luy faire & parfaire son procez, voulant qu'il fust pendu à la veuë des assiegez sans aucune forme de grace, pour donner exemple à semblables traistres, & pour faire dépit à ceux qui l'auoient enuoyé.

*Le Roy commande qu'il soit pendu.*

Cét homme condamné à la mort, est grandement sollicité du salut de son ame, & ne se monstrant point trop resolu ny opiniastre en sa Religion, permet que deux Peres Capucins prennent la direction de sa conscience entre les mains desquels il est laissé, pour leur faire voir l'interieur de son cœur.

Il est si doucement admonesté par les belles & pieuses remonstrances de ces Peres, qu'il se laisse heureusement aller à que.

*Il se conuertit à la Foy Catholique.*

1621.

*Fait veu à nostre Dame de Mont-Sarra en cas que le Roy luy pardonne.*

l'abiuration de l'erreur dans laquelle il auoit esté nourry, & se conuertit à la Foy Catholique, & ayant esté absous del'heresie & de ses fautes, protesta ausdits Peres que s'il plaisoit au Roy luy faire grace & luy donner la vie, il feroit le voyage de nostre Dame de Mont-Sarra en Espagne, où il prieroit Dieu & la Vierge Sacree pour la prosperité des affaires de sa Maiesté, & là rendroit louanges diuines à l'Eternel pour la grace qu'il luy auoit faicte de le retirer de l'erreur, & d'auoir obtenu par sa grace la misericorde du Roy.

Or pour quelques considerations d'Estat, il fut resolu qu'il mourroit, & ne peut obtenir ceste faueur qu'il esperoit de sa Maiesté.

*Est conduit au supplice.*

Le lieu du supplice préparé à la veüe de l'armée & à la barbe des assiegez, il est conduit pour mourir, par les Archers de la Connestablie & du grand Prenoist de France.

*Miracle arrivé à son execution.*

L'executeur de la haute Iustice le montre à l'eschelle pour le pendre: au premier coup qu'il le jette pour l'estrangler, la corde se rompit, & le criminel tomba droit sur ses pieds sans autre mal. Il est repris & monté detechef, on luy met vne double corde au col, on le jette pour la seconde fois, & de mesme qu'à la premiere, la double corde se rompt, & tombe droit sur ses pieds sans autre mal: merueille estran-

*Les cordes se rompent.*



ge qui estonne tous les assistans, & dont le bruit s'enuole iusques à la Cour: pour la troisieme fois on remonte cer homme à la potence, on l'attache avec vne triple corde à la potence, de laquelle venant à estre jetté encore vne autre fois, les trois cordes se rompent de mesme qu'aux deux premiere & seconde fois, & tombe, comme aux autres droit sur ses pieds, sans souffrir autre mal ny douleur, que quelque peu de meurtrisseure au col que luy auoient faict lescrites cordes. Ce miracle visible & apparant, faict croire qu'il y auoit quelque occulte prouidence, qui pour quelque cause que ce soit operoit pour la vie de ce criminel, & que Dieu par cecy vouloit exciter la misericorde du Roy de faire grace & pardon à ce pauvre miserable, qui sur ce qui estoit publiquement recogneu, est conduict & mené à sa Maiesté: ouy & interrogé là dessus & le rapport faict de ce qui s'estoit passé à l'exécution de son Arrest, dict & confessa deuant tous qu'il ne scauoit autre cause de ceste merueille sinon que se conuertissant à la Foy, & ayant mis toute sa confiance en Dieu & en la Vierge, il s'estoit voué à elle, & à faire le voyage de Mont-Sarra en cas qu'il pleust à sa Maiesté luy octroyer sa grace, & luy donner la vie. Le Roy qui ne resiste iamais à la volonté de Dieu, donne la vie à ce miserable espion, & en

*Est deslié &  
conduit au Roy.*

*Qui luy donne  
la vie.*

1621.

consideration de ce qu'il luy estoit arriué & du vœu qu'il auoit faict, commanda qu'on luy baillast quelques sommes de deniers pour l'accomplir, & faire le voyage de Mont-Sarra

Ce faict tenu pour vn miracle notoire, fut publié par toute la France, i'en ay veu lettre escrete par le R. Pere Arnoux Iesuite à monsieur le Cardinal de la Rochefoucault, & a du depuis esté confirmé par le testimonage public de tous ceux qui assisterent à ladite execution.

*Maladies augmentent au camp.*

Les maladies augmentent grandement en l'armee du Roy le long de cet Autonne, force personnes de qualité y meurent. L'Archeuesque de Sens, & le sieur de Pont-Chartin, Secretaire d'Etat, finirent leurs iours tous deux en moins de dix iours au seruice du Roy: leurs places furent remplies de personnes capables & choisies par la prudence du Roy, qui conféra la charge dudit sieur de Pont-Chartin, au fils de monsieur Phelippeaux Thresorier de l'Espagne.

*Mort de l'Archeuesque de Sens & du sieur de Pont-Chartin.*

*Maladie de monsieur de Puisieux.*

Aussi demeurerent longuement malades le Cardinal de retz, le sieur de Puisieux premier Secretaire d'Etat, & les plus nobles testes du Conseil, tant à cause de l'incommodité des logemens, que de l'air qui estoit infecté pour le grand nombre des soldats qui mouroient journellement au camp.

Monsieur le Duc de Mont-morency qui

estoit arriué en l'armée du Roy, il y auoit quelque temps avec six milles hommes de pied & cinq cens cheuaux, fut aussi attaqué d'une maladie si forte & si violente, que ses Medecins desespéroient de sa santé, & comme ses troupes estoient ordonnées au quartier du Duc de l'Esdiguieres, la maladie dudit sieur Duc de Montmorency fut cause que de six milles hommes qu'il auoit amenez avec luy, trois milles s'en allerent en vne belle nuit, tenans desia leur chef pour mort, & par ce moyen incommoderent grandement le quartier dudit sieur Duc de l'Esdiguieres, par ce qu'il fallut que le reste des troupes de ce quartier là, demeurassent tous les iours en garde: d'où s'ensuiuirent de grandes maladies au Regiment des Gardes & autres troupes pour auoir esté trop fatiguez & trauaillez, dont quelques vns s'en allerent apres les autres sans congé, & sans que l'on y peust donner aucun remede: & ainsi vniuersellement par tout le camp du Roy, les maladies y furent grandes, la mortalité extrefme, & l'infection de l'air grandement dangereuse pour ceux qui restoiert au travail de ce siege.

Ceux de dedans la place ne furent pas exempts de ceste mesme misere, la contagion se logea si furieusement parmy eux, que beaucoup de soldats & habitans moururent de peste & de pauureté, que l'indigence & la

*Celle du Duc  
de Montmorency:*

*Vne partie des  
troupes qu'il  
auoit amenees  
au camp se per-  
dent en vne  
nuit.*

*Contagion d'ait  
Montauban.*



*Ennuÿ des as-  
siegeans sur la  
longueur du  
siege.*

nécessité y cauſoit tant de ſortes d'incommoditez, qui auoient diſſippé plus d'un tiers de l'armée, degouſterent eſtrangement les Chefs & les ſoldats pour la longueur de ce ſiege, pendant lequel on auoit encore que bien peu aduancé ſur les ennemis, & cependant la ſaiſon qui preſſoit, & les pluyes continuelles qui incommodoient les troupes, firent aſſez cognoiſtre que Montauban ne ſeroit pas encore pris pour ceſte année, & que l'on ſeroit contrainct de ceder au temps, ce que nous verrons cy apres.

*Embrazement  
des deux Ponts  
à Paris.*

Le long de ce mois il ne ſe paſſa autre choſe en France, ſinon qu'à Paris vne autre ſorte d'affliction & de trouble y ſuruint, par l'embrasement & incendie des deux Ponts aux Changeurs & des Marchands.

L'origine de ce feu ſe compte, diuerſement, chacun en a voulu parler ſelon ſa paſſion, mais en fin l'on tiét pour plus vray ſemblable opinion, que ledit feu commença en la maiſon d'un Eſcriuain nommé Goulard, ſur le Pont aux Marchands, ainſi qu'il ſ'enſuit.

Les maiſons ſont baſties de telle ſorte ſur l'eau qu'au lieu de caues & de celliers, il y a certaines petites ſouſpentes au deſſous qui ſeruent aux Marchands pour ſerrer la prouiſion de bois de leur petite famille.

Ledit Goulard qui auoit fait la ſienne

& n'y auoit pas long temps, auoit remply vne partie de la souspente de sa maison d'une quantité de fagots & autre bois pour la prouision de son hyuer. Il arriue donc, que le soir du Samedy vingt troisieme Octobre, sa seruante allant à ladicte souspente querir du bois, vn bout de chandelle qu'elle portoit pour se conduire, luy eschappe des mains, & tombe dans le tas des fagots qui estoient là dedans, la negligence & imprudence de ceste fille la porte à se retirer de ladite souspente avec son bois sans auoir soing de retirer ou d'esteindre la chandelle qu'elle auoit laissé tomber dans le bois, ny preuoir au malheur qui en pouuoit arriuer: le feu de ceste chandelle s'entretient cependant, & se nourrit peu à peu dans la matiere seiche, & legere des fagots iusques sur vne heure apres minuiet du Dimanche ensuiuant vingt-quatriesme Octobre, qu'il commença à embrazer ladite souspente, & gaigner de souspente en autre aux maisons voisines; la fumee qui remplit le logis, avec l'ardeur de la flamme qui alloit augmentant, oste le moyen audict Goulard & aux voisins de pouuoit entrer dans ladite souspente, sans estre suffoquez; en moins de demie heure le feu qui gaigne le haüt du logis, & qui se prend aux autres, remplit le tout d'une si forte fumee, que tout ce que l'on peut faire fut de quitter les maisons, oster les enfans,

1621.  
*Perte & deso-  
 lation des mar-  
 chands.*

*Par leur fuste  
 en partie.*

jetter sur le carréau le plus que l'on peut  
 sauuer des meubles & de la marchandise,  
 les autres surpris par la flamme qui em-  
 brase les meubles, les poultries & le bois  
 des maisons n'ont que le loisir de se sau-  
 uer, les vns tous nuds, les autres à demy  
 habillez le plus promptement qu'il leur  
 fut possible. Et pour ce qu'en tel trouble  
 les volleurs ne s'oublient guiere, & vont  
 sous forme de secours aux maisons affli-  
 gées pour voler le bourgeois; les mar-  
 chands n'osoient pas exposer leurs maisons  
 à toute sorte de personnes incogneuës qui  
 y accouroient pour esteindre le feu, ce qui  
 fut cause que la plus grande partie perdi-  
 rent tous leurs biens, qu'ils furent con-  
 trains d'abandonner aux flammes, & les  
 autres maisons dudit Pont au Marchand  
 attirées par la cheute de celles qui estoient  
 embrazees, tomberēt en moins de deux heu-  
 res dans la riuiera sans autre remede; a-  
 uec les meubles & la plus grand part de la  
 marchandise des pauvres marchands. Les  
 propriétaires des logis qui accouroient de  
 toutes parts au deuant de la ruine de leurs  
 logis, furent cause de la totale perte d'iceux,  
 pour ce que les vns ne voulans souffrir que  
 on abbatist les plus proches du feu pour  
 sauuer quelque partie du Pont, virent en  
 peu de temps toutes les maisons ou cheu-  
 tes dans la riuiera, ou embrazees par le  
 feu.



Cét incendie ne s'arresta pas là, la flamme gaigna encore quelques logis du Pont aux Changeurs, ( ausquels bien leur prit d'auoir deslogé de bonne heure ) car en moins de deux heures tout ce beau Pont qui auoit esté si soigneusement racoustré, fut vniuersellement perdu par ce feu, qui destachant les logis les vns d'auec les autres renuersa entierement le tout en la riuiere.

C'est chose incroyable de voir le peuple qui accouroit à cet horrible spectacle. Le Duc de Montbason s'y transporta à trois heures avec le Preuost des Marchands, & le Lieutenant Ciuil : ces Messieurs n'espargnerent aucune sorte de peine ny de soing pour empescher que ce feu ne gaignast le Palais, & le Chastelet, & n'embrazast toute la Cité, comme il pouuoit arriuer se prenants de là aux maisons de la ruë de la Pelletterie : vous eussiez veu alors le soing extremé de monsieur le President de Mesme, Preuost des Marchands, tirant de sa propre finance dequoy payer les ouuriers qu'il employa, tant pour couper chemin au feu, que pour sauuer le bien des marchands, & faire retirer le peuple qui empeschoit qu'on n'y apportast la prompte assistance.

Pendant ceste rude affliction tous les Registres du Parlement & du Chastelet se transportent hors des Greffes pour preuenir vne plus grande ruine du public : les mar-

*Paris en grand trouble.*

*Sage deuoir du  
Preuost des  
Marchands.*

*Registres du  
Parlement &  
du Chastelet  
serrez*

chands du Palais vuidēt promptement leurs boutiques, ceux du Pont de nostre Dame font le mesme, on crie à l'eau, au feu & au secours, & ne vid on iamais desolation pareille en Paris.

Le lendemain matin 25. O. Octobre, tous les quartiers voisins se mirent en armes, pour empêcher l'affluence du peuple, & donner commodité aux pauvres marchands de recognoistre leur bien si peu qu'il en auoient peu sauuer ez maisons prochaines, au Palais, dans saint Bertinlemy, & sur le Guay de la Megisserie.

*Paris en armes.* Et pour ce que plusieurs personnes mal affectonnez au repos public, alloient semans force bruits, que les huguenots auoient mis le feu ausdits Ponts en vengeance de ce que on auoit bruslé leur Temple à Charenton, & qu'ils s'estoient vantez de mettre le feu en plusieurs autres lieux, sur ce faux bruit plusieurs bourgeois de la ville font murer les fenestres plus basses de leurs logis, & les souspiraux de leurs caues & celliers, tiennēt des tonneaux pleins d'eau le long des ruēs, & par commandement de la ville, on fait de bonnes gardes & rondes de nuit en tous les quartiers l'espace de quelques temps.

*Sage preuoyance.*

Le Mardy 26. O. Octobre ensuiuant, le Parlement donne Arrest, enjoignant au Preuost de Paris ou ses Lieutenans de s'informer diligemment de la source & origine de l'incendie desdits Ponts: enioinct à l'aduenir pour preuenir

1621.

*Arrest du Parlement en fa-  
ueur des mar-  
chands ruinez.*

preuenir pareils inconueniens particulie-  
rement pres du Palais que les boutiques &  
eschoppes basties contre les murs du Palais  
du Costé de l'eau seront abbatus sans en  
bastir d'autres puis apres, enioinct aux Pre-  
uost des Marchands & Escheuins de la ville  
de Paris de tenir nombre de Perches à croc  
& des seaux de cuir en l'Hostel de ville pour  
s'en seruir d'oresnauant en semblables ac-  
cidents ordonne que questes seroient fai-  
ctes par les Paroisses de Paris pour receuoir  
les liberalitez du peuple au soulagement  
des pauures marchands ruinez : ce qui s'est  
faict avec tant de charité qu'ils en ont res-  
fenty de grandes & belles vtilitez.

Presque en mesme temps arriua aussi vn  
nouveau accident de feu au Palais de Lyon  
qui brussa la Conciergerie & vne partie de  
l'auditoire: chacū attribua aussi tost la cause  
de ce feu à ceux de la Religion, ou bien aux  
amis du Baron de Dannenal, emprisonné  
pour vn cas arriué près de Lyon entre luy &  
l'vn des Comtes Chanoine de la ville.

*Feu du Palais  
de Lyon.*

La querelle arriua de la sorte que cōme  
ledit Barō de Dannenal fils du Vidafme de  
Normâdie reuenoit de la guerre d'Allema-  
gne où il auoit esté au seruice de l'Empe-  
reur retournant en France pour s'en aller  
seruir le Roy deuant Montauban, il passe  
par Lyon va au logis de la Poste & arreste  
là ce qu'il trouue de cheuaux pour luy &  
pour son train, pendant que l'on les celles

*Querelle entra  
le Baron de  
Dannenal &  
vn Comte Cha-  
noine de Lyon.*



1621.

*Le Comte tué  
par ledit Baron*

*Le Baron em-  
prisonné à  
Lyon.*

voicy venir vn Comte Chanoine de Lyon qui pour la grãde authorité que lesdits Cōtes se donnent dans la ville, croyent auoir la preference par tout, il veut estre seruy & veut prendre les cheuaux que le Baron de Danneual auoit retenus, à quoy il s'opposa disant qu'il ne pouuoit attendre & que son voyage estoit pressé, quelques parolles picquantes se iettent de part & d'autre; entr'autres fut dit par le Cōte Chanoine que ledit Barons s'en repentiroit & s'en alla l'attendre au passage à vne lieuë ou 2. près de Lyõ sur le chemin où il sçauoit que deuoit passer ce Baron, & saisi de 2. pistolets le voyant venir luy vient au deuant pour les luy tirer à la teste: le bon-heur voulut pour ledit sieur Baron de Danneual, qui ce Comte ne le blesse pas du coup qu'il luy tire, ce voyãt ledit Barõ met la main à l'espee, pour sui s'õ ennemy & parant encore vn autre coup de pistolet qu'il luy vouloit tirer, luy court & le tuë ainsi en s'õ corps deffendãt. Cõbien qu'il en fust ainsi, toutesfois l'affaire n'en demeura pas là: sur le bruit de la mort de ce Cōte, la populace voisine qui portent grand respect à ces Chanoines, courent & le faibissent de la personne du Baron de Danneual & le conduisent prisonnier à la Cõciergerie du Palais; le lendemain de l'emprisonnement de ce Seigneur, le feu se prit à la dite Conciergerie & au Palais ioignant qui endommagea fort esdits lieux: & pource que cela arriua sur

Le murmure quel'on faisoit de ce que ce Baron auoit esté mal emprisonné pour auoir tué vn hōme qui auoit failly de le tuer, & en sō corps deffédât, on publia aussi tost que les heretiques avec les amis dudit Baron auoiēt mis le feu ausdits lieux du Palais & de la cōciergerie pour le faire sauuer. Ce qui s'est trouué faux toute fois & fut vn pur accident qui arriua de la faute de ceux de la dite cōciergerie: mais en ce téps là à Lyon cōme à Paris & ailleurs il n'y auoit gēs plus soupçonéz de mauuais desseins que ceux de la Religio, sur lesquels on reiettoit la cause de toute sorte de maux, quoy que d'vne partye ils en fussēt innocēs: mais les vains discours d'aucuns d'eux transportez de passion donnoient tout subiet de leur attribuer vne partye des defastres qui arriuoiet és villes où ils estoient.

Le reste de ce mois d'Octobre se passa en batteries furieuses contre la ville de Montauban, en sorties, en assauls, en escarmouches & combats continuels.

Le 13. Octobre le Roy se trouua de bon matin au camp & voulut estre present à vne furieuse batterie de 20. pieces de canon qu'elle auoit commandé & que l'on commença à la mesme heure faire tonner sur les ennemis, ce qui les contraignit de se retirer du lieu où ils traualloient aux retranchemēs avec ardeur & diligence, car ces desirs reussirent de telle sorte, qu'apres enuiron

Rr ij

*Discours du  
peuple sur l'ori-  
gine de ces fers  
de Lyon.*

*Batterie nou-  
uelle du Roy à  
Montauban.*

1621.

trois cens coups que l'on tira cette mesme iournee, on detacha deux grands bastions de l'ennemy qui en demeura par consequent grandement incommodé.

La saison presente redouble le courage aux soldats, qui eust volontiers desiré de remporter cette place auant l'arriuee de l'hyuer de maniere qu'alors ils estoient en resolution de vaincre ou mourir.

*Resolution generale  
de la Roy*

Et ce qui les animoit encore d'auantage, estoit la resolution louable de sadite Maesté qui protesta ne vouloir traicter autrement les assiegez qu'à sa seule discretion & pure volonté.

*Batterie renou-  
uella.*

Le Ieudy quatorziesme la mesme batterie de vingt pieces de Canon redoubla encore avec beaucoup plus d'effets que le iour precedent.

Ce mesme iour au quartier de Monsieur le Prince de Ioinuille fut eleuee vne autre batterie de douze pieces, qui commencerent de battre la ville en ruine, de maniere que l'on y voyoit voler les cheminees & les festes des maisons en l'air & en ce iour fut tué en la ville le Ministre Chamier ainsi qu'il estoit au temple, c'estoit le plus scelerat de tous les rebelles auteur en plus grande partye de la Rebellion de la place ennemy de Dieu du Roy & de la Monarchie ils eurent vn regret incroyable en sa perte vn coup de Canon luy emporta la teste.

Autres batteries d'autres quartiers don-



nerent en mesme temps, qui ont merueilleusement estonné les rebelles en leurs effets.

Et aduancé on de ce coup quelques soixante pas dans leurs retranchemens, & gaigne on sur eux vn bastion, sur lequel on se logea maintenant, avec perte de quelques vns des nostres, & de plus de cent des leurs.

Il est ainsi que depuis l'vnziesme Octobre iusques au 20. tira sur la place plus de six mille coups de Canon.

Chacun prenoit courage de bien seruir le Roy & de faire son deuoir, au reste de ce siege sans s'espargner.

On ne parloit plus de secours pour les assiegez, ils ont esté trop mal traitez & trop furieusement accueillis pour y retourner souuent, & ont trouué que le plus seur estoit pour leur salut de laisser iouer la partie seule à Montauban.

*Montauban abandonné de secours.*

Le quartier de M. le Prince de Ioinuille estoit le plus aduancé & de ce costé l'on donna vn assaut où à la verité les nostres qui si engagerent furent grandemeent endommagez sans effect par vn stratageme & vn travail que les ennemis leur auoint préparé pour embusche.

Iceluy Seigneur Prince de Ioinuille s'est fait admirer en ce Siege, & ny a rien que les assiegez ayent tant redouté que de tomber entre ses mains, pource qu'il est impitoyable aux ennemis de la M. qui ne font que bien rarement des sorties sur son quartier.

*Le Prince de Ioinuille redouté des ennemis.*

1621.

*Soing incroya-  
ble du Roy.*

Le Roy est si Martial & courageux, qu'il se priuoit de tout autre soing, que de celuy de voir & visiter souuent tous le quartiers de son Armee.

Il disnoit quelquefois dans la Tente de mondit Seigneur Prince de Joinuille, pour auoir l'œil incessamment ouuert sur tout ce qui se passe & se fait en son camp.

*Furieuse sortie  
des ennemis.**Mort du sieur  
de Fourilles Ca-  
pitaine des  
gardes.*

Le lendemain de la Toussaint, iour des morts, les rebelles de Montauban firent vne nouvelle sortie au matin deux heures auant le iour, enuiron quatre cens mousquetaires sortis de la ville Bourbon au quartier du Marechal de Themines, où auccle mot qui leur auoit esté reuelé par quelques traistres de l'armee du Roy, surprirent les sentinelles & arriuerent iusques dans les tranches, où ils tuerent veritablement bon nombre de soldats surpris, & quelque Noble, entre lesquels fut blessé à mort le sieur de Fourilles Capitaine au regiment des gardes, vniuersellement regretté en l'armee pour sa valeur & grandeur de courage: ce ne fut pas sans auoir laissé plusieurs belles marques de sa longue experience au faict des armes signamment en cette occasion: la verité est que les ennemis donnerent telle espouuante aux nostres que peu s'en fallut qu'ils n'encloüerent le Canon du Roy, & ce qui les empescha de ce faire, fut la prompte arriuee du Marechal de Themines, qui genereusement fuiuy d'une belle

Noblesse volontaire, repoussèrent les ennemis iusques dedans leurs portes, apres deux heures de combat, où l'on ne se reconnoissoit qu'à la lueur du feu des mousquetades: cette courageuse Noblesse y paroïsoit non en soldats, mais en Lyons pleins de valeur, la picque à la main, forçant les ennemis de se retirer avec vne notable perte des leurs, & y gagnerent les nostres vn Ravelin de dehors sur lequel fut monté aussi tost le canon qui batit la place en courtines & au trauers des breches de la muraille les maisons & edifices de la ville.

Ce fut icy le dernier combat & la dernière sortie que les rebelles de Montauban ont faicte, car pour plusieurs diuerses considerations, le Roy retira vne partye de son armee de ce siege, & se resolut s'en aller à Tholouse: vous en oyres parler incōtinent.

Cependant nous aprenons les nouuelles de la reduction de la ville & Chasteau de Priuas entre les mains du Vicomte de l'Estrange & de Madame de Chambault son espouse, sur l'apprehension qu'ils auoient eu du pouuoir que sa Maïesté auoit donné cy deuant au Duc de Montmorancy pour assieger la place.

Nous auons suffisamment traicté de cet affaire cy deuant au commencement de ce liure. Sa Maïesté au commencement de son voyage fit escrire audit Seigneur Duc de Montmorancy avec charge



1621.

expese de bien considerer & peser toute cette affaire, avec toute les circonstances qui si trouueroient liees, se saisir & assieger de la ville de Priuas, & faire punir ceux qui se trouueroient coupables, & pour cet effect luy donne pouuoir & commission de faire venir à luy ses anciens regimens, & autres qu'il verroit estre bon, & les compagnies d'ordonnance & autres qui se trouuerroiet prestes pour l'heure, & mesme luy donna charge de leuer nouvelles forces si besoin estoit tant y a queles factieux eurent beaucoup de crainte & apprehension de son armement.

Ledit sieur Duc ayant leué ses troupes, estoit en resolution d'aller assieger ledit Priuas, si tost qu'il auroit acheué de ranger au deuoir les autres rebelles du Languedoc, qui l'arrestèrent quelques temps & tellement qu'il n'a eu la commodité de s'acheminer dans le Viualetz.

Les Ministres de Priuas ont fait tout ce qu'ils ont peu pour faire que le peuple tint bon en sa premiere resolution, avec quelques uns zelez, & estoient en deliberation qu'on se roidist d'auantage cõtre le Duc de Montmorécy: mais les plus aduisez & les plus apparens craignans de se perdre en la ruine de leur ville, qui tost ou tard s'en alloit estre assiegee, avec quelques autres plus dangereuses consequence pour le general du party, commencerent à dissiper ces orages esclairecissent les Esprits de la popu-

populace leur remonstrant les mal-heurs qui se pourroient esclorre d'une telle affaire, que c'estoit vne pure rebellion: qu'il ne se falloit pas precipiter en vn tel labyrinthe pour vn subiet de si peu de merite: qu'il deuoit bien estre permis à Madame de Chambaud de se marier à sa volonté, ce qui est permis aux femmes de la plus basse condition qui soit entre les hommes, & qu'en fin le Ciel crieroit vengeance contre ceux qui seroient auteurs des guerres Ciuiles qui ne peuuent causer que beaucoup de mal-heurs & de defastres: tellement que cette voix là à emporté les autres, apres auoir bien considéré que la place n'estoit pas pour tenir contre ledit Duc de Montmorency, qui estoient grandes & croissent d'heure à autre, tellement que sans attendre le mal qu'ils ne pouuoient finalement eniter ils ont depuis quelques iours ouuert les portes au Seigneur Viconte de l'Estrange, ayant sceu que l'armée dudit Duc estoit de plus de sept à huit mille hommes, avec six piéces de canon qu'on vouloit prendre à Beaucaire pour les foudroyer. Les passages estoient à tous saisis sur le Rhosne par le Duc de Vantadour, les trailles coupées, point de commerce, point d'assurance en aucun lieu: Il ne descendoit plus de bled de Lyon, ce qui faisoit desia crier tout le monde à la faim de tous costez: en fin il y auoit de la pitié de toutes parts, ce qui est

1621.

cause qu'ils n'ont peu tirer secours de personne.

*Ministres pen-  
dus à Prins.*

Le Vicomte de l'Estrange y est donc entré, & à l'instant a fait sortir de la ville & du Chasteau les soldats ennemis le mousquet sur le dos, la meche amorcée & le Preuost en queue: il s'est saisi des plus apparens de la ville, de tous ceux qu'il a peu estre de la faction, & de quelques vns des Ministres, six ont esté pendus & estranglez, comme moteurs principaux de la rebellion: la ville est menacée de perdre ses murailles, que l'on veut raser pour preuenir cy-apres vne seconde reuolte. Les habitans ont esté condamnez à cent cinquante milles escus: & ledit sieur Vicomte de l'Estrange demande de plus l'entretien d'une morte paye de vingt cinq homes en son Chasteau aux despés de la ville qui ne peut estre trop chastiee pour la temerité de ses habitans. Cependant il faut que le courage cede à la loy du temps & les armes à la rigueur de la saison voisine, qui force & contrainct le Roy de quitter pour quelques mois la ville de Montauban, les pluyes & les eaux qui viennent tout d'un coup en ce pays là en ce mois de Nouembre chassent le foldat de la trenchée, & la maladie contagieuse qui y regne, requiert que pour ne voir l'entiere dissipation d'une armée sans combat, il faut pour quelque temps changer d'air & de lieu.



Ce n'est pas que le courage manque, & que les rebelles par leur opiniastre deffence soient cause de la leuée de ce siege, comme ils ont contrainct autresfois les armées de quitter l'entreprise, il n'en est pas ainsi, il y a trop de trauail aduancé, trop de foiblesse, & d'incommoditez parmy eux, trop de necessité & de maladie en la place pour estre laschement abandonnée de l'armée assiégeante, la volonté d'un chacun, iusques au moindre soldat, est trop bonne, pour ne monstrier le seruice que tout le monde veut rendre à sa Maiesté à la gloire de cette conqueste, nul ne se plaint de la fatigue des armes, del'incommodité des logemens, du peril de la mort parmy l'infection de l'air & le danger des surprises, on ne regrette que le temps qui manque pour acheuer ce siege auât l'hyuer, on ne se plaint que de la fraude qui se cōmet en l'armée par la desloyauté des traistres & espions, qui euentent & empeschent les belles resolutions du Roy, & rendent de nul ou de petit effect les entreprises des Chefs & le seruice que rendēt à sa Maiesté là deuant iour & nuict tant de braues & genereux guerriers.

Ainsi pour la saiso, & iusques alors que le Roy ait premedité vn autre ordre pour retourner deuant la place, recogneu la fidelité de ceux que sa Maiesté y employera desormais, purgés le camp de traistres & d'espions, fait prendre quelque respit à son armée

1621.

toutelasse & recréü, donne moyen aux soldats malades de reprendre nouvelles forces, & quela plus forte partye de l'hyuer soit passée, sadite Maiesté part de deuant Montauban & s'en va en sa ville de Tholouze, où le peuple l'y attend avec toute sorte d'impatience & d'affection.

Vn peu auparauant le depart de sadite Maiesté de deuant Montauban, il y eust quelque disgrâce entre Monsieur le Connestable & le Pere Arnoux Iesuite, qui fut cause que le Roy, pour en appaiser le différend commanda audit Pere Arnoux se retirer à Tholouze où il estoit desiré pour prescher les Aduens: & cependant sa Maiesté escrit à son Grand Aumosnier Monsieur le Cardinal de la Rochefoucaud qui estoit à Paris, de luy enuoyer pour Confesseur & Predicateur le R. P. Siguerand aussi Iesuite, qui pour lors preschoit les Aduets de Noël en la Paroisse de S. Paul, & quitta ses Predications aussi tost pour aller trouver le Roy.

Sa Maiesté arriua donc à Tholouze le 15. Nouembreil y entra inopinément enuiron sur les trois heures de releuée par la porte de S. Estienne, & alla loger à l'Archeuesché, sans que les Tholosains en fussent aucunement aduertis.

Le Dimanche ensuiuant l'on luy fist vne fort belle & solemnelle entrée en armes, huit mille hommes d'armes parurent au

*Le Pere Siguerand enuoyé au Roy en la place du Pere Arnoux.*

*Entree du Roy à Tholouze.*

dehors, assez mal en ordre, car les Tholo-  
sins ne sont pas gens accoustumez aux ar-  
mes ce qui parut de plus beau furent Mes-  
sieurs les Capitoux de Tholouze. Mais sur  
tout Messieurs du Parlement : Monsieur  
Masuyer premier President allant saluer sa  
Maiesté, luy fit vn assez long & graue dis-  
cours touchant le siege de Montauban,  
luy representant l'extreme regret qu'auoit  
toute la ville, du mauuais seruice qui luy a-  
uoit esté rendu là deuant par quelques trai-  
stres, cause pourquoy ses bons desleins n'a-  
uoient reüssi à son contentement & au  
grand soulagement du pays.

Pendant que le Roy est à Tholouze, les  
nouuelles arriuent à sa Maiesté, que dans  
la Comté de Foix, qui est vn canton des  
Religionnaires, estoient descendus trois  
milles hommes des Seuenes, lesquels ont  
esté grossis & guidez par les huguenots du  
pays, iusques à quatre milles hommes, avec  
trois ou quatre pieces de canon, & ont fait  
vn tel degast à la Campagne, mesme aux ad-  
uenuës de ladite Comté du costé du Lan-  
guedoc qu'ils n'ont laissé maisons de Sei-  
gneurs ny de Gentils-hommes, terre ny me-  
stairies, village, ny ferme qu'ils n'ayent mis  
à feu & à sang, bruslé les Eglises, crucifié les  
Prestres, violé les femmes & les filles ius-  
ques à l'aage de dix ans, bref comme tout  
ce que l'esprit d'vn homme peut conceuoir  
d'inhumain & barbare, & boufis de ce suc,

1621.

*Descente des  
troupes des Se-  
uenes au Com-  
té de Foix.*

*Leurs cruautés.*



1621.

*Assiegent les  
places Catholi-  
ques.*

cez se sôt voulus attaquer aux villes closes; mesme à vne petite que l'on nomme Varilles deuers Pamiers & Foix sur vne riuere laquelle ils ont battuë deux ou trois iours entiers fort rudement.

Mais il est arriué que les gens du pays mesme & ceux des monts Pyrenées proches de là y sont descendus, partye mesme se font iettez dedans ladite ville, où ils ont fait des merucilles, attendans secours, & ont fait diuerfes sorties, où ils ont fait vn grand carnage de ces Sarrafins, de telle sorte que les charrettes de Pamiers grande ville & meschâte ont esté grandemēt occupées à porter les corps morts & des principaux.

Mais le gros du secours estant arriué avec Messieurs de Mirepoix, de Barbasan, & autres tous gens du pays, on leur a fait leuer le siege: & d'autant que les assiegeans auoient preueu à la faueur de la nuit à retirer leur canon audit Pamiers, qui n'en est distāt que d'une petite lieue, ils se resolurent de se presenter au combat, auquel il est arriué que le 15. Nouembre à trois heures apres midy, ils ont esté mis en telle desroute, qu'il est demeuré sur la place plus de cinq cens de ces chiens enragez, & notamment deux des Chefs le sieur de Mauolemont & vn autre; grand nōbre de prisonniers entr'autres les Barons de Leyra Pere & fils dont le Roy a esté fort content, en telle sorte qu'on ne le pouuoit tenir d'aïse.

Ensuite venoit au secours Monsieur le Duc d'Angoulême, avec grand nombre de Caualerie & suivi de plus de 4000. hommes d'Infanterie, lesquels n'estans venus assez à temps, se sont tenus sur le pays: le Roy leur enuoya du canon le dix-huictiesme Nouëbre, le pays est propre à faire la guerre notwithstanding l'hyuer.

Pendant que ces choses s'exécutoient en la Côte de Foix, le Duc de Rohan estoit en Albigeois, avec 5000. hommes de pied & 12. cens chevaux, considerant de quel biais iroient les affaires du Roy, & quel succez auroit la leuée du siege de Montauban.

La verité est telle que l'on se scandalisa fort à Tholouze & par tout le pays du mauuais procedé dudit siege, & plus encore de la dite leuée, & ne scauroit on croire combien ces choses firent parler le monde.

Pour ce suiet à l'arriuée du Roy à Tholouze, M. le Connestable entretint d'un fort long discours, le Parlement & les Capitoux de la ville, leur fit vne belle harangue sur la leuée dudit siege, dora si bien la pillule à ceux qui auoient cōtribué leurs homes, leurs deniers & canons pour assister sa Maiesté en ce siege, qu'il leur fit trouuer bonne la resolution que le Roy auoit prise de retirer son armée de deuant Montauban, dit que cela auoit esté fait pour le mieux, que l'on s'estoit reculé pour faire vn plus grand fault: suppliant lesdits

1621.

*Duc de Rohan  
en Albigeois.*

*Harangue de  
Monsieur le  
Connestable  
aux Tholomais.*

seurs du Parlement & Capitoux de Tholouze d'embaufmer le mal (qui n'estoit pas grand enuers le peuple, sourd & insensible à toute sorte de bonnes resolutions & les assoura que le printemps ne seroit pas si tost venu que le Roy feroit voir de grands effects de sa puissance contre ses ennemis rebelles.

Chacun s'estonna d'une si longue communication, il est vray que ledit sieur Connestable auoit raison de faire cette remonstrance aux Tholouzins, car ils luy auoient donné vne partie du tort, & blasmoient sa personne, comme gens qui ne iugent de l'euement des choses qu'avec passion, & qui sont impatiens en toute sorte d'affaires.

*Reueuë de l'armée du Roy devant Montauban par Monsieur le Connestable.*

Monsieur le Connestable ayant fait cette harangue au Parlement & Capitoux de Tholouze, ils s'en retourna par le commandement du Roy à Montauban pour faire vne reueuë sur l'armée de sa Maiesté, & disposer de la forme & maniere du bloquemēt de la place que sa Maiesté ne vouloit laisser libre: & par tout es enuiron, ie dis aux villages bourgs & villes circonuoisines, il y laissa de bones garnisons pour y passer l'hiver, sous la conduite du Marechal de saint Geran.

Neantmoins les rebelles de Montauban ne laisserent de s'eschapper de leur ville, & de fait la nuit du dix-neufiesme Nouembre, ils



Bre, ils sortirent & mirent le feu à vn village près Castel Sarasin nommé Besieux, & taillerent en pieces les hommes & les femmes qu'ils y trouuerent.

Monsieur le Connestable quittant ledit Montauban escriuit cette lettre au Duc de Môtbason pour luy dōner aduis de la leuée dudit siege & cause d'icelle, & luy dit ainsi.

Monsieur, Je vous auois asseuré que ie serois le dernier au siege de Montauban, ie n'y ay pas failly, par ce que i'ay fait ce matin la retraitte, & fait la reueuē par mesme moyen de nos miserables troupes, lesquelles les maladies & les longueurs du siege auoient rendu telles. Nous auons donc leuē le siege; mais nous n'auons pas retiré la volonté, que nous auons de tost ou tard les ruiner, ce que sans doute nous ferons, les ayans mis en tel estat, qu'ils ne peuuent sortir sans estre pris ou tuez par nos troupes qui les entourent, ayans laissé six milles hommes aux villes, Chasteaux & forts qui sōt à leurs portes pour les incommoder sans relasche, sans quatre ou cinq cens cheuaux que l'on laisse aussi, & le tout sous la conduite de Monsieur de S. Geran, lequel n'en bougera, & le tout cōposé de troupes nouvelles qui nous sont arrinées depuis deux iours, & de quelques vieux Regimens que nous laissons pour les rafraischir & refaire. Voila, Monsieur, nostre misere, laquelle biē qu'elle touche toute nostre armée, cela n'a

*Lettre de Monsieur le Connestable, à Monsieur de Montbason.*

1621.

*Le discours de  
cest assassinat  
se verra cy-  
apres.*

point attendry nos courages, comme nous l'apprendrons, s'il plaist à Dieu, bien tost. Nous auions resolu de passer en Lâguedoc, mais vn accident qui est suruenu a rôpû ce dessein en la mort du pauvre sieur de Boisse, lequel a esté assassiné par ses propres enfans & son gendre, car celuy qui l'a tué a retraitte parmy eux, & se sont reuoltez, & deux places que le Roy luy auoit confiées par accord avec luy deuât le siege de S. Ieã, dont l'vne est sainte Foy, laquelle estoit au nom de son gendre, le sieur de Therbon, & l'autre Monheurt sous le fils, le Marquis de Mirambeau toutes deux tres-bônes, lesquelles gardent deux grandes riuieres de la Garonne & dordogne: sur ce parricide accidēt le Roy a enuoyé pour les inuestir, & s'en va apres son entrée de Tholouze deuât Monheurt pour l'attaquer, & pour chastier le fils aisné qui est dedans, lequel s'est declaré cōtre le Roy: aussi tost ie vous en donneray aduis. Voila, Mōsieur, nostre misere, laquelle nous affligeroit beaucoup, si le feu Roy le plus grand Capitaine des siecles passez n'auoit attaqué cent places, sans comparai-son de celle-cy, sans les auoir prises, & d'auoir esté contraint de leuer le siege par impuissance. Et pour nous il est certain que iamais il n'a esté en pareil accident de dire, que pour la quātité des maladies auoir esté contrainct de leuer le siege d'vne ville, laquelle ne pouuoit tenir douze iours d'aü-

age, si nous eussions eu des gens, mais la lo-  
gueur du siège auoit tellement ennuyé nos  
Chefs, qu'au lieu d'encourager les soldats,  
ils leur ostoient l'enuie de bien faire. Quatre  
choses nous ont ruiné. La premiere, que  
Monsieur du Mayne par son courage, fit  
des attaques si hors d'apparence, qu'il per-  
dit grande quantité de Noblesse, la plus-  
part de tous les Capitaines & soldats, telle-  
ment que la plus grande timidité qu'il se  
peut dire, s'enracina dans le cœur de ceux  
qui luy restoiēt, & fit qu'ils s'en alloient  
presque tous, quelque ordre qu'il y peut  
apporter; l'espouuante de son quartier dô-  
na telle assurance aux ennemis qu'ils creu-  
rent qu'ils ne pouuoient estre battus, & les  
empescha de traïtter, ce que sans cela ils eus-  
sent fait sans aucune doute. La seconde, la  
faute que firent les troupes de M. d'Angou-  
lesme, de laisser passer le secours, sans lequel  
quatre iours apres ils estoient pris. La troi-  
siesme, la maladie de Monsieur de Mont-  
morency, laquelle fut cause que les troupes  
qu'il auoit amenés s'en allerent en vne nuict  
& par ce moyen, ruinerēt le quartier de M.  
de l'Esdiguières, par ce qu'il fallut que le re-  
ste demeurast tous les iours en garde, & cela  
fut cause qu'ils furent malades, & quelques  
vns s'en alierent sans que l'on y peust re-  
medier. La derniere & la plus grande, ce fut  
la grande & incomparable maladie qui se  
mit vniuersellement dans le camp, que nul

*Le public ne  
peut souffrir  
qu'on blasme  
le courage de ce  
Prince, qui  
estoit le Scipion  
de la France  
& l'espee de  
son Roy.*



1621.

n'en a esté exempt, le Roy excepté, sans cō-  
paraison moy, lequel le bon Dieu a conser-  
ué. Vous auez veu vne coppie de la lettre  
que l'escriuois à M. le Prince, qui vous aura  
appris nos miseres, or le detail seroit trop  
long. Je ne songe plus au siege, ie ne songe  
qu'à ce que l'on doit faire à l'aduenir. Vous  
sçauz que le Roy a laissé vne telle bride à  
ces mal-heureux qu'ils n'en peuuent eschap-  
per, ils n'auront plus de liberté, plus de cō-  
merce, plus de traffic, plus de labour pour  
les terres, plus de moyen d'enuitailler leur  
ville, puis que tout autour comme vous le  
sçauz, l'on a mis de fortes garnisons pour  
les assommer s'ils sortét : Et vous diray que  
le lendemain du partement du Roy, sortirét  
vingt cheuaux pour venir à la guerre, ils  
furent attaquez par nos troupes, & battus,  
& en demeura sept de morts & huiét de  
blessez. Voila les visites qu'ils auront fort  
souuent. Vous sçauz ce qui est arriué à six  
lieuës d'icy, qui est en Foix, que le Roy ayât  
sceu les rauages de ces mal-heureux, se re-  
solut de s'y acheminer, & aduança quel-  
ques troupes, lesquelles n'attendirent pas  
le Roy, voyant leur coup failly, elles firét le-  
uer le siege de deuant Vareilles, tuerent  
huiét cens hommes, prindrent trois Chefs  
prisonniers. Voila Dieu mercy vn commē-  
cement de bon-heur ; i'espere qu'il conti-  
nuera, & que nous iurons tost apres à Paris.  
Voila tout ce que ie vous puis dire, au por-

teur le reste. Assurez vous tousiours que  
ie suis de toutes les forces de mon ame,

*Vostres-humble fils & obeyssant  
seruiteur, LVTNES.*

De Tholouze, ce 18.

Nouembre 1621.

Les rebelles du Lâguedoc continuâs leurs  
pernicieux desseins cõtre le seruice du Roy,  
& suiuant les deliberations arrestées en l'as-  
semblée nouuellement tenuë en la ville de  
Nismes par les plus notables de leur party:  
s'estoient preparez pour surprendre quel-  
ques villes Catholiques qui sont en ladite  
Prouince, & taschoient de s'en rendre mai-  
stres, & entre autres deliberations, auoient  
pris resolution de prendre la ville de Be-  
ziers à quelque prix que ce fust, pour es-  
tre l'vne des plus importantes de ce quar-  
tier & plus proche des villes de Nismes  
& Montpellier & autres de leur party:  
dans laquelle ville est vn siege Episcopal  
qu'ils estiment leur estre grandement nui-  
sible.

Or pour executer leur entreprise ils a-  
uoient pris pour escorte quelque sept a  
huit cens hommes tant de pied, que de  
cheual, des troupes leuées nouuellemēt dās  
les Seuenes, par le commandemēt du sieur  
Duc de Rohan, ausquelles ils donnerent  
leur rendez vous à Casou, auquel endroit  
ils s'assemblerent tous & firent vn corps de  
quinze cens hommes.

1621.

*La Furieuse  
deffaite des  
troupes rebelles,  
voulant surprē-  
dre de nuit par  
escalade la vil-  
le de Beziers en  
Languedoc.*

1621.

Leur pratique.

Sont des-  
cendus.

Le iour venu que se deuoit faire l'exécution de leurs desseins, qui estoit le 27. iour du mois de Nouembre dernier, ils s'acheminèrent nuictamment à la sourdine iusques dans les fossez, & contre les murailles de ladite ville de Beziers dresserent leurs eschelles & autres instrumens: mais ils furent descouuerts par la sentinelle (qui pour lors estoit sur le bouleuart de Saint Afrodize) à la faueur de la Lune qui luisoit pour lors, & incontinent fut donné aduis au corps de garde & au Capitaine nommé le sieur du Chameau de ce qui se passoit, lequel estant arriué & ayant recogneu que ce n'estoit point vne fauce allarme, y remedia fort à propos & sagement.

Car ne voulant donner d'un plein sault quelque estonnement aux Habitans de ladite ville, qui estoient lors en plein sommeil, commanda à douze soldats d'aller aduertir les principaux Magistrats de la ville, lesquels, de peur que les ennemis ne prissent l'espouuante renforcerent à la sourdine les gardes par où les ennemis pretendoient escalader, & incontinent il se trouua sur lesdites murailles près de 1000. à 12000. hommes, qui chargerent furieusement sur quelques vns, qui commençoient à monter par les eschelles, qu'ils auoient des ia plantées & dressées contre lesdites murailles.



Le commencement fut si chaud, qu'il en tomba morts dans lesdits fosses quelques quatre vingts des plus hardis armez & equippez a l'aduantage, qui s'aduançoient pour faire planche à plus de 800. *Leur deffaitte.* qu'ils suiuoient en queue, sur lesquels l'on se porta si viuement que tant les hommes que les femmes, qui se mesloient, en assommerent vne partie à coups de pierres au defaut de leurs armes qu'ils n'auoient prestes, soit pour auoir esté surpris, que pour la confusion que lesdites femmes y faisoient.

En suite de ce, l'alarme estant Generalle par toute la ville, l'on courut promptement aux portes & plus importantes places pour les garder & deffendre : & quant à ceux de la Citadelle, ils commencerent de faire ioüer leurs canons pour repousser les ennemis & les faire retirer.

Mais ils ne s'en retournerent pas sans porter nouuelles de la charge, qui leur fut faite : car vne partie des Habitans avec quelques soldats de la garnison de la ville, en nombre de quelques mille hommes, conduits par les Sieurs de Lampardiere & de Lorme firent vne sortie sur eux, qui leur fut si rude & pesante, qu'il en demeura sur la place plus de cinq cens : trois Cornettes & vn drapeau furent pris & enleuez, qui furent aussi portez en la grande Eglise de ladite ville,

1621.

& n'en demeura des habitans sur la place, que quarante sept, dont dix estoient soldats de ladite garnison, & outre ce il y eut aussi des habitans quelque soixante blesez.

De sorte que l'heur en voulut pour les Catholiques qui estoient assiste de la Justice en leur cause, & de la diuine bonté & misericorde de Dieu, qu'il exauca leurs prieres, à cause de quoy & en recognoissance, d'un tel bien fait, tous ceux de ladite ville se rendirent aux Eglises pour l'en remercier.

*Assemblée de  
Nîmes.*

Pour dire quelque chose de cette assemblée nouvellement conuquée en la ville de Nîmes en Languedoc, les principaux motifs d'icelle furent, que voyans les armes Catholiques rompre leurs desseins de tous costez, que leurs troupes des Seuenes auoient esté deffaites en la Comté de Foix, proietterent par icelle assemblée les moyens de conseruer lesdites Eglises pretenduës du Languedoc, en la rebellion qui s'y estoit introduicte à la suscitation des rebelles de Montauban & assemblée de la Rochelle : Comme aussi pour remedier à la conseruation desdites places que la reduction du sieur de Chastillon au seruice du Roy, pouuoit esmouuoir à quitter le party des factieux & suyure pareille voye d'obeyssance.

Ledit sieur de Chastillon considerant le peu d'honneur qu'il y a de demeurer dans vn party rebelle, qui ne subsiste que dans l'indignation du Roy & au peril des chastimens, recognoissant que ceux qui l'auoient porté à prendre les armes pour la deffence des Eglises rebelles vouloient engager son hōneur & sa personne en de grādes extremitez, que la gloire d'estre estimé bon seruiteur du Roy, ne preiudicioit nullement à la Religion dont il faisoit profession, que les graces & faueurs qu'il auoit receues de sa Maiesté avec tant de belles & honorables charges l'obligeoient entierement à son seruice, se resoult par le conseil de ses plus intimes qui estoient en Cour, de se remettre en l'obeissance de sa Maiesté, de s'armer & congédier les troupes que les rebelles luy auoient faict leuer en vertu du pouuoir & des Commissions qu'ils luy auoient faict enuoyer par l'Assemblée de la Rochelle, ayant mieux tenir rang de Capitaine, & Gouverneur des places que sa Maiesté luy auoit confiees, demeurant neutre & tout porté à son deuoir, que de tenir rang de Chef & de General d'une poignée de rebelles du Languedoc, qui ne le pouuoient faire plus grand, plus riche ny plus estimé qu'il estoit: proteste de sa fidelité à sa Maiesté & luy enuoye deuant Montauban vn Gentil-homme de sa part pour luy faire les submissions de son obeissance

*Reduction du  
Sieur de Cha-  
stillon en l'o-  
beissance du  
Roy.*



& luy donner assurance de son desarmement & de sa resolution prise pour en abandonnant le party de ses ennemis, ne s'uyure à l'aduenir autre voye que celle de ses commandemens.

Là dessus ladite assemblée des Eglises du Languedoc & Seuenes se conuoque à Nismes audit mois de Nouembre, dans laquelle en premier lieu ils resoudēt par l'acte qui suit de desauthoriser ledit sieur de Chastillon, qu'ils appellent perfide & ennemy des Eglises pour s'estre remis en son deuoir, en cette sorte.

*Acte de ladicte  
Assemblée con-  
tre luy.*

Les Deputez des Eglises reformees du haut & bas Languedoc, Seuenes, Viuaréz & Dauphiné à tous ceux qui ces presentes lettres verrōt Salut. Sçauoir faisons que sur la propositiō faite par les Deputez de Seuenes & Viuaréz requerāt au nō de leurs Prouinces qu'il soit a presēt procedé à la desauthorisatiō de M. de Chastillō general pour les Eglises & Prouinces du bas Languedoc, Seuenes, Geuoudā & Viuaréz en l'assēblee de presēt seāt en la ville de Nismes. Veu l'article de l'assemblée de la Rochelle du 14. Iuin 1621. dernier sur les plaintes du bas Languedoc, portant par expres que ladite assemblée generale autorise ladite Prouince de pouruoir à la conduite & direction de ses affaires pour la deffense des Eglises que Dieu a recueillies en ladicte Prouince.

*Premiere res-  
pondance de la  
Prouince du  
Languedoc &  
Viuaréz avec  
l'assemblée de  
la Rochelle.*

Autre article du 18. Iuin dressé sur la plainte reiteree de ladite Prouince: que les Pro-

inces de Seuenes & Viarez estoiet deslors  
uthorisees de pouruoir à la conduite & di-  
rection de leurs affaires, tât pour l'ordre de  
a guerre, que des finances: & à ces fins esta-  
blir telles personnes qu'ils aduiseroiét avec  
es charges generales & particulieres selon  
a necessité.

Autres articles de l'assemblée de Viarez  
enue au Poussin le 17. Septébre, par la quel-  
le ladite Prouince represéte les iustes suiets  
qu'elle a de desirer la desauthorisatiō dudit  
Sieur, donnant aux deputez de cete assēblee  
charge de declarer sur ce les sētîmēt de ladi-  
te Prouince & requerrir qu'il y soit deliberé.

Autres articles de l'assēblee Prouinciale de  
Seuenes tenue à Auduze le 1. Octobre se  
conformant aux resolutions de ladite Pro-  
uince & Viarez.

Autres actes de l'assemblée du bas Lâgue-  
doc tenue à Nismes, Montpellier & autres  
lieux de ladite Prouince depuis le cōmence-  
mēt de la presēte annee, par lesquels appert  
du consentement de ladite Prouince & du  
desir qu'elle a depuis long tēps de iouir d'v-  
ne meilleure conduite, ayant à ces fins con-  
uoqué la presēte assēblee, & pouruoir à ses  
maux. Veu aussi les aduis de plusieurs per-  
sonnages entēdus aux affaires, affectionnez  
au bien des Eglises de tous endroits & par-  
ticulierement du bas Languedoc: & les in-  
clinations generales de toutes les Eglises:  
consideré aussi les deportemens dudit Sei-  
gneur, lequel depuis son dernier retour de

*Plaintes contre  
le sieur de Cha-  
silloc.*

1621.

la cour n'a eu autre but que de procurer son aduantage particulier au despens du public, detriment de l'Estat, & preiudice des Eglises, ayant preuenu sur l'occasion de Bearn, esmeu la Prouince & empesché tout le monde tant par bouche, que par l'entremise de ses seruiteurs à prendre des conseils rigoureux & tesmoins des vifs ressentimens par fermes resolutions & donné de memoires aduantageux à nos deputez enuoyez à la Rochelle, desquels luy mesme plus que nul autre a retardé le depart, nobis mettant rien de tout ce qu'il pouuoit rendre necessaire; & à ces fins armant à diuerses fois & puissamment plustost pour scauoir les forces de la Prouince, que pour procurer aucun aduantage aux Eglises lesquelles il a tousiours repues de vaines promesses, cependant qu'il a espargné nos ennemis & prodigué les occasions de prendre aduantage sur eux, liant mesmes les mains à ceux qui auoient le courage d'entreprendre quelque chose, estouffant tous les desseins des gens de bien & descourageant ceux qui auoient quelque vigueur & bonne volonté, emoussant les esprits & faisant naistre mille confusions & empeschemens à tous affectionnez pour rendre toutes choses impossibles, & qui pis est conseruant ordinairement avec nos ennemis, prenant ordre & aduis des plus rusez & habilles Conseillers du party contraire, & quant aux autres ne faisant cas que des personnes suspectes &



trumpues & qui sont aux gages de la  
our à laquelle ils rapportent tous ces des-  
ns enuoyant de quinze en 15. iours les  
uriers pour continuer les secrettes intel-  
gences & negotiations au grand scandale  
detriment des Eglises auxquelles il a tou-  
ours caché ses desseins, esloignant de soy  
ux qu'il a cogneu affectionnez aux Egli-  
s & les defauorisant au lieu qu'il a tou-  
ours aduantage ceux qui ont mal versé  
ix affaires des Eglises & qui n'ont iamais  
ardé l'vnion auec icelles, nonobstât quoy  
les a establis & tasché d'establi au gou-  
ernement des places & charges importan-  
s; & a permis à quelques Gouverneurs des  
laces de seureté en la generalité de faire  
esadueu de l'Assemblée generale s'asauoir  
tasché de les ramener à leur deuoir, approu-  
ant au contraire par vn tacite ressentimēt  
ours lascheté, tant que depuis leur sepa-  
ation il s'est seruy d'eux pour continuer les  
secrettes negotiations, & les a fait partici-  
ans de ses menées comme aussi partant a-  
ec mespris de l'Assemblée generale de la-  
uelle il a surpris les conuocations & rete-  
u long temps le reglement general le cui-  
ant mesmes enruer en tous les chefs non-  
obstant les remonstrances des Prouinces  
esquelles il a eludé les deliberations & n'a  
eu estre porté a l'execution d'aucunes bō-  
es & importantes resolutions, non pas  
mesmes de celles, qui ont esté prises de son  
duis & qu'il a iuré souuent deuoir estre

1621.

mises promptement à effet: ains ordonna  
 soubz main & par des moyés occultes tou  
 le contraire de ce qu'il feignoit d'accorder  
 donnant des aduis secrets & reuoquant  
 particulier ceux qu'il auoit donné en pu  
 blic, & par tels articles laissant perdre plu  
 sieurs de nos places, qu'il pouuoit garantir  
 permetât aux ennemis de prendre plusieurs  
 auâtages sur nos places & biens particulier  
 desquels il n'adaigné procurer la restitution  
 ores qu'il ayt esté fort diligēt de faire restitu  
 er aux ennemis ce qu'il a pris sur eux, & leur  
 ayt permis toute sorte de secreté, n'ayât pu  
 aussi le soin de faire obseruer la discipline  
 militaire, ains permis toute sorte d'insolence  
 espargné la terre & biens de nos ennemis  
 desole les nostres, consommé les villages d'ar  
 gēt & vins, espuisé les finances & munition  
 par diuerses années qu'il a mal mesnagé &  
 employé pl<sup>r</sup> à nostre ruine, qu'à nostre pro  
 fit, ayant tousiours refusé d'agir, quoy qu'il  
 l'assemblée generale & les deliberatiōs de  
 Prouinces ayēt porté, & les puissantes trou  
 pes qu'il a eu en main qu'il a inutilement te  
 nues sur pied & en garnisō dās les plus puis  
 santes Eglises, l'espouuante de nos ennemis  
 le courage & ardeur des soldats, le desir de  
 Capitaines, les proiets du peuple, les occa  
 siōs & toutes choses le requissent, quoy qu'il  
 toutesfois il n'ayt eu dessein de se seruir de  
 nos troupes & les a voulu rédre inutilis au  
 autres Prouinces, ayāt empesché le secours  
 de S. Ieā d'Angely d'où s'ensuiuit la perte de

*Disent qu'il a  
 empesché le se  
 cours de S. Ieā  
 d'Angely.*

a Guyenne, detourné, en tant qu'il luy a esté, & dilayé celuy de Montauban, qu'il a mesme tasché de r'appeller lors qu'il estoit en chemin, intimidé leurs Prouinces par desces notables ou par des espouuâtemens, & cherchez au point d'armes, desarmé, & ce pour faciliter les passages aux troupes qui alloient cōtre Montauban, ausquelles il n'a donné empeschement se monstrant ioyeux en nos pertes, tristete de celles de nos ennemis, lesquels mesmes il a arme à nos despens ne se souciant de la perte de nos armées, en tant qu'il n'en a voulu tirer aucune raison sur ceux qui les detenoient, ores qu'il y ait eu diuerses commoditez. Finalement ayant tasché de diuiser les Prouinces d'avec l'assemblée generale & donné de pareilles inclinations à tous ceux qu'il a peu diuiser dans les Prouinces, & faire vn party dans le party, usques à donner toutes sortes de support à ceux qui vouloient desaduouier ladite assemblée, de laquelle aucuns se sont separez des vnions desdictes Eglises par son conseil & les autres ont esté contraincts, par le refus qu'il en a fait de pouruoir à eux selon l'ordre qu'ils en auoient tant de ladite generale que Prouinciale & a cōmis plusieurs autres actes cōtraires à sa charge, que la discretion n'a permis mettre par escrit. Quoy cōsidéré l'assemblée en autorité tant de l'assemblée generale, que des Prouinces cy dessus, & suiuant le desir general des Eglises, à ce aussi contrainctes par la necessité des affaires

*Le degradé  
de sa charge de  
general des Eglises  
de Languedoc*



1621.

d'icelle à la seurere desquelles tous dilayers  
menseroient preiudiciables. Veu le traité  
que ledit Seigneur fait avec nos ennemis,  
les impressions qu'il a donné & donne en  
Cour qu'il est en sa puissance deliurer par  
tie de nos villes, a déclaré ledit sieur de Ca-  
stillon descheu de toutes les charges & di-  
gnitez qu'il a possedees au nom de ladicte  
Eglise, & particulierement de la charge de  
general des Prouinces du bas Languedoc,  
des Seuenes, Geuoudan & de ses Gouver-  
nemens, Viuarez comme aussi du Gouver-  
nemēt de Montpellier & Aiguemortes, re-  
serué l'interest ciuil qui le peut conseruer  
en la desistance desdictes places auxquelles  
sera pourueu à l'aduenir selon qu'il sera iu-  
gé expediant, luy deffendant tres-expres-  
sement de plus exercer aucune fonction de  
General & Gouverneur en ladicte genera-  
lité & Gouvernement à peine d'estre decla-  
ré ennemy descouuert, & comme tel pour-  
suiuy par toutes voyes legitimes & raison-  
nables, comme aussi est deffendu sur les  
mesmes peines à toutes personnes de quel-  
que qualité qu'ils soient faisant profession  
de la Religion de le recognoistre pour Ge-  
neral, ny prendre generalement aucun or-  
dre de luy ou de personne de sa part en fai-  
de guerre ou finances, estans à ces fins cas-  
sees & adnullees toutes Commissions, Ma-  
dats & autres Actes expediez par autres  
sans l'ordre & l'expresse deliberation de luy  
present

presente asséeblee, laquelle en special reuo-  
que le pouuoir cy denant donné à toutes per-  
sonnes residents près de luy, au nom des-  
dictes Eglises, & a cassées compagnies de  
cheuaux legers & carrabins, & autres gens  
de guerre entretenus sous son nom aux  
despens desdictes Eglises, & toutes person-  
nes qui demeurent sous son ordre & se se-  
parent des résolutions de ladite asséeblee,  
& cependant a esté delibéré qu'on agiroit  
par l'ordre d'icelles, estant deffendu à toutes  
personnes qui sont dans l'enclos de ladite  
generalité, de rien entreprendre que de l'ex-  
prés aduen de ladite asséeblee iusques à ceque  
par exprés soit pourueu à la descharge, or-  
donnant que la presente résolutiō sera leuē  
en la maison de ville & autres lieux publics,  
tenus par nos Eglises, à ce que personne n'é  
pretende cause d'ignorance. Donné à Nis-  
mes le 20. iour de Novembre 1621. Le Pont  
Presidēt, Pātel adjoinct, de la Pize Secretaire.

La susdite Ordonnance a esté leuē en la  
maison Cōsulaire de Nismes, & publiee aux  
carrefours le 21. dudit mois. BRAGVIER Se-  
cretaire.

Le Marechal de S. Geran ayant receu cō-  
mandement de sa Maieité de demeurer au-  
tour de Montauban avec les troupes qui y  
ont esté laissées, donne si bon ordre au blo-  
quement des passages & chemins, qu'il y a  
bien peu d'apparēce qu'il y puisse entrer au-  
cun secours, d'hommes, de viures ou de mu-

1621.

*Cassent les com-  
pagnies entre-  
tenues sous son  
nom par les E-  
glises.*

*Marechal de S.  
Geran laisse de-  
nāt Montaubā.*

1621.

*Misere à craindre  
pour les re-  
belles enfermez*

ditions. Cela estant, que pourra-on dire d'oresnauant de ceste ville rebelle, sinon que tous ceux qui sont enfermez là dedans, ne seront que de miserables prisonniers nourris de pain d'angoisse, & abreueuz du breuüage de malediction? Cependant les viures diminuent, les pouldres se consomment & experimentent à leurs despens l'insolence de la garnison, la brauade des Capitaines, & la mutinerie des pauures: & finalement estâns serrez de si pres, & tant qu'ils demeureront rebelles, ie preuois arriuer en ceste ville, que les petits, qui souuent n'ont pas faute de nez pour fleurir le potage qu'on leur appreste, tascheront de preuenir les riches, & les vns à l'enuy des autres se barricaderont là dedas, gaigneront vn quartier de muraille, se feront maistres de quelque porte, & sans autrement marchander receuront l'armee du Roy dedans: & lors que pourront esperer les rebelles en ceste extremité, si ce n'est qu'ayans abusé de la misericorde du Roy, ils experimenteront sa iustice? encore ie fremis pour eux quand ie me vais figurant la promptitude de l'execucion des plus coupables. Il n'y aura pas assez d'eschaffauts, assez de potences & de gibets pour ceux qui seront deuouiez à ces honteux supplices: le reste qui aura moins trempé à la felonnie, partie bannie, partie emprisonnee, partie condamnée à de grosses amandes, aura le loisir de plorer toute sa vie l'in-



fortune de son malheur, & toute ceste reformation pretendue qui viuoit non seulement avec toute liberté, mais qui sembloit triompher sur les Catholiques romains, se verra en fin tellement miserable qu'elle maudra le iour & l'heure que elle aura suiuy les funestes Conseils de ses Republicains: c'est le mal que chacun preuoit de ceste ville rebelle, si elle subsiste d'auantage en sa rebellion, & ne se jette de bonne heure aux pieds du Roy, pour le coniuurer de leur pardonner par sa misericorde.

Pendant le blocquement de Montauban le Roy estant à Tholouse s'estoit resould d'aller en Languedoc pour y chastier la reuolte de ses subiets de Nismes & de Montpellier, mais vn autre accident rompit ce voyage & changea ce dessein; ce fut l'assassinat du sieur de Boisse Pardaillan, & la reuolte des villes de sainte Foy & Monheur par la trahison de ses fils & de son Gendre: ces deux places petites, mais tres-importantes, occupoient les passages des riuieres de Garonne & Dordonne & incommodoient grandement la Prouince, qui fut cause que le Roy se resolut de chastier ceste rebellion, & de descendre en Guyenne: en voyc'il l'histoire.

*Assassinat du  
sieur de Boisse,  
Pardaillan par  
les siens propres*

Cet assassinat cruel fut le plus prodigieux exemple de perfidie que l'on ait iamais veu au monde. Les faits horribles des

Titans, les actes abhominables de Saturne, les resistances de Pithon, les erreurs de Cerres, les accidens d'Ofiris, les dents du serpent Cadmus, n'ont eu rien de plus execrable que les actions sacrileges des rebelles: dans leurs entreprises & miserables attentats, ils aduancent leur faction, ils appuyent leur rebellion, ils fondent leur felonnie, poursuivent l'execution de leurs desseins, & continuans leur desobeissance, rencontrent leur propre ruine & ne laissent pour memoire de leurs faits, que la triste marque de leur desolation.

Ces cruels ennemis de la France enrageoient de voir ce fidelle & genereux Par-daillan de Boisse attaché au service du Roy par le nœud de l'obeissance, ils songent aussi tost à faire esclatter comme du sein d'une nuee le foudre de leur fureur: ils complotent sa mort & se resoluent de l'assassiner quelque part qu'ils le trouuent, sçachans bien qu'ils ne verroient iamais son honneur obscurcy des ombres de l'infidelité.

Pour aduancer leur dessein ils cherchent de se saisir de Monheur, non plus l'heur de l'heretique, mais son malheur & sa desolation.

Tandis que ce Seigneur estoit au siege de Montauban, ils y ont fait glisser des soldats de sainte Foy, mais surprins par iceluy Seigneur leur Gouverneur ils furent contraincts

de sauter les murailles & se retirer sur son indignation.

Ledit sieur de Boisse ayant asseuré ceste ville de Monheur, il vouloit aller à Sainte Foy, où il auoit laissé son Gendre le sieur de Theobon, qui s'y estoit aussi rebellé: En passant ils s'arreste à Gensac, place qu'il vouloit conseruer: estant là dedans, il assemble les Consuls de la ville & leur fait recognoistre la necessité de leur obeissance, & sur le soir il se retire chez l'Aduocat de Nauze, où apres auoir souppé, vn nommé Sauignac d'Einessse entra, suiuy de quarante mousquetaires, donne dans le logis de ce sien parent, rencontre ce Seigneur dans vne gallerie, lequel sans s'estonner, faulte à ses armes, & s'escrie, ha, traistres, me ferez vous mourir si malheureusement?

*Fidelité dudit  
sieur de Boisse.*

*S'escrie voyant  
les traistres.*

Ces hommes crient au Iuge de Gensac qui estoit là, & à Nauze, qu'ils se missent à quartier, ce qu'ayans fait, ils tirent vingt ou trente mousquetades sur ledict sieur de Boisse, & le tuent, & apres de luy vn Prestre lequel il auoit tousiours avec luy.

Après ce detestable assassinat, ils se jettent à l'entour de Gensac, menaçans les habitans de brusler tout s'ils ne leur ouurent les portes: mais il est aisé de forcer ceux qui veulent estre forcez, & se donnent eux mesmes en proye à la rebellion des meschans.



1621.

*Rebellion de  
Monheur.*

Les portes ouuertes, ils se rendent maistres de ceste place qui fortifie saincte Foy.

Cependant Monheur menace toute la Prouince de seruir de bride aux armes inuincibles du roy. Sa Maiesté desirouse de vanger vn tel crime, enuoye le Marechal de Roquelaure à Monheur & faict arrester pres de la Garonne les troupes que elle auoit destinees pour S. Foy, puis en faict conduire d'autres par monsieur de Bassompierre.

*Est assiegee par  
le Marechal de  
Roquelaure.*

La saison rigoureuse de l'hyuer faisoit craindre vn plus long siege. Les Suisses firent heureusement les premieres approches sans perte d'aucun homme: on aduance bien tost les trenchées, on faict vne batterie du costé de la riuere, avec laquelle on met tout en poussiere. Du costé de terre on dresse d'autres batteries à vn gros bastion. Car Monheur qui estoit la retraicte de cet experimenté Capitaine assassiné, estoit mis en telle desfence que il desiroit se rendre redoutable à tout le pays. Il y auoit les anciennes murailles bien terracees & fortifiees de Tours, avec vn raisonnable fossé: au de là de ce fossé des terraces avec la porte du costé du Midy, & au de là de tous ces forts, cinq gros bastions de terre, où le canon ne pouuoit rien aduancer à leur ruine. On peut iuger si vn homme si experimenté aux fortifica-

ions s'estoit mesconté en la construction de ceste forteresse; plusieurs l'ont iugée plus forte que S. Iean d'Angely, fors la grandeur de la place.

Les approches faictes, le Roy à son retour de Tholouse d'où il partit si tost qu'il eust appris ceste rebellion, ayant passé à Nerac, se va loger à Damazan, croyant par sa presence destourner ces mutins: qui au contraire s'arment d'audace & d'impudence: Mirmidons qui se vouloient agripper au grand Hercules.

*Retour du Roy  
de son voyage  
de Tholouse.*

Le Roy s'approche iusques à Longuetile, & faict redoubler la batterie; la presence du Prince enleue le courage des moins hardis, on dresse les trenchées iusques sur le bord du fossé: la contrescarpe gaignee on se jette dedans, les rebelles font vne sortie, tiennent trois soldats & en perdent autant, & en blessent cinq ou six.

*Peut estre pre-  
sent à ce siege.*

Le vaillant Camau vieux & braue soldat aagé de 70. ans, ne pouuoit mieux signaler sa vertu que par vne fin glorieuse, il se met à la teste d'une genereuse troupe, & contenant vne barricade contre vn essain de paillaux qui estoient à l'entour de luy & des siens, tirant à soy vne tonne, vn soldat luy donne vn coup d'espee: & comme il tuoit l'ennemy, vne mousquetade l'abbat & le couche au liect d'honneur, chargé d'ans & de gloire: il ne pouuoit s'acquiescer vne plus digne Couronne.

*Vieux soldat  
mort au liect  
d'honneur.*

1621.

*Secours de S.  
Foy inutile.*

*\* Lieu natal du  
feu Duc de Bi-  
ron.*

*Duc de Luxem-  
bourg enuoyé  
pour charger les  
rebelles.*

*Mort du Baron  
de Clermont.*

Cependant ceux de Sainte Foy se deli-  
berent de secourir Monheur ; mais il fal-  
loit passer à la nage , car ils n'auoient nul  
passage , ne tenans aucune place depuis  
Bordeaux iusques à Tholouse, ils ont esté  
tous desuichez de leurs forts , & ces chenil-  
les qui ont brouté tout ce pays iusques aux  
os du pauvre peuple , en sont aujourd'huy  
chassées, rien ne se pouuant auparauant sau-  
uer de leur oppression.

Ce secours part donc de Sainte Foy , &  
arriuant sur la nuit à Gontault petite bico-  
que , \* surprennent dedans vne troupe de  
gens d'armes , en tuent trois ; mais le reste  
se sauue après la perte de quelque equip-  
page.

Le Roy aduertty de ceste temerité enuoye  
le Duc de Luxembourg avec douze ou quin-  
ze cens hommes de pied, quatre ou cinq cés  
cheuaux & deux canons pour les attaquer,  
mais au lieu d'attendre, ils se retirent & lais-  
sent à l'abandon toutes les petites places que  
ils tenoient, lesquelles on prit aussi tost pour  
les suiure vers Gontault.

Vne troupe de ceste miserable vermine  
de rebelles, s'estant jettee en campagne, ra-  
uageoit tout , on va viuement pour les sur-  
prendre, on les attaque, on en tue 30. & le Ba-  
ron de Clermont, qui estoit allé en pourpoint  
à ceste attaque fut malheureusement tué :  
l'ennemy battu du costé de S. Foy, faisoit es-  
perer vne bonne issue du siege de Monheur.



Le Roy sollicite le Marechal de Roquelaure de faire donner l'assaut. Ce Seigneur prie sa Maïesté d'attendre; qu'il ne faut perdre des hommes que le moins qu'on pourra, & qu'il le luy amenera bien tost la corde, on fait dresser des mines à des bastions, & le Roy mesme par sa presence hastela construction de plusieurs batteaux pour favoriser l'assaut qu'on deuoit donner par terre: le canon enleuoit tousiours quelque vn dans la ville, & la ruine des maisons en tuoit plusieurs.

*Vigilance grande  
du Roy.*

Cependant monsieur de Bassompierre tombe grieffuement malade, comme aussi monsieur le Connestable à Aiguillon.

*Maladie de monsieur de Bassompierre.*

Sa Maïesté qui paroissoit comme vn astre brillant au front de son armée, & comme vn ieune Aiglon, qui va fondre sur ses ennemis, n'attendoit que le iour du combat.

Le Vendredy 10. Decembre on commence le iour à battre la Diane à coups de canon, dixhui & grosses pieces ne cessent de tirer continuellement, plus de douze cens coups sur la place.

Sur les deux heures, les feux d'artifice, les grenades, les mousquetades remplissoient l'air & la terre de feu & d'espouuante, la riniere sembloit estre toute à vne flamme ondoyante: mais ils furent surpris, car ils ne croyoient pas que les mines fissent leur jeu de ce iour là, mais neantmoins les batteaux

*Feux d'artifices  
jettez par ceux  
de Monheur.*

1621.

s'estans approchez vers le bas pour favoriser l'assault.

*Let des mines  
du Roy.*

La premiere mine ioüa sur les deux heures du soir du costé du Regiment des Gardes, qui auoit charge de donner aussi tost: elle fit vn tel effect que ce bastion qui estoit du costé de la porte du Midy, emporta en l'air tout ce qui estoit dessus, vn soldat enleué retomba avec vne grosse mortte de terre sans autre mal que d'vn estourdissement, le reste demeura renuersé dans la riuiere: tout fut mis rez pied, rez terre, laissant le chemin ouuere au soldat s'il eust voulu donner, l'ennemy poussa soudain des pallissades pour se couvrir, mais ce fut sans effect.

*Faute du Regiment des Gardes.*

Il eust esté lors aisé au Regiment des Gardes d'arborer les Fleurs de Lys, où les griffes de la rebellion Rocheloise se morguoient le iour precedent, mais César sa dixiesme legion, ceste inuincible te manque à ceste heure.

La seconde mine ioüa le long de la riuiere à vn autre bastion qui regardoit vers Bordeaux, laquelle ne fit pas telle ouuerture, l'ennemy auoit contreminé, & ceux du Regiment du Comte de Ribérac, qui estoient en garde de ce costé là, entendans qu'ils trauielloient à euentrer la mine, n'oserent aduancer leur trauiail iusques sous les deux espauls du bastion pour l'esleuer tout entier: ainsi on se pressa de mettre le feu aux poudres, qui emporterent seulement la pointe du bastion,

sur lequel on s'efforça de monter, & durant le combat de deux heures on fut tousiours aux mains avec l'ennemy.

N'ayans rien sceu aduancer ce soir on remit la partie au lendemain.

Le Samedy matin, le Marquis de Themines sieur de Lozieres Maistre de camp, commandant aux tranches du costé du Regiment de Riberac, s'estant aduancé dans vne redoute, fut frappé à la cheuille du pied gauche d'un coup de mousquet, qui luy perça la jambe, dont depuis il est mort, regretté pour sa valeur, du Roy & de toute l'armée.

*Blesseure mortelle du sieur de Lozieres.*

La peur glaçant le sang dans les veines des rebelles, on les vit aussi tost sur le rempart, faisant sonner la chamade. Le Marquis de Mirambeau fils aîné du feu sieur de Boisse Pardaillan, qui auoit esté blessé dès le commencement du siege à la joüe, qui luy offensoit les machoires, parut le premier avec vn manteau noir sur le rempart, & vn Laurier blanc, & apres luy le Vicomte de Castets vestu d'un manteau d'escarlatte rouge, où est dans les bras, ils firent signe que ils vouloient parlementer, & peu apres descendans dans le fossé ils parlerent à monsieur de Montespan, estant du costé des Gardes, & offrirét de se rendre, voyla deormais ces brauaches au rabais & au descry.

*Marquis de Mirambeau demande misericorde au Roy.*

*Offrent de se rendre.*

*En peu de iours leur vaine renommee,*

*S'en est alloe en vent & en fumee.*

*Se voyant à la veille de leur ruine, & le che-*



*Demandent  
quelques arti-  
cles.*

min ouuert à leur mort, ils sont contraintes de demander la vie à celuy auquel ils faisoient la guerre : miserables qui n'ont iamais voulu resschier leurs yeux sur les infinies obligations qu'ils auoient à leur Prince. Ils prient qu'on dresse des articles : mais sa Maiesté se mocquant de leur audace leur mande qu'ils se rendent à sa mercy, & qu'il ne falloit point d'articles pour telles gens : neantmoins sur le soir sa Maiesté trop misericordieuse promet la vie aux Gentilshommes se remettans à sa mercy, ordonne que les soldats sortiroient le baston blanc à la main, donnant le pillage aux soldats : il n'y eut rien d'escriit, la seule parole du Roy suffit.

*Ordre du Roy  
pour faire sortir  
les vaincus as-  
siegez.*

Le Dimanche douziesme Decembre, au matin sa Maiesté enuoya l'ordre qu'il vouloit qu'on tint ; fit sortir les femmes à pleins batteaux pour euitier l'insolence du soldat : neantmoins plusieurs obstinees demeurèrent dedans : & apres le troisieme coup de canon tiré pour signal, le soldat animé de ce qu'on luy alloit arracher les Lauriers de la main, lesquels dans les peines & les travaux incroyables d'une continuelle pluye, & mauvais temps, il s'estoit acquis, monte les rempars de tous costez, mesme ceux lesquels sembloient inaccessibles : ils se sont voye là dedans, tuent en ceste premiere fureur tout ce qu'ils rencontrent, & ayans pillé tout, mettent le feu à la ville pour n'estre plus me-

*Butin aux sol-  
dats.*

*La place pillée  
& bruslée.*

noire de ceste abhominable ville, laquelle apres auoir fait tremper les mains de ses rebelles dans le sang de son Gouverneur, s'est veüe elle meisme enueliee dans le torrent de son propre sang, & n'y laissa-on pierre sur pierre en icelle.

Les soldats surprirent le Marquis de Mirambeau fils aîné dudit sieur de Boisse Par-  
daillan, le demontent, luy enleuent son man-  
teau, le traictent ignominieusement, & sans  
que le Marechal de Roquelaure y suruint,  
il ne se pouuoit sauuer. Le Vicomte de Ca-  
stets fut aussi arresté, & la Brouë: l'esprit  
mouuant de ceste rebellion auoit esté em-  
porté le Vendredy precedent d'une vollee  
de canon.

*Marquis de Mi-  
rambeau en  
danger sans le  
Marechal de  
Roquelaure.*

Ridicules esprits, ames insensées qui mor-  
guoient desia sur trois paroles de Nostrada-  
mus & chantoient par tous les Carrefours,  
*Sang Royal, fuye Monheur.*

On a trouué là dedans 260. soldats ramaf-  
sez de tous costez, ceux qui resterent furent  
mis en chemises, plusieurs tous nuds, grâde  
quantité de lard, de bled & de vins, & autre  
butin que le soldat avendu pour se refaire de  
ses pertes, esperant vne meilleure fortune:  
le butin emporté le feu a deuoré le reste  
pour ruiner ceste meschante taniere.

*Nombre des  
soldats de la  
garnison de  
Monheur.*

Le lendemain sur la pointe de la nuit il  
suruint vn dangereux accident, le Roy estat  
à Longuerite, on oit vn grand combat, l'al-  
larne se donne chaudement, vne escopeterie

*Les Gëtilshom-  
mes sont sortis  
avec l'espee &  
les soldats en  
chemise avec le  
baston blanc.*

1621.

*Fausse alarme  
au camp du Roy.*

de plusieurs mousquetades fai& croire que c'estoit l'ennemy qui venu du costé des Landes sans sçauoir la prise de Monheur, auoit donné dans vn Regiment & l'auoit tout deffai&. Ce fut vne confusion perilleuse dâs les tenebres, tout fuit & eschappe qui ça qui là. Le grand Preuost court vers le Roy, le conjure de monter à cheual, & se retirer en lieu de seureté, *Siferay*, dist le Roy, *Je monteray à cheual, mais ce sera pour aller où est l'ennemy, allons, & qui m'aymerame suyue*: c'estoit vne genereuse action qui raut tout le monde: ceste parole royale enflame vn chacun: trois ou quatre cens se ramassent pres la Maïesté qui se prepare à vaincre; il rencontre vn tel effroy par tout, que sans sa presence chacun croyant l'ennemy à ses flancs, ils estoïent capables eux mesmes de se perdre. En fin on sceut que c'estoient des soldats qui contestans sur quelque nouveau butin, lequel s'estoit trouué dans vne maison, se battoient à coups de mousquets à qui il demeureroit.

*Dessaire de dix  
Nauires Rocheloises.*

Or ceste heureuse victoire de Monheur à esté suiuiue d'une agreable nouuelle de la def-fai&te de dix Nauires Rocheloises mises à fond en pleine mer par le grand Nauire du Duc de Guyse, commandé par le sieur de Blanty, du port de hui& cens tonneaux, lequel armé de quatrevingts canons, dont y en auoit 40. de fonte, & suiuy de 4. autres Nauires, rencontra dans l'Ocean dix Nauires Rocheloises, lesquelles ayâs esté attaquées à



coups de canon, il en mit cinq en pieces, en prit 3. autres, deux s'estas seulement sauuees pour en porter les nouuelles à la Rochelle.

Ils trouuerent ceste ville allarmee d'une ar-  
taque que leurauoit fait le Marquis de la Val-  
lette à vn moulin qu'ils auoient fortifié as-  
sez pres de leurs murailles; car l'ayant petar-  
dé, y mit tout en feu & tua tous les Roche-  
lois qu'il rencontra là dedans, dont la ville  
demeura en telle apprehension toute vne  
nuict qu'on eust dict qu'elle estoit transfor-  
mee en vn Enfer.

*Deffuite des  
Rochelois par  
le Marquis de la  
Vallette.*

Ces meschans qui n'ont peu souffrir le  
doux traictement de la clemence du Roy,  
qui les manioit, ainsi que dict Seneque le  
Tragique, d'une main de cire, & les flattoit  
de la main droicte, ces peruers sentiront  
bien tost à leur dommage, s'ils ne se reco-  
gnoiſſent, combien l'indignation du Roy,  
que le plus sage des Roys appelloit vn rugis-  
sement de Lyon, est pesante sur la teste de  
ceux sur lesquels elle est eslancee.

*Tremblez donc tyrannaux, vers de terre & de  
cendre,*

*Rochelois? & comment vous pourrez vous des-  
fendre*

*Du dard trois fois aigu, qui rayonne grondant,  
Pour escraser vos Chefs, dedans ce poingt ar-  
dant:*

*Ou des flammes encor, qui grillent eternelles,  
Au centre de ce tout, les ames criminelles?*

1621,

*Royan surpris  
& livré au  
sieur de Soubise*

Saincte Foy, qui n'a point eu de foy enuers sa Maicsté, tremble desia sous l'effroy de ce bonheur, on enseuelira là dedans l'infidelle, apres auoir puny la rebellion & trahison de ces perfides habitans de Royan; qui ayans appellé le Seigneur de Soubise, firent par feinte poser des eschelles aux murailles luy facilitans l'entree: puis allant au chasteau, luy ouurirent aussi tost les portes avec ceste hôteuse composition, que le frere du sieur de la Chaisnaye Capitaine de Royan, qui estoit Lieutenant en ceste place, demurerait Gouverneur de la ville. Vn Suisse & vn paysan, qui n'estoient pas de la conspiration furent tuez à l'entree, apres vn long combat, estonnez d'une si horrible perfidie.

*Son Gouverneur  
est enuoyé  
prisonnier à  
Bordeaux.*

La Chaisnaye alla trouuer le Roy, & y arriva le Dimanche 12. Decembre iour de la prise de Monheur, où il ne fut plustost arriué, qu'on le met entre les mains du grand Prenoist & est conduit à Bordeaux, mis à la Conciergerie, & commission donnée au Parlement pour luy faire son procez.

*Mornac se defend  
contre les  
Rochelois.*

Royan avec tous ses bastions n'a peu faire, ce qu'une seule Tour carree, sans flancs & sans fossé a fait. Car Mornac ez Isles estant assiégué par les Rochelois, assailly par eau & par terre, s'est vaillamment defendu. Le sieur de la Douierie Capitaine, qui commandoit là dedans, estant sorty de nuit sur les rebelles,

belles, ayant mis en pieces ceux qui s'estoient barricadés dans vne maison, donnè l'alarme à tout le reste, & ayant rompu tout à faict plusieurs maisons trop proches, les a genereusement contraincts de se retirer.

Il n'y a rien que la valeur ne vainque. Du depuis les mesmes Rochelois ont voulu entreprendre sur Talmond, mais ledit sieur de Virfac s'est ietté dedans, de sorte qu'un different suruenu sur la ialousie du commandement entre les sieurs de Soubise & Fauas conducteurs desdits rebelles, à rompu ce dessein.

Le quinzième Decembre trois iours apres la prise de Monheur, mourut sur le soir Monsieur le Connestable à la maison d'Aiguillon distante de deux bonnes lieuës du pais dudit Monheur: sa maladie qui dura quelques huit iours vn peu plus fut suivie de conuulsions fort frequentes, qui ne le laisserent iamais qu'à l'heure qu'il voulut rendre l'esprit.

Sa mort fut suivie d'un estonnement vniuersel de la France, chacun en voulant iuger selon sa diuerse passion: ses domestiques se firent de tout ce qu'il auoit; son corps promptement ouuert & embaüsmé fut mis sur la riuere de Garonne, & porté dans vn batteau iusques à Bordeaux: il reposa quelque peu en l'Eglise des Char treux, & de là fut conduit par eau iusques à Blays

1621.

*Qui furent  
deffaits.*

*Entreprise sur  
Talmond par  
les Rochelois  
inutile.*

*Mort de M. le  
Connestable de  
Luynes.*

*Rumeur de la  
France sur cette  
mort.*



1621.  
*Ses dernières  
 paroles.*

Mourant, il fit supplier le Roy d'auoir en sa protection sa femme & ses enfans: sa M. qui n'oublie iamais ceux qu'elle a iugee dignes de son affection, promet en auoir soin, & en donna assurance à Madame la Connestable, par vne lettre cōsolatoire qu'il luy escriuit dās Paris sur le suiet de cete mort.

*Ses funeraillles  
 à Tours.*

*Son corps porté  
 à Maillé.*

Le Roy retournant de son voyage & se trouuant à Tours où fut conduit le corps dudit sieur Connestable, commanda qu'on luy fist vn seruice solennel, où assisterēt tous les ordres de religieux de ladite ville: & de là fut porté inhumér à la Duché de Maillé assisté de 200. Gentils-hommes tenans des cierges & flābeaux de cire ardante en main.

Après la mort du Cōnestable, qui fit pré-dre vn autre biais aux affaires, & sur laquelle il y eut diuersité de iugemēt, le Roy s'en alla à Bordeaux où il passa les festes de Noel.

*Le pere Cotton  
 rentré en grace.*

Sa M. estant à la Predication du pere Siguerād le iour de Noel entreuit le pere Cotton, auquel il voulut parler à l'issuē du Sermon: & ledit perel'ayant esté saluēr en presence de M. le Cardinal de Retz en vne galerie de l'Archeuesché, trouua sa M. autant affectionnec enuers luy que iamais, s'entre-tint avec luy vn bon quart d'heure, luy dit que le lendemain iour de S. Estienne il vouloit entendre sa Predication, & dit qu'il le desiroit auoir prés de luy après Pasques.

*Monsieur de  
 Vic fust gardé  
 des Seaux.*

Aussi en ce mesme temps sa M. recognoissant le merite de la personne de M. de Vic ancien Conseiller d'Estat, & des plus affe-

Etionnez à son seruice, frere de ce grand Capitaine le sieur de Vic, iadis Gouverneur de S. Denys, du depuis d'Amiens, & finalement où il monrut vn an apres la mort du grand Henry de regret & fascherie d'auoir perdu son bon Maistre: en consideration de tant de belles preuues de fidelité que toute cette maison a renduës à la Couronne de France, & singulierement la loüable passion que M. de Vic a pour le bien de son seruice, sadite M. luy donna la garde de ses Seaux, sçachant que nul autre mieux que luy nela pouuoit seruir en cette charge aue plus de fidelité & de tesmoignage d'vn vray homme de bien, autant zelé pour le bien de cest Estat & l'honneur du Roy qu'il pest pour la gloire de Dieu à laquelle il conduit & dirige toutes ses actions.

L'armee du Roy demeura en Guyenne sous la charge & conduicte de M. le Duc d'Elbœuf, auquel sa Maiesté conféra tout l'ordre de cette milice; elle donna au Marechal de Themines le Gouuernement de Bordeaux, & au sieur de Montespà le Gouuernement de Bearn.

Les rebelles qui s'estoint enfermez dans S. Foy rauageoient le pays, & ceux auxquels sa M. auoit pardonnez à Monheur s'estoient retirez là dedans auecle Marquis de Mirambeau & le Vicomte de Castetz.

Dans Saincte Foy commandoit le sieur Theobon gédre du feu sieur de Boisse Par-

*Rauages des rebelles de Saincte Foy.*

daillan & antheur de son assassinat, comme nous auons dit cy deuant.

*Sortie desdits  
rebelles.*

*Deffaits par  
M. du Hallier.*

Ce Theobon sortit de Sainte Foy avec trois cens hommes de guerre pour aller enleuer vn quartier des troupes du Roy, qui estoit logé assez proche de la place: il proiettoit y faire quelque charge signalée, mais il fut preuenu en ses desseins, car Monsieur du Hallier frere de Monsieur le Marechal de Vitry, Capitaine des gardes de sa Maiesté signala sa vertu & la grandeur de son courage aux despens de ce maladuisé Gouverneur de Sainte Foy. Sur l'aduis que ledit sieur du Hallier estoit sorty avec sa troupe, il assemble enuiron deux cens braves Caualliers & quelque Infanterie, avec lesquels il va la teste baissée attaquer les ennemis, qui se voulans arrester à la deffence se virent bien tost exposez à la proye de ce vaillant Capitaine, qui sçachant que la plupart de ces troupes estoient de celles auxquelles le Roy auoit pardonné dans Monheur, & qui ayans receu la misericorde du Roy & sorty la vie sauue, se refugierent à Sainte Foy, où faussant leur foy & parolle donnee de ne porter iamais les armes contre le seruice de sa Maiesté, plus rebelles & perfides que deuant, alloient fauorisans la fortune dudit sieur de Theobon, & reprenans les armes estoient sortis avec luy pour endommager les troupes de sa Maiesté: aussi ont ils esté chastiez selon leur merite, & Dieu a permis que de trois cens qui sor-



tirent, ils furent tous mis & taillez en pieces par ledit sieur du Hallier, mesme ledit sieur de Therbon y fut tué par iuste iugement de Dieu, puis que ce perfide & desloyal gendre s'estoit monstré tant inhumain que d'auoir fait assassiner son beau pere.

*Le sieur de  
Therbon gendre  
du feu sieur de  
Boisse fut en  
cette deffaitte.*

Auant que de clore & fermer l'annee, il se remarquera icy vn faict estrange d'un iuif surpris à Paris par commandement du Duc de Montbason, pour auoir esté decouvert enseignant en sa chambre le iudaïsme ou plustost l'athéïsme à quelques esprits curieux & sectateurs de nouuelles opinions: l'Histoire est fort notable & digne d'estre escrite à la fin de certe annee, auquel temps il fut executé à mort, voicy le discours qu'on a faict publier.

*Execution notable de Iean  
Fontanier iuif  
faict à Paris.*

Ceux qui ont par cy denant voulu faire scauoir l'Histoire de la vie & mort de Iean Fontanier, en ont aussi peu de cognoissance qu'au lieu de parler de la chose qu'ils pretendent, ils s'en esloignent de tout le Ciel, faisant comme ces Apotiquaires qui ont de beaux escriteaux sur des boites qui ne contiennét que du vent, & le plus souuent vne drogue cōtraire à l'inscriptiō. Par ainsi voyant qu'on se forgeoit des chimeres en l'air, & que chacun en deuisoit à sa guise & s'imaginoit des choses non seulement ridicules & entierement esloignees de la verité, mais aussi cōtraires à la raison, pour cōtenter le peuple curieux, & pour l'edificatiō de nos ames

*Iugement de  
Dieu sur les  
arhesistes.*

*Lieu de sa nais-  
sance & son  
age.*

*Son instruction.*

lesquelles verrôtiçy de grands effectz de la  
Iustice & misericorde de Dieu, & afin aus-  
si que ceux lesquels ignorans la conuersion  
detestât sa memoire, sçachâs qu'il est mort  
en la foy Catholique soient obligez à sou-  
haitter le salut de son ame: i'en feray le recit  
aussi court en paroles, qu'abondant en ve-  
rité, afin que chacun voye dedans ceste Hi-  
stoire comme dans vn mirouër le chastimēt  
rigoureux que Dieu fait ordinairement res-  
sentir à ceux qui poussez d'un esprit de vai-  
ne gloire ne peuuent demeurer dedans les  
bornes d'une sainte religion, mais qui errâs  
comme brebis esgarées se iettent dans tou-  
tes sortes d'opiniôs, prestans l'oreille à tou-  
te doctrine, sous l'ombre de la curiosité &  
viuacité de leur esprit, & ne pouuans en a-  
pres par vne raison bien reglee, reigler leur  
desreiglees imaginations & volonteز au eu-  
glees se precipitēt dans le mal-heur, ce que  
vous verrez arriuer en la presente histoire.

Iean Fontanier natif de Montpellier, issu  
d'une bonne & honorable famille, aagé en-  
uiron de 34. ou 35. ans, hōme d'un iugement  
commun, d'un esprit lent & tardif, & d'une  
nature fort pusillanime & craintive, de sta-  
ture cōmune, de teint basané, de poil noir,  
de façon & conuersation assez douce, fut  
premierement instruit & nourry en ses ieū-  
nes ans dans la Religion pretendue de la-  
quelle il fit abiuratiō, & profession de la ca-  
tholique és mains d'un Religieux à Verōne.

en Italie, où il estoit allé poussé d'un desir de voir le monde & de chercher fortune, & véritablement il auoit rencôtré la fortune de son ame & trouué le thresor de repos de conscience s'il eust sceu le conseruer & recognoistre: ie n'asseure pas certainement bien que le bruit en soit assez commun, qu'il ait porté l'abit de Religieux dans vne des plus austeres & mieux reglees religiôs. Ayât paracheué ses estudes il se fit receuoir Aduocat, & depuis fut pourueu d'un office de Secrétaire de sa Maiesté, lequel il fut cōtraint de vendre quelque temps apres pour suruenir à ses affaires particulieres & necessitez qui luy auoient esté causees par certaines fermes & partis. Je crois donc que se voyât encore aucunemēt desnüé de commoditez il prit vne seconde resolution de courir le pays & chercher dans les terres estrangeres ce que la fortune luy ostoit dedäs sa propre terre. Il fut à Constantinople & autres lieux de la Turquie, où il apprit la langue Hebraïque. Je vous laisse à penser si s'estant informé de la vie, mœurs & Religion des Turcs il n'adhera pas à quelqu'une de leurs opinions, veu la grande inclination qu'il auoit au changement de Religion. Cet esprit volage ne pouuant demeurer long temps en vn lieu, eut tant de pouuoir sur sa volonté, que la resolution prise de retourner en son pays fut ensuyüe de son

*Sa qualite.*

*Ses voyages.*

*En Turquie.*



1621.

à Calais.

Sa frequenta-  
tion.Est trompé &  
deceus par un  
autre papeur.

effet , il ne fut pas si tost arriué en France que quelque mauuais vent , ou plustost vn Démon ennemy de son salut le porta à Calais, où estant il fit rencontre & cognoissance tout ensemble d'un Daniel Motalto, frere d'Ysaac Motalto Medecin Portugais luif d'origine & de creance. Ce Raby eut tant de force sur cét esprit foible & chancelant qu'il luy persuada que sa religion n'estoit point bonne , & luy promit de l'instruire en la sienne qu'il disoit estre la vraye & saine doctrine prononcee par la bouche mesme du grád Dieu tout puisât & escrite de só propre doigt. Dieu qui permet quelquesfois que nous soyons tentez , ou pour nous esproouuer, ou pour nos pechez & offenses, ou pour l'agrandissement de son honneur & louange , permit que ce miserable icy fut non seulement tenté, mais aussi qu'il succomba à la tentation, tant pour manifester sa gloire & puissance, que pour punir ce meschant, qui n'auoit autre foy que celle du premier venu, & qui laissoit emporter son iugement à toutes sortes d'opinions, comme vne giroüette à tous vents.

Cecy nous doit seruir d'exemple & de motif à prier continuellement que Dieu nous augmentela foy, & qu'il nous donne la grace de pouuoir resister à toutes tentations, & boucher nos oreilles pour n'estre point seduits & trompez par la voix charmeresse & doctrine mensongere de Sathan.

Pour doncques reuenir à nostre Histoire: ce pauvre homme fut tellement pipé & charmé par les damnables persuasions de ce maudit Docteur, qu'ayant demeuré neuf iours entiers avec luy, il fut entièrement imbu de sa fausse doctrine & Religion, & afin qu'il n'en perdist point la mémoire, & qu'il obseruast mieux de point en point les principaux articles de sa croyance, ce Raby luy bailla vn liure escrit à la main, qu'il disoit auoir esté fait & composé par son frere, & mesme comme on peut coniecturer, luy bailla quelques commoditez & pension pour s'entretenir & enseigner ladite Religion Iudaïque par la communication de son liure. *Son estude.*

Ce miserable, d'Escollier qu'il estoit de- uint tout aussi tost Grand Maistre, car estant venu à Paris pour poursuiure quelques affaires au Conseil, il se logea à la rue Betisi, à l'enseigne du nom de Iesus, (remarques cecy en passant) mais le Demon qui l'obsedoit par vne iuste punition de Dieu, ne le laissa long temps en repos, luy persuadant qu'il estoit obligé d'enseigner sa doctrine & croyance, & qu'ayant gagné quelques ames, il pourroit releuer & metre sur le pied le Iudaïsme, maintenant que toute la Chrestienté estoit en alarme & diuorce. Dessen grandement pernicieux & capable de renuerfer vn estat, vray crime de leze Majesté diuine & humaine. Cette resolution estant prise il se proposa de faire met- *Sa profession dans Paris.* *Son dessein.*

1621.  
ses promesses.

tre des affiches par les carrefours de cette ville, affiches qui promettoient des merueilles, des Thresors inestimables, & des grands contétemens de corps & d'esprit, afin que par icelles les esprits curieux & subtils estâs attirez & excitez à la recherche d'un tel secret, fussent tirez & incitez à la fausse & maudite Religion! O aueuglement étrange de voir dedans Paris où l'on porte autant d'honneur à Iesus-Christ & à la sainte mere qu'en nulle autre part du monde, où est le siege des Roys & de la Iustice, de voir dis-ie vn homme qui s'elue & s'oppose directement contre la doctrine de nostre Seigneur, & l'honneur de sa glorieuse mere, contre la Maiesté royale & contre tout l'estat. C'est vn prodige & effet d'un esprit esgaré. C'est se precipiter volontairement dans les flames : aussi mon Dieu auez vous dit par vos prophetes que leur cœur seroit endurcy & leur entendement aueuglé. Je vous diray donc icy le contenu de son affiche, afin que vous recognoissiez l'artifice duquel il se seruoit pour attirer les curieux. Elle fut affichée le 7. Nouembre 1621.

THRESOR INESTIMABLE.  
MESSIEURS.

*Son affiche publique par Paris.*

**V**OUS n'auiez iamais veu des affiches à l'intention des mineurs, car toutes celles que vous auez veuës, c'estoit avec esperance aux Maistres d'icelles de retirer de vous apres le mois escheu le prix & le salaire conuenü lequel estoit bien souuent meritê



par eux & par vous bié employé. Moy aux  
miennes ie ne veux faire cōme cela, ce n'est  
point ma volonté, car au lieu de prendre de  
vous quelque peu d'argent (ce que à Dieu  
ne plaist seulemēt que ie vous en demande)  
qu'au contraire c'est pour vous bailler les  
moyens pour en acquerir avec abondance  
& en vser avec largesse, & ainsi dans peu de  
tēps vous faire deuenir trestous riches: &  
sçauiez vous cōmēt d'vne telle façō qu'il ne  
sera plus necessaire de rechercher le Perou  
dās vn nouueau mode, ny traueser les mers  
ny les mōtagnes, les deserts ny les cāpagnes  
pour acquerir des Thresors: vostre richesse  
est icy presente, il ne la faudra point recher-  
cher ailleurs, il ne sera plus necessaire de  
busquer des aduācemēs dās les affaires, met-  
tre tout son bié au hazard dās les partis, dās  
les fermes, se precipiter en des guerres &  
des negociatiōs perilleuses, moins encorēs  
auoir des prétetiōs d'heritages, ou esperer  
aduācement par quelque grād ou par quel-  
que fēme, riē de tout cela, vostre fortune en  
vn mot est toute faite, à la charge que vous  
vous cōtraigniez vn peu, & vous rēdiez ca-  
pables des enseignemēs qui vous seront par  
moy dōnez, lesquels ont cela de particulier  
de ne mettre seulemēt les corps de ceux qui  
les possedēt en ioye & delices, pour la quā-  
tité des richesses qu'ils produisent: mais  
mettēt leur esprit en perpetuelle trāquilité  
& repos, tellement que ceux qui ont l'es-  
prit fort, & le iugemēt bō & solide (car ils ne

1621.

conuiennent pas à toutes sortes de gens) ne les voudroient eschanger avec tous autres biens du monde. Ils sont encores tellement agreables, profitables & honorables, que ie ne feray difficulté de dire le nó de celuy, que vous ne cognoistrez pour vn homme esceruelé ny charlatan, mais necessaire à vostre bien & repos, & desirieux de demeurer pour iamais &c.

Or voyez si ce poison n'estoit pas bien sucré, & qui n'eust esté deceu par ces belles promesses? on ne se pouuoit rien imaginer que quelque science qui contéstast tellement l'esprit qu'elle seroit à preferer à de grandes richesses, car de prendre des Thresors grossierement & materiellement, on eust eu l'esprit grossier & terrestre. Quelques gens d'estudes & de qualité ayans veu cette affiche, furent curieux de voir l'exposant, pour sçauoir de sa propre bouche le suiet de son Thresor inestimable, lequel ils ne pouuoient apprendre ny descouurir par ses affiches. Ils furent en son logis & rencontrerent ledit exposant homme de bonne façon, couuert de soye, docile, & qui ne montroit à l'exterieur rien de ce qu'il auoit dans l'ame, lequel estant par eux enquis sur le suiet de son Thresor inestimable qu'il auoit affiché, leur fit respõce qu'il ne le pouuoit descouurir que premierement ils n'eussent escrit & signé vn serment qu'il leur proposoit, lequel estoit presque tel.

*Curiosité des  
hommes, le  
fait visiter.*

Je N. promets à Dieu tout puissant & à 1621.  
chacune de ses Creatures & à Monsieur Fō- *Serment qu'il*  
tanier cy present, de ne dire ny declarer à *faisoit faire à*  
personne du monde, par signe, parolle, es- *ses Escoliers.*  
crit, conjecture, ou autre demonstration  
que ce soit, le suiet de son Thresor inestima-  
ble, ains renuoyer audit sieur Fontanier  
ceux qui s'en informeroient de moy, & de  
ne luy nuire ny apporter aucun destour-  
bier & empeschement pour paruenir au  
bout de ce sien dessein, ny de luy mesfaire  
ou faire mesfaire par quelque persone que  
ce soit, en son corps ou en ses biens, ains de  
luy assister de ma personne & de mes moyes  
pour l'accomplissémēt de son œuvre, com-  
me iuste, honorable, vtile, & qui ne contre-  
uiuent point aux commandemens de Dieu:  
Et au cas que ie contreuienne à ce serment,  
ie veux que l'ire, le courroux & l'indigna-  
tion du grand Dieu tout puissant demeure  
eternellement sur mō corps, sur mon ame,  
& sur mes moyens, & ne veux ny n'entens  
en estre releué par quelle & quelles person-  
nes que ce soit, croyāt tout ce qu'elles m'en  
pourroient dire pour fausseté & menson-  
ge, & au cas que la chose me semble trop  
penible, à moy permis de m'en retirer dans  
dix iours, sans toutesfois estre releué dudit  
serment ny pouuoir declarer à personne  
pour quelque consideration que ce soit, le-  
dit secret, car telle est ma volonté à iamais  
irreuocable. Ainsi Signé N.



1621.  
Conditions de  
ce serment.

Ce serment à la verité sembloit contenir à l'abord quelque chose de grãd, mais deux conditions apposees à iceluy le rendoient facile & faisable. La premiere que le secret ne contenoit rien de contraire aux cõmandemens de Dieu, la seconde qu'on s'en pouvoit retirer dans dix iours. Pour ce qui est des'obliger à ne point descouvrir le secret d'un homme qui vous l'enseigne pour rien, c'est vne chose ordinaire & raisonnable, pourueu qu'il ne soit point contre les bonnes mœurs & qu'il ne contreuienne aux commandemens de Dieu. Car chacun scait bien ques'il est tel on n'est seulement pas tenu à le garder, mais obligé par les loix diuines & humaines de le descouvrir à ceux qui sont destinez comme Argus à veiller sur les actions mauuaises. La curiosité donc d'apprendre cette nouuelle science & descouvrir ce nouveau secret fit faire ce serment à quelques gens de remarque & de qualité, ausquels ce faux Docteur promettoit de descouvrir son secret dans quatre ou cinq leçons: comme doncques ils furent de serment il leur commence à dicter vn liure dont le tiltre estoit semblable à celuy de son Affiche *Thresor inestimable*, lequel il disoit auoir esté composé par Isaac Montalto reueu & corrigé par Daniel son frere, & feignoit auoir esté imprimé à Cracouie. Les premieres leçons ne sembloient que viser à vne bõne fin & preparer les esprits à escou

ter la doctrine, mais comme Dieu ne veut qu'aucun crime demeure impuny il permet aussi que toutes choses soient descouvertes, & n'y a rien de si caché qui ne soit à la fin reuelé, dit la S. escriture.

Il arriua donc que quatre ou cinq iours, apres ses affiches mises auât qu'il eut encores fait glisser son poison dedans des ames Chrestiennes, & que par ses blasphemies execrables il eut offensées oreilles chastes de ses auditeurs, comme par vne diuine providence M. le Duc de Montbason en eut aduis, soit que ce fust par ses auditeurs cōme en effect ils y estoient obligez tant pour la descharge de leurs cōsciences cōme Chrestiens, que pour exēpter & deliurer le public d'vne si dāgereuse peste cōme bons Frāçois; ou bien par ses affiches mesmes qui donnoient assez à cognoistre que cest hōme auoit quelque grande entreprisē, la verité viēt en lumiere encore qu'on ne la cherche pas.

Tant y a que le Samedy 13. de Nouembre par le commandement de Monseigneur le Duc de Monbason Monsieur le Lieutenant Criminel se transporta au logis dudit Fontanier enuiron les 10. heures du matin où il le surprit dictant vne leçon à ses auditeurs. Chose estrange & prodigieuse cōme il leur dictoit ces paroles (*le cœur me tremble, la plume me tombe de la main*) ledit sieur Lieutenant entre, & faisant rōber toutes les plumes des mains ne bailla loisir à persōne d'escire

*Providence  
diuine.*

*Monsieur de  
Montbason le  
fait prendre.*

1621.

*Est conduit au  
Chastelet.*

*Sa condamna-  
tion.*

*Appelle au  
Parlemens.*

toutela phrase entiere. On l'interroge & examine sur son Affiche, on luy demande les moyens qu'il enseigne pour deuenir riche.

Bref apres luy, on interrogea ceux qui furent trouués escriuans lesquels luy furent recolés & confrôtez le mesme iour, & tout aussitost il fut conduit au Chastelet; dans lequel apres auoir demeuré enuiron quinze iours, il fut condamné par sentence du 26 dudit mois de Nouembre a faire amende honorable deuant l'Image de la Vierge & puis estre bruslé tout vif en la place de Greue, de laquelle sentence il se porta pour appellant à la Cour de Parlement & fut conduit en la Conciergerie du Palais: il n'eut pas demeuré huit iours en icelle que l'aprehension du supplice & la crainte de la mort luy auoient tellement esblouy le iugement, & porté à vn tel desespoir, qu'il ne voulut point durant deux iours qu'il boire ny manger. Messieurs ses Iuges en estans aduertis craignants qu'il ne finist sa vie miserablement & desesperé, le firent monter à la chambre le 4. iour de Decembre où ils le remirent comme en luy mesme & luy donnerent comme quelque esperance de salut (tant est doux & benin ce souverain Parlement, Oracle de la Iustice, & siége de toutes vertus) luy disans qu'il se presentast à dire ses raisons sur le fait d'où il estoit accusé & que la Cour les entendroit favorablement.

benign



benignement lors qu'elle vaqueroit à son affaire & qu'elle feroit son procès: ces paroles luy augmentèrent tellement le courage & la force, qu'il perdit aucunement ces fortes apprehensions & imagination de la mort qu'il auoit auparauant conceuës. Et croyoit que par les protestations qu'il faisoit d'estre bon Chrestien & de n'adherer à aucune secte ny opinion contraire à l'Eglise Romaine il pourroit obtenir de la Iustice pardon & remission de sa faute, disant que ce qu'il auoit affiché n'estoit que pour se resoudre de quelques doutes qu'il auoit avec ceux qui le viendroient voir qui ne pouuoient estre que gens d'esprit & de sçauoir. Bref pour mettre fin à ce discours le dixiesme Decembre la Sentence de Monsieur le Lieutenant Criminel fut confirmée par l'Arrest de Nosseigneurs de la Cour de Parlement (aussi ne pouuoit elle estre que iuste & equitable estant renduë sur vn tel suiet & par vn Iuge infiniment affectionné à l'honneur de Dieu & au bien du public) Fontanier fut tout aussi tost conduit au Chastelet, & de là accompagné de deux Docteurs de Sorbonne qui l'auoient desia veu plusieurs fois en la prison & ausquels il auoit promis de mourir Chrestien, il fut mené dans l'Eglise de Nostre Dame pour faire l'amande honorable deuant celle qu'il auoit grandement offensé par ses blasphemmes. Mais quand il fut question de pro-

1621.

noncer les parolles qu'on fait dire en tel cas, il ne vouloit les proferer sans les bons Docteurs qui les luy firent dire, mais plustost par maniere d'aquit que par contrition & repentence, sa resolution estant toute entiere de mourir en sa fausse & mauuaise Religion. De là on le rameine tout nud en chemise à la place de Greue pour estre executé. Mais helas! il n'est aucunement disposé à bien mourir, car d'un costé il est au desespoir, de l'autre il n'a point de Religion, il ne se veut point conuertir, il ne veut prester l'oreille à ceux qui luy parlent de son salut, il les reiette, bref il veut mourir en sa croyance. Les bons Docteurs, qu'on ne scauroit assez dignement louer, persistent en leurs persuasions & tantost par des moyens humains taschent à le remettre luy remonstrans qu'il feroit vn grand tort à sa famille & à sa memoire & laisseroit à tout le peuple subiect de le maudire s'il mouroit en ceste abominable croyance, tantost ils se seruent de menaces, quelques fois de douceur & de promesses qu'on ne luy feroit point sentir l'ardeur du feu s'il vouloit mourir Chrestien. Toutes ces remonstrances eurent plus de force sur luy tant il auoit l'ame attachée aux sensualitez, que l'apprehension du iugement de Dieu ny les peines eternelles ny l'eternité & contentement des ames bien heureuses. Bref ils font tant avec l'aide de Dieu que

voila tout à coup comme on estoit entiere-  
ment desespéré de sa conuersion, vne de-  
mi heure auant l'exécution il dit qu'il vou-  
loit mourir en la Religion Catholique, A-  
postolique, & Romaine, & qu'il renonçoit  
à toute heresie & opinion contraire à ladite  
Religio & mesme supplia vn des Docteurs  
de le dire & declarer tout haut, veu que la  
tristesse & apprehension de la mort luy fer-  
moient entierement la bouche. Et apres s'e-  
stre confessé & auoir demandé pardō à Dieu,  
au Roy & à la Iustice, & s'estre recomman-  
dé aux prieres de toutel'assistance, & ayant  
mis son ame entre les mains de Dieu il a-  
bā donna son corps aux flames, bien qu'on  
l'estrangla premierement tant est miseri-  
cordieuse la Iustice. Lector prie Dieu  
pour son ame.

O que les faits de Dieu sont admira-  
bles, & que ses merueilles sont grandes  
l'abisme de sa misericorde est infiny. Il a  
permis que son corps ayt esté puny pour  
les offences qu'il auoit faictes, mais aussi n'a  
il point voulu la mort de son ame, au con-  
traire desireux de sa conuersion luy a par  
cette mort temporelle suscitē les moyens  
de paruenir à la vie eternelle, de façon  
que ce pauvre homme qui toute sa vie a-  
uoit esté esgaré, se fust en fin perdu en per-  
dāt les autres s'il n'eust esté perdu, suiuant sa  
premiere sentence qui estoit telle.



1621.

*Sentence du  
Chastelet contre  
luy.*

**N**Ous disons par deliberation de Cōseil, Ouy sur ce le Procureur du Roy, que ledit Fontanier est déclaré suffisamment atteint & conuaincu de crime de leze Maïesté diuine, pour reparation duquel auons iceluy condamné & le condamnons à faire amande honorable deuant l'Eglise nostre Dame de Paris, & là estant nuë teste, nudz pieds, en chemise, à genoux, ayant la corde au col tenant en les mains vne torche de cire ardente du poids de deux liures, dire & declarer à haute voix qu'e meschamment & execrablement il a fait, escrit, composé, enseigné & dicté le liure intitulé, Thresor inestimable mentionné au procès remply de blasphemes & abominations contre Dieu, la Vierge Marie sa mere & son Eglise dont il se repent & demande pardon à Dieu, au Roy & à Iustice, ce fait estre brûlé vif à vn poteau qui sera à ceste fin dressé en la place de Greue & son corps réduit en cédres avec ledit liure, les minuttes & grosses du procès, ses biens acquis & confisquez au Roy, laquelle sentence fut confirmee par l'arrest qui s'ensuit.

*Teneur de l'arrest  
confirmatif  
de la sentence  
susdite.*

**V**E V par la Cour le procès Criminel fait par le Preuost de Paris ou lō Lieutenant à la requeste du Procureur General du roy demandeur contre Iean Fontanier natif de Montpellier prisonnier en la Con-

ciergerie du Palais appellant de la sentence  
contre luy donnée le 26. Nouëbre dernier  
par laquelle pour reparation d'auoir escrit  
& composé vn liure intitulé Thresor inesti-  
mable remply d'impietez, blasphemés & in-  
iures, contre Dieu, la Vierge Marie & tou-  
te la Chrestienté, mesmes tenu leçon publi-  
que pour enseigner ledit liure, & pour y  
paruenir fait mettre affiches imprimées in-  
titulées Thresor inestimable, ledit Fonta-  
nier auroit esté condamné faire amande  
honorabile en chemise, teste & pieds nuds  
au deuant de l'Eglise Nostre Dame la cor-  
de au col, & illec à genoux tenant en ses  
mains vne torche ardante du poids de  
deux liures dire & declarer à haute & in-  
telligible voix que meschamment & exe-  
crablement il auroit escrit, fait, composé,  
enseigné, dicté ledit liure intitulé Thresor  
inestimable mentionné audit procès, réply  
de blasphemés & abominations contre  
Dieu, la Vierge Marie sa mere & son Eglise  
s'en repent, en demande pardon à Dieu, au  
Roy & à iustice, ce fait estre bruslé vif à vn  
poteau qui pour ce seroit dressé en la place  
de Greue, son corps reduit en cendre avec  
ledit liure, minute & grosse dudit procès  
tous ses biens acquis & confisque au Roy.  
Ouy & interrogé par ladite Cour ledit ac-  
cusé sur ladite cause d'appel & cas à luy im-  
posez, tout considéré. DIT A E S T E qu'il a  
esté bien iugé par ledit Preuost ou son Lieu-

1621.

tenant mal & sans grief par ledit Fontanier appellé & amendera, & pour l'exécution du présent arrest ladite Cour a renuoyé ledit Fontanier prisonnier pardeuant ledit Preuost ou son Lieutenant. Fait en Parlement le 10. Decembre 1621. signé Radigues. Prononcé & executé ledit iour de Vendredy 10. Decembre 1621.

Des affaires particulieres des villes retournans au general des Estats, nous y verrons de belles & grandes pratiques des rebelles de France.

Les Deputez de la Rochelle courent au secours de toutes parts aux Royaumes estrangers.

*Pratiques des  
Rochellois en  
Angleterre.*

En cet éps là tomba entre mes mains vne lettre venant de Londres en Angleterre, par laquelle on mandoit en France, que sur le retour du Baron d'Igby Ambassadeur du Roy de la grande Bretagne de la Cour de l'Empereur, d'où il auoit rapporté de tresmaigres responce sur le reſtabliſſement du Prince Palatin, auſſi toſt le Roy de la grâde Bretagne indigné de cecy, s'eſtoit entiere-ment mis à la diſcretiō de ſes Estats, ce qu'il n'auoit iamais fait auparauāt, & ne pouuoit mieux faire pour le contentemēt de ſō peuple, qu'il auoit à l'inſtant enuoyé cent mille eſcus à ſon gēdre, & autāt à Mansfeld pour l'ētreten de la guerre, quelà deſſus il auoit fait aduancer ſes Estats de trois mois: mais ſur tout cette lettre portoit que ce Roy auoit permis, vne collectē pour les Eglises



pretendus de France, pour lesquelles le peuple d'Angleterre auoit vne grande affectiō que lesdits deputez auoient ouy & remporté cette parolle du Roy, allez, dictes aux Eglises de France & à l'assemblée que ie maqueray plustost de Religion à mon Dieu, que de les laisser au besoing.

Mais pour ce que celuy qui escriuoit la lettre estoit huguenot, qui proposent tousiours les affaires d'une autre face qu'elles ne sōt, ie n'y adiousteray pas grāde creance: pour ce que la protestatiō que ce Prince auoit faite par ses Ambassadeurs, & la respōce Royale, qu'il fit au Marechal de Cadenet à Londres, sont des tesmoignages assez forts pour nous tenir asseurez de la bonne intentiō de ce Roy, qui n'a plus grand desir que d'entretenir l'ancienne alliāce de France & d'Angleterre & se conseruer l'amitié de sa Maiestéres-Christienne.

Il est vray que le peuple qu'il gouuerne & auquel il commande est vn peu fort en bouche, subiet aux escapades licentieuses, & qui ne demanderoit possible pas mieux que de ietter leur Prince dans le trouble avec quelque voisin: nous ne doubtons pas, qu'il n'y en ait en Angleterre d'aussi fort zelez à l'amour de la Democratie qu'en France, & autres lieux, & qui ne contribuassent liberallement de leurs bourses & moyens pour commander vne guerre de Religion, ainsi qu'ils

1621.

*Sagesse du Roy  
d'Angleterre.*

*Peuple Anglois  
& son humeur.*

1621.

*Le Roy d'Angleterre veut  
conserver l'affec-  
tion de ses  
voisins.*

appellent, pour desguiser ce tiltre infame de rebellion que iustement l'on impose à leurs freres rebelles: mais ce Roy si sage & si clairuoyant aux affaires & aux factions des mutins & desobeïssans subiets, s'est ré- du inexorable à leurs cris, sourd & insensible à leurs plaintes & du tout contraire à leurs fureurs, si qu'au commencement & à l'ouuerture des États de ses Royaumes cō- uoquez à Londres au mois de Décembre dernier, la premiere harangue qu'il a faite à s<sup>c</sup> Parlemēt superieur, a esté employée à leur faire deffence de s'entremesler des affaires des Princes & États estrangers, non plus que du fait du mariage du Prince son fils avec l'Infante d'Espagne, duquel ils s'estoiēt ingerez de parler, & employé de hautes & puissantes raisons pour en diuertir ses premieres pensées, auxquelles il a fait de belles & amples responces qui ne reçoient point de repliques, ainsi que nous dirons cy-apres traictant des affaires estrangeres.

Et pour ce qui regarde seulement les pratiques que nos rebelles de France ont fait en Angleterre, pour en tirer quelque sorte d'assistance, soit d'hommes, de viures ou d'argēt (car les Rochelois ne tirent aujour- d'huy autres commoditez tant pour le regard des viures que pour les munitions de guerre, que celles qu'ils peuuent ramener d'Angleterre & d'Hollande, toute sorte de traffics leur estans impossibles du costé de

la France) sa Maieſté Sereniſſime a bien fait paroître qu'elle ne vouloit nullement authoriſer la rebellion d'aucunes deſdites Eglises pretenduës de France, quand ſur les aduis que l'on luy a donnez de quelques leuées que l'on faiſoit en leur faueur en ſes Royaumes, à la ſollicitation de leurs Deputtez, il a fait publier ſa volonté, & fait la ſubſequent declaration contre tous ceux qui leueroient en toute l'eſtenduë de ſes Eſtats pour leſdits rebelles de France, leſquels il declare en cas de contrauention criminels de leze Maieſté & perturbateurs du repos public: En voicy la teneur telle que nous l'auons entendu publier en France au grand depit deſdits rebelles.

Iacques par la grace de Dieu, Roy d'Angleterre, d'Eſcoſſe, d'Irlande, Iſles Hebrides & Orcades. A tous ceux qui ces preſentes lettres verront, Salut. Eſtans aſſez aduertis des pratiques & menées qui ſe font en nos Royaumes, au preiudice de nos Edicts & Ordonnances, tant par nos Couſins les Comtes de Gaury, grand Millard d'Irlande & autres de noſdits Royaumes contre les alliances & traictez par nous faiçts avec le tres-Chreſtien Roy de France & de Nauarre, LOVYS XIII. preſtans argent, ſecours & autres choſes neceſſaires pour la guerre aux Rebelles du Royaume de France, leſquels nous ſçauons aſſez ſe

*Declaration du  
Roy d'Angle-  
terre, contre les  
belles du Royau-  
me de France.*



preualloir de nostre nom, se fortifians de nostre pouuoir, & prenans pour tout pretexte le tiltre de Religion, qu'ils disent maintenir contre les persecuteurs d'icelle (ce qui est du tout contraire à la verité) leurs deportemens n'ayans autre but que desecouer le ioug del'obeissance que (suyuant les loix diuines & humaines) ils doiuent à leur Roy.

Ce qu'ayant communiqué à nostre Conseil, & cognoissant la fraude & mauuaise volonté desdits Rebelles, les auons declarez indignes de receuoir aucun secours de nous ny des nostres : faisons deffences tres-expresses à tous nos subiects de quelque qualité ou conditiō qu'ils soiēt, de ne prester aucun confort, ayde ny secours auldits rebelles, à peine d'estre declarez criminels de leze Maiesté, & perturbateurs du repos public : & aussi à tous autres de quelque qualité ou condition qu'ils soient de ne permettre, qu'il soit fait en leurs terres & Seigneuries, aucunes leuees de gens de guerre, pour quelque pretexte que ce soit, s'ils n'ont commission signee de nous & sellée du seau & marque de nos armes.

Donnons tout pouuoir & autorité à nos Gouverneurs de Prouinces & de villes, s'il y a des contreuenans de leur courir sus & les rendre entre les mains, des Preuosts & Commissaires à ce deputez, pour

en faire telle iustice qu'il appartiendra; & à faute de les pouuoir prendre, leur donnons permission de les courir & chasser comme Rebelles, refractaires & desobeïssans à nos Edicts & Ordonnances, & leurs biens acquis & confisque à la Couronne.

Faisons tres-exprez commandement à nos Preuosts des Mareschaux, & autres sur ce requis de leur prester ayde & main forte en toutes sortes de requisitions à eux faictes par noz bien amez les habitans de nos Royaumes, terres & Seigneuries.

Faisons aussi commandement à tous nos Gouverneurs & Lieutenans de nos Royaumes d'Angleterre, & autres à nous subiects de se transporter dans vn mois pour le plus tard en nostre ville de Londres où se doit tenir la cōuocation des Estats de ce royaume, pour y ratifier le serment de fidelité qu'ils nous doiuent, & faire vne ample declaration touchât lesdicts Rebelles du Royaume de France, & à faute de ce déclarons tels contreuenans descheuz de tous priuileges & droicts de Noblesse qui leur pourroient auoir esté par cy deuant departissant par nous que par nos predecesseurs, s'ils n'ont iuste pretexte de retardement ou incommodité de leurs personnes: ce qui les pourroit absoudre, en y enuoyant vn

deputé pour faire leurs excuses sur lesdits retardemens.

Car tel est nostre plaisir.

Donné à Londres, le vingt-quatriesme iour de Decembre stil nouveau, l'an mil six cens vingt & vn.

*C'est à dire le  
14. Decembre.*

Signé,

IACQUES.

Et plus bas,

Par commandement dudit Seigneur.

Breffeld, Secretaire ordinaire de sa Ma-  
iesté.

*Sensuit aussi l'arrest de la Cour de Parlement  
de Londres, sur ladite Declaration.*

*Arrest de veri-  
fication du Par-  
lement de Lon-  
dres sur ladite  
declarations.*

**V**Ev par nous Barons & Pairs de l'as-  
semblee des douze de ce Royaume  
d'Angleterre, la declaration du Roy sur le  
suiet y contenu, touchant les rebelles du  
Royaume de France, qui se seruent de son  
autorité, & pretexte de religion, qu'ils  
disent maintenir contre les persecuteurs  
d'icelle: Ce qu'ayant meurement confide-  
ré, de l'aduis des Pairs & Barons de ce Ro-  
yaume, ladite declaration estant leuë hau-  
tement deuant tout la Cour, ordonnons  
icelle estre leuë & publiee par toutes les  
Cours, Preuostez & Bailliages tant de ce  
Royaume, que autres suiets à sa Maieité.

Faict à Londres, le vingt-cinquiesme de-  
cembre stil nouveau l'an mil six cens 21.

*C'est le 15. de-  
cembre.*

Signé,

PECHEL.



Vn peu apres ce temps le Roy d'Angle-  
terre permit au sieur du Coudraye de re-  
tourner avec les deux nauires de Monsieur  
le Duc de Neuers, en France.

Faut sçauoir que suyuant le commande-  
ment de sa Maiesté tres-Chrestienne ledit  
sieur Duc de Neuers auoit faict faire cinq  
des plus beaux vaisseaux qu'on ait iamais  
enuoyé sur la mer en toute la Hollande,  
pour marcher droit au blocquement de la  
Rochelle, suyuant l'intention que le Roy  
auoit de faire inuestir cete ville rebelle qui  
rauageoit toutes les costes de Bretagne,  
Poictou & Bordeaux dans l'insolence de sa  
Rebellion: ce dessein ayant besoing d'estre  
promptement executé à cause de la saison  
de l'hyuer qui pressoit, temps incommode  
pour le faict de la nauigation particuliere-  
ment en l'ocean, lesdits nauires eurent com-  
mandement de mettre le voile au vét pour  
arriuer de bonne heure au deuant de la Ro-  
chelle, laquelle venoit de receuoir vn af-  
front des Olonois qui auoient entré en l'Is-  
le de Ré & auoient emmené les femmes  
Rocheloises qui y estoient passées pour fai-  
re la vendange.

Lesdits cinq Nauires ayans esté parfaite-  
ment equippez à Dieppe chacun de trente  
à quarante pieces de Canon, dont vne bon-  
ne partye estoient sorties de l'Arsenal de  
Paris avec grande quantité de boulets &  
autres choses necessaires pour vn tel atti-

*Vaisseaux du  
Duc de Neuers  
equippez pour  
le blocquement  
de la Rochelle.*

*Affront faict  
aux Rochelois  
par les Olonois  
en l'Isle de Ré.*

1621.

*Tempeste iette  
deux vaisseaux  
de M. de Ne-  
uers aux costes  
d'Angleterres  
avec leur con-  
ducteur le sieur  
de la Coudraye.*

*Pertes de deux  
autres vais-  
seaux de M. de  
Neuers.*

rail de nauires, dont le moindre estoit du port de plus de cinq cens tonneaux, partirent de Dieppe sur la my Octobre, & estâs arriuez aux costes de Bretagne vne tempeste furieuse qui s'essena en ietta deux aux costes d'Angleterre sur lesquelles commandoit ledit sieur du Coudraye. Les trois autres estans ancrees au dessous de Belle-Isle sur la coste de Bretagne, en partirent de là à quelques iours & sur le commencement de Nouembre dernier, comme elles arriuoient pour se ietter aux costes de l'Isle de Ré, elles furent rencontres par dix vaisseaux Rochelois, dans lesquels estoit leur pretendu Admiral avec force escumeurs de mer, qui attaquèrent lesdicts nauires, en mirent vn à fonds, prirent le second, & le troisieme se sauua au port de Broüage, ce qui ne se fit pas sans que les ennemis ne receussent assez grand dommage par les nostres qui se deffendirent iusques à l'extremité sans cesser de tirer sur les vaisseaux Rochelois.

Et pour reprendre le suiet de ce discours, ledict sieur de la Coudraye ayant ainsi esté ietté par l'orage aux costes d'Angleterre, luy & ses vaisseaux furent amenez à Londres où ils demurerent iusques en Decembre dernier, qu'ayans esté recogneus ledict sieur du Coudraye ob-

tint permission du Roy d'Angleterre de faire raccoustrer les nauires, dont les masts auoient esté rompus par la violence des vents, & de les ramener en France comme il a faict sur la fin de l'année, & sont aujourd'huy en meilleur estat que deuant & tout prests d'aller reconquerir les deux autres aux despens de ceux qui les ont emmenez à la Rochelle, & qui sont les plus beaux de leur haure.

L'Isle d'Oleron n'a pas encore esté exempté de la cruauté de ces inhumains, ils y sont entrez, & y ont tué, pillé, & brûlé tout ce qu'ils y ont peu trouuer, & pour ce qu'ils ne la pouuoient pas garder, pour plus aisement incommoder le haure de Broüage, ils ont pris dessein d'y faire construire deux forts, à quoy ils trauaillent pendant qu'ils ont le temps & le loisir.

Là dessus le Roy se resoulut à partir de Tholouse pour retourner à Paris, les Roynes arriuerent quelques semaines auparauant. Sa Maiesté considerant la tendre affection de la Roynes sa Mere au bien de son seruice & de son Estat, les soings maternels qu'elle auoit nuiet & iour de ses affaires & de la conseruation de sa personne parmy tant & de si abhominables desseins de ses ennemis, recognoissant comme bon fils, les obligations qu'il auoit à cette grande Princesse l'enuoye assseurer du

1621.

*Retour du sieur  
de la Condra-  
ye avec les deux  
nauires de M.  
de Nevers.*

*Affection des  
Roy enuers la  
Roynes sa Mere.*



1621.

*Veut quelle soit  
chef de son Con-  
seil en son ab-  
sence.*

souuenir qu'il a tousiours eu d'elle au mi-  
lieu des plus grands traux, & que sur  
l'assurance qu'il auoit de son bon nature  
& de son inclination amoureusement por-  
tee à la gloire de son Sceptre & de son Ro-  
yaume, sa Maiesté vouloit que d'oresna-  
uant elle prit la meilleure part de la condui-  
te de ses affaires & qu'en son absence elle  
fut Chef de son Conseil, se voulant seruir  
de ses bōs aduis, trop bien cognoissant que  
comme vrayement Mere elle en auroit le  
soing, & s'y porteroit avec plus de passion  
& d'affection que nul autre comme n'ayan-  
t'intereſt plus grand que de voir prospere-  
de bien en mieux, les bons & loüables des-  
seins de sa Maiesté.

1622.

*M. le Prince va  
trouuer le Roy.*

Le Roy ayant seiourné quelques iour  
dedans Blaye iusques au commencement  
de l'an, & ayant laissé vne grande partye de  
son armee en Guyenne sous la conduite du  
Duc d'Elbœuf & du Mareſchal de Themis-  
nes s'en vient à Angoulême où arriva auſſi  
toſt Monsieur le Prince de Condé ſuiuy  
d'un bon nombre de Noblesse, pour rece-  
uoit les commandemens & les charges que  
sa Maiesté luy donna.

*Comte de la  
Rocheſoucault  
Gouuerneur de  
Poitou.*

L'onzième Ianuier de la nouuelle annee  
arriva à Poictiers où l'attendoit le Duc d'Es-  
pernon avec le Côte de la Rocheſoucault  
que le Roy fit Gouuerneur de la Prouin-  
ce en la place du Duc de Sully, quel'on di-  
soit auoir faulſſé la promesse & s'estre ietté

du paray des rebelles.

Sa Maieſté monſtra tout plein de bonne affection audit Duc d'Espèrnon, l'ouïa dignement ſon courage, ſa prudence, & le ſoing qu'il auoit pris en la conduite de ſon armee deuant la Rochelle, & luy commanda de continuer ſon ſeruite en la meſme: à quoy le Duc d'Espèrnon, proteſta qu'il n'auoit fait que ſon deuoir, mais qu'il pouuoit aſſeurer ſa Maieſté, que ſi l'on donnoit auſſi bon ordre du coſté de la mer comme il feroit du coſté de la terre, il n'y auroit pas pour quatre mois de trauail au ſiege de la place: il receut auſſi nouueau commandement du Roy de leuer encore deux Regimés de gens de pied pour raffreſchir ſes troupes, ce qu'il exécuta auſſi toſt, en donnant la charge & commission pour ce faire à ſon fils le Marquis de la Valerre.

Sa Maieſté ne demeura que fort peu de iours à Poictiers, elle en partit le 13. Ianuier pour s'en aller à Tours.

Et ſe reſouenant des articles que luy auoient preſenté deuant Montauban, au mois d'Aouſt dernier, les Catholiques de Saumur par leurs Deputez enuoyez en Cour comme i'ay remarqué cy deſſus, ſe plaignant à ſa Maieſté des menaces publiques que ceux de la Religion pretendue dudit Saumur faiſoient à l'encontre d'eux, & au preiudice de ſon ſeruite, pour empeſcher leurs mauuais deſſeins, ſadite Maieſté outre les garniſons

1622.

*Le Roy approuue & loue les actions du Duc d'Espèrnon deuant la Rochelle.*

*Nouvelles garniſons enuoyees à Saumur.*

1622.

qu'elle y auoit laissees l'an passé, y enuoya encore le Regiment de Nauarre, auquel elle commanda expressement se loger dans la ville.

Après quelque seiour à Tours, où se firent les funeraillles du feu Connestable de Luy-nes, sa Maïeste's' aduance deuers Blois, & arriua à Orleans le Lundy 24. Ianuier, & le Vendredy vingt-huictiesme ensuiuant en sa bonne ville de Paris. L'entree que l'on luy fit en ceste sienne ville capitale, merite d'estre descrite en peu de mors.

*Preparatifs de  
Paris pour la  
reception du  
Roy.*

Ce iour parurent au deuant de sa Maïesté à vne demie lieue de la ville proche le village de Mont-rouge, enuiron douze milles hommes d'infanterie autant bien vestus & armez que l'on en puisse voir, aussi estoit-ce l'esslite de Paris, tous gens de bonne mine & bien faicts qui après quelque peu d'exercice pourroient effronter vn ennemy aussi fort & possible plus puissant.

L'ordre que tenoient les Colonelles au marcher fut tellement conduit, qu'il n'y eut aucun desordre tout le long du chemin. Elles furent toutes receuës & disposees en leur rang dans le champ de bataille par de vieux Capitaines de guerre, nourris aux exercices des guerres de France, d'Allemagne & d'Hollande : les seize Colonelles furent reduictes en six bataillons, qui paroissoient tellement gros & puissans que vous eussiez iugé qu'il y auoit là dedans



plus de vingt milles soldats.

Sa Maieſté qui auoit diſné au Bourg la royne, arriue en carroſſe aupres de ceſte armee, quitte le carroſſe & monte à cheual, elle entre dans le champ de bataille, admire la bonne mine de ceſte infanterie, paſſe de bataillon en autre, les viſire tous fix, & ayant pris vn grand contentement à voir l'ordre & les rangs d'vn chacun, s'achemine à cheual à Paris.

*Ordre de l'in-  
fanterie Parisi-  
sienne.*

Les Preuoſt des Marchands, & Eſcheuins de la ville avec leurs Archers & plus de trois cens bourgeois à cheual furent au deuant de ſa Maieſté en la plaine, où par vne briefue harangue que luy fit monsieur le Preſident de Meſmes Preuoſt des Marchands, teſmoigna à ſa Maieſté l'allegreſſe publique de ceſte ſienne bonne ville de Paris pour ſon heureux retour, apres tant de victoires & de Palmes que Dieu luy auoit donnees en ſon voyage.

Sur les remparts du Fauxbourg ſainct Iacques trente pieces d'Artillerie, avec vne quantité de bouëttes, ſalüerent ſa Maieſté avec vn bruiet ſi grand qu'il ſembloit que ce fuſt des grands coups de tonnerre & eclairs.

A la porte ſainct Iacques ſe preſentent les armes de ſa Maieſté à ſes yeux dans vn Tableau poſé au deſſus du Pont leuis d'icelle, pendant que là meſme vne douce & agreable muſique, chanta quelques motets ſur les

1622.

Entree de sa  
Maiesté dans  
Paris.

loüanges de ce victorieux Monarque.

Il entre dans Paris assisté de Monseigneur son frere vniue, de Messieurs les Princes de Condé, Comte de Soissons, Princes du sang, les Ducs de Cheureuse, de Vendosme, de Montbason, & vne infinité de Seigneurs & Gentilshommes.

Allegresses pu-  
bliques.

Le peuple infiny qui remplissoit les ruës, les boutiques & les fenestres accueillent sa Maiesté comme vne Diuinité Tutelaire du bonheur de la France, avec vn million de voix & de cris de *Vive le Roy*, iusques dans l'Eglise de Nostre Dame, où Messieurs les Cardinaux de Retz, & de la Rochefoucaut, & tout le Clergé reçurent sa Maiesté, & la conduirent au chœur y rendre graces à Dieu & à la Vierge de tant d'heureux succez qu'il auoit donnez à ses affaires, & de son retour fortuné dans sa ville capitale, sain & gaillard, victorieux d'une partie de ses rebelles ennemis. Toutes les compagnies Souueraines saluèrent sa Maiesté en ceste Eglise, où elles s'estoient renduës auparauant.

En cet ordre entra sa Maiesté dans Paris sur les quatre heures de releuee dudit iour. Et apres le *Te Deum laudamus* chanté avec les voix de musique, sa Maiesté s'en alla en carosse en son Louure par dessus le Pont de Nostre Dame, où il n'y auoit boutique ny fenestre iusques aux aduenuës dudit Louure, qui ne fust garnie d'un flambeau ardent & d'une infinité de Lanternes allumees. Mais

sur tout d'une incroyable multitude de peuple.

1622.

Pendant que le Roy reprend quelque repos, les chefs que sa Maieſté auoit laissez en diuers lieux pour destruire ou empescher les desseins des rebelles, trauaillent incessamment pour son seruice.

Le sieur de Montbrun qui se rendoit difficile aux commandemens du Roy, a de la peine à quitter les armes que l'assemblée des rebelles luy auoit fait prendre en Dauphiné.

*Adios du sieur de Montbrun en Dauphiné.*

Les maux que firent plusieurs rebelles sous son adueu & sous le pretexte de son armement, sont si grands & si hors de raison qu'il n'est pas possible de le dire: Le Dauphiné sert de Theatre où s'exercent ces jeux & les actes de ceste tragedie à la foule des pauures Catholiques, & de ceux qui ne vouloient souscrire n'y contribuer à la rebellion.

On pille les Eglises, on despend les cloches des Tours & des Clochers pour fondre des canons, on pille, on rançonne les marchâds, on force les chasteaux & maisons fortes des nobles, on y exerce mille sortes d'inhumanitez, on se saisit entr'autres des lieux & chasteaux de Molans, Raillanette, Puigeron, la Baulme, Cornillane; on fortifie les places & chasteaux de Chasteau-neuf, de Mazene, Poet-Lauat, Roc de Crupies, & le Pillon en Dyois, & protestent lesdits rebelles avec ledit sieur de Montbrun ne quitter aucunement les armes, ny cesser ces actes

*Exploits des rebelles en Dauphiné.*



1622,

d'hostilité, que l'on ne leur aye remis en liberté, le Comte de la Suze & autres rebelles prisonniers à Grenoble, menaçans en outre de brusler & ruiner tout en cas de plus longue retention de leurs personnes.

*Le Roy y en-  
uoye le Duc de  
l'Esclignieres à  
la sortie de  
Montauban.*

Ces actes barbares commencerent à s'exercer en Dauphiné, pendant mesme que le Roy estoit encore au siege de Montauban, ce qui rendoit le commerce de Lyon grandement inutile, & les chemins & passages merueilleusement suspects, sans qu'il y eust aucun en la Prouince assez puissant pour arrester le cours d'une si prodigieuse licence de mal faire.

*Contraint les  
rebelles à se re-  
tirer.*

Ce qui obligea sa Maiesté apres ledict siege de Montauban de renuoyer en Dauphiné le Duc de l'Esclignieres croyant assez que la presence de ce Chef, qui a toujours maintenu le repos de ceste Prouince dans le seruice du Roy, estant retourné sur les lieux où il commande, pourra aisément dissiper tout ce trouble, y reestabli la paix, ramener les plus determinez au deuoir par son pouuoir, & contraindre les plus authorisez en ce party rebelle, à quitter les armes & se retirer en leurs maisons.

Ledict Duc par commandement du Roy s'achemine donc en Dauphiné en Nouembre dernier, commande au sieur de Montbrun de poser bas les armes, si mieux il n'ayme s'y voir contrainct par les armes du Roy.

qu'il fera porter contre luy : ledit sieur opiniastre qui trouue l'obeissance de mauuaise digestion à son humeur, ne s'y resout pas du premier commandement, mais comme il voit que ledit Duc de l'Esdiguières assemble des troupes pour l'aller trouuer, & que sans esgard ny respect de parentage, il veut que le Roy soit obey, il est contrainct de se retirer & licentier ses troupes.

Quant aux Eglises pretenduës du Dauphiné d'or quelques vnes auoient authorisé ce trouble & ceste rebellion, elles s'assemblerent toutes à la ville de Dye, où d'un commun consentement elles desaduouïerent la desobeyssance des autres Eglises rebelles du Royaume, protesterent n'adherer aux Conseils, ny aux resolutions funestes de l'assemblée de la Rochelle, ains se voulans maintenir en leur deuoir, enuoyerent audit sieur Duc de l'Esdiguières, leurs protestations d'obeissance & de fidelité au seruice du Roy, par gens par eux deputez à Grenoble à cet effect.

*Assemblée des  
pretendus du  
Dauphiné à  
Dye.  
Leur protestation.*

Ce que voyant ledit sieur Duc de l'Esdiguières, que tout le General de la Prouince se soumettoit à l'obeissance du Roy, en quittant le party des rebelles, & que neantmoins il y auoit encores quelques particuliers qui ne vouloient quitter les places & lieux desquels ils s'estoient saisis pendant ce dernier trouble, restituer les choses prises, ny mettre en liberré sans rançon les

personnes qu'ils detenoient prisonniers en des chasteaux & maisons fortes, fit publier contr'eux la subsequente ordonnance de paix pour toute la Prouince du Dauphiné avec inuention ausdits particuliers de vuides desdits lieux occupez, relascher les prisonniers sans rançon & restituer les choses prises qui estoient encore en nature, afin de reestabli la paix en ladite Prouince: voicy la teneur de ladite ordonnance dudit sieur Duc del'Esdiguieres, publiee le neufiesme Ianuier 1622.

*Ordonnance de  
paix en Dau-  
phiné, par le  
Duc de l'Esdigui-  
eres.*

Ayant soigneusement trauaillé, depuis nostre retour en ceste Prouince, à y reestabli l'auctorité du Roy, & faisant cesser les desordres arriuez en icelle par le souleuement de plusieurs gens de guerre que nous y auons trouué sur pied, redonner la paix à ses subiects; Apres auoir ouy les deputez de ceux de la Religión, assemblez à Dye, sur toutes leurs remonstrances; & receu les protestations qu'ils nous ont faiçtes d'obeyssance & fidelité au seruice du Roy, sans adherer à aucuns desseins ou intelligences au preiudice de sa Maieité & bien de son Estat; scachâs que l'intention de sadiçte Majesté est de faire iouyr du benefice de ses Edicts tous ceux qui se rendent dignes de sa grace. Nous auons ordonné & ordonnons à tous Chefs & Capitaines de gens de guerre, tât de pied que de cheual, Gouverneurs des places & chasteaux, & tous autres de ladite Religion



qu'il appartiendra, chacun endroit soy, de congédier & licentier prôprement, & (pour le plus tard) dans huit iours apres la datte des presentes, toutes les troupes qu'ils auroient cy deuant mises sur pied; ausquelles nous enioignons de se retirer en leurs maisons, sans porter aucune surcharge au peuple, passé ledict delay, ny faire, dès à present, aucun acte d'hostilité, ou exaction d'aucune imposition tant en denrees que deniers ou metal, à peine de la vie: Avec commandement aux Capitaines, Receueurs & leurs commis, chacun en ce qu'il concerne, d'y prendre garde, à peine d'en respondre en leur propre & priué nom. Ordonnons que tous ceux qui ont esté faits prisonniers par eux, sous quelque pretexte que ce soit, seront mis en liberté dans ledit delay, sans payer aucune rançon, ny qu'ils puissent estre retenus pour leur despenſe, laquelle sera par nous taxee apres leur eslargissement. Seront aussi les cloches des Eglises qui se trouueront en nature, renduës; & que les lieux & chasteaux de Molans, Raillanette, Puigeron, la Baulme, Cornillane, serôt rendus es mains & au pouuoir des proprietaires d'iceux, en l'estat qu'ils sont à present; à la charge toutes fois, que les nouuelles fortifications qui pourroient auoir esté faites depuis la prise desdits lieux & chasteaux, seront desmolies, ensemble celles de Chasteau-neuf, de Mazenc, Poët-laval, Roc de Crupies, & le Pil-

1622.

lon, en Dyois; Entendant qu'il soit com-  
mencé à proceder à ladicte demolition par  
les Commissaires qui seront par nous à cest  
effect deputez dès le iour de la signification  
de la presente Ordonnance, pour y estre tra-  
uailié sans interruption: Et rendans ceste o-  
beyssance, ils ne pourront estre recherchez  
ny inquiettez pour les choses faictes & ad-  
uenues en suite dudit souleuement; lesquel-  
les demeureront esteintes & assouppies,  
comme non aduenies; & lesdits Chefs, Ca-  
pitaines, Gouverneurs, gens de guerre, &  
tous autres qui leur ont assisté, en corps de  
communauté & en particulier de ladicte  
Prouince ou circonuoisines, Catholiques,  
leurs biens & familles sont mis en la prote-  
ction & sauuegarde du Roy & la nostre:  
Faisant tres-expresses inhibitions & deffen-  
ses à toutes personnes, de quelque estat &  
qualité qu'elles soient de rien entrepren-  
dre ou faire contre leurs personnes & biens,  
sous pretexte de Iustice, ou autrement,  
nonobstant tous Decrets & Iugemens qui  
pourroient auoir esté faicts au contraire, &  
notamment contre le sieur de Marandon  
de Baumes, lesquels demeureront sans ef-  
fect: ains, au contraire, est enioin& de les  
laisser paisibles en leurs maisons & en la pos-  
session de leurs biens, charges & honneurs,  
avec faculté d'aller, venir, & seiourner li-  
brement par tous les lieux & endroicts où  
le bien de leurs affaires le requerra; le tout

Sous peine de desobeyssance & punition exemplaire, souz le bon plaisir de sa Maieité, laquelle sera tres humblement suppliee de leur accorder ses lettres de Declaration necessaire pour leur seureté. Et à fin que nul n'en pretende cause d'ignorance, sera la presente publiee par tous les Bailliages, Seneschauſſees, & Sieges Royaux de ceste Prouince, à iour d'Audience, & les coppies d'icelle affichees és lieux publics par tout où il appartiendra, à la diligence des Officiers de sa Maieité. Fait à Grenoble le neufiesme de Ianuier, 1622.

Signé,

L'ESDIGVIERES.

Par Mondict Seigneur. BREMOND.

Sa Maieité arriuee à Paris le Vendredy 28. Ianuier comme dit est, le Dimanche ensuyuant elle conferra au fils du Connestable defunct le Gouvernement de la ville & citadelle d'Amiens, souz la Lieutenance du Marechal de Cadener.

Pour Amboise, elle y pourueut d'un autre Gouverneur, changea le Gouverneur & la garnison de Calais & Boulogne, mir dans Calais le sieur de Palaiseau ancien seruireur de ceste Couronne, la fidelité duquel merite bien que le Roy luy confie vne place de si grande importance.

Dans la Fere elle y met le sieur de Beaumont qui estoit à Quillibœuf, & donne le Gouvernement de ladicte ville &

1622.

*Gouvernement  
d'Amiens redus  
au fils du feu  
Connestable de  
Luyres.*

*Gouverneurs  
des places où il  
commandoit  
changez par le  
Roy.*



1622.

chasteau de Meulan à monsieur le Comte de la Roche-Guyon apres l'auoir retiré des mains du sieur d'Esplend.

Ainsi apres la mort du Connestable il y eut de grands changemens aux places qu'il tenoit.

*Rebellion de  
Borniquet en  
Quercy.*

Le long de ce premier mois de l'annee les rebelles respendus par les places de la Guyenne, se iertent vne partie dans la ville du Borniquet, petite place dans le Quercy, foible & sans resistance: les habitans la plupart de la Religion pretenduë se laisserent aisement surprendre, & n'y eut que le chasteau qui fit quelque deffence: mais de peu d'effect, car incontinent apres il se rendit entre les mains de ceux qui estoient ja Maistres de la ville.

*Remedier par  
le Duc d'An-  
goulesme qui  
contraint les re-  
belles d'en sor-  
tir.*

Le Duc d'Angoulesme & Marechal de Themines, ayans eu aduis de la prise & rebellion de ceste place, qui pouuoit causer de grandes incommoditez au pays, prirent resolution de la reprendre, & la vont assieger avec vne partie de leurs troupes, y font conduire le canon, la battēt quelques iours, & la bloquent de telle façon qu'elle ne peut estre secouruë de personnes. Ce que voyant les ennemis qui estoient dedans, & qui l'auoient euë en leur possession l'espace de plus de trois sepmaines, demandēt composition honorable qui leur fut accordee par ledict sieur Duc d'Angoulesme, le Samedi 22. Iāuier, sçauoir qu'ils sortiroient armes & bagage sauue, la mesche allumee, le tambour

battant & la balle en bouche, ce qui fut executé le lendemain Dimanche vingt-troisiesme dudit mois.

Ce mesme iour Dimanche vingt-troisiesme Ianuier, vn autre exploit de guerre fut fait, aupres de Montauban par monsieur le Marquis d'Ambre neveu de feu monsieur le Cardinal de Loyeuse, en ceste sorte.

Enuiron trois cens soldats qui estoient en garnison en la vieille ville de Montauban se vouloient retirer avec leurs armes & bagages, pour ne pouuoir subsister là dedans parmy la faim & la peste, & pour s'eschapper en Languedoc ou à Castres par la riuere du Gout marcherent à la faueur de la brune iusques dans vn bois proche de Montauban où ils firent leur premier giste, craignant que prenans la campagne, ils ne fussent descouuerts par les gens du Roy qui sont ez enuiron.

Lors le froid extresme qui regnoit durât ces iours là, les forcent de faire quelques feux là dedans pour se chauffer, ne leur estât pas possible de subsister autrement à la rigueur du temps. Ces feux sont recogneuz & aduisez par quelques payfans, quis'estans approchez de prez, & ayans apperceu que c'estoient des troupes qui estoient sorties de Montauban, courent aussi tost en donner aduis à monsieur le Marquis d'Ambre qui estoit à Lauaur, petire bourgade du pays d'Albigeois, faisant vne mascarade avec ses amis,

*Deffaitte d'un  
conuoy de Mon-  
tauban par le  
Marquis  
d'Ambre.*

1622.

*Nombre des  
morts & pri-  
sonniers.*

selon que la saison des iours gras le requeroit: à l'instant ledit sieur Marquis d'Ambre laissant sa masquarade imparfaicte, fai& assembler ses amis, fai& prendre les armes aux habitans de Lauaur, & des lieux plus proches: fai& equipper chacun le mieux qu'il peut de mousquets, harquebuses, hallebardes, espieux, fleaux de grange, espees & autres bastons, iusques au nombre d'environ cinq cens hommes, desquels il en enuoye vne partie au bout du Pont pour empescher ce canô de passer la riuiera du Gour, comme ils esperoient faire, pendant que luy avec le reste de ses gens va attaquer lesdites troupes rebelles renfermees dans vn bois, à demy morts de froid, lesquelles il charge & deffait avec tant de bonheur, que de trois cens qu'ils estoient, il n'en resta de vifs que quarante ou enuiron que l'on prit prisonniers, dont le moindre offroit pour sa rançon hui& ou dix milles francs, & fut conquis en la vailleu du bagage qu'ils trouuerent sur des charrettes, la vailleu de plus de cent milles francs, & est chose estrange, que le froid les auoit tellement engourdis que l'on trouuoit le lendemain les soldats morts sur la terre, qui auoi& la main à leurs espees comme n'ayans eu la force de les tirer hors du fourreau, tant ils auoient les mains & les membres empeschez par le froid, & ne s'en sauua aucun qui ne fust ou tué ou prisonnier.



Il y a ja quelque temps que le vieil Marquis de la Force qui estoit l'un des Chefs de ceste rebellion de Montauban se retira de là & s'alla jeter dans sainte Foy, quand il vid que le Roy auoit quitté la Guyenne, & par le moyend'un bon renfort de soldats qu'il fit entrer là dedans, & maintenoit la rebellio de la place, & faisoit de grands degasts au pays. Ce qui obligea monsieur le Duc d'Elbœuf Gouverneur de Guyenne d'y donner quelque ordre pour empescher ce ravage, ce qu'il fit aux despens desdits rebelles en ceste sorte.

*Retraicte du  
sieur de la Force  
de Montauban  
à sainte Foy.*

Après donc que monsieur le Duc d'Elbœuf se fut saisi de Duras, ville huguenotte, & qu'il y eut mis neuf compagnies du Regiment de Piedmont pour s'en asseurer pour le Roy, ledict Seigneur se retira à Mosegut, où on luy donna aussi tost aduis que toutes les troupes du Marquis de la Force qui estoient à sainte Foy, auoient passé la riuere de Dordogne pour aller ravager le pays d'entre ladicte riuere de Dordogne & la riuere de l'Isle: mondit Seigneur le Duc estant contrainct de laisser les Regimens de Riberaç & de Grignaux en garnison pour se rafraeschir vn peu, d'autant qu'ils estoient fatiguez, las & recrues, partit de Mosegut avec le reste du Regiment de Piedmont & celui de la Doule qui estoit de cinq compagnies, & cinq compagnies de cheuaux legers.

*Victoire contre  
le Marquis de  
la Force par le  
Duc d'Elbœuf.  
Duras pris par  
le Duc d'El-  
bœuf.*

*Ravage fait  
par le Marquis  
de la Force.*

qu'il auoit avec luy, & s'achemina droit à Bergerac où il esperoit trouuer le Regiment de monsieur de Bordeilles & celuy du Comte de Cursion, ce qu'il ne fit pas.

Mais cinq iours apres ledit sieur de Bordeilles arriva avec sondit Regiment composé de dix compagnies, faisant le tout environ neufcens hommes, audit Bergerac.

*Secours du Duc  
d'Elbœuf à Ber-  
gerac.*

Pendant ce seiour que ledit Seigneur Duc d'Elbœuf fit à Bergerac, qui fut de quinze iours, lesquels il employa à faire monter quelques pieces de canon qui estoient là dedans, il y eut nombre de plaintes qui arriuerent sur les actes d'hostilité qui se commettoient au pays par quelques troupes qui faisoient leur retraicte en la maison de la Force, appartenant audit Marquis de la Force, & de laquelle il porte & retient le nom.

Sur ces aduis, se tiennent quelques discours pour assieger ladicte maison de la Force.

*Le Marquis de  
la Force veut  
deffendre sa  
maison.*

Ledit sieur Marquis de la Force oyant le bruit qu'on vouloit forcer sa maison, publie & se vent qu'il se vouloit mettre en estat de la deffendre l'espee à vne main & le feu à l'autre, pour brusler ceux qui presumeroient fauoriser l'entreprise, & executer ce dessein.

Cela toucha vn peu l'esprit dudit sieur Duc d'Elbœuf, & se resolut de voir si ledit Marquis de la Force seroit homme de courage & de promesse pour empescher l'effect de l'entreprise,

reprise, & là dessus se delibera d'aller assie-  
ger ladite maison.

Sur ceste resolution il enuoye chercher  
tous ses amis qu'il peut trouuer à propos,  
fait commandement au reste de ses trouppes  
de le venir trouuer, ioinct avec luy six  
compagnies du Regimēt du Comte de Cur-  
son, & cinq autres compagnies du Regimēt  
du Marquis de Loson, le sieur de Ramburge  
luy donne assistance de trois cens hommes  
de son Regiment: il fait venir cinq cens ho-  
mes du Regiment de Piedmont, toutes les-  
quelles troupes faisans ensemble enuiron  
trois mil hommes de pied, avec sa cauallerie  
& autres troupes de cauallerie de ses amis,  
le tout faisant enuiron trois cens cheuaux.

Ledit Duc avec son armee estant party  
de Bergerac s'en alla assieger ladite maison  
de la Force qui estoit la retraicte des enne-  
mis du Roy, & arriua deuant la place le Vé-  
dredy 28. Ianuier, & le Samedy & Diman-  
che ensuiuant fit battre ladicte maison à  
coups de canon.

Ledit iour de Dimanche trentiesme du-  
dit mois après Soleil couché & le iour clos,  
le Marquis de la Force parut avec cinquante  
cheuaux & deux cens hommes de pied, qui  
auoient passé à la faueur d'un ruisseau qui  
passe à vn petit village appellé Brun', pour  
donner seulement quelque ialousie audit  
seigneur Duc, & se retira aussi tost dans le  
gros de ses troupes, sans aduancer dauantage.

1622.

*Le Duc la va  
assieger.*

*La fait battre.*

*Le Marquis de  
la Force parut,  
mais se retira.*



1622.

*Le Duc d'El-  
beauf va au de-  
uant de luy.*

Ledit Duc considerant le chemin que le Marquis de la Force & ses trouppes pouuoient & vouloient tenir, se resolut de leur aller au deuant, quitta le champ de bataille où il estoit, pour les aller combattre dans la plaine, dans laquelle prenant vn autre champ, il les attendit courageusement avec l'ordre de ses gens brauement disposez, où il se vit assisté de Messieurs de Bordeilles, le Comte de Loson, du Comte de Curson, tous Mareschaux de Camp, & dudit sieur de Ramburges, & prit dessein d'aller en personne au deuant des ennemis pour les combattre, ce qu'il fit avec vn bel ordre & vne grande prudence, monstrant en cela la grandeur de son courage qu'il a pour le seruice du Roy contre ses ennemis rebelles, mesme fait venir tout le canon qui estoit au champ de bataille, & laissa seulement sur la colline le Regiment du sieur de Bordeilles, & la compagnie du sieur de Seignan, pour donner ialousie aux ennemis de ce costé là.

*Ennemis viennent au combat*

Sur les trois à quatre heures apres minuit, les ennemis paroissent, & apres auoir chanté quelques Pleaumes à l'ouye de nostre armee, viennent & se presentent au combat, & attaquent d'abord les Regimens dudit sieur de Ramburges & de Piedmont, qui soustindrent courageusement l'effort des ennemis, & se com-

portèrent en gens de bien. Leur caualerie s'aduança à la portee de nostre canon, qui tira sur eux quelque huit ou dix volées avec dommage, apres quoy elle disparut à la faueur de la nuit, & du broüillard qui estoit fort grand.

Leur Infanterie demeura au combat, iusques à ce que ledict sieur de Bordeilles venant à descendre avec son Regiment de la colline où il estoit de reserve, les vint charger en flanc, & delà ne faisant que reculer on les chassa & repoussa, tant à coups de canon qu'à coups de main, iusques audiect village de Brun, & au ruisseau qui le touche, & en demeura des leurs iusques à deux cens cinquante sur la place.

Ledict sieur Marquis de la Force, se voyant si furieusement traité, fut contrainct de se retirer le mieux qu'il peut, & laissa le champ de bataille à Monseigneur le Duc, qui triompha galemment en ceste action des rebelles & ennemis du Roy.

Le combat finy, lesdits sieur de Bordeilles Gouverneur de la Prouince, & beaucoup de Seigneurs & Gentils-hommes qui ont leurs maisons proche sainte Foy, supplient mondict sieur le Duc de se contenter de l'aduantage qu'il auoit d'auoir battu & defaict ses ennemis, & que la maison de la Force qui menaçoit de

1622.

*Leur caualerie  
rompue par le  
canon du Duc.*

*Infanterie en-  
nemie deffaitte.*

*Retraicte du  
Marquis de la  
Force.*

ruiner toutes les autres, demeurast en sa neutralité, où ledit sieur de Bordeilles se promettoit la mettre: lequel apres auoir eu assurance du Marquis de la Force, que nul homme de guerre n'y auroit iamais retraicte, en donna pareille assurance audit Seigneur Duc d'Elbœuf, & de là le camp se retira à Bergerac.

Toutes ces pertes & defaictes ne rendent pourtant point plus sages & aduisez les rebelles, mais plustost la fureur qui les auengle & transporte, porte leurs esprits & leurs mains à executer tout ce qu'ils se peuuent imaginer de cruel & barbare sur les Catholiques & bons subiects du Roy.

*Saciement  
des Eglises à  
Nismes.*

*à Vsez.*

Dans Nismes, comme ils tiennent les Catholiques desarmez, aussi ne peuuent ils que soupirer en leur particulier, les execrables impietez que ces sacrileges & iconomaches commentent ez Temples & Eglises consacrees au culte & au seruice de Dieu: il n'y a lieu pour saint & sacré y soit il, qu'ils n'ayent fait passer par le feu: dans tout l'Euesché dudit Nismes & d'Vsez, voire en tout le Diocese de Môtpellier, ils n'ont laissé Eglise ny Chappelle sur pied, tout a passé par les flammes à la veuë des vrayz seruiteurs de Dieu & du Roy: spectacle horrible deuant Dieu, les Anges & les hommes qui fremissent pour ces Antioques & Heliodores profanes, que la Iustice du Ciel ne descende sur eux pour les abyssmer, & que la terre ne



ouvre pour les engloutir.

De Montpellier nous auons aduis au commencement de Februrier comme les rebelles insolens renfermez là dedans avec vne forte garnison de soldats venus & descendus des Guiennes, ont desarmé les Catholiques, persecuté & gourmandé les gens d'honneur & de qualité, emprisonné les habitans qui auoient quelque peu de respect au seruice du Roy, dict, escrit, & proferé parolles dignes de toute sorte de supplice contre l'honneur & pure intention de sa Maiesté, outragé les officiers & anciés seruiteurs qui y ont voulu maintenir son autorité, contraint les Catholiques de contribuer aux fortifications nouvelles, voire iusques aux femmes Catholiques qu'ils ont fait aller travailler aux murailles, porter pierres, terres, gasons & autres materiaux, pires que les esclaves Hebreuses entre les mains des cruels Egyptiens.

Mais leurs excez ne se sont pas arrestez seulement à ces actes, l'insolence & impieté de ceste populace rebelle, composée de meue racaille, a bien passé outre : ils ont proferé mille sortes d'execrations contre l'honneur & la reputation de monsieur de Chastillon, Seigneur, que la raison & le remord de consciéce ont ramené au seruice du Roy, & qui pour viure en repos, & n'estre coulable des actes & cruautéz qui se commencent à Montpellier, & dans Nismes, s'est re-

1622.

à Montpellier.

Calomnies contre le sieur de Chastillon.

tiré dans Aiguemorte, sans se mesler des armes ny des affaires des Eglises rebelles.

Ce que voyans ceux de Montpellier, stimulez d'une rage extrême de se voir priuez de l'assistance dudit sieur de Chastillon, sur le courage & la valeur duquel ils pretendoient maintenir leur reuolte & se couvrir des armes du Roy, de depit qu'ils ont eu de sa resolution & de sa fidelité protestee à sa Maiesté, ils ont retenu sa grand' mere & son fils aisné, avec menaces de les faire patir & payer la perfidie du pere, qui a quitté le party des rebelles, & laissé ceste ville à ses propres conseils.

*Bruslent le Con-  
uent des Cordé-  
liers & des Ca-  
pucins.*

Ils n'ont si tost appris le chastiement de la rebellion de Monheur, & le rasement de la place, pour marque eternelle de la perfidie, & desloyauté de ses habitans, que par vne forme de vengeance la plus execrable qu'il soit, ils se sont mis à desmolir les Eglises dudit Montpellier, ont bruslé le Conuent des Cordeliers, pillé & ruiné de fond en comble celuy des Peres Capucins, outragé & forcé lesdits Peres, lesquels apres la ruine & desolation de leur pauvre Monastere, ils ont emprisonnez & retenus captifs en la maison d'un huguenot, où de present ils souffrent pour leur deliurance, ou pour le martyre qu'ils apprehendent receuoir de la main de ces tyrans, si leur rage vient à faire des excez plus violents. Ils ont abbattu la belle & grande Eglise de saint Mathieu.

l'une des belles pieces de la ville, & l'ayant reduite rez près de terre, se sont seruis des pierres & autres desmolitions de ce Temple sacré, pour la construction de dix grands bastions royaux qu'ils ont fait faire de nouveau pour la deffence de la place: & montrans par là la hayne qu'ils ont contre Dieu & ses Temples, ils ont encore tesmoigné celle qu'ils portent à leur Roy, quand par vne grande insolence & temerité ils ont entré dans le jardin du Roy, lequel au grand desplaisir de ses bons seruiteurs, ils ont entierement ruiné, gasté, & destraciné, arbres, plantes, & tout ce qu'il y auoit de beau & de rare: Ce jardin, qui auoit esté cultiué avec tant de soing & de curiosité, & qui estoit entretenu avec tant de fraiz & despence, estoit le lieu le plus agreable de la France, pour la rareté des plantes qui y ont esté apportees des Indes, & des pays plus Orientaux, tant pour la medecine que pour la beauté & ornement du lieu & des beaux carreaux, & parterres qui y sont: tout y a esté destraciné, renuersé, & rompu par l'insolence de ces rebelles, qui en dix milles manieres & façons, se sont rendus à iamais indignes des graces & misericordes de sa Majesté.

Depuis quelque temps, ils ont accueilly là dedans le Duc de Rohan; ils l'ont esté receuoir iusques aupres de Nismes, luy ont

1622.

*Ruine de l'Eglise de saint Mathieu de Montpellier.*

*Degast au jardin du Roy par les rebelles.*

*Le Duc de Rohan y a fait son entre.*



faict vne entree magnifique comme à vn Roy, les honneurs luy ont esté faicts comme au chef general de toutes les eglises associees au party des rebelles, mais il n'y a demeuré que bien peu de temps.

Là dedans commande le sieur de la Pessiere au lieu de monsieur de Chastillon, il entretient le peuple en la bonne opinion qu'il ont de se pouuoir maintenir en la possession de ceste place contre les armes du Roy: mais ceste ville est trop commandee pour resister longuement à vn siege formé; le peuple y est diuisé, & leur cruauté si prodigieuse fera qu'ils ne pourront pas long temps subsister sans sedition intestine.

Nous apprenons depuis peu de iours que desia tous les passages & lieux circonuoisins sont prins & occupez par les troupes de monsieur de Montmorency, que les sieurs Marquis de Portes & de Perrault, tiennent la ville comme inuestie & bloquee de toutes parts: cela estant, ils se voyent à la veille d'un siege, qui les mettra bien au delà de leurs desseins, quoy qu'il y ait là dedans vne garnison de plus de douze cens hommes: nous en apprendrons le succez.

Or si à Montpellier on commet ces actions si barbares, à la Rochelle les rebelles qui y sont assemblez, n'ont pas meilleure volonté de bien faire.

Les troupes qu'ils ont faict jeter dans royan sous la charge du sieur de Soubise,

*Elle est inuestie  
par monsieur  
de Montmo-  
rency.*

*vingt-cinq  
mille hommes.*

ont surpris le sieur de Humieres premier  
Gentilhomme de la chambre du Roy, lequel  
ils ont mis à cent milles liures de rançon. Ce  
que voyant le Parlement de Bordeaux a don-  
né Arrest par lequel il enjoinct se saisir de  
tous les chasteaux, places & maisons fortes  
appartenantes à qui que ce soit desdits re-  
belles enfermez dans la Rochelle, ou autres  
places reuoltees cõtre sa Maieité, avec char-  
ges aux communes de leur courir sus, & les  
tailler en pieces : Toutesfois on a eu aduis  
qu'ils ont relasché ledit sieur de Humieres  
sur sa foy.

A Vezine, petite bicoque de la Religion  
pretenduë en Anjou, qui s'estoit reduicte à  
l'obeyssance de sa Maieité, l'an passe sans au-  
cunë force, à raison de quoy sadite Maieité  
n'y fit aucun changement; avoulu faire mine  
de se reuolter, & celuy que le Roy y laissa, es-  
toit en resolution d'y faire valoir les com-  
mandemens de la rochelle : mais le Duc de  
Vendosme en ayant eu aduis & receu com-  
mandement du Roy pour faire assieger la  
place, s'est approché avec quelques troup-  
pes, a fait sortir de Saumur quelques canõs  
& munitions, ce que voyant celuy qui com-  
mandoit là dedans, & qu'il se perdroit de  
soustenir sans secours en vne place de si le-  
gere deffence, a esté contrainct de la rendre  
& sortir d'icelle avec ceux de sa faction, qui  
on fait place nette aux gens du Roy, entre  
les mains duquel elle s'est reduicte.

1622.

*Prise du sieur  
de Humieres à  
Royan.*

*Reuolte de Ve-  
zine en Anjou.*

*Contrainte  
d'obeyr.*

*Deffaite du  
sieur de saint  
Luc par le sieur  
de Soubise.*

Cependant le sieur de Soubise qui à entrée libre au pays de Xaintonge, par la prise de Royan, à fait de grands degasts en la Prouince, & s'estant aduancé avec ses troupes iusques aupres de Broüage, le sieur de saint Luc qui commande là dedans pour le Roy, luy vient au deuant avec le Regiment de Champagne, mais ne croyant pas trouuer ledit sieur de Soubise si bien assisté qu'il estoit contraint d'entrer en combat, y à perdu vne grande partie dudit Regiment, dont ceux de la Rochelle ont fait de grands feux de joye; Ceste perte qui arriva le Vendredy 28. Iannier, & rapportee au Roy le second de Feburier dans Paris, fut cause que le lendemain au matin au conseil fut resolu le siege de la rochelle.

*Vaisseaux de S.  
Malo mandez.*

En consequence dudit siege le Roy mande à ceux de S. Malo que l'on tienne prests tous les Nauires de guerre, qui sont au havre dudit saint Malo pour estre conduicts deuant la Rochelle, lors que sa maiesté commanderait de mettre le voile au vent.

*Nauires arrestez  
par la Bre-  
tagne.*

Mesme commandement se fait par tous les ports & havres de Breraigne de retenir les nauires, & les matelots Bretons, & n'en laisser sortir aucun que pour le service de sa Maiesté, la pluspart desquels se voyent maintenant au port de Blauet où se forme l'armee nauale pour bloquer la Rochelle.

Cependant les Rochelois ayans fait la diuision de leurs troupes en deux departe-



mens, l'un pour la mer & l'autre pour la terre, où ils se peuvent facilement jeter par l'ouverture que leur en donne Rôyan : pour la mer ils ont neuf navires de guerre, & plusieurs autres vaisseaux, avec lesquels courans & allans ça & là pirater sur l'Océan, se sont saisis de toutes les Isles voisines des costes de Xaintonge & d'Aulnix : & pour la terre ils viennent iusques aux portes de Broüage avec deux milles hommes de pied, & cinq cés cheuaux conduits par ledit sieur de Soubise, qui ont donné telle jalousie aux troupes de monsieur d'Espèrnon, qu'elles se sont retirées des quartiers plus proches de leurs murs, craignans quelques surprises tant dudit sieur de Soubise, que du costé de la ville, & n'ont pas plustost quitté les quartiers de la Jarrie & de Croix Chapeau, où estoit logé ledit sieur Duc d'Espèrnon pour se retirer auprès de Sargerès, que les ennemis sont sortis & y ont tout bruslé.

Du depuis le Marquis de la Valette, par commandement du Roy, est arrivé deuant la place avec deux beaux Regimens de renfort, au moyen desquels ledit sieur Duc d'Espèrnon est retourné bloquer la Rochelle plus estroitement que deuant.

En ce temps le sieur de Monfigot cy-deuant Secrétaire du feu sieur Connestable de Luynes se trouue recherché pour quelques affaires par luy manées du vivant dudit feu sieur Connestable : quand il estoit en exerci-

*Le sieur de Monfigot dégradé de sa charge.*

1622.

ce de ceste charge il s'estoit fait pourueoir d'un Estat de Secrétaire des camps & armées de sa Maïesté, charge nouuelle & qui portoit preiudice à celle des Secretaires d'Estat, auxquels il appartient particulièrement quand ils s'ont en charge aux armées d'expedier toutes despesches, toutes sortes de graces & compositions, recenoir sermens & protestations, signer congez & commissions, & autres affaires de guerre & d'Estat, toutes lesquelles neantmoins estoient mandees & expediees par ledict monsigor en l'exercice de ceste charge. de laquelle on remonstra l'importance à sa Maïesté, & le tort que cela faisoit à la dignité de ses Secretaires d'Estat: ce que ayant esté meurement considéré au Conseil, sa Maïesté trouua fort à propos de faire supprimer ledit Estat de Secrétaire des camps & armées, comme charge subreptiuement introduicte, & par surprise, ce qui fut verifié à la chambre des Compres à Paris.

*On poursuit  
contre luy.*

Ledit Monsigot n'en demeura pas là, les poursuites que l'on luy fit furent bien plus grandes: on nomme deux Maîtres des Requestes pour instruire son proces, le sieur de Machault & encore vn autre: ledict sieur de Machault comme Commissaire député en ceste partie, decrete contre luy, le decret de prise de corps est deliuré au sieur De fontis Lieutenant Criminel de robbe courte, auquel la capture de sa personne est enioincte.

Le Dimanche 30. Ianuier le va trouver en son logis assisté de quelques Archers, luy communiqué le decret, & le faisant entrer en son carosse le constitué prisonnier ez prisons du Fort l'Euesque.

*Son emprisonnement.*

Estant prisonnier, plusieurs de ses amis se mettent en peine pour solliciter sa deliurée, comme Secrétaire de la maison & Couronne de France qui ont leurs causes commises au Parlement, presentent sa requeste à la Cour pour y euoquer la cause: la Cour auant que de respondre la Requeste entre en Conseil, & opine sur l'importance de l'affaire, & demeure quelques iours en surseance, au bout desquels, suit vn Arrest par lequel elle reuoke à soy ladite cause, & commande à sainte Boeume Huissier en ladicte Cour de l'aller signifier audi& sieur de Machault; l'affaire demeuree en cet Estat, les amis cependant qu'il a en Cour travaillent pour luy obtenir les lettres d'abolition qu'il attend de sa Maiesté.

*Presente sa Requeste à la Cour.*

*Sollicite son abolition.*

Nous apprenons d'ailleurs que monsieur de Parabelle ayant demandé congé & permission à sa Maiesté lors que dernièrement elle passa par Poictiers, d'aller à la Rochelle, y fut & traicta quelques iours avec les principaux de l'assemblée des rebelles, voulant de son mouuement rechercher les moyens de les retirer du crime de rebellion, auquel ils s'estoient engagez, & les attirer à l'obeissance pour se garantir des armes du Roy; &

*Le sieur de Parabelle va à la Rochelle.*



*Conversion du-  
dit sieur de  
à la foy Catho-  
lique.*

comme il fut de retour à Niort, voulant rendre raison à sa Maïesté de ce qu'il auoit esté faire à la Rochelle, & de ce qu'il y auoit negotié: enuoya en Cour son gendre le sieur de Gouverneur de Chastelleraud, lequel apres auoir presenté à sa Maïesté les lettres de son beau-pere, & dit ce dont il l'auoit chargé de représenter; apres son retour de Paris, trouua occasion à propos de se laisser gouverner par les Peres Capucins de Poitiers, sur le faict de sa creance & de la doctrine des Ministres de la pretenduë Reformee: trouue ces bons Religieux si zelez pour l'attirer en la voye de son salut, & armé de raisons & de veritez si preignantes, qu'ils luy font cognoistre l'erreur dans laquelle il s'estoit nourry, l'abus de ses Ministres & la fausseté de l'Eglise pretenduë de laquelle il auoit esté membre, qu'il s'est laissé heureusement gagner aux viues persuasions de ses bons Religieux, tous ardans de charité & d'amour pour les ames desuoyees de la vraye Religion, le reçoient au giron de l'Eglise, abiure entre leurs mains toute sorte d'heresies, faict profession de la Foy Catholique, proteste de viure & de mourir en l'Eglise Catholique, Apostolique & Romaine, & ne se separer iamais de la vraye Communion des fidelles chrestiens: ainsi ce Seigneur ne fit pas iamais resolution qui luy réussit avec plus de fruit & de proffit pour son ame, il reuenoit de

Paris tout plein d'affection pour le service du Roy, & la grace de Dieu qui ne manque iamais à ceux qui se comportent fidellement & genereusement au service du Prince, le gaigne tout à Dieu, à l'Eglise & au Roy.

Or sa Maiesté qui s'est resoluë à vn second voyage pour acheuer de chastier la rebellion de ses subiets, veut auant que de partir voir tous les Princes de son Royaume, les grands Seigneurs & ses Gouverneurs de Prouinces, pour aduiser avec eux du fait de ladite rebellion, des moyens de la chastier où elle se trouuera sus pied, entendre sa resolution là dessus, & receuoir ses commandemens.

Pour ceste cause arriuerent en Cour Messieurs les Ducs de Guyse & d'Angoulesme, le Duc de Guyse le Lundy 14. Feburier, & l'edit sieur d'Angoulesme quelque dix iours auparavant.

Le Duc de l'Esdisguieres apres auoir contrainct le sieur de Montbrun de desarmer & se retirer en vne sienne maison comme l'ay dict cy dessus, affin de maintenir en paix tout le Dauphiné, & tenir seure & libre la riuere du Rhosne pour la liberte du commerce public, & empescher la rebellion des Eglises, quoy qu'elles ayent protesté de leur obeysance en l'assemblee qui fut tenuë à Dye, suiuant le pouoir & les commissions que le Roy luy a

1622.

*Grāds appelez  
en Cour.*

*Arrivee des  
Ducs de Guyse  
& d'Angoulesme.*

*Armee du Duc  
de l'Esdisguieres  
en Dauphiné.*

donné, il a fait vne leuee de plus de dix milles hommes qu'il tient aujourdhuy sur pied pour entretenir son seruice en ce pays là: parmy lesquels ceux qui commadent aux troupes sont la pluspart Seigneurs & Gentilshommes faisans profession de la Religio Catholique & Romaine, affin qu'aucun ne puisse entrer en aucun mauuais soupçon, tât de ses armes que de sa personne, n'ayant autre intention que de faire cognoistre au Roy & au public l'affection qu'il a pour son seruice, & qu'ayant esté tousiours ennemy des ennemis & rebelles à ses Roys, il maintiendra ceste fidelité, & la fera tousiours paroistre aux effectsiusques à la mort, se reseruât ceste louange pour la gloire & ornement plus riche de son tombeau, n'estant pas nullement croyable qu'en l'aage qu'il est de 77, ans il ayt aucun desir de commencer à faillir.

*Coniecture sur  
ses seruices.*

*Deliuérance du  
Comte de la  
Suse.*

Le Comte de la Suse ayant esté quelque temps retenu prisonnier à Grenoble pour les causes que nous auons deduites cy deuant, a esté mis hors des prisons sous le bon plaisir du Roy, sous les protestations qu'il a faittes audiect sieur Duc de l'Escliguières, qui a respondu de sa personne, à condition, qu'il le suiuroit ez armées, & demeureroit tousiours prisonnier de guerre.

Pendant cecy neantmoins on parle de la paix à la Cour, en proposition des moyens pour l'establir au Royaume sous le bon plaisir de sa Maiesté.

Lediect



Ledit sieur Duc de l'Esduiguières, qui a compassion de ceux qui n'en veulent auoir pour eux mesmes; & qui voudroit bien procurer du repos à ceux qui ne recherchent que leur propre misere dans les troubles ciuils, non-obstant qu'il ait les armes à la main, plus que suffisantes pour ramener à l'obeyssance les plus factieux du Dauphiné, par commiseration toutefois de la desolation de tant de pauvres familles qui se ruinent parmy les fureurs d'une furieuse rebellion, a escrit au Roy, suppliant tres-humblement sa Maiesté qu'arrestant le cours de ses armes, il luy plaise donner la paix à ses subiets que l'on s'efforce de disposer à l'obeyssance, ne desirant pas que ceux qui se voudroient maintenir en leur reuolte & factions, ne soient toutefois, pouruiuis & chastiez. Ainsi plusieurs personnes de qualité & du Conseil s'employans pour la paix aupres du Roy, sa Maiesté qui de sa naturelle bonté est tousiours plus portee au pardon qu'à la rigueur, & au chastiment de ceux qui l'ont plusieurs fois, & en diuerses sortes offencee, ne s'est point monstrée contraire à la paix: à dict qu'elle desiroit la paix & octroyera misericorde à ses subjets coulpables de mille sortes de crimes, mais avec condition, qu'elle vouloit auoir les clefs de son Royaume, qui est le poinct auquel sadite maiesté s'est tousiours arrestée, n'ayât iamais employé ses armes que pour maintenir son autorité, chastier la des-obeyssance

1622.

*La paix per-  
suadee par le  
Duc de l'Esdui-  
guières.*

*Loiuable & ius-  
te intention de  
sa Maiesté.*

de ses sujets rebelles, & contraindre les places reuoltées contre son service, de se soumettre à la douceur de ses loix.

C'est a ce point & que sont auourd'huy reduittes les affaires ou de paix ou de guerre, & d'une ou d'autre façon on espere en bref quelque sorte de resolution, laquelle se vera cy apres & traueille on iournellement au Conseil là dessus, avec tant de prudence & d'affection pour le service du Roy & repos de son Estat, que l'on n'en peut attendre que toute sorte de bons & raisonnables succez.

C'est vne faute grande que l'on a faicte d'auoir laissé sortir le Marquis de la Force hors de Mōtauban, sa presence à fortifié la rebellion de S. Foy, & pouuoit porter les rebelles a beaucoup d'entreprises que le Duc d'Elbœuf a sceu dextremement empescher par ses armes.

Le premier exploit que firent les gés du dit Marquis de la Force, estant sorti de Mōtauban, fut de voler & d'aller attendre les passans sur les grands chemins de Limoges à Tholouse & emmenerent quantité de mulets chargez de marchandises de & bagages, cause de la ruine des pauvres voituriers.

Du depuis ayant entré dās le pais Agenois, ils s'est saisi d'une ville appellee Montflanquin, place assise sur la cime d'une mōtagne cy deuant importāte, laquelle l'an passé fut reduire à l'obeyssance du Roy par feu Monsieur le Duc de Mayēne, qui y enuoya le Marechal de Roquelaure pour ce faire, & deslors la fit demanteler pour la guarentir de rebellio à sa

*Volerie des gens  
du Marquis de  
la Force.*

*Il s'est saisi de  
Montflanquin.*

Maïesté, pour ce que dès ce temps là le Marquis de la Force auoit eu dessein pour cette place, qui estoit fort a la bié seance des autres places rebelles, particulièrement de Clerac.

Cependant ledit Marquis qui s'en est emparé de nouueau, releue ses murailles & la fortifie grandement, il iuge qu'elle est forte d'assiette, & en fera quelque chose de bon pour vn azyle de rebelles; cela faiçt il a la congnissance d'un chacun, & si personne ne s'est remué pour luy empescher ce dessein, lequel si le temps & les moyens luy eussent esté donnez, il eust grandemét aduancé: mais M. le Duc d'Elbœuf General de l'armée de Guyenne, luy a finallemét interrôpu l'entreprise par le siege qu'il a fait nouuellement poser deuant sa maison de la Force, laquelle il fit battre a coups de canon le Ieudy 3. Februrier, & s'en est rendu Maïstre sans que le Marquis ait osé entreprendre de la secourir.

Le sieur de Bordeilles auoit obtenu dudit Seigneur Duc d'Elbœuf que ladite maison ne seroit point attaquée ny rasée, côme elle estoit menacée, a condition qu'elle demeureroit en sa neutralité, & qu'à l'aduenir ledit sieur de la Force ne souffriroit qu'elle seruit de retraite aux ennemis de sa M. ces sont les termes del'accord que ledit Duc accorda benignemét audit Marquis côme i'ay obsercy-deuant, traictant de la route qu'il receut sous les armes dudit Duc; mais comme ces choses ne se sont obseruees que

*Il la fortifie.*

*Maison de la  
Force battue  
par le Duc  
d'Elbœuf.*



*Famine extreme à Montauban.*

*Censuy de bled pris sur eux par le Baron de Mondenart.*

*Leur bestail emmene.*

pour en esloigner l'armee du Roy, ladicte maison retourna en sa premiere rebellion ce qui a obligé ledit sieur Duc d'y mener derechef le canon & s'en asseurer pour le Roy.

Cependant la famine augmente fort à Montauban, la contagion qui y est ardente & violente, enleue indifferemment tousiours quelqu'un là dedans, & des plus qualifiez de la place.

Ces iours passez y mourut vn appellé Noualian, vn des plus estimez de la ville, & qui manioit vne grâde partie de leurs plus grandes affaires. Si bien que depuis la leuee du siege, sont moris là dedans, tant de maladie que de necessité, plus de quinze cens ames.

Ils ont faute de Moulins à eau au dedans, pour faire des farines, force leur est d'aller à vn Moulin qui est aupres du chasteau de Picqueros. Sur le commencement de Feurier vn Baron de Quercy, nommé le Baron de Mondenart, leur prit quatre ou cinq charrettes de bled, ensemble six prisonniers, qui estans amenez dans Cahors asseurerēt qu'il y auoit force misere à Montauban.

Aussi en mesme temps, les garnisons de Montech leur emmenerent presque tout leur bestail qu'ils auoient enuoyé paistre aupres de leur ville.

Le Regiment de monsieur de Pibrac a surpris encore le bagage du Comte d'Orual, qu'il enuoyoit deuant, se voulant retirer de

Montauban, lequel bagage passoit avec vn passeport du Marechal de Themines, mais tout luy fut rendu a l'instant, & nul ne fut arresté prisonnier, hormis vn Ministre de S. Anthonin, nommé Ioly, vn des plus seditieux personages de tout le pays, qui s'en alloit sous ceste escorte de Montauban audit saint Anthonin pour y continuer ses seditions, il fut pris & conduit dans Cahors; Monsieur de Belebar Maistre des Requestes & intendant de la Iustice en Guyenne, dist tout haut dans l'Euesché de Cahors, qu'il falloit pendre ce Ministre, & qu'il ne meritoit rien moins que la corde; & iusques à present on ne sçait pas encore ce qu'il luy arriuera.

Dans le Languedoc la maladie du Duc de Montmorency retient le courage de ce Seigneur comme prisonnier, pour ne pouoir en personne chastier les impietez sacrileges que les rebelles a sa Maiesté y exercent continuellement.

Plusieurs ayans desespéré de sa santé, ont escrit mesmement qu'il estoit mort, & faisoient desia diuerses cōiectures de ses charges & Gouvernemens, & toutefois le Ciel la reserué iusques à present, pour continuer, s'il luy plaist, ses bons & fidelles seruices contre les ennemis de Dieu & du Roy.

Cependant sa maladie extrefme, qui cause vne tristesse incroyable dās l'ame du sieur Marquis de Portes son oncle, du sieur de Perrault, & autres Chefs de son armee est

1622.

*Bagage du Comte d'Orual pris par le Regimēt de Pibrac.*

*Ioly Ministre emmené prisonnier à Cahors.*

*Maladie du Duc de Montmorency.*

1622.  
*Bauages des  
 rebelles en Lan-  
 guedoc.*

cause que les rebelles se jettent avec plus grande liberté en campagne, & ne laissent nulle Eglise entiere dans les Eueschez de Nismes & d'Vlez.

De tout temps les rebelles du Languedoc sont subiects aux seditions, il ne faut qu'une legere occasion pour les mettre en debauche, ils croient que pour estre esloignez du Soleil, il leur est permis de tout oser & entreprendre, sans crainte de chastiment ny de peine.

A la mort du feu Roy Henry le Grand, que Dieu absolue, ils furent les plus disposez a troubler la Prouince, les premiers aux armes, & les derniers au debuoir.

*Ministres sedi-  
 tieux en Lan-  
 guedoc.*

Au mariage du Roy en l'annee 1616. ils furent les premiers souleuez, ils criaient le plus haut, & parurent avec l'insolence aux menaces & aux effects, plus que nuls autres. La cause de cecy en peu estre attribuee a leur humeur naturelle inutile a tout bien, & encline a tout mal, mais sur tout aux esprits turbulens & seditieux des Ministres de ce pays, les plus factieux & les plus insolés qui soient en France, qui contre les loix diuines & humaines sçauent entretenir les reuoltes des peuples, la desbauche des grands, & fomenter le trouble dans l'esprit des subiects pour les soustraire de la loy de la vraye subiection: cela s'est veu aux assemblees de Montauban, Synode d'Allez, aux assemblees du Cercle à Montpellier, & depuis peu de tēps



dans l'assemblée de Nismes.

De Montpellier, où le Duc de Rohan a esté receu comme Chef General des Eglises pretenduës reformees, ledit sieur ne s'y vou-  
lant enfermer mesme sur les menaces d'un  
siege, qui eüst esté sans doute grâdement ad-  
uancé, sans la maladie dudit sieur Duc de  
Montmorency, il s'est retiré avec toutes ses  
troupes ez enuirs d'Alez proche des Se-  
uennés, pour estre en plus grande assurance  
de ce costé qu'ailleurs, veu que dans ledit  
pays des Seuennés, il n'y a rien qui luy puisse  
donner jalousie, n'y ayant là dedans aucune  
exercice de Religion Catholique: y estant, il  
entre en communication avec des gens qui  
ne demandent qu'à le perdre, & se perdre a-  
vec luy en l'exécution de ses passions, fait  
force pratiques dans la Principauté d'Oran-  
ges, comme nous verrons incontinent.

Pendant cecy on propose diuers moyes au  
Roy de se résoudre a la paix. Le Duc de l'Es-  
diguieres, comme i'ay dit cy-deuant, supplie  
sa M<sup>te</sup> de la donner a son peuple, se promettant  
de le faire obeyr par ses subiets rebelles: le  
Roy qui ne demande que ceste obeyssance,  
& rien autre que le cœur de ses subiets, avec  
la conseruation de son autorité par toutes  
les places de s<sup>on</sup> Royaume, fait dire audit Duc  
de l'Esdiguieres, que s'ils se veulent résoudre  
a l'obeyssance, & se remettre au deuoir, ils  
la trouueront tousiours preste & disposée  
pour les receuoir au pardon.

A A a iij

1622.

*Duc de Rohan  
retiré en Alez  
avec ses trou-  
pes.*

*Bruit de paix.*

1622.

*Ambassadeur  
extraordinaire  
d'Angleterre  
retourné pour  
sçavoir la reso-  
lution de son  
Roy.*

*Conseil sur la  
guerre aux  
Grisons.*

L'Ambassadeur extraordinaire d'Angleterre ayant eu audience du Roy, & représenté l'extresme desir de son Maistre le Roy de la grand' Bretaigne, pour la paix & repos de ce Royaume, avec congé de sa Maiesté tres-Chrestienne, est passé de France en Angleterre, pour sçavoir quelques resolutions de son Roy, & doit retourner en bref à Paris.

On dict cependant que les affaires de la Valtoline & des Grisons pressent fort, que les Milanois rendent par ceste voye le Roy d'Espagne tantost presque absolu dans l'Italie, rendent l'alliance de France avec les Venitiens inutile, celles des Grisons avec Venise, de mesme, que la porte d'Italie par ceste voye est fermée aux François, que les Grisons sont sous la protection du Roy de France, qu'en l'oppression qu'ils souffrent ils tendent les bras a sa Maiesté, n'attendent la restauration de leur liberté qu'au secours de ses armes & de son auctorité, &c. Ainsi par plusieurs sortes de raisons quelques vns veulent conseiller le Roy de porter ses armes au delà des monts, & de faire la guerre au Roy d'Espagne.

D'autre costé on represente l'accord que les Grisons ont fait avec leurs parties, sans en auoir donné aucune communication a sa Maiesté: les forces que l'Empereur maintenant paisible, peut jeter là dedans pour maintenir la liberté de ce passage qui luy est tellement important, que sans icy, il ne

peut estre que difficilement secouru du costé d'Italie & d'Espagne; qu'il à la Comté du Tyrol frontiere de ladite Valtoline, laquelle il peut remplir de soldats au premier trouble, comme j'ai faict jetter son frere Leopold de dans Coire: que le Lac de Come estoit enuironné de multitude de forts que les Milanois y auoient nouuellement construits pour la conseruation de ceste nouuelle conqueste, qu'ils s'estoiēt puissamment fortifiez dans Chanenne, & qu'il estoit tres-facile au Roy d'Espagne, qui occupe presque la moitié de l'Italie, & tient la pluspart des Potentats sous sa protection, de secourir la Vallee: mais le trouble de France encore tout allumé est de plus grande cōsideration que n'est ceste affaire estrangere, car encore que sa Maiesté tres-Chrestienne soit plus que suffisante en credit, puissance & autorité pour faire deguerpir le Milanois, & le forcer de sortir de ceste Vallee, comme les armes de France ayans esté de tout temps la terreur d'Italie & l'effroy des Alpes, neantmoins ceste maladie interieure de l'estat a besoing de remede plus prompt que toute autre exterieure necessité, qui se pourra Dieu aydant accommoder a l'amiable, au contentement de sa Maiesté, & au soulagement & repos de ses alliez.

Et quoy que l'on parle fort de la paix en France, on ne laisse pourtant sous les commissions de sa Maiesté d'arrester & enrroller force troupes.

*Armees de  
France, terreur  
d'Italie.*



*Le sieur de Soubise chassé par le Duc d'Esp-  
pernon.*

Le Duc d'Esp- pernon toujours employé pour le service du Roy en Aulnix & Xaintonge, ne permet guere de liberté au sieur de Soubise de faire estendre ses desseins hors des murs & bastions de Royan : ayant laissé ez environs de la Rochelle son fils, le Marquis de la Vallette avec bon nombre d'infanterie, & vne partie de sa cavallerie, pour empescher le degast des rebelles, luy avec le reste de son armee, a fait retirer ledict sieur de Soubise avec les siens dans Royan, qui n'osent plus paroistre au dehors, la place estant maintenant inuestie par les troupes du Roy, & les Galleres de sa Maiesté tenans desia en bride lesdicts rebelles de Royan dans l'emboucheure de la Garonne : aussi n'y a-il plus de quoy craindre pour Broüage, qui a esté renforcé du nouveau Regiment du sieur de la Reinuille, quoy qu'en vne petite rencontre qu'il a eüe avec les ennemis pres de Niort, s'en allant de Saumur à Broüage, il aye fait quelque perte, que monsieur d'Esp- pernon scaura bien recompenser aux despens des premiers qui paroistront a la campagne ou deuant la Rochelle, ou du costé de Royan.

*Le Regiment de Navarre a esté mis en la place de cestuy-cy dans Saumur.*

Les pratiques du sieur de Rohan se continuent toujours en Languedoc, Se- uennes, Orange & Viaretz, comme j'ay remarqué cy-deuant, mais elles ne luy reussissent pas, ny a ses partisans, ainsi qu'ils

desireroient, il tombe tousiours quelques vns des leurs entre les mains des seruiteurs du Roy, qui en diminuent le nombre & euient leurs desseins.

Et tout de fresche datte le sieur de Mafargues Gouverneur de la ville & citadelle du Pont de saint Esprit, estant aduertty, que les rebelles de la Religion pretenduë reformee enuoyoiẽt six cens hommes d'armes au sieur de Rohan, Chef des Eglises rebelles a sa Maiefté, qu'ils auoient leuez en la Principauté d'Orange, afin de les faire ioindre audiẽt sieur de Rohan, qui les attendoit en la ville d'Alés en Languedoc, où il a faict depuis quelque temps assemblee de gens de guerre, tous lesquels six cens ils faisoient tirer droit au port de Boutefar, qui despend de ladiẽte Principauté, & de la riuere du Rosne, aussi tost le fist sçauoir a monsieur d'Anthomarie, luy enjoignant de faire apprester deux cens mousquetaires, pour aller attendre ces rebelles dans vne Isle qui est delà la riuere, & sur les terres du Languedoc, avec vne fargate armée de cinquante hommes d'armes pour donner en queuë.

Ce commandement ne fut pas si tost fait audit sieur d'Anthomarie, qu'aussi tost il fut executé, avec vne preuoyance si pleine d'industrie, que ces pauvres rebelles n'en peurent rien descouurir: de telle sorte qu'ils vou-

*Deffaitte des  
troupes leuees  
pour le Duc de  
Rohan en la  
Principauté  
d'Orange.*

lurent, selon leur dessein passer, pour se rendre, comme a esté dict, en la ville d'Alés: mais cōme leur entreprise n'estoit appuyee d'aucune raison qui peust estre aueree pour legitime, aussi receurent ils vn si mauuais salaire, que pas vn d'eux ne resta, qui ne fut tué, ou blesté, ou du moins retenu prisonnier.

*Coueurs d'V-  
sez deffaits par  
le sieur Rigaud  
Capitaine de  
Rocquemaure.*

Ceste charge fut faicte le soir fort tard, le dixiesme Feburier dernier, rien n'estant favorable aux victorieux que le Ciel, qui commandé de la part de Dieu, d'en donner aduis aux plus proches voisins, ne manqua de faire voir à la ville de Rocquemaure ce bel eschec; ce qui fut cause que l'on donna l'alarme, & que les troupes qui estoient dedans firent vne sortie, sous la conduite d'vn Capitaine, nommé monsieur Rigaud, qui ne fust pas si tost en chemin, pour donner secours aux nostres, qu'il fist rencontre de quelques coureurs, qui venoient du costé d'Vzez, lesquels croyant éuiter les dangers qu'ils encourroient, s'auiiserent de crier *Vive le Roy*: Mais ce Capitaine, autant experimenté au faict de la guerre qu'aucun qui se pourroit presenter, scachant que ces perfides vsent d'ordinaire de ceste ruse, lors qu'ils descouurent qu'ils sont les plus foibles; nonobstant leurs cris, voulut encourager ses soldats, leur disant, compagnons tué, tué, ce sont des ennemis du roy: alors l'on tira force mousquetades sur eux, & les mist on en tel desordre, qu'ils se rendirent a discretion.



Sur ces entrefaiçtes, & sur ceste rumeur, arriva le sieur Vernet, autrement dict le Capitaine de la casa Conaria, natif de Bolene, dependant de la Comté d'Auignon, lequel estoit dans vn batteau, assisté de cinquante mousquetaires, & de quarante picquiers, qui voulut pour le service du Roy faire vne telle espreuve de son courage, qu'ayant mis pied à terre, il passa sur le ventre de tous ceux qui se rencontrerent deuant luy, & non content de ce, estant aduerty que trois cens hommes estoient sortis d'Vzez, pour recevoir les six cens rebelles cy-dessus nommez, il se delibera de les attaquer: mais le sieur d'Antho-

1622.

*Valeur du sieur  
Vernet coradin.*

*Deffait le se-  
cours d'Vzez.*

marie, qui sçauoit particulièrement les dangers qu'il eust peu encourir pour lors, courut apres luy, & fit tant qu'il le destourna de ceste volonté. Tant y a que la deffaiçte est assez remarquable, & m'asseure que tout ainsi que les rebellions de ces infidelles n'ont aucun fondemēt qui puisse subsister; de mesme que la cause du Roy estant toute iuste & toute équitable, il est certain que du debris de leur opiniastreté, en naistront les lauriers, qui orneront la Couronne & le Diadème de sa Majesté du nom de Iuste & de victorieux.

Le premier Dimanche de Careme 13. Fevrier dernier arriva au bas Poictou vn cruel assassinat contre la personne du marquis de la Marconniere, dont l'Histoire est estrange

1622.

*Cruel assassinat  
commis en la  
personne du  
Marquis de la  
Marconniere, de  
sa femme &  
famille, en leur  
chasteau de  
Boisrecour en  
bas Poictou.*

& digne d'estre icy remarquee.

Ledit sieur Marquis de la Marconniere homme aagé de 50. ans & plus, que les incommoditez ou indispositions corporelles obligeoient a garder la chambre, & ne quitter sa maison de loin, s'estant vn peu auparavant la feste de Noël dernier retiré avec sa famille en vn sien chasteau nommé Boisrecour au bas Poictou, pour y passer le temps & séjourner iusques au mois de May selon sa coustume, le lieu estant assez commode pour ceste saison, y ayant bois en quantité, bonne chasse, avec trois beaux grands estangs.

*Ce Seigneur  
vinoit pais-  
iblement sans se  
messenger de rien.*

Depuis son arrivée en ce chasteau iusques au premier Dimanche de Careme, l'on n'auoit parlé que de ioye & passer le temps ioyeusement avec les Gentilshommes dalentour, aux Rois & iours gras, s'entreconuians les vns chez les autres: & sur tout l'on s'estimoit fort heureux de la compagnie dudit sieur de la Marconniere, pour ce qu'il estoit homme de grand iugement & qui scauoit beaucoup de choses, de sorte que sa compagnie valoit vne bonne escolle.

*Ses charitez &  
liberalitez en-  
uers les pau-  
ures.*

L'on a remarqué tant de pieté en ceste famille, & le bruit commun est tel en tout le quartier qu'ils faisoient de grandes charitez & aumosnes, qu'ils donnoient tous les iours du pain à plus de 40. ou 50. pauvres, ils visitoient les pauvres malades & les assistoient de toutes choses nécessaires.

Ils aymoient tant leurs subiects que s'ils scauoient qu'ils fussent en quelque discord ou dissension, ils les mandoient querir & estant deuant eux ils les interrogeoient sur le differend qu'ils auoient ensemble, & avec belles remonstrances les vnissoient ensemble par la paix, les faisoient boire & manger en leur table tous ensemble : ce qui leur attribua avec le temps les noms de pere & mere du pays au regard de leurs subjects.

Mais comme Satan, ennemy capital du genre humain, & sur tout de si belles ames (esclairantes lumieres de bonnes œuvres) n'espargne ses artifices & ses moyens extraordinaires pour les amortir & faire perdre, suscite aussi tost des personnes de mauuaise vie & de sa cabale, lesquels ne redoutent d'ensanglanter leurs bras & leurs mains dás ce sang innocent: le procedé que ie deduiray icy est tiré du procez verbal qui en a esté fait par les Iuges des lieux.

Le chasteau de Boirecourt est esloigné de la Parroisse d'une grande demie lieuë, n'est accompagné que de quelques fermes dependantes d'iceluy & d'un bois. Le premier Dimanche de ce Carefme le sieur de la Marconniere & sa femme se disposans d'aller ce iour là, & enuoyer toute leur famille a la Paroisse & n'en reuenir qu'apres que le seruice diuin seroit acheué, enuoyent leurs enfans, seruiteurs & seruantes (hors mis vne) deuant, chargez de viures pour

*Suggestion diabolique contre sa maison.*

*Personnes de terminées pour l'assassiner.*

*Astette du chasteau de Boirecourt.*



1621.

porter en la maison du Curé afin de n'auoir  
sujet de reuenir qu'au loir & ne perdre le  
seruice del'Eglise.

*Leur entre-  
prise.*

*Forme de l'e-  
xecution.*

*Cruauté ex-  
treme.*

*Rumeur de la  
commune sur  
cet assassinat.*

*Les assassins at-  
taquez se des-  
fendent.*

Les enfans & seruiteurs ne furent pas plu-  
stost sortis & en chemin, qu'il sortit de ce  
bois vne troupe de gens masquez en nôbre  
de 40. ou enuiron couuerts de hongrelines  
de toille sur leurs habits, assez bien montez,  
chacun auoit le pistolet & la carabine, le  
chien abbatu 16. entrerent dans le Chasteau  
& le reste saisit les auenuës: ces 16. monter  
de chambre en châtre sans resistance, trou-  
uent ledit sieur de la Marconniere & sa Da-  
me qui acheuoit de s'habiller pour aller à l'E-  
glise, sur lesquels se ruans ils les poignarde-  
rent, vne seruante qui estoit demeurée & la-  
quelle emmaillotoit vn petit enfant, voulant  
sortir pour crier au secours fust aussi poi-  
gnardée avec cest enfant.

Vn des Officiers du Chasteau par hazard  
estoit encore demeuré, lequel ayant ouï le  
bruit court sonner le toxain & s'enferme si  
bien que les meurtriers l'en voulans empe-  
cher ne peurent quelques efforts qu'ils fis-  
sent, entter ny rompre la porte, mais allume-  
rent de la paille a la porte afin de l'estouffer  
au dedàs, & pour neant, car la fumee au lieu  
d'y entrer en sortoit.

Au bruit de ce toxain quelques paysans ac-  
coururent lesquels furent repoussez fort ru-  
dement par les embuscades a coups de Ca-  
rabines, & tous furent blesez, les autres se  
retirans

retirans furent aduertir ceux qui estoient en l'Eglise pour venir au secours, lesquels sortent aussi tost, presque tous quittent le Curé, courent aux armes, & viennent vers le Chasteau animez par les sieurs de Beaupré & de Marrais Gentils-hômes voisins dudit sieur de la Marconniere, qui les y conduisirent aussi, & avec telle diligence & promptitude qu'ils ne donnerent loisir, ny temps à ces meurtriers de se sauuer, ains se ietterent si rudement sur eux & sur les embuscades, qu'à coups de fourche de fer, picots, halberdes & autres armes ils furent tous desfaits sur la place, horsmis deux bien blesez que l'on espargna pour descouvrir par leur bouchel'entreprise, le dessein, & quels gens s'estoient, mais ils estoient si fort blesez qu'ils moururent dans moins d'une demye heure apres sans pouoir parler.

*Leur desfaite.*

On court apres cet eschec en la chambre, on y trouue les corps morts dudit sieur de la Marconniere, de sa Dame, de l'enfant & de la seruante, lesquels estoient bruslez pour estre tombez au feu: ce spectacle aussi hideux qu'estrange tire des cœurs des spectateurs, tant de larmes & de plaintes, que tel qui s'y est trouué ne pourra peut estre auoir l'esprit libre de plus d'un mois d'icy.

Après cela on court a celuy qui sonnoit le toxain, que l'on trouue plus mort que viſ, & ne veid on que ces gens eussent rompu ny brisé aucun buffet ny coffre pour voler &

1622.

piller dans le Chasteau.

Pendant que l'on fait cette visire par tout arriuerent quelques Gentils-hommes voisins, qui ayant eu aduis de ce triste accident, y estoient accourus en grande haste, lesquels apres beaucoup de lamentations monterent a cheual pour descouurir s'il y auroit point resté quelqu'un qui fut de cette entreprise, mais n'ayant peu rien descouurir retournerent au Chasteau pour donner ordre a ce qui estoit necessaire, soit pour le fait des obseques & funerailles des corps morts, que pour les autres affaires & firent retirer le peuple qui y abordoit de toutes parts.

*Reprise de Clerac par les rebelles.*

Finablement sur la fin de Feurier nouuelles sont arriuees en Cour de la reprise de la ville de Clerac par les rebelles conduicts du Marquis de la Force & d'une autre place voisine, où lesdits rebelles ont passé les garnisons au fil de l'espee.

Toutesfois il est croyable qu'ils ne pourront pas garder ledit Clerac qui est presque tout demantelé, & n'y est pas demeuré un seul bastion apres que sa Maiesté l'eut reduite à son obeyssance.

Que si ledit Marquis de la Force ou autres qui s'en sont saisis s'y veulent fortifier, & releuer les murs de cette place, n'ayant assez de temps pour ce faire, qu'ils prennent garde que le Duc d'Elbœuf qui commande à l'armée du Roy en Guyenne ne



leur en espargne la peine, de mesme qu'il a fait audit Marquis de la Force, qu'il a fait promptement sortir de Montflancquin, qu'il auoit repris, & qu'il vouloit fortifier.

Cependant les rebelles Rochelois qui se sont iettez dans Royan font de grands rauages sur la mer, & avec neuf fraguettes qu'ils tiennent à leur port, ils courent iusques au haute de Bordeaux, pillans & piratans tout ce qu'ils rencontrent en l'Ocean.

Le Duc d'Espernon par commandement du Roy à enuoyé gens pour inuestir cette place, pendant que luy de son costé donne la chasse au sieur de Soubise qui fait des courses dans le bas Poiçtou à l'entour de Marans & Luçon.

Finalement les rebelles du Languedoc exercent mille cruantez sur les Catholiques: ils pillent & saccagent les Eglises, ils ont pollué, profané & demoly plus de soixante Temples ou Eglises dans les villes & Diocèses de Montpellier, Nismes & Vſez: ont forcé les Monasteres des Religieux & Religieuses, & commis des actes pires que les Turcs & les infidelles, & tels que l'on ne les pourroit descrire ny raconter qu'avec horreur.

Er voyla le mespage qu'ont fait lesdits rebelles es lieux où on ne leur à baillé

aucune occasion de se plaindre. De nouveau encore les Rochelois ont pris les Sables d'Olone, ont tout tué & pillé ce qu'ils y ont trouué, sans faire misericorde à personne. Ce qu'ayant sceu le Duc d'Espernon, il s'est acheminé deuant Royan en intention de l'assieger. L'on verra cy-apres quel sera le succez des affaires, & quelle issue prendra cette miserable & desloyale rebellion.

*FIN.*





**HISTOIRE GENERALE**  
*des Troubles & Rebellions estran-*  
*geres, & autres incidents, ez an-*  
*nees 1621. & 1622.*

**P**ENDANT que nous travail-  
lons à dissiper nos orages  
ciuils, & que la rebellion  
nous met en pleine guerre:  
nos voisins sont assez em-  
peschez à punir les reuoltes, appaiser les se-  
ditions intestines des leurs, aduancer leurs  
desseins à la ruine des autres, armer les Ca-  
tholiques contre les Protestans, entretenir  
les Princes en la ialousie des armes, nourrir  
la guerre, les autres rompre les trefues, &  
chercher dans le trouble la paix de leurs E-  
stats. Je veu icy rapporter en cẽ petit traitté  
les choses plus serieuses qui se sont peu ap-  
prendre des affaires estrangeres le long de  
ceste annee 1621. & au commencement de la  
presente 1622. par toute l'estenduẽ de l'Em-  
pire, en Angleterre, pays bas & Hollande,  
en Espagne, Italie, Grisons, Lorraine & Sa-

A A A a



noye, en Suede, Pologne, Turquie. & sur les mers, non à la façon du fabuleux Mercure de Francfort, que les Lutheriens habillent à leur mode; & qui passent icy à François, pour choses veritables & pour argent comptant: mais selon les memoires, instructions, & aduis donnez & enuoyez aux Princes, aux Ambassadeurs, Agens estrangers, aux Seigneurs & personnes de credit, sans enuie, ny passion, & de mesme qu'ils sont venus à ma cognoissance pour les faire voir en public.

1621.

Et pour commencer par celle de l'Empire, j'apprends que dès le mois de Ianuier de l'année 1621. sa Maiesté Imperiale voulant poursuivre le chastiment des ennemis du saint Empire & les siens, fait trois diuerses sortes de Declarations en sa ville de Vienne, l'une contre Frideric Prince Palatin du Rhin, qui luy auoit rauy sa Couronne de Boheme, la seconde, contre les Princes fauteurs & adherans dudit Frideric, condamnez au ban Imperial, & la troisieme, contre le Prince de Transsylvanie Bethleen Gabor, qui comme ennemy s'estoit emparé de la Couronne d'Hongrie, & auoit porté les subiets de l'Empereur à vne pure rebellion contre luy.

*Declaration du  
Ban Imperial.  
contre l'Electeur  
Frideric Comte  
Palatin du  
Rhin.*

Pour la premiere, contre ledit Frideric Palatin du Rhin, elle suit en ces mots.

Ferdinand, deuxiesme du nom, par la grace de Dieu, esleu Empereur des Romains,

ou siours auguste, Roy d'Allemagne, de Hongrie, de Boheme, Dalmatie, Croatie, & Escclauonie, &c. Archiduc d'Autriche, Duc de Bourgongne, Styrie, Carinthie, Carniole & VVrtemberg, Comte de Tyrol, &c. Aux illustres, nobles & magnifiques Electeurs & Princes nos oncles, neueux, freres, cousins & alliez, tres-chers & tres-fideles, Salut, & tout accroissement de bien & prosperite. Et à tous Princes en general, & à chacun en particulier, tant Ecclesiastiques que seculiers Electeurs, Prelats, Comtes, Barons, Cheualiers, Escuyers, Gouverneurs, Capitaines, Lieutenans, Vicegerens, Preuosts, Administrateurs, Iuges des Prouinces, Baillifs, Mayeurs, Podestats, Bourgsmaistres, Iuges, Cōseillers & officiers des villes, Bourgades & communalez, & tous autres, nos & du saint Empire Romain, amez & reaux vassaux & subiects, de quelque grade, dignité & condition qu'ils soient: Et specialement aux Estats, Principautés, Vassaux, subiects & alliez de l'Electeur Frideric Comte Palatin du Rhin, ausquels ces presentes nos lettres Imperiales ou cōppies d'icelles deuement collationnees pourrōt estre exhibees, ou par icelles seront requis, sommez & interpellez, la grace & bien-vueillance de nostre Imperiale Maiesté.

Tous les Roys, Electeurs, Princes, Estats, Nations & peuples tant dedans que dehors le saint Empire Romain sont maintenant

1621.

*Rebellion de  
Boheme.*

plus que suffisamment informez, de la miserable & horrible rebellion excitee en nostre Royaume hereditaire de Boheme, le principal fief & premier Electorat seculier, S. Empire, en l'annee mil six cens dix huit sous le regne du tres-haut & puissant Prince Matthias, d'auguste memoire, Empereur des Romains, Roy de Hongrie, & de Boheme, Archiduc d'Autriche, nostre tres cher & tres-honore seigneur, cousin & pere, & comme elle s'est du depuis glissée & espandue parmy les autres Prouinces incorporees, & comme quoy iceluy Empereur Matthias lors Roy regnant & Electeur de Boheme, poussé d'une bonté & inclination naturelle & paternelle, auroit practiqué tous moyens pour estouffer les premieres estincelles de ceste pernicieuse rebellion, garantir ses pauvres subiects de leur prochaine ruine, & destourner l'orage d'une guerre sanglante & fascheuse, qui les alloit menaçant, & pour plus facilement produire les effects de ses loüables & saines intentions, auroit commis & confié à aucuns principaux Electeurs & Princes de l'Empire (entre lesquels ledit Frideric Comte Palatin à sa propre priere & requeste auroit esté compris) les differens de Boheme, & protesté qu'il ne respiroit autre chose que la paix, & entendroit tousiours volontiers à quelque accommodement, pourueu que les rebelles y voulussent contribuer de leur part, & se renger



ux termes de leur deuoir & obeyſſance. Pé-  
lant ces entrefaiſtes du pourparler de paix  
Empereur Matthias eſtât paſſé de ceſte vie  
n l'autre, le Royaume de Boheme & les pro-  
uinces incorporees ſeroiēt deuoluës à nous,  
e plus proche heritier du deſſunct, par le  
droict & en vertu de noſtre Sacre & courō-  
nement, & les hommages du Royaume à  
nous rendus dès le viuant dudit Empereur  
Matthias par les Eſtats & Ordres d'iceluy, &  
en ceſte qualité de vray & legitime ſucceſ-  
ſeur Roy & Eleſteur de Boheme declaré, re-  
cogneu & publié tel par leſdits Eſtats & Or-  
dres, nous auriōs eſté citez de comparoir en  
noſtre ville Imperiale de Francfort, afin de  
proceder à l'Election & nomination d'un  
Roy des Romains, où ſuiuant & au deſir de  
la Bulle doree, & des anciennes couſtumes  
nous nous ſerions trouuez en perſonne au  
temps prefix & deſigné, & par les Eleſteurs  
preſens, & par les Ambaſſadeurs & deputez  
des abſens, & notamment par celuy dudit  
Eleſteur Frideric Comte Palatin, fondez &  
garnis de pouuoirs amplex & authentiques,  
nous n'auiōs pas ſeulement en toutes af-  
faires publiques qui ſe ſeroient offertes cō-  
formes à ladiſte Bulle doree, eſté recogneu  
pour legitime ſucceſſeur, inueſty & courō-  
né Roy de Boheme, & co-eleſteur: mais auſ-  
ſi en ceſte action celebre apres la proteſtatiō  
du ſerment ( ce qui auroit eſté ſemblable-  
ment ſuiuy & executé par l'Ambaſſadeur

*Droict de Fer-  
dinand à la  
Couronne de  
Boheme.*

*Recognen par  
Frideric Pala-  
tin.*

1621.

dudit Palatin) aurions esté admis dans le  
conclauë, & sans aucun contredict pris & en  
nostre sceance & voix prerogatiue de tous  
temps deuë & appartenante aux Roys & Elec-  
teurs de Boheme. Et le vingthuiſtiesme  
Aouſt 1619. d'un commun conſentement &  
ſuffrage deſdits Electeurs preſens & deſdits  
Ambaſſadeurs repreſentans les abſents par  
vne ſinguliere prouidence du Tout-puiſſant  
nous aurions esté eſleuz & publiquement  
proclamez Roy des Romains, pour puis a-  
pres eſtre promeuë & eſleuez à la dignité  
Imperiale. Et le neuſieſme iour du mois de  
Septembre enſuiuant couronnez avec tou-  
tes les ſolemnitez requiſes & neceſſaires, &  
en tel cas viſitees. Pour donques monſtrer  
noſtre ſoing particulier & affection pater-  
nelle au bien & ſoulagement de nos pau-  
ures ſubieſts oppreſſez, ſi toſt que l'entier  
gouuernement nous fut eſcheu, nous au-  
rions non ſeulement eſſayé de couper che-  
min aux partialitez, deſordres, diuiſions  
troubles & rebellions exercees en noſtre  
Royaume de Boheme, qui le reduiſſoient  
à vne face funeſte de route miſere & calami-  
té, & promis aux Eſtats dudit Royaume de  
confirmer (& de faiſt aurions confirmé)  
leurs priuileges, franchiſes & libertez, &  
de faire tout ce que de droit & par raiſon  
pourroit eſtre deſiré & requis d'un legitime  
Roy de Boheme. Mais pour plus grand  
teſmoignage de noſtre bonne volonté & in-

*Naturel de Fer-  
dinand à la  
paix.*

clination à vne paix generale, bien que nous  
fussions assez aduertis des excez, entrepri-  
ses & atténrats faicts par nosdicts subiects  
rebelles de Boheme, au preiudice & mes-  
pris de la grandeur & maiesté de l'Empereur  
Matthias d'auguste memoire, nostre res-  
cher Seigneur, cousin & pere, & qu'il nous  
fust loisible de chastier & repousser ceste de-  
testable rebellion & inuasion passée iusques  
à nous, Neantmoins estés encore en nostre-  
dite ville de Francfort à l'exemple & imita-  
tion dudit Empereur Matthias d'auguste  
memoire, & à l'instance & commune priere  
du venerable & illustre College des Ele-  
cteurs, & aussi entre les autres de l'Ambas-  
sadeur dudit Comte Palatin aurions arre-  
sté le cours de nostre iuste vengeance, fait  
publier & commandé vne suspension d'ar-  
mes à nos soldats, exhorté lesdits rebelles a-  
miablement & paternellement de se separ-  
tir de toutes ligues & associations prohibees  
& deffendues, quitter tous faux pretextes  
propres à fomenter leur malheureuse rebel-  
lion, finalement aurions non seulement en  
vertu de nostre Election & couronnement,  
accepté & approuué de viue voix l'entremise  
desdits Electeurs, mais aussi par nos  
lettres declaratoires sur ce expedies, leur  
aurions commis & confié l'entiere disposi-  
tion & conduite de ceste affaire espineuse  
de Boheme, Sur ces offres gracieuses de l'en-  
tremise desdits Electeurs, & particulieremēt

*Son intention.*



1621.

audit Comte Palatin, à nous comme dict est si ardemment faictes & reïterees aux Estats & subiects de nostredit Royaume de Boheme, par lettres expresses donnees en commun à Francfort audit mois de Septembre 1619. & veu la sage & prudente resolution desdits Electeurs prise en suite de ce, de comparoir tous en nostre ville Imperiale de Regenspurg, le 20. Nouembre ensuiuant, pour conferer ensemblement, & chercher quelques remedes propres à dissiper ceste maladie contagieuse de rebellion, & la combattre le plus doucement que faire se pourroit, Nous ne pouuions auoir d'autre creance, sinon que toutes choses tourneroient à bien, & qu'il ne se trouueroit personne qui voulust entreprendre aucune chose au preiudice & dommage de qui que ce fust, moins de Nous Empereur & Roy des Romains. Toutesfois ainsi que chacun scait, Nous aurions, non sans vn grand ressentiment & desplaisir esté contraincts de voir arriuer le contraire de ce que nous nous estions promis, au mesme temps que lesdits Princes Electeurs du saint Empire, tous d'vn consentement nous eurent esleuz & promeuuz à la dignité Imperiale en nostredite ville de Francfort: Certains rebelles, mutins, desloyaux & scelerats de nostre Royaume & Electorat de Boheme, ensemble leurs complices & fauteurs, monterent à ce degré d'impudence, temerité, perfidie & hardiesse inouïye &

datestable, & sans se souuenir du serment de fidelité, & de l'hommage qu'ils nous auoient publiquement iuré lors de nostre acceptation, proclamation & couronnement de Roy de Boheme, & mesprisans les constitutions, tât du sainct Empire que dudit Royaume de Boheme leur patrie, les loix fondamentales, Bulles dorees, priuileges imperiaux & royaux, declarations, statuts & ordonnances vniuerselles des diettes & Estats, & ainsi contre Dieu, tout deuoir naturel, iustice, equité & honnesteté, ils auroient mis en compromis nostre Election, icelle reietté effrontement, déclaré nulle & inualide, & par vne malice noire & dangereuse, semé par tout des escrits & libelles diffamatoires pleins de calomnies, mensonges & suppositions, pour en ce faisant autoriser dauantage leur ligue furieuse & enragée des long temps machinee contre nous, & nous rendre odieux à vn chacun, ayans pour but & vifée de leur malheureuse rebellion ledict Frideric Comte Palatin, lequel nonobstant les promesses & offres susdites par luy à nous faictes conioinctement avec les autres Princes Electeurs, les sommations, aduertissemens, mandemens & autres lettres patentes cy-deuant donnees par l'Empereur Matthias d'auguste memoire, nostre trescher seigneur, cousin & pere, contre les rebelles de Boheme & leurs complices, auroit non seulement accepté l'iniuste Election

*Perfidie du Pape  
latin.*

1622.

*Contre l'Em-  
pereur.*

faicte de sa personne par lesdits rebelles & leurs complices, approuvé & rendu Chef & participant de leurs cruels & pernicieux desseins, menées & pratiques, mais aussi luy-mesme se seroit acheminé en nostre Royaume de Boheme, & Prouinces incorporees, où estant au preiudice des Constitutions & loix fondamentales du saint Empire, priuileges de nostre Royaume & Electorat de Boheme, recogneuz & confirmez par nos predecesseurs Empereurs, & par les autres Electeurs, & nommément par l'Electeur Palatin Rupert son predecesseur, & sans aucun droit & raison vallable nous auroit hostilemēt rauy nostredite Couronne, Royaume & pays, vsurpé nostre dignité Electorale indissolublement ioincte & annexee audit Royaume de Boheme, & hereditairement appartenante aux Roys d'iceluy, leurs heritiers & successeurs, & au moyen de laquelle nous aurions esté admis (ainsi que dict est) par les Electeurs pour donner nostre voix à l'Electiō d'un Roy des Romains, presté main forte à nos ennemis rebelles de Boheme, contre nous son Empereur, souverain seigneur & maistre, iceux fomenté & entretenu puissamment en leurs damnable propositions, procuré par toutes voyes indeües & illicites l'aduancement de son iniurieuse inuasion à nostre grand dommage, detrimēt & diminution de nostre authorité & puissance, & assisté d'aucuns



Princes & Estats del'Empire aussi felons & rebelles, auroit exercé allencontre de nous toutes sortes d'actes d'hostilité dont l'on se pourroit aduiser & seruir contre quelque ennemy que ce fust, porté ses armes insolentes dás nostre Archiduché hereditaire d'Austrie iusques au lieu de nostre residence, & à nostre barbe, & par ainsi nous auroit contrainct d'auoir recours, bien qu'à contrecœur, & avec beaucoup d'incommodité à vne iuste & naturelle deffence, & d'oposer la force, à la force, & aux armes les armes. Outre ce, pour mieux appuyer ses entreprises & pretentions couuertes & barbares tramees contre nous Empereur des Romains regnant, Roy, seigneur & Prince souuerain, auroit attiré & joint à soy les factieux & rebelles de Boheme, ensemble leurs adherens & fauteurs, & par vne ligue tres-estroicte faicte avec eux iuré nostre ruyne entiere, abandonnant & exposant ces pays de tout temps tenus pour le bouleuart du saint Empire à la mercy & cruauté de l'ennemy commun de la Chrestienté. Mesmes iceluy Comte Palatin apres la celebre victoire à nous contre luy ostroyee par la pure bonté & clemence du Tout-puissant, & auoir esté honteulement chassé & mis en fuite, se seroit roidy contre nous, & poussé d'un esprit malin & ennemy auroit mis garnison dans certaines places de nostre royaume de Boheme,

*Cherche deluy  
faire la guerra*

1621.

*Fait reuolter  
les ſubiets de  
l'Empereur.*

recherché des nouuelles menées & pratiques, conuoqué en nostre Duché de Silésie, vne assemblée, interprété sinistrement nos saines intentions & deportemens, persuadé & induit nos ſubiets de demeurer fermes en leur rebellion, sans s'en departir en façon quelconque, fortifié en icelle, sommé d'assistance & secours, exigé des contributions, pris & arresté nos deniers pour les employer contre nous, retenu nostre tiltre & nom Royal, & finalement n'auroit rien obmis pour nous trauailler, & espandre de rechef plus loing ce feu de rebellion & reuolte par luy desia allumé. Quoy faisant ledit Comte Palatin se seroit notoirement rendu criminel de leze Maieſté diuine & humaine en plusieurs chefs, & auroit encouru la rigueur des peines portees par les Edicts & ordonnances du saint Empire, & particulièrement en ce que lors de son propre consentement, & de celui de tous les autres Electeurs nous fumes esleuz & promeuz à la dignité imperiale, au preiudice de la cognoiſſance qu'il auoit de l'excellence du tiltre de l'Empereur des Romains, meſpris de nostre Maieſté, & contre tout droit, iustice, deuoir, & fidelité feodale & naturelle d'un vassal à l'endroiſt de son legitime Seigneur, auroit ouuertement machiné contre nostre personne, grandeur, honneur, reputation, conseruation, bien & repos de nos Royaumes, pays & principautez à nous ap-

pattenans par succession, mis toutes pieces en œuvre pour donner cours à ses damna-  
bles desseins & entreprises infames dès l'og  
temps proiectez contre nous, nous perdre  
& ruiner de fonds en comble, adheré & sui-  
uy le party de nos subiects rebeiles, fait &  
rendula cause sienne, introduit par tout des  
reuoltes, seditions & felonies, & sans auoir  
esgard aux remonstrances, mandemens &  
autres lettres patentes cy-deuant faictes, &  
en pareil cas executees par l'empereur Mat-  
thias d'auguste memoire nostre tres-cher  
seigneur, cousin & pere, allencontre d'au-  
cuns mutins & refractaires, conioinctemēt  
auec nosdits rebelles leurs fauteurs & com-  
plices nous auroit fait la guerre, exercé des  
violences extraordinaires & autres actes  
d'hostilité, desquels il ne seroit pas permis  
d'vser contre le moindre Estat & Seigneur  
que ce fust, desbauché nos subiects, & par  
vn pretendu & nouuel hommage & sermēt,  
iceux soustraiēt de l'obeyssance à nous deuē,  
leur vray, seul, & vnique Empereur, Roy &  
Seigneur, sollicité à prendre les armes, nous  
assaillir & molester puissamment de toutes  
parts, vsurpé nostre tiltre Royal, armes &  
ioyaux, & agité d'vne desmesuree ambition  
auroit temerairement & malicieusement  
accepté l'iniuste Election faicte de sa per-  
sonne (laquelle de nostre autorité & puis-  
sance Imperiale & suiuant le deub de nostre  
charge nous declarons nulle & de nulle va-

*Fait de Boheme*



1621.

leur,) fait tous ses efforts pour renuerſer les loix fondamentales, conſtitutions & ordonnances, tant du ſainct Empire Romain que dudit Royaume & Electorat de Boheme, ſur leſquelles leſdits Empire & Royaume ont jetté les fondemens de leur grandeur, enſemble les priuileges particuliers octroyez aux Roys de Boheme par l'Empereur Rudolphe premier de ce nom, pour raiſon de l'Electi<sup>on</sup>, confirmez par l'Empereur Charles IIII. receuz & approuuez par ledict Electeur Rupert, & les autres Princes Electeurs, & du depuis ſinctement gardez & entretenus, la Bulle doree publiee en la ville de Nurenberg, Autre Bulle auparauant expediee de la certaine ſcience & du conſentement des Electeurs en faueur du Royaume de Boheme, & de la legitime ſucceſſion en iceluy, la Declaration du Roy Ladislas, & les Reuerſailles de l'Empereur Ferdinand donnees aux Eſtats de Boheme en l'annee 1545. portantes en termes expres attribution & iouyſſance hereditaire de la dignité Electorale aux Roys de Boheme leurs heritiers & ſucceſſeurs, deſſence au cōtraire aux habitās & peuple dudit Royaume, de ſ'immicer & pretendre aucune choſe en l'Electi<sup>on</sup> du Roy de Boheme, tant & ſi longuement qu'il ſe trouueroit quelqu'un de la maiſon & lignee Royale: Et outre ce, au meſpris des droicts de noſtre Royale famille, libres ſermens, & hommages à nous.

tendus en pleine assemblee, & lors de nostre couronnement par tous les Estats & vassaux du royaume de Boheme, & provinces incorporees, & de nostre sceance & voix electiue par nous prise & eue en la susdite assemblee de Francfort, comme vray & indubitable Roy & Electeur de Boheme du consentement & adueu de tous les Electeurs, nommément dudit Comte Palatin, à laquelle nous fusmes conuiez & citez par le Prince Electeur de Mayence Archichancelier du saint Empire, auroit par les voyes de faict & de force vsurpé & enuahy, nostredit Royaume & Prouinces incorporees, & contre les statuts & ordonnances, tant du commun droit que des Bulles dorees, donnees & establies en plusieurs & diuerses dietes sur le faict des liguees, alliances & conseruation de la paix publique (par lesquelles il est tres-expressément dict & déclaré, que nul Electeur, Prince ou Estat de l'Empire sous quelque couleur ou pretexte, & pour quelque cause que ce puisse estre, pourraprendre & receuoir en sa protection aucuns subiects de quelque autre Estat que ce soit) auroit entré avec nos subiects & vassaux hereditaires de nostre maison d'Austriche & autres en vne ligue & alliance preiudiciable à nostre grandeur & Maiesté, & par vne conspiration execrable cherché nostre ruyne, & affoiblissement, mesmes nonobstant les sains & bons aduis

*Faict ligue contre l'Empereur.*

1621.

& remonstrances de plusieurs Electeurs & Princes, nos lettres monitoires pleines de biéuueillance & douceur a luy adressantes en datte du dernier Auriil 1620. & sans s'ar-  
rester au delay porté par icelles, & mespris-  
sant les sermens de fidelité & hommages,  
tât par luy avec les autres Electeurs & Prin-  
ces de l'Empire à nous comme Empereur  
des Romains, & suprême Chef, qu'autres  
par luy & ses Ancestres cy-deuant rendus à  
nos predecesseurs en l'Empire, en vertu des-  
quels il estoit, & est encores estroitement  
obligé de se monstrier loyal, fidel, obeysant,  
prompt, amy & fauorable en nostre endroit,  
& ne iamais participer, entrer ny consentir  
aux conseils contraires à nostre reputation,  
honneur, dignité, bien & repos de nostre Es-  
tat, ains mettre peine à procurer nostre ad-  
uancement, profit & vtilité, & celuy du S.  
empire, destourner & garentir des perils, da-  
gers, & autres sortes d'incommoditez, & en  
fin reueler fidelement & sans aucun retarde-  
mēt, tout ce qui pourroit venir à la cognois-  
sance, où nous aurions ou pourrions auoir  
quelque notable interest, & où il seroit attré-  
té contre nostre personne & Maiesté Impé-  
riale : Nous auroit puissamment assailly & tra-  
uersé, & en toutes occasions se seroit ef-  
forcé de faire esclorre & executer ses violen-  
tes & iniques entreprises, & icelles fortifié  
par la prise des armes ennemies & rebelles.  
Puis donc que les salutaires Ordonnances  
establies



establies tant pour le faict de la Religion, que pour la commune paix du pays, par le moyen desquelles le Royaume d'Allemagne, & ses membres se sont depuis plusieurs anneés en ça maintenus & conseruez contre les sinistres eueneméts, furieuses secousses & impetueux assauts suruenus en diuerses saisons, n'auroient peu diuertir ledit Comte Palatin de ses procédures & passios du tout infames & effrenees, & que de propos deliberé il auroit reietté lesdites Ordonnances, & particulierement celle de la commune paix du pays de l'annee 1555. par laquelle il est dit en termes expres, Que nul de personne de quelque qualité ou condition qu'elle soit ou puisse estre, par les deuoirs & serment par lesquels vn chacun est obligé & alié à vn Empereur des Romains & au Saint Empire, & sur peine d'encourir l'indignation de la Maieité Imperiale & du Saint Empire, la rigueur des chastiméts & priuation de tous honneurs, grades, dignitez, offices, Benefices, franchises, priuileges, libertez, immunitiez, protections & sauuegardes, & des fiefs, terres & seigneuries octroyees par la Maieité Imperiale, & le Saint Empire, ne pourra s'entremettre, offrir, croire ou pretendre luy estre loisible de seruir & porter les armes en quelque guerre, entreprise ou autre occasion contraire à nostre grandeur & Maieité Imperiale, au bien & repos de quelqu'un

des Estats, obeïssant & fidel du S. Empire sans auoir au prealable nostre congé & consentement (en tant que les Estats soient immediatement dependants de l'Empire) ou celuy du Magistrat, s'il n'en releue directement, ny ne pourra secretement ou ouuertement en faueur de qui que ce soit, donner ou enuoyer aucun secours, ayde & assistance, procurer son aduancement au preiudice de nostre conseruation ou des Estats du S. Empire, mesmes y faire aucunes leuees de gés de guerre, soit de pied ou de cheual, ains qu'un chacún s'abstiendra entierement de tout ce que dessus. Laquelle disposition & ordonnance a esté partie tiree des autres precedentes & tout le cōtenu d'icelle remis sur le tapis, & raporté en la Diete Imperiale de l'année 1559. cōfirmé & donné pour Loy & Edit perpetuel & irreuocable. Et afin que dās le S. Empire Romain de la nation Allemande vne plus estroite, ferme & cōstante paix, repos, vnion & concorde, fust estable, gardee & entretenüe, lesdites peines ont esté accruës & augmentees, & dit: que les transgresseurs desdits Edits, mādements, ordonnances & defféces, outre les peines susdites au mesme instant encourrōt la rigueur de nostre Ban & celuy du S. Empire, & sans autre plus ample declaration en vertu du susdit Decret & arresté de l'Empire seront des à present cōme deslors, & deslors cōme dès à present declarez Bannis & recogneus pour tels. Séblablement par l'ordonnance de l'é.

tretenemēt de la cōmune paix du pays faite sur la fin de la Diete Imperiale tenuē en l'année 1495. a esté plus seuerement decreté & resolu, qu'en telles reuoltes, seditions, troubles & mouuēmens publics & apparêts, les coupables & défailans encourront au mesme instāt la rigueur de toutes & chacunes les peines à plain specifiees & declarees par les statuts & constitutions vniuerselles de l'Empire, sans qu'il soit besoin d'intenter pour ce quelque action criminelle, ou donner vne plus ample declaration, sentence ou Iugement, ce qui n'a point esté changé ny alteré és Dietes Imperiales du depuis tenuës, ains confirmé de temps à autre, & gardé en son sens pur & naturel: Et mesmes pour la conseruation de la commune paix a esté tres-sagement pourueu par les dessusdites ordonnances & Edicts de l'Empire allencontre de moins coupables & criminels, comme les faux Monnoyeurs, & ceux des Estats dependans directement ou indirectement du S. Empire, qui de leur propre mouuement & sans aucune cōtraincte feront des leuees & preparatifs de guerre, ou presteront main forte, faueur & assistance aux rebelles, ou se ietteront dans leur party pour avec eux no<sup>r</sup> inuestir & molester, passant soubs silēce ceux qui poussez d'une rage, temerité & perfidie du tout mōstreuse, se rendent chefs protecteurs, fau-

*Ordonnances  
Imperiale ex-  
presses contre  
le Palatin.*



reurs & executeurs de tel actes d'hostilité & entreprises (contre lesquels à plus forte raison les loix & ordonnances dudit S. Empire doiuent & de fait agissent plus rigoureusement) employent toutes leurs forces & moyens à fomentier & seconder les rebelles en leurs damnables propositions, & pour mieux executer cette rebellion & les attentats par eux proiettez, osent non seulement faire desleues de soldats en tous les lieux & endroits del'Empire Romain, mais aussi introduisent en iceluy des troupes estrangeres, les dispersent ça & là, portent & suscitent contre nous les Princes tant voisins qu'estrangers, & finalement n'oublient chose quelconque pour nous mettre en mauvaise odeur par tout. Et puisque lesdits rebelles de Boheme, ensemble ledit Côte Palatin leur pretendu Chef, ne se seroient peu cōtenir dās les bornes de la raison & fidelité, & qu'ils n'auroirēt point eu en horreur, à nostre tres-grand dommage, detrimēt & preiudice, perte du S. Empire Romain & de toute la Chrestienté, soustien & accomplissement de leurs mal-heureux desseins & pratiques infames, & aduantage tres-euidēt de l'ennemy commun, d'attirer à pareille reuolte, rebellion & felonnie nostre royaume de Hongrie, conclurre contre nous vne nouuelle ligue & confederation avec ledit ennemy hereditaire du nō Chrestien, & le Prince de Transiluanie son feal

allié, & faire entrer en ces autres nos pays hereditaires icelle Nation ses associez & interessés dans la mesme ligue & party. Et qu'aussi nous recognoissons que c'est du deub de nostre charge, & que par la dernière capitulation & conference tenuë entre nous & les Princes Electeurs du S. Empire, les Ordonnances & constitutions vniuerselles d'iceluy, Bulles dorees, & particulierement par les constitutions, decrets, & Arrests faicts & establis en la Diete d'Augspurg de ladite annee mil cinq cens cinquante cinq, autres du depuis repetez & confirmez, & suiuant la necessité des affaires de l'Empire del'aduis desdits Princes Electeurs & autres Estats augmentez & amplifiez, nous nous sentons non seulement obligez de mettre toutes pieces en œuvre pour abolir & estoufer toutes les alliances, ligues & associations illicites & pernicieuses des subiects, les seditions, troubles, reuoltes & violences exercees contre les Electeurs, Princes & autres Estats, mais aussi qu'il y va grandement de nostre interest, honneur, bien & vtilité du S. Empire, à ce que dans iceluy la iustice & la paix soit conseruee & maintenuë: Aquoy il n'y peut ny ne doit auoir rien de plus contraire, sinon lors que la sedition, reuolte & rebellion contre le supreme Chef, au moyen de laquelle tost apres les autres membres du S. Empire peuuent estre infectez & corrom.

*Ban Imperial  
contre luy.*

pus, & finalement iceluy Empire precipité & enseuely dans ses propres ruynes ) demeure impunie, les iniustes traictez de cōfederation qui se font avec les subiects hereditaires contre leurs supremes Magistrats ordonnez de Dieu, sont soufferts & tollez, & le retranchement des mauuaises habitudes est negligé, & encores lors que l'õ proceda l'eschement ou du tout point à cōtre carrer & dissiper les insolents attentats des subiects rebelles, qui sous pretextes peu colorez, s'efforcent les armes au poing d'emporter sur nous ou les Estats de l'Empire, les iurisdiccions, droicts, pays, terres, seigneuries, hommes & vassaulx à nous appartenants, & de nous mouuants, changer les Priuileges, immunitez, droicts & iustices des Electorats, maisons & familles Electorales, & possédez du seul desir de regner (ainsi que iadis Albert Duc de Baviere oncle dudit Comte Palatin respondit aux Bohemiens, lors qu'ils voulurent entreprendre de faire vne nouuelle election au preiudice du Roy Ladislas) raut les Royaumes & Principautez d'autrui. A ces causes, biẽ que (comme dit est) iceluy Frideric Comte Palatin à raison de ses diuerses & abominables meschancetez & entreprises ample-ment deduittes, ait au mesme instant & sãs aucune action & procedure criminelle precedente, ou quelque citation, Iugement & Declaration, encouru la rigueur des pei-



mesirrogees & decernees contre les perturbateurs du repos public, & de fait & soit mis au rang des Bannis, & reputé tel, & qu'il ne reste plus que l'exécution réelle allencontre de luy; si est ce toutes-fois que d'abondant pour confirmation & approbation de tout ce que dessus, Nous apres auoir meurement considéré l'estat de ceste affaire, & suiuant l'exigence des cas, la necessité inéuitable, & le deuoir de la charge à nous commise par la bonté & clemence diuine (au moyen de laquelle nous confessons & aduouons estre obligez de deffendre & secourir le moindre Estat du S. Empire tel que ce fust s'il se trouuoit engagé) auons ledit Electeur Frideric Comte Palatin recogneu, dit, déclaré & denoncé & de nos certaine sciéce, pleine puissiance & autorité Imperiale recognoissons difons, declarons & denonçons desobeissant, desloyal, pariure, felon, rebelle, fauteur, protecteur, & Chef de nos subiects rebelles, criminel de leze Maiesté Imperiale, perturbateur de la paix & tranquillité publique, infracteur des saintes & salutaires Loix & ordonnances del'Empire, & coupable de nostre Ban & supreme ban, celuy du saint Empire, & de toutes les peines & amendes contenües és Declarations donnees sur le fait des Bans, & de celles que le droit, la iustice & coustume peuuent suggerer & fournir: & l'auons mis &

*Peines du Ban  
Imperial.*

1621.

mettons de grace en disgrâce, reietté & reietts de nos faueurs & amitié. mesmes pour l'entiere & actuelle execution de ceste nostre Declaration, & denonciation des peines, chastiments & amendes dudit Ban, nous nous sommes resolu & auons conclu & arresté moyonnant la grace, secours & assistance de Tout-puissant, d'agir promptement & sans aucun retardement contre ledit Frideric soy disant Comte Palatin du rhein, comme Bannic public, & ennemy iuré de nous & du S<sup>r</sup> Empire, & suiuant la demonstration desdites salutaires Constitutions & Ordonnances de l'Empire, luy faire ressentir la rigueur des peines conuenables & deües à tels demerites, affin que toutes les difficultez & obstacles estans surmontez, nous & le S. Empire puissiôs paruenir & iouyr d'une paix, vnion & concorde, plus celebre, ferme, stable & asseurée: à quoy nous butons & visons incessammēt, & ne respirons autre chose que de nous monstrier (ainsi qu'il est bien seant & requis d'un Empereur Chrestien) vrayement Pere commun, rechercher en tout & par tout la liberté de la nation Allemande, son aduancement, grandeur, honneur, vtilité & felicité, & faire viure vn chacun sous la douce domination des loix & Ordonnances establies tant pour le faict de la religion que pour la paix publique. Ce que nous vous faisoôs sçauoir

par ces presentes d'autant plus volontiers, que nous esperons que la cause & le motif de nostre iuste, necessaire & inenitable de liberation & resentiment estant par vous cognuë, vous n'impugnerez en façon quelconque cette nostre procedure dont nous vsons maintenant, ains d'une pareille affection que nous, vous vous porterez à venger nostre Maiesté Imperiale & Royale, lésée & offensée. Et de nos mesmes puissances nous enioignons & tres-expreslement commandons à tous en general, & à chacun de vous en particulier par cesdictes presentes, & par les deuoirs & serment par lesquels vous estes obligez & aliez à nous & au S. Empire, voulons & nous plaist que nul, ou aucun de vous, sur peine d'encourir nostre indignation, & la rigueur des chastimens & peines establies, tant par le droit vniuersel, les loix, statuts, & ordonnances de l'Empire, que par les droits feodaux & coustumes contre ceux qui fauorisent & reçoient les Bannis, & principalement de nostre Ban & supreme ban, & celui du S. Empire, cōme aussi de perdre & descheoir de tous honneurs, grades, dignitez, offices, benefices, franchises, libertez, immunitez, droits, tributs, & engagemens, & des fiefs, terres & seigneuries telles qu'elles puissent estre que vous tenez de nous & du S. Empire, & que vos ancestres & vous auez obtenu des Empereurs des Romains & Roys,



1621.

*Contre ceux qui  
l'assisteront.*

d'auguste memoire, nos predecesseurs: mesme perdre les biens & la vie soit si temeraire que de traicter avec ledit Frideric soy disant Comte Palatin du Rhein a nostre prejudice & desaduantage, & iceluy seruir, assister & secourir, soit par argent, viures, munitions ou par autre voye quelle qu'elle soit, secretement ou ouuertement, & sous quelque pretexte ou couleur qu'onques ce pourroit estre. Et si il arriuoit que quelqu'un ou plusieurs d'entre vous en quelque facon & maniere que ce soit, fust ou fussent engagez avec ledit Banny ou aucun des siens, par solde ou autrement, iceluy ou iceux a la premiere veüe & lecture faicte de nos presentes lettres sans aucun delay & refus, & sur le champ se retirera ou retireront, & ne demeurera ou demeureront dauantage au seruice dudit Banny, ou de ses fauteurs, & des fauteurs des fauteurs: Et a vous Estats parens, alliez, subiects & vassaux dudit Banny nous enioignons pareillement & tres-expressement commandons que nul de vous obeisse, fauorise ou assiste ledit Frideric, soy disant Comte Palatin du Rhein, ny n'adhere & participe deormais a sa rebellion, desobeissance, desloyauté & contreuention, ains l'abandonne entierement, se deportte & desiste de toute ligue & association: Sommons & interpellons aussi tous en general & vn chacun de vous en

particulier par les deuoirs & serment par  
lesquels, ainsi que dit est, vous estes obligez  
& aliez a nous & au S. Empire, de nous fi-  
dellement ayder, secourir & assister pour  
executer les peines & chastimés susdits cō-  
tre ledit desobeissant, desloyal turbulent &  
seditieux Banny, & ses fauteurs & les fau-  
teurs des fauteurs, & les remettre aux ter-  
mes de leur deuoir & de l'obeissance, ce que  
ne negligerez nullement d'effectuer & ac-  
cōplir. Et si tant est que quelqu'un de vous  
eust de longuemain ou de nouveau entré  
en quelque alliance, ligue, confederation &  
intelligence avec ledit Banny ou aucun  
de ses complices & adherens, Nous en  
tant que lescdites alliances, ligue, confederation  
& intelligence pourroient estre con-  
traires à ceste nostre declaration & au bien  
du seruice que vous nous deuez comme  
vostre supreme & legitime Magistrat, &  
affin qu'elles ne vous puissent obliger con-  
tre nostre iuste declaration & recognoissance,  
ny empescher l'execution d'icelle, &  
nous nuire ou preiudicier, les auons de nos-  
dites certaine sciēce, pleine puissance & au-  
thorité Imperiale, aboly, cassé & annulé, a-  
bolissons, cassons & annullons par cescdites  
presentes: Semblablement, de nos mesmes  
puissance & autorité Imperiale nous auons  
dispensé & deschargé, dispensons & des-  
chargeons tāt vous qui pouuez estre alliez  
par traictez, de vostre promesse & obligatiō,

que vous les vassaux & subiects dudit Banny, de vos foy & hommage & autres deuoirs feodaux : Et ceux qui obeiront à ces nos commandemens & volentez nous les auons pris & prenons en nostre protection & sauue-garde speciale, donné & donnons nostre sauf-conduit Imperial. Voulons & entendons qu'au contraire de ce iceluy Banny, les fauteurs & les fauteurs des fauteurs ne seront en façon quelconque secourus & assistez ny ne se pourrôt preualoir ny iouir des graces, faueurs, droits, priuileges, sauf conduits, paix publique ou particuliere des villes ou d'aucunes autres alliances & vnions faictes, ou à vous ou à eux en commun ou separement accordées ou confirmées, par nous, les Empereurs des Romains & Roys nos predecesseurs ou autres puissances souueraines ou Magistrats, & de celles qui seront faictes, accordées, ou confirmées cy-apres. Toutesfois si quelqu'un de vous ou plusieurs de quelque qualité ou condition qu'il fust ou fussent, se rendist ou rendissent refractaires à nosdits commandemens & volentez, & sous quelque couleur & pour quelque cause que ce pourroit estre voulust ou voulussent recevoir ou traicter avec ledit Frideric soy disant Comte Palatin du Rhein & Duc de Bauiere, iceluy ou aucun des siens assister, secourir, fauoriser, & fomenter secrettement ou ouuertement contre nous: Nous en ce cas des



present les recognoissons, declarons & denonçons ny plus ny moins que ledit Banny, les fauteurs, & les fauteurs des fauteurs, criminels de leze Maiesté Imperiale & coupables de nostre Ban & supreme ban, celuy du S. Empire & de toutes les peines susdites, mis & mettons de grace en disgrâce. Commandons en outre à vn chacun de se conformer à nosdits commandemens, rager à son deuoir & se garder des pertes, incommoditez & miseres qui pourroient arriuer & souffrir en suite d'vne desobeissance. Donnée en nostre ville de Vienne le 22. iour du mois de Ianuier l'an de grace 1621. de nostre reigne le deuxiesme en l'Empire, le troisieme en Hongrie, & le quatriesme en Boheme.

*Du propre mandement de son Imperiale & sacrée Maiesté.*

La seconde declaration qui suit est contre les Princes qui ont assisté ledit Palatin contre l'Empereur.

Ferdinand, deuxiesme du nom, par la grace de Dieu esleu Empereur des Romains, tousiours Auguste, Roy d'Allemagne, de Hongrie, de Boheme, Dalmatie, Croatie, & Esclauonie, &c. Archiduc d'Austriche, Duc de Bourgongne, Styrie, Carinthie, Carniole, & VVurtemberg, Comte de Tyrol, &c. Aux Illustres, Nobles & Magnifiques Electeurs & Princes nos Oncles, Nepueux, Freres, Cousins &

*Declaration du  
Ban Imperial,  
contre Iean  
George l'aîné,  
Marquis de  
Brandebourg:  
Chrestien, Prin-  
ce d'Anhalt: &  
George Fride-  
ric Comte de  
Hohenloe,*

1621.

Alliez, tres-chers & tres-fidels, salut, & tout accroissement de bien & prosperité Et à tous Princes en general & à chacun en particulier, tant Ecclesiastiques que seculiers, Electeurs, Prelats, Comtes, Barons, Cheualiers, Escuyers, Gouverneurs, Capitaines, Lieutenans, Vicegerens, Preuosts, Administrateurs, Iuges des Prouinces, Baillifs, Mayeurs, Podestats, Bourgsmaistres, Iuges, Conseillers, & Officiers des villes, bourgades & communautez, & tous autres nos & du saint Empire Romain, amez & feaux Vassaux & subiects, de quelque grade, dignité & condition qu'ils soient, ausquels ces presentes nos lettres Imperiales, ou copies d'icelles deuement collationnées, pourront estre exhibées, ou par icelles seront requis, sommez, & interpelléz, la grace & bienueillance de nostre Imperiale Maiesté.

*Ordonnances  
de l'Empire  
contre les Per-  
turbeurs du  
repos public.*

Encores que par nos Ordonnances & celles du saint Empire Romain, il soit tres-expressement dit & déclaré que nulle personne de quelque qualité & condition qu'elle soit, sous quelque pretexte, ou couleur, & pour quelque cause que ce puisse estre, ou par soy ou par autres, enuahira, assaillera, endommagera, perdra & molesterà, ou s'efforcera d'enuahir, assaillir, endommager, perdre & molester, par voye d'hostilité, forces, armes, violence, conspirations, menées, practiques, ligues

& associations, prohibées, & deffenduës, les personnes, villes, bourgs, villages, chasteaux, pays, seigneuries, domaines, territoires & biens possédez, detenus & appartenans à aucun des Electeurs, Princes, Estats & communautéz du saint Empire, ny, mesmes vsurper & ravier leurs Jurisdictions, soustraire & destourner, soit par conseils ou autrement, les subiects de l'obeïssance deuë à leurs Magistrats & Seigneurs legitimes & naturels, ny leur prester main forte, iceux fomenter & entretenir en leurs mauuais & pernicieux desseins : Comme aussi par les Edicts & Ordonnances publiees és Dietes tenuës à Regenspurg, & Augspurg, és années 1548. & 1555. il soit deffendu sous certaines peines y denommées, que nulle personne telle qu'elle puisse estre, pourra s'immiscer, entremettre, offrir, croire, & pretendre luy estre loisible de servir & porter les armes en quelque guerre, entreprise ou autre occasion, contraire à nostre grandeur & Maïesté Imperiale, au bien & repos de quelqu'un de nos Estats obeïssant & fidel del'Empire, sans auoir au préalable nostre congé & consentement (en tant que les Estats soient despendans immédiatement de l'Empire) ou celui du Magistrat, (s'il ne releue directement del'Empire) ny ne pourra secrettement ou ouuertement, en faueur de qui que ce soit, donner secours, aide & assistance, mesmes procurer



1621.

son aduancement au preiudice de nostre conseruation ou des Estats du S. Empire, ainsi que plus à plain le contiennent leldits Edits & Ordonnances: & affin qu'à l'aduenir dansle S. Empire Romain de la nation Allemande, vne plus estroicte, ferme & constante paix, repos, vnion & concorde, fust establie, gardée & entretenüe, les susdites peines auroient esté accreuës & augmentées en la Diette tenuë en l'année 1559. & dit, Que les contreuenans & transgresseurs desdits Edicts, Ordonnances & defences, outre les peines susdites, au mesme instant, & sans autre plus ample declaration, encourroient la rigueur de nostre Ban & du S. Empire Romain. Et encores que dès lors que nous prismes en main le gouuernement de l'Empire, nous ayons cherché les remedes les plus prompts, doux, faciles & salutaires, suiuant nostre affection, bonté & obligation paternelle, pour couper chemin à la maladie contagieuse de rebellion qui alloit de iour en iour occupant & infectant les ames & cœurs de nos subiects, & qu'en suite de ce nous ayons donné nos lettres patentes conformes à celles cy-deuant faictes & en pareil cas expediees par l'Empereur Mathias d'augustememoire, & par luy executées à l'encontre d'aucuns refractaires & delinquans; commandé & enioinct par icelles à vn chacun de se mettre sur ses gardes, yser

des, vser de precaution serieuse, & ne se point emanciper ny enfreindre, ou faire aucune chose contraire à nostre volonté, mais se contenir dans les bornes & limites du deuoir de la modestie : Auec protection que nous nous voyans hostilement assaillis & presséz par qui que ce fust de nos subjects, Estats & autres membres du saint Empire Romain, nous pratiquerions tous moyens de repousser par la force de nos armes, par l'exécution du droict, l'iniurieuse, & detestable enuahie & rebellion, & par la rigueur des peines susdites, & autres par nous reseruées, venger nostre Maiesté Imperiale & Royale, lésée & offensée en son autorité & honneur, par ceux qui nous ont obligé par sermēt, & qui nous ont reconnu & accepté pour leur vray, seul, unique & legitime Seigneur, supreme Chef, & Magistrat, auquel ils doiuent tout respect, obeysance, & fidelité, & au desaduantage & aneantissement de la grandeur duquel ils ne doiuent ou peuuent en façon quelconque estre portez ny flechir. Si est-ce toutesfois qu'incontinent apres que les Princes Electeurs du saint Empire tous d'une commune voix & suffrage, nous eurent legitimement esleus & promeus à la dignité Imperiale, Iean George l'aîné, Marquis de Brandeburg, Chrestien Prince d'Anhalt, & George Frideric, Comte de Hohenloë se jetterent en campagne, &

*Intention de  
l'Empereur.*

1621.

mesprisans toutes les choses cy-dessus alleguees, ensemble nosdites lettres patentes, & autres paternelles admonitions, & offres gracieuses, impudemment & effrontement se rendirent les principaux executeurs & fauteurs de l'horrible tragedie de rebellion, excitee en Boheme, fomentèrent nos suiets rebelles, les seconderent en leurs damnables propositions & desseins ne respirans que carnage, feu & cruauté, & conjointement avec eux, mirent en compromis nostre election, la declarerent nulle & inualide, & pour autoriser dauantage le subiect de nostre reiection, ils semerent par tout des libelles diffamatoires pleins de calomnies, mensonges & suppositions, contre nostre reputation, honneur, dignité & grandeur, choisirent vn pretendu Chef, prirent les armes en main, icelles portèrent contre nous, soustindrent & assisterent puissamment ledit pretendu Chef, de leurs forces & moyens, s'efforcèrent par toutes voies indues & illicites de nous faire la guerre, soustraire de nostre obeissance nos subiects, Royaume, pays, terres & seigneuries, nous priuier & frustrer de nos droicts, iurisdiction & Iustice, & en fin pratiquerent Bethleem Gabor, qui se dit & qualifie vassal de l'ennemy commun de la Chrestienté, & pire que le Turc mesme, pour nous assaillir & molester de son costé, & prester la main à leur rebellion tres-



angereuse & de mauuaise consequence à  
desolation & affoiblissement de tout  
Empire Romain. Chacun scait assez, com-  
me quoy Iean George l'aîné, Marquis de  
Brandeburg, voulant executer sa rage &  
maltalent qu'il nous portoit, nous auroit  
rés nostre aduenement à la Couronne Im-  
periale, mis en mauuaise odeur dans nostre  
Ruché de Silesie, interpreté sinistrement  
des saines intentions & deportemens, &  
désaonné nostre renommee par tant & tant  
de fausses calomnies & iniures atroces,  
dont le souuenir en est entierement fa-  
cheux & insupportable à quelque Prince  
que ce soit, beaucoup plus à vn Empereur  
des Romains, outre ce à nostre grand dom-  
mage & detrimement, diminution de nostre  
authorité & puissance, auroit persuadé &  
duit nos subiects de Silesie de traicter de  
réuocation de nostre Election & Cou-  
ronnement, partie d'iceux fortifié en leur  
bellion, & partie par force, violence &  
ruse, tiré de nostre obeïssance, & assisté  
autres felons & rebelles, auroit par tou-  
tes sortes d'inuentions & pratiques, pris &  
exigé de nosdits subiects des contributions  
des sommes immenses de deniers, iceux  
employé à nous faire la guerre, & avec  
certain forte se seroit opposé à nostre tres-  
cher & bien-aymé Commissaire le Duc  
de Saxe, fait plusieurs affronts & indignitez  
sa personne, aprehendé ses Deputez,

*Contre le viel  
Marquis de  
Brandeburg.*

1621.

Contre le Prin-  
ce d'Anhalt.

iceux constitué prisonniers, suscité & prou-  
qué nos suiets cōtre luy, exposé nostre pay  
& peuple aux incōueniens, miseres & cala-  
mitez que la guerre traine volontiers au  
foy: & cōme l'vn des principaux autheurs d'  
rebelliō auroit esté la cause & l'origine d'vn  
grande effusion de sang, ruine & degast d'  
pays, & de tout ce qui s'en est ensuiuy: fina-  
lemēt n'auroit rien obmis pour nous puis-  
ment trauailler. Il n'est pas moins notoire  
manifeste à vn chacun que Chrestic Prince  
d'Anhalt, outre les traiçtez, menees, entre-  
prises, practiques & autres choses séblable  
cy-dessus mentionnees en general, se sero  
efforcé de nous attaquer & inuestir hostile-  
ment, non seulemēt en nostre Royaume d'  
Boheme, mais aussi en nostre Archiduché  
d'Austriche, & quasi à nostre barbe, auro  
par la force des armes emporté & pris plu-  
sieurs villes, chasteaux & forteresses, de-  
bauché & corrompu nos suiets, & exercé  
l'écontre de nous toutes sortes d'actes d'ho-  
stilité dont il se seroit peu aduiser, iusques  
ce que finalemēt il auroit esté honteusemēt  
chassé & mis en fuire, & cōme par ses proc-  
dures & cōseils detestables, il auroit esté l'vn  
des principaux autheurs de tous ces desor-  
dres & miseres, moyennant lesquels le Cō-  
Palatin se seroit fortifié en ses pretensions,  
auroit par les voies de fait & de force, secō-  
les dānables desseins contre nous proiecté  
par nos subiects rebelles & sās aucū droit  
raison vallable, fait & rédu la cause siéne,

par ainsi allumé dans le S. Empire Romain  
en feu espouuientable qui le va presque cō-  
mmander iceluy d'Anhalt pour mōstrer la  
grāde auersion qu'il auoit de nous, ne se se-  
roit pas seulemēt auparauant la celebre vi-  
ctoire à nous octroiee par la pure bonté &  
clemēce du Tout puissāt, porté violēment à  
toutes extremitez de guerre, fait des leuées  
de soldats, pris & accepté la cōduite genera-  
le de l'armée, mais aussi apres ladite victoire  
auroit mis toutes pieces en œuvre pour di-  
sperder & espandre plus loing ce feu & cette  
rage inouye, mesmes introduire en nostre  
dite Duché de Silesie & ailleurs les reuoltes,  
seditiōs & felōnies. L'o sçait aussi, que George  
Frideric de Hohenloe réply d'ingrati-  
tude & mesconnoissāce des biēs faicts par luy  
receus des mains liberales de nos predeces-  
seurs, Rudolphe & Mathias. d'auguste me-  
moire, Empereurs, se seroit nō seulemēt pé-  
dāt le regne dudit Empereur Mathias, d'au-  
guste memoire, rédu refractaire & desobeis-  
sāt à ses cōmendemens & admonitions, mais  
aussi du depuis bādē & leuē cōtre nous, lors  
que nous fusmes declaré, publié & reco-  
gneu Empereur des Romains, & nonobstāt  
nos lettres declaratoires, & les peines y con-  
tenuēs, auroit adheré & suiuy le party des  
rebelles, & de leur chef pretendu & par eux  
malicieusemēt choisi, & en suite de ce nous  
auroit hostilement assailly & trauerse, tant  
en nostre Royaume hereditaire de Boheme,



1621.

qu'en nostre Archiduché d'Austriche, distrait & diuertý nos suiets de l'obeïssance naturelle qu'ils nous doiuent, negotié avec Bethleen Gabor, & par vne conspiratiõ exécrable iuré nostre ruine & celle de l'Empire, & en ceste affaire seferoit mōstré grādemēt partial & interessé: mesme fait desactes d'un des principaux Auteurs & Fauteur de cest troubles & mouuemēs qui paroissent encores iournellemēt. Puis que par les choses cy-dessus amplemēt deduites, il appert euidēmēt que biē que lesdits de Brādeburg Anhalt, & Hohēloc, cōme Estats & mēbre immediatemēt mouuās & dependans du S. Empire, & suiuent leur sermēt, par lequel ils sōt obligez à nous & audit Empire, deussent seruir de bōne exēple à nos autres suiets, se ioindre volontairement avec nous par vñ seruēt desir du biē de la patrie, pour empêcher & destourner tout ce qui pourroit estre machiné cōtre nostre persōne, hōneur, dignité, grādeur & Estat, mesmes dissiper, estouffer & amortir toutes entreprises & attentats faits par des suiets contre leurs legitimes Magistrats: Neantmoins a nostre extreme regret & deplaisir ils auroient fait tous efforts pour affoiblir & supprimer nostre dite grādeur, honneur & reputation, alterer l'aciēne & bōne intelligēce du S. Empire, a nostre tres-grād dommage & preiudice, mespris de leur deuoir & fidelité envers nous, ruine & desolatiō dudit Empire, & outre ce, auroiēt par leurs mauuais con-

ails & armes insolentes, porté nos suiets & ays à vne rebelliō manifeste & presque generale, pour plus facilēmēt esclorre & venir au bout de leurs desseins & pratiques infames par eux dés long tēps premeditez contre nostre Imperiale & Royale Maieſté. Et que le trouble excité par nos suiets contre nous, ne peur, ny ne doit par qui que ce soit, si ce n'est par des rebelles mesmes estre en action prinnee, ains vne rebelliō ouuerte, de perfidie & desloyauté & force inouye des suiets a l'endroit de leur supreme Magistrat, auquel ils ont esté obligez par sermēt & sōt encore a presēt: Et qu'aussi nous recognois. ōs que c'est du deu de nostre charge de cōseruer soigneusemēt nō seulemēt nos droits & ceux de nostre maison, qui sont indubitables & hors de controuersē: mais aussi cōme supreme Chef & Empereur des Romains, de garantir & deffendre tout l'Empire Romain, mesme le moindre Estat d'iceluy, si il se trouuoit engagé, cōtre toutes sortes d'incurſions & inuasiōs violētes & ennemies, abolir & dissiper ceste prise d'armes rebelles faite par nos suiets; A cte tres-aduantageux à l'ennemy cōmun de la Chrestienté, & de tres-perilleuse exemple & consequence à craindre à tous Magistrats & puissances souueraines, & par des peines conuenables repousser les iniures & notāmēt punir ceste temerité & hardiesse du tout effreneē de nos suiets rebelles & de leurs fauteurs, les

1621.

*Leur condam-  
nation au Ban  
Imperial.*

quels se sont efforcez de renuerser les loix  
fondamentales du S. Empire, les priuileges  
du Royaume de Boheme (que nous passons  
sous silence pour n'estre de ce lieu) de prauoir  
& corrompre les sés de la Bulle Doree à leur  
plaisir & fantasie, & en forger toutes autres  
nouuelles, quoy faisât les personnes dessus-  
dites ont encouru & se sont rendus coupables  
de la rigueur des peines decernees & es-  
tablies par nos constitutiōs & du S. Empire,  
Traitez de paix, mandemens, declaratiōs, Sta-  
tuts, loix & Ordonnāces anciēnes & moder-  
nes, tāt cōtre les perturbateurs du repos pu-  
blic, que felōs & Criminels de leze maiesté.  
A CES CAUSES apres auoir meuremēt consi-  
deré l'estat de cette affaire, & suiuant l'exigē-  
ce des cas, la necessité ineuitable, & le de-  
voir de nostre charge à nous cōmise par la  
bonté & clemence diuine, Nous auons les-  
dits Marquis de Brandeburg, Prince d'An-  
halt & Comte de Hohenloe, recogneu, dit,  
declaré & denoncé, & de nos certaine scien-  
ce, pleine puissance, & autorité Imperiale,  
recognoissons, disōs, declarōs & denōçons  
desobeïssāns, desloyaux, & parius rebelles,  
criminels de leze Maiesté Imperiale, per-  
turbateurs de la tranquillité publique, &  
coupables de nostre Ban, & supreme bā, ce-  
luy du S. Empire, & de toutes les peines pei-  
nales, & autres susdites. Et les auōs mis &  
mettōs de grace en disgrace, reietté & reiet-  
tōs de nos faueurs & amitié. De nos mesmes



Nâces nous enioignôs, & tres-expressément commandons à tous en general, & à chacun de vous en particulier par ces presentes, & par les deuoirs & serment par lesquels vous estes obligez, & aliez à nous & au sainct Empire. Voulons & nous plaist que nul, ou aucun de vous, sur peine d'en courir nostre indignation, & la rigueur de nos loix & ordonnâces, perdre & deschoir de tous honneurs, grades, dignitez, offices, benefices, franchises, libertez & immunittez, & des fiefs, terres, & seigneuries que vous tenez de nous, & que vos Ancestres & vous, auez obtenu des Emperours des Romains, & Roys d'Auguste memoire, nos predecesseurs: comme aussi de perdre les biens & la vie, soit si temeraire que de traiter avec lesdits Iean George l'aîné soy disât Marquis de Brâdeburg, Chrestien soy disant Prince d'Anhalt, & George Frideric, aussi soy disant Comte de Hoheloe, tous trois bannis, iceux seruir, assister, secourir & fauoriser secrettemēt ou ouuertemēt les receuoir chez soy heberger, nourrir, & alimenter, ny leur fournir & trouuer aucune retraite secrette ou les faire euader: & s'il arriuoit que quelqu'un d'entre vous ou plusieurs, en quelque façon & maniere que ce soit fust ou fussent engagez avec aucun desdits trois bannis, iceluy ou iceux à la premiere veüe & lecture faite de nos presentes lettres sans aucun delay & refus &

sur le champ se departira ou partiront de tout party, ligue & association, & ne communiquera ou communiqueront avec aucun d'eux. Or afin que nul de vous quel qu'il soit, sous pretexte de quelque foy & hommage par luy deub à aucun desdicts bannys, ou alliance & intelligence qu'il a ou pourroit auoir avec l'un d'iceux, face difficulté d'obeir à nos presentes volontez, & commandemens, Nous, entant que lesdits foy & hommage, alliance & intelligence, sont contraires au bien du seruice que vous nous deuez comme vostre supreme & legitime Magistrat : & à ceste nostre declaration, les auons de nosdites certaine science, pleine puissance & autorité Imperiale, aboly, cassé & annulé; abolissons, cassons & annullons par ces presentes : Et si aucun de vous estoit allié par traités ou autrement avec lesdits bannis, Nous de nos mesmes puissances que dessus l'en auons dispensé & deschargé, dispensons & deschargeons. Toutesfois si qu'elqu'un ou plusieurs de quelque qualité & condition qu'il fust ou fussent, soit ou soient, sous quelque couleur & pour quelque cause que ce pourroit estre, se rendist ou rendissent refractaire ou refractaires à nosdits commandemens & volontez : Nous voulons proceder contre luy ou eux, par les mesmes voyes de rigueur & iustice, & luy ou leur faire ressentir nostredite indignation

& dis grace, ainsi qu'ausdits bannis. Commandons en outre à vn chacun de se conformer à nosdits commandemens, ranger à son deuoir, & se garder des pertes, incommoditez & miseres qui pourroient arriuer & souffrir en suite d'une desobeissance. DONNE' en nostre ville de Vienne le vingt deux-iesme iour du mois de Ianuier, l'an de grace mil six cens vingt & vn de nostre regne le deuxiesme en l'Empire, le troisiemesme en Hongrie, & le quatriemesme en Boheme.

*Du propre mandement de son Imperiale & sacrée Maïesté.*

La troisiemesme est contre Bethleen Gabor en cette forme,

Ferdinand II. du nom, par la grace de Dieu esleu Empereur des Romains, tousiours Auguste, roy d'Allemagne, de Hongrie, de Boheme, Dalmatie, Croatie & Esclauonie &c : Archiduc d'Austriche, Duc de Bourgogne, Styrie, Carinthie, Carniole & Vvurtemberg &c : Comte de Tyrol &c : A tous & vn chacun de ceux qui ne se sôt rédus indignes, de nostre grace & biévueillance Imperiale & Royale. C'est chose trop notoire & manifeste à tous & semble superflu de représenter par vnelōgue suite de discours, cōbien sont deplorables les seditiōs, rebellions & esmotiōs ciuiles, quels rauages, pilleries, meurtres, degasts & autres calamitez extremes vont accablant

1621.

*Declaration de  
L'Empereur  
contre Berhleu  
Gabor.*



*L'Empereur  
esleu Roy de  
Hongrie par  
vöye ordinaire.*

& consommant nostre Royaume de Hongrie. Et encores que nous ne puissions regarder, sans estre touchez d'une compassion & affection paternelle, la face de nostre tres-cher Royaume proposee deuant nos yeux toute desfiguree & affligee, comme aussi les miseres extremes desquelles nous sommes maintenant oppressez, & qui sans doubte tomberont sur nostredit Royaume pour le trop grand voisinage d'un Ennemy tres-puissant. Toutesfois deuant le grand Dieu immortel & tout l'Empire Chrestien, nostre conscience ne demeure pas peu consolee, en ce que par le tesmoignage de nostre innocence nous sommes assurez n'auoir en ce miserable & piteux Estat de la patrie, iamais esté donné de nostre part aucune seule cause ou occasion, ce qui se verifie par le tesmoignage public de nostredit Royaume de Hongrie inseré dans les Decrets publics des Assemblees. Car en premier lieu nous ne sommes point paruenus à la Couronne de Hongrie, & grandeur de la Majesté Royale, par la voye de force, par les armes, ou par brigues & chemins obliques defendus par les loix, ainsi que quelques vns suuant l'exemple de nos rebelles de Boheme nous osent effrontement obiecter, mais par voye & raison tresiuste, tres legitime & ordinaire. Ce que toute la Hongrie a déclaré & protesté par les Articles de la Diette tenuë en l'annee mil six cens dix-

huiſt, par leſquels ils ont publiquement  
recogneu & confeſſé que tous d'une com-  
mune & vnanime voix & conſentement,  
& ſelon leur ancienne couſtume & liberté  
de tout temps pratiquee, ils nous ont legi-  
timement eſleu & proclamé Seigneur &  
Roy, & finalement apres auoir inuocé la  
faueur & aſſiſtance diuine, heureuſement  
couronné. Lequel teſmoignage les Eſtats  
de Hongrie ſe ſont tellement efforcez de  
faire inferer dans les Statuts & Ordonnan-  
ces du Royaume, (Dieu en diſpoſant ainſi  
par vn reſſort caché & ſecret de ſa diuine  
providence, afin qu'à l'aduenir ſoubs quel-  
que pretexte que ce fuſt, noſtre legitime  
Seigneurie & gouvernement ne peult eſtre  
reuoqué en doute) qu'ils en ont ſollicité  
& obtenu particulieres lettres patentes de  
l'Empereur Mathias, d'heureuſe memoire,  
par leſquelles il auroit eu agreable & con-  
ſenty que les paroles ſuſdictes fuſſent in-  
ſerees dans les Loix du Royaume, ſans au-  
cune alteration ou changement d'un ſeul  
mot. Lequel teſmoignage & declaration  
publique, noſtre Maieſté ne ſe peut imagi-  
ner & croire eſtre tellemēt abolie & effacee  
des cœurs de la meilleure & plus ſaine par-  
tie des habitans & peuples dudit Royaume,  
que pluſtoſt elle ne conſidere & recognoiſ-  
ſe que les plus gens de bien y ſouffrent avec  
vn grand regret & deſplaiſir ceſte oppreſſiō  
indigne de leur patrie, & qu'il y a pluſieurs

*Ses actions de-  
puis son adue-  
nement à la  
Couronne.*

qui n'osent dire ce qu'ils pensent, retenuz par la violence de Bethleen Gabor & deses complices, qui ne se plaisent qu'aux nouueautez & ne respirent qu'à la confusion.

Et pour ce qui concerne l'administration de nostre charge Royale que beaucoup de meschans ont pareillement voulu blâmer pour pretexte & couuerture de leur rebellion infame & detestable, nous nous y sommes, assistez de la grace & bonté du tout-puissant, gouuernez en telle sorte, que nul quel qu'il soit, ou en particulier, ou en public ne se scauroit plaindre & dire avec verité, que nous ayons en aucune chose ouï partie enfreint ou violé les loix du pays, le droict & la iustice: Si tost que l'Empereur Mathias, d'heureuse memoire en l'année 1619. vingt-iesme iour du mois de Mars fust passé de cette vie en l'autre, nostre premier & principal soing fut de mettre ordre aux affaires de Hongrie, & a cet effect nous publiâmes & conuinquâmes l'Assemblée des Estats du royaume au iour & feste de la tres sainte Trinité qui escheoit pour lors le 26. May. Et d'autant que selon la loy de la Bulle d'or, & aussi les affaires del'Empire ainsi le requerât, nous fûmes citez par l'Electeur de Mayence de comparoir à Frâncfort en l'Assemblée Electorale afin de proceder à l'Electio[n] & nomination d'un roy des Romains, du consentement de tous les Estats, nous donnâmes pleine & entiere



puissance a Sigismond Forgach de Gyms  
Palatin de Hongrie, de tenir en nostre nô  
ladiète Assëblee des Estats, & outre ce gra-  
cieusement & liberalement nous offrîmes  
la conseruatiô de tous les Priuileges, droits  
& immunitez, & en ladite mesme Assëblee  
des Estats qui fut finie & côclue le 13. Aoust  
de ladiète annee 1619. tout la Hongrie par  
vne constitution publique du Royaume,  
confessa & declara l'administration & gou-  
uernemët de nostre Maiesté Royale en tout  
& par tout irreprochable, & ensuitte de ce  
tres-humblement nous remercierent de ce  
qu'ils auoient esprouuë nos graces & fa-  
ueurs enuers les fideles Estats & ordres, en  
telle sorte, que toutes les choses qui auoient  
esté establiees par vertu de nos Lettres pa-  
têtes Royales, par les articles arrestés l'ã pas-  
sé lors de nostre Courônemët nous n'e auôs  
obmis aucune qui peust estre desirée de no<sup>s</sup>

Or nous voyans ainsi appuyez d'un si ad-  
uantageux tesmoignage qu'estoit celuy de  
tous les Estats & Ordres, nous ne craignîs  
& redoutions rien moins que les soudains  
& seditieux mouuements en Hongrie, au  
mesme temps que par la singuliere bonté  
& clemence de Dieu, & du commun con-  
sentement, & suffrage des Princes Ele-  
cteurs nous fûmes esleuz & promeuz à la  
dignité Imperiale, par la demesuree & estre-  
nee conuoitise & ambition de regner d'un  
homme, mais qui auoit gaigné & attiré

1621.

*Tyrannie de  
Bethleë Gabor.*

*La paix en  
Hongrie faicte  
avec luy.*

à ses damnables & pernicieux desseins & con-  
pirations plusieurs & puissants complices  
& fauteurs, & ioinct ses forces & conseil  
auec ceux de nos subiets rebelles, vn grand  
& tres dangereux feu de rebellion, trahison  
& perfidies alluma, dont tant la naissance  
que le progres & l'issuë ont esté detestable  
pour auoir esté remplis & suivis de fraude  
tromperie, malice & tyrannie. Car apres  
que Bethleen Gabor fauorisé & assisté de  
l'armee Turquesque eust enuahy la Tran-  
siluanie, depossédé de la Principauté de  
Transiluanie, son souuerain Seigneur, Ga-  
briel Batthory, auquel il estoit obligé par  
serment de fidelité & en fin l'eust faict mou-  
rir; il aduisa des moyens pour sa seureté &  
conseruation, & trouua que rien ne luy  
pouuoit estre plus salutaire & profitable  
que de rechercher soigneusement l'alliance  
de l'Empereur Mathias, d'heureuse me-  
moire, & traicter de paix & accord avec  
luy sous certains paches & conditions: Et  
entre autres Articles de la paix arrestée &  
conclué en l'année 1615. fust promis tant  
par ledit Bethleen que par les Estats de Tra-  
nsiluanie sous leurs seings manuels & appo-  
sition de leurs sceaux aux Lettres patentes  
sur ce faictes: Qu'en quelque temps que ce  
pourroit estre ils n'auroient aucune preten-  
sion contraire ou ennemie, soit contre sa  
Maiesté, ses legitimes successeurs Roys de  
Hongrie, & le Royaume, soit contre le tref-  
auguste

auguste maison d'Austriche, les Royaumes & Prouinces avec lesquelles sa maiesté auoit particuliere alliance & confederation, & ne permettroient point qu'il fust fait aucune chose secrettement ou ouuertemēt au preiudice des libertez, Priuileges, paix & repos de Hongrie & que toutesfois & quantes qu'il seroit besoing ledit Bethleen & ses successeurs, avec les Estats & Ordres de Transyluanie assisteroient sa Maiesté, ses legitimes successeurs & le Royaume de Hongrie, contre leurs ennemis (fors & excepté le Turc) de toute aide, secours, forces & fidelité. Et afin que toutes les choses susdites fussent d'autant plus sainctement gardees & obseruees, qu'elles estoient estroittement establies, de rechef en l'annee 1619. les mesmes furent renouellees, cōfirmees & ratifiees par Lettres patentes signees & scelees: Et iceluy Bethleen en sa parolle de Prince, par sa bonne foy, & les Transiluains par leur foy Chrestienne, promirent d'observer & faire observer sainctement & inuiolablement, tant par eux mesmes, que par les autres qui y pourroient auoir quelque interest, les susdicts articles, à l'observation & entretenement desquels ils voulurent & entendirent leurs successeurs estre à iamais tenus & obligez.

Par ces liens donc très-estroits de ces paches d'alliance, nous croyons auoir assez

DDd



1621.

*Perfidie dudit  
Bethlé Gabor.*

pourueu au bien, seureté & conseruation de Hongrie, & n'attendions aucun acte d'hostilité de la part dudit Bethleen : Mais a peine quelque peu de mois furent escoulez apres ces traictez de paix & alliance renouellez, que ledit Bethlé contre sa foy & parole donnée, proiecta non seulement avec aucuns perfides & seditieux Seigneurs & habitans de Hongrie, mais aussi avec les rebelles de Boheme, & nommement avec Frideric Comte Palatin du Rhein, d'enuahir traistreusement nostredit Royaume de Hongrie. Et affin que par les soudaines & diligentes leuees d'armes qu'il faisoit, le public ne iugeast assez de ses conspirations & entreprises couuertes, iceluy Bethleen vsant d'astuce & artifice fallacieux, reïtera & declara par diuerses lettres, escrites aux principaux Officiers de nostre royaume de Hongrie, qu'il n'auoit point mis en oubly les paches & conuentions en vertu desquelles il se recognoissoit luy & toutela Transiluanie tres-estroitement obligez d'estre prests à secourir nostre M. contre tous les ennemys avec toute sorte d'assistance, forces & fidelité ; que le tēps estoit venu, auquel il deuoit faire paroistre par effects sa constance en l'observatiō desdits paches & conuentions, parquoy si nous auions pour agreable, il nous fourniroit sur le champ, & enuoiéroit contre les Bohemes quelques milliers de gens de guerre, lestes & bien equipez. Et pour

neux tromper les Transilvains, moins ad-  
 uisez & clair voyants, & les porter à pren-  
 dre les armes, & faire des leuees de soldats, *Ses mauuaises*  
 il leur representa viuement les conditions *pratiques.*  
 des traictez d'alliance & confederation  
 faicts avec nous, que suiuant icelles & la  
 foy donnee, ils ne doiuent differer de nous  
 secourir & prester main forte. En fin apres  
 que Bethleen Gabor eust recogneu auoir  
 finement trompé & deceu les Transilvains,  
 & se veid assez fort & puissant pour execu-  
 ter ses entreprises, il escriuit des lettres à  
 nostre Magnifique General de Cassouie  
 ANDRE' DOCZI, & luy fist entendre  
 qu'il s'estoit acheminé vers Varadin, & ne  
 doutoit point que ses ennemys ne semas-  
 sent plusieurs & diuers bruiets de luy, com-  
 me s'il auoit dessein d'enuahir la Hongrie:  
 Au reste qu'il luy donnoit aduis, & le pri-  
 oit instamment de n'adiouster foy aux dis-  
 cours de ses malueillants, qu'il n'auoit pas  
 encores effacé de sa memoire les choses aus-  
 quelles par les capitulations & la foy don-  
 nee il estoit obligé enuers nostre Maie-  
 sté. Par ces & autres douces parolles &  
 discours amiellez, Bethleen gaigna & en-  
 dormit tellement l'esprit de nostredit Ge-  
 neral, qu'il reiecta deslorstoute deffiance,  
 ne se pouuant imaginer que quelque chose  
 de sinistre peust elclorre de la part dudit *Pour faire re-*  
 Bethleé, mais il en arriua autrement, car au *uolter les Hong-*  
 commencement de Septembre del'an passé *grois.*

1621.

moyennant la trahison & perfidie des Catholiques, nostredit General fut pris prisonnier par Bethleen, mis aux ceps & enuoyé sous vne feure garde en Transiluanie, où il deceda.

En suite de ce, ledit Bethleen commença à courir la haute Hongrie, où entré qu'il fut par force & terreur, il exerça toutes sortes de cruautéz, violéces, pilleries, meurtres & degasts, & par des oppressions infames & outrageuses poursuivit la ruine de nos fidels subiects, tant Ecclesiastiques que Seculiers, & après auoir profané & destruit les Eglises des Catholiques, chassé ou tué les Prestres, pris & occupé les biens Ecclesiastiques, & banny du pays les principaux personnages qui refusoient de violer la foy deuë à Dieu & au Roy couronné sous le nom de Prince de Hongrie, il vſurpa meschamment la Seigneurie & domination de de nostre Royaume, & tandis que nous estions fort esloignez & empeschez aux ceremonies de nostre couronnement Imperial, mesmes auparauant que nous eussions eu nouvelles du trouble de Hongrie, il s'aduança iusques à Presburg, & y ayant surpris le Palatin de nostre Royaume de Hongrie, par force & par crainte le contraignit au tres-grand preiudice de nostre droit, puisque la conuocation des Estats n'appartient qu'au Royaume seulément, de publier & conuoquer à Presburg vne Diete generale.



Mais d'autant que le bruit des armes & la terreur tyrannique maistrisoit la petite Assemblée de Presburg, pour ce aucuns complices & adherants de Bethleen, mespriants l'obligation tres-estroite qu'ils nous auoient à raison des foy & hommages à nous rendus, & abolissans autant qu'il leur estoit possible nostre autorité Royale, par vn exemple detestable & depuis plusieurs siecles inouï de meschanceré & perfidie, cōploterent ensemblement l'introduction dudict Bethleen à la Royauté, ordonnerent la cassation des tres-anciennes prerogatiues de l'Estat Ecclesiastique, appliquerent aux vsages profanes tous les biens des Eglises, despoüllerent honteusement les Officiers de nostre Maïesté de leurs charges & dignitez, declarerent bannis & traistres à la patrie les principaux personnages tant Ecclesiastiques que seculiers, qui ne voulans approuuer & consentir aux damnables & furieux attentats des rebelles, s'estoient absentez du pays: Et finalement afin que rien ne manquast pour l'entiere execution & accomplissement de leur rage & manie violente, entrerent avec les Rebelles de Boheme en vne ligue & confederation pernicieuse & capable de produire beaucoup de Rebellions, & assistez de leurs troupes, enuahirent hostilement l'Austriche; & s'estans acheminez vers Viëne où estoit lors nostre Cour & siege Imperial, rauage-

1621.

rent, bruslerent & mirent tout au fil de l'espee.

Or bien que nous n'eussions faute de conseil pour pouuoir aller au deuant d'une telle perfidie par des remedes plus seueres & rigoureux, neantmoins, auparauant que de venir aux armes, gaignez par nostre bonté & clemence naturelle nous voulusmes experimenter toutes choses & veoir si par des remedes doux & amiables ledict Bethleé & ceux de sa factiō ne se rendroient point susceptibles de meilleurs conseils. Et pour ce nous enuoyasmes nos principaux Commissaires a Presburg, par lesquels non seulement offrismes de rechef aux habitans & peuples de Hongrie, la paisible & seure iouissance de nostre Royale clemence, de leurs libertez, Privileges & autres octroys, mais aussi bonne foy & de nostre Royale bonté, promismes audict Bethleen toutes sortes de commoditez & aduantages, qui pouuoient estre par nous accordez, sans alterer ou preiudicier aux loix & statuts de Hongrie: Mais iceluy Bethleen voyant que ses affaires n'estoient pas encores assez bien establies & asseurees & affin qu'en attendant il eust moyé de negotier avec le Turc, pour ueoir à la Transiluanie, & se garantir de la crainte du Polonois, mesmes recognoistre a quoy aboutiroit la guerre de Boheme, vlsant de son artifice ordinaire, feignit & promist faire en sorte que toute la Hongrie

se reduiroit a nostre obeïssance, que pour ce faire il falloit du temps, pendant lequel par ses persuasions les Esprits de plusieurs grandement irritez pourroient estre adoucis, qu'il estoit besoing de convenir de certaine trefue qui dureroit iusques au iour & Feste de S. Michel, pendant laquelle toutes choses demeureroient en l'estat qu'elles estoient lors del'accord d'icelle, & de part & d'autre rien ne seroit attenté, ny aucun acte d'hostilité exercé contre l'un ou l'autre party. Et encores que nous recogneussions aisément que Bethleen ne quitteroit point ses anciennes ruses & meschâsetez, toutes-fois afin de luy faire esprouver nostre clemence, nous accordâmes ladicte trefue soubz certaines conditions confirmées & receuës de part & d'autre, par lettres patentes sur ce expediees, avec cette expresse reservation (pour ce qui regarde les Bohemes pour lesquels ledit Bethleen insistoit fort & desiroit qu'ils y fussent compris), qu'il n'y auroit point autrement de trefue avec lesdits Bohemes, si premieremēt nous n'en estions requis de leur part, & que de bonnes, iustes & raisonnables condicions nous fussent offertes. Apres ce nous enuoyâmes aussi audict Bethleen, nos lettres de sauf-cōduit pour les Bohemes, au cas qu'ils voulussent presenter des conditions de trefue, iustes & raisonnables.

A peine fust la trefue arrestee que Bethleē

DDd iij



1621.

*Bruits faux se-  
mez par Beth-  
leen Gabor à  
Constantinople*

par des faux bruits semez à Constantinople & en y descriant nos affaires, releuant au contraire meschamment & contre toute verité celles de nos ennemys, & faisant paroistre l'occasion fort propre & aduantageuse, sollicita & pressa viuement le Turc de nous faire la guerre: Pendant ces menées & pratiques infames, iceluy Bethleen s'empara des forteresses du Comte Homonay: assiegea par diuerses fois Munkach & Nitrie: se rua hostilement sur les troupes Allemandes qui sans faire tort à personne descendoient à lauarin par le Danube: attaqua non pas vne fois la forteresse de Gomorhen par les Heyduques, chassa du Chasteau du Presburg la garnison Allemande, & exerça mille autres meschancetés & entreprises au preiudice des paches & conditions de la trefue accordee. Finalement le premier Estat du Royaume de Hongrie absent, les Ambassadeurs de tout le Royaume d'Esclauonie, & plusieurs des Grands non comparants, plusieurs aussi des Deputez des Comtez, sui- uans leurs instructions, refusants tout à plat, & s'opposans, mesme l'Assemblée estant desia rompuë par nos Ambassadeurs, afin que de là en auant rien ne se peust traiter legitimement, & le iour precedent certaine mort ayât esté denôcée cõtre ceux qui voudroiët aller au contraire, par la tumultueuse acclamation d'vne petite poignée

de mutins & factieux, vrayes allumettes de rebellion, il se fit proclamer Roy de Hongrie le 25. Aoust, & ayant ouuertement rompu la trefue, forcé Nitrie, fit passer ses troupes en Autriche, & par nos terres & seigneuries qui sont au deçà du Danube, & mettant tout à feu & à sang, enleua nos villes, Chasteaux. fortereſſes, & autres places frontieres.

Àuſquelles choſes faiçtes & executees par fraude & violence, il adiouſta encores celles-cy : que tout ainſi qu'en Tranſiluanie pour ſ'acquérir les bonnes graces du Turc, apres auoir vſé de ſurpriſe & la force en main, il liura au Turc les puiſſâs Bouleuerts & deſſences de la Chreſtienté reconquises ſur luy, ſous le regne de Sigismond Bathory, aux frais & deſpens exceſſifs & innombrables del'Empire Romain, à ſçauoir Lyppe, Solym, Totuaradgy, Margit, Monoflor, Arad, Syri & Facſath; ainſi a-t'il maintenant commencé de mettre entre les mains du Turc les meilleures places frontieres du Royaume, & depuis n'agueres luy a liuré Vazy ville Epiſcopale, ſituee entre Bude & Strigonic en vn lieu tres-importât & commode, iadis reconquise & deſſenduë avec vne deſpence grande & immense de la Hongrie, & du S. Empire. Et afin qu'il ſe purgeaſt du ſoupçon & ſe garentiſt de la haine ia conceuë & nee allencontre de luy à raiſon d'vne ſi deteſtable & malheureuſe

*Places de Tranſiluanie liurees au Turc par Bethleen Gabor.*

1621,

trahison, il nous chargea de ce blafme & publia que par nostre Ambassadeur refidét à la porte de l'Ottoman, nous auôs trahé avec le Turc pour luy liurer icelle ville de Vaczy: ce qui est tellement faux & supposé, qu'il n'y a personne, s'il n'est tres-méchant & tres-scelerat, qui y puisse donner foy & creance.

*Paintes qu'il  
fait.*

Ce n'est pas icy que s'arrestèrent les calônieuses intentions de Bethleen cōtre nous, car és prefaces des Articles de Neuvvenzoll, il se plaint que les Estats de Hongrie sont oppressez & troublez au libre exercice de la Religion, en la iouyssance de leurs anciennes libertez & immunitéz publiques: combien ceste supposition soit esloignée de verité, la constitution des habitans du Royaume faite en l'année 1619. cy-dessus rapportee, & publiee presque vn mois auparavant l'inuasion dudit Bethleen, le telmoigne assez clairement. Il adioust que nos soldats Polonnois ont commis plusieurs meurtres en quelques endroits de la Hongrie, contre les conditions & assurances de la trefue: Et finalement il dit aussi, que nous auions enuoyé nos Commissaires à Neuvvenzoll, plus tard qu'il ne falloit, qu'ils n'estoient point munis ny garnis de pouuoirs assez suffisans & amples, qu'en iceux il n'estoit fait aucune mention des Confederés, & que par iceux les Hongrois estoient qualifiez du nom de Vassaux: Mais qui pesera



cecy d'une iuste balance, recognoistra facilement, que de propos deliberé l'on s'est traouillé a chercher les occasions & la maniere de mesdire de nous. Car au moyen de la trefue les chemins furent rendus libres de part & d'autre: Surquoy les Polonois se-stant asséurez sans attendre aucun ordreny mandement de nous, prirent leur chemin vers la Hongrie: mais deslors qu'ils se virent hostilement poursuiuis & que par tout on leur couroit sus, & que mesmes on les assalinoit ayans recóurs à vne iuste & necessaire deffence, permise par les loix de nature, ils se firent passage à la pointe de leurs espees: Nous depeschames pour ce vn peu tard nos Commissaires, d'autant que Bethleen nous auoit fait dire qu'auant la tenuë des Estats, il enuoyeroit vers nous certains siés Ambassadeurs, par lesquels il nous feroit entendre & représenter les choses necessaires pour estre traitées en la prochaine diette & assemblée: tandis que nous les attendiós, & differiós de faire nos instructiós sur l'incertitude des choses qui nous pouuoient estre proposees par les Ambassadeurs dudit Bethleen, nous apprismes plus tard qu'il ne falloit, qu'iceluy Bethleen auoit chagé de cónseil, & qu'il auoit sursis l'enuoy de son ambassade promise. Nous fismes expedier les pouuoirs en la forme ordinaire & accoustumee, pour essayer de pacifier & mettre ordre aux affaires de Hongrie

1621.

(pour laquelle seule raison icelle diette fut par nous conuoquee) Pour ce qui cōcerne le nom de Vassal, qui fut inseré dans lesdits pouuoirs, cela n'a point esté fait par affection ou recherche de nouveauté, ny nous n'auons eu dessein & volōté de derogier en aucune sorte par ce mot aux anciennes libertez de Hongrie : Et le nom de Vassal n'est point tel qu'il puisse estre tourné à la diminution de la dignité de quelqu'un, puisque les Princes, les Marquis & les plus Nobles ne font difficulté d'en accepter le tiltre.

*L'Empereur  
declare l'electio  
dudit Bethleen  
nulle & inua-  
lide.*

Lesquelles choses estans ainsi passees, de peur que cette pretēduē, iniurieuse, inique & de droit nulle & inualide election faicte de Bethleen au Royaume d'Hongrie & l'vsurpation du Gouuernemēt & tiltre Royal, ne puisse nuire ny preiudicier à nous ou à nos successeurs en quelque temps & maniere que ce soit, & pour quelque cause & raison que ce puisse estre, nous de nostre pleine puissance & autorité Royale decla- rons toute cette Election iniuste, violente, inique, seditieuse, contraire aux droicts & coustumes du Royaume, & partant entieremēt vaine, inualide, nulle & de nul effect. Outre ce, nous cassons, annullōs, disōs, declarons & prononçons entierement illegitime, iniuste & inualide, tout ce qui a esté ordonné & decreté, & en quelque façon que ce soit conclu & arresté en l'assemblée

de Presburg ou de Nevvenzoll contre nos  
droits Royaux, contre les Eglises de Dieu  
& l'estat Ecclesiastique, contre les loix, les  
libertez & les anciennes & loüables coustu-  
mes de nostre Royaume de Hongrie, &  
contre nos fidelles suiects tant Ecclesiasti-  
ques que seculiers. Voulons & entendons  
que les statuts & ordonnances de cesp petites  
assemblees n'ayent iamais & en quelque  
temps que ce soit, aucune force & vertu,  
veu que selon la loy perpetuelle de nostre-  
dit Royaume de Hongrie, nulle constitu-  
tion ne peut valider, si elle n'est legitime-  
ment approuuee par le Roy Couronné.  
Et d'autant que pour ne rien laisser en  
arriere qui peust seruir à rendre prompte-  
ment la paix & le repos au S. Empire & au  
Royaume de Hongrie, nous nous estions  
portez iusques là, & tellement abaïssez que  
d'accorder & deferer audit Bethleen le  
tiltre de Prince de Hongrie sous cette con-  
dition s'il ramenoit ledit Royaume de Hon-  
grie à nostre foy & obeïssance, & qu'iceluy  
Bethleen au lieu d'accomplir & executer  
la condition par luy receuë auroit mes-  
chamment & avec vne indicible desloyau-  
té fait tous ses efforts pour nous le raur &  
le distraire de nostre dite obeïssance, à cette  
cause nous abolissons & abrogeons entie-  
rement le susdit tiltre de Prince de Hon-  
grie, & exhortons benignement le Palatin  
de nostre Royaume de Hongrie & tous nos



1621.

autres Conseillers en General, tous les Grands, Nobles Citoyens & habitans des villes libres & les soldats tant des garnisons que les Heiduques & autres qui sont dans tous les Estats du Royaume de Hongrie qu'ils se souviennent du lien indissoluble & des foy & hommages qu'ils nous ont rédus lors de nostre Couronnement, qu'ils quittent & se departent du party des rebelles &c. Voyla ce que nous auons iugé necessaire d'estre publié par ces presentes nos lettres patentes en forme d'Edit, à tous, particulièrement aux habitans & peuples de nostre Royaume de Hongrie, pour faire voir l'equité de nostre cause. Donné en nostre ville de Vienne le dixiesme Decembre l'an 1620. de nos Regnes le deuxiesme en l'Empire, le troisieme en Hongrie, & le quatriesme en Boheme, signé Ferdinand, & scellé.

J'ay bien voulu icy commencer les affaires de l'Empire & de Hongrie par ces trois declarations ou formes d'Edicts de l'Empereur croyant par icelles faire voir comme parabregé tout ce qui s'est passé contre sa Maiesté Imperiale tant en Boheme qu'en Allemagne & Hongrie és années precedentes iusques à present laissant à deduire cy-apres, les plus memorables affaires qui se sont passez en l'Empire & Hongrie le long de cette année.

Si ne laisseray pourtant de dire, que sur la publication de ce Ban Imperial contre le Prince Palatin & sur l'autorité que ce dit Ban donnoit aux armes du Marquis de Spinola à la poursuite de ses conquestes au bas Palatinat, le Roy d'Angleterre sembla s'ouvir au commencement de cette année en faueur dudit Prince Palatin son Gendre & se resoudre à quelque sorte d'assistance & d'armement en sa faueur.

La preuue que ietire de cecy, est que le dit Roy d'Angleterre ayant fait assembler son Conseil y declara son intention: & commanda par apres au Baron de Bucquinghan d'en donner aduis au Comte de Gondemar Ambassadeur d'Espagne residant à Londres pour en estre sa Maiesté Catholique informée: lequel Baron de Bucquinghan parla ainsi audit sieur Comte de Gondemar,

Monsieur. l'ay monstre vostre lettre à sa Maiesté, laquelle a trouué vostre Requeste fort raisonnable. Il m'a donc commandé de vous dire que la declaration qu'il fit deuant son Conseil consistoit en deux points. Le premier, de publier son innocence, sur ce que le monde auoit si diuersement parlé: assçauoir de n'auoir iamais donné conseil à son Gendre le Prince Palatin pour accepter la Courône de Boheme: mais au contraire l'en auoit dissuadé en

*Auis donné  
à l'Ambassa-  
deur d'Espagne  
residant à Lon-  
dres, de la part  
du Roy d'An-  
gleterre.*

1621.

toutes occasions : Pour le particulier de tout ce que la Maiesté en a discouru là dessus, il remet vostre excellence au Baron d'Igby, qui ayant esté vn des Auditeurs vousle peut plus particulièrement raconter.

*Resolution du  
Roy d'Angle-  
terre.*

En somme la Maiesté declara, qu'il estoit resolu de persister constamment en cette neutralité pour trois raisons. La premiere pour le respect de sa conscience. La seconde, pour le respect de son honneur. Et la troisieme pour l'exemple.

Pour le respect de sa conscience, par ce qu'il s'asseuroit que la Religion dont il faict profession ne permettoit point aucune translation de Couronne pour pretexte de Religion. Que cette Religion enseigne d'obeir à nos Roys & superieurs temporels, quoy qu'ils fussent Turcs ou infidèles, & quele monde estoit incliné de faire cette guerre vne guerre de Religion : à quoy la Maiesté estoit toute contraire.

Pour le point de son honneur : que la Maiesté ayant esté sollicitée de la part du Roy d'Espagne de faire tous les bons offices qu'il pourroit pour moyenner vn bon accord entre l'Empereur & les Bohemiens, & cest accident de l'assumption de la Couronne de Boheme par son Gendre interuenant durant le temps que son Ambassadeur estoit en Allemagne pour moyenner cette paix, sadite Maiesté fut cōtrainte pour



pour le respect de son honneur, de publier son innocencè en cest affaire. Que si à cette heure sadite Maieité vouloit assister son gendre, en ce fait sa protestation se trouueroit directement contraire à ses actions.

Quant à la troisièsmè raison, touchant l'exemple, sa Maieité declara qu'il estoit dangereux à l'exemple de tous Roys Chrestiens d'aduoir cette soudaine translation de Couronne par l'autorité du peuple, & qu'encore que chez luy mesme il soit Monarque hereditaire: neâtmoins on ne pourroit s'imaginer combien ce mal vne fois enraciné pourroit prendre pied, & qu'il s'asseuroit que cest exemple pourroit toucher au vif son beau frere le Roy de Danne-march, qui est Roy electif luy mesme.

Pour ce qui touche l'autorité que le peuple de Bohème pretend auoir en ce cas par leurs anciennes & fondamentales loix, il laissoit cette question en son entier, en estant du tout ignorant: car il faudroit bien feuilleter leurs Hystoires & Priuileges deuant que d'estre resolu sur ce poinct, de quoy sa Maieité n'auoit que faire, n'estant point iuge en ce cas.

Mais le second poinct sur lequel sa Maieité se declara, estoit sur l'affaire du Palatinat, sur lequel poinct il informa premièrement son Cōseil, qu'il n'auoit obmis aucun labour en traictant avec le Roy d'Espagne,

EEEc

1621.

tant par ses Ministres qui sont aupres de sa personne, qu'en parlant de sa bouche propre avec vostre excellence sur ce point, & aussi enuoyant vn Ambassade expresse à tous les Princes d'Allemagne, qui ont leur interest sur ce subiect, pour leur remonstrer que puis que sa Maiesté auoit avec si grãde candeur & sincerité cõtinué sa neutralité en l'affaire de Boheme, il auoit bien raison de se representer combien viuement l'inuasion du Palatinat attouchoit son interest, puis qu'il auoit donné sa fille à son Gédre qui en estoit heritier, *bona fide*, & long temps deuant qu'on pouuoit songer de ces miserables troubles, qu'à cette heure les petits fils de sa Maiesté en estoient les heritiers legitimes, & qu'il n'est nullement iuste ny raisonnable de deposseder ses enfans de leur heritage, n'estans de rien coupables, principalement considerans la sincerité dont sa Maiesté leur grãd Pere a tousiours vlé en cest endroit: qu'il ne scauroit nier que hors d'Espagne il a esté tousiours aduertý que l'Empereur seroit contraint de faire cette deuorsion pour s'affranchir de l'oppression qu'il soustenoit en Boheme & Autriche. Que vostre Excelléce fit la pareille responce, & aussi que ses Ambassadeurs par delà ne luy donoient iamais autre esperance: quoy consideré & que l'inuasion à esté reellement faire dãs le Palatinat, la nature l'obligeoit à y pouruoir par tous

moysens legitimes & possibles. Qu'il estoit bien vray que l'hÿuer estoit, il ne luy estoit possible de faire autrement pour le present que de faire deux diuerſes sortes de deputations entre cy & le printemps. L'une de s'euertuer tant qu'il pourroit de procurer vne bonne paix entre cy & l'esté prochain: quoy faisant si son Gendre se ſoubmet à son Conseil, ce qu'il espere qu'il fera, & que ſile party de l'Empereur veut eſcouter ſes ouuertures, comme il espere qu'ils voudront: alors il ſe peut bien promettre vne heureuſe paix, & que les miſeres dont la Chreſtienté eſt menacee tant par dedans par guerres inteſtines, que par l'inuaſion du Turc par dehors, ſeront alors par la grace de Dieu preuenues. Mais ſ'il arriue que ſon beau ſils ſe ſoubmette à ſon conſeil, & que le party de l'Empereur n'eſcoute ſes aduis, ce que Dieu ne vueille, en ce cas il ne vouloit perdre l'aduantage de ceſt hyuer pour faire preparations pour la deſſence du Palatinat: mais ſi ſon Gendre ne vouloit ſuiure ſes aduis, ce que Dieu ne vueille, il ſeroit alors contraint de le laiſſer à ſes propres conſeils. Alors furent mis en auant les particuliers moyens pour la deſſence dudit Palatinat, comme le Baron d'Igby peut bien faire entendre à voſtre Excellence: & pour faire fin, il m'a commandé de vous aſſeurer

*Proteſtation  
dudit ſieur Roy  
d'Angleterre.*



en l'honneur d'un Roy Chrestien, que ce cy est la pure verité de ce qui à iamais passé ou en public ou en priué sur cest affaire, se persuadant que non seulement vostre excellence, mais aussi le Roy, vostre maître y adiousterá plus de foy qu'à aucune faulse information qui vous pourra estre donnée ou par malice ou par ignorance, & pour moy ie seray Monsieur de vostre excellence tres-humble seruiteur. G. Bucquinghan.

Encore que ledit Baron de Bucquinghan fit instance audit Ambassadeur d'Espagne de la part du Roy d'Angleterre touchant l'affaire dudit Palatinat, si est-ce que le dessein dudit sieur Roy ne s'executa pas; nous en dirons cy-apres la raison en son lieu.

Cependant arriua à Rome la mort du Pape Paul cinquiésme le vingt-huictiesme Ianuier: la maladie qui l'attaqua le vingtiesme en l'Eglise de sainte Agnes, où il estoit allé entendre les premieres Vespres de la feste, le coucha au lect, dont il mourut, comme i'ay dit huit iours apres.

Si tost qu'il fut decedé, son corps fut porté en l'Eglise de saint Pierre de Rome, & y demeura l'espace de troisiours entiers sur la terre, pendant lesquels tout le peuple luy alla baiser les pieds: au bout de troisiours il fut consacré à ladite Eglise

*Histoire de la  
mort du Pape  
Paul V.*

Le Dimanche trente-vnielme Ianuier de  
nuict pour le transporter quand il seroit  
temps à la Chappelle qu'il a fait bastir à  
saincte Marie Major, à laquelle il a donné à  
diuerfes fois des ornemens pour plus de  
deux cens milles escus.

Messieurs les Cardinaux continuerent  
toute la sepmaine suiuite de faire les fu-  
nerailles audit feu Pape Paul, qui furent a-  
cheuées le 7. Feurier, & tous les matins ils  
firent les congregations accoustumées  
dans la Sacristie de sainct Pierre touchant  
le Gouuernement de la ville de Rome &  
du pays Ecclesiastique: le 6. Feurier l'Amba-  
sadeur de France eut audience de ladite  
congregation des Cardinaux, & l'Amba-  
sadeur d'Espagne l'eust aussi vn peu de-  
uant.

Les susdits seigneurs Cardinaux à leur pre-  
miere congregatiō cōtinuerent pour Gou-  
uerneur de Rome M. d'Este Euesque de Ri-  
miny, lequel le lendemain fit publier l'or-  
donnance du siege vaquant touchât les ar-  
mes & autres choses, ne s'estât cōmis aucun  
trouble, combien qu'alors ils arriuaient à  
Rome vn grand nombre de soldats. Ils cō-  
tinuerent aussi pour general de saincte Egli-  
se, le Prince de Sulmon, & pour Lieutenant  
general le Prince Sanelle: bien qu'il fut Am-  
bassadeur de l'Empereur en cette Cour:  
ils esleurent pour Gouverneur du bourg  
& du Conclau Monsieur Varese & y.

*Ordonnance  
publiee à Rome  
sur le siege va-  
quant.*

1621.

continuerent pour Secrétaire de la Consulte Monsieur Zazzera.

Les Chefs d'ordres'asséblerent aussi plusieurs fois, sçavoir le Cardinal Sauly premier Euesque & Doyen du sacré College. Le Cardinal Farnese premier Prestre. Le Cardinal Penette premier Diacre, & le Cardinal d'Este representant le Cardinal Aldobrandin Camerlingue, lequel arriva à Rome le 30. Januier, & fut vilité de Messieurs les Cardinaux & Ambassadeurs encore qu'il fust esté indisposé.

Les seigneurs Romains qui estoient hors de Rome y retournerent pour faire offre de leur service à Messieurs les Cardinaux és presentes occurrences.

Le Senat de Rome suyuant sa coustume au temps du siege vaquant tint Conseil Lundy premier Feurier au matin au Capitole, & fit election de quarante Gentilshommes Romains pour assister au Conseil au nom du peuple, & nommerent pour Capitaine de la milice dudit Senat le Seigneur de Tiberio Sprechy.

Les susdits seigneurs Cardinaux nommerent les Capitaines pour garder le Conclauue, la place de saint Pierre & le Pont, qui aussi tost leuerent leurs Compagnies, prirent des armes au Chasteau & autres provisions, & firent des portes & des barricades pour empescher la foule du peuple.

*Ordre aux  
secretez de  
Rome.*



Les Chambres du Conclau acheuees, les Cardinaux en firent la distribution leudy quatriesme Feurier affin que chacun d'eux fit meubler & accommoder la siennne, & cependant on attendoit les Cardinaux qui sont en Italie, scauoir Aldobrandin, les Cardinaux d'Ara Cely, d'Asccl, Romarole & Zapatte Viceroy de Naples, lequel Cardinal Zapatte ayant eu aduis de la maladie de sa saincteté assembla à Naples le Conseil d'Estat & enuoya querir Dom Pierre de Lerme pour Gouverneur de Naples en son absence, pendant qu'il iroit au Conclau en cas que le Pape mourust.

Le septiesme Feurier Messieurs les Cardinaux qui estoient à Rome firent les dernieres obseques du Pape, où le Cardinal Crescentio celebra la Messe, & Monsieur Pauline fit l'oraison funebre.

*Obseques du Pape.*

Pendant le siege vaquât le Prince de Sulmone General de sainte Eglise fit publier les ordonnances touchât le Gouvermêt de la gendarmerie pour le seruice du Cōclau. Le Seigneur Caffarelle fut declaré Maistre de Camp, & fit vn escadrô le matin que lesdits Cardinaux entrerent au Conclau. Le Prince Sauelle ordonna pour Marechal de sainte Eglise le Seigneur de Palombara.

Les Cardinaux qui pour lors estoient à Rome en bonné santé se trouuerent le Lundy 11. Feurier au matin à saint Pierre à la Messe du S. Esprit chantee par le Cardinal

*Cardinaux du  
Conclau.*

Iustinian, où le Secretaire du Cardinal d'Este fit l'oraison excitatoire pour l'élection du nouveau Pape: puis apres allerent en Procession chantans *Veni Creator*, par les Chantres de la Chappelle Pauline, puis de là entrerent au Conclau où ils firent congregation, puis se retirerent en leurs chambres faites de bois, larges de 15. palmes, longues de 18. couuertes de serge verte & violette, & se trouuerent alors 52. Cardinaux, sçauoir six Euesques, 40. Prestres, & six Diacres.

*Les 6. Cardinaux Euesques furent.*

1. Le Cardinal Sauly.
2. Le Cardinal Iustinian.
3. Le Cardinal del Monte.
4. Le Cardinal Sforce.
5. Le Cardinal Montalto.
6. Le Cardinal Aldobrandin.

*Les 40. Cardinaux Prestres furent.*

1. Le Cardinal Farnese.
2. Le Cardinal Bauden.
3. Le Cardinal Ciezy,
4. Le Cardinal Beuilaqua.
5. Le Cardinal Bellarmin.
6. Le Cardinal Barbeuin.
7. Le Cardinal Mellen.
8. Le Cardinal Madrucky.
9. Le Cardinal des Vrsins.
10. Le Cardinal Leuy.
11. Le Cardinal Caraffe.
12. Le Cardinal Rimariola.

13. Le Cardinal Samezo.
14. Le Cardinal Borghese.
15. Le Cardinal d'Ety.
16. Le Cardinal Geruasio.
17. Le Cardinal Lanti.
18. Le Cardinal Touti.
19. Le Cardinal Voza.
20. Le Cardinal de Bonzi.
21. Le Cardinal Filoüard.
22. Le Cardinal Crescentio.
23. Le Cardinal Serral.
24. Le Cardinal de Araceli.
25. Le Cardinal Borgia.
26. Le Cardinal d'Ascoli.
27. Le Cardinal Vbaldin.
28. Le Cardinal de Sauelle.
29. Le Cardinal Ludouifio.
30. Le Cardinal d'Aquin.
31. Le Cardinal Musti.
32. Le Cardinal Campora.
33. Le Cardinal de Sainte Susanne.
34. Le Cardinal Preneste.
35. Le Cardinal Valerio.
36. Le Cardinal Roma.
37. Le Cardinal Gherardi.
38. Le Cardinal Scagloa.
39. Le Cardinal Pignatello.
40. Le Cardinal Gallamini.

*Les 6. Cardinaux Diacres qui y furent.*

1. Le Cardinal Perreti.
2. Le Cardinal d'Este.
3. Le Cardinal Pie.



4. Le Cardinal Cappon.

5. Le Cardinal de Medicis.

6. Le Cardinal de Vrsino.

*Les Cardinaux qui ont esté absens à la nouuell  
election du Pape sont.*

- |              |  |  |
|--------------|--|--|
|              | Le Cardinal Doria.   |  |
| d'Italie.    | } Le Cardinal Boromee.<br>} Le Cardinal de Sauoye.<br>} Le Cardinal Zappate. |  |
|              |  | Le Cardinal Distrinchen.                       |
| d'Allemagne. |  | } Le Cardinal Clefel.<br>} Le Cardinal Zobren. |
|              | Le Cardinal de Sourdis.  |  |
|              | Le Cardinal de la Roche-   |  |
| de France.   | foucaud.   |  |
|              | Le Cardinal de Guise.  |  |
|              | Le Cardinal de Retz.   |  |
|              | Le Cardinal de la Valette.   |  |
|              | Le Cardinal Bentiuogloa.   |  |
|              | Le Cardinal Treio.   |  |
|              | Le Cardinal Sandonal.  |  |
| d'Espagne.   | } Le Cardinal de Lerme.<br>} Le Cardinal Infant d'Espa-                      |  |
|              |  | gnc.   |
|              | Le Cardinal Clement.   |  |
|              | Le Cardinal Spinola.   |  |

Le Lundy 8. Feburier à 9. heures de nuict  
le Conclau fut fermé par les Cardinaux  
chefs d'ordres & Tar dereau, tant pour dō-  
ner la commodité aux Ambassadeurs des  
Princes, Ssieurs Romains & autres Sei-

gneurs & Prelatz de pouuoir faire leurs affaires avec les Cardinaux.

1621.

Le Mardy 9. à 9. heures du matin le Cardinal Seral comme premier Prestre & Doyen celebra la Messe à la Chapelle Pauline, communia les Cardinaux, apres quoy ils tindrent la congregation, & firent lors la Bulle de l'election du nouueau Pape, firent le serment accoustumé & commencerent ladite election.

Deux heures auant ledit iour Mardy 9. Feburier arriua vn courier du Senat de Venise, à son Ambassadeur qui alla à la fenestre du Conclaué donner les lettres dudit Senat aux Cardinaux Venitiens les exhortans d'estre vnis avec la faction de France.

Le mesme matin les religions commencerent d'aller en procession à S. Pierre pour la creation du Pape.

Ledit iour à 3. heures on fit Pape le Cardinal Ludouifio de Bolongne aagé de 68. ans, homme de grande bonté & de merite, lequel à esté à Rome premier collateral du capitolé, Lieutenant du Comte Virginet Auditeur de Rotte, faict par le feu Pape Archeuesque de Bologne Nonce en Lombardie & Cardinal aux derniers mouuemés entre Sauoye & Mantouë: tous les Cardinaux le menerent en la Pauline, l'habillerent en habit de Pape, le conduisirent en sa chaire & l'adorerent, se faisant le nommer Gregoire quinziesme, tellement que

*Election du  
Cardinal Lu-  
douifio pour  
Pape.*

Rome s'est resiouye de cette sainte electiō le peuple criant à haute voix, Viue le Pape Gregoire 15.

*La Sainteté est  
adoree des  
Cardinaux.*

Mardy au matin la Sainteté chanta la Messe à ladite Pauline où elle fut adoree pour la seconde fois par les Cardinaux, & accompagnee en processio portee en chaire à S. Pierre sur l'autel des Apostres où elle fut encore adoree & luy baissa on les pieds: on chanta le *Tedeum*, & cependant le peuple crioit, Viue le Pape Gregoire 15. & puis fut reporté en sa chambre.

On a fait à Rome allegresses 3. iours durant & les Ambassadeurs qui ont baillé les pieds à la Sainteté ont donné aduis par couriers de son election à leurs Maistres.

Sa Sainteté a continué pour Gouverneur de Rome l'Euesque de Rimini, a fait son Maistre de Chambre Monsieur Pannio, l'Archeuesque de S. Vital de son Maistre d'Hostel, Monsieur Sacrato Auditeur de Rotte Dataire, & Monsieur Agucho Maistre d'Hostel du neuue de sa Sainteté.

*Mort du Cardinal Aldobrandin.*

Le Cardinal Aldobrandin estant retourné du Conclau chez soy affligé d'un Catarre mourut hyer, & les Cardinaux firent ses obseques suyuant leur coustume: plusieurs benefices vaquent par son decez, l'Archeuesché de Rauenne, le Carmelinuat & la preferance de la signature des benefices.

Rome cependant n'est pas seule en ducil.



l'Espagne le va porter pour le deceds de s<sup>r</sup> Roy Philippe 3. qui causa de grands changemens en ses royaumes.

Sur cecy i'aurois beaucoup de choses à escrire que ie traceray seulement en peu de mots.

Je pourrois faire des relations exactes de tout ce qui s'est passé en Espagne depuis le 24. Feburier iusques au 28. Aupil, durant la maladie, & lors du decez & des funerailles du Roy Philippe 3.

Ensemble de l'esloignement tant du Duc de Lerme (sur qui a esté faisi plus d'un million d'or, & 72000. escus de rente) que du Duc d'Vceda, & autres Conseillers & Secretaires d'Estat.

De la nouvelle faueur du Comte d'Ollivarez, & employ de D. Baltazar de Zuniga aux plus grandes affaires du royaume.

De l'emprisonnement tant des Duc d'Osbonne, du Marquis de Chelair, de son Secretaire, Maistre d'Hostel, & de son Thresorier, & autres ses complices: que du Secretaire de la Hazienda, de Don Martin Bastard d'Aragon, & du Secretaire du Duc de Vceda & autres.

De la reprise du procès de D. rodrigo Calderon remis à la torture, & entre les criminels.

Des autres grands, & merueilleux changements, que le nouveau Roy Philippe III a fait en ses Cōseils & aux principales char-

*Trouble en Espagne sur la mort de Philippe 3.*

1621.

ges de sa maison, pour remedier aux desordres qui s'estoient glissez en ses affaires, & principalement en les finances, si espuees qu'il ne trouua pas dequoy disner, apres la mort du feu Roy son pere.

Finalemēt del'acte de la prinse de possession honorable de la Couronne d'Espagne que ledit Roy Philippe deuoit faire.

Mais ie vous contenteray de ce qui suit.

Le Mercredy vingt quatriesme Feurier mil six censvingt & vn le Roy d'Espagne Philippe troisieme alla à vespres & au Sermon à las descalças, d'où il reuint avec vne fièvre, laquelle luy ayant duré deux iours, les medecins le firent saigner le vingt sixiesme.

*Sa maladie.*

Le vingt-neufiesme luy ayant paru quelques rougeurs au visage il fut encore saigné; puis le troisieme Mars, voyant que la fièvre ne l'auoit point du tout quitté bien qu'elle ne parust en rien violente, neantmoins il fut encore saigné sans prendre aucune purgation, car ce n'est l'usage de ces medecins qui sont les plus ignorans du monde.

Le neuuesme de Mars Monsieur de Bassompierre Ambassadeur extraordinaire du Roy de France arriua a Madrid où l'on dit que le mal du Roy Catholique n'estoit qu'une herisipelle, & les medecins continuerent dans ceste opinion iusques au vingt-quatriesme mars. Combien que le

Roy leur aye tousiours dit qu'il se mouroit, lequel iour voyant que la fieure ne quittoit point sa Maieſté Catholique, en qui ils ne recognoiſſoient aucune malignité de fieure, mais ſeulement vne grande melancolie, ils le firent leuer: puis ſ'eſtant recouché, ils continuerent dans leurs opinions ordinaires de ſon mal; bien qu'il les aduertit de ſa mort.

Le vingt-fixieſme à ſix heures du ſoir le Roy eut vn redoublement qui dura toute la nuit & iuſques au vingt ſeptieſme à huit heures du matin qu'il fut encore ſaigné, dont le meſme ſoir l'acez le reprist iuſques au Dimanche vingt-huitieſme, & lors demeurant fort eſtonnez ils ſ'aſſemblerent ſans treuuer aucun remede pour ſoulager le mal du Roy qui ſe pleignoit fort, & ſe tenoit pour mort, bien qu'il euſt du ſoulagement iuſques au ſoir, que ſon redoublement augmenta avec ſa meſme melancolie, & ne le quitterent plus.

Le vingt-neufieſme à ſept heures du matin il ſe confeſſa, ſans rien deſcouvrir du ſubieſt de ſa melancolie, diſant perpetuellement, *Disdichado mi*, & en parlant tousiours aux vns & aux autres teſmoignoit mille regrets, & qu'il croyoit de mourir, & demanda à ſon confeſſeur ſ'il pourroit eſtre ſauué. Apres les ſainctes reſponſes dudit confeſſeur & d'un pere Florence que l'on croit là vn Apoſtre, le Roy

*Euanouiſſement  
de ſa Maieſté.*



1621.

*Responce qu'il  
fait à ses me-  
decins.*

*Fait venir son  
Confesseur.*

s'euanoüit, lors l'on croyoit qu'il fust mort, mais tost apres estant reuenu, il demanda aux medecins ce qu'ils croyoient de sa maladie, lesquels tous luy dirent qu'ils le plaignoient grandement de tant souffrir de mal lequel sans accident nouveau ils ne iugeoient aucunement perilleux, mais que son esprit estoit beaucoup trauaillé, & qu'il n'auroit que la peur. Il leur respondit que c'estoit avec raison, a cause qu'il se sentoient bien mal interieurement, & puis qu'il iugeoit bien à leur conseil & à la mine de tous ses seruiteurs, qu'il estoit mort, & qu'ils ne luy deuoient point celer à cause de l'ordre qu'il estoit necessaire qu'il mist en ses affaires. Ils luy dirent qu'ils le supplioient de dormir, Il leur respondit *Que por vndia tan largo i por un tiempo tan breue no era menester de dormir*. Ils le supplierent de manger, le roy leur respondit que *era demasiado tarde*. Lors les medecins luy permirent de penser à ses affaires, & il enuoya querir D. Iouan de Selica Secretaire d'estat, son Confesseur & le Duc d'Vcede, deuant qu'il fist un testament assez grand pour la quantité de petits articles. Apres il escriuit vne lettre au Duc de Lerme par laquelle il luy demandoit pardon s'il auoit fait chose qui l'eust offencé.

Le mesme iour du Lundy vingt neuuesme au soir, l'on luy apporta pres de son lit, le corps entier de S. Isidore; apres minuit il se

il se communia, & enuoya querir ses enfans, il dist à son aîné (à present Roy nommé Philippe quatriesme) qu'il le prioit de ne pas faire comme il auoit fait apres la mort de feu son pere Philippe deuxiesme, qu'il cassa tous ses valets, car ceux qu'il luy laissoit, il les auoit recogneuz fort gens de bien, & fort zelez au bien de son Estat: outreplus, qu'il le prioit d'aimer grandement ses freres & sœurs, & sur tout de ne point laisser sa sœur qu'elle ne fust Imperatrice: puis il recōmanda audit Prince, le confesseur, le duc d'Vcede & Dom Bernanuel de Biuanen. Puis il dist à son second fils qu'il honorast avec force affectiō & fidelité son aîné, qui luy feroit & doneroit force bien, & puis il pria le Cardinal de se faire Prestre le plustost qu'il pourroit. Apres à l'Infante Donna Maria, qu'il estoit tres-marry de la quitter sans l'auoir mariee, mais qu'il auoit commandé au Prince de la marier avec l'Empereur. Apres il s'enquit de la Princeesse presentemēt Royne: l'on luy dist qu'elle s'estoit esuanouye deux fois en venāt iusques à la porte de sa chambre, comme il estoit vray, & que les medecins luy auoient deffendu d'y entrer; & au cōtraire ordonné de s'en retourner de peur de faire tort à sa grossesse de 4. mois. Lors le Roy respondit, qu'il auoit bien creu qu'elle l'aimoit plus qu'aucū de ses enfans, & qu'il s'asseuroit qu'elle feroit bien prier Dieu pour luy. Il estoit lors 2. heures du matin du 30. quand les Infantes

1621.

*Reçoit ses Sacrements.*

*Recommandations qu'il fit à son filz.*

*Affection de la Royne d'Espagne, enuers le Roy d'Espagne son beau pere.*

1621.

apres la benedictiō du Roy s'en retournerēt en leur chābre. Apres le Roy appella le Duc d'Vcede & luy demanda ce qu'il pouuoit encore faire pour luy, le Duc d'Vcede se tourna fondant en pleurs, & le Roy le fist Cōseiller d'Estat. Puis le Roy continua en ses desplaisirs. Amidy il eut l'extreme-Onction qu'il prist & receut fort deuotieusement, le soir il s'affoiblissoit fort, & la nuit ne passa qu'en pleurs & prieres.

*sa mort.*

Le Mercredy 31. Mars à 9. heures du matin, & vn demy quart, il mourut. Aussi tost le Comte d'Oliuarez Gentilhōme de la chābre du Prince alors Roy, s'é approcha (parce que le Prince luy auoit tousiours tesmoigné de la faueur) & fist en sorte que le Roy enuoya cōmander au Duc d'Vcede de mettre tous les papiers entre les mains de Don Baltazar de Zuniga Conseiller d'Estat, & oncle du dict Comte fauory & Comtesse d'Oliuarez. Puis le mesme 31. le Roy enuoya au soir vn Alcalde en poste au Duc de Lerme luy faire deffēce de venir, autrement qu'il le feroit mettre prisonnier, tellement qu'il s'en retourna à Vailladolid de 5. lieuës de Madrid, où il estoit bien attēdu de tous ceux de sa faction. Ledit Duc de Lerme respondit a l'Alcalde qu'il estoit bien aise que le premier commādemēt qu'eust fait le Roy se fust adressé à vn grand Seigneur & Prince comme luy, car y obeyssant de si bon cœur comme il faisoit, il monstroir à tous ceux du Royaume qu'il n'y en a-

*Changemens  
estranges.*



voit point de capable, ny qui deussent se reuolter contre luy.

Le 1. du mois d'Auril on mist le corps du feu Roy, ( qui n'a point voulu estre embaumé ) au bout d'une grâde salle avec 4. grands chandeliers d'argent, & 4. petits a l'entour de son cercueil, couuert d'un drap d'or & sous vn daiz de la mesme toille d'or, vne couronné de bois doré sur les pieds du cercueil, vne espee nuë tout du long du corps, & sur la teste vne Croix mediocrement grande, & pas vn Gentilhomme au tour : aux pieds y auoit vn Autel assez bié paré, où l'on disoit tousiours Messe, & à cinq ou six autels qui estoient dans les croisees, toute la sale estoit tapissée de rapisseries de haute lice tres-belles, & riches,

*Le Roy en son  
liet de parade.*

Le second dudit mois, l'on le porta pour l'enterrer à l'Escorial sans pompe, car l'on disoit qu'il l'auoit deffendu, ( mais c'est qu'ils ne l'ont pas accoustumé & qu'on ne le scauoit pas. ) Le corps fut donc mis dans vne literie a huit heures du soir, portee par deux mullets, le tout couuert de toille d'or, & menez par mulletiers à pied, & deuant la litiere, & autour, trente gardes à pied vestus de duail: & deuant les gardes à cheual ( sur des cheuaux & mulets ) enuiron quinze ou seize Gentilshommes de la chambre & de la bouche & deux Grands, qui estoient les Ducs de l'Infantade & de Pastrane : deuant eux deux massiers & vn trompette : & deuant

1621.

cela enuiron 40. religieux sur des mulets, & deuant eux, ceux de la chappelle en mulets: apres vne grande Croix couuerte de noir: Tous lesquels alloyent d'un train de messagers, sans chanter ny tesmoigner dueil du monde. Apres la litiere, marchoient enuiron 15. ou 20. hommes à cheual, qui estoient hommes de chambre & autres officiers: lesquels suiuiuoient vne compagnie de cheuaux legers, qu'ils appellent guarda vieja, qui s'ont enuiron 50. vestus de dueil, avec chacun vne lance gaye, & chacun vne plume noire, & est à remarquer que ceste cōpagnie iouyr de quelque petit priuilege: mais qu'elle n'est point entretenüe, & ne sert iamais pour garde ou pour guerre, mais pour quelque ceremonie comme celle cy. Tout ce conuoy arriua à l'Escorial à neuf heures du matin troisieme d'Auil, où apres auoir dict for-, ce Messes on a mis le cercueil dans la caue apres disner, & puis vn chacun s'en est re-  
uenü.

*Est porté à  
l'Escorial.*

Il faut aussi sçauoir qu'à la mesme heure que le corps partit du Palais, ( qui fut le soir du deuxiesme d'Auil,) le Roy partit aussi tost pour aller demeurer huiët iours à S. Hieronyme ( qui est vn beau conuēt à l'autre bout de Madrid) & la Royné à las descargas ( qui est vn beau conuent de femmes, où vne tante du Roy d'apresent est religieuse) Ce mesme iour Don Baltazar de Zuniga & le Comte d'Olliuarez firent la Prin-

cesse de Cadie Camarera maior de la Reyne, pour faire despir au Duc d'Vcede. Le troisieme Auril on a fait des seruices bien simples dans toutes les Eglises de Madrid pour le feu Roy, lesquelles estoient toutes rendues de tapisserie de Flandres. Le Roy a fait force presents. Le premier Auril, ayant donné la charge de Sommelier de Cuerpo au Comte d'Olliuarez & la charge de Major domo maior de la Reyne au Duc de l'Infantado, lesquelles deux charges le Duc d'Vcede auoit tellement que le Roy ne luy a laissé que la charge de son maior domo maior. Le iour quatriesme, Don Enrique Manrique a demandé au Roy vne compagnie de gens d'armes, laquelle le Roy luy a accordée sur le champ, disant à ses fauoris, que quand quelque chose seroit iuste il l'octroyeroit sans faire comme ses predecesseurs, qui disoient tousiours *Miraremos en ellos*. Il donna deux encomiendas qui vacquoient, par la mort d'un Comte Salazar, du premier Auril, l'une au fils de Don Luys de Velasco frere du deffunct, l'autre à Don Carlos Colonna Gouverneur de Cambray : puis à six heures du soir, il donna audience à monsieur de Bassompierre, où il a esté iugé le plus beau Prince, de la meilleure grace, & de la plus belle taille, & le plus iudicieux & auancé du monde pour son aage. Le cinquiesme, il est arriué des nouuelles que la flotte de Portugal qui alloit aux Indes estoit perie

*Presens des nou-  
veau Roy Phi-  
lipes 4.*



1621.

hommes & vaisseaux, qui est vne perte de plus de 400. milles escus.

Le 6. Aupil la fille du Duc de Modena (qui n'a iamais esté mariee) arriua bien accompagnée à Madrid, où elle alloit se rendre religieuse dans las descalças, & ce mesme iour on dict que le Roy promit au Duc de Pastrane de l'enuoyer Vice-Roy en Portugal. Le Roy Catholique aussi à retiré tous les domaines & biens Royaux dont le Duc de Lermes iony estoit, qui sont plus de quatre-vingt milles escus de rente. Le septiesme, le Marquis de Pauuar frere du Marquis de Mirabel, avec Augustin Mexias Conseiller d'Etat, furent avec furie dans la maison du Duc d'Ossone, le prendre prisonnier, & fut mené à la Lameda, qui est à deux lieuës de Madrid avec toutes les Gardes du Roy d'Espagne: dont ledit Marquis de Pauuar est Capitaine. On print le mesme iour le Marquis de Chelair qui est vn Cheualier lequel à fort vollé en Sicile sous l'autorité du Duc d'Ossone. On commanda aussi de travailler au procez de l'Eletto de Naples, qui s'appelle Genoui, & le huitiesme Aupil au matin, on prist le Secretaire, maistre d'Hostel & Thresorier dudit Duc d'Ossone. On a pris aussi le Secretaire de la Hazienda, & arresté vn millio d'or entre les mains d'Augustin Fiasques, qui les deuoit bailler au Duc de Lerne. On amena ce mesme iour Don Roderigues Calderõ en la prison commune des Criminels, & en

*Emprisonnement  
du Duc d'Ossone.*

bien confellé : force officiers establis du temps, ou par la faueur du Duc de Lerme s'é vont remettant leurs offices au Roy, Don Carlos Colonna à gardé hui& iours le Duc d'Ossone dans la maison du Comte Barajas, mais on y enuoya le Capitaine Bocca Negra qui le mena par apres à sainct Orcas.

Vne lettre de Madrid du 15. Auril, dict ainsi touchant le Gouuernement du nouveau Roy Philippes IV.

Le nouveau Roy n'a trouué dequoy disner, ne manger, nō pas mesmes vn seul liard, il dict que c'est a luy a disner le premier, & qu'il trouuera dequoy y remedier, sō Roy, au me estât cōme il est, & chasque iour de mieux en mieux ostant les entretenelements & les biens à qui les auoit desrobez, & dit que l'on ne le trōpera pas cōme l'on faisoit son pere. Confidere V. Seigneurie ce que fait ce ieune Roy presque enfant, & de 16. ans, il y a matiere & bon sujet & biē dequoy discourir. Le Comte de Villamediana Courrier major des postes, dit que l'on l'auoit banny de la Cour cōme pour postillō, & qu'a present on le fait reuenir cōme Prophete. Il se vit vn papier au Palais 3. ou 4. iours apres la mort du Roy.

Le Roy mourut le Mercredy 31. Mars, & le Comte de Salazar mourut le leudy 1. d'Auril, lequel estoit superintendant des finances, & c'est luy qui mist hors les Maurisques qui sortirent du costé de France & estoit leur maistre d'Hostel.

1621.

*La Roynne d'Es-  
pagne fort ai-  
mable.*

Le Roy a donné la charge de Capitaine de la garde qu'auoit Roderic Calderon, au Marquis de Renty nepueu du Marquis de Falces, fils du feu Comte de Dozze du second liët, & que le Prince a aimé dez l'enfance: la Roynne est plus aimée que iamais, d'autant qu'elle seule a tesmoigné plus de regret & de ressentimēt de la mort du feu Roy que tous ces enfans, & que toute l'Espagne ensemble, elle se porte bien & toutes les Dames.

Vne autre lettre dudiët iour enuoyée de Madrid, porte ces mots.

Pour des nouvelles de deça, il y en a tant & de si grandes qu'il y en a pour en faire vne Cronique, si ie vous escriuois tout ce qui s'est passé depuis la mort du Roy, ie serois importun, iamais on n'a veu vn tel changement. ne si brief. Car le mesme iour de la mort le nouveau Roy a dōné tout le pouuoir que auoit le Duc d'Vceda, & les papiers à Dom Baltazard de Zuniga, & ceux de Iuan de Ceriza à Anthonio de Arostigui, il a osté & priué de leurs charges deux Conseillers du Cōseil Real, Tapia & Boual, il a fait prendre le Duc d'Ossone prisonnier par le Marquis de Pouar, & en plein midy avec toute la garde, sans luy vouloir donner loisir ne permission de manger vn morceau, il y a mille choses à vous dire là dessus, coup quia espouuanté toute la Cour. Tost apres il a donné vn decret contre le Duc de Lerme, bien rude & bien sanglāt, luy ostant 72. milles escus de rēte, &

*Decret contre le  
Duc de Lerme.*



Payant fait executer pour vn million quatre cens mil escus, qu'il auoit pris du feu Roy. Le Lundy de Pasques il a faiçt grand d'Espagne le Comte d'Oliuarez beau frere du Côte de Montoray, nepueu de Dom Baltazar de Zuniga, qui gouuerne tout l'Estat, & fort bien à ce qu'on dit. La Duchesse de Gandye Tante dudit Baltazar Camarera major de la Reyne, il osta hier l'office de Cauallerize major au Comte de Saldaigne avec cōmandemēt d'aller seruir en Flādres. Le Duc d'Vceda est delaiſſé de tous, & va seul cōme vn Chartreux, on tient que bien tost il aura son passeport pour aller gagner les pardons à Rome. & pleurer ses fautes, il y a rāt & tant à dire, & le tout vray que c'est merucille. Le Confesseur du Roy en aura aussi sa part & toute la maisō de Lerme, amis & seruiteurs souffrirōt beaucoup. D. Roderic Calderon a peu de iours à viure, on luy a dōné de n'aguieres la questiō, & bien forte, & dās peu de temps il finira en la place de Madrid, il semble que le Roy despesche ses affaires & parle par la voye du S. Esprit. C'est chose excellēte, & n'ay point de regret d'estre venu icy, & y auoir passé ce temps, pour auoir veu ce que j'ay veu.

Le Roy a dōné la grace à l'Admirante qui estoit prisonnier dans la ville, & de plus luy a donnē vne Cōmande de 12. mil escus de rēte, le iour de Pasques le Roy d'Espagne cōmāda au Côte de Saldaigne frere du Duc d'Vceda d'espouser vne fille du Palais nōmee D. Ma-

1621.

ria de Cordoïa, par ce qu'il luy auoit donné vn ne promesse de mariage paramour, car elle n'a rien du tout: Tellement que voyla tout malheur sur la maisõ du Cardinal de Lerme.

Ontiét que le Roy ait desia enuoyé dire au Confesseur du feu Roy qui est grand inquisiteur & Conseiller d'Estat qu'il se retirast en vn Couuent, mais ie ne sçay s'il est encores bien vray, & s'il ne luy arriuera pas pis.

Messieurs du Conseil allerent trouuer monsieur de Bassompierre & luy firét esperer vn bon succez de sa negociation, le 13. Aupil.

*Disposition des  
charges de Ro-  
deric Calderon.*

Le 14. le Roy à donné la charge de D. Rodrigo Calderõ (qui estoit Capitaine des gardes du Corps Bourguignons) au Marquis de Renty Flamant.

Le 17. Le Roy à fait mareschal de cãp general en Portugal D. Rodrigo de Oroasco de mortaro.

Le 18. le Roy à osté la charge de Mayor domo mayor de la Royne au Duc d'Vcede, & l'a donnée au Comte de Benauento. Le mesme iour le Roy a fait Augustin Mexia gẽtilhõme de la chãbre. De plus le Roy a donné au Côte d'Oliuarez la charge de Sommelier de corps qui est la seconde charge de sa maison, & laquelle ledit Duc d'Vcede auoit encore.

Le 20. le Roy à fait faire le serment de Gẽtilhomme de la Bocca au pere de Roderigo Calderõ. Le mesme iour le Roy à fait exccuter le cõmãdemẽt fait au Côte de Sardaigne frere du Duc d'Vcede d'espouser le lendemain vne fille du Palais (à laquelle il auoit

promis mariage ) sur peine d'auoir la teste trêchée, & qu'un iour apres luy & sa femme sortissent de Madrid, ce qu'ils ont fait. Et le Roy a donné sa charge de Caualerizo mayor au Duc de l'Infantade, dont ledit Comte en premier mariage auoit espousé la fille.

Le 22. le Roy a fait prendre prisonnier D. Martin d'Arragon bastard de ceste maison, qui estoit venu de Naples avec le Duc d'Ossone. Le Roy de plus a fait prendre l'Ageant dudit Duc d'Ossone nommé Sebastien de Aquirre.

Le 23. le Roy a enuoyé commander au Cofesseur du feu Roy inquisiteur mayor & Cofeiller d'Estat, de s'en aller dez le iour mesme à son Conuent à 15. lieues de Madrid, avec deffences tres-expresses de se mesler d'autre chose que de prier Dieu. On a de plus cherché fort soigneusement dans sa maison pour trouuer ses papiers & son argent.

Le 24. le Roy a enuoyé commander au Duc d'Vcede de se retirer vistement hors de la Cour, sans oser voir son pere, bien que ce ne fust pas pour mal qu'il luy voulust, mais qu'il luy feroit cognoistre quelque iour cōbiē cela estoit necessaire. Le mesme iour le Roy a donné la charge de Mayor domo mayor qu'auoit ledit Duc d'Vcede à Balthazar de Zuniga.

Le 25. le Roy a fait prendre prisonnier le Secretaire dudit Duc d'Vcede. Le mesme iour le Roy a osté la charge à l'Asimillero mayor. Le mesme iour le Roy a cassé le Capitaine de sa maison Royale del Pardo. Tous ces iours



1621.

passiez aussi on a cassé & osté à force petits officiers de la maison de leurs Maiestez, entre autres trois Reposteros de la chambre de la Royne.

Le 26. on a enuoyé prendre prisonnier à Salamanque vn nommé Gueroia de Parotcha qui auoit esté autrefois grand fauory du Duc de Lerme.

Le 27. le Roy a enuoyé à Lerme informer, & fouiller par tout, pour voir s'il descouurira quelques nouuelles du grand argent, que l'on croit que le Duc de Lerme a. Le mesme iour on dit que le Roy a enuoyé deffendre au Marquis de la Lagunna de venir plus au Conseil, & dict on à ce soir, que le Roy a fait le Duc d'Albe Conseiller d'Estat. Ce mesme iour on a osté la charge de Cauallerize mayor de la Royne au Comte d'Altamira, & le Roy a commandé ce 27. au soir, à la Comtesse de Vemes sœur du Duc de Lerme de se retirer le 28.

Ce mesme iour monsieur de Bassompierre estant desia party, receut commandement du Roy de faire les condoleances en Espagne de la mort du feu Roy Catholique ce qui l'obligea à s'arrester encores 10. où 12. iours à Madrid, où ceux qui l'ont accompagné ont vn grand plaisir de voir l'heureux succez de sa negociation.

Voyla ce qui se passa en Espagne le long de ce Printemps sur la mort du Roy Philippes III.

Pour la mort de ce Roy, les affaires de l'Empereur ne laissent pas d'aller de bien en mieux en l'Empire.

La ville de Nuremberg qui auoit cy-deuant soustenu le party Protestant, & employés ses contributions pour le soustien de la guerre de Boheme, voyant le Palatin, chassé del'Empire, & vne grande consternation parmy les Chefs de son party, mis au ban del'Empire, enuoya ses Commissaires à Vienne sur la fin de Ianuier pour prester serment de fidelité à l'Empereur, & luy faire offre de cinquante milles florins, que sa Maiesté refusa.

*La ville de Nuremberg rend obeissance à l'Empereur.*

Cependant les gens du Comte de Mansfeld laissez dans Pilsen & Tabor, font de grands ravages en Boheme, contre les subjets del'Empereur, & augmentent iournellement de nouvelles forces qui leur viennent d'Allemagne.

*Ravages du Comte de Mansfeld en Boheme*

L'Electeur Palatin qui s'estoit refugié à Berlin en Brandebourg en partit aussi au mesme temps, & ayant esté visité son espouse à Castin, s'achemina chez le Duc de Brûl-uic, où arriuerent aussi tost le Roy de Danemarch, & les Ambassadeurs du Roy de Suede, pour y conclure quelque assistance en sa faueur.

Pour la pacification des troubles del'Empire, deux diuerfes formes d'assemblees se tiennent en Allemagne, l'une par les Catholiques à Auspurg, où se resould vne

*Assemblée en Allemagne.*

1621.

contribution de deniers, & vne mutuelle assistance pour s'opposer aux desseins des Protestans, en cas qu'ils se resoudent d'assister le Palatin. L'autre est desdits Princes Protestans à Hilbron, où l'Empereur enuoye publier par courriers expres sa Declaration au ban Imperial contre le Palatin & ses adherans, laquelle fut addressée en ladicte assemblee au Duc de VVirtemberg comme Directeur du Cercle de la Suaube avec l'Euesque de Constance; ceste Declaration fut trouuée en ceste assemblee vn peu trop rigoureuse & d'vn stil inuisité en l'Empire, surquoy elle resolut d'escire à l'Empereur pour le supplier de ne point precipiter les effects d'icelle, attendu que le Palatin leur auoit mandé par lettres particulieres qu'il estoit prest d'entrer en traité le plus raisonnable qu'ils pourroient aduiser en ladite assemblee: & cependant ils ne congedierent point les troupes iusques à ce qu'ils eurent resolution de sa Majesté Imperiale.

Laquelle tant s'en faut qu'elle diminuast aucune chose de ladicte Declaration, qu'au mois de Mars ensuiuant elle enuoya le Comte de Hohenzollern President de son Conseil, pour aller executer sa commission aupres du Duc de Bauieres: ayant charge de luy presenter les prouisions & patentes Imperiales de la dignité & charge d'Electeur en leur original.



Secondemēt, vne nouuelle cōmissiō Imperiale avec tout pouuoir de reformer la haute Autriche, & en chasser tous les Ministres.

Tiercement, vn mandat Imperial executorial portant charge & pouuoir d'occuper & prédre tout le haut Palatinat avec main forte, & conformement à la mesme procedure & voye dont vsoit le Marquis de Spinola au bas Palatinat.

4. Traicter avec ledit Duc de Bauieres, que moyennant la prise dudit haut Palatinat, dōt luy & ses successeurs iouyroient en propriété, il cedderoit à toutes les pretentions qu'il pourroit auoir sur ledict pays de la haute Autriche, lors qu'il l'aura reformé.

Ce qu'ayant esté entendu des Princes Protestans assemblés à Heilbron, & des autres amis du Palatin, sollicitèrent le Comte de Mansfeld de tenir ferme dans le haut Palatinat, & empescher l'inuasion d'iceluy par le Duc de Bauieres, lequel tost apres donna pouuoir à son General le Baron de Tilly, d'entrer dedans avec vne armee pour y executer la commission de l'Empereur.

Ledit Comte de Mansfeld se trouua en ladicte assemblée des Protestans à Heilbron, où il communiqua les commissions que le Prince Palatin luy auoit enuoyees pour faire leuee de quatre milles hommes de pied & mille chevaux, pour l'entretènement desquels les bourgeois & marchands de Strasbourg auoient

*Commission  
au Duc de Ba-  
uieres pour pré-  
dre le haut Pa-  
latinat.*

*Comte de Mans-  
feld sollicité de  
le deffendre.*

1621.

On luy donne  
de l'argent à  
Strasbourg.

fourny trois cens milles florins ja enuoyez à Heildelberg, outre quelques autres sommes quel'on luy fit tenir d'Amsterdam à Nœremberg.

Toutefois comme l'assemblée desdits Protestans estoit fort diuisee, & les Princes fort contraires en leurs opinions, les vns tendās à la guerre, les autres à la paix, plusieurs d'eux se retirerent pour demeurer en neutralité, les autres pour ne vouloir plus contribuer, & en mesme temps, sçauoir le 26. Feurier le Duc de VVirtemberg & le Marquis d'Anspach arriuerent à Veinheim bourgade de la Bergestraß pour prier Louys de Hesse Lâtgraue, d'Arnstat de contribuer tout son possible pour les reconcilier avec l'Empereur: ce qu'il fit, & tost apres de la part dudict Duc de VVirtemberg fut enuoyé à Vienne pour faire ses submissions & respondre de sa Maiesté pour son Duché & autres fiefs qu'il tient du saint Empire: autant en fit le Marquis de Turlach, & ainsi toute ceste ligue protestante se dissippa, voyant que la pluspart des Princes & Seigneurs se remettoient à l'obeissance del'Empereur, & abandonnerent le party du Palatin.

Traicté avec  
Bethleen Gabor  
à Haimbourg.

Du costé de Hongrie le traicté de la paix qui auoit esté commencé avec Bethleen Gabor en la ville de Haimbourg par l'entremise des Ambassadeurs de France fut sur le point de prendre vne bonne fin, & apres plusieurs Conseils & deliberations prises

prises en ladite Assemblée furent proposés les articles suyuant que Monsieur de Preaux Conseiller d'Estat de sa Maiesté tres-Chrestienne aupres de Monsieur d'Angoulesme son Ambassadeur extraordinaire à la Cour del'Empereur, apporta à Vienne à sa Maiesté Imperiale.

1. Que Bethleen Gabor renoncera au tiltre Royal ensemble au royaume de Hongrie.
2. Qu'il remettra entre les mains del'Empereur les frontieres, places & chasteaux qu'il tenoit pour lors avec toutes les munitions.
3. Qu'il renoncera à toutes ligues & confederations avec les ennemis de l'Empereur.
4. Qu'il se separera semblablement d'avec les Estats du Royaume de Hongrie.
5. Qu'il remettra la Couronne de Hongrie avec toutes les pierreries, ioyaux & ornemens dependans d'icelle en la place destinee pour la garder.
6. Qu'il restituera les lieux de recepte & reuenus du royaume ensemble toutes les mines.
7. Seront aussi restituez tous les biens immeubles appartenans tant aux Ecclesiastiques qu'aux Seculiers.
8. Fera pareillement restitution de tous les biens du sieur Humanay aux Tuteurs.
9. Que Bethleen Gabor sortira & vuidera du Royaume.



10 Que les prisonniers seront de part & d'autre mis en liberté.

*Aussy furent proposes les articles suyans sous le bon plaisir de l'Empereur.*

1. Pardon general de toutes les iniures & fautes, avec reception des delinquans en grace.

2. Que les pactes & contractz avec les Trásilvains seront renouuelez.

3. Que Bethleen Gabor sera créé Prince del'Empire.

4. Que le chasteau & les biens de la Seigneurie de Mankacho avec 30 000 florins pour vne fois seulement luy seront deliurez & ne sera ladite Seigneurie racheptable qu'après la mort dudit Bethleen.

5. Qu'il iouira sa vie durant des Duchez d'Opulie & ratiborne.

6. Luy seront pareillement mis és mains quatre Comtez dedans la Hongrie scauoir Zathmar, Zabolits, Vgacha & Bereg pour en iouir aussi sa vie durant, & retournerôt apres son decez à la Couronne lesquels 4. comtez toutesfois seront ainsi que dessus mis entre les mains dudit Bethleen sous les conditions qui suyuent.

Que les Estats du Royaume aggreeront ladite concession.

Que l'exercice de la Religion Catholique y demeurera libre & en son entier.

Que les decimes de l'Euesché d'Agrie, ensemble tous les biens tant Ecclesiastiques que Seculiers demeureront à leur possesseur legitime.

Que les subiets desdites 4. Duchez & Cōtez seront obligez aux mesmes coustumes & charges publiques du Royaume.

Qu'il pourra disposer des confiscations & de tous autres biens vaquans sous la rati-  
fication de sa Maiesté.

Que ledit Bethleen ensemble tous les subiets des Comtez susdits & les librese Hinducques & esleuz iureront qu'ils n'exerceront pour l'aduenir aucune hostilité contre sa M. ny ses païs; & qu'ils contribueront contre le Turc, finalement qu'apres le decez dudit Bethleen lesdites Comtez retourneront à la Couronne.

*S'ensuiuent les articles des États du Royaume.*

1. Pardon general audits États.
2. Qu'ils reccurent sur les frontieres l'armee de sa M. Imperiale.
3. Qu'il leur sera loisible de proposer des griefs s'ils en ont & en poursuiure la decisiō
4. Que le tout sera restably en son estat premier auant la rebellion.
5. Promesse & assurance d'une Diette generale auant la fin de l'annee presente, en laquelle sa M. Imperiale se trouuera en personne.

1621.

*Reiettez par  
l'Empereur.*

Voilà le traité & les articles d'iceluy proposés, lesquels ayant esté apportez à l'Empereur par ledit sieur de Preaux & ayant esté trouuez trop auantageux à Bethleen & preiudiciables à l'Empereur, sa M. Imperialle ne se voulut accorder audit traité ny signer lesdits articles, qui fut cause que ledit traité de Haimbourg s'en alla en fumee, les Ambassadeurs de France retournerent de la Cour de l'Empereur sans rien conclure, & la guerre plus ouuerte que deuant en Hongrie.

Le Comte de Buquoy qui estoit retenu malade à Vienne de sa blessure de raconits auant la bataille de Prague, fut neantmoins commis par l'Empereur pour conduire l'armee en Hongrie, ce qu'il fit estant guery.

*Morauie reduite  
à l'obeissance  
de l'Empereur.*

Le 23. Ianuier les Ambassadeurs de Morauie partirent de Vienne avec cette resolution par escrit que sa Maiesté Imperiale auoit entendu leurs remonstrances tres-humbles, recogneu leur obeissance, & ostroyé le pardon qu'ils demandoient. Et d'autant que la Rebellion n'y estoit pas si generale qu'elle deust estre imputee à tout le corps de la Prouince, ains plustost à quelques principaux Seigneurs qui auoient esté les directeurs de tant de pernicieux desseins & qui auoient attiré le reste du peuple à leur faction, sa dite Maiesté nonobstant matiere suffisante qu'elle auoit de les punir



rigoureusement & par execution generale, ordonna que le Cardinal Districhstein s'achemineroit en Morauie pour informer des auteurs & principaux complices, affin de leur faire entendre aussi tost la declaration sur ladite information.

Autant en ont fait les Estats de Silesie<sup>2</sup> qui ont obtenu pareillement leur pardon de l'Empereur, & pour monstrier qu'ils auoient renoncé au party du Palatin, ils luy escriuirent cette lettre, dattee de Lignits le 25. Feburier 1621.

Nous n'auons peu trouuer entre les remedes, & voyes humaines, autres plus salutaires que celle cy, sçauoir de nous accommoder à la volonté de sa Maieité Imperiale en suite, & conformement à l'exemple des autres Prouinces cōfederées & pays incorporez, si nous n'aymōs mieux reduire toute cette principauté en vne extreme & totale ruine : c'est pourquoy il a esté resolu, & conclu par nous, afin d'euitier nostre perte, & entiere desolation, que nous nous accommoderōs avec obeissance à ladite M. de l'Empereur Ferdinand, & accepterōs les offres Royales, & graces Imperiales à nous faites par la dilection, & l'excellence electorale du Duc de Saxe, & cōment vostre M. royale auroit consenty en ce traité, & accordé dese retirer hors de cette Prouince, n'ayant pour toutes pretensions fait demander par ses Ambassadeurs,

*Extrait de la  
lettre que les  
Princes, & E-  
stats de la Schle-  
sie ont escrit à  
l'Electeur Pala-  
tin.*

1621.

sinon que la restitutiō de la perte de ses meubles (ce qui nous fait croire estre quittes, & absouls de nostre serment) nous n'auōs non-obstant ce pour plus grande assurance de nostredit serment a elle presté peu omettre d'en faire les remonstrances tres-humbles à vostre M. Royale, supplians partant tres-humblement vostredite M. attendu la necessité extreme, la foule, & oppression à laquelle nous sommes reduits par la retraite, & imperseucrance des Prouinces, ioinct que ne voyōs autres remedes plus asseuré pour nous redimer des maux qui no<sup>s</sup> menassēt de nous auoir nō seulemēt pour excusez, mais aussi nous remettre le serment a elle presté, ne faisans doute que vostre M. ne trouuera aucune difficulté de deferer à cette nostre humble requeste recommandans sur ce &c.

Cependant le trouble recommence en Hongrie; Bethleen Gabor ioinct avec le Budiani de Hongrie & autres nommez Heiduques peuples du païs font des ravages extremes iusques dedans l'Autriche & la Morauie; ce que voyant l'Empereur si tost que le Comte de Buquoy, est guarý il luy commande d'entrer en Hongrie & conquerir cequ'il pourra & contraindre Bethleen de se retirer.

Ledit sieur Comte s'estant approché de Canise avec 1000. hommes poursuiuit les forces Hōgroises dudit Budiani reuolté cōtre l'Empereur, desquelles il luy en couche

Comte de Bu-  
quoy desuist  
2000. Hōgrois

par terre plus de deux milles, se rend Maître d'Ostia, & cōtrainst les forces ennemies de se retirer en Ternanc où estoit pour lors Bethleen allicté d'une dangereuse maladie.

D'autre costé le Marquis de Spinola non-obstant la saison del'hyuer continue ses cōquestes au bas Palatinat.

Le 24. Febur. il surprit la ville de Hosthfoen où il y auoit deux Compagnies de cavallerie, & apres auoir pillé la place, emmena prisonniers six des principaux d'icelle outre les Chefs de guerre: de sorte que depuis le mois de Septembre 1620. iusques

*Marquis de Spinola pour  
suit ses conquestes au Palatinat.*

en Mars de l'an 1621. ledit Marquis à pris audit Palatinat plus de 60. places, qui est en effect vn preiugé certain que ce païs là est en grand danger d'estre perdu pour le Palatin, & quand on seroit en termes deluy rendre, les Electeurs Ecclesiastiques & autres Euesques s'y opposeroiét pour les places qu'ils pretendent leur appartenir & que ledit Palatin auoit vsurpees sur eux: l'Electeur de Mayéce repete dudit Palatin celle qu'il tient de son Archeuesché par engagement: l'Euesque de Vvormes en faiét de mesme, & remande les villes de Heildelberg & Ladembourg qui luy apartiennent: de mesme encore l'Euesque de Spire demande Germerf-hein & autres places que ledit Palatin luy detenoit: de façon qu'il est à croire que si l'on venoit à faire



1621.

vne paix en Allemagne, ce ne seroit pas sans desmordre vne partye de tant de bons morceaux.

*Straßbourg se  
remet en l'obeis-  
sance de l'Em-  
pereur.*

La ville de Straßbourg au commencement fit rechercher l'Archeuesque de Mayence & le Lantgraue de Hesse d'Arnstat pour interceder & moyenner leur paix aupres de l'Empereur, qui leur a pardonné, & sur l'assurance de leur neutralité, a donné de beaux priuileges à leur Vniuersité.

Cependant l'armée des Princes protestâs brusla entierement tous les bourgs & villages qui sont au bas Palatinat depuis Vvormes iusques à Oppenheim, ce qui mit les habitans en grand desespoir, de sorte que s'ils estoient les plus forts il est tresasleuré qu'ils se fussent tous rédus à la discretiō de Spinola.

*Trefue resoluë  
au bas Palati-  
nat.*

En fin pour obuier à tant de rauages qui mettoiēt toute la Suaube & la Frâconie en allarme attendant que l'on y apporteroit quelque ordre, fut resoluë la publication d'une trefue audit Palatinat pour quelque cinq sepmaines, entre les Princes Catholiques & les princes & Chefs protestans; qui fut conclue entre l'Electeur de Mayence, Louys Lantgraue de Hesse, le Marquis Spinola General de l'empereur au Palatinat, d'une part, & Ioachin Ernest Marquis de Brandebourg, General de l'armée de l'union Euangelique, & Iean Frederic Duc d'Vvitemberg, tant en son nom; qu'au nom des autres Princes & Estats vnis

d'autre part, & fut conclu ce qui suit.

1621.

1. Avant toutes choses a esté accordé entre lesdits Princes & Estats qu'ils s'abstiendroient de tous actes d'hostilité, en telle sorte que leurs troupes & gens de guerre desdits Princes & Estats ne feroient aucun dommage aux troupes dudit Marquis & n'atenteroient nullement aux places que maintenant il occupe & tient en sa puissance.

*Articles de la trefue.*

2. Qu'ils n'assisteroiēt en sorte quelcōque d'armes, d'hommes ou d'argent, ou d'autre chose directemēt ou indirectemēt tant par autres ledit Frideric Palatin, que pendant le tēps de la trefue lesdits Princes & Estats de l'Vniō retireroient toutes les troupes qu'ils tenoient dans ledit Palatinat, demeurans cependant fidelles & loyaux à l'Empe-  
reur.

3. Que de son costé ledit Marquis Spinola pendant ledit temps n'entreprendroit aucun acte d'hostilité contre les personnes desdits Princes & Estats vnis, eux, leurs gens de guerre, officiers, suiets, forteresses, Citez, terres & seigneuries.

4. Qu'en ce present traicté seroient compris tant ceux qui furent nommez en l'assemblée d'Vline, que les autres Electeurs, Princes, Estats & Nobles de l'Empire tant Catholiques qu'Euangeliques : non pas qu'en cecy on y vueille comprendre les terres de Iulliers.

*En l'an 1620.  
au mois de  
Iuin.*

1621.

s. Et quant audit Frederic Palatin, ledit Marquis de Spinola, à la requisition du Roy de la Grande Bretagne a promis iusques à la fin de la trefue, qu'il ne pourfuiura point sa commission ny son execution audit Palatinat tant par luy que par autre sur les biens & personnes dudit Frederic : mais de suspendre toutes choses sous cette condition que lesdits Princes de l'Vnion feront que leurs trouppes residantes tant audit Palatinat qu'ez autres lieux voisins, n'exerceront aucun acte d'hostilité tant contre ledit Marquis que contre les siens, & les lieux qu'il occupe.

Et affin que les voisins & autres Estats & leurs suiets ne soient molestez par les trouppes tant d'une part que d'autre, lesdits Princes & Chefs de party & d'autre ont promis faire cesser toutes pilleries, rauages, courses & degasts, tant que faire se pourra tenir les chemins libres, & le commerce assuré.

Tous lesquels articles ont esté signez desdits Princes, & Chefs susnômmez & scelez de leurs armes pour estre portez & enuoyez à l'Empereur & à l'Archiduc Albert le plustost que le susdit Marquis Spinola le pourra faire pour estre iceux ratifiez & confirmez. Fait à Mayence le deuxiesme Avril 1621. Signé, Ambroise Spinola, Iean Suicard Archeuesque de Mayence, Louys Lantgraue de Hesse, Ioachin Ernest Mar-



quis de Brandebourg, & Frederic Duc de VVirtemberg.

1621.

Pendant cette trefue la guerre de Hongrie se continuë aux despens des rebelles.

Le 7. Avril 1621. ayant esté liuree la ville de Presbourg au Comte de Buquoy par quelques bös seruiteurs de l'Empereur qui estoient dedans, contraignit le Chasteau de se rendre cinq iours apres. Les soldats Hongrois qui estoient dedans ont esté renuoyez avec le baston blanc en la main & les Allemands avec l'espée. Toutesfois ledit Comte de Buquoy en fit arrester les Chefs qu'il enuoya à Vienne: ils estoient reduits à la dernière balle.

Cette reduction fut suiuite de celle d'Altembourg la Hongroise, qui fut prise le dixiesme May, comme aussi Ternaue, Edembourg & autres places en Hongrie par la valeur dudit Comte, qui poursuivit Gabor iusques à Altensal où il s'estoit retiré, & auoit transporté la Couronne d'Hongrie, & delà s'en alla assieger la dernière place de la haute Hongrie appelée Nevvenfoll, où il est mort, comme ie diray cy.apres.

Reuenons és Pays bas, nous verrons que le printemps n'est si tost arriué, que l'on parle du degel, de la trefue de douze années entre l'Archiduc & les Estats d'Hollande escheuë au vingt-sixiesme Mars:

1621.

sur l'expiration de cette trefue, l'Archiduc despescha le seigneur Peckius à la Haye, pour proposer aux Estats la reduction de leurs pays & personnes à l'obeissance de leurs Princes naturels.

Ce seigneur Peckius qui estoit Châcelier de Brabant arriuant en Hollande & passant par Haerlen est presque massacré par la populace Hollandoise sans le Prince d'Orange qui empescha qu'il ne luy fit aucun tort.

Estant arriué à la Haye, il fit cette harangue auxdits sieurs des Estats assemblez.

*Harangue du  
Chancelier de  
Brabant aux  
Estats Gene-  
raux des Pro-  
vinces unies du  
Pays bas, sur la  
rupture de la  
trefue.*

Nobles & puissans Seigneurs, les derniers iours de la trefue de douze ans, des pays bas nostre commune patrie, nous representent deuant les yeux, par les preparatifs qu'on fait de part & d'autre, les tristes changemens qui suivent ordinairement l'expiration de tels traitez : Ce qui a meulles Serenissimes Archiducs de penser meurement aux moyens necessaires pour prevenir & diuertir les grands inconueniens qui en peuuent arriuer; portez à ce saint desir par leur inclinatio naturelle à la paix, & leur zele au bien public, qui ont esté les principaux motifs à les faire resoudre à vne trefue, comme vn commencement du total estanchement (tant souhaité) de l'ardeur de la guerre dedans laquelle leurs Alteesses ont à leur aduenement trouué l'Estat, croyans que durant ladite trefue leurs actions ont assez tesmoigné leurs bonnes &c

Sinceres intentions, & pour l'aduenir leurs Alteſſes n'ou rien tant à cœur, que de procurer generalement tout ce qui pourra tēdre à l'aduantage de ces pays, qui ſemble conſiſter en ce que toutes les parties & membres en dependans ſoyent reioints en vn corps ſous vn chef, eſtant tres-apparant, que comme ils eſtoient deuant les troubles de noſtre temps en paiſible concorde & tranquille proſperité, qu'ils iouyroient encores du meſme, voire plus grād bon-heur, ſi les Prouinces de ce party cy ſe laiſſoient diſpoſer à vn bon & ferme accord, ſous la recognoiſſance des Princes naturels.

C'eſt le point que leurs Alteſſes m'ont commandé de propoſer à vos Seigneuries, & leur representer amiablement qu'ils ont iugé eſtre de leur deuoir (outré ce qui eſt alleguē, auant qu'aucun nouuel acte d'hoſtilité interuienne) de faire cēſt office de bons Princes, qui recherchent & affectionnent voſtre propre bié pour touſiours, afin que là deſſus ſoit deliberé & pris vne bōne reſolution, par laquelle l'eſfuſiō de ſang, les impoſitiōs exceſſiues & autres miſeres que les Pays bas ont par tant d'années eſprouuees, puiſſent vne fois & à iamais eſtre oſtees & preuenuēs: Et ſi vos ſeigneuries veulent ſous ces conditions entrer, en communication d'accord, leurs Alteſſes ſe monſtreront prompts pour embrasser toutes conditions & capitulations equitables &



raisonnables, En sorte que vos seigneuries auront tout suiet de contentement, & ne verront non seulemēt les effects de la bōne volōté de leurs Alteſſes; Mais aussi la ſincérité & integrité, laquelle elles ont tousiours eue en singuliere recommādation, & qu'elles ont iusques icy fait cognoistre par leurs deportemens, & l'estroite & religieuse obseruation de leurs promesses: tellement qu'o se peut entieremēt fier en eux; Aſſeurāt aussi vos Seigneuries, de pareille bōne & ſincere intention de ſa Maieſté Catholique, & qu'elle approuuera & ratifiera tout ce qui ſera par leurs Alteſſes touchant cecy, traité & conclud. Signé,

P. PECKIUS.

*Reſponſe des  
Eſtats, à la harangue du Chancelier de Brabant.*

Les Eſtats Generaux des Prouinces vnies des Pays bas, ayans ouy & examiné en leur Aſſemblée la proposition du ſieur Peckius ſieur de Bouchante Chancelier de Brabant, de la part des Sereniſſimes Archiducs en Brabant, faiſte de bouche le vingt-troiſieſme Mars, & exhibee par eſcrit, en vertu de ſes lettres de creance, dattees de Bruxelles le ſeſieſme iour dudit mois. Declarent que la ſouueraineté des Prouinces vnies ne leur peut eſtre reuoequee en doute, & qu'ils l'ont tousiours vigoureuſement maintenué contre tous ceux qui l'ont voulu diſputer, ou bien attenter quelque choſe au preiudice d'icelle, ou l'attribuer à aucun Prince; Que iamais ils n'ont voulu entrer en trai-

été quelconque, qu'ils n'y ayent esté reconnu absolument Souuerains, dont ils ont fait des expressees declarations, tant à l'Empereur, qu'aux Electeurs, Ducs & autres Potentats, & specialement ausdits Archiducs: Que l'Estat de leurs Seigneuries est réputé & tenu par les plus grands Monarques, Roys, Potentats, & Republiques, pour vn Estat souuerain, & leurs pays pour pays libres, & ont en ceste qualité fait avec eux plusieurs traictez & aliâces, estant assez notoire qu'ils ont, refusé de traicter avec lesdits Archiducs & le Roy d'Espagne, que prealablement ils n'eussent déclaré par acte formel, qu'ils traictoient avec leurs Seigneuries, comme avec des pays & Prouinces libres, sur lesquelles ils ne pretendoient rien. Et d'autant plus que tout ce cy est manifeste à tout le monde, lesdits Seigneurs Estats trouuent tres-estrange la proposition du sieur Chancelier Pexius, mettant en auant que le plus grand bien de leurs Prouinces consisteroit en ce qu'elles fussent rassemblees en vn corps, & sous vn Chef, & qu'elles se laissassent persuader à vn bon, vtile, & asseuré accord sous la recognoissance des Princes naturels, & si lesdits Seigneurs Estats vouloient sous ces conditions entrer en conference d'accord, que les Archiducs en tel cas condescendroient à des conditions equitables: Car cette

1621.

proposition ne peut aucunement seruir pour preuenir & diuertir les grands inconueniens dedans lesquels les vrayz Pays bas retomberoient par la guerre, à laquelle fin toutesfois le sieur Peckius veut sembler tendre, mais au contraire allumeroit plustost le feu de la guerre, en ce que c'est heurter directement la dignité souveraine, & grandeur des Prouinces vnies, laquelle leurs Seigneuries ont iusques à present si louüablement defenduë par vne guerre si puissante, encores bien resolu. Dieu aydant, de n'espargner pour sa manutentiõ ny leurs biens ny leurs vies : Et declarent icelle proposition erronee & insupportable à leur Estat, attendu qu'elle tire la souveraineté en controuersie contre les loix fondamentales du pays, & ne peuuent leurs Seigneuries consentir vne proposition si inopinée, iniuste & inciuile, comme contenant vne iniure trop atroce contre leur Estat, & qui tourne à l'opprobre de tant de Monarques, Roys, Potentats & Republiques, qui ont cõtracté avec leurs Seigneuries, comme avec vn Estat libre & souverain. D'abondant sont contrains de declarer que tous ceux qui par propositions ou autres voyes taschent d'aneantir la souveraineté de ces pays & choses semblables, seront tenus pour inhabiles d'estre iamais admis en aucun traicté avec leurs Seigneuries. Ce qu'ils donnent pour responce audit sieur



sieur Peckius, y adioustans seulement que lesdits Archiducs peuuent bien sçauoir comment lesdits Seigneurs Estats entendēt que le traicté de la trefue soit par eux, & par le Roy d'Espagne obserué, veu que nulle satisfactiō ne s'est ensuiui de rāt de plaintes par plusieurs fois reiterees à leurs Alteſſes. Fait à l'Assemblée des hauts & puissans Seigneurs les Estats Generaux des Prouinces vnies à la Haye, le 25. Mars 1621.

Sur la responce lesdits sieurs Estats se resoudent à la deffenſiue, cōme aussi le Marquis de Spinola assemble vne armée de 60. milles hōmes tant contre les Hollādois que pour enuoyer en Allemagne, à l'issuē de la trefue du Palatinat, qui fut derechef cōfirmée de May en Iuillet, & pendant que l'on verra qui sera celuy qui commencera le premier, voyōs l'execution memorable qui se fait à Prague de 43. prisonniers.

Après la prise de Prague, l'ā. dernier par le Duc de Bauiere & Comte de Buquoy, fut faite perquisition exacte de ceux qui auoient esté les auteurs & les chefs de la rebellion de Boheme, cōtre sa M. Imperiale: entr'autres que l'on peut descouurir coupables de ce crime, furent pris & arrestez prisonniers 43. tant pretendus Directeurs de Boheme, que autres perfides & desloyaux Conseillers de Prague, desquels les informations & procès ayans esté faicts, & chacun d'eux condamné selon la grauité de leur crime, les

*La memorable  
execution de  
43. traistres &  
rebelles, faicte  
en la ville de  
Prague, par  
commandemēt  
de l'Empereur.*

1621.

procès & sentences en ont esté enuoyez à Viéne, pour estre veus au Cōseil de l'Empereur, & en faire en suite ce qu'il luy plairoit, 12. Cōmissaires deputez pour cest effect en ladite ville de Viéne, retournerét par commandement de sa Maiesté Imperiale, à Prague, avec pouuoir de faire executer lesdits traistres & rebelles conuaincus & condânez, ce qui s'est passé & executé en la forme & maniere qui s'ensuit.

Le 21. Iuin dernier, fut tiré du Chasteau de Prague vn coup de canon pour signal, à l'ouye duquel aussitost furent fermées les portes de la ville & du pōt, & par toutes les places & carrefours d'icelle furent mis des Gardes, tāt de Canallerie que d'Infanterie.

Au milieu de la principale place de ladite ville vis a vis du Palais, fut dressé vn grād eschaffaut tout couuert de drap noir, sur lequel il y auoit vn hōme vestu d'vn long habit de drap noir, le visage couuert tenāt vn Crucifix en sa main, pour dōner a vn chacū des condānez montant sur ledit eschaffaut: plus estoiet autres deux hommes vestus de mesme, là exprez pour receuoir les criminels, cōdānez à mesure qu'ils montroiēt, & estēdoiēt deuāt eux vne grāde piece de drap noir par terre, sur lequel ils se mettoient à genouil pour endurer le suplice; plus autres six hommes estoiet sur le mesme, vestus de noir de mesme que les autres, la face couuerte, destinez pour releuer les corps des supliciez & les deliurer à leurs parens. Les-

quels condânez furēt en cette executiō 24. decapitez & trois de pendus, comme est diccy-apres, les autres ont suby d'autres peines fortables à leurs demerites. Tous ont enduré la mort fort cōtrits & repētans, & n'y en auoit aucun qui ne fust personnage de qualité, le moindre d'eux aagé de 50. ans: & fut faite toute icelle execution par l'executeur de la haute Iustice sans coup faillir.

Les Sétences furēt publies le 19. Iuin, en l'Auditoire public, en presēce de tres-excellent Prince Charles de Lichestain, Grand Gouverneur de Prague & de 12. Commissaires, en langue Bohemienne & Allemande, l'une apres l'autre portant chacune les meffaiçts des delinquans.

1. Le premier condamné par sentence, fut le Baron Guillaume Popel de Lickvvitz, sçauoir d'auoir la teste tranchée, & par grace de sa Maiesté Imperiale, est demeuré prisonnier iusques à vne autre resolution.
2. Le Baron Paul Richean, fut condamné de mesme & eut pareille grace.
3. Le Comte André Scvlick Directeur de Boheme condâné d'auoir la main droicte coupee, son corps mis en quartiers, mais par grace de sa Maiesté Imperiale, eut seulement la main couppee, sa teste tranchée, mise sur la tour du pont.
4. Le Baron Vvensel Vodouitz, Directeur de Boheme condamné d'estre mis en quartiers, & par grace à esté seulement de-



capité: il estoit aagé de quatre vingts ans.

5. Le Baron Koraut eut la teste trenchee.

6. Le Baron d'Vvarsezky eut la teste trenchee & icelle plantee sur la tour du pont.

7. Le Baro Gaspard Cappellier Directeur de Boheme encore qu'il meritaist d'auantage, neantmoins pour estre aagé de quatre vingts ans, eust seulement la teste trenchee, & icelle mise sur la tour du pont.

8. Le Baro Mikelouitz Vice-Châcelier du Royaume de Boheme, fait par sa M. Imperiale, fut condamné d'estre mis vif en quatre quartiers, apres auoir eu la main coupee, & sa teste mise sur le pont, mais par grace à eu seulement la teste & la main coupee.

9. Frederic de Bicla, Directeur de Boheme eut la teste tréchee & icelle mise sur le pôt.

10. Le Baron Otto Henry loss condané d'estre mis en quatre quartiers & iceux aposez sur les grâds chemins hors la ville, mais par grace de l'Empereur, à eu seulement la teste & la main droicte coupee & mise sur le pôt.

11. Le Baron Conetz Clusky Directeur de Boheme condané à auoir la teste trenchee, mais par grace l'execution en a esté surmise.

12. Le Baron Petipesk, condamné d'auoir la teste trenchee, mais par grace, est demeuré prisonnier.

13. Le Seigneur Denis Thclerim qui estoit Capitaine du Chasteau de Prague, à esté condané d'auoir les deux doigts coupez pour auoir presté sermêt & souscrit la coniuration cōtre l'empereur, puis auoir la teste tréchee,

mise sur les murailles du Chasteau, mais par grace il à seulement perdu la teste : il estoit Catholique.

14. Volf Kossauer, à esté enuoyé aux ceps & aux fers perpetuels dás Iauarins en Hongrie.

15. Philip Kouslumski, à eu la teste tranchée puis mise sur la tour du pont.

16. Iean Theodore Sixte Bourgeois & Conseiller de Prague à esté condamné d'auoir la teste tranchée, mais il luy fut fait grace sur l'eschaffaut.

17. Valentin Cokan Bourgeois & Directeur de Prague à eu la teste tranchée.

18. Tobias Pephen Directeur, à eu la teste tranchée, puis mise sur le pont.

19. Christophle Kaber Directeur à eu la teste tranchée, puis mise sur le pont.

20. Iean Preuost de Kuttemberg Bourgeois de Prague à eu la teste tranchée, icelle enuoyée pour estre mise sur la muraille de ladite ville de Kuttemberg.

21. Le Docteur Iessenius Archipape des Caluinistes, qui audit esté par deux fois Ambassadeur en Hongrie, condamné d'auoir la langue & la main droite coupée, & son corps mis en quartiers, mais par grace à eu seulement la langue coupée son corps mis en quartiers & mis sur les chemins.

22. Iean Cuttenavver Bourgeois a esté pendu hors les fenestres du Palais de la vielle ville.

23. Simon Sutchitsk Bourgeois de mesme, pendu hors des fenestres dudit Palais.

24. Natanael Budoanky Bourgeois à esté pendu à vn gibet.
25. Melchior Zeitfrezen à esté enuoyé aux ceps & aux fers à perpetuité à Iauarins..
26. Nicolas Fulci, condamné d'auoir la langue coupee & mise sur le gibet, mais par grace à eu seulement la langue clouée vne heure durant sur le gibet, puis à esté enuoyé aux fers à Iauarins.
27. Sauceta, condamné d'auoir la teste trenchee, mais par grace à eu pour peine, prison perpetuelle.
28. Paolo Ritzin, condamné d'estre vn an prisonnier.
29. Vvenzel Vorgezick, à esté foüetté & banny.
30. Borbonius Docteur en Medecine, condamné d'auoir la teste trenchee, mais par grace de tenir prison seulement.
31. Gaspar Viler, pareille peine.
32. Henry Bachk à eu la teste trenchee.
33. Elie Rozino, condamné d'auoir la teste trenchee, mais il luy fut fait grace, sur l'eschaffaut.
34. Luc Karauarla, condamné d'auoir la teste trenchee, mais par grace, enuoyé aux fers à Iauarins.
35. André Katzaucr, à eu la teste trenchee.
36. Iean Skuella, à esté foüetté & banny.
37. Ioseph Shubin, à esté foüetté & banny.
38. Michel Videnmā, à eu la teste trenchee.
39. Simō Vvakatsch à eu la teste trenchee,
40. Iean Cimerik, banny pour vn an.



41. Maximilian Haffeleck, à eu la teste trenchée, & icelle enuoyée à Satz, où estoit sa demeure.

42. Trick Kaufeilz, à eu la teste trenchée.

43. Leādre Rippolt, à eu la teste trenchée.

Tous les lusedits ont esté exécutez & punis, tant pour auoir esté auteurs de la sedition de Prague, faite en l'an 1618. le 23. May, que pour auoir fait souleuer les Bohemes, cōtre l'Empereur, reietté sa persōne, appellé Frederic Côte Palatin, à la Couronne du Royaume, & minutté des desseins execrables, contre la Maiesté Imperiale.

Pour retourner aux guerres de Hōgrie, les ennemis réfermez dās Nevvensoll ayās aduis que le Côte de Buquoy les alloit assieger *Siege de Nevvensoll en Hongrie.* sesōt fortifiez de six grāds bastiōs Royaux qui ne se peunēt battre, pour ce que le Côte de Buquoy māquoit de matiere pour eleuer des plates formes, estāt deux lieuës aux enuirs de la cāpagne sans y auoir vn seul arbre, chose qui luy causa beaucoup de fatigue & l'épēscha de pouuoir faire des fascines, de sorte qu'en 15. iours ses gēs n'en peurent faire que cinq milles cinq cens.

Le 12. Iuin ledit Comte cōmença d'entamer les trēchees & d'aprocher peu à peu de la ville: pendant 15. iours employez à ce travail, les Imperiaux ne demeurerēt pas oisifs *Trenchées commencées par le Comte de Buquoy.* pour ce que la Cauallerie Hōgroise leur donnoit chaque iour quelque allarme, & aucune fois fort à sō dōmage, & particulieremēt

1621.

vnfois le Comte de Buquoy s'engagea si auant avec les ennemis, que si ce n'eust esté la valeur, luy & les siens y fussent demeurez: l'ennemy estoit fort de deux cens cheuaux & ledit Comte n'en auoit pas plus de 70. & sans espoir d'aucû secours: neantmoins ledit Comte en pourpoint l'espée à la main & à la teste des siens, ferra de si près l'ennemy qu'il receut deux charges, & à la troisiésme il se mit en fuitte demeurans 30. des leurs estendus sur la place.

Ledit Comte estant de retour de ceste feste plusieurs Caualliers luy demâderent cōme il s'estoit engagé si auant avec les Hongrois, il respondit qu'il estoit assuré de l'vne de ces deux choses, voyât sortir ces 200. Hōgrois qui estoïent en embuscade, ou d'estre pris ou de mourir, & qu'il se voyoit assuremēt pris pour la legereté des cheuaux Hongrois, & que cela estant ainsi il aymoit mieux mourir que de tōber vif entre leurs mains. Il a eu beaucoup d'autres rencontres où sont demeurez beaucoup de Hongrois.

Le 23. Iuin le Côte enuoya quelques soldats de la garnisō de Filek courir le pays iusques à Strigonic, ils rencontrèrent au point du iour vn secours qui alloit à Nevvésoll de 4000. cheuaux & de deux milles cinq cens Hongrois qui rauageoient aussi le pays, avec quatre chariots de poudre, lequel fut defait par les Imperiaux, demeurās des ennemis morts sur la place plus de 200. &

*Secours des  
Hongrois def-  
fait par luy.*

fix cens tant de pris que de blesez, l'argët & la poudre furent tous pillez, & si lesdits Imperiaux n'estoient pas plus de mille.

La poursuite de ce siege de Neuueusoll où le Comte de Buquoy s'est finalement perdu, ne se peut mieux descrire que par la lettre d'un Gentil-homme François, qui estoit en l'armee Imperialle au temps dudit siege qui parle ainsi.

Après auoir pris la ville & chasteau de Presbourg, nous vinsmes à Ternaue, ville qui se rendit, avec Chintas appartenante au Colonel Turso Hongrois, où nous trouuâmes mille cheuaux de l'énemy qui nous donnerent des allarmes, peu après le chasteau se rendit sans receuoir garnison, outre que c'est vn passage où il y a vne riuere ingayeable. De là sommes venus assieger Neuueusoll, place forte & frontiere du Turc & en lieu de campagne, & point commandee, où arriuant, trouuâmes ces mille Hongres que nous auions veuz à Chintas que le Comte de Buquoy pouuoit auoir faict battre s'il eust voulu, lesquels nous preuenans bruslerent tous les villages d'autour de la place, ce qui nous incommoda grandement, & nostre armee ayant pris sa poste au plus proche village sur le bord d'une petite riuere nous nous y retranchâmes, laissant battre la campagne à ces mille cheuaux Hongres contre la volonté d'un chacun qui desiroit d'aller à eux &



1621.

*Forme de mener la guerre en Hongrie.*

*L'armée du Côte de Buquoy tra-uaillee des Hongres.*

les defaire pour obuier à l'incommodité de l'aduenir, ce que ledit Comte de Buquoy ne voulut faire voulant aller pas à pas comme aux païs bas, qui est le contraire des guerres de Hongrie où l'humeur François est plus vtile pour attaquer & ne point marchander, c'est le stil qu'il faut tenir cōtre les Hongres & les Turcs; & c'est en quoy ledit Comte s'est trompé miserablement, apres auoir donné tant de preuues de son merite, aussi n'a il pas esté assisté comme il deuoit.

Je vous diray donc qu'apres auoir esté six sepmaines deuant Neuuenfoll, apres auoir faict les aproches & 5. forts ou redoutes iusques aupres de la place, les forts garnis de canon, y en ayant 32. en nostre armee avec vingt milles hommes: nos mille cheuaux hongres s'estoient fortifiez d'autres 3. milles que Bethleé Gabor leur enuoya avec quelques Turcs volontaires qui se ioignirēt à eux, fatiguerent grandemēt nostre armee nous ayant empesché les viures & fourages & reduits à vne grande necessité, ayans pris & tué quantité de nos soldats aux viures & fourages, nous ayans reduits d'y aller par conuoy, & eux ayāt la liberté d'aller & venir dans la place cōme ils vouloient, la porte n'estant bouchée, & aussi tost que ceux de la place nous voyoient partir de nos quartiers, ils aduisoient les 4. milles cheuaux qui les soustenoient, & sans cesse battoient le

trade, ne dormant qu'une nuit en un lieu & point de iour, attendant le secours que Gabor leur deuoit amener, avec dix milles Tartares & dix milles Turcs: ainsi personne ne pouuoit sortir du quartier qu'il ne fust apres ou pris ou tué, ayans deffaict des nostres plus de trois milles.

Le 10. iuillet le Comte de Buquoy ayant commandé mille cheuaux de toutes les troupes pour faire escorte au fourage où il fut en personne avec le sergent maior de bataille Tinsbac, où ie fus commandé, nous fumes au costé de la ville à demie lieuë: nos chariots estans chargez & se retirans, l'ennemy parut & s'aduança fort; ce que le Comte de Buquoy ayant reconnu, fit aduancer ses troupes droit à luy lesquelles furent partyes en deux ayans les fourages au milieu, aussi tost l'ennemy s'aduança furieusement avec 600. cheuaux & entr'eux force Turcs & Tartares & 2. gros de mille cheuaux qui les suyuoient, lesquels attaquérēt nos troupes qui les repousserēt d'abord. Le Côte de Buquoy estant à la teste commanda peu à peu de se retirer, & auoir donné ordre aux autres troupes de prendre leur poste en une petite coque voyans ne firent, où l'ennemy aduançant & un gros coupant entre 300. mousquetaires que nous auions amenez de nostre cavallerie & nos troupes aduancées, prirent tellement l'espouuente qu'ils s'en vindrent à toute bride & firent fuir tout le reste. Ce que voyant

1621.

*Mort du Comte  
de Buquoy.*

ledit Comte de Buquoy, s'aduanca pour  
gagner les troupes du viel regiment du feu  
Comte Dampierre, qui estoit là le mieux  
armé & le plus fort, mais ayant pris l'espou-  
uente comme les autres, il fut impossible  
de faire tourner personne, & luy fuyant  
apres & estant poursuiuy de quatre Turcs,  
sa haquenee tomba & luy estant à ter-  
re l'espee à la main combattant en gene-  
reux Capitaine receut onze coups de pi-  
stolet ou de lance & de cimeterre, & deux  
le vouloient emporter, mais son quartier  
Maistre general se trouua là accompagné  
de quatre autres qui le leur firent quitter,  
le trouuant qu'il rendoit l'ame à Dieu.

Aussi tost l'ennemy se retira, ayant pris le  
Comte Torquato Conty Lieutenant Co-  
lonel de Vvalestin & vn autre Capitaine  
apres cent ou six vingts des nostres tuez, ia-  
mais on ne vid si grand desordre que celuy  
qui arriua en l'armee Imperiale sur la mort  
dudit Comte de Buquoy: il est vray qu'il ne  
se deuoit embarquer en Hongrie avec vne  
armee mal payee & sans cognoistre le país:  
la famine y estoit grande pour les hommes  
& pour les cheuaux, les ennemis empeschât  
les viures de toutes parts, ce qui fit à la fin  
leuer le siege de deuant Neuuenfoll, avec  
perte, & mutiner les soldats.

Les Allemans ont cela qu'ils ne sçauent  
pas mesnager leur bon-heur, aussi le Côte  
de Buquoy ne desiroit que s'en retirer, &



n'estoit allé en Hongrie qu'en son corps  
deffendant, & là on contrainct de s'y per-  
dre: tout demeura bien estonné en l'armee  
Imperiale, mais principalement à Vienne  
sur la mort de ce Comte: l'Empereur ne se  
peut resoudre, chacun regrette cette perte,  
& iusques au moindre soldat pleure la per-  
te de ce grand Capitaine.

D'autre costé le Comte de Mansfeld con-  
tinue ses rauages en Boheme, le 12. Iuillet  
il attaqua le regiment que l'Euesque de  
Vvurtzburg y entretenoit pour le seruice  
de l'Empereur, duquel il en à deffaiët vne  
partie faute de secours: le Colonel Baur qui  
commandoit ledit regiment eut la teste  
emportee d'un coup de canon, & environ  
six vingts cheuaux qui conduisoient son  
corps à Vvurtzburg ont esté pris prison-  
niers par les gés dudit Comte de Mansfeld,  
qui pour continuer la deffense du haut Pa-  
latinat contre les preparatifs du Duc de Ba-  
uiere à touché cent cinquante milles flo-  
rins que les Hollandois luy ont faiët te-  
nir.

D'ailleurs les aduis de Prague nous font  
sçauoir que le dernier iour de Iuillet le mar-  
quis de Iagerendoff Chef principal des  
troupes du Palatin en Silesie, à esté deffaiët  
auec tous ses gens par les Neapolitains &  
Vvalons de l'Empereur, sur les frontieres  
de Morauie, ainsi qu'il s'en alloit en Hon-  
grie ioindre Bethleen Gabor.

1621.

*Rauages du  
Comte de Mäs-  
feld en Boheme.*

*Deffaiët des  
troupes du  
Marquis de Ia-  
gerendoff en  
Morauie.*

1621.

*Deffaite du  
Comte de Mans-  
feld.*

En mesme temps aussi ledit Côte de Mâsfeld ayant attaqué le quartier mal pourueu du Baron d'Anholt dans le haut Palatinat fut en fin pourfuiuy par ledit Baron avec tel courage & furie qu'il luy tua mille bons soldats, & 4. Capitaines, ledit Baron en ayant perdu enuiron cent.

Cette secouffe fit enuoyer le Comte de Solinsau sieur de Tilly general de l'armee de Bauiere, pour accorder vn traicté avec ledit Mansfeld aux mesmes conditions que celui qui fut commencé à Pilsen au mois de Nouembre 1620. sçauoir vne somme d'argent pour payer ses soldats & sa reception en la grace de l'Empereur.

*Mort de l'Ar-  
chiduc Albert.*

*Trefue rompue  
au bas Palati-  
nat.*

Aux pais bas tout est en deuil pour le decez de l'Archiduc Albert mort le 13. Iuillet. Cela n'empesche pourtant que le Conseil de guerre ne s'en tienne tous les iours & le 2. Aoust ledit Conseil refusa la continuation de la trefue au bas Palatinat à l'Agent d'Angleterre, sur ce qu'on luy obiecta que le Palatin au preiudice du traicté de Mayence auoit fait entrer Mâsfeld en Boheme, & que l'on auoit tué le Capitaine d'Aix la chapelle ainsi qu'il alloit a la cour de Bruxelles où il estoit mandé, tousiours se passant quelque acte particulier d'hostilité, sans toucher au general.

Sur le degel de ces trefues particulièrement des pais bas, les Hollandois commandans leurs pillages de mer, auoient équipé

quelque nombre de vaisseaux pour courir & piller les costes d'Espagne, qui y ont esté la pluspart mis à fonds & perdus, ainsi que le discours suyuant fait voir au vray ainsi qu'il a esté traduit sur l'Espagnol.

Le 7. Aoust ayant le sieur Dom Frederique de Toledé Osorio Capitaine general del'armee Royale de la mer oceane d'Espagne en son gaillon Royal, donné fond avec autres neuf nauires de guerre tât grâds que petits en la Baye de Cadiz, lesquels nauires estoiet tous fort munis d'infâterie, s'achemina ayant le vent contraire deuant la ville de Rota, où il demeura iusques au Samedi 7. Aoust au quel lieu il receut aduis de sa M. Catholique que de Venise estoient partis 25. nauires Hollandois bien equipez & resolu de faire tout le mal possible aux costes & armées de sadite M. Ledit sieur general ne voulut refondre de son intention iusques à ce quel'escadre de Biscaye luy fust ioincte, laquelle il attendoit du costé de Lisbonne, par ce qu'il luy sembloit n'auoir forces bastantes pour destourner le dessein de l'ennemy.

Ledit iour 7. Aoust il receut vne lettre du Gouverneur de Malega, par laquelle il apprist que sur la Fucuxirole alloient 26. nauires Hollandois, faisant tout le mal qu'ils pouuoient, & qu'ils auoient donné fond en Tirremoline Voyant le General que les vents de Ponent continuoient



& qu'il luy estoit impossible faire son voyage vers le cap, & que cefdits nauires icy estoient ceux là mesmes, desquels le roy luy auoient donné aduis, se resolut d'aller vers le destour de l'estroict de Gilbratar, comme il fit, & y arriuant de bonne heure à la veüe dudit Gilbratar, il apprit comme derriere la montagne Aseyà estoient ancrez 3. nauires Hollandois, richement chargez, toutesfois craignant de perdre l'abry s'il alloit sur eux, trouua expedient meilleur de donner fond en la Boys de Gilbratar.

Le Dimanche 8. Aoust à midy, on ouït tirer quelques pieces de canon à Centa, à quoy on recogneut que quelques nauires venoient à la coste de Barbarie, alors le general fist leuer les ancres, & tost apres se decourirent deux nauires qui alloient bouchant le destroict, les Espagnols ne leur pouuoient donner la charge, pour leur auoir esté gaigné le dessus du vent: de sorte qu'ils allerent toute l'apresdinee les suyuant au dessous du vent: sur le soir ils decourirent quantité de voiles, qui venoient se desembarquer, & demeurerēt les Espagnols toute la nuiēt au destroit du mont de Gilbratar pres du bois de Bulloles.

Le iour de S. Laurent à l'aube du iour ils se trouuerent au dessous du vent de trente & vn nauires Hollandois les 25. en vne troupe & 6. en vne autre, qui toutes en bon ordre, alloient vers les Espagnols, & en mesme

mesme ordre s'en alla vers le General d'Espagne, & auant qu'il fust cinq heures du matin, s'approcherent les vns des autres: le General fit tirer vne piece de canon sans boulet, à quoy les Hollandois respondirent d'une autre piece; les Espagnols tirent vne seconde piece avec boulet, affin d'attirer les ennemis à eux, ce qu'ils ne firent point: Et ainsi le General d'Espagne avec son Escadre, voyant cela se mit entre les 25. nauires, auxquels il donna vne fort rude charge, ce que voyant les six autres, que les 25. estoient embarrassez & au combat, s'en allerent promptement. Cependant trois fois l'armee d'Espagne chargea les Hollandois, & par trois fois les Hollandois se deffendirent courageusement, iusques à ce que le General voyant qu'ils ne se rendoient point, se resolut d'abborder vn grãd de leurs nauires coulant du costé d'Estibord, dedans lequel se jetta le Capitaine Dom Pedro Cesar de Meneses, où ayant combattu fort long temps, ledit General y enuoya encore pour secours le Capitaine Don Iean Bitriano, qui sauta dans ledict nauire, & fut secondé du Capitaine Nieuu, qui emporta la baniere d'iceluy, de Don Anthoine Manso, du Capitaine Dominique de Bilbao la vieille, & d'autres soldats, le feu se prist au milieu de ce nauire, qui fut cause que la Royale d'Espagne se destacha d'avec luy, en reprenant quelques vns de ses gens; si bien que l'ennemy

1621.

emmenoit le Capitaine Dom Iean Bitriano, qui se deffendoit luy cinquiesme fort valeureusement, mais se trouua là à propos le petit Gallion de saint Martin, lequel retourna abborder ce nauire ennemy, deliura les Espagnols qui estoient dedans, emmena leur chaloupe, & quelques Hollandois, les autres aymans mieux se jeter en la mer que de se rendre, & ledit nauire ainsi abandonné, acheua aussi tost de brusler.

Durant cecy les autres nauires Espagnols alloient traictant rudement les ennemis, entr'autres le Gallion de sainte Therese, ioint vn nauire Espagnol où estoient Dom Alouso Mexica nepueu de l'Admiral d'Espagne, Dom Fernando Meneses, Dom Pedro Bitriano, Dom Balthazar de Angulo & beaucoup d'autres, qui combattirent courageusement, prirent vn nauire des ennemis, & enfoncerent les autres: la Patache de saint Nicolas aborda vn autre grand nauire Hollandois, sur lequel se jetta le Capitaine Dominique de Hoyô, qui, quoy que bon soldat, se fust neantmoins perdu, pour estre ce nauire ennemy tres-fort, s'il n'eust esté assisté du Gallion de sainte Anne, où estoit Dom Charles Deybarre, lequel s'attacha au vaisseau de l'ennemy, jetta ses gens dedans, & le contraignit de se rendre.

Le nauire de sainte Therese aborda



incontinent apres vn autre nauire ennemy, lequel ne se voulant rendre y mirent le feu.

Pendant cela la Royale d'Espagne poursuit deux autres nauires, l'un desquels se desbarassant d'auec l'autre, & son gouuernail estant rompu alla donner contre les costes de Barbarie, & la Royale abordant l'autre vaisseau, qui estoit la Capitaine de l'ennemy, & presque aussi grande que la Royale d'Espagne, lequel fit beaucoup de peine, il fut abordé du costé de Babord, & le Capitaine Dom Petro de Porres l'attaqua furieusement, & incontinent apres le General luy enuoya pour l'ayder le Capitaine Dom Fernando Dorado, lequel trouua Petro de Porres qui arrachoit la banniere du vaisseau de l'ennemy: aussi arriva là Iean Louys soldat de la compagnie du Maistre de camp, qui ayda à enleuer la dicte banniere. Plusieurs Chefs Espagnols furent blesez en l'abbord de ce nauire, le Sergent Castillo eut vne jambe emportee d'un coup de canon, Dom Anthonio de Angulo, frere du Capitaine du nauire de sainte Therese y fut blezé, Dom Ioseph de Salazar y fut tué, Dom Fernando Dorado y fut blezé au front, Dom Piedro de Porres eut la jambe trauersee dans vn trou, & vne grande bleseure au bras: & craignant que l'ennemy ne mist le feu dans son nauire,

pour faire perdre la Royale, l'on commanda la retraicte, laquelle se fit si promptement qu'on n'eut le loisir de retirer le Sergent Castillo, qui estoit dedans le nauire ennemy avec le Capitaine d'Esquadre de sainte Marie, le Capitaine Dom Piedro de Porrez, & Dom Anthonio de Angulo fort blesez; qui fut cause que la Royale retourna pour les ravaoir, à la Capitaine de l'ennemy, lequel la Royale n'eust si tost abbordé, que le feu se prit dans ladicte Royale, par l'embrasement de celle de l'ennemy, qui fut cause que Dom Pierre de Porres, & le Sergent Castillo, n'en pouuant sortir assez promptement, furent bruslez au visage: & le vent se renforça si fort, que tous les masts de la Royale vindrēt en bas, en telle sorte qu'elle ne se pouuoit plus gouverner: & se perdoit, si les autres nauires d'Espagne ne l'eussent secouruë, quittans les vaisseaux ennemis, lesquels voyant leur Capitaine perduë, & s'en aller à fond à la veuë des Espagnols, s'eschapperent en petit nombre & s'enfuyrent.

Le Mercredy 11. Aoust au lever du Soleil, les Espagnols donnerent fond sur les pontons de Cadiz avec huit nauires pour chercher les ennemis, qui ne paroissoient plus, & cependant la Patache de sainte Catherine, fut enuoyé par le General pour brusler ou amener le nauire ennemy, qui s'estoit jeté à la coste de Barbarie, sur lequel il y auoit desia plus de 600. Mores, & l'abbordant de

fort prez avec le canon, & force mousquet-  
taques, les Mores prirent la fuitte, & les  
Espagnols bruslerent le nauire quoy qu'il  
fust fort chargé de riches marchandises, &  
de force vins de Candie.

Ainsi toute ceste armee nauale de Hollan-  
de composee de 31. nauires disparut, & ne  
s'en sauua pas dix entiers, les plus grands  
vaisseaux furent pris, bruslez, on enfoncez  
dans la mer, toutes leurs marchandises per-  
duës, & plus des deux tiers de leurs soldats  
tuez, noyez & prisonniers.

Pendant que cecy s'execute en Espagne,  
les ennemis de l'Empereur continuent leurs  
rauages dans la Hongrie, Autriche & Mo-  
raue, & ont contraint l'armee Imperiale de  
se retrancher dans l'Isle de Scuth.

*Rauages en  
Hongrie.*

Bethleen Gabor s'est approché de Pres-  
bourg avec son armee en intention de l'assie-  
ger; ce qu'ayât sceul l'Empereur, fit aussi tost  
venir ses troupes qui estoient en Moraue  
& aux frontieres de la Croatie pour les ioin-  
dre à son armee dedans l'Isle de Scuth, & se-  
courir la place en cas que ledit Bethleen s'o-  
bligeast de l'assieger.

Et combien qu'il ne se resolut de le faire  
de prime abord, il ne laissa pas d'exercer de  
grandes cruantez dans le pais; les Hongrois  
entrans dans l'Autriche, bruslerent tous les  
bourgs & villages d'alentour de Vienne, au  
nombre de plus de cent. Les troupes de  
Budiani qui estoient d'autre costé, courent

*Cruantez des  
Hongrois en  
Autriche &  
Moraue.*



1621.

iufques à deux petites lieuës de Vienne, & ne font pas plus humains & pitoyables que les autres, car apres auoir brulé grande quantité de villages en Autriche, ils ont emmené plus de deux milles armes fans aucune refiftance : la cauallerie eftant entrée en Moraue, y a pillé & brulé tout ce que ils y ont trouué, & ont contrainct le Colonel VValstein de fe retirer avec fa gend'armie dedans Niclausbourg.

L'onzième Aouft quatre milles Hongrois s'estans hazardez de venir fourager au deça de Markfelt proche de Vienne, où n'ayans trouué refiftance, ont brulé dans la Marque & ez enuirs plus de cent villages, & emmené plus de deux milles prifonniers, & massacré tout le refte qu'ils ont peu, de maniere que la confternation a esté fi grande par tout l'Autriche, que le pauvre peuple a esté contrainct de fe retirer dedans Vienne. Cependant Dieu a voulu que ces mefmes ennemis s'estans le vingtfixième Aouft voulu retirer de ladite Marque avec leur butin, & n'ayans peu passer pour le desbordement du Danube caufé par les pluyes continuelles, l'armee de Moraue qui eftoit arriuee les a chaffez, & en a couché bas plus de neuf cens, fans vne partie qui ont esté noyez.

*Sont deffaits  
par l'armee de  
l'Empereur  
pres de Vienne.*

Bethleen Gabor cependant ayant repris Ternaue & autres places en Hongrie depuis la mort du Comte de Buquoy, s'est finale-

ment resolu d'assiéger Presbourg, ce qu'il a fait avec vingt milles hommes, assisté du Marquis de Lagerendoff avec ses troupes.

*Presbourg assiégé par Bethleen Gabor.*

Ce siege ne luy a pas esté heureux, il y a plus receu de dommage & de def-honneur que de profit & de gloire.

La place qui est forte de soy, & bien munie de canons auoit plus de huit milles bons soldats de garnison qui luy ont donné de rudes charges.

Le Samedi 25. Aoust entra dans la place vn Regiment de Neapolitains pour rasereschir la garnison, & le Ieudy trentiesme ensuiuant, les Imperiaux firent vne sortie de quatre milles hommes dans les trenchées de l'ennemy, pour luy prendre & emmener son canon: de quoy Bethleen estant aduertie se mit sur ses gardes, & comme les nostres le voulurent attaquer en deux endroicts, il leur fit vne grande resistance, pendant quoy l'on escarmoucha enuiron trois heures, dont plusieurs soldats furent tuez de part & d'autre. Nous y perdismes deux cés hommes la plupart VValons & Neapolitains, deux Capitaines & quelques officiers, & enuiron deux cens soldats blesez: mais du costé de l'ennemy, il y eut neuf cens des siens tant tuez que blesez, outre beaucoup d'autres de tuez & blesez par le canon de la ville, & du chasteau iouant à mesme temps dans l'armée des Hongrois.

*Secours des Neapolitains enuoyé dans Presbourg.*

*Furieuse sortie des assiégez.*

*Perte de l'ennemy.*

1621.

*Bethleen Gabor  
leue le siege.*

Le premier de Septembre, l'ennemy s'en tira nuitamment du fauxbourg où il estoit entré, & se tint quoy pendant deux iours en son camp: puis le 4. dudit mois ayant aduis d'un fort secours qui arriuoit derechef contre luy, leua le siege tout à fait & de uât Presbourg, & se rendit vers Ternaue marchant toute la nuit en grand desordre, ayant mis le feu dedans son camp, & y laissa deux pieces de canon.

*3 a blesseure.*

Vn Hongrois surpris & emmené à Vienne, assura qu'en ceste escarmouche Bethleen Gabor ayant receu vn coup de fauconneau au bras, les Chirurgiens auroient trouué necessaire de luy couper, ce que ne voulant permettre, il en demeura si malade que desia le bruiet couroit par tout qu'il estoit mort.

Le 5. Septembre le Regiment du Colonel Fugger partit de l'armee Imperiale, & s'alla ioindre à l'armee Espagnolle qui estoit aupres de Presbourg au delà du Danube, dans les mesmes trenchées de Bethleen Gabor, & s'y campa avec ladicte armee, attendant ce que l'ennemy voudroit entreprendre. Voyla ce qui se passa en Hongrie pendant vn mois.

*Armee du Duc  
de Bauiere con-  
tre Mansfeld.*

Du costé d'Allemagne, le Duc de Bauiere ayant mis sus pied vne armee de 25. milles hommes sous la charge du sieur de Tilly, marche droit au haut Palatinat, où estoit le Comte de Mansfeld, avec dix milles hom-



mes de pied, & cinquante cinq Cornettes de Caualerie.

1621.

Le 1. Aoust ledit Comte donna audit sieur de Tilly vne furieuse escarmouche, laquelle fut receuë avec perte de soixante des siens demeurez sur la place, & douze prisonniers, & des Bauarrois enuiron quinze soldats.

Ceste escarmouche fut suiuite d'une autre grande rencontre, où Mansfeld receut vne grandissime perte, plusieurs des siens furent arrestez prisonniers, vn entr'autres qui fut recogneu pour fils d'un Bourgmestre de Nuremberg.

Tout le pays dudit Palatinat superieur se voyant völlé & pillé par les troupes dudit Mansfeld, se remit libremét entre les mains du Duc de Bauiere, suppliant son Altesse chasser cet ennemy hors dudit pays & les prendre en sa protection.

La ville de Hamberg Capitale du haut Palatinat luy ayant esté ouuerte, sadite Altesse se resolut de contraindre l'ennemy à sortir du pays: le sieur de Tilly conquit sur luy la ville de Cub sur les frontieres de Boheme, & s'estant fort approché dudit Mansfeld, il le contraignit de se retrancher avec son armee dans vn marest, d'où il fut impossible de le faire sortir, ny l'attirer au combat, & ne peut faire autre chose le sieur de Tilly que d'enuoyer force canonades au trauers son armee.

*Hamberg ville  
Capitale du  
haut Palatinat  
reduitte au Duc  
de Bauiere.*

1621.

*Traicté avec  
Mansfeld.*

En fin se voyant pressé de necessité, il se resolut pour se desgager de là, de faire quelque forme de traicté avec le Duc de Bauiere: lequel pour mettre le pais en plein repos, consentit librement, à quelque sorte d'accommodement: le iour pris, Mansfeld & le sieur de Tilly s'entreparkerent entre deux camps, & s'entretindrent vne bonne heure sans sçauoir ce qu'ils conclurent. Le traicté poursuuiuy, fut conclule 27. Septembre aux articles & conditions suiuantés.

*Articles dudit  
traicté.*

1. Que son Altesse de Bauiere luy donneroit deux cens milles florins pour les fraiz par luy desboursez, & deux mois de solde deuz à ses soldats, moyennant quoy il mettroit hors de toutes les forteresses, villes & places qu'il occupoit dans le haut Palatinat, toutes les troupes & garnisons qu'il y tenoit, & les rendroit entre les mains dudit Duc de Bauiere.

2. Que ledit Mansfeld laisseroit audit Duc de Bauiere tous les gens de guerre qui le voudroient seruir.

3. Qu'il promettoit sa vie durant ne porter les armes contre l'Empereur, la maison d'Autriche, le Roy d'Espagne, le Duc de Bauiere, ny autres Princes Catholiques,

4. Que tous les Comtes, Barons, & autres Gentilshommes qui ont seruy sous luy contre l'Empereur, seroient obligez de rechercher leur pardon au plustost, vers sa Maiesté Imperiale.

5. Que ledit Mansfeld seroit creé Comte de l'Empire.

6. Finalement qu'il marcheroit avec toute son armee vers la ville de Pfreinck & de Nuremberg au Palatinat superieur où ledit Duc de Bauiere le suiueroit, trois iours apres.

Le Duc de Veymar qui estoit en l'armee dudit Mansfeld ne fut compris en ce traité, de sorte qu'il couroit risque en cas qu'il ne recherchast promptement son pardon.

Ce traité que l'on croyoit estre fait, fut cause que le 27. Septembre l'Archeuesque de Prague fit chanter le *Te Deum Laudamus* dans la ville, où les cloches furent sonnees l'espace d'une heure par toutes les Eglises des deux Religions.

Le iour precedent, le Baron Henry de Pappenhein arriua à Vienne vers l'Empereur, de la part du Duc de Bauiere, qui luy apporta nouvelles comme le Comte de Mansfeld s'estoit rendu, & que l'on n'attendoit plus que la ratification du traité par sa Maiesté Imperiale: & luy donna l'Empereur vne chaisne d'or, avec vne medaille de la valeur de cinq milles escus.

Encores que les articles susdits ayent esté accordez par ledit Mansfeld, si est-ce qu'il differe de signer le traité, & dict pour raison qu'il veut auoir responce du Palatin: qui monstra bien & par effect,



que c'estoit pour tromper le Duc de Bauiere, & qu'il le vouloit amuser apres auoir receu son argent, ce qui obligea ledit Duc de le faire poursuiure avec toutes ses forces, & le contraindre de l'effectuer ou vuidre de l'Empire.

Pendant que nous apprendrons quelle voye prendra l'armee de Mansfeld, descendant au bas Palatinat, nous verrons comme la trefue ayant esté discontinuée & rompuë: sur la rupture d'icelle le Palatin a fait entrer pour la conseruation du pays, le Colonel VVeer Anglois avec quatre milles hommes, tant Anglois que Holandois qui ioinctz avec le Colonel Obentraut se sont campezz enuiron de VVormes, & dans l'Euesché de Spire.

*Armee du Palatin au bas Palatinat.*

Sur le commencement de Septembre ledit Colonel VVeer demanda à l'Euesque de Spire quartier dans son Euesché pour toute l'armee Palatine; ledit sieur Euesque luy en ayant fait iuste refus, ladite armee se jeta dans ledit Euesché sous la conduite du Colonel VValdmaulhausen, où ils pillerent & bruslerent 5. bourgades, ils y massacrerent hommes, femmes & enfans, & commirent des impietez execrables, on y a pendu les images des Eglises au gibet, mis le Crucifix au carquant du pillory, puis tiré à coups de mousquets, fait manger le S. Sacrement à des bœufs qu'ils auoient reuestus d'aubes & chasubles comme des Prestres, & ne faut pas

*Cruauté des Anglois au bas Palatinat.*

douter que Dieu ne vange seuerement ces impietez plus que Turquesques: ils ont pillé Hambach & Manicauer, & le butin qu'ils y ont fait avec le dommage, monte à plus de quatre cens milles florins.

Toutesfois ils furent contraincts de sortir dudit Euesché trois iours apres, par vne diuersion d'armes. Car le Marquis de Spinola empesché d'ailleurs comme nous dirons tãtost, ayât mis en sa place au bas Palatinat D<sup>o</sup> Gouzales de Cordua au bas Palatinat avec nouuelles forces, & ordre pour acheuer la conqueste des places qui y restent, selon la nouvelle commission quel'Empereur luy auoit enuoyee, est allé en personne avec dix-huict milles hommes contre ledit Colonel VVeer qu'il à forcé se resserrer dans VVormes, & à pris à sa barbe la forteresse de Stain place tres-importäte, scize dans vn marests, tres-forte, à deux lieuës d'Heildelberg, c'est la clef de la Bergstras, & la porte pour entrer au haut Palatinat: ce qui a fait accourir toute l'armee Palarine pour la retirer de ses mains, y employant tout ce qu'ils auoient de bon & de mauuais, voire iusques aux enfãs & valers, pour ce que ceste place couure Heildelberg: les Colonels Obétrant & VVeer y sont allez en personne avec 4000. soldats & autant du pais pour l'assieger, mais aussi tost la place ayant esté secouruë, les Palatins & les Anglois y perdirent six cens hommes des leurs, l'honneur du siege, & leur chasteau.

*Gouzales de  
Cordua Gene-  
ral des Espa-  
gnols au Palati-  
nat.*

*Surprend le fort  
de Stain.*

*Secours des Pa-  
latinois deffait.*

1621.

Du depuis Dom Gouzales de Cordua se faist de Lademburg, autre place importante proche Manhein & Frankendal.

De là l'armee Espagnolle marcha droit vers Keirserlauter où elle trouua fort peu de resistance, & se rendit sur les menaces du siege: ils trouuerent là dedans quantité de canons de fonte, force bleds & quantité de vin; & poursuiuans de toutes parts l'armee Palatine contrainquirent lesdits Palatins & Anglois de se retirer en garnison, avec leurs Colonels dans Heildelberg, Manhein & Frankendal.

Quelques troupes arriuoient encore de Brunswic pour lesdits Palatins, sous la conduite de l'Euesque d'Halbergestat, mais estans arriuees entre Francfort & le Comté de Hanau, les paysans se sont ruez sur eux, & les ont taillés en pieces.

Après la prise de Keirserlauter, Dom Gouzales de Cordua se dispose pour assieger Frankendal, place neufue fortifiée de terrasses, tres-bonne & tres importante où s'estoit enfermé le Colonel VVeer avec deux milles Anglois.

*Siege de Frankendal par les Espagnols.*

Pour cet effect ledit de Cordua a pris dans Creusnach quatre pieces de batterie, dix mortiers, & douze pieces de campagne, avec tout l'attirail necessaire.

Le 8. Octobre la place fut inuestie par l'armee dudit de Cordua, composée de douze milles hommes.



Le 12. du mesme, le siege estant formé il dresse 3. batteries chacune de 8. pieces de cano en 3. endroits bié aduantageux, qui ioüerēt continuellement, & se logerent les Espagnols iusques contre la contr'escarpe du fossé: cependant les assiegez se deffendoient de bonne façon, & faisoient reciproquement ioüer grand nombre de canons & fauconneaux sur les assiegeans: en vne sortie qu'ils firent, y furent tuez quelques cens Espagnols & Neapolitains, entr'autres le Sergeant Maior de Gambolaterra Neapolitain & vn Capitaine Espagnol.

*Batterie de la place.*

Les fossez ayans esté mis a sec, le 21. Octobre ledit de Cordua fit donner vn assaut cōtre vne demielune, du costé de V Vormes, d'où les assiegez luy faisoïēt grand dōmage, cet assaut furieux fut continué l'espace de 3. bons quarts d'heure, apres quoy ceux de dedans furent contraints de la quitter, & se retirer dans la ville avec perte de 175. soldats & 45. prisonniers, & des Espagnols 18. mais des plus signalez, qui auoient poursuiuy les assiegez iusques dedans leurs portes, & eussent sans doute emporté la ville dés lors, n'eust esté le grand excez d'une pluye accompagnée de gresle, qui força les Espagnols de faire la retraite.

*Assaut furieux.*

Le lēdemain se deuoit recōmancer l'assaut, mais sur les nouuelles de l'arriuee du Comte de Mansfeld, on changea de dessein.

L'Euesque de VVirtzburg avec mille che-

1621.

*Armees Catho-  
liques contre le  
Comte de Mäsf-  
feld.*

uaux, & trois milles hommes de pied, s'est logé à Aich attendant l'armee de Bauiere pourfuiuant Mansfeld, comme aussi l'Euef-que d'Aichstoste & le Marquis d'Ansbach avec huit cens cheuaux & 4000. hommes de pied de leurs esleuz, sont aussi prests de leur costé pour assister ladiète armee de Bauiere à chasser ledit Mansfeld hors du haut Palatinat, mais hors de la Germanie.

Le 16. Octobre ledit Mansfeld ayant receu nouuelles des quartiers de Frankendal avec lettres de Heildelberg par courrier expres, par lesquelles il estoit sollicité de venir au secours dudit Frankendal assiegé par les Espagnols, partit aussi tost de Furkz, distant d'une lieuë de Nuremberg avec toute son armee, qui estoit de seize milles hommes & neuf pieces de canon, pour descendre au bas Palatinat.

Le Duc de Bauiere voyant cela, met ordre aux seuretez du haut Palatinat qu'il a conquis, & enuoye mille soldats en garnison, dās Amberg capitale du païs, ayāt promis au magistrat d'icelle & à la bourgeoisie de les laisser en leur libre exercice de la Religion, & en toutes leurs charges, offices & priuileges : & y establit des Iesuittes qui commencerent à y prescher & enseigner ez escoles. Cela faict, son General le Baron de Tilly, pour suit le Comte de Mansfeld avec 12000. hommes & le suit en queüe, mais partant non pas avec telle diligence, qu'il n'arriuaft quelques

*Armee de Ba-  
uiere sur Mäsf-  
feld au bas Pa-  
latinas.*

quelques iours auant luy au bas Palatinat.

1621.

Les longueurs dudit sieur de Tilly engendrent quelque picque entre luy & Dom Gouzales de Cordua, qui à l'arriuee dudit Mansfeld est contrainct de leuer le siege de deuant Frankendal, & s'est retiré avec son armee és enuiron du fort de Stain.

Pendant Mansfeld arriué és enuiron de Vvormes, demande aux Magistrats de la ville logement en icelle pour son armee, ce que luy ayant esté refusé, il obtient au moins passage par icelle, & y estant entré contraint la bourgeoisie de luy payer comptant 32000. florins, & le Clergé cent mille.

L'armee de Bauiere arriuee, le Baron de Tilly se vient loger és enuiron d'Heildelberg & sur le passage de la riuere Gilnig il charge les troupes de Mansfeld desquelles il en deffaiet iutques à sept cens, & s'il eust esté espaulé de Dom Gouzales de Cordua il eust entierement deffaiet son armee.

Peu de iours apres les troupes de l'Euesque de Vvirtz-bourgs, avec celles de l'Archeuesque de Mayence se ioignent ensemble en nombre de six milles hommes & 1200. cheuaux, les Duc de Vvirtemberg Marquis d'Anspach, le Lantgraue de Heisse de Darnstat veulent aussi estre de la partye pour chasser ce mauuais homme hors de l'Empire, ne desirant qu'à piller &

KKKk

*Escarmouche  
avec Mansfeld*



1621.

brusler.

Ayant rançonné ceux de Vvormes il passe en l'Euesché de Spire, enuoye vn trompette au Chapitre de Spire, auquel il demande cent milles florins comptât, a faute dequoy, il menace de brusler toutes leurs maisons, ainsi la cruauté qu'il exerce par tout, luy faict voir l'argent aussi tost prest qu'il le demande.

*Va en Alsace.*

En fin se voyant talonné de l'armee de Bauiere, il est contraint de quitter le Palatinat inferieur, & prend dessein de se iecter dans l'Alsace appartenant à l'Archiduc Leopold Euesque de Strasbourg, & afin d'aduancer plustost & n'estre surpris, il faict monter deux milles Dragōs ou mousquetaires à cheual, avec sa cauallerie, & faict suiure le reste de son infanterie avec le canon.

Mais il ne sort point de cet Euesché de Spire sans y laisser de tristes marques de sa cruauté.

*Cruautez de  
Manisfeld en  
l'Euesché de  
Spire.*

Le vingt cinquiesme Nouébreil fit mettre le feu dedans le beau chasteau de Risslach, qu'il fit brusler iusques aux fondemens avec quatre villages voisins des plus beaux dudit Euesché; dans le moindre desquels il y auoit plus de 400. feux. Il a contraint la ville de Brissal de luy donner comptant trente milles florins de rançon, outre ce qu'ils luy auoient desia payé auparavant.

Les insolences de ses soldats ont esté incroyables; ils ont vriné dās les farines qu'ils ne pouuoient emporter, ils ont emmené prisonniers le sieur de mulhein grand Doyen de Bruffal avec les deux Bourgmaistres & le Chastellain de Latembourg, auxquels ils ont faict payer de grandes rançons, ils les ont chargez sur vn chariot enchesnez comme des esclaves: ils ont enleué tous les vins de ladite ville, en ont enuoyé vne partye à Nuremberg & le reste qu'ils n'ont peu boire ny emmener, ils l'ont laissé couler par les ruës.

Aupres d'Heidelberg, ledit Mansfeld à forcé vn chasteau où s'estoient retirees les plus nobles Dames du Palatinat & l'ayant pris, à fait tirer hors les femmes & filles qui y estoient, & les à faict horriblement prostituer au son du tambour au milieu de son armee. Ce ne seroit iamais fait si on vouloit descrire toutes les meschancetez qu'à commise ce cruel Tyran qui ayāt pillé l'Euesché de Spire & de Vvormes, est descendu en l'Alsace, où exerçant semblables actes, il y à bruslé & pillé tous les bourgs & villages iusques aux portes de Strasbourg, qui est contre les traictez faits avec l'Euesque & le Chapitre dudit Euesché de Strasbourg, au commencement des troubles de l'empire, portāt qu'il nese cōmetroit aucun acte d'hostilité dās ledit païs, tāt qu'il persisteroit en sa neutralité comme il a fait.

*Action horrible*

1621.

*Siege de Sauer-  
ne par ledit  
Mansfeld.*

Mansfeld y assiege Haguenatz qu'il reduit aisement à son pouuoir pour estre trop foible contre vn si puissant ennemy, de là il vient assieger Sauerne, où trouuant plus de resistance il y perd d'abord mille hommes de son armee avec 3. Capitaines & le Marschal general de ses logis.

En fin ayant faict quelque petite bresche, il se resolut à vn assaut duquel il est furieusement repoussé avec perte. Cette armee si proche de Lorraine, met son Altesse en allarme, qui outre sa milice ordinaire qui est de six milles hommes, leue promptement encore six milles hommes de pied & 15. cens bons cheuaux qu'elle faict aduancer sur les frontieres de Lorraine: ce que voyant Mansfeld, enuoya aussi tost vers ledit Duc, pour l'asseurer de sa part qu'il n'a aucun desir d'endommager ses terres, ny d'entrer sur ses Estats, mais seulement qu'il se veut vanger sur la maison d'Autriche. Monsieur de Lorraine luy renuoye vn Gentil homme de sa part pour l'exhorter à sortir de l'Euesché de Strasbourg. Mansfeld dit qu'il est prest d'en sortir pourueu qu'il soit remboursé des fraiz & de la perte qu'il a faite deuant Sauerne; offre & presente quelques propositions & articles, lesquels pour auoir temps d'en resoudre & y aduiser avec l'Euesque & Chapitre de Strasbourg, ledit sieur Duc de Lorraine moyène vne trefue de dix iours avec luy, iusques



a ce que l'on ait eu resolution de l'Archiduc Leopolde. Entre les articles de cette trefue l'un portoit que la breche faicte par luy aux murailles de Sauerne y demeureroit sans reparer iusques à la conclusion du traicté, & que les habitans ne feroient aucun fort : cependant retirant son armee vers Haguenatz, le Duc de Lorraine iette trois cens cheuaux dans Sauerne.

L'Archiduc Leopolde estant aduerty de cecy tant s'en faut qu'il vueille entrer en traicté avec Mansfeld, qu'il faict entrer dans Sauerne cinq cens hommes de pied, iette dedans trois cens cheuaux de Bourgogne & à mandé à l'Empereur qu'il luy enuoye le Capitaine Gaucher vieil guerrier Bourguignon, qui est attendu de iour a autre pour la deffence de l'Alsace, pendant quoy ceux de Sauerne se sont fort bien retranchez au dedans, & attendent Mansfeld en bonne deuotion, mais n'ayant plus d'enuie de retourner à ce siege, il se contente de piller & brusler la haute Alsace & rançonner les subiets dudit sieur Archiduc Leopolde.

Aux pais bas les armées leuees de part & d'autre sur la rupture de la trefue demurent en estat sans rien executer sinon l'entreprise du siege de Iulliers.

Sur quoy il faut sçauoir que le Marquis Spinola sortant de Bruxelles donna le rendez-vous de toutes ses troupes à Mastrich,

1621.

*Armee du Marquis de Spinola**Son dessein sur Iulliers.**Genep pris par le Comte Henry de Berghe.*

qui estoient en nombre d'enuiron quarante milles combattans, ayant laissé dix milles hommes pour le siege de l'Ecluse, & dix milles autres pour la conseruation du Brabant; & commel'vn de ses desseins estoit d'assiéger la ville de Iulliers, il pourueut premierement aux moyens d'empescher que la place ne fust secouruë du costé de la Hollânde en s'assurant des passages plus libres aux aduenues de ses ennemis: il enuoya le Côte Henry de Berghe se saisir de Genep place importante sur la Meuse, laquelle il surprit avec 14. compagnies de caualerie sans cornete: il fit faire commandemēt au Gouverneur du Côte de Meers de mettre hors du païs toute la garnison Hollandoise qui estoit dedans, s'il ne vouloit souffrir le degast de ses soldats sur ses terres: ainsi s'estant assuré de toutes les aduenues de la Hollande qui pouuoient amener le secours à Iulliers, part de Mastrich avec son armee, & laisse derriere luy le Comte Henry de Berghe: il tire vers Iulliers, comme feignant l'aller inuestir, neantmoins en passant si près il ne dit mot, il ne la menace point, & nes'y arreste point, & passe outre tirant droit au Rhein vers Vvesel, où il fait passer vne partie de son armee, & se campe au deuant pour espier les mouuemens du Prince d'Orange qui se campa aussi sur les frontieres de Cleues à Emmerich avec son armee d'enuiron vingt-cinq milles hommes, à deux

heures de chemin l'un proche de l'autre: lequel ayant sçeu que le Marquis ne s'estoit arresté deuant Iulliers, & ne l'auoit assiégé, estant en necessité d'hommes tira dudit Iulliers mille des meilleurs soldats de la garnison de quatre milles Hollandois qui estoient dedans, n'en laissant plus que trois milles: Ce qu'ayant sçeu le Marquis enuoya aussitost le Comte Henry de Berghe inuestir la place avec six milles hommes de pied, milles cheuaux & huit canons, pendant que luy avec sa puissante armee tiendroit le Prince d'Orange en ceruelle: & afin de luy empêcher tout passage d'entrer au pays de Iulliers pour secourir la place enuoya Dom Louys de Velasco sien Lieutenant avec 4. milles hommes & 4. canons pour occuper le passage de Cleues, où il a pris sur eux Cosbee, Beech, Griet, Goich & Calcac places du païs qu'il a eues sans coup donner.

*Iulliers assiégué  
par le Comte  
Henry de Berghe.*

Cependant le Comte Henry de Berghe fait fortifier le regiment de Chimey, & celui des Bourguignons à la veüe de Iulliers, tout ioignant la Haute iustice de la ville, appelée le mont au Gibet, où ia elle a esté assiégée, il s'est saisi du dessus de l'eau, qu'il a destournée: ce qu'ayant veu les assiegez, firent vne sortie, & bruslerent tous leurs moulins par despit.

Ledit sieur Comte à la premiere surprise a emmené six cens pieces de bestail de la ville, & s'est aussi saisi de Bredebent, où ceux

*Bestail de la  
ville pris.*



1621.

de dedans firent vne sortie, mais à leur malheur : de maniere que les viures sont rares dans la place. Outre ce on escrit que les vers & les moisissc sont mis en leurs provisions de farine, ce qui leur dōne vne pauvre esperance de pouuoir longuement subsister. Le Cōtea bien fortifié son cāp & fort a propos, car les canonnades de la ville semblent s'y enuoyer par plaisir, & ne s'est point encore obligé à vn siege formel, basté que quād on ne se tiendrait qu'à ce camp fortifié, tousiours cela arreste beaucoup le secours Hollandois, qui n'a plus aucune retraite, les places que dessus ayant esté prises, & outre ce tousiours aura-on en fin ladite place, puisqu'il n'y a nul argent, nuls viures, & nulles munitions n'y peuuent plus entrer. Les soldats crieront à l'argēt, à la faim, puis à la mutinerie: la Hollande estant trop loin & trop bloquée à present par tous chemins pour y enuoyer, & trop diuisee, ne pouuant donner secours à autrui, & à soy mesme, ayant esté forcee de mettre 4. milles hōmes en garnison dans Roterodam, pour retenir les Armeniēns en deuoir, & 4. milles en vne autre place, à l'occasion des mesmes.

*Hollandois di-  
uisez.*

Outre quoy il y a dix milles hōmes de Flādes sur les frontieres de Brabāt à Lyre & Bosleduc qui obligent les Hollādois à autāt de garnisōs & plus, sans plusieurs villes Armeniēnes, qu'il faut garnir dans le cœur du païs & aux autres frontieres de Gueldre & de Frise.

Le Meccredy 6. Octobre vne sortie de huit cens hommes, la compagnie de Cauallerie de Thomas V Valler General de la garnisō, & vne ramassée des cheuaux trouués en la ville, ils estoient menez par vn tres-fameux Capitaine Escossois, estimé esgallement & regretté tant des Catholiques qu'autres, ils atraquerent furieusement vne redoute: tout ce que peut faire Monsieur des Masieres Caualier & Sergent Major des Bourguignons dont 40. la gardoient, fut de se ietter dedans & fermer la porte: vn cheual n'y pouuant entrer fut prins mais par apres regaigné celuy qui auoit monté dessus ayant esté tué, ce fut vn hazard & le bon heur de la redoute que la rencontre de ce Caualier qui la sauua par sa valeur; cét y furent tuez deuant, le Capitaine Escossois & quelques prisonniers ramenez, ces Bourguignons firent merueille, quelque Caualerie arriua au secours & tard; si elle ne fust esté à la picoree, comme il faut viure, pas vn des assaillans ne fust rentré: Le Comte Henry fit dresser & tirer le canon contre la Cauallerie & le gros qui se retiroit & fit effect. Samedy ensuiuant il s'en fit vne autre qui donna sur leurs trenchées pres du bois, le Capitaine y fut tué & la retraicte honteuse.

*Autre sortie.*

On a intercepté lettre du Gouverneur qui demande secours aux Hollandois, à faute dequoy il dit n'en pouuoir plus. Ce-

1621.

pendant Spinola regarde le Prince Maurice fortifier Gried, qui en veut faire vne Ostende, sans bouger.

Le Comte de Neubourg d'autre costé estoit attendu pour bloquer le fort Passemuts prez de Bone, mais les Hollandois y ayans mis viures & munitions dedans pour huit mois, on à retardé ce dessein.

*Ravage d'eaux  
à Harlem.*

En ce temps les digues se sont rompues pres de Harlem, & ont fait tel ravage & perte de bestial, Marchandises, maisons &c, que le dommage en fut estimé en Hollande dix millions d'or.

Du depuis les Hollandois ont eu dessein sur Maseich, qui est à deux lieues au dessous de Mastrich, bourgade au pays de Liege & estoient venus iusques à Genep, avec trente ou quarante basteaux de pietons, & quinze Cornettes de Caualerie, pendant que le Marquis de Spinola s'estoit amusé sur le Rhin. Apres estre débarquez à Genep, ils pensoient aller par terre surprendre ladite place, & de là passans la Meuse à l'ayse, aller secourir Iuliers & forcer le Camp foible du Comte Henry de Berghe, mais en vne nuit le Marquis de Spinola en eust aduis, & ceux de Mafens se mirent en garde: ledit Marquis de Spinola se trouua à Dulcken avec tout son camp entre Maseick & Iuliers: les Hollandois se voyans attendus rebrousserent, desorte que Iuliers s'est veu deslors à l'agonie, deplorée & hors de toute



esperance de secours, & en resolution de se rendre dans peu, car les viures y manquent.

Cependant le Marquis de Spinola a estendu son armee és garnisons de la Guel-dre, embrassant tout le pays d'entre le Rhin & la Meuse & bouché tout le passage, & ne veut entrer à Bruxelles que Iuliers ne soit à luy, quoy que les funerailles de l'Archiduc & autres affaires l'y appellent, apres quoy on bloquera le passeunits de Boheme.

L'electeur de Cologne & le Duché de Iuliers ont fait ligue offensiue & defensiue, contre le Comte de Mansfeld, ceux de Treues ne font pas si crainctifs & ne s'y veulent joindre.

Halberstats est entré dás le pays de Mayéce & reçoit les hommages de ses suiets vers la Hesse, M. de Tilly va empescher avec l'armee de Bauiere, il pille & rauage l'Archeuesché de Mayence & est aujour-d'huy entré dans le pays de Cologne.

La defiaicte des Turcs au mois de Mars dernier, par l'armee de Pologne, & les pertes grandes qu'ils ont faites en la ruine de leur armee, ont tellement aigry l'esprit du grand Seigneur, que se voyant paisible avec le Perse, il a tourné ses desseins contre la Pologne, avec vn si grand appareil & armee si formidable, qu'à bon droict la Pologne & le reste de la Chrestienté en deuoit auoir frayeur & espouuante,

*La description  
generale de  
l'armee du grand  
Turc, enuoyee  
contre le Roy de  
Pologne.*

1621.

ainsi quel'on verra par ces extraicts de lettres de Constantinople. C'est estant vray semblable que si les armes de ce grand & puissant ennemy du non Chrestien prosperoient en Pologne, il se seruiroit de l'occasion de nos diuisions pour engloutir le reste de la Hongrie, & possible d'Allemagne, aussi diuisee & foible en toutes sortes qu'elle a iamais esté.

Après que le grand Seigneur eust le 24. iour d'Auril 1621. fait faire payement à ses Officiers & gens de guerre, desquels la solde paye en argent par mois où par quartier, le iour suuant on fit solennellement planter hors la ville les tentes & pavillons du Turc, des Visirs, Officiers, & de toute la milice qui se tient ordinairement à Constantinople, comme aussi sortirent en campagne, tous les Marchands & deputez de chacun mestier avec bon ordre: Et le 29. est forty, ledit grand Seigneur avec ses Visirs, & sa Cour & ladite milice en grâde magnificence, qui se logerent hors la ville dans leurs tentes, menans avec eux 300. pieces de campagne, outre cent pieces de gros canons qu'on charge sur les Galleres, pour estre menez par la mer noire, iusques à la frontiere. Le grand Seigneurs prit quant & soy de son thresor 500. quaiſſes, chacune de 20. milles Ducats, qui font ensemble dix millions de Ducats, & quatre millions en autre monnoye blanche: le mesme iour

partit le Capitaine Bassa de la mer, avec 40. Galleres vers la mer noire. Le Beglerbey de Rhodes fut laillé pour garder l'Archipelago, pour empescher ce qui s'y pourroit entreprendre. Les Ambassadeurs d'Hongrie, & Boheme se preparent des lors pour s'en retourner. Celuy de l'Empereur eut audience du grand Seigneur, & rechercha la restitutiõ de Lippa & de Vvatz & quele Curacas Mehmet Bassa, dernier Gouverneur de Bude fut puny, à cause de la prise dudit Vvatz, comme aussi Mehmet Chiaux, cy deuant enuoyé vers le iadis Roy de Boheme, à cause des mauvais Offices par luy faits à Prague contre l'Empereur: Et finalement que les susdits Ambassadeurs de Hongrie & de Boheme comme suiets & rebelles de son maistre, fussent deliurez entre ses mains pour les amener prisonniers; se plaignant fort des grands honneurs & complimets qu'on à vie enuers eux. De ces propositions & demandes, ledit grand Seigneur & ses Visirs ont assez comprins ce qu'ils pourroient attendre de l'Empereur d'Allemagne.

Le partement de cette puissante armee fut retardee d'autant que les Chameaux, Mulets & cheuaux de charge & de trait, n'estoient point encore arriues.

Ce ieune Prince, Sultan Osmá, qui tout seul est contre l'aduis & Conseil de tous ses Visirs & autres grands de son Estat, prend



1621.

fi à cœur cette guerre Polonoise, estant par-  
ty le huitiesme May, marche avec ceux  
de son armée en grande diligence vers  
Adrianopoly, où il fit son entrée. Le mes-  
me iour fit voile le Capitaine Bassa avec  
l'armée nauale vers la mer noire. On pro-  
clame publiquement, que tous ceux qui  
ont solde du grand Seigneur ayent à se  
rendre au camp à peine d'estre punis de  
mort.

On a fait de mesme par toutes les places  
de son Empire: Tellement que par calcul le  
nombre des gens de combat qui vont en  
cette guerre est de plus de 800 000. homes,  
& pretend le grand Seigneur penetrer ius-  
ques à la ville de Cracouie, & de rendre  
tributaire ce grand Royaume de Polo-  
gne, comme a autresfois fait Sultan Maho-  
met, les Prouinces de Transiluanie, Mol-  
daue; & Valachie. Les Tartares s'assem-  
blent de tous costez en esperance de grand  
butin.

Mais Dieu qui void les desseins des enne-  
mis de son peuple, en disposera tout autre-  
ment & à sa ruine, comme il se verra cy-  
apres.

Sur le mois de Iuillet toute ce grande ar-  
mee s'aduança vers la Moldaue avec le  
Grand Seigneur en personne, qui auoit  
iuré ne rentrer dans Constantinople qu'il  
n'eust reduit la Pologne tributaire à ses  
sceptres.

*L'Armee Tur-  
quesques'ap-  
proche de celle  
de Pologne.*

Pour resister à la puissance de ce tres-puissant ennemy, le Roy de Pologne mandie secours de tous costez en la Chrestienté, il tire de belles forces d'Allemagne, & fait vne des belles armées que l'on ait iamais veu en la Chrestienté, laquelle il donne conduire au ieune Prince Sigismond son fils.

Ets'estant campee entre Camigniez en Cottein tirant vers la Moldaue & Valachie, le cinquiesme Septembre les deux armées se trouuerent l'une pres de l'autre à vn lieu de chemin, où le Turc auoit dessein d'affronter le camp de Pologne laissant les Cosaques, lesquels auoient leur quartier quelques lieux esloigné du corps de l'armée: mais en mesme temps arriuerent au Turc deux VValaques qui estoient fuits *Premiere charge.* del'armée Polonoise, lesquels luy persuaderent d'attaquer premierement lesdits Cosaques pour n'estre guere forts, pour ce que les ayans deffaits il luy seroit par apres fort aisé de deffaire l'armée: là où attaquât premierement l'armée, il y trouueroit vne grande resistance & beaucoup de danger.

Le grand Seigneur trouua bon ce Conseil, si bien que le sixiesme Septembre, il fit attaquer les Cosaques avec le canon, lesquels se deffendirent si furieusement aydez d'un bon nombre de mousqueterie Allemande, qui se trouua lors avec eux qu'ils

1621.

2. Charge.

3. Charge.

contraignirent les Turcs à se retirer avec grande perte : & comme le General de Pologne enuoyoit vn autre bon secours d'autre mousqueterie ausdits Cosaques, les Turcs leur donnerent vn second assaut, duquel ils se retirerent pareillement avec grande perte.

Le Dimanche ensuyuant, ils donnerent derechef vn troisieme assaut ausdits Cosaques, auquel tous les gens de guerre qu'ils y auoient enuoyez furent mis en desordre tel, qu'ils laisserent entre les prisonniers deux Bachas, que les Polonois emmenèrent avec deux grosses pieces de canon & en enclouèrent quelques autres.

Cela fait lesdits Cosaques coururent iusques aux tentes & paillons Turquesques, mettant à feu & à sang tout ce qu'ils y trouuerent, & estoient pour passer plus outre iusques au gros de l'armee Turquesque, mais le Prince de Pologne & le General de l'armee ne le voulurent permettre. Le nombre des morts est grand, mais on n'en est pas certain.

Pendant cecy le General de Pologne sollicite encore pour faire de nouvelles forces, pour ce que les Turcs estoient grandement forts en nombre; & le mal estoit que les Tartares estoient entrez dans la Pologne, faisans des courtes entre Camigniez & le camp Royal, ayant lesdits Tartares intention d'empescher les viures aux Polonois

*Courtes des  
Tartares en  
Pologne.*



nois comme cela leur estoit facile.

Après le second & troisieme choc on attendoit en l'armee Polonoise le Roy de Pologne en personne avec le reste de la Noblesse du Royaume qui promettoit d'autres bien plus grands progresz.

Pendant cecy le Roy de Suede, qui auoit *Malice du Roy de Suede.* fuscité cette guerre au Roy d'Espagne, le voyant aux prises avec le Turc, luy fait pareillement la guerre par forme de diuertissement, se iette en la Liuonie, & pose le siege deuant les villes de Diamante & Riga: pour le secours desquelles places toute la Noblesse de la Lituanie & de la Liuonie s'est mise en armes iusques au nombre de vingt milles cheuaux.

Le Moscouite d'autre part bien qu'en ce *Moscouite en armes.* mesme temps il se trouuaist avec vne armee aux frontieres, ne faisoit pourtant aucun dommage au Polonois, & enquis du subiet de son armement respondit qu'il se tenoit là pour empescher que les Tartares ne l'attaquent: aussi ne croyoit on que le Moscouite tendist à faire quelque chose comme l'on doubtoit pour la recuperation de la ville de Smolensque.

D'autre costé le Turc ayant fait cōstruire vn pont sur le Danube pour faire passer six grosses pieces de batterie, les Polonois *Canon du Turc surpris.* luy ont rompu ledit pont, ont pris le canon ensemble tout l'attiral, cheuaux & hommes qui le conduisoient.

1621.

*Autre deffaitte  
du Turc par les  
Polonois.*

*Articles du  
traicté de paix  
entre le Polo-  
nois & le Turc.*

En fin le Roy de Pologne part le 17. Sep-  
tembre de Cracouie pour se rendre au  
Camp à Leopolis sur les frontieres du  
Royaume, & fort à propos se rendit-il en  
l'armée, il y trouua le Prince son fils enga-  
gé grandement au combat avec les enne-  
mis, au secours duquel il fit marcher toute  
son armée qui estoit en nombre de plus de  
deux cens milles hommes, le combat fut  
grandement opiniastre de part & d'autre,  
il fut commencé le trentiesme Septembre  
à dix heures du matin & finy à quatre heu-  
res du soir, les Turcs y ont receu vne de-  
route memorable; ils y perdirent plus de  
trente milles des leurs, presque tout leur ba-  
gage y demeura, trois Bachas furent faicts  
prisonniers, le Turc mesme y estant en per-  
sonne fut contraint de reculer de plus de  
dix grandes lieues & se voyant mal assuré  
du succez de ses affaires qu'il s'estoit pro-  
mis en ceste entreprise, apres la perte de  
plus de huitz vingts milles hommes en  
trois diuerses batailles, enuoya demander  
à traicter avec le Roy de Pologne, qui  
le receut fauorablement a la paix, & fu-  
rent accordez les articles qui suyuent.

1. Que tous prisonniers de guerre de part  
& d'autre seroient mis en pleine liberté  
sans rançon.

2. Que la ville de Cottin dans la Valachie  
demeureroit au Roy de Pologne, moyen-  
nant cinquante milles sequins payez an-

nuellement au Grand Seigneur.

1621.

3. Que directement ou indirectement ledit Grand Seigneur ne fauoriserait & ne presteroit aucun secours, ayde ny faueur à Bethleen Gabor contrel'Empereur.

4. Que les Tartares ne feroient plus à l'aduenir aucunes courses sur les terres & Estats de Pologne: comme aussi au preallable les Cosaques de Pologne ne feroient plus leurs courses ordinaires sur la mer noire.

Sur la conclusion de cette paix, le Grand Seigneur enuoya pour present au Roy de Pologne vn Elephant, & le Roy de Pologne vne belle piece d'artillerie.

On ne croit pas pourtant que cette paix soit de longue duree, pour ce qu'il est malaisé de retenir les Tartares de leurs courses ordinaires dans la Pologne, non plus que les Cosaques sur la mer noire, ioint qu'il reste encore quelques difficultez accrochans cette paix, qui pourroient bien sur ce renouveau, remettre leurs armées en Campagne.

Pendant le Roy de Pologne pour se vanger du Roy de Suede qui luy a voulu faire diuertissement pendant cette guerre, le poursuit aujour-d'huy en son propre pays.

Sur les nouuelles de cette paix arriuent aussi d'Espagne la nouuelle execution faite à Madrid de la personne de Roderic Cal-



1621.

*Histoire de Ro-  
deric Calderon  
qui est un ex-  
ple pour les fa-  
voris des Prin-  
ces.*

*3a fortune.*

deró l'un des fauoris du feu Roy Philippe 3.  
Dom Rodrigo estoit fils de François Cal-  
deron, lequel estoit soldat en Flandres, & de  
Marie Sandelin, de nation Allemande, &  
fut engendré auparauant le mariage, mais  
depuis il fut legitimé par celuy de son pere  
& mere: Il naquist en Anuers, entre le peu  
de richesses, & l'infortune la guerre, & ne se  
pouuoit douter de la sienne, puis qu'estant  
nouveau né, il fut enleué par dessus les mu-  
railles de la ville, pour ne scandaliser la repu-  
tation de sa mere, & fut donné en nourrice  
hors la ville: sa mere deceda peu de temps  
apres, & son pere estant vesue, quittât An-  
uers s'en alla à Valdoric d'où il estoit natif,  
issu d'honnestes parens, dont il en herita de  
quelques comoditez: peu de temps apres il  
se remarie: voyât son ieune enfât de sa grã-  
delet, & mal aymé de sa belle mere, il essaye  
de trouuer moyen de le placer pour passer  
sa vie. Il fit donc tant, par la faueur de ses  
intimes amis, qu'il fut le premier page du  
Vice-Chancelier d'Arragon, & en apres à  
cause sa beauté & gentillesse d'esprit il fut  
mis au seruice du Marquis de Denia, Dom  
François Gormez de Sandaual & Rosas, qui  
alors estoit Duc de Lerme, & reueré côme  
Viceroy de tout l'Espagne, & Seigneur de  
la plus grande priuâce du roy Philippe 3. le-  
quel est en gloire: mais pour la mesme cause  
de Dom Rodrigo, il est demis de toutes ses  
charges, & l'on pourchasse à present pour  
les faire mourir.

Dom Rodrigo deuint si grand à l'ombre de la puissance de son Maistre, gaignant les bonnes graces des Princes & Seigneurs d'Espagne, qu'il fut soustenu de deux fortunes & fit tant par ses prieres, reuerences & supplicatiōs, qu'il paruint à estre ayde de la garde-robbe Royale: Il succeda à l'Estat de Dom Pedro de Franqueya, Côte de Villalōga, Secretaire d'Estat, ayant en son seul maniemēt plusieurs papiers & escritures, lesquelles estoient du precedent entre les mains de diuerses personnes, ayant pour sō compte, l'expedition des plus grādes affaires de ce royaume: Il estoit doué d'un esprit fort prompt, bien entendu aux choses qui dependoient de la Republique: Il estoit d'une agreable taille, mais aussi fort presomp-tueux enuers ceux qui estoient en sa domination (qui estoient pour lors en grād nōbre) Il se maria avec la Comtesse d'Oliua: Il fut fait Cheualier de l'ordre de S. Iacques, *Ses Estats.* & quelque peu de temps apres, cōmandeur de Ocanna, puis Comte d'Oliua, tiltre lequel il passa en apres à son fils Dom François Calderon, premier nay de sa maison: Marquis de sept Eglises, & sa derniere qualite estoit d'estre Capitaine de la garde Alle-mande.

Neantmoins voyāt son père veufue pour la secōde fois, il tascha de le gorger du mesme suc de ses grādeurs, car comme aimé & fauory du Roy il luy fit obtenir l'ordre de

1621.

Cheualier de S. Iean, qui font comme les Cheualiers de Malte en France : en apres Cheualier de S. Iacques : Vicomte de Suegro, Estat qui ne se donne qu'à celuy en qui la Maiesté se fie le plus, & plus priué de sa personne : Il fut Lieutenant de la garde Allemande : & l'ordre de Majeur d'Arragon : en quoy il voulut limiter sa fortune, ainsi qu'un homme bien aduisé.

*La Renommée.*

La renommée de Rodrigue voloit par tout le pays, la familiarité qu'il auoit avec ledit Duc, & l'autorité & puissance qu'il auoit au Gouuernement le rendit si orgueilleux, qu'il franchit toutes les limites d'humilité, & estimoit à peu les Nobles du pays, & traictoit fort mal ceux qui estoient sous sa domination : Ses richesses & delicts marchioient de mesme : Il se faisoit porter vn grandissime respect, & bien souuent ceux qui tenoient le frein de la Iustice se tenoient tres-heureux d'estre à ses bones graces, & luy deferoient ce qui estoit de leur deuoir pour tousiours s'entretenir en icelles, & en ceste maniere de viure il commença à se faire hayr de plusieurs, & se mettre en mauuaise odeur du commun peuple.

Le reestablisement dudit Duc en sa maison, seruit derechef de butte aux calomnies du peuple, qui à haute voix l'accusoient de grands delicts, meurtres, faussetez & sorcelleries, & dessus tout d'auoir leué de grandes daces sur eux : ce qui luy occasionna de



se retirer de la Cour, & s'en alla à Valdoric avec vne frayeur de sa disgrâce, a cause qu'entre plusieurs informations qu'on faisoit pour lors de quelques Ministres d'Etat, la siennese trouua tres-meschante & digne de mort. Il fut quelque temps à Valdoric pour determiner ce qu'il deuoit faire à son infortune, & en conféra à vne Religieuse qui estoit en son Monastere de Porta Cely, & luy disoit qu'il vouloit euitier la furie d'un Roy offecé & courroucé. La sainte Religieuse luy dit que s'il se vouloit sauuer, qu'il attendist le succès de ses affaires, il l'entendoit du corps, elle entendoit de l'ame: Pendant ce temps il cacha chez ses amis, plusieurs papiers d'importance, ensemble or, argent & autres richesses, pensât que la rumeur du peuple se passeroit: mais il succeda vn effect tout contraire à son intention, d'autant qu'en vne nuit Dom Fernando Ramirez Farinas, Conseiller au Royal conseil, assisté d'hommes en armes, le vint prendre & le bailla en seure garde à Dom Francisco de Itazabal, Cheualier de l'ordre de S. Iacques, & le menerent au Chasteau de Montaches, & alors fut esleu pour ses luges Dom Francisco de Contreres, à present President de Castille, & Louys de Salcedo, & Dom Petro del Corral, Conseillers du supreme Conseil: Pendant lequel temps on descouurit plusieurs choses en diuers lieux à forcede mandemens & censures.

1621.  
Ses richesses.

Ses papiers.

Il fut fait inuentaie des biens meubles qu'il auoit audit Valladolid, où il se trouua vne richesse inestimable, outre plusieurs registres & papiers qui dōnoient tesmoignage de plusieurs faussetez en son compte: Quelques iours en apres, il fut changé de prison, & mené à Santercas, avec la mesme garde, & pour sa derniere, il fut amené à sō logis, & fut donné en garde és mains de D. Manuel Francisco de la Hinozosa Cheualier de l'ordre de S. Iacques, lequel l'assista audit logis iusqu'au iour de, sa mort: Deux coffres remplis d'escritures, qui furent trouuez chez vn sien parent, esclairent beaucoup d'affaires procedant aux informatiōs. Il fut mis à la question, où il endura tous les tourmens de la gesne, & la 2. fois il l'eust extraordinairemēt, laquelle il supportoit avec aurāt de cōstance & generosité cōme aupauāt: Toutes les ceremonies de Iustice furent obseruees avec tel droict & equité, que luy mesme en louioit grādement la procedure, & les Iuges en beaucoup d'occasions: Il ne sortoit hors de la chambre, qui estoit celle où il couchoit du precedent, petite & tres-obscure, c'est pourquoy il y auoit tousiours de la chandelle & n'entroit en icelle que deux gardes de porte, qui se changeoient à certaines heures, & vn siē seruiteur, auquel n'estoit permis de sortir, qui luy donnoit ce qui luy estoit necessaire: Le reste des gardes estoient dehors, au nombre de

dixhuiet hommes, sans lesquels iamaïs ne s'ouuroit la porte: on luy donnoit à manger tout ce qu'il desiroit, aucune personne de qualité ne parla à luy, iusques à ce que la sentence fut donnée sinon les Procureurs, Aduocats & son Confesseur, nō toutesfois sans la presence de ceux de sa garde. La plus grande partie du temps il estoit au liect, qui fut cause qu'estant assailly d'une goutte difficilement pouuoit-il marcher sans l'ayde d'un baston, pour aller à costé d'icelle, où estoit construit vn petit Oratoire fait expres pour luy faire entendre la sainte Messe assisté tousiours de sa garde.

Le neufiesme de Iuillet, luy fut notifié deux sentences, l'une pour les fautes qu'il auoit commises contre le Ciuil, & l'autre à cause du crime de leze Maïesté, par icellē liberté luy fust donnée, parce que le Procureur Fiscal qu'il auoit accusé complice de la mort de Dame Marguerite d'Austricher oyne d'Espagne, ne peut en faire preuve valable: pour les assassins de Dom Alphonso de Carauaial, Reuerend pere Christofle Suarez de la Compagnie de Iesus: Pedro Cauallero, & Pedro del Camino: mais pour l'emprisonnemēt & mort d'Augustin de Auilla, viuant Sergent en la cour, & tout ce qui se passa en sa mort, & mesme pour auoir commis & fait faire l'assassinat contre la personne de Francisco de Xuara, par les mains d'un Sergent de compagnie

*Ses delicts.*

*Cas à luy im-  
posez.*



nommé Iuan de Gusman, & pour auoir im-  
petré de sa M. (lequel est en gloire) remis-  
sion de ses delits par faussetez & mélanges,  
fut condané que de la prison où il estoit, il  
seroit mené sur vne mule sellee & bridee  
(qui est l'ordre de mener les Criminels de  
qualité, car les autres on les meine sur des  
asnes) avec vn crieur lequel publieroit ses  
fautes, & de ceste sorte seroit mené par les  
ruës accoustumées de la ville, & conduit au  
lieu patibulaire, auquel lieu il seroit pour  
cet effect dressé vn theatre, & que sur ice-  
luy il seroit egorgé (qui est la maniere cō-  
me sont punis les Criminels de qualité, car  
on ne decolle par derriere que les traistres)  
Et par sa sentence Ciuile, laquelle l'on dit  
contenir deux cens quarante quatre delits,  
a esté condamné à vn milion deux cens cin-  
quante mil ducats, & pour Chapitre final  
où fut remis beaucoup d'offences touchât  
ledit Ciuil, a esté condamné à tous & tels  
Offices, tiltres, dons, & choses qu'il pos-  
sedoit, & en tout son vaillant sans faire mé-  
tion de ses enfans qui sont deux masles, &  
tout cecy il entendit avec vne grande gene-  
rosité de cœur, se remettant entre les mains  
de Dieu. Pour le diffinitif de la sentence, &  
pour estre bié examinée fut nommé dauanta-  
ge de Iuges que cy dessus, desquels Dō Ro-  
drigo en recusa quelques vns, & à cause d'i-  
celle recusatio en fut nommé d'autres, il fut  
déclaré ignoble, parquoy il fut condam-

né à douze mil maravedis, qui est vne amende que doinent les Criminels de qualité. Et pour n'auoir les Iuges aprouué le consentement de la mort de la Royne, quelques iours apres les Aduocats & Procureurs appellerent que la sentence ne s'executast, parce que la loy du pays ne permet d'executer les sentences criminelles le mesme iour, ains les laissent quelque espace de temps pour auoir recognoissance de leurs fautes. Si tost qu'icelle sentence luy fust notifiée, l'on donna permission à tous Religieux de le visiter & le disposer de se resoudre à la mort, ce que voyant s'y resolt: il diminuë donc son manger, ne dort en liët, & se regle du tout à penitence & disciplines: il passoit les iours à plorer ses pechez & offéces, & les nuitës à oraison, demandant pardon à Dieu: Sa penitence estoit si grande, que par plusieurs fois Frere Gabriel du S. Esprit Religieux de l'ordre des Carmes (exemple de toute Religion) lequel l'assistoit iournellement, le reprint d'vne si grande cruauté qu'il vsoit sur son corps, tant en ieufnes, disciplines, mortifications de chair, comme d'Oraisons & repentance de ses pechez, & outre plus vne grâce patience de ses maux lesquels il representoit à Dieu pour la diminution de tous ses pechez: Pendant ce temps il se confessa & communia par plusieurs fois, non iamais sans auoir les yeux baignant en pleurs.

*Les Religieux  
le visitent.*

1621.

*Sa disposition à  
la mort.*

Il luy fut signifié le Mardy au matin dix-neufiesme d'Octobre, qu'il eust à faire testament de deux milles ducats, & qu'il se disposast pour souffrir la mort dans trois iours consecutifs: Il donna mille embrassemens à celuy qui luy apporta ceste nouuelle, le remerciant du bon-heur qu'il luy apportoit, pour sortir si promptement d'une si miserable vie, & pour voir la fin de ses travaux: De rechef il impetra tres affectueusement la misericorde de Dieu, disposa aussi de son ame au mieux qu'il luy fut possible, s'apprestant comme bon Chrestien à la dernière heure: le iour venu il ne cessa de se discipliner, sans prendre aucune refection, pleurant tousiours ses fautes devant vn Crucifix, & vne Image de la sainte Mere Therese de Iesus, auquel il auoit vne singuliere deuotion, il pria que l'on luy portast deuant luy iusques à la mort.

*L'Ordre de  
Cheualier luy  
est osté.*

Le Mercredy de releuee par vn decret du Conseil des Ordres, vn Religieux, & vn Cheualier de S. Iacques luy allerent arracher l'Ordre dudit S. Iacques, acte lequel il regretta grandement, & neantmoins le laissa prendre avec vne grande patience, toutesfois il dit qu'il eust bien desiré mourir avec ledit Ordre, & que iamais on ne l'auoit osté à ceux qui auoient commis de pareils crimes.

Il fut publié par la ville & enioint à tous Sergens Royaux, & à tous ceux de la Cour



de monter à cheual & se trouuer le Ieu-  
dy à la place publique: A icelle heure ladite  
place se trouua vuide de plusieurs estals qui  
y estoient, à cause qu'en ce lieu on y vend  
les fruiçts, & n'y auoit rien qu'un eschaf-  
faut haut, grand & large & au milieu vne  
chasse de bois couuerte de noir, qui par  
apres fut descouuerte, pour éuiter l'esmo-  
tion du peuple lequel en murmuroit, & ne  
vouloit que on luy fist tant d'honneur.  
En ladite place & par toutes les ruës où il  
deuoit passer il se trouua si grande quantité  
de peuple, que c'estoit chose impossible de  
le pouuoir nombrer.

A vnze heures & demie du matin, estoient  
attendant à la porte du logis de Dom Ro-  
drigo les Croix des deux confrairies qui or-  
dinairement accompagnent toutes person-  
nes quel'on execute, & plus de soixante &  
dix sergens à cheual. Il descend donc en bas  
accompagné de 4. Religieux Cordeliers,  
4. de la Trinité, 4. Augustins, 4. Carmes,  
& 4. penitents des Carmes, & auoit vestu  
vne robe de dueil, & chapperon en forme  
de babelou, le tout de baguette avec la fa-  
ce descouuerte laquelle il monstra assez ve-  
nérable & de bonne presence, les cheueux  
iusques sur les espaules d'autant que (de-  
puis le temps qu'il auoit esté prisonnier il  
ne s'estoit fait couper son poil) & la barbe  
iusques à l'estomach.

Auant que monter sur la mulle laquelle

1621.

l'attendoit caparaçonnée, & couuerte d'un  
houffe de baguette noire, il fit le signe de la  
Croix par deux fois & print vn Crucifix en  
sa main & d'un grand courage se mit le cha-  
peron pour n'auoir le visage decouvert,  
& baïloit fort souuent le Crucifix, & au-  
parauant que sortir de la maïso fit autre signe  
de la Croix, & sortit de sa porte assisté à ses  
costez de 2. Sergés & deuant luy marchoiēt  
les Croix & Bannieres des deux Cōfrairies:  
en sortant à la ruë ietta ses yeux par tout &  
contempla la grande quantité de populace  
qui l'attendoit, & iettant sa veuë au Ciel  
fut de cette sorte l'espace de deux Credo,  
& reiectant ses yeux sur le Crucifix iamais  
ne les leua iusques à estre arriué à l'eschaf-  
faut: son Confesseur luy donnoit courage  
& luy respondit: mon Pere allons à la bon-  
ne heure, car ie ne manque de courage à  
souffrir la mort, d'autant que mon Sau-  
ueur Iesus Christ l'a enduree pour moy  
plus honteusement: Allons donc au nom  
de Dieu puis que sa Maïesté le veut, ie vay  
tres content accomplir sa volonté, & pa-  
yer les excez de mes enormes pechez & of-  
fences: Puis reiectant les yeux sur le Cru-  
cifix le baisant en commemoration de ce-  
luy qui nous à rachetez, luy demanda par-  
don & misericorde: l'executeur des hau-  
tes sentences criminelles luy menoit luy  
même sa mule par la bride, estant l'ordre  
& la coustume dudit pais quand c'est quel-

que homme de qualité, qui a acquis quelque supreme degré, ainsi que cestuy. cy auoit, & commençant à marcher ce funebre arroy (bien que la multitude du peuple les empeschast assez) le crieur public à son accoustumee commença à s'escrier tout haut, a prononcer sa sentence avec les crimes qu'il auoit miserablement commis, disant ainsi,

*Lecture de son  
Iugement.*

*Voicy la iustice que fait faire le Roy nostre sire, à cet homme pour en auoir fait massacrer miserablement un autre, commettant delius d'assassinat & auoir esté coupable en la mort de plusieurs personnes de remarque, ioint pour auoir commis plusieurs & diuerses offences lesquelles ne doiuent estre declarees & sont reservees en secret dans le procès, pour lesquelles il est condamné a estre egorgé pour son chastiment, afin qu'il puisse seruir d'exemple à ceux qui commettront un tel excez, qui tel fera ainsi le payera.*

Il arriua à l'eschaffaut, le Pere maistre Frere Gregoire de Pedrosa de l'ordre de Saint Hierosme Predicateur de sa Maiesté & grand amy de Dom Rodrigo, il monta premierement tous les Religieux & luy avec quelques vns se descouuit du chaperon & monstra son visage encor avec la mesme grauité seigneuriale, il fut quelque temps à parler audit pere Pedrosa sur les bras de la chaire pendant que tous les Religieux estoient a genoux



*sa mort.*

& luy faisoient la priere & recommandation de son ame, il se reconcilia de rechef, & avec vn grand courage print cōgé de tous, & s'est assis dans la chaire donnant permission à l'executeur afin qu'il luy liaist les bras, pieds, & le corps, & luy mesme denoüa les cordons de sa fraise, ce que apres l'executeur luy osta tout a fait luy demandant pardon. Dom Rodrigo l'embrassa & approcha par deux fois sa iouë aupres de la sienne & luy donna, luy disant qu'il estoit son plus grand amy & se descourant fort bien la gorge pour recevoir le coup: de rechef il s'offrit à Dieu, adorant le Crucifix avec vne douleur amere & repentance de ses pechez, pendant quel'executeur luy accommoda vn bandeau de tafetas deuant ses yeux, & luy renuersant la teste sur le docier de la chaise luy couppa la gorge; rendant en vn mesme instant l'ame à son Createur, sans que le corps fit aucun mouuement, ce qui encourageoit tous les assistans à faire prieres & oraisons pour luy; ce que firent aussi les Religieux, & ne se peut nombrer les cris & les lamentations du peuple, de voir vn si horrible spectacle, considerant les deux extrêmes degrez où la fortune l'auoit reduit.

Incontinent apres le corps fut deslié & mis sur vne bayette noire, deux carreaux de dueil estoient sur l'eschaffaut, qui serui-  
rent à cet effet, son visage ne fut couuert.  
mais

mais tout le reste de son corps le fut de la  
meisme estoffe qui fut mise dessous luy : vn  
Crucifix fut mis dessus son estomach, & 4.  
flâbeaux furent mis à ses costez, plusieurs  
Officiers de la Iustice y faisoient vne soigneu-  
se garde: & tout incontinent il fut publié à  
son de trôpe de n'éleuer cedit corps sur pei-  
ne de la vie, iusques à ce que le sieur Presi-  
dent en eust ordonné: Il fust veu & visité de  
plusieurs personnes pour voir s'il estoit mort  
entierement, & estoient au pres de luy grâde  
quantité de Prestres & de religieux, lesquels  
par grande deuotion faisoient à Dieu prie-  
res & Oraisons pour son ame: Sur le soir il  
fut donné permissiõ de l'enterrer, où ils as-  
sembla tres grande quantité du Clergé &  
Religieux avec des flambeaux, dont on se  
sert en ce pays au lieu de torches, & s'ap-  
prestoit-on à faire de grâdes solénitez pour l'é-  
terremét d'vn tel persónage, tel qu'il estoit,  
mais il vint vn cõmandement & defféce que  
aucun ne l'eut à l'assister audit enterremét,  
& ne fust permis à aucune persónne de le des-  
cendre pour l'enseuelir honorablemēt, & fut  
enseuely par les 2. fêmes qui ordinairement  
enseuelissent les criminels: Ses vestemens  
furent deliurez à l'executeur par les Offi-  
ciers de la Iustice: Il fut despoüillé deuant  
tout le peuple, ie ne scay cõur si dur qui  
n'en eust eu pitié: Par dessus vne tunique  
blâche, il luy fut mis la robe d'vn Cordelier,

*Son corps mis  
en garde.*

*Appareil de ses  
funerailles.*

1621.

*Sur Sepulture.*

parce que c'est la coustume du pays, que lors qu'on enseuelist vne personne, s'il a deuotiõ à quelque Religio, on luy met vne robbe deldits Religieux avec luy: Il ne fut mis dans vn coffre, ains dans la mesme bierre de la paroisse, & fut couuert avec la mesme bayette noire, & porté sur les espaules par les six freres d'Anton Martin, qui sont ceux qui portent les executez: deux Croix des Confraires de la paix & de misericordel'accompagnerent, six pauures avec six flambeaux, & 4. Prestres de la paroisse, & le porterent sans qu'on sonnast aucune cloche au Monastere des Carmes penitens, où il requist estre inhumé au Capitoire: Ces bons peres auoient tendu leur Eglise de noir, & disent pour luy plusieurs Messes & autres prieres. Le despouillant de ses vestemens, il fut trouué vne tres-aspre haire: l'acte de la contrition (qui est vne Image de nostre Seigneur portant sa Croix) luy fut trouué sur son estomach, vn chapelet de bois en sa pochette, & tout son corps meurtry & deschiré des grandes disciplines qu'il s'estoit données, d'estre à genoux continuellement il en auoit de grandes playes: Dieu permist qu'il fut despouillé en public, afin que sa penitence fust recogneüe & manifestee.

Mandement & execution fut donné contre Dom Rodrigo pour deux cens soixante & 12. millions, cent soixante & 2. mil 9. cens



soxante & quatre maravedis qui valent en France 887066. escus, aux condamnations pecuniaires, les ioyaux & meubles de sa maison appliquez à sa Maiesté, qui ont esté appreciez à cent quatre vingt mil ducats, qui valent 165000. escus.

Il estoit Marquis de 7. Eglises, Côte de la Oliua, Cōmandeur de Ocāno en l'Ordre de S. Iacques, Capitaine de sa garde Allemande, Concierge de la maison d'Arragō, Grefrier en la Chancellerie de Valladolid, Thresorier des ouurages de ladite ville, grand Preuost, & Sergent Mayeur, Concierge de la prison Royale, & auoit deux Regimēts, avec voix & place au Conseil & en la premiere antiquité: Il estoit grand Courrier de ladite ville, & auoit vn maravedy de chacune Bulle de la croisade, qui s'imprime à Valladolid, qui se monte à plus de six mil ducats de rente, qui valent monnoye de France 5500. escus, aucune personne ne peut demeurer en Espagne sans auoir la Bulle: Il auoit sa chambre perpetuelle aux Comedies de Valladolid, & vne autre à la Cour de la Orix, il estoit President de Soria qui vaut autant qu'Escheuin, ayant voix au Conseil & assemblees: Depositaire general de Placēça, & escriuain aux assemblees: Gardiē & Patrō du Monastere de Portacely en Valladolid: Il auoit aussi 2. regimens en la Cité de Plasēcia, Il estoit Gardiē de la Chapelle Royale du Monastere de la Trinité

MMMm ij

*Ses qualitez & grands.*

1621.

en Madrid, ses meubles furent prizez à 4. cens mil ducats, qui valent 366666. escus. Il auoit la moitié du Busio qu'on apporte des Indes: il auoit le droict du bois de Bresil qui vient à Lisbonne, qui luy valloit 11000 escus de rente, & le Roy luy auoit donné que nul ne pouuoit traicter aux Indes, en meules de moulin & d'estmouleur, queluy, qui luy valloit grand reuenu. Il s'est trouué pour certain que chacun an il entroit en sa maison plus de deux cens mil ducats de rente, qui seroit 183333. escus de rente, sans les particulieres richesses, qu'il est impossible de nombrer.

Son pere & sa femme, avec deux fils & deux filles, s'exempterent de la ville deux iours auant son execution, apres auoir fait de grandes diligences pour luy sauuer la vie, & auoir ietté plusieurs larmes: & tient on qu'ils se sont retirez à Oliua, qui est ce que l'on peut raconter à la verité de ceste presente histoire.

Bethleen Gabor, auquel ce traicté de paix entre le Polonois & le Turc ne pouuoit estre agreable, se void à faute de secours de la part du grand Seigneur forcé d'entrer en cōference avec l'Empereur: elle est assignee à Niclesbourg, il y enuoye ses commissaires, l'Empereur y enuoye les siens, elle s'ouure des le mois d'Octobre & continue iusques à la fin de l'annee; elle est souuentefois interrompue & souuentefois remise sus.

Pendant que l'on traicte des affaires de

*Assemblée de  
Niclesbourg.*

Hongrie, Tabor qui tenoit encore en Bohême pour le Comte de Mansfeld, s'est rendu à Dom Balthazar de Maradas Lieutenant de l'Empereur, ceux de dedans ont donné cét milles florins pour se sauuer du pillage & pour le reste se sôt du tout remis à la volôté & discretion de sa M. Imperiale pour chassier ou pardonner à ceux qu'il luy plaira.

Sur le cōmencement de Nouëbre les Ambassadeurs du Duc de Vvirtéberg sôt allez à Viëne respōdre de l'Empereur pour les chiefs qu'il tiët du S. Empire: ceux du marquis de Badès y sôt aussi rédus au mesme tēps: mais ils ont esté rēuoyez mal cōtens, ce qui le cōtraindra d'auoir recours aux armes pour se maintenir cōtre les enfādu Marquis eduard, qui le pressët pour r'êtrer en leur possēssio.

En fin la paix se cōclud le dernier iour de l'ānee 1621 avec les Hōgrois, & fut aussi tost publiee en Morauie & Hongrie, de laquelle le Seigneur Esterhafi Hongrois porta puis apres la ratification à Nikelbourg & traita avec les Cōmissaires: apres quoy les hommages &, sermens se doiuent faire en Hongrie sous les conditions suyuantes.

1. Que les frontieres de Raab & Gōmora seront gardees par les Hongrois.
2. Que la Couronne d'Hongrie avec tous les ornemens Royaux en dependans sera rapportee & gardeë à Presbourg.
3. Quel'on pardonnera à tous ceux qui ont porté les armes contre sa M. Imperiale.

MMMm iij

1621.

*Reduction de  
Tabor en Bo-  
hème à l'Em-  
pereur.*

*Paix en Hon-  
grie.*

*Articles de la  
paix avec Beth-  
leen Gabor.*



1621.

4 Que la Seigneurie de Mohathih qui appartient au sieur Esterhasi demeurera à Bethleen Gabor sa vie durât, & aura Esterhasi la Comté & Seigneurie de Forstenstain en contreschange.

5 Que Bethleen Gabor residera à Cassouie en qualité de Gouverneur pour l'Empereur, & aura 5. cōpagnies entretenues lesquelles presteroût sermēt à la M. Imperiale, mais ledit Bethleen en tirera les emolumēs, & au surplus aura tous les ans 56000. florins de pension.

6 Que les Iesuites ne possederōt aucuns biēs & n'aurōt aucū College en Hōgrie, iusques à ce qu'il en ait esté autrement ordōné à l'assemblée des Estats du Royaume, attendant quoy sera loisible aux Catholiques de les tenir en leur chasteaux & maisons pour prescher & confesser.

Quant au Marquis de Iagerendoff il a obtenu son pardon de l'Empereur, & deuoit estre conduit en assurance iusques à la frontière de son Marquisat, & ses troupes licenties, Mais pour le Comte de la Tour & autres rebelles ils ne sōt cōpris audit traité.

*Pardon au  
Marquis de la-  
gerendoff & au  
Prince d'An-  
halt.*

Au mesme temps aussi les Ambassadeurs du Prince d'Anhalt sōnt allez à Vienne reprendre de l'Empereur tous les fiefs qu'il tient du S. Empire, tant en son nom que de toute sa maison : & ainsi peu à peu presque tous les Princes Protetans se reduisent à l'obeissance de l'Empereur.

Sur la certitude de cette susdite paix en Hongrie on à tire le canon en plusieurs villes du Royaume: mais la publication en est encore différée d'autant que Bethleen Gabor par le traité obtenu qu'elle ne sera faite que trois semaines apres la conclusion & ratification d'icelle, afin d'en aduertir le Turc & faire rebrousser chemin à vingt milles Tartares qu'il luy enuoyoit contre sa M. Imperiale au preiudice du traité de Pologne; comme aussi pareillemēt l'Empereur par iceluy doit faire rebrousser chemin au secours de Pologne qui marchoit pour son seruice.

*Publication de  
la paix différée*

L'Empereur nonobstāt toutes sortes d'affaires n'a pas laissé d'entendre à son Mariage avec la Princesse de Mantouë.

Le 11 Iāuier dernier arriuerēt à Viēne le Cardinal de Distrithein & le Baron de Nachel. Le Seigneur Stanislaus Sturzo avec autres Seigneurs suiuis de grand nombre de Noblesse arriuerēt par-apres pour assister sa M. Imperiale au voyage d'Insbrurg où elle va pour y receuoir ladite Dame Princesse de Mantouë son espouse.

*Mariage de  
l'Empereur  
avec la Prin-  
cesse de Man-  
touë.*

Sadite M. partit de Viēne a cet effet le 20. Iāuier & les solemnitez de leurs nopcesse sont faites durant les iours gras avec grandes ceremonies, triumphes, resiouissances & magnificences.

L'Empereur à resolu apres la celebrite de son dit mariage audit Insbrurg de passer

MMMiiiij

1622.

*Diette de Ratisbonne.*

outré à Ratisbonne pour se trouuer en personne à la Diette Electoralé, laquelle sera aussi suiuié d'une resolution qu'on y prendra pour resoudre vne Diette generale des Estats del'Empire.

Ce pendant le Prince Liechtéstein grãd Gouverneur de Boheme a pris par admodiation de sa Maiesté Imperiale les monnoyes de la Boheme, Autriche & Morauie afin de trouuer moyens de payer toutes les troupes qu'on à desia commencé de licentier, horsmis deux Regiments d'infanterie & vn Regiment de cauallerie sous la cõduite & charge des principaux Seigneurs & capitaines, ledit sieur Prince de Liechtéstein ayant trouué expedient de recouurer six millions d'or, tant pour le licentierement fusdit qu'autres plus vrgentes affaires de sa Maiesté Imperiale.

Au bas Palatinat les secours du Palatin en ont esté chassés par les sieurs de Tilly & Dó Gouzales de Cordüa.

L'Euesque de Halberstat qui faict mine de tenir pour luy, à deux milles cheuaux & quatre milles hommes de pied, il a faict cy deuant des grandes courses ez terres del'Electeur de Mayence, & pille maintenant celles de son Collecteur de Cologne: si tost qu'il reçoit vn liard de contribution il l'employe pour faire leuees: il a deliuré commissions pour faire trois Regimens.

Il a fait battre vn iour entier la ville de

*Ranages de  
l'Euesque d'Hal-  
berstat ex. E-  
ueschez de Ma-  
yence & Colo-  
gne.*



Zoest, apres quoy elle s'est renduë à luy. Du depuis il a pris V Veeche & Arnsberg ville capitale du Duché d'Angarie, dependant de l'Archeuesché de Cologne: il à fait contribuer Munster & Paderbon, & tient ainsi tout le pays en allarme, mais on est sur les points de luy courir sus & le chasser de tout le traict du Rhin.

Cependant nouvelles certaines sont venues que le Comte de Mansfeld, qui par cy-deuant faisoit le Maistre en l'Alsace, assiegeoit places, villes, brusloit & pilloit bourgs & villages, est aujourd'huy reduit à la deffensive, & cōtraint de se renfermer dans Haguenavy & Stollhof places qu'il a prises & qu'il fortifie promptement pour ce que l'Archiduc Leopold est arriué en Alsace avec vne armée de dix milles hommes de pied & deux milles cheuaux la pluspart Bourguignons: sous la conduite du vieil Capitaine Gaucher, & augmente de iour à autre.

*Arrivée del'armée del'Archiduc Leopold en Alsace contre Mansfeld.*

Voilà les choses plus certaines que i'ay peu apprendre des affaires d'Allemagne, iusques à présent, lesquelles j'ay abbregees & choisies pour plus generalles & curieuses, esperant dans quelques mois donner au public l'entiere & generale hystoire de tout ce qui s'est passé en l'Empire depuis la rebellion de Boheme, iusques à présent, Dieu aydant.

Il faut aussi sçauoir que le trouble des

1622.

Grisons pour le fait de la Valtoline à mis quelque petite allarme entre les Princes & États voisins, les forts que les Espagnols & Milannois y ont fait construire pour s'en assurer ont donné de la jalousie aux Suisses & Cantons Protestans : Venise qui avoit un notable interest de ce que cette vallee estoit occupée par le Gouverneur de Milan, à cause de son alliance avec les ligués Grises, enuoye ses Ambassadeurs de tous costez pour porter les Princes & États voisins à l'armement & reconquerir cette Vallee sur les Milannois. Les Suisses & Grisons Protestans faisoient pareille instance, & le Duc de l'Escliguières sembloit estre disposé à leur prester secours à cest effect : mais les troubles de la France, ont empesché ce dessein : Et cependant l'Archiduc Leopolde, qui est entré en ladite Vallee du costé du Tyrol, s'est saisi de Coire, où il n'a trouué aucune sorte de resistance, & les Milannois de Chauenne d'où ils ont chassé les Grisons & autres garnisons Protestantes des Suisses, & ont establi pour Gouverneur general de la Valtoline le seigneur Pianta Chef & autheur de la rebellion excitée en icelle :

Du depuis s'est ensuiuyve une forme de traité pour contenter lesdits Grisons : les Catholiques ont pris pour protecteur le Gouverneur de Milan contre les Protestans en cas de guerre : les ligués Catholiques ont fait

alliance avec les ligues Protestâtes moyen-  
nant laquelle la liberté de cōscience y est per-  
mise; mais les forts que les Milannois y ont  
bastis demeureront pour l'assurance & cōser-  
uation desdits Catholiques, de maniere que  
les Grisons par cecy sont reestablis en ladite  
Vallee, l'Euesque de Coire reestably en son  
siege à Coire; les alliâces ainsi faites, s'as-  
preudicier à l'alliance de France, ainsi quel'on  
escriit, mais pour celle de Venise, elle est vn  
peu mise en arriere, par ce changement.

Retournans aux Paysbas, nous y verrons  
l'extremité du siege de Iulliers; les assie-  
gez n'ont plus de farines, ny chair de chien  
ny de cheual qu'ils ont esté contrains de  
manger.

Le 20. Iannier dernier sortirent dudit Iul-  
liers deux Capitaines pour proposer quel-  
que accord avec le Comte Henry Vanden  
de Berghe, & promirét de se rendre s'ils n'e-  
stoient secourus dans le 3. Feurier ensuiuant:  
en consequence & assurance de quoy, ils lais-  
serent des ostages: & enuoyerent au Prince  
d'Orange les articles de l'accord, le iour de  
la conuersion de S. Paul 25. Iannier: le fils  
dudit Comte Henry fut enuoyé à Bruxelles  
pour le communiquer à l'Infante.

*Reduction de  
Iulliers à l'o-  
beyssance de  
l'infante.*

Ce traicté ayant esté porté audit Prince  
d'Orange & aux Estats de Hollande, & voyâs  
qu'il leur estoit impossible de secourir la  
dite ville de Iulliers, ny d'empescher la  
reductiō de la place, forcés à cause de la ne-



1622.

cessité des viures qui auoient manqué, veu le nombre des habitans & de la garnison qui y estoit, & qu'd'y ietter vn secours & des viures, il estoit hors d'apparence, à cause que le Marquis Spinola avec sa puissante armée s'estoit campé au deuant & auoit ia empesché celuy qui s'y conduisoit: pour ces considerations ils ont esté contrains de laisser & abandonner Iulliers à la discretion de la garnison qui estoit dedans: qui suyuant l'accord qu'ils auoient fait avec ledit Comte Henry de Berghe le 20. Ianuier dernier, rendirent la ville & la Citadelle de Iulliers le troisieme iour de Feurier ensuiuant, aux conditions qui suivent.

*Articles de la capitulation.*

1. Que les garnisons que les Estats de Hollande tenoient là dedans, vuideroient & fortiroient de la place, comme aussi de la Citadelle où ils commandoient.

2. Que selon la capitulation qui a esté accordée de part & d'autre, & communiquée mesme au Prince d'Orange, lesdites garnisons par eux tenues dans lesdits lieux, fortiroient armes & bagages sauues, la mesche allumee, balle en bouche & tambour battant.

Que pour monstrier qu'ils ne sortoient en vaincus, mais comme personnes abandonnez de secours, & de viures: ils fortiroient avec vn canon pour la conseruation de leur honneur, car ils en laissent encore

plus de trente six dans la place & dans la Citadelle, tous de fonte.

1622.

Ce qui a esté executé le troisieme iour de Feurier dernier sur l'heure de midy & sont sortis enuiron quinze cens hommes d'Infanterie, & quatre à cinq cens cheuaux selon les articles proposez en la capitulation que dessus & y est entré ledit sieur Cōte Henry de Bergh en personne, avec quatre milles soldats de garnison & force munitions de viures & de guerre.

Du depuis le Marquis de Spinola y est arriué en personne qui a ordonné de l'assurance de la place & de la garnison, nouuelle qui y a esté establie.

Et de là est retourné à Bruxelles, où se font des preparatifs extraordinaires pour les funerailles de l'Archiduc Albert au 12. Mars ensuiuant.

Du costé d'Angleterre il y a nouuelles certaines de l'alliance d'Espagne avec l'Angleterre, par le mariage du Prince fils du Roy de la Grande Bretagne avecques l'Infante seconde fille d'Espagne.

*Alliance entre  
l'Espagne &  
l'Angleterre.*

Ce mariage fut traité à Rome à la Requête de sa Maieité Catholique : pour aduiser des moyens de le pouuoir accomplir sans preiudice de la Religion Catholique, sa Saincteté commit quatre Cardinaux pour en resoudre comme ils ont fait.

*Traictée à Rome.*

1622.

On tient que les conditions sont.

1. La liberté de conscience à la maison de la Royne en Angleterre.
2. Permission aux maisons particulieres des Seigneurs Catholiques Anglois de faire dire la Messe, où pourront librement assister les Catholiques.
3. Que les enfans procreez de ce mariage futur seront habilles à succeder à la Couronne d'Angleterre.
4. Qu'ils seront instruits en la Religion Catholique iusques à l'aage de discretion & alors pourront y persister selon qu'ils trouueront bon.

Cette alliâce ne s'est point cōmancée que les Estats d'Angleterre n'ayent employé toute sorte d'artifice pour en empêcher l'accomplissement. Le Roy Serenissime s'est asseuré des ports & places fortes du Royaume, & en a changé les Gouverneurs & Capitaines à sa volonté, pour empêcher les mauuais desseins de quelques factieux de son peuple.

*Resolution du  
Roy de la Grã-  
de Brétagne  
contre ses  
Estats.*

Quand le Parlement inferieur de Londres luy en a fait parler pour diuertir sa resolution, il a respondu, qu'il falloit resolutement que cette alliance se fit, qu'il n'estoit pas de moindre condition que les autres Princes ny mesme que son peuple, qui marient leurs enfans à qui bon leur semble, qu'il s'estoit engagé de parolle au Roy d'Espagne, esperant que par le moyen de



ce mariage il restablirait son Gendre le Prince Palatin dedans ses pays hereditaires, mais que pour la Couronne de Bohême, il ne vouloit aucunement s'en mesler, laissant l'assistance & secours à ceux qui luy auoient donné ce mauuais Conseil.

*FIN.*



*Extraict du Priuilege du Roy.*

**P**Ar grace & priuilege du Roy, il est permis à Iean Petit-pas, Marchand Libraire & Imprimeur en l'Vniuersité de Paris, d'imprimer ou faire imprimer vn liure intitulé : *l'Histoire generale de la Rebellion de France & pays Estrangers és années 1620. 21. & 22.* Et faisant defences tres expressees à tous Libraires & Imprimeurs, & autres de nos subiets de quelque qualité où condition qu'ils soient, d'imprimer ou faire imprimer ledit liure, le vendre, debiter, ny distribuer par nostre Royaume durant le temps de dix ans, sur peine aux contreuenans de mille liures d'amende, applicable moitié à nous, & l'autre moitié audit suppliant, confiscation d'iceux despens dommages & interets, comme plus appert és lettres de Priuilege. Donné à Paris le cinquiesme Mars 1622. & de nostre regne le douziesme.

Par le Roy en son Conseil.


Signé

RENOVARD.

Et scelé du grand seau de cire jaune.

E622  
m2517  
1





7 L 1011 les cinq volumes  
en lib. G. de L. S.

2998 (Mallinre, C.), Histoire de nostre temps, ez années 1620-1626, on se voyent, ce qui s'est passé en France, Allemagne, Turquie, Espagne, Indes Occidentales... et de tout ce qui s'est passé en Espagne et Bresil entre les Portugais et Hollandois. 5 vols avec planches. Paris 1622-26. Veau.  
L'une des planches represente: Ordre de la prise de la Baye de tous les Saints et de la ville de S. Sauveur au Bresil par les Hollandois.

